




四庫全書存目叢書編纂委員會編

齊魯書社

# 四庫全書存目叢書

集部  
第一三九冊





責任編輯：孫言誠 賀 偉

ISBN 7-5333-0615-5



EB43/01

# 四庫全書存目叢書·集部一三九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 49.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第一三九冊目次

## 集部·別集類

### 二酉園文集十四卷詩集十二卷續集二十三卷

〔明〕陳文燭撰

文集南京圖書館藏明天啓三年陳之遴重刻本詩集北京圖書館藏

明天啓三年陳之遴重刻本續集北京大學圖書館藏明萬曆刻本

### 新刻楊端潔公文集二十卷(一)

〔明〕楊時喬撰

山西省祁縣圖書館藏明天啓楊聞中刻本

二酉園文集十四卷詩集十

二卷續集二十三卷

〔明〕陳文燭撰

文集南京圖書館藏明天啓三年陳之

蓮重刻本詩集北京圖書館藏明天

啓三年陳之蓮重刻本續集北京大

學圖書館藏明萬曆刻本

附《四庫全書總目·二酉園詩

集十二卷文集十四卷續集二

十三卷》提要

二酉園集序

君善從玉粹受

室多藏書諸玉粹所稱著

君善牛業篋而之新都子

白榆社成挾英而抵不佞吾

留早服重裘與雲百千萬言致

以時錯綜或以地匪別故必齊

以體要而後可觀其會通合則

千金之裘離則一狐之腋也其

或率然汎應殆非極思衷而空

之則惟長者郡大夫故自山陽

事玉粹申之以司理之言具精

鳩工以待泥堯不佞習玉牒蓋  
三世通家。生得玉牒所為文。當  
占元美中分序之矣。乃今更為  
宰相。其何敢方。則自社中召而  
授之部署。其一潘之恒。職編  
次。其一黃正祖。職校讐。不暮月  
告成。玉叔進閱。方伯我

國家再造縣寓。寸莛無讓震周。  
顧惟二三君子代興。瞠乎漢兩  
司馬之後。幼學則困經術。丁年  
而仕。則困程書。爰及倦勤。困於  
自廢。雖有餘力。畢謝未遑。其志

不專。則其力不競。固其所也。其  
間作者。無寧躍冶而必為干將。  
無亦歐以儲精。有其質矣。要以  
天地人之助。則其淬礪者居多。  
世類本諸天。名山大川般諸地。  
縣澤取諸人。兼此三者故全也。

夫弓冶箕裘。言世業也。玉叔父  
憲卿而子立甫。通以公車起家。  
作述相承。炳焉經世之業。殆猶  
殷帝三寶。直之無前。講在武  
陵。則雌雄之匹也。天作之合。其  
在斯乎。自昔多材。宜莫如楚。左



史左後而下郢中。猶有遺音。王叔生漢陰。三湘七澤。之靈管是矣。其稱詩自舞勺始。業已有聲。年少爲廷中郎。緩佩而後列。棘之後。退朝。高譚碣石。躡足黃金之臺。太液上林。幸一寓目。頃之出守。不薄淮陽。是振四瀆而王百川。決之六觀矣。路車省。登少室。歷太和。周視中原。部婁羣望。蜀之役。窮西南之奇。漕之役。登泰山。歷鄒嶧。弭節京山。陟三山。觀廣陵。滄苔野黃蓬。乃在

聖室。聲出五內。猶中慕我。其杖履所至。則靈數神臯。紛乎。總總乎。若動雷雨。挾風雲而從之矣。川岳貢珍。皆是物也。王叔故多父執。居鄒益廣交游。淮海當六傳之衝。尤盛賓客。其嚴事則若鄧鄧鄂渚。吳興新蔡。銅梁豫章。其石交則若雲杜番禺。四明莆田西粵。諸侯王則若隴西河內。縫掖則澱水華亭。山澤則謝茂秦。沈嘉則俞仲蔚。周公瑕。俞公臨。居淮尤善。鄆公甫。蓋傾宇

內者什七八。取益無方。旅更入蜀。  
轉而之閬。轍迹浸周。游道浸廣。  
人無所愛其情矣。君善雅言。舅  
孽追琢。不啻發硎。日有程月。有  
攷歲有會。其或有他。而廢日儼  
焉。如將不終。夫志至則氣從。氣

南園集序八

六

至則神王。直將旦暮千古。西盡  
崦嵫。王叔僅及中年。則盟孟之日  
也。卜之日力。不亦綽乎哉。過此  
與化俱成。夸父曾不能以步立。  
甫相越。發禹穴而校之。析若之  
光。始升暘谷。君善之。駕可當義。

和玉叔儻然憑熊羆。歷三天子  
郭。吾黨當屬兩相君。執牛耳  
矣。

萬曆甲申長至日新都汪道  
昆著

南園集序八

七

二酉園集序

陳左伯玉叔先生。弱冠而傳其先大夫宦京師。所著古文辭。出必傳賞士林。既舉進士。官廷尉。平得極意其業。所交皆大父行。天下長者。咸折節而稱先生詩。於是名驟顯著。按守淮安。股肱郡。視學西蜀。漕平河。臬藩於閩。暨西楚。它輜軒所經繇。若周若燕。若齊魯。其家居七澤。又皆江山名勝。地有至必游。必有賦記。叙之類。以發之。而土地之賢豪。

大夫亦必以不泯之計。請先生一應之。不倦。念無以報先生德。則必求先生之詩。若文。為之叙。而屬門。故壽於木。於是先生之編甚夥。而叙亦稱是。時汪司馬伯玉暨不佞貞亦與焉。先生猶以為未慊於志。因悉裒其前後所著詩。若文。仍屬不佞貞。與伯玉曰。二子更為我叙之。嚮者志吾之進也。今者將志吾之就乎。不佞貞曰。唯。夫天地之精英。獨畀之人。而人之精英。漸溢而著。

之言為詩。若文是。皆因天地之自然。而節奏之。還以黼黻乎天地者。唯此二端而已。詩近方。文近圓。其為體稍殊。而見之用則一也。有自外境而內觸者。有自內境而外宣者。其所繇亦稍殊。其成於意一也。意者詩與文之樞也。動而發。盡而止。發乎其所當發。止乎其不得不止。古有是言。要為盡之矣。先生所講內外境。以百千計。其言之就。以數十百萬計。其接逾繁。其應愈不窮。蓋

深得夫發與止之樞而執之者。是故簡而裁。直而紆。淡而不厭。悠然有治世之音焉。人咸謂先生古詩出建安。近體過錢劉。文或左史。或昌黎。廬陽不可以蹊。途見軌轍。雖然。所以為玉叔先生者。故自如也。伯玉宏麗工微辭。當與先生賡傳。而成不朽。若不佞。則何所效哉。先生之於不佞。固無俟執手申契闊。而竿尺之往返。亦不啻稱神交。乃余弟敬美奉常。尤得幸先生。如雜編中



所云獲龍編者可徵已。今甫草  
先生序。而敬美忽弃余。今竊與  
先生期。異日奉常之集成。先生  
能不靳一言以為瑀瑤報哉。則  
不佞之叙先生集。無異所以叙  
余弟集也。

二酉園集序一八

三

萬曆戊子中秋日弇州山人

王世貞誤

二酉園文集

各集序

五嶽山人前集序

吳郡王世貞撰

王子曰。蓋隆慶間有淮陽守陳君王叔。云余不  
識王叔。識王叔之父憲大夫公博雅長者也已。  
王叔與余仲懋游。稍得其爲人。已又從仲所得  
其詩。最後王叔以其文來余讀之。蓋三得而三  
爲心折也。

明興世。世右垂紳委蛇之業。士大夫作爲歌詩  
以紹明正始之音。雖如矣。至於文而各持其門  
戶。以相軋卒勝。卒負而莫有竟者。其故何也。尚  
法則爲法困。裁而傷乎氣。達意則爲意用。縱而  
舍其津筏。畏于思之難。信心而成之。苟取其近  
者。囂囂然而自足。耻于名之易鉤。棘以探之。務  
剽其異者。沾沾然以爲非常。夫其各相軋而卒  
莫相竟也。彼各有以持其角之負。然而不善所  
以爲勝者。故弗勝也。吾來自意而往之法。意至

而法借至法就而意融乎其間矣夫意無方而  
法有體也意來甚難而出之若易法往甚易而  
窺之若難此所謂相爲用也左氏法先意者也  
司馬氏意先法者也然而未有不相爲用者也  
夫不覩夫造物者之於兆類乎走飛夭喬各有  
則而不失真迨乎風容精彩流動而爲生氣者  
不乏也彼見夫割擬而少獲其似以爲真曰吾  
司馬左氏矣所謂生氣者安在哉任於才之近  
一發而自以爲生色曰何所用司馬左氏爲不

七集一太

知其於走飛夭喬之則何如也玉叔文亡論所  
究極庶幾司馬左氏哉不屈闕其意以媚法不  
翫骸其法以殉意哉有擴而縱有操則既亦彬  
彬君子矣蓋玉叔三十而其業成然不以自安  
走一介不佞曰將就正也非以游揚大人也嗚  
呼後玉叔而相繼爲是業者守此明文可以竟  
矣玉叔故蚤貴居恒自稱五嶽山人以見志焉  
是故曰五嶽山人前集凡十一卷隆慶壬申冬  
日

又序

吳郡歸有光撰

余與玉叔別三年矣讀其文益奇余固鄙野不  
能得古人萬分之一然不喜爲今世之文性獨  
好史記勉而爲文不史記若也玉叔好史記其  
文即史記若也信夫人之才力有不可強者夫  
西子病心而曠其望之醜人亦捧心而曠其里  
富人見之堅閉門而不出貧人見之挈妻子去  
之而走余固望之醜人耳若有如西子者而爲  
西子之曠顧不益美也耶故曰知美曠而不知  
曠之所以美夫知史記之所以爲史記則能史  
記矣故曰喙鳴合與天地爲合其合縉縉甚矣  
文之難言也每與玉叔抵掌而談相視而笑今  
見其燁燁爾洋洋爾纒纒爾別之三年而其文  
之富如此能史記若也荆楚自昔多文人左氏  
之傳荀卿之論屈子之騷莊周之篇皆楚人也  
試讀之未有不史記若也玉叔生于楚其才豈  
異於古耶先是以其稿留余者逾月似以余爲

知之者而命之題其後昔韓退之才兼衆體故  
叙樊紹述則如樊紹述叙柳子厚則如柳子厚  
余不能如玉叔也況史記耶夫苟能如玉叔則  
亦里之捧心者也隆慶庚午五月五日

五嶽山人後集序

新都汪道昆撰

歲戊午不佞以楚守吏預楚賓興幸得徧觀楚  
材乃大奇王叔是猶沿江漢而泝岷嶓津津乎  
成博士一家言及玉叔對公車半理無害出爲

五嶽山人後集

序

四

二千石守淮陽居常修古屬辭積若干卷不佞  
受而卒業決決乎成作者一家言是猶沿淮海  
而泝龍門即太史遷可且暮遇也旣玉叔進憲  
大夫奉功令入蜀進藩大夫奉璽書治漕六傳  
之所周覽置驛之所交游庶幾乎窮西南之奇  
盡東南之美矣故其所就業日益富而其所治  
業日益精合而筭之命曰後集不佞三仕楚習  
楚之良上下數千百年不啻式其間而持其臂  
矣楚控南紀當離明其人幼清則鬻熊博雅則

左史倚相奇詭則漆園吏忠憤則三閭大夫靡  
麗則宋玉景差閎衍則蘭陵令其言皆足以不  
朽惡論張楚乎哉由今而談或繫方國或隴阨  
窮憤者激而自傷詭者泚洋而自恣靡麗者無  
當閎衍者不經概諸中庸則瑕瑜辯矣

明興楚士爲盛豐鎬近在郢中乃若夢澤鄂渚  
二卿則其彰彰者也顧直卿任放不避昌被明  
卿負俗獨行終亦不免則其論著可得而言夢  
澤操咫尺爲名高此以三戶復楚者也鄂渚未

五嶽山人後集

序

五

知所稅駕果能過三百乘乎其未邪要以蓬累  
明時其爲不得均也玉叔爲吾同舍郎子蓋世  
其家而玉叔負雋才且蚤貴當世方急玉叔不  
帝楚國之急叔敖蓋得時而駕康莊莫之擁闕  
其言忠而不憤奇而不詭不靡而麗不衍而閎  
乃今就業日益富治業日益精曄乎百世之後  
而左右之矣舊史氏有言詩書隱約欲遂其志  
者之思也信斯言也作者必窮而工如其困而  
哀思孰若政和而安以樂如其不平而感憤孰

若心和氣和而天地之和應之故誓命訓誥不  
賢於典謨采詩而觀列國之風則周南召南首  
矣楚之騷者不亦魚麗乎哉乃玉叔以左廣先  
則其所遇者殊也且也由前則始駕也由後則  
再駕也玉叔春秋富矣于今爲後于後爲今超  
乘而上之三駕而楚十莫敢與爭矣玉叔名氏  
具前集元美序中萬曆己卯冬十月朔

又序

歸安茅坤撰

五嶽山人後集者河陽陳公玉叔所論著而以  
授我於君上者也公一日走千里使囊所刻若  
千卷且移書而告之曰予少以文章自娛然自  
先秦及漢西京以下無不得其似所景劉心者  
若賈太中誼若司馬太史遷若淮南王安是也  
時時數爲摹畫亦時時數沾沾自喜故所刻前  
集大都本此王廷尉歸尚寶兩公嘗爲予品畫  
而序之其所稱述亦大都以此已而予稍稍蕩  
去竊以爲文章者所當天地間日月風霆山川  
臚城昆蟲草木之變而繪之成象觸之成聲者

也彼賈太中以下或得其解耳恐不必如故所  
摹畫爲也於是時予之文譽日以起世之請文  
者日以衆所當濡毫臨緡而應者日以禁且不  
給故未嘗一句一字摹畫賈太中以下而抑未  
嘗不一句一字鼓鑄賈太中以下即或類與否  
予亦大都不可之次於心而絀於肩睫也或漫  
矣又告之曰君今之韓歐也其爲我序之嗟乎  
予非閒於文者豈敢當韓歐哉予又安敢附王  
廷尉諸君序公之文乎哉然公所自謂近且不  
欲爲摹畫不欲爲沾沾自喜而獨以天地間所  
當繪而成象觸而成聲者以爲文章之旨此則  
幾於道矣公所自得者之至而前集與後集間  
或相及不相及恐於公亦不能不以之自譽也  
予未之面公聞公之年尚富其於道也日以勤  
異日者之以文名當時而傳後世蓋有不特今  
之聞人所稱述而已者噫予雖不敢當韓歐迺  
若公之所云或韓歐氏以來未墜於地者之一  
綫也不識公謂然否



二酉園文集目錄

卷之一

序

史記傳言序

四家選序

淮南子選序

唐詩會選序

皇明貢舉考序

內臺奏議序

漕撫奏疏序

淮安府志序

夔州府志序

海州志序

新河集序

常盈倉志序

青園文集

卷之二

雅州志序

三山志序

定陶縣志序

四川鄉試同年錄序

四川武舉同年錄序

卷之二

序

武舉錄前序

武舉錄後序

夷陵王氏族譜序

吳氏世譜序

楊太史集序

潘氏家藏集序

王夢澤論序

古文短篇序

中川選集序

秦苑吟編後序

東覽編序

沔陽人物考序

筆峰王先生集序

折獄龜鑑序

卷之三

序

傳習錄序

王陽明手柬序

張羽王尺牘序

何高二論序

白雪樓詩序

山居隨筆序

梓吾蛭鳴稿序

漫興稿序

青園文集

卷之四

大孤山房稿序

梁彥國詩序

戴良齋集序

太古山房集序

維珮新編序

觀濤集序

淮陰筆記序

詩說序

康山人詩序

墨泉詩序

卧雲樓詩序

具區集序

近譬軒稿序

周五津集序

王侍御集序

卷之四

序

郭次甫詩序

霍洞山房遺草序

何生詩序

山帶閣集序

品士錄序

高年會後序

贈方伯林公序

贈少司馬曾公序

贈都御史羅公序

贈侍御何公還朝序

贈司理房公序

贈尚御史序

贈余封君序

贈陳經歷序

贈黃山人序

卷之五

五

序

鳴玉堂稿序

贈言集略序

刻呂氏春秋序

瑤石山人詩序

刻藝文述削補序

益丁樓詩序

留餘堂集序

顧公山園倡和集序

高奇往事序

李少白詩序

榮膺錄序

楊升菴先生全集序

崑崙山人集序

李惟寅詩序

復中樓珍翰序

漢書評林序

胡元瑞詩集序

寇山人詩序

紫霞社稿序

潘孟深詩序

卷之六

序

送龐中丞屯鹽諸路序

送溫中丞巡撫保定序

送王中丞巡撫貴州序

送曹都閫之廣西序

卷之七

七

送劉兵憲之大同序

送張僉憲之山西序

送曾督學序

送馮參知序

送李太守知惠州府序

送袁公之黃州序

送袁先生序

送李上林南歸序

送叔氏之官黎平序

送董成都序

送劉郡丞序

卷之七

序

李封君八十序 童翁雙壽八十序

熊封君七十序 顧封君六十序

汪封君六十序 蔡封君七十序

袁封君七十序 謝翁雙壽六十序

鄒封君雙壽七十序

王封君雙壽六十序

壽都御史羅公序 壽羅先生序

壽楊侍御六十序 雷太宜人八十序

隗太安人八十序 傅母夫人八十序

卷之八

序

五

序

黃定甫集序 胡氏家藏諫草序

刻石鍾山集序 賀潘公河工告成序

送花先生之內江序

送傅憲使之關中序 二首

賀郡守史公獎勵序

奉送靜齋梁憲使入賀序

送曹憲使任遼東序

壽通政李封君七十序

壽傅憲使文 壽查封君六十序

壽太醫朱君七十序

壽茹封君序 壽童夫人七十序

卷之九

記

五嶽山房記 日休堂記

近淮書院記 劉文安像記

游太和山記 尊經閣記

卷之十

序

木

招隱亭記 竹在亭記

建杜工部浣花草亭記

重脩灤西草堂記 牛頭山工部草堂記

禮部尚書李公祠堂記

四川按察司分巡川北道題名記

遂寧令羅公生祠記

漕儲道題名記 集鳳臺記

游我山記

卷之十

記

大觀樓記

逍遙樓記

江閣藏書記

甘露園記

勅書樓記

墨花深處記

雪坡草堂記

芝英亭記

長慶亭記

石山記

陳氏先塋記

玉沙草堂記

環玉亭記

考槃草堂記

碑

重脩黃蓬山崇禎寺

重脩黃蓬山靈福觀

重脩黃蓬山崇禎寺

沔陽州脩學碑

重脩黃蓬山崇禎寺

碑

重脩黃蓬山崇禎寺

碑

卷之十一

碑

重脩龍興寺碑

漂母祠碑

柳將軍廟碑

海州脩學碑

崇正書院碑

河清書院碑

宋諫議田公祠碑

重脩崇仁祠碑

脩都江堰碑

建武所崇報祠碑

敘州府建學碑

傳

內方童先生傳

洞庭漁人傳

金堂曾公傳

卷之十二

墓誌

贈國子監助教梁公墓誌銘

明故山東道監察御史胡公墓誌銘

尚寶寺卿母公墓誌銘

吏部進士王公墓誌銘

洞山禪師塔銘

明故隱君忍齋邵先生墓誌銘

生墓誌銘

公墓誌銘

太醫院醫官中橋劉君墓誌銘

君墓誌銘

樊姬墓誌銘

卷之十三

行狀

明故進階中議大夫資治尹山西提刑按



祭司副使先君行狀

墓表

孤嶼山人項思堯墓表

奉政大夫四川按察司僉事邵先生墓表

明故中順大夫山東青州府知府陳公墓

表

卷之十四

祭文

代祭灤州王都御史文

新集

太皇

九

祭侍御吳約卿文

祭進士鄭子復文

祭富順李水部文

祭陳評事公鼎文

祭丘戶部子雲文

祭外舅文

祭傅母楊夫人文

祭薛文清從祀文

祭趙文肅公文

祭臨淮侯李盱山文

祭初泉劉先生文

祭表叔尚書傅公文

祭甄僉憲文

祭堪姪文

祭張封君文

祭光祿兄文

祭王池州文

祭王伯生都閫文

祭內凡童四文

祭族妹文

祭費孺人文

雜著

瑞龍頌有序

創業圖贊有序

伊尹佐湯

呂望興周

周公輔紂

管仲霸齊

叔敖相楚

孔子仕魯

范蠡諫越

樂毅扶燕

張良助漢

光武中興

新集

下集

十

武侯定蜀

王猛強秦

朱景濂先生像贊

洞山上人像贊

達摩大師像

嘉定大佛贊

東明長老像贊

壽星圖贊有序

石贊

孔望山巖銘

鏡銘

書燈銘

犧首孟銘

端溪硯銘

白石硯銘

米康硯銘

銅雀硯銘

筆銘

墨銘

顧愷之眞蹟跋

吳道子眞蹟跋

黃庭堅眞蹟跋

趙孟頫眞蹟跋

薛君采手書跋

唐先生手書卷跋

青溪社中卷跋

曾金堂祠碑跋

跋宋喻汝礪漱玉巖

記

書吏部司務題名碑

潘中丞公卷跋

瑞龍冊引

蘇東坡蜀岡詩跋

刻家集跋

王鹿僊丘記跋

跋凌中丞遺墨

書畫集

不錄

士

外護書卷引

書五嶽眞形圖

脩築古城口并建碧霞元君祠募緣疏

存耕倉銘

碧霞祠爐銘

雲板銘

玉磬五贊

六石贊

龔懋弼字說

二酉園文集目錄終

二酉園文集卷之一

河陽陳文燭

序

史記雋言序

昔三墳或隱九丘多文惟楚左史倚相具能讀之甚矣讀古書之難也即司馬氏史記有良史才所論大道微旨班孟堅猶得而議之余觀遷之自叙比于春秋二百餘年之權而高皇帝一贊謂漢得統于三代刪六經而尊周蓋竊取孔氏之義此何可議也余少讀是書識龍門令之大旨如此至于微言妙詞未遑解析頃友人陳子壽手錄雋言一帙示余欣然有當于余心昔人謂選之文章多得于萬里游今江淮如故即余浮之求所以益于長處竟不知何在益信古今人才識迥絕也嗟乎若子壽者亦楚人之能讀史記者與

四家選序

同年施于我選莊列左傳淮南子凡四家時守

常郡門下多問奇之士請梓之屬余以序或謂  
莊之言放列之言誕左之言艱淮南之言雜視  
聖經何如也然聖人之言萬世不易也諸子之  
文各成所見也如蒙莊氏達生者其文如雲遊  
龍騫不可守也禦寇氏超世者其文如山峙川  
湧莫可窮也丘明氏閑于禮者其傳引繩墨而  
足爲世鑑劉安王好士者鴻寶多往訓而羣策  
爛焉是編尤得其精華者昔太史公謂申韓諸  
家皆原于道德之意而老子深遠矣即四家者  
非耶夫諸子百家而選止于四詳在于我自叙  
中余無論矣論四家之大旨云

### 淮南子選序

淮南子者淮南王賓客作也漢時近古安招隱  
多奇士中間剽剝儒墨探索陰陽其虛無祖老  
莊機要宗儀秦其不詭於大道出入董賈余少  
讀而愛之手錄好語一帙藏笥中竊謂王不遵  
潘職亡國爲天下笑如其文則左氏司馬之  
世何可以人廢言也又十年守淮陰過壽春登

八公山立馬啼吁恨其人不東海間披讀鴻  
烈其當于心者悉具前編又平生好是書浮淮  
日久因梓之與好古者共焉

### 唐詩會選序

昔鍾參軍嶸品詩有六義興也比賦也弘斯三  
義酌而用之幹以風力潤以丹彩使味者無極  
聞者動心詩之至也意深則詞蹟意浮則文散  
劉舍人勰又明詩有定體思無定位識其難而  
其易也至忽其易而其難也來情周辭運是在

唐詩會選序

唐詩會選序

唐詩會選序

銘裁耳余執二公之言而讀唐人之詩無論其  
體與時乃悲壯冲逸雖人人殊而指事寫物昭  
暢曲中如李杜高岑王孟尤表表焉選者數家  
止見一班耳頃侍御李公孟敬合爲會選各分  
其體而實以諸作千載誦之猶有生氣至論格  
調意象真得三百篇之遺者孟敬才高學博工  
于詩故所選如此勰之言曰操千曲而後曉聲  
觀千劍而後識器其斯之謂與若淄澠竝泛朱  
紫相奪准的無依如參軍所痛吾知免矣孟敬

按楚屬余序而梓之孟敬與余談詩輒解順今所作能合其所見余益信知言之難云

皇明貢舉考序

海州進士張先生子禎博學善藏書緝貢舉者上下二百年來凡昭代取士之制可覽而知也遣使以序請嗟乎周之士貴秦之士賤皆上得而貴賤之故耕野釣濱之夫起而相天下乃游談日盛逐客令下主臣相棄始如脫躡矣漢興廣延天下方聞之士策賢良文學其言至今

貢舉考序

卷五

四

誦之嗣後貞觀太平二代間漸用科目士之由此途進者名卿大儒聲名籍甚若其人有遺行即巍科崇爵千載之下咸得而彈射之曾不得與韋布之賤深自藏匿也士何可不自貴哉歷觀往事雖百世可知也披閱茲錄令慕古者有周漢之思云若作考之意紀述之詳子禎用心斯亦勤矣

內臺奏議序

三代盛時敢諫有鼓誹謗有木而百工執藝事

以諫是人人能言之矣我國家設給事中御史而諫有專職然雷霆之威萬鈞之勢肯人嘆

人主有難于言者况當時之務非更嘗而熟計之即言之有未可施行者余讀平北西塘王公諸疏何其當也王公舉嘉靖庚戌進士官太常寺博士拜河南道監察御史是時

先皇帝春秋鼎盛急圖化理而王公代符三晉會北虜犯邊公極論戎馬之事多所便宜而封疆恃以無恐後今

貢舉考序

卷五

五

五

上即位公奉命清內帑禁錢中貴人有乾沒者咸叩首畏公其條陳多所嘉納有重孝思一疏

主上置懷袖中留六日始下

旨甚溫一時大臣咸目王公才而諸御史有大計欲

上聞者莫不推遜于公公據案屬草不移時而投

闕下士林避之即無論不殺爲公大理屬覽公

行事非虛語者使後世得其書而讀之將不作其敢言之氣而裨益於世道乎公手其稿命燭校而叙之陳生曰自漢晁賈而後若唐敬輿非人傑哉所傳宣公奏議可誦也

明興固多能言之士若王公者矯矯著聲矣

### 曹撫奏疏序

曹撫奏疏臨海王先生後先陳

闕下者方嘉靖乙丑河淤徐沛越隆慶辛未下邳再淤漕事孔艱司農日夕籌焉先生居東藩

有議開膠萊新河者先生謂大海可航也事聞于

朝

上奇而試之後壬申癸酉河海交運咸以五月至京師夫

二祖創海運

屢朝歷河渠至兼修而並輪則二百年所未有何其神也先生復以輓舟之苦蜚芻之難繪圖以獻語多在疏中

上改容覽焉警戒無虞又何忠也文中子有言曰議盡天下之心有不盡非議也今取諸疏徧讀之中間較多量寡分布水陸若計然荷頰之治生也案杭毒尉前滌邪濕若俞跗長桑之視病也明法置吏增壘饗士若廉頗李牧之用兵也辨運列符百言百當若季主君平之前知也先生弱冠登

朝天才俊邁富于往牒嫻于文辭歸臥天台山

中十餘年出而當天下之大議即身在一堂而

智慮精神周于數千里外故投之所向無不如意與鼓頰空談者異矣語曰物不素具不可以

應卒其然哉其然哉嗟乎古之賢豪多以勲名

沾沾自許如賈生治安通達國體天子思召見

用之陸敬輿奏議多名言當時得贊者賞千金

皆有高世絕人之才者然遠投于漢與不盡用

于唐志士至今痛之先生遭際

聖明謨咸俞允而大其用以盡其才者方駸駸

未艾也先生真遇合哉按蔡濟公命燭董梓事

書成一言以爲有天下之慮者告也

淮安府志序

余自隆慶庚午守淮。取舊志讀之。一爲金公銑。一爲顧公達所脩。二公邦人。其言頗詳。今幾六十年矣。此何以觀焉。連歲大浸。或問俗荒丘。或詢政故老。凡有見聞。筆藏篋中。會余三年將覲。

闕下。思以民瘼入告。

明主。因念淮爲中原重地。昔完而彫。昔肥而瘠。

亦同江淮之泛。

失故道矣。

敢據舊本續錄諸木。

爲紀一。曰郡代。爲表三。曰郡縣。曰秩官。曰人物。爲志七。曰建置。曰田賦。曰河防。曰學校。曰兵衛。曰祥異。曰藝文。爲傳十一。曰循吏。曰宦蹟。曰名將。曰忠烈。曰名賢。曰仕籍。曰隱逸。曰僑寓。曰孝義。曰貞節。曰外傳。總之二十篇。俾覽者按而治之。庶幾哉。見昔時殷富之盛。若潤色成書。爲一方實錄。則邦有良史。且俟後之守茲土者。小子何任焉。

夔州府志序

余聞列國有史。即今郡乘云。少讀里中童太史所作沔志。有古良史才。思續其書。羽翼太史氏未能也。及守淮陰。余作淮志。大都效子文之忠告。新令以舊政云耳。未敢以爲成書焉。及奉

命董蜀學政。檄郡邑各修厥志。而夔古子國。蓋

三川重鎮云。友人郭篤周守夔。方事紀錄。余再

試于夔。而書成矣。凡輿地。創建。食貨。祀典。秩官。

人物。藝文。諸篇。昭其綱。探其賾。釐其誤。皆有關

于夔之大者。

上下數千載間。

可謂弘覽大雅矣。

余放舟夔門。登白帝城。訪瀼西故居。因憶昔時

賢豪。勲業政事。文章氣節。雖顯晦不同。而百世

之下。使人興起。若漢諸葛孔明。唐劉夢得杜子

美。宋王龜齡寇準。昭代宋景濂諸人。表而揚

之。赫赫不朽。其裨世教。豈淺鮮哉。乃彈盜復官。

鹽課省額。江舟請協。其詳在志中。足蘇夔民之

困。而生全之。真太守事也。余其遑焉。至奉節建

學。不佞曾商其事。直指使者聞于上。奈何

報罷乎。主上聖神。海內遐方。延頸內嚮。嚮如也。矧三川人文之盛哉。後必有嗣陳闕下者。學校興而人才盛。人才盛而治化隆。胡可罷也。篤周屬余志。叙道其所感。將以告生于夔官于夔者。

海州志序

海州古鄆子國。孔子問官于鄆子。因而觀海。鰲廓沆瀣。有鴻濛之舉。至今境內號孔望山。屹然一州之巨鎮云。又漢班孟堅氏叙郡國。以是州在東海爲魯之東境。北接齊之瑯琊。夫變齊魯而之道。孔子顧有意于茲地哉。今去聖人千有餘年。而移風易俗。使天下回心而嚮道。賈生痛其非俗吏之所能爲也。乃俗吏之所務。在于刀筆筐篋。今之從政者。滋甚矣。即欲訪遺事。問長老。有無從稱說者。豈小史掌列國之書。如周官者。後世廢而不設耶。官無論矣。若書在列郡。何可廢也。余守淮期月。欲修郡志。檄二州九邑。各采其事。始知其無志。間有之。歲久脫誤。不可讀。

私心慨焉。海州鄭刺史得惠安張先生所撰若干篇。張左官于海。書甫成。以遷去。而光祿裴先生近在里居。校而正之。余遊光祿公久。知爲篤論君子也。是書于風俗之間。大書特書。而其所論述。皆生齒息耗。吏治淑慝。與夫幽貞之士。孤嫠之懿。篇翰之垂。沉于山谷。閭巷者。一一可見。且瞻而不穢。質而不俚。張公信博物。必有志于移易者。宜其言文而傳遠也。不然。職事填委。而簿書期會之間。不報且以爲大故。胡暇爲此耶。夫皇皇求財利。常恐乏匱者。庶人之意也。皇皇求仁義。常恐不能化民者。大夫之意也。後之觀者。得其意而與民宜之。俾永耕織之業。有鄆魯之風。而不失聖人過化之地。斯可矣。語曰。乞火不若取鑪。寄汲不若鑿井。教民不若正身。亦存乎其人耳。刺史文雅好修。將登梓而請余叙其端。嗟乎。即孔子走海濱而問官也。豈非有志于三代之英。傷文獻之缺。顧皇皇以求之乎。茲刻成。則州之文獻足徵矣。因附一語以告來哲。

新河集序

漢太史公作河渠書何其詳于禹之導河也且曰自龍門以歷朔方甚哉水之爲利害也又云廝二渠以引河卽禹貢尚未之載豈其身從負薪以塞宣房見天子沉白馬玉璧臨河而歌也思得封山表木之手以俾人乎宜其言之詳也嘉靖乙丑秋河決而東注至于華陰過于沛南溢于徐沛之舊渠渺然巨浸運道阻焉亦瓠子所歌閼殫爲河矣

十一

先皇帝命少保朱公導之公過南陽走夏村留城間見地勢稍高河不能及鑿渠可以通運疏聞于朝吁咈者半

先皇帝遣給事中視焉悉如公議公乃陸行乘車水行乘舟泥行乘毳山行乘輶先後四年而河渠工成卽今新河是也一時閭巷小民及薦紳先生詠而歌之久之成帙洋洋盈耳矣若稽大禹當玄圭告成嘗取九功之叙九叙之歌時而應之以保厥治隆慶辛未河淤于邳今

上因一二元老拜稽讓功命公復來公卽前日之詠歌置輶軒中議防議守河流大安固曩時勸之以九歌俾勿壞焉之意耳大學士徐公撰新渠記比

先帝之任公重華之于崇伯子也斯非異代司馬氏哉文燭兒時聞萬安有朱公者弱冠登朝以文章名海內與家大人交甚驩也比長謁公知公保釐生民進退人才自縣令督學以至銓曹與古名臣爭烈國史當備書之公授茲集

十一

梓之且爲之叙感公國士之遇不敢以少賤辭若刪定集中諸名作則公門下書記客業先之矣

常盈倉志序

國朝歲漕四百萬石由淮以入京師而又以江南百萬之賦藏諸沿河故徐淮臨德俱有倉而淮尤爲要區卽常盈倉是也戶部歲選才望一人奉

天子璽書而使于淮古人言積貯者天下之大



命也粟多而財有餘則何爲而不成此其意深遠矣舍舊無志余來守淮會包元甫林文肖每語余脩之不果行而宜都吳汝奇乃纂而成書汝奇博學好讀書明于當世之務是年督撫王公舉與海運且河流無阻漕艘如期汝奇樂于紀述上自土風人物下逮工役厥舍爲綱有四爲目十有二始終沿革燦然備具昔周禮一書自九貢九賦之外凡圭璧輪輿埴土埴工之微罔不特書說者以爲公旦之精意係焉若是志

卷之五

志

志

之巨細必書又何可已也獨淮郡行糧歲貯倉者數萬而近年以來大浸稽天民多流徙述者最多其議處如志中所載不一而足諺曰雖有巧婦有米可炊守土者讀之凜凜汗下矣書成汝奇命余一言因綴其槩願與司大計者壽焉

### 雅州志序

雅安古梁州郡常大禹九山刊旅之口乃蔡蒙獨先告平其地屹然爲雅之鎮南控九折西扼鹽關之塞自秦置嚴道除邈關關益斥漢時遣

使略定西南夷又邛崃山有昔人叱馭故墟云

明興設郡所屬縣有名山榮經蘆山多與羌夷

鄰即雅遠中原而邛笮冉駹斯榆之君常效貢

職羽毛齒革卉服織貝歲不絕于路歷觀前代

多兵革之事戰鬪之患此可常恃哉雅本要害

地係蜀安危云歲乙亥不穀奉 璽書課士于

雅刺史唐子宗正以文學節吏事梓其郡志乞

弁諸首蓋郡人真定府同知李君應元順州知

州劉君璧鄉進士黃君維袞先後修輯者楊用

卷之六

志

志

修謂遷史精在八書班書約在十志文之精者

爲史史之精者爲志胡可易也乃二三公彰往

昭來有關於文教語曰禮失而求之野茲編不

猶愈于野乎且雅有振文堂魏鶴山氏記之詳

矣彼稱雅士堅于自好百姓安于勞苦俗少馳

騖地無繁華振而之道其機順焉今志踵圖志

建置則天文地理秩如也志政務志人物選舉

則風俗淑慝人才隱顯昭如也志藝文則漢太

守樊敏之碑神君飛霞洞之記黃廷堅錄萊之

贊粲然金石雅之文教其丕振哉其丕振哉余謂雅安入禹服歷數千年而疆土廣于明即浸淫昭代餘二百年而人文甚于今日記有之士以信相考百姓以睦相守天下之肥也是謂大順故明於順然後能守危也余猶望剖符之吏章縫之士日相砥礪無忘魏氏振文之旨雅尚有賴哉

三山志序

往來江張吏部志峨山青神余脩撰志中嚴少

青神集

卷之

夫一

余讀之有味哉其言之也嗣讀凌雲志翩翩神往會余入蜀登三山絕頂若海上方壺云夫馳名利之場而談清曠之域謝靈運已有餘慨顧余所見什伯于前聞哉又三志歲久漶漫難讀憲使石公持節多暇諸勝亭閣煥然一新思合志之嘉州翰史王先生里居筆削成書題曰三山志少叅劉公甫至雅意名跡贊而梓行兩公屬余引其端余讀王先生論次及刪定古今題品瞻而不穢詳而有體視夾江青神不啻過

之且山之爲言宜也含澤布氣乾坤賴焉至于人文所以光潤山靈叅贊化機者即三山剖判以來有如今日之勝乎昔向子平宗少文探奇慕異人也往往圖名山于室願早畢婚嫁以酬之茲編既出資財游而縱弘覽非古今快事耶余獨恨杜少陵客蜀最久少峨山一行而蘇長公咫尺中巖不果登也今觀風者有高賢記述者稱良史三山不朽哉故不辭而爲之序

定陶縣志序

青神集

卷之

夫一

定陶盖有堯廟云夫天地之氣聚于唐虞盛于成周堯之有冀方也始作游于成陽舜重華協帝者陶于河濱仲尼起洙泗間乃去定陶財百里耳彼所稱祖述堯舜非以其近而獨契耶三股陶丘之間禹湯之遺烈燁燁焉此范蠡氏所稱天下之中是也嶺南黎伯華以進士作宰三年之後政教脩明取邑志而新之書成問序于余余謂德惟善政政在養民此唐虞司牧之旨也君子學道則愛人小人學道則易使此孔門

立政之要也。今志中紀事建置古蹟山川風俗賦役典禮職官選舉名宦人物藝文爲目。十二大都愛養元元脩明禮樂以達王化而已。况有帝王肇基之跡。又在鄒魯絃歌之鄉。大哉宇縣之中。孰有如定陶者乎。至于考據博而確。脩詞大而直。讀之聲聲不厭。表垂于常式。庶幾哉稱實錄矣。夫志亦史也。古今良史必存遷固。然司馬談世掌周史。且語太史公曰。無忘吾所論著。班叔皮遠採勞貫所著尤多。子長蓋堅君子謂其承家學焉。吾友惟敬官秘書久得紬金匱石室之藏。而伯華善讀父書。施于有政。定陶之志其尤有所本也。夫其尤有所本也夫。

四川鄉試同年錄序

歲丙子蜀諸士舉于鄉。相與序齒而合燕焉。陳世及嗣志好于錄。蓋重交道云。侍御何公發同心之言以誨之。有書諸紳耆復就余而問焉。余聞長幼之節等諸君臣之義。洙泗之間斷斷如也。至云久要不忘平生之言。所求乎朋友非是。

之謂耶。乃後世以市道交久矣。桓譚譬之于蘭。蘭林回喻之于甘醴。翟公勒門以箴客。朱穆立論而絕交。逮于今日。則忠信之薄而僞之滋也。此莊惠之綢繆。管鮑之知心。陳雷之膠漆。貢王之彈冠。所以蜚聲千古。與比于孔門。或又有間焉。諸士誦法孔子。連袂而進。驩若同氣。遭逢明主。上咸五下登三。即樹夔龍伊周之業。豈不易哉。而曰吾欲云云。斯亦平生之言矣。共相勸勉。終身勿忘交道。其幾焉。士固未有負朋友而忠于朝廷者。語曰。螺贏螟蛉非類。而宵余誠不穀。徒以言祝也。安知七十子不速肖古人哉。諸士憮然曰。命之矣。遂書于末簡。

四川武舉同年錄序

自古太平之世。蓋文武竝用云。今皇帝御極四年。丙子秋。侍御何公按蜀。既錄武士如文試。諸士退而修好。引滿促席。結宴游之驩。錄其齒如文士焉。願余一言而去。且二三子比肩而進。將貢大廷。譬之蚊虻附驥。可涉千

里語曰日中必慧操刀必割孰肯後時哉假令  
推轂授鉞俾白環西獻栝矢東來雕題南貢瓊  
襲北徙即古今未有之勲而願焉孰不欲先人  
哉乃今長者先少者後比于昆弟又何讓也周  
尚父有言曰士驕則下不順謀疑則敵國奮驕  
且疑皆非讓也仲尼言教民而後可以即戎豈  
非禮達而分定分定而忠至自讓始耶古之良  
將有饋箚膠者投河而飲遂得三軍之死力以  
滋味之及已也况事有重于一箚之膠而曹偶  
異于三軍之士乎故同情相成同好相趨同病  
相救則無甲兵而勝也無衝機而攻也無溝塹  
而守也自下者上人謙益者乘時二三子志勲  
樹哉禮讓胡可少也不佞于茲錄竊壯而許之

二酉園文集卷之二

序

武舉錄前序

萬曆己卯

聖天子御極之七年巡按御史某監臨江北武  
試以燭司提調三試之拔其雋者三十五人故  
事宜有言燭乃進多士而告之曰今之中都非  
周鎬京漢豐沛乎黃河之氣自淮口而會合大  
江之氣自維揚而融結槩觀中原要地未有盛  
於斯者也

高皇帝奄有華夏

文皇帝定鼎幽燕在開國之初若徐武寧常武  
忠李武靖諸王在靖難之日若朱東平鄭漳國  
陳平江諸公皆生長多士閭巷間閭巷之人至  
今津津然道其感風雲之會依日月之光共河  
山帶礪之盟所稱國以永寧爰及苗裔者乎今  
主上當重熙累洽之時而惓惓于觀耿光揚大

烈以紹

二祖是以陰陽調和羣生霑濡協氣橫流德侔  
往初上暢九垓下沂八埏六合之內被潤澤而  
大豐美九州之外歌盛德而皆來玉鬚首錄耳  
之雄歲在北邊畢市方物西蜀犍犍之長願入  
版圖而納王稅者八千戶南粵之寇已除東海  
之波不揚多士以今

聖明在上有道之長五帝不可六三王不可四  
乎假令先朝諸功臣生當今日必將輕裘而語

新集

下集

二

緩帶而議揖讓於人主之前坐太平而策之矣  
乃

主上聖神英武恩如天地威如雷霆昨御便殿  
以虜情問輔臣又嘗左顧遼水以問司馬近有  
邊將戮逃卒者有司以枉法奏

上乃曰軍令久不行此何罪焉竟宥而使過一  
時遠近吐舌以爲

聖天子明見萬里之外而作三軍果敢之氣尤  
認認然撻羅武勇惟恐不給於用使得一吉甫

周宣重之矣得一李廣漢文重之矣爾多士奮  
起于明興湯沐之鄉騎介而馳則中鵠旅升

而耦則破的射何善也至辯古今說成敗如指  
諸掌策何工也即日詣闕下與宇內士大校  
馬將膺推轂擁旄之寵豈無應期而不愧先  
臣如周室千城腹心之選漢家雲臺麟閣之儔  
乎有之則地靈符天時協而人事修矣槩觀今  
之將帥上焉謹刀斗嚴斥埃彎弓飲馬以飾戎  
務竊懼文多而實少也其次奉保障守尺寸甘  
心于文吏之束錄錄未有奇節下焉者持梁齒  
肥全軀保妻子止耳倘亦以

新集

下集

三

主上誕敷文德舞千羽于兩階而欲効攻城野  
戰之功此持方枘而納圓鑿其齟齬難入乎愚  
竊以爲不然虎豹在山而威蛟龍潛淵而光士  
處囊而未見萬一

主上輕醜虜效順之跡申前代負固之罪欲掃  
匈奴蕩爲一家躡冒頓之區落焚老上之龍庭  
以爲千古大快乃多士左執鞭弭右屬櫜鞬無

以自効而樹立止于今之將帥焉豈惟周漢人所  
所笑即欲執先臣之鞭奉盟盤而進也必羞之  
矣所賴多士感恩而報

上焉漢劉向有言曰古者君持施以養士而無  
所德臣勞動以爲君而不求其賞李何後世以  
市道接也有不測之功必加以重賞有超世之  
恩必以死復之今夫不能食者齧草而相遺不  
能行者負之而後走禽獸昆蟲猶知比假相報  
也況士君子之欲興功名于天下者乎君不報

書簡文集

卷之三

四十一

臣之功而憚賞者亂也臣不復君之恩而營利  
者私也都水使者蓋名言云士誠感恩則志定  
而氣從之身忘而社稷賴焉功業不如古人者  
未有也將家之子世纓冕農家之子荷推擇上  
恩厚矣惟爾多士慎報哉

### 武舉錄後序

萬曆丙子適天下輪比之期侍御何公按蜀遵  
制闢武科得三十五人錄焉事竣燭宜有序序  
曰自燭奉 命董蜀學政

聖天子用輔臣言將 軍書更布天下中倦倦  
訓迪武士燭得合文武士而並教之嘗周覽七  
蜀山川之勝東登夔門諸葛武侯八陣圖在焉  
南下瀘陽尹吉甫穆清祠在焉因歎曰此其人  
赫然周漢之間伐獫狁而興炎業雖與日月爭  
光可也安得若人慰 上捐軀之思乎及西走  
松維則吐番出入之墟也北登劍閣則棧道咽  
喉之衝也又歎曰山川險阻多與西南夷隣必  
得良將奔走而禦之此視中原不尤要哉諸士

書簡文集

卷之三

五十一

生長于用武之地而耳目所覩記又多奇偉非  
常之烈此其感激奮發已倍尋常况聖明御極  
德侔往初克詰戎兵以又宇內蜀西南一隅在  
輦轂萬里外乃聖慮常勤不啻畿甸視之往年  
九綵奏凱 上告宗廟蓋慎之也其間應期而  
出豈獨懷鉛握槩之士爲然哉侍御公合諸士  
而專試之惟公惟慎始飛騎者舍矢貫革繼衆  
耦者挽強中鵠射何精也且談形勢語機宜辨  
成敗列虛實古今爛然又何文也將薦之大司

馬諸士有良遇矣余中言曰易之師卦曰師貞丈人吉蓋必剛中而應也行險而順也如六四之左次尚可無咎若六三之輿尸大無功矣是正與不正之辨耳昔時鼓刀屠狗鬻繒賣漿之徒類能取萬戶封共河山帶礪之盟乃心中正罔不在王家也今匈奴納款南越來朝還方殊俗喁喁嚮風人皆曰我善射我善戰誰曰不可及試之事脂膏自潤恐人我疑也有疑而用之者託言乎使過掩敗爲功恐人我知也有知而

書園文集

卷之三

六一

用之者託言乎通變假令四郊結壘是以一縷之任係千鈞之重吾恐社稷危如累卵即推轂何賴焉晁錯曰甲不堅利與袒裼同弩不及遠與亡鏃同將不知兵與無人同大都徇財者昏空文者欺失其真矣豈丈人行師之道哉諸士詠吉甫烝民物則之詩而味孔明澹泊明志之語則人心不自有真乎得其心而藝必可用也言必可行也師無不吉也庶幾哉古名將爭烈矣昔有穰田者操蹄盃酒而祝曰甌窶滿篝汗

邪滿車人笑其所持者狹而所欲者奢也諸士入穀業誦誦有大志而余名將之祝柰何不得所欲哉諸士茲懋之

### 夷陵王氏族譜序

予聞吾鄉魯文恪公曰自古起事者必爭荆楚楚世家稀少譜牒不修蓋楚山川交吳蜀盤紆弗鬱代遭兵燹長子孫者屢播遷魯公言尤信云獨幸不誇謾依附近長厚耳王爲夷陵世家余同年中書君素張出所修譜首誥勅宗派及

書園文集

卷之三

七一

宅塋碑記凡十篇詳哉其言之也昔周禮述先王九兩繫邦國五曰宗以族得氏者即無論族食燕會之禮如大宗之子永祀始祖百世不遷又令冢人掌公墓墓大夫教民族葬祭葬之間死者聯之生者可知也司馬遷世典周史自叙家世凡去周在秦晉趙魏者不書書河內郡且曰諸大夫卒皆得葬高門或亦令其後有觀焉王自宋元居楚

昭代顯者如臨高縣令廣州府丞雍王左史潼



川司訓後有參政方山公爲給事

毅皇帝適中貴人竊權賴公典神機等營

乘輿巡幸力諫而阻之歲凶陳寬恤四事語犯

忌諱公幾危是時左史公在中書與公同朝今

從子子文爲吏部郎素張亦直中書竟公未究

者其世業埒漢庭司馬氏乃譜中詳所自出且

不私撰諸先公之行特書墓銘表傳如南海塗

公瑞華亭顧公清安成彭公本用清平張公天

瑞同郡鄭公元皆篤論君子也俾誦其言者起

尊祖敬宗之心而先王收族之意固在也楚人

感焉各譜其宗是編其倡矣昔公家有手植三

槐于庭後爲三公者即舉三公望公家後真故

事也乃予烏知言之若券哉陳子曰予嘗道出

夷陵見水遶三峽西望瞿塘岡陵巒岿至是隱

如平地氣渾而聚問其中多王氏族又締交兩

君讀給事公所上書抗爽便治孰謂賢豪無關

地脉哉宜王氏之興也勃焉中書君用予語載

譜簡端

### 吳氏世譜序

昔太伯讓天下仲尼稱之無能名矣其後子札

讓國願附于子臧之義此漢司馬遷傳世家而

首之亦尚書先堯典春秋首隱公大都貴讓也

今乃苗裔茲茲不絕云長洲百世孫錫善過淮

訪余其世譜有三讓諸生像爲永初宋帝所贊

又多貞觀嘉佑諸名作乞余一言元止雅善文

墨非徒口名族者世德作求何可外干延陵之

閔覽慕義也

### 楊升菴太史年譜序

楊用脩先生沒十八年矣余過新都收其遺書

十財一二也偶得先生年譜于友人朱秉器乃

簡子紹芳所次年譜例編年而此直書往簡子

布衣游滇先生見其詩結交驩甚大都實錄云

先生從子進士以義刻傳而錫余叙嗟乎士生

不百年耳欲成名于千百年之後豈不難哉先

生兒時過目成誦每一掬管萬言立就文忠公

奇之見者呼爲神童即少擬過秦論真賈長沙



之匹也甫弱冠對大廷第一時正德辛未吾鄉李文正公在內閣有重名手先生策嘆曰海涵地負大放厥辭擊節賞之嘉靖初年上

疏議大禮謫戍永昌四十餘年而卒于滇余覽茲譜蓋不知涕沾襟云先生敏慧天授又世掌中秘假之歲月廣廈細瓊從容啓沃無論勲業式穀厥考即

國家典章之盛當潤色而還之古乃使延搜窮探之志極于深山斷碑之間揚摧往邃彈射諸

南園文集

卷之三

十一

家約其著作百有餘種斯足蓋代矣憶公家子雲多識奇字先生風節不啻過之彼賞玄絕倫者桓譚一人耳今宇內聞先生名願爲之執鞭片言隻字類皆珍之先生之名雖百世可知也昔蘇子瞻以不識范文正公爲平生之恨而得序其集幸託名于文字間余思曩先生之言共爲全書未能也今竊有私幸也夫

楊太史集序

余讀方洲楊先生在翰林時所上

肅皇帝二書何其壯也及過遂寧再讀進諫問荅其言感慨悲歌未嘗不垂涕想見其爲人且曰名固臣子之不幸乎龍逢比干千載有遺恨矣先生顧知言之不能用哉余竊嘆先生之忠之難也先生戍瞿塘終其身後奉遺

詔贈光祿少卿始舉嘉靖戊子第一人明年已丑射策于朝上親批其卷以守聖學爲本與羅公洪先程公文德號宇內三才云是時

上方好神仙受釐西內有以卻老方見者先生

南園文集

卷之三

十一

嘆曰學以正君格其心之非乎遂先言人心莫過于喜怒哀樂而人主與衆異用行政稍拂羣情足干天和矣上覽焉以爲納忠而命其明言人人爲先生危先生嘆曰斯願忠之初志哉復上後疏其略云臣名無忌諱如吏部尚書汪鉉武定侯郭勛皆小人也或偏于喜而用之在廷之臣多直諫貶者或偏于怒而舍之又如真人邵元節令其建醮闡揚法事此何以訓焉願明主財擇上覽焉大怒下先生獄刑訊垂

死嗟乎先生一懷鉛載筆之臣耳忠肝寒骨千言不休

肅皇帝號英主雅知先生先生思以報國自謂虛心下體宛然堯舜氣象矣而昌言無隱充先生之忠而得究其所學庶幾哉禹臯吁咈之風乎奈何土木之繁禱祀之濫大臣弄柄武流扈扈又終先生之身而莫之易也語曰井漂不食爲我心惻若一二寥廓之士攝于威重從事公秘以爲祈天者皆先生之罪人也惟羅公程公

卷一百一十五

卷一百一十五

十一

潘氏家藏集序

文章在天地間不可一日無者也古之阿衡公旦建無前之勲語在伊訓周誥千載讀之斯稱絕德之謨矣又何文也漢興若蕭曹依日月之光亦可與爭烈者而竟不逮豈非重厚少文故

經國之業尚踈濶耶都御史潘先生舉正德戊辰進士選給事中時逆瑾干政以言爲諱先生上封事引太甲處仁遷義之事左右譖之武宗勅記姓名于御屏後勘江彬劾毛倫斥錢寧諸疏凜凜有生氣未幾左官開州及

世宗朝起家巡撫河南有保釐功歸田年五十杜門謝事潛心著作每讀張公耒論文之旨輒有味乎其言謂六經諸子皆理之寓江淮河海之水文之達理者激溝瀆而求水之奇此文之

卷一百一十五

卷一百一十五

十一

陋耳故詩文識大體引繩墨而澤於仁義浩浩乎如淮之注海也當與文潛集並傳云吾鄉傅公撫茲土每言先生貌不勝衣年八十髮垂垂白乃立朝諤諤不避權幸此以天下爲己任者伊周何讓焉茲編多名言確論又足潤色大業與漢家少文者異矣先生不朽哉燭守淮間先生先生往矣其孫蔓苞出家藏集而以叙請語曰高山仰止景行行止竊恨來之晚也先生名墳字伯和號熙臺有楮記室文獻志行于世

王夢澤論序

夢澤王先生論二十篇久布江漢大梁侍御周公讀而愛之梓于淮南以誨多士又發先生立論大旨浩渺如雲夢其傳益遠也先生名廷陳字稚欽號夢澤少穎慧絕倫其父吏部公以爲王氏千里駒復見也弱冠兩試禮經俱第一及官翰林綴文立就輒大叫曰有能增損一字者願以千金爲賭恐呂覽金莫可得矣又縱任不拘出補裕州先生無脂韋磬折之態而公期鞅掌大不耐也投劾被逮具人王子新從獄中談藝其事頗奇而先生危矣嗣歸山中都御史顧公華玉聘修

興都志書成

朝論不可先生復幾危嘆曰我豈因緣攫腐鼠乎遂覃心著作詩律尤細字多晉法楚人寶之皇甫子循叙先生集等敝霄壤而王元美稱其五言諸律妙極形容是定先生之言者兩公耳茲論得侍御公表章之非先生之幸乎嗟乎以

先生之才與學何施不可而自放坐廢斯亦足痛矣燭徃來黃岡里中時先生之幕宿草矣及其素異哉所聞大都孝友廉信絕跡公府徃徃多方外交里有新貴者思招致先生先生擬古龍升天須浮雲行絕之其節槩若此嘗欲爲先生作傳未能而附著其槩若所著論之善侍御公業有言世無輕聞先生也

古文短篇序

少余讀史記見其長于叙事而論贊尤奇竊嘆六籍以後善用長又善用短惟司馬氏哉乃家大人則曰豎子知戰乎有長技有短節在兵法常勝大將時出之簡如檀左辨如莊列未有不相通者也余藏其說至于爲文思以約勝近見清江敖公批選短文一帙廣平張公重梓之諸家粲然千載如新二公後先觀察于蜀其誨蜀士良厚假令蜀人楊子雲若在安知不等茲編若奇字哉

中川選集序

遂寧中川陳先生集十六卷其奏議與如鳥集  
中多名言關于世教云其于綱以詩文頗多請  
余擇而序之先生少年有高才舉鄉試第一人  
成辛巳進士會

肅皇帝登極選翰林吉士與吾河童士疇先生  
讀中秘書兩人尤相驩以才華稱敵家余少見  
先生篇翰渾然長慕之矣先生論四詩以風爲  
首而風者天地之噫氣也其德異其幾微其用  
廣鼓萬物而不尸其功詩道其神矣至于文章

李商隱集

卷之二

末

患在模擬秦漢之文不同于戰國戰國之文不  
同于春秋春秋之文不同于六經後之號大家  
者馳騁競勝如孫吳角戰崇愷闢富止耳昧于  
孔門詞達之旨先生獨見之言如此槩觀先生  
之作歌詠之中曲含諷刺寄遠于近託有于無  
和平醞籍聞者感動其有風人之意乎乃志序  
碑記力去陳言敷談理道萃乎如岷峨浩乎如  
巴江莫可窮也先生博極羣書視學燕晉雅正  
文體鬱然爲海內儒宗且居常急當世之務往

撫山西提督二關蜀人以爲青神司馬公復出  
而先生亦以奇勲自許值俺荅吉囊南下牧馬  
大同藩潰時嘉靖二十年論者謂三關門戶莫  
支也罷先生歸田而先生登覽之興益弘極慕  
陶靖節之爲人而慨楊雄馬融蔡邕劉歆鍾繇  
王維子厚孟頫皆稱絕藝其名不完黨權嗜進  
千載彈射之著爲論說斯又人倫之品也其可  
傳也獨言與哉先生名講字子學號中川居士  
秦苑吟編後序

李商隱集

卷之三

末

中丞曾公有詩名在海內茲乃督學關西所作  
任司直少海先生題爲秦苑吟編余過南充任  
先生誦公詩評其在建安六七子間犁然有當  
于心余謂昔子美在秦中其詩如曲江漢陂與  
其山川爭雄三甫天才本高又歷秦漢故都何  
惟其多驚人語哉任先生與余論文俯視百氏  
乃推轂于公非佞也太守林廷翰又言公詩頗  
多願請益而梓之余謂公弱冠登進士尹富順  
往來中巖凌雲多所題詠頃保釐于蜀西戎即

叙軍中凱歌道路碑焉好奇之士比于夔州以後諸詩此則蜀人所未見何先布之太守唯唯退未幾任先生寓書梓且成燭宜有言語曰嘗聞一繯可知其味因述其語于司直太守者如此嗟乎襄郢詞人並著于秦非異代奇事與余以鄉人記之斯又奇矣

東覽編序

莫山人公遠蓋嘗浮淮云又十年山人去而北人行南而燕予磯東而天台鴈蕩山人游日遠

李蘭集

卷五

十一

詩日進大冢宰趙公大宗伯潘公大廷尉王公叙其詩山人翩翩驚座哉後訪余京口與余談赤城飛霞石梁瀑布甲于震旦國中漢劉阮高蹤不虛矣山人又言吾年三十郡守舉秀才不就去游名山今老矣有一言名世乎平生愛常建詩人言似常建嗟乎往余不論山人詩今山人自名矣語曰富不如貧貴不如賤向長得之名山最多山人貧而安賤而適名不名何計焉山人長嘯曰公言序吾東覽哉遂別去乃余不

知山人游所矣

沔陽人物考序

家按察公著沔陽人物考不數歸自蜀中卒業焉跪而請曰先輩無可大書者乎公曰國史郡乘書之矣考其略耳隱逸得無濫乎公曰鼓刀屠狗荷蕢賣漿家古隱者也此何嫌乎第人生蓋棺事乃定耳生存者未詳偶錄者或幸汝宅日爲我終焉小子聞命赧然汗下嗟乎談遷向歆相紹述者也宜屬之大兄乃大兄又不幸而早世小子何爲哉昔劉子玄作史通謂班叔皮好善者也董狐嫉惡者也兼二者而重之以文飾其左丘明乎自茲以降吾未之見也史云史云文飾云乎哉今考亦史之類也其文約其詞微其意兢兢不沒人之善下逮瑣細絕無文飾語楚國先賢襄陽耆舊諸傳闡幽之義大都類此若述其已往續其將來著爲定論傳諸宇內以爲吾鄉盛事後必有良史者出而脩明之小子可釋愧也夫小子可釋愧也夫

李蘭集

卷五

十一

筆峰王先生集序

往余脩淮志傳循吏至興學造士以文章名世在宋有米公元章在明有孫公道甫王公應時云孫公集久布宇內而淮諸生有牧王先生文者先生諱鳳靈號筆峰福建莆田人同里工部陳公使淮文雅好脩篤于先哲梓筆峰存稿時先生下世十餘年家無炊火矣嗟乎先生弱冠登朝大骨秀朗工古文辭才氣勃勃凌厲一世當事者舉先生視秦學三秦豪傑延頸望先生來比于信陽何仲默而忌者論先生調官不容一日居及叅政廣右遂罷歸往先生在刑部有宦官張銳都督錢安罪大辟詔許贖戍先生疏言此黨逆瑾而翼錢寧通宸濠而結江彬者宜棄市有給事中陳洸冒顯過

上以議禮故庇之先生疏言何論一給事即議禮大臣有犯者常無赦後

肅皇帝竟用先生言而先生不得久留千內簾哉汲黯之在漢廷也先生至淮風節凜凜挾災

諸疏淮父老垂涕誦焉先生嫺于詩文搢管捉紙掀雷扶電多以氣勝而實中程度至書法骨力類公家義獻云先生每言上士競道則立言以明道中士競言則因言以求道江海之溢而波也山谷之產而奇也君子之鬱而言也先生平生有所鬱乎有所明乎昔長孺臥閣先生治行與之竝駕彼木強而止耳若文章乃經國之大業不朽之盛事何得比先生也燭不佞守淮後先生三紀竊悲先生以文崇其身未究其用而幸遺書在東海間敢敘述之必有神物護持哉必有神物護持哉

折獄龜鑑序

折獄龜鑑蒲坂張先生校永樂大典錄而藏之其詳在家大人叙中燭乙丑爲先生所舉士先生嘗言古人最重民命即舜禹以天下相讓惟在于咎繇當時典禮樂者且後焉可知也漢苦秦苛法約而定之止三章耳用非其人道路以目司馬班氏傳循誥而吏道大備柰何後世

若東濕艾管也嗣官廷中亭疑獄是書置座右時大辟之計歲以萬讞深文次骨日甚一日竊有味乎先生之言越三年出守淮陽過東海指孝婦塚詢于公故事愴焉興懷今篇中首載之其釋寃多類是者古人用法若權衡不爽尚師其意哉因梓之郡齊家所藏諸書未携命教官楊子澄從人借觀校其訛謬餘俟博雅裁焉先生有清明集亦錄自閣本盛侍御梓之遼左當並傳于世

青園文集

卷之三

王

二酉園文集卷之二終

二酉園文集卷之三

序

傳習錄序

餘姚王先生傳習錄與河津薛先生讀書錄並行海內學士師尊之詳在徐子曰仁叙中臨川陳先生摘其要言續爲一錄命燭梓于淮陰嗟乎孔子在洙泗身通六藝者彬彬矣乃曾子曰吾傳夫子之道吾省其不習乎故聞一貫而唯此習之熟者也論江漢秋陽皜皜乎不可尚又習之久而信焉者也其後發爲格致之論衍爲良知之說孟子願學孔子而得諸曾氏云後千餘年王先生倡明之柰何談者日甚其論矯矯其行卑卑遂令以學爲諱此習矣不察者耳陳先生真純儒雅慕文清新建夷考其行而掩言非世之空談者語曰多言數窮不如守中因綴一語告讀茲錄者

王陽明手柬序

于婺州頃撫淮命燭校而新之

主上以大計寄公又公卿師師如也則所稱知已以建無窮之業奚啻一司馬公已耶語曰千金之裘非一狐之腋也三代之際非一士之知也竊于今日交有望焉新建公名守仁餘姚人司馬公名瓊太原人中丞公名宗沐臨海人

張羽王尺牘序

往讀張羽王所刻滄浪稿竊高其誼蓋

武宗朝高郵陸生洙以詩被譴羽王司理雷州

何高二論序

調黎平表而傳焉黎平又調黎平奉中丞王公聘同余脩漕書交甚驩向余泣下談三黜也出所奏上官書且曰足下一言明無罪左官死可矣嗟乎龍標柳州坐廢尤甚羽王博學工詩昌齡宗元之匹又何怪乎即滄浪一狂生耳尚使人唏吁慕焉世必有憐羽王而大其用者何俟異代哉余欲羽王火前書余言無能重羽王也

信陽何仲默在弘德時著十二論及嘉靖間京山高伯宗亦著樵論後先傳海內海內以爲名言關中許伯誠謂何子有王佐之才非託空文者而華亭袁復善避高論得嘉佐之宗其所叙二先生論詳哉其言之也余友張國禎往在長安砥礪文行輒愛而誦之頃復令刻問序于余嗟乎古之賢豪志在匡時多危言激論惻惻歎歎實中其聲至于叩關止輦思以自見而人主莫之川懷瑜握瑾而令疏放者又何限也二先生固文學大儒乃不偶于時官幾十年不調已



麾之外服沉淪悲憤以死如所論固權而目觀其移辨讒而身中其禍君子蓋傷遭際之難云往聞何先生觀逆瑾侵吏部權移書讓太宰而伯宗于友人彈故相爲詩壯之是節槩相肖也世言修士少文才人行劣何可論二先生也樵論尚存笥中而十二論久未讀得茲刻竝觀俛仰今昔不自知其涕之沾衣也桓譚見玄經爲必傳中郎引論衡爲談助後世得無國積其人哉當傳諸不朽云

白雲樓詩序

嘉靖來李于鱗起海岱間而宇內談藝者歸之歷下今白雲樓集乃其所爲詩也于鱗天才高邁富于往牒居常好深沉之思自言齊魯于文學乃其天性秦漢以來至使素業散失有足悲憤必得所欲與左氏司馬千載而比肩吁何其壯也故目所經涉書多在左馬上下間而其屬文亦有似之者至於聲詩由三百篇以至於唐竭其才而窮其力方其屬類比事倏來倏失經

營於將迎之間得之成詠言危則性情峻潔語深則意氣激烈于鱗論詩可怨之旨余率有味乎其言哉今茲集所載如樂府古體蘇李齊軌下擬建安五七言律大類少陵叅之沈宋第用逐古之辭則控引錯綜意自已出而新舒一時之感則包括總覽辭復典麗而古此其法有所必至神有所獨運是胡寬之肖新豐而伯樂于馬也往于鱗與余言詩在齊魯如邈廷實李伯華亦近時之偉才也尚雅而雜俚博而未精其高視一世類如此假令于鱗不死則易所稱擬議以成其變化于鱗取以論詩可庶幾焉昔人謂長卿賦不從人間來其神化所至非耶頃者侍御姚公讀而愛之命梓淮陰董事既竣敢綴數語俟諸來哲以見願爲報鞭之意云爾

山居隨筆序

臨海王先生山居稿燭正襟誦之泠泠生清風也先生著論高一代絕無因襲語即與公所賦天台神秀幸不爲秦封漢禪所標故其高潔邁

宇內信非翫道如芝者莫能宅也先生曾次似之乃其文章可得而聞也有不類是乎此猶龍卿風之徒識高千古其言至今在也燭異日過天台中當盡求先生所著書傳焉

梓吾蚓鳴稿序

余觀安成鄒謙之平涼趙景仁東吳顧華玉袁永之陸子餘讀陳司馬詩芳亭稿皆有叙諸先生號大儒無不欣慕推服者余乃知司馬公天下士矣司馬公有子舉于鄉官蘇州司理其姪

蕭子

本集

六一

檢討仁甫出山中所刻蚓鳴稿屬余讀而叙之余聞司理公少負雋才家藏書頗多又在武陵溪上奇氣逸思有以發之形諸篇詠咸中矩矧如秋興擬杜少陵讀之無不肖少陵者餘多出入有唐諸名家斯稱閱覽大雅矣假令諸先生見之將不謂其有父風哉昔唐韋應物守蘇善詩歌至于今傳之人稱韋蘇州云應物之作冲澹玄遠而司理公尤爾雋深他日竝傳可鳴國家之盛者乃自託于蚯蚓廢中作鳥鳥聲無

亦懷奇未究有感而鳴與斯亦足悲矣陳生曰余與仁甫談詩欲驅于作者之場至議論善處則曰吾聞諸司馬公又曰吾聞諸司理公云後先相承此以文學世其家者余得而論之司理公名一德字天佑號梓吾居士

漫興稿序

一明劉山人詩二冊訪于陳子鶴陳子叙叙曰予登黃蓬山其下多劉氏族云劉之先有檢討公琢進士公深予欲訪山人叩家世而山人徒

蕭子

本集

七一

城南低徊故墟不能去又家大人數數稱山人丰神雅操乃予自是識山人矣山人性剛喜讀書行吟澤畔絕意榮達每上先人丘墓四顧悲歌酒後耳熱輒作鳥鳥聲詩成即上尊貴人不易一字有勸易一字者山人弗聽也昔李獻吉謂途旁巷謳勞仲康吟風也詩之真也彼學士爲韻言而稱雅雅亡而風猶存則真詩在民間其言達矣山人詩鶴興就而其畧也謳也吟也直途巷語耳乃比興寓焉亦真矣古有觀秦風

而嘆周道者今列郡無采風使者假令有之則  
山人詩可被音律庶幾見楚聲矣山人豈刻  
意于詩哉寄乎情而且忘之耳載觀楚山川多  
含貞隱璞如善卷接輿老萊於陵承蜩灌畦諸  
夫雖聖人莫化而漢濱父老楚江漁者與避跡  
桃源躬耕鹿門鼓枻洞庭輩高風邈矣又有劉  
凝之隱南郡時臨川王義季鎮江陵存問之走  
衡山絕嶺予讀晉史慨慕之山人隱蓬山簞瓢  
自樂華亭袁履善由比部郎謫州牧見山人禮  
之至投歌以贈若山人者其開凝之之風而興  
起者乎予故以山人爲高士俟立楚隱傳者采  
焉

### 大孤山房稿序

往年乙丑余同劉性甫舉進士輒談藝云越戊  
辰其弟元甫進士以大孤山房詩屬余叙蓋性  
甫令上蔡時蔡人所梓也性甫嘗謂我曰楚騷  
稱雋而郢曲寡和楚固有聞于昔者即唐多作  
者如必簡浩然之在襄陽何卓絕也至子美兼

而大之脩詞之士引爲繩墨家傳人誦彬彬盛  
矣第緣情而根于道非徒以辭爲工者且其人  
重其言傳其人非其言湮沒矣吁可畏哉余聞  
而避之今徧讀茲刻命意深厚構體諷諭詞逸  
而新旨遠而弘皆道之腴也然直鼎牛一鑊耳  
極其平生列于作者之林當如所稱說幾于公  
家公幹長卿矣孔子曰誦詩三百不達于政亦  
奚以爲余讀信陽何編脩啓圖所爲去思碑知  
上蔡有善政采風者非其言而傳之所謂其人  
不朽者非耶元甫有高才以文章名世海內比  
之機雲兄弟乃余私心幸其復楚聲之舊也

### 梁彥國詩序

余聞羅浮山近南海上其四百餘峰巒岿蒼翠  
泠泠然有聲自巖窟中出若相呼應蓋谷神天  
籟與它處異故長生其間者雅多文人在昭代  
駕于古昔余友梁彥國又讀彥國詩果山川奇  
助耶彥國師事黃才伯先生識古文奇字又與  
梁公質黎惟敬歐禎伯結山中社即在山中而

海內詞人延頸願交其友朋裨益如此彥國家  
食最久壯乃從仕精驚八極心游萬仞枕籍羣  
言含咀六藝至其情興在名山大川長林豐草  
間寓目寫心沈吟覃思如登卓爾逍遙諸臺俛  
仰放歌邈然千古有餘詠焉其心欲以片言明  
百意坐馳役萬景真良工獨苦矣今觀近體清  
遠類孟襄陽歌行悲宛類岑嘉州五言古多魏  
晉之遺後有愛而傳之者往彥國典教灤州及  
補成均評廷獄能于其官時操觚翰託意烟水  
語曰用志不分乃凝于神彥國之詩之謂也假  
令助益如彥國鑽厲于詩尚奪其心能有今作  
乎余益信士立言誠不易云彥國手其稿屬余  
叙因道大都焉嗟乎倒屣仲宣擊節士衡愧非  
中郎茂先云爾

戴良齋集序

余讀劉勰所撰明詩時序情采諸篇其言時運  
交移文質代變古今情理因詩而見又言風雅  
之興爲情而造文諸子之徒爲文而造情有味

哉其言之也故南風卿雲之頌烝民麥秀之歌  
讀之如在當時而漢魏以來孤臣惜別于塞外  
去婦嘆咏于中閨鼓吹奏乎軍曲章謠發于閭  
巷含氣布詞質而不采情景在目大都有風人  
之遺焉

明興以來至弘德之際其詩賴二三君子力振  
古風爭雄往代其後才穎之士聯辭結采日甚  
一日有意深軒冕而汎咏皋壤心纏幾務而虛  
述人文詩本言志胡可違也語曰翠綸桂餌反  
以失魚真如鯁之所痛者乃余讀戴伯常詩又  
何弗爾耶伯常從

先皇帝起鄧邱侍環衛執戟多暇尤好讀書因  
感成聲因聲定韻如九哀四憶有足悲者蓋當  
時諸公抗疏逆鱗後先被繫幾至抵剄伯常時  
掌詔獄輒保全之筆札慰問及于非所權佞側  
目不寒而慄幸其去國形諸篇詠使采風者得  
而陳之則容納在君忠貞在臣有裨世教非淺  
鮮矣彼徒工綺麗享帚千金柰何多于伯常哉

余聞伯常從尚書韞公講易獄中也其事最奇至逮都御史謝公稱爲却金金吾此其馴行君子儒哉往年乙丑伯常予其稿屬余與歸廬甫序之廬甫業有言越三年伯常交余甚驩道其取于伯常者如此後世其以此知伯常矣

太古山房集序

往余登嵩山見大河自龍門過洛汭又帶于靈寶間休風顙氣鍾之于人其中蓋多許氏族云許子文夫同余舉進士與談文藝甚驩也後出其詩示余氣骨高雅詞彩華茂卓然成一家之言而許子自言讀書山中卜居在巖穴間其傍有漢唐名寺多高僧往還扁其堂曰太古所爲詩藏其中遂以名其集嗚乎輞川之勝惠遠之社許子兼之宜其工于詩也況其心有所慕而好古與古之賢豪如左思江淹劉楨應瑒之徒客游梁魏咸以詞賦名至今聲施與大河並流即許子產于梁魏取其詩徧讀之豈謂生于數子之後也且許子世族也自裴毅公而後作宰

相尚書者四人海內以爲希邁乃許子篤于脩詞其心澹如也故自嘆曰半生多饑寒人猶言膏梁其意深遠矣余愛許子爲人又愛許子詩夜泛淮口爰綴斯語冠諸篇端是年許使江淮命余序之如此後世知許子者豈獨以詩哉豈獨以詩哉

雜珮新編序

余觀昔之奇士困于鼓刀屠狗藏于博徒賣漿家庸于酒人自匿不肯見人而好士者致之爲上客天下無賢與不肖知與不知皆慕其聲而引以爲名此必有以合之者往官京師海內藝文之士然諾相結屢嘗滿戶外及出守東海東海日多事諸游好絕不顧即浮淮有潛遁去移文嘲之者一日管子建初來管子年少性敏天骨秀朗工詩畫又善書所歷具越燕趙齊魯之墟凡雅善管子者拔之詩篇此其跡誠困乃名在諸公間非藏匿者管子視諸公言如囊中裝直千金矣黎惟敏題爲雜珮新篇王百穀業有

叙余客管子于蕭寺梓前編抵掌無它言惟言  
貌瘦者民肥身勞者下逸嗟管子而達于政哉  
昔漢武帝徵北海守有文學王生自請與俱諸  
功曹以王生嗜酒不欲與俱乃其言有裨于召  
對余異日安知不重管子言如王生耶閱月管  
子行書作叙因告字內之交東海守者

觀濤集序

往余讀木玄虛海賦冲融沆瀣千奇萬變令人  
仲悚于驚濤怒波間比讀陸生無從觀濤集其  
詩得之海上聲調楚楚鏗然和平豈大頗之寶  
隋侯之珠生有其精華耶汝南張吏部助甫過  
淮以詩投余過揚以詩投無從被酒科頭大書  
茲集謂豎長江以北之赤幟者維揚生一人耳  
助甫少許可乃所善生不虛矣它日游海上當  
共賦焉無從屬余序因書以歸之

淮陰筆記序

莫山人生長洲里卜武林家焉余曩得歷下越  
遊諸編大奇山人才又一二友人向余游揚山

人不休余移文招山人山人始來淮題其新詩  
曰淮陰筆記而屬余一言嗟乎自余得山人爲  
十日飲登韓王城談楚漢戰事吊劉伶臺徘徊  
宴花樓故址愴然興懷繼之唏吁山人老矣尚  
多功名之感真以節俠自雄者即取其詩讀之  
不可以見其平生之槩哉山人詩世多知者余  
不論論其浮淮之蹤如此山人名叔明字公遠

詩說序

謝山人茂秦有詩名在海內往茂秦寄余書又  
寄余詩頃過鄴下趙王遣使置酒與茂秦會  
甚驩也出詩說一帙命余以言余讀之爽然悟  
凜然懼也奈何提衡古之作者乎大都山人平  
生以身爲易盡而無以累之以名爲不朽而無  
以奪之窮極而思工思工而語至叅比禪機超  
然上乘所謂文章千古事得失寸心知真自道  
耳余竊謂古人不可及無論天寶大曆間即  
明興弘正之際何可易能乃茂秦報梁中丞書  
必欲追而繼之孳孳進取不知老之將至昔鍾

參軍作詩品長于方人茂秦著茲說果于明志  
異代有中郎並引爲帳中之秘余無庸言矣

康山人詩序

國家公車不聘士而士有茂才異等號跡弛者  
往往逸于草野間故

明詩在布衣中如孫太初張子言尚矣嘉隆之  
際彬彬迭興亦惟有若謝茂秦吳子克鄭中伯  
王仲房俞仲蔚顧聖之黃淳父郭次甫沈嘉則  
周公暇洪從周諸人而游余久者則康山人裕

南園文集

下卷

六

卿也山人有俊才隱鹿蕩山中足跡半天下客  
長安者十餘年山人性純謹又不妄謁其所與  
交者皆海內才穎之士是編多北遊詩即不擬  
唐何許人而朗潤清越如撝金考石罔不中聽  
獨念山人抱用世之志鮮負俗之累而窮約作  
烏烏聲斯足悲矣語曰吐珠于澤誰能不合然  
則山人之詩信可傳哉昔唐萬楚張彪與李杜  
交有詩名第布衣白雨人外不多得焉才難不  
其然乎余序山人詩既憐其才而又嘆聖世多

才如前所稱說也山人名從理字裕卿永嘉人

墨泉詩序

往朱秉器在南曹結青谿社社中諸君子咸知  
余秉器以詩投余淮浦交驩日深間讀尊公墨  
泉先生詩未嘗不篇篇稱善也後秉器守渝州  
刻其詩于郡齋乃盛仲文氏所選仲文先生門  
下士知之頗詳云余取而讀之見先生詩春容  
尚永灑然絕塵如泛舟彭蠡探秋月寒潭下  
吳可得也又如登匡廬挹甘露御惠風冷冷欲

南園文集

下卷

十七

儒評者謂其在淵明明遠間似矣仲文言  
先生博極群書才名滿大江之西舉春秋第一  
人竟以祿仕三爲博士及尹麻陽在楚邊嶠中  
值疆場戎馬之務悲憤以沒未究厥用余謂先  
生訓士而化長民而懷至祠祀焉是豪俊之業  
也況其詩足傳乎昔人言年壽有時而盡榮樂  
止於其身未若文章之無窮假令先生生漢魏  
間趨鄴中會當與公譙諸家塗藁醉墨即應於  
梁臺詔安知不以詩坐爲上客乎余獨惜世之



取士不盡于詩而先生自鳴人皆珍之秉器痛先生詩不盡傳于世而存者百一可觀其大先生有無窮之聞哉先生諱瓚字光獻別號墨泉臨江新淦人觀者知朱氏父子以文學世其家

### 臥雲樓詩序

憲使陳于韶讀書臥雲樓上余訪之各賦詩爲別酒酣遂出平生詩數十卷屬余選而叙焉于韶同家大人舉嘉靖庚戌進士乃丈人行顧栩栩然忘年驩也余卒業而嘆曰壯哉于韶之爲

蕭園集

卷之五

十一

詩也 國家詞賦變于弘德之間而極于嘉隆之際家驥人璧亦云盛矣及其敝也株守往哲徒工學步至有自掩其才者今于韶詩擬古似文通游僞似景純雜興似嗣宗登覽似靈運長歌似太白近體似少陵絕句又似李方諸古人可謂合轍而獨造之言富艷難蹤如將壇一賦其哀王孫而思猛士讀者淚不可禁至謁子陵之祠吊太初之墓又使清風隱隱起江湖間天才高邁自不容掩可與今人之作槩論哉余既

別于韶過射洪登子昂讀書臺多其振古之力西望閬山于韶在焉異代之後雖謂蜀有兩陳不亦可乎題其集而歸之射洪有謝少安中丞善屬文以余言爲不佞云

### 具區集序

往讀顧華玉國寶新編言江都按察趙先生富文詞而精吏道有以爵位駭按察者按察視之直腐鼠耳余曰壯哉趙先生之爲人乎及入淮揚泊瓜洲問趙先生之廬蕭然四壁立委巷中

蕭園集

卷之五

十一

墓且有宿草矣先生蓋弘德間才子云先生諱鶴字叔鳴別號具區其子瞻奎抱具區遺草若干卷請序于余余觀先生之文於學無所遺於辭無所假質任不浮羽翼經史其詩早愛孟郊晚慕杜甫往往歛其氣以合調抑其才以就格而機軸雄渾難爲淺見寡聞者道也當時寶應朱升之真州蔣子雲與先生號維揚三才而華玉徐昌穀尤推服先生不休往先生筮仕戶曹大司農有疏會計必出先生手及督糧薊州兼



理古北口條陳皆兵食之計出守金華所奏蠲賑諸草金華之民至今口碑焉嗣視學山東先生教嚴明而沙汰者半士涵涵弗任有鳴于闕下者給事中亦論先生之過先生辯之頗力大都言人主作養人才必察真偽而後真才出聽納羣言必別忠欺而後忠言至廷議韙之而先生浩然歸矣歸而杜門著書其書滿家今存什一于千百耳昔潤州楊文襄公卒于家其門人太原喬文簡公不遠千里來吊先生爲哭師篇壯之倪文毅公爲太宰時阻江南加賦先生高其益於社稷也大書其事其習朝典而究當世之務視前三公不啻過之乃功用未起此遵何說哉顧公又言先生登泰山金焦諸篇言言自作更不隨人直凌駕千古膽也此足槩先生之大矣余因表而出之

近譬軒稿序

肅皇帝七年戊子各省試號得人之盛蜀中榜題名時有五色雲見于芙蓉城上吾鄉尚書戴

公以御史典試事後內江趙孟靜學士遂寧楊實卿編脩文章氣節表著宇內而謝少安先生鼎足而立雲氣蓋休徵哉先生舉嘉靖辛丑進士官都御史入對大廷四明張文定公奇先生卷進呈御覽而歐陽文莊公又王文成公高第弟子先生任兵曹盡棄其學而學焉以能近取譬之語名其軒且名其稿云先生嘗言文者言之精聖賢所以忤心明道而傳世者自科舉之文出而後有古文有古文出而後有遺書是

文之變也至于其詩則風雅變而爲騷騷變而爲五言五言變而爲近體若道率諸性而性統于心此何可變焉非忤而明之則不顯不顯則不傳今槩觀先生之作于書無所不窺而矩矱春容一洗蹊逕其才無所不宜而音節婉麗泯其意象大都闢揚風教期以明道云耳性先生督學貴陽過龍場訪王伯安遺跡感慨有合而參政南中值楊用脩謫居相與切劘其學日益其才日達而其言未可以一家目之者第覽之

淵然而誦之鏗然若知其顯而傳矣昔陳拾遺以詩鳴于唐而盧黃門號忘形交編序其文嘆其虎視函夏卓立千古人以爲知言先生再起射洪異代齊名乃不穀交先生晚憶訪先生時先生抱病在沉滯一執余手霍然有起色緩頰附耳揚扆百氏多疊疊之處又檢平生作屬余刪定傾蓋如故先生視余何啻子昂之于臧用哉別年餘而先生捐館舍余聞而瀾然涕下也命嗣子劬孫國鈞將先生所授書刻之山堂或謂伯玉與先生抱王佐之才陳以憂憤死至今太息而先生撫齊魯間勒銘東岱會盜蠡起論者謂先生縮朒怠吏事罷先生歸而功用未究斯亦古今文人之通憾也與先生諱東山字少安號高泉海內稱高泉先生

周五津集序

昔人謂文章與時相上下又與其人相類云梁舍人劉勰所撰體性諸篇謂言定于志志實于氣吐納英華莫非性情如賈生俊發故文潔而

體清孟堅雅懿故裁密而思靡安仁輕敏故鋒發而韻流士衡矜重故情繁而辭隱知言哉歷觀往牒無不符也成都周先生少有奇質朗潤清越舉嘉靖丙辰進士投病疏闕下杜門養高古今多所揚推時探青城峨眉諸勝若將終身焉莊皇帝用言官召海內諸賢起先生于家官刑部主事遷光祿丞又補雲南少叅數月而歸先生釋褐幾二十年入仕餘三載乃其情況在煙霞山谷間發爲詩文直吐曾臆冲然天曠如幽瀾白鳥毛羽自適又如絳雲在霄任其舒卷蓋先生品高而志潔其言絕塵非類乎其入如劉生言者耶司馬曾公先生同年交厚撫蜀時屬余校先生集其子遠近請余序余讀先生留貧一賦廉頑立懦足風百世恨來之晚不見先生也漫綴簡端將復于司馬公云先生諱遜字昌言號五津居士

王侍御集序

肅皇帝朝稱名御史其在江南非石沙王先生

哉先生與表叔司徒傅公舉嘉靖壬辰進士分  
 考者松溪程先生號大儒得先生卷奇之取冠  
 本房仍梓其文以傳先生之名赫赫遍海內司  
 徒公語余說王先生不休如朝議南狩先生上  
 書極論議竟中寢裨益社稷功豈眇小哉後庚  
 子典閩試閩故多才地而先生臨臨有體是科  
 最稱得人先生歸田訪先生之廬者至無虛日  
 先生有子同穀官鴻臚與家光祿兄交莫逆鴻  
 臚君博雅好修余一見之猶見先生云一日手  
 書與余集  
 先生詩屬余序遺書光祿兄促之光祿兄曰何  
 可無一言于先生哉余誦先生詩又知先生品  
 流高絕遂避舍不敢言余聞先生戟髯虎目感  
 慨有烈士風世所稱操觚含毫在先生視之直  
 上耳每有詠歌往往削草不存而欲廣其傳  
 以名後世豈先生意乎若收于斷簡散帙之中  
 以承先生令名則鴻臚君之孝思何可少也先  
 生詩不模擬而合矩不雕繪而適麗關中胡世  
 市有詞名嘆先生詩不可及今集中多往還之

作即先生壯夫薄詩不爲又烏能自禁其名之  
 不溢于縹囊耶先生姓王諱英字子王家世錫  
 之石沙山學者稱爲石沙先生

二酉園文集卷之四

沔陽陳文燭玉叔著

序

郭次甫詩序

不穀平生多方外交如郭次甫蓋最契云一日手其稿謂余曰鍾期死而伯牙絕絃穢人亡而匠石輟斤知已之難也往年朱子价近日徐子與許定吾文者悲哉悲哉俱化爲異物矣公爲我言之余聞而悲焉語曰大味必淡大音必希

二酉園文集

卷之四

十一

又曰知我者希則我貴次甫何患焉憶余爲大理寺評事讀獨往生吟稿乃何翰林元明所序謂次甫神在三山身游五岳所探者玉檢金繩所求者青芝赤簡千駟萬鍾不足當其一顧垢穢旣去神奇自來其言飄舉超逸髮鬚青蓮云後視學入蜀過瀘州客有談楊川修在瀘曾以其像寄金陵社中社中諸子于人口懸像賦詩次甫携中冷水煮茗供焉用修得諸子詩見次甫有先朝等語淚淫淫下不能讀恨不見其人

也今幾二十年次甫心日靜而神日王而詩日中遠信如何氏言奈何必後世無楊子哉漢焦光一處士耳無片言遺世而風節屹然與桐江爭雄勝次甫棲遲所得于焦山者必深其人足重也況其詩彬彬當于作者耶假令二先生在必有益余言而重次甫者次甫撫然曰公等我于千百世之上俟我于千百世之後我勉旃哉公無言可也矧二先生哉余咲曰有是哉次甫之奇也書作詩序

二酉園文集

卷之四

十一

霍洞山房遺草序

霍洞遺草此吾兄光祿監事詩也光祿兄少負奇氣習舉子業最工視取一第如芥耳比長侍家按察公倡明正學薄詞賦不爲也嗣後北游成均始乘興爲詩其年丁亥北于唐人高適云是時海內才士如王敬美祠部李元甫學士李惟寅通侯李本寧脩撰康裕卿管見初文學皆不穀社中交一見兄如見不穀也相與銜杯酒結殷勤之驪威爲書報不穀曰足下直難爲弟

哉君家有二方語不虛矣兄自是喜弄筆札多  
所吟詠今爲詩寄之中云子美尋常渾取醉達  
夫五十始工詩兄大笑以爲知我知我晚拜一  
官終非其好也又家按察公歸田幾二十年猶  
伴山水復脩李杜岑孟之業而兄朝夕杖履食  
客滿坐修禊良辰登高佳會江閣星樓隱林夏  
泐賞無虛日茲集翩翩沉鬱直率多得登臨之  
助語曰近硃者赤近墨者黑不其然哉不其然  
哉乃遠跡頓于促路長筭屈于短日年厯五十

卷之四

全集

年一

四耳天乎天乎莫可得而問焉兒壁手其稿向  
余泣曰願大人一言俾先朝露者不死矣嗟乎  
余忍序耶忍不爲序耶遂梓而成書拭淚者久  
之兄諱文燮字叔和別號霍洞山人

### 何生詩序

余泛黃河至宿遷風雪艤舟有何生過我而請  
曰自先生守淮而知九州也又自先生知而九  
州力爲詩也彼不知已者詬厲也且下相窮鄙  
之社也叩盆拊缶則相和而歌折揚皇華則噓

然而咲吾游先生以成其名乎是時雪滿舟呼  
酒醉生語之曰昔趙嘏鄭谷唐人之雄長也至  
今稱趙倚樓鄭鷗鵠不休維名與字若遺之矣  
況官爵乎皆以一詩名世渭南宜陽諸編不傳  
可也生求古人之工且似者而得之則宇宙間  
寧皆下相耶柰何居則曰不吾知也生唯唯而  
別越明年訪余三山之許負書擔囊困諸生貧  
也手詩一帙乞余一言生蓋羞盆瓴而希大音  
者也遂以河上之語副諸墨

卷之四

全集

四

### 山帶閣集序

海內談藝家言必稱朱氏父子云其升之參政  
公在弘德時與徐昌穀顧華玉號江東三才有  
凌谿集行於世而其子价守九江有重名學  
士又爭說射陂先生不休以爲司馬談遷復出  
今山帶閣集是也余得而遍讀之嘆作者之難  
云夫古今修辭之士曷嘗不欲著經世之大業  
垂不朽之盛事乎然詩與文未易能也少陵昌  
黎業各擅其長矣乃先生兼之其文溫純爾雅

明實精典有兩漢之風詩則磅礴蘊藉未易窺測大都古詩宗六朝律則初唐之才藻而盛唐諸家之體裁至於題跋翰墨有晉人風致即無方諸古人乃先生平日好古慕李獻吉而能去陳脫近秦漢是宗卓然備一代之體博學慕揚用修而玄言妙詞標出指示朗徹千古奇俊慕劉元瑞而幽思絕塵神游于八極莫可蹤也惟其有之是以似之信矣信矣余門人政公雅好讀書自嬰校先生少負奇質所聞已與人異而惜計時久閉門讀書又二十年及舉進士官邸署守令每携書自隨即尚書之期公家之會不顧也臥以薦瘠食以當飮至其會心欣然永日先生之自謂也宜其言文而傳遠哉余往來寶應湖上問先生之家世於縣令李君李君文雅好修遂惠先生所著書屬余以序又遣其孫肆夏過淮而請因道其嚮往于先生者如此余友郭次甫吳道南皆先生莫逆交又促余序且言先生嘗云後世有定吾文者不佞豈其人哉

不佞豈其人哉

品士錄序

萬曆甲戌予奉命董蜀學事是年入蜀秋試于北冬試于南明年乙亥春試于東夏試于西及期而周再試如初即丙子秋也諸生多翩翩倂計者梓其文藏大益書院因告爾多士曰昔陸機作文賦自言觀才士之作竊有以得其心恒患意不稱物文不逮意蓋非知之難能之難也而潘發于巧心受嗤于拙目雖陸氏且嘆之知言豈易乎即蜀多文章家今所習舉業彬彬然弘德以前質而不俚嘉隆以後華而漸靡舉觀海內時使然也

聖天子廣厲學官思正文體余所錄士大都文達意耳意藉物耳期從先進而然明詔嗟乎陳隋之士浮陳子昂氏振之而唐文變焉嘉祐之士奇蘇子瞻氏振之而宋文變焉因二先生以風蜀因蜀以風海內至今聲華溢于縹囊二三子寧無射洪眉山其人哉若士工于進取士

可工于品藻而無關於文體之正則余也誠拙  
幾爲士衡所竊笑矣

### 高年會後序

唐會昌間白公居易爲東都九老會各書姓名  
圖形貌誦者如覩云後杜公衍爲睢陽會文公  
彥博爲耆英會寥寥千載間歷二三見耳可不  
謂難哉家按察公謝政里居值萬曆改元結高  
年會于復中坊幾至百人燭守淮陰明年祝學  
西蜀歸見諸老鬚眉龐白咸來勞余談前樂驩  
甚復有毛道人太真自有十歲自太和來陳山  
人紀八十有三自江西來皆後入會者因憶李  
公元爽及滿上人嗣歸洛下得付胡吉劉鄭諸  
公之末乃兩人胡類此也獨少善繪者圖厥形  
耳因書兩人姓名而記之如左

### 贈方伯林公序

余往讀太史公西南夷傳滇在漢時蓋大國云  
漢武帝最注意自張騫通道後始言于朝當時  
所遣如王然于栢之徒與滇王論漢廣大嗣後

西南多滅國而滇復爲寵于非以其荒服不  
欲加兵革而難結編髮隨畜遷移之習尚在民  
間耶明興統一過大漠然以中原視滇則遠矣  
向皇帝遣勳臣守之世祿鮮禮嘉隆之際

天子往征下僉書告戒即今日藩使布德施惠  
于輦轂萬里之外可不得重臣往叩象川林先  
生以蜀按察使陟右幘余知 天子注意于滇  
不啻漢也先生舉丁未進士立身多大節往僉  
憲江西時分宜弄柄趨者如流而先生耻出其  
門又以法繩其使者分宜大銜之先生數年不  
遷嗣歸山中而海內薦紳之徒莫不以此高先  
生起家至今官廉訪于蜀財數月耳先生曾參  
知于滇滇人延頸舉踵望先生來至則喁喁然  
安業 主上德威如在栢陞之間蓋先生人品  
高潔足以風之直影響哉直影響哉即漢家遣  
使數十輩不博先生一往也或謂先生久勞外  
服卿寺公孤之任且夕是膺安知先生不至于  
滇即至未久又再遷乎夫先生在蜀則蜀重在

湏則湏重在廟堂則天下重此何異焉先生且行諸大夫命余代言余侍先生教最深茲不具述蓋爲文贈先生者諸大夫之意也

贈少司馬曾公序

曾公撫蜀三年矣公始至蜀訪古禮殿講堂何在而慨然慕昔人化蜀之風下學宮博士進諸生于大益書院而授之業梓先儒名言以代訓迪一時人文融融洩洩庶幾西南齊魯哉燭不佞奉 聖書視學事見三巴舉髦之屬無不奮

書

卷

九

然德公之教者時自 闕下而西也會大司馬以九緇城功告 廟今

皇帝御殿宰相及百官拜稽稱賀歡聲若雷纓綬紳珮之士亦無不欣然嘉公之不績者嗟乎文能附衆武能威敵公之勲猷可不謂神哉今年秋 上擢公少司馬諸生進而言曰往都畿擁部落橫行陣微慶長高珙鈞戎之間肝腦塗地而全蜀幾騷動公決筴搆虛城其境土號稱武亭士有安業今去蜀矣蜀人奈何離師保乎

余觀公平日口悛悛不談兵而一試之疆場有橫草之功時冠軍劉公顯素有勇力聽公指示追逐司馬穰苴不能過也又謙讓不居此其意念深矣常有以自下者今用之典兵語曰知臣莫如主其然哉且將受命之日則忘其家臨軍約束則忘其親援枹鼓之急則忘其身公在武寧行大將軍事俱忘之矣今之往也上下交驩千載一會斯亦蜀王生所稱鴻毛之遇順風巨魚之縱大壑者耶二三子戀焉有如褒者爲我

書

卷

十一

廣 聖主賢臣之頌可乎憶公督學關中時余送之郊舉楊應寧唐虞佐何仲默三先生誼甚高爲公望公首肯以別三秦豪傑見公來如見三先生面人人以爲得師仲默未及與兵而楊唐兩公爲兵部尚書最有名先典本兵者尚有馬端肅公負圖余肅敏公士英劉忠宣公時雍皆伊呂之傳也餘多全軀保妻子之士何敢望應寧萬一出入將相之業公無意于文襄乎哉諸生謂余知公在同郡間言以贈即二三子所



觀記公用兵如神矣乃郢人運斤成風庖丁解無全牛大都志定而神疑有不自知者矧公平余何知諸生唯唯退

贈御史羅公序

中丞羅公撫蜀有大造于蜀公往尹遂寧比于卓魯邑人祠祀焉今東至巫南至峨北至劔閣西至青城其士民德公如遂寧云偶言官論公上上憐公才有改南之命公仰天嘆曰讒說殄行妻妾成錦交亂四國欲投豺虎古人傷之吾

青園文集

卷五

十一

將濯孺子之纓鼓漁父之枻去洞庭游乎諸大夫進而言曰晁錯之智子胥之功屈平之忠申生伯奇之孝有讒焉至不能自保然千載之下五子之心如青天白日其名與天壤相敝公何慮哉公乃上疏自明其略云臣舉進士幾二十年往兵備薊鎮虜患方殷日夜防禦稍效微功虜不敢南下而牧馬讒人毀之賴

先帝優容以至今官今毀臣生平絕無毫髮相似昔曾參殺人慈母投杼臣愚不及曾參者願

明主憐焉疏去月餘公將行士民依依如失父毋諸大夫命燭一言燭進而言曰何論五子余嘗觀覽昭代名臣傳若端肅馬公文襄楊公非今所稱伊周其人乎憶弘治正德間上習純厚大臣好善而不必善之自己出讓功而不必功之自己樹與嘉隆之際大異鈞州安寧尤表表焉且被讒而廢屢廢而起負圖故有才智其經略哈密名聞夷夏應寧謀邊如家躬脩城堡在花馬諸池二公不能必人之不言又不以人言

青園文集

卷五

十一

自阻也勲樹赫赫使言者見其後來之業安知不愧而杜口乎至于阿衡不惠避居東都尹與公且尚有讒焉必其勤施四方格于皇天舉殷周之神器而還之太甲成王始可以自解于天下後世今人言必稱伊周自天地剖判以來寧有兩乎其善于處讒如此公雄才大略談邊事如指諸掌主上聖明棄羣臣不肯若如腐鼠知公特深謗書不問願公善于自處樹端肅文襄之業愧彼讒人之口不亦可乎公慨然嘆曰

蟬翼重而千鈞輕莫邪鈍而鉛刀銘戶服艾以  
盈要謂幽蘭其不芳以身之察察受物之汶汶  
楚人被讒從來遠矣吾何憾吾何憾燭序其言  
投輜軒中公望留都去

贈侍御何公還朝序

今皇帝御極之四年丙子例當御史按部于蜀  
主上以蜀兆基自蠶叢去轍下遠昔時躍馬戰  
處又當賓興之會乃特命何公往蓋慎之哉公  
甫至理場事雅正文體所取翩翩多奇士不穀

青陽集卷之十

七

方視學事歌鹿鳴而宴之酒數行不穀持觴壽  
何公公亦觴不穀雅相慶曰其長卿淵雲之儔  
乎又年餘公周旋七蜀南泛青衣東過赤甲西  
歷靈關北登劒閣布揚天子之德威無論士  
若民之感畏而叩符冉駘之徒竇旅渝舞之微  
莫不傾心落膽冒之如天地仰之如日月震之  
如雷霆即蜀萬里如在楮四假令

聖天子輯瑞觀牧倣三代之制脩四宗之典安  
能至蜀而陳詩觀風納價觀好惡黜陟幽明何

公代之矣公直名御史哉未幾公復明命還  
下二三子皆公所取士長跼而請願余一言寵  
公之行不穀應曰公蒲坂人也晉陽太和之氣  
見于唐虞盛于今日公應期而起乎漢司馬子  
長唐柳子厚文章燁然而遇非其時不能賡都  
俞吁咈之歌宋文潞公司馬溫公事業赫赫中  
古而精一之統或有問焉天子聖神文武上  
嘉勲華而何公舉辛未進士在翰林有重名茲  
行陞見天子問按蜀狀必大悅加非次之寵

青陽集卷之十

七

泰密勿之司使是君爲堯舜之君哉是民爲堯  
舜之民哉邈矣西土尚有賴焉二三子躋足交  
手拜而相祝且言國士遇我我何以報之不穀  
言報之以國士而已憶

肅皇帝戊子吾鄉尚書戴公以御史典試有  
色雲見後內江遂寧諸君子以風節著傳爲士  
林盛事今相國張先生與公同里不穀爲門下  
士才識爲下無能爲也二三子有名世者乎是  
所以報何先生也不穀藉之以報張先生惟熟

計哉惟熟計哉二三子送公于郊謂不穀知公  
深使載行事

贈司理房公序

今天下何所難哉折獄爲最料敵次之故大刑  
用兵甲次斧鉞刀鋸次鑕鑿鞭朴是刑罰不可  
廢于國征伐不可偃于天下其致一而已第訟  
者詐僞百出如牛毛蝟刺莫能指數故防民之  
僞甚于防虜非公且明烏能勝其任乎余爲職  
方郎掌在軍旅見用兵之難也而天子以明刑  
之責畀之臣下內有法司外有按察司每府樹  
推官一人蓋代欽恤配民命消不軌以又宇內  
是兵與刑又相須也可不謂難哉豫山房公成  
進士選承天司理昔

先帝封國

上方龍飛園陵在焉周鑄京漢豐沛也中多戚  
畹民易犯灋公之往也其尤難與乃公下車數  
月中貴人斂手避迹受昧吏願解印綬去駕胥  
悖民日見棄舊兩造備于庭以片言折之有繡

衣使遠而難詰者公廉得之有州縣吏狎而易  
昧者公廉得之人稱神明焉頃御史吳公薦公  
又表刺史貽書來誦公不休即予一人凡聞御  
史不阿矣刺史復徵余言余謂刑非難也得情  
爲難昔時有盜高廟玉環長陵杯土罪在不貸  
者今禁最嚴假令有之是青災者也奏當議勿  
致之族南陽貴人有田不可問者

昭代異制假令有之是怙終者也奏當治勿令  
徒免冠謝則咸中有慶公其不愧古哲人乎然  
使明刑者皆如公進賢者皆如御史則刑措而  
兵休庶幾哉黃虞矣語曰內治脩而後外威嚴  
公其圖哉

上有召召公矣

贈尚御史序

今制御史侍殿中糾察羣吏倣古杜下之遺及  
代天子巡狩外則陵寢內則兵營尤稱要密非  
有兼資之才而善剛柔之用者苟能當其任乎  
關谷尚公以進士尹麻城有善政召入拜廣東

道御史初巡九門光祿多都亭積弊摘發如洗  
後有淮陽之命淮陽諸路

高皇帝園陵在焉俗多靡靡公援法布令凡椎  
埋掘木之徒乾沒深故之吏無敢抵禁者百姓  
按堵歸以數年復除河南道值今

皇帝御極之四年歲苦匈奴犯邊

初下廷臣議何如開營何如訓練拊背思將更  
化善治顧千載一時哉復以公爲巡視京營使  
公嘆曰奈何怪武備弗振也今日議論類道旁

讀書集

卷之四

十一

之舍耳遂審畫其策建白其事多所調停而憂  
形于色必欲置之萬全者則觀公所歷試絕無  
鷹擊鵠舉之術又不煦煦然示人以感也人無  
不德公之深者乃其言侃侃爲社稷長遠慮語  
曰不吐不如邦之司直其公之謂乎余讀易巽  
之離其爻上九象鼎玉鉉仲尼傳曰剛柔節也  
大節剛柔可以居鼎公異日者秉鈞握樞執此  
以往其有鼎之望哉其有鼎之望哉

贈余封君序

經言教誨爾子式穀似之子之能仕父教之忠

孟子獨云易子而教至如范滂馬援王昶柳玭

諸公類訓其子後世比其言于韋弦云然未嘗

離師輔而親督課也今觀寒塘余先生殆異前

聞哉先生有子觀察公汝化同余舉進士往觀

察公令江山先生曰民之父母矣汝往欽哉單

父密令吾慕焉而觀察公爲循吏嗣選南臺先

生曰朝廷耳目矣汝往欽哉鮑宣唐介吾慕焉

而觀察公爲名御史斯亦漢魏諸家誨言耳未

讀書集

卷之四

十一

幾觀察公

勅巡荆西諸路先生來視之見其政肅化行若

召伯在南國于公在復州也竟無一語以歸孰

非先生之教哉先生天資高邁于書無所不窺

而講求紫陽之學屢試不利日夜教觀察公讀

書未遣其師一人今觀察公考績稱最得封先

生如其官即誥詞中謂先生親教厥子異它人

也韓子曰耕之力也勞而爲者得富戰之爲事

也危而爲者得貴今脩文學習談論無耕之勞

而有富之實無戰之危而有貴之尊人孰不爲之先生不有試而身被其榮又知易子之教爲中人設耳乃孔門過庭數語何異雅言哉觀察公名位益隆而先生之學晚年益富其教之忠者必有進于前焉願因汝化請質之

贈陳經歷序

自余執戟蓋觀今

上御極禮儀云方

上受顧命宅便殿羣臣拜稽

上三讓乃陟帝位改元大赦

詔官輦轂者封

贈若父母妻大者誥小者勅用

皇帝輿羣臣領于內廷呼萬歲謝歡聲如雷

越明年建太子太子廟見羣臣如見

上禮

上錫恩如即位羣臣領如初嗚乎盛矣潛江陳

子以衛功曹被封上疏曰臣大田故文萃子也

養于叔氏遭事

陛下恩及所養幸矣如所生何願移其命臣及

臣之婦者

上允之陳子歡甚後册立授書復封其妻孺人云孺人者進士歐陽惟承之姊也歐陽子過語曰若薄功曹耶今兩父母沐恩逮于吾姊即孺家猶占此榮矣且蓬累談經屹屹白首者何限又富人至巨萬比于素封終鮮一命直田野氓耳陳子愈益歡歐陽子問贈言于余介余所善客程生請焉余讀功曹前疏嘆曰昔太史公叙陳世家稱舜德至矣苗裔茲茲有土不乏當時

陳敬仲奔齊使占曰鳳凰于飛和鳴鏘鏘有媽

之後將育于姜八世之後莫之與京及楚閭陳

晉史曰陳世祀虞帝盛德之後百世祀乎夫占

史卜與千載如券何哉諺曰十年種樹百年種德即不穀世受

上恩恐恐焉懼無以承之乃觀陳子豈其先世

有所種耶由茲植之其興也何啻如齊晉所上

歐陽子又言陳子孝友閭里中坐上客嘗滿倒

屣諸貴游嗟乎太丘表正孟公投轄吾家崇義

人也懋世德以永休是在陳子

### 贈黃山人序

黃子裁者廬陵之義城人也義城有黃閣于江  
右子裁生有異質少讀語孟諸書乃泛彭蠡過  
江漢卜居于潛潛之人多遺其子弟從焉子裁  
爲之授書正字性嗜酒又喜吟詩酒後耳熱輒  
仰天放歌呼筆滿紙醉墨淋漓即無論工與不  
工往往令坐上客竦意而覽客遂呼爲二狂山  
人云山人貌最奇幼失一明壯乃贖脚買田作  
勞歲致饒裕里人有訟者山人片言解散人人  
以爲親已爭以肩輿迎致之山人雖游于酒人  
第多計策重然諾有似乎古之節俠哉山人交  
余甚驩每談江湖之景如巖舫煙波間且喜且  
駭余借計吏北上山人遣子謁余已而山人冒  
雪來河謂余曰子行矣何以教我余曰左丘失  
明厥有國語孫子病足遂著兵法此因身而立  
乎其名者高漸離善歌乃矐其目卞和獻玉至  
刖其足此因名而害及其身者山人絕無窮愁

之態又不以所長干人當竭力于山逃名于酒  
師古人之貞隱足矣山人蹶然起坐唯唯否否  
余求山人教我者而山人且醉弗答也明日山  
人往潛陽去

二酉園文集卷之四 終

二酉園文集卷之五

序

河陽陳文燭



鳴玉堂稿序

鳴玉堂稿者內山張先生所著也往

肅皇帝朝先生與家大人官司馬署中交其驩  
各出其子之文先生最奇余而家人人于長公  
子蓋稱服不休已而交相慶也後戊午先生以  
儀制郎視學吾楚不穀得出其門是年長公聚

青園集

卷五

一

序

于鄉未幾魁天下與太史而不穀奔走于江淮  
巴蜀之間先生沒數年而始讀其遺文太史寓  
書命余校而序之且云先生遺意也因捐俸付  
山陽尹魯文叔刻焉憶侍先生時先生嘗謂文  
章之妙與化工等作者寄身于翰墨見意於篇  
籍不託飛馳之勢而名溢縹緲天壤俱敝今人  
慕秦漢者曰班馬宗盛唐者曰李杜大都詞合  
而實離象人而用之恨生氣少耳文如歐曾詩  
如錢劉皆有詞於永世者也古人賤尺璧而重

寸陰願吾子懋之今先生之言在耳而莊誦先  
生之文庀才于西京而雍容俯仰義理自勝類  
永叔根極于六代而奔放環偉咸中矩矱類于  
固至歌行跌宕類太白少陵者十之三近體清  
宛類仲文長卿者十之七人亦有言奏議宜雅  
書論宜理銘誄尚質詩賦欲麗此四科不同故  
能之者偏也惟通才能備乃先生非通才耶始  
先生舉進士時入典

青園集

卷五

二

時之務宜剖符升書勒銘鼎鉉履歷以造士顯  
及左遷滇南虜酋弗靖先生監軍有平定功會  
遷甘肅行太僕卿忌者不察從而齟齬之復逮  
對滇中幸滇人代先生對甚悉而先生遂歸老  
于鏡湖之曲矣每讀太史上

今皇帝復先生原職疏及大冢宰趙公墓銘大  
司馬呂公墓碑未嘗不俛而深惟仰而泣交頤  
也不有大史烏知天之所以報先生者昌而大  
乎昔李獻吉評楊應寧之集喬景叔作何仲默

之傳咸以門人廣其師說藝林後爲盛事不穀  
無能爲先生役稍叙其槩將以告天下後世定  
先生之言者

贈言集略序

高郵龔子來與余同

肅皇帝乙丑所進士也子來才高學博尹南充  
清苑已而官錦衣幕子來稍稍不樂會以正直  
忤其長官遂罷歸余過訪之酒酣出一編首文  
次詩次簡抄梓而藏之且曰紱自歸田以來海

南園文集

卷之五

十一

內知交邈若河山幸手茲集如見顏色子爲序  
之嗟乎昔向秀思舊多傷心于鄰笛陸機歎逝  
每馳情于同宴古人蓋重交道云即子來所交  
多才穎之士皆吾故人也而片言瑣翰子來珍  
之乃余掌故弗嚴往往散失矣子來之高如此  
又何讓子期士衡耶因書以志余愧

刻呂氏春秋序

昔漢楊雄讀呂氏春秋恨不生當其時走咸陽  
市中彈射其書載千金而歸咸都揚州修以爲

懸金市門無能增損者秦勢使然耳吾家子雲

老不曉事至於如此當時荀卿之徒著書布天

下而燕趙韓魏皆結賓客以相傾不韋所延必

後雄弘辨之士而其言備天地萬物之理八覽

六論十二紀二十餘萬言色取仁而行遠居之

不疑司馬遷有言孔子之所謂聞者其呂子乎

余竊謂秦自昭王以來兼併詐力以愚黔首人

心之公偶見仁義王伯之談足解倒懸亦等爲

奇貨悅而信之或末可知也使盡惕于勢安能

南園文集

卷之五

四一

杜口而行其說于數千載之後耶余獨悲是書  
語興亡辨忠佞若蒼素然而秦不自悟也一夫  
作難而七廟墮身死人手爲天下笑彼于先王  
遺經且焚棄之何有于文信侯之言哉鳳陽太  
守張君得校本于侍御陳公憲使朱公謀刻郡  
齋請余序而傳焉余幸呂覽之存有家國天下  
者所宜鑒也

瑤石山人詩序

肅皇帝朝海內治安學士大夫脩經國之業吳



中王元美歷下李于鱗武昌吳明卿臨清謝茂秦嶺南梁公實黎惟敬相與結社都亭名赫赫遍宇內後乙丑余舉進士時五子散去而惟敬以戶曹郎掌

勅誥優游中秘間與余投合引爲忘年交每一談藝思謝朝華于已披啓夕秀于未振又兢兢古人成度蓋垂老未變云惟敬著作昌明于嘉隆之交而其意常在弘德之際北地信陽尤所寤寐獻吉有言曰古人之作法雖多端踈密虛

青園集

卷五

五

實先後不爽音韻輕重彼此互異如以魂載魄法與體俱仲默有言曰談理學者比于曲藝而其辭亡工文詞者牽于時好而其意亡辭意亡而斯道廢矣二子其名言哉宜惟敬之味之也今讀惟敬諸作指事造形窮情寫物或緩發如朱絃或急張如躍枯或慷慨以任壯或悲歌而引泣命意則奪造化而感鬼神摘辭則照三才而麗萬有乃其型範質諸建安之傑太康之英開元大曆之宗往往而合美哉決決乎幾于古

之能言者矣昔人謂公幹仲宣陳思之輔也安仁景陽陸機之輔也

國家前有李何後有王李乃輔之者非惟敬而誰耶惟敬浮沉金馬三十餘年頃上書乞骸骨天子壯而許之遂歸羅浮山中別余于金焦之潞低徊留之不能去及渡大江友人鍾長卿守潤州與惟敬厚索其橐中稿屬文學鄔子汝翼校而刻焉請余引其端黃子定甫又來促余文竊謂惟敬之作大有裨于雅道故不辭而爲之

青園集

卷五

六

序

### 刻藝文述削補序

往余守淮華亭袁履善先生爲余言揚有蘇生者多讀古類書又十年余督運至揚蘇生手所編藝文述削補十冊請余正之時督學侍御李公海道叅知龔公聞而異之謀梓于揚義烏虞君守揚乃命陸生校焉陸生博雅多所刪定刻既成余覽而嘆曰王充家徒四壁立耳每走洛陽市中閱所賣書潛心默誦遂會通諸家張華

徙居戡書三十乘秘書監校錄資以爲定本世  
有兩人安事此哉蘇生困窮白首負薪于海濱  
之間往牒希少考訂尤難乃其淪落真有足憐  
者視昔徐堅之所謂記歐陽詢之所謂聚近日  
鄭若庸之所謂尚者其簡而腴博而約乎太史  
公言虞卿非窮愁不能著書以自見于後世彼  
所稱春秋竟不知視呂覽爲何如余又悲古今  
著作家多湮滅也茲編何幸哉得二三君子其  
傳章章矣蘇名子文字伯華陸名弼字無從俱

江都人

益丁樓詩序

肅皇帝乙丑余同龔子來壘進士試天曹政與  
子來談藝深相結後子來尹南充清苑赫赫著  
循吏聲獨以正直忤其長官致錦衣經歷政歸  
矣歸而杜門却掃即郡縣藩臬大夫部使者訪  
子來子來輒引避乃朝夕酒人節俠耳余偶造  
之子來相視而笑醉我于益丁樓上問子來著  
作子來不應也余謂古人文章發于羈旅草野

即迺虛避景之士多歌詠自娛况子來宿學且  
在野邛別一年而余以職事如京子來駕孤艇  
泛湖上手一帙乃益丁樓集也余覽之喜曰昔  
李益長于詩人爭選之征人早行諸篇施爲圖  
繪雞林傳白居易自至易以金子來進而仕  
退而處人知之矣而卒無游揚者必子來之詩  
出而世之知子來者久而始定繪圖易金非已  
事耶子來投袂而起謂余不可無言余聞長老  
高郵湖蓋有明珠云今無矣天地精英之氣在

鳳泉居士

留餘堂集序

今宮保大司空潘公蓋有留餘堂云海內才穎  
之士與公交歡者咸贈以言命不穀序而梓焉  
夫王伯大四留語直名言哉而公朝夕斯堂比  
于常弦公文章氣節有先世岳瀋之風無庸言  
矣不穀三爲公部吏見公朝考畫講夕序夜庀  
未嘗一日不在中原至經略兩河之勲人造東

海其神

朝廷而安百姓即造化有賴焉余讀公告成疏歸功于

聖君賢相而分勞于百執事謙而受益虛而不伐公將以有餘貽天下後世而天下後世有登公之堂思誦公之美者且無盡也况編中語乎公忻然而笑曰有是哉子為我書之

顧公山閣倡和集序

錫山蓋有顧公祠云公諱悅之晉永和時令錫

山閣集

卷一

一

遂家焉今大理寺評事仲長其裔也仲長卜築于祠之後山有九隴水有二泉其巖洞花木盤紆第鬱昔人所謂欲界之仙都非耶已卯之春仲長集六七友生遊而圖圖而詠焉海內同人聞而和歌者大半久且成帙寄余余焦之潛請書其事以為美談余謂公家辟疆不有名園乎王子敬亦文翰之流也乃指麾好惡主賓未洽竊以為恨仲長閱覽博物多寥廓之思而一時雅游心相契而聲相應也假令長康復生則競

秀爭流雲興霞蔚山川之美何減會稽道上郭次甫身游矣一聞余言以為神游者書復仲長異日當續諸公詠焉

高奇社事序

漢司馬遷才高識亦高好為萬里遊凡古人異處輒詢諸長老或逮于孫子故史記一書無論砥行立名者不忍遺即刺客滑稽佞幸之類高而不謬奇而不譎者咸筆之彼以為夷齊雖賢顏淵雖篤學必附仲尼而後名彰于後世況其它乎于長于先哲何愛而厚也家按察公讀史每一會心呼不穀語曰何異真珠船中思物成書未果也枯蒼何振卿先生閱覽博物以觀察使疏養于家屢薦亟起而不出品流踔絕風節夷遠寰宇勝區足跡將半庶幾于司馬之遊業編名山記布士林矣集古人之佳者而傳焉題曰高奇往事問序于不穀不穀覽焉恍若聞鳳吹于洛浦值薪歌于延瀨爽然自失矣豈耿介拔俗之標蕭灑出塵之想真度白雪以方絜于

青雲而直上者耶昔人謂仲尼多愛愛義也子  
長多愛愛奇也先生之意亦多有所愛與夫許  
由以天下讓而金滕豹韜廢矣延陵不受吳國  
而頌田爭券者慙矣務光不汙於世而貪利偷  
生者悶矣是編行而先生之風長且遠也不有  
裨於世教哉先生名某振卿其字也號賓巖海  
內稱為賓巖先生

李少白詩序

家按察公開草堂于南紀門一時走郭南問奇  
者衆少白李子工晉人書跌蕩不羈按察公尤  
愛云不佞出入周衛已南浮淮泗又去萬里橋  
西不獲與少白談藝乃少白之詩駸駸作者每  
歸省按察公公曰子見李生詩耶而才清而氣  
豪即子所善諸山人孰與李生多也余無以應  
又三年仲常傳子刻少白詩按察公擊節曰子  
叙李生詩耶而名高而傳遠即子所序諸山人  
詩孰與李生親也余無以應一日手少白之詩  
讀且竟告按察公曰昔人琢肝腎撚鬚鬣求一

字之工不免有寒儉之態乃少白工于詩而無  
其態吾家孔璋言過高唐者效王豹之謳游睢  
渙者學藻績之綵理固爾耶按察公又言吾友  
李君寵有詩名今逸矣何得如李生傳耶竊恨  
生逡巡閭巷耳假令爲萬里遊則望龍門而造  
謁售鷄林而長價胡少良遇也吾老恐不及見  
耳鄙諺曰物離鄉貴文章亦爾耶異日仲常請  
余序其詩且言少白將出游遂以按察公言弁  
之若少白詩多于諸山人余序少白詩親于諸  
山人敢質于海內知言之士

榮膺錄序

榮膺錄者隨州刺史馬公錄  
今皇帝封父母制詞也往刺史考西充尹最不  
佞視蜀學政國士而厚遇之諸與刺史交者題  
詠而梓馬劉別駕蕭博士謂不佞知已也屬引  
其端余觀漢時蓋重守令云即榮父母之文不  
傳于後世如光武在南陽見卓茂視民如子遂  
封太傅以褒德郭賀刺荊州明帝賜三公服去

稽露冕俾百姓見之以彰德揚聲飛采可想見其盛于千百載之下今馬公在西充爲賢令在隨爲賢守而又膺上休命于父母此其遭逢何啻郭喬卿卓子康耶昔人有言勉哉脩令德北面自寵珍感遇圖報是在刺史

楊升菴先生全集序

先君子談昭代博學新都蓋有楊用修云憶穀皇帝閱文獻通考問天文有注張星者欽天監與諸翰林不知也用修引周禮史記而以柳星

爲對肅皇帝覽給事張紳疏問齋字鬼瓚四字

爲對肅皇帝覽給事張紳疏問齋字鬼瓚四字

爲對肅皇帝覽給事張紳疏問齋字鬼瓚四字

內閣諸老不知也用修取荀子非子二子篇以復是武廟世廟咸知用修可備顧問者駁駁大用旋以議大禮謫戍滇南何始之所遇與終所遭迥異也用修著書百有餘種時分宜故相乞品詩于萬里外尚書劉元瑞符神樓曲終身棲息其珍重如此至海內名流若寶應朱子价謂其即事稱奇朗徹千古亳州薛君采謂其窮極詞章之綺麗半龍載籍之菁華永昌張愈光謂

其立朝去國弘業葆貞華容孫仲可謂其旁通廣蓄名高衆忌嘉州程給事謂其裨官小說因微適道崑山周太僕謂其權衡操縱含英茹實四明張司馬謂其片詞纖指根沿古初太倉王廷尉謂其才情蓋代使事最工即諸家品而用修之博可知也稿多散漫梓行不一方伯華亭蔡公得大行公家本手自讐校刪冗正誤以成完帙會督撫關中張公侍御平原宋公尚賢右文共圖不朽蔡公因里中憲使費公寓書不佞叙焉以督學入蜀時曾與謀刻叙曰自古文人或遇而詞達或窮而語工用修生有異質過目成誦正德辛未廷對第一文忠公學在絳綸凡明堂石室金匱玉版之藏咸得披閱皆賈幼隣蘇廷碩韋嗣立馬端臨皆宰相之子成其問學無如用修之遇者蒙難而南土舍兵變戎服率旅自言報國往來高崑雲局之間嘔心苦志邛瀘暫寓殊方竟老昔夜郎龍標潮陽朗州又山川之險增其題詠無如用修之窮者用修遇而

窮繼之窮而遇先之造化愛而似有所吝吝而似有所成語曰蒙金以砂鋼玉以璞珊瑚之叢必茂重溟夜光之珍以頡驪龍其用修所繇博與竊謂賦祖枚馬而戎旅藥市則崔之幽征張之白羽也頌祖淵雲而建學實淵則孔之釋奠袁之嘉蓮也誌表等於褚淵誄詞並于袁策江祀記行簡嚴二典蚊陣露布游戲三昧黔國諸篇隻字華金孝烈特傳四維振響敘述參之鴻寶論辨奇如張策譴戍野眺五言古之作者明遠還都玄暉登望似之矣垂柳流螢七言古之佳者照隣古意之問明河似之矣近體多深沉之思春興八首其夔州以後詩乎絕句極風人之致滇海十二曲其橫江客中行乎此用修大較也攻文者奈何病其不純也採摭既富蹊徑終存造化莫得而陶鑄之又謂用修雜著宜彙一書諸子以來誰能襲六爲七耶隨所得而筆之有深意焉恨不起用修于九京而上下之并以告讀用修茲集者

崑崙山人集序

此劉按察仲修受余張山人集叙而傳焉者也劉張燕人燕中同社諸子舉酒觴余曰賴子永山人之名歸質于先中議公公曰汝知山人詳乎山人人生有異骨童子時其師名曰詩字以子言謂可以詩名世也山人號崑崙崙長學于何仲默久聞仲默病走信陽視焉卒哭七日而後反過大梁訪李獻吉獻吉曰此豪士也游吹臺夷門問爲長夜之飲瓶芝忽墮各賦芝棊行並傳藝林以爲奇事時孫太初有重名與山人爭雄太初自負青崖貼天日下照芝草班此曹氏父子語也贈詩有張子自高格入山從我游山人謂其人自視高其詩去漢遠遂絕交兩賢胡相厄也又見上上官求書書比楊雄于成帝思盡發石渠之秘而誦之志壯矣晚寓京師誅茅種竹風雪蕭然跨一蹇驢任其所之與人語退然若愚未嘗雌黃一人說者謂其揮金如糞土視齊奴猶几上鼠特其少年狹氣耳山人故李氏

兄育于張衡州二十年而始知有告復姓者山人泣曰如衡州公何仍姓張其厚如此草書狂縱有法類乎其人若詩則汝知之矣余藏其說十年而先公逝豈惟負仲修且負先公言矣遂引其端曰子言詩其禁鍾節度乎其琪樹玲瓏乎蘇林逸品也人言殷仲文讀書半袁豹當不減班固余于太初亦有斯憾寧獨子言爲然哉異日梓寄按察并告同社諸君子

李惟寅詩序

惟寅李子少有雋才曩游于楚遂著楚游集好奇之士讀其詩以爲得楚山川之助者余謂顧兵人何如耳即有楚以來輜軒所過何衆哉如空際之客荆南二張之在荆岳杜甫之泛洞庭顛之過夏口至今詠歌瀟湘並流千載何寥也私心于惟寅作業已奇之比游長安與惟澹又余友陳子仁甫沈子子靜楊子懋功皆下士也輒爲余道惟寅詩清逸冲淡得古風之遺而五言尤是長城余讀之良然與談詩

最合且屬余序其詩文皆出入周衛與海內學士和歌之作非游楚時詩顧余楚人也其所感于惟寅者如此昔人嘆詩律細于晚節至死且不休大都立言之難也惟寅丁年其人有國士之風不但工于文藝今方脩豪俊不朽之業是在惟寅助之而已

復中樓珍翰序

不穀讀復中珍翰而泫然也夫非海內相知當先按察公書乎先光祿兄藏而珍焉不穀頑鹵所收逸矣又恨不及先公在時一錄也壁圭兩兒請序而刻之意傳遠而延世好也嗟乎先公蓋重朋友之交云同升彈貢禹之冠惜逝抱子皮之痛恤孤下羊舌之泣收文極所忠之明今讀報書尤大彰明較著也中如太師楊公少保胡公俱以大司馬經畧荆南防胡而胡潛議倭而倭退休哉勲樹翰海扶桑其餘公多封疆石畫先公掌在職方與謀帷幄竟作溝中斷矣積羽沉舟琴絳折軸先公有遺憾焉它若論學



之劄談藝之牘先輩名流徃徃齒及不穀有云  
與卿語不如共阿戎談者不穀避席而不敢當  
或謂蘇頌見張說作五君詠以爲先許國公友  
也薦說忠審柳宗元自言先侍御公所交皆善  
士記其名于墓表之陰二子有厚道哉不穀願  
攝齊以從

漢書評林序

古今著作如孟堅者何幸哉叙皮綴之于前大  
家續之于後陳宗尹敏孟異之徒交相左右受  
詔于永平中爲郎典秘書優游蘭臺盡發其石

渠天祿之藏太初以後建初以前上下二百餘  
年積思二十餘載創藏山之秘寶摩刊石之遐  
賈文贍而事詳可謂比董狐司馬之良而兼長  
卿子雲之麗矣乃古今評者多于子長如張衡  
條其不合者十餘事劉之遂錄其異狀者數十  
事服虔應劭等爲集注姚察項代等爲訓纂顏  
游秦爲決疑師古爲注解陸澄爲新注王勃爲  
指瑕房玄齡爲撮要余靖爲刊誤楊侃爲標注

至劉知幾歐陽修所辨論有出于諸家之外今  
去諸家千有餘年安所置喙哉吳興凌以棟博  
學善藏書承其先大夫季默與其兄工部郎惟  
哲之訓作史記評林復取評漢書者而彙次之  
探逸典于酉陽訪遺編于汲郡外史所掌廣內  
所司罔不讐校無論徃代即有明且數十家稱  
馬班全書問序于不佞不佞謂推班氏有高名  
者莫如范曄所作後漢頗負一家自言班氏雄  
博不可及整理未必無愧也唐人劉允濟作魯

後春秋亦言史官之權甚重而班生受金等如  
浮雲矣二子者曼辭自解耳烏能盡知班氏哉  
茲評瞻而文著詳而事彰洗衆說之穢備一代  
之體讀者疊疊不厭因以窺作者之心若曰善  
詩者不說善易者不占無假研窮而得古人之  
心于數千載之上評何贅也是管窺蠡測不達  
其意而師詩者古今又何限耶不佞少有史記  
癖先按察公命其兼讀漢書所言班馬異同頗  
詳童而習之白首茫然愧不能筆之以附諸家



之示乃知班氏采經撫傳多識漢事雖其天才使然大都祇庭訓而續家學者也以棟遠稽近述聞古人之風而興起寧獨班史忠臣也夫寧獨班史忠臣也夫

胡元瑞詩集敘

嘉隆間余官大理評事海內談藝之士自薦紳以及布衣莫不與交而婺州胡觀察在禮部其子元瑞幼敏有雋才蓋年十六即操染雄一時余未見元瑞見元瑞詩宛致有法嘆曰終軍十

指園集

卷五

圭一

八草西征人以爲山東英妙楊牧十三善屬文乞言者至壓其藩子美思語不驚人至死不休自言詠鳳凰財七齡耳脫略時輩結交老蒼蓋天成云即元瑞弱冠所交非大人行則海內知名之士此其穎異豈在古人下耶

今上十年余以叅政候補闕下元瑞舉于鄉偕計吏而北詩名嶽嶽重海內矣相見驩甚手少室山房詩請余序焉且曰王先生業有言弁州而外舍公誰爲麟子期耶元美愛元瑞調高聲

秀李于鱗不死矣時張助甫在都門目元瑞奇之此嘉隆間人也假令五子並驅中原安知孰先孰後乎二先生才華蓋代重元瑞如此乃余尤愛嚴棲一編周旋于芙蓉紫薇之間挾白龍而驂赤豹飲青精而拾瑤草語帶烟霞一洗塵俗斯大奇矣康裕卿童子鳴每談金華三洞之勝元瑞悉吐之直有得于山靈之助者哉或謂吾子胡不品元瑞諸體耶余曰有二先生之言在直論其巖棲草耳或謂元美稱于鱗助甫稱五子元瑞方壯駿駿作者果如二先生言則六人豈無出于于鱗五子之上可爲標的者耶余無以應是在元瑞懋之而已元瑞名應麟別號少室山人

冠山人詩叙

廣濟蓋有冠山人云一日走汾上訪朱秉器大參吊孔汝錫方伯謁諸王孫諸王孫引爲上客山人名赫赫晉楚秉器梓其詩叙焉大都論山人爲人有古豪士之風沔去廣濟財數百里耳

余不知山人又不知山人詩異代談者出乎謂  
陳生好客多方外交奈何不識巨源巨源好游  
奈何不識里中生乎一日走燕市與余晤大醉  
酒樓驢甚無厭也豈惟余幸即山人有深幸焉  
山人大槩任秉器叙中余不論論其詩詩非難  
也才與格難耳山人才雄格高尤長近體如懷  
村居則溪雲侵座冷山雨入簾疎懷友人則羈  
懷成感易失路論心難書懷則貧久交游見時  
違吟語非其五言佳境乎如題山居有藜杖濕  
扶花外雨竹籬寒抱石邊流懷謙之有從來詞  
賦人多忌莫怪江湖客獨醒送肖甫有帝有非  
熊先得兆士雖屠狗亦嘶思別子謙有主恩不  
淺君求去客路無媒我未歸送惟允有皖城月  
照湖山靜熙水風生海樹寒送惟寅有蓮花波  
色惟前淨桃葉晴光掌上明其七言佳境乎至  
淮陰一作人人誦之所謂百戰堪憐千金有重  
恨不起韓侯而擊節焉乃知崔李能賦豈多于  
黃鶴樓鳳凰臺之上哉夫格高者氣貴融才雄

者調貴逸昌齡如筠格在開元而才弱許渾商  
隱才駕大寶而格卑巨源方壯諸體有待思兼  
古人胡可以此槩之山人起謝曰秉器謂我良  
于行而先生望我細于律請終身從事以無負  
二先生遂以二先生之言弁諸首

### 紫霞社稿序

今上御極十有一年歲在癸未海內治安士人  
修文章之業長洲山人吳叔嘉者負雋才游京  
師仲春望月設觴招侶于大隆興寺故基以劉  
觀察仲修張方伯助甫主其事而不佞附焉凡  
計吏與偕計及韋布能詞翰者若干人即席賦  
詩若干首憶李何在弘正五子在嘉隆宣布雅  
道巖廊江海今上十年而始觀其太平之象乎  
建安公燕永和修僕徒豪舉耳或謂會不盡人  
人不盡其長夫季膺黃華之章正叔綠繁之咏  
比于虬龍片甲威鳳一毛諸公詩似之矣余不  
論而論茲會之奇如此

### 潘孟深詩序

淮上故多文人余所聞國朝如胡司徒蔡宗伯

潘中丞表著東海而孟深者又中丞公孫也余

守淮時與孟深談詩轍解頤十年過淮而孟深

之詩梓矣手一編請曰先生論古詩宗蘇李近

體宗王孟歌行宗李杜又談嘉州隨州不休茲

亦學古之程耳就先生而正焉余讀而嘆孟深

之日益也情至思玄而語工也趙嘏孫魴非淮

人乎乃倚樓之句金山之章膾炙千古不啻余

所談諸家詩貴多乎哉明日孟深送余八寶湖

集

卷五

七

上請余序其詩余學詩三十年無以荅先大夫

之教當仁不讓孟深勉矣

二酉園文集卷之五

二酉園文集卷之六

河陽陳文燭

序

送麗中丞屯鹽諸路序

往聞虞廷百僚師師然讓也用一人則咨四岳

詢九官及十二牧拜稽交贊此意絕于中古乃

今觀麗公云方主上議脩屯鹽

勅廷臣舉所知在廷之臣奚啻有虞所稱二十

有二人無一人不疏麗公名者麗公往以御史

巡浙中

浙中

苦倭患民病極矣吏有深誅里有

豪猾屏逐蘇息公誠通于才而機應于變上古

有醫曰弟父曰踰跬北面祝言吹竅定腦諸扶

輿來者力起即秦越人不如也乃公類是乎及

公爲北方儒生師上書自言粵人也粵人事

先皇時某嬰逆鱗而忠某犯忌諱而直宜表揚

之以愧從諛者復退而論劾大臣朝廷肅然憚

之公有景行非私于鄉人也宜乎于有衆哉今

公以都御史往而屯鹽矣屯鹽非古也其起于

秦漢之用兵乎。即漢建元元康之際。趙充國上便宜十二事。又下賢良文學商議鹽鐵。亦工于安邊者。第先零羌虜入寇。而後屯。又與利者不遺一孔。人言漢得下第。誠下矣。

主上借公往河洛。鄒魯燕遼。淮揚中土。幾半當出奇方。如古之良醫者。昔桓寬都前議。嘆曰。公卿知任武可以闢地。而不知德廣可以附遠。知權利可以廣用。而不知稼穡可以富國。亦確論也。公方運思深長。垂勲竹帛。成

書國文集 卷之六

十一

主上用人之明。在虞廷間。漢策何足數。聊陳今昔之慨耳。且同公往者。咸寧鄒公。華亭唐公。三公同爲名御史。同決廷中獄。廷中稱平。今分布又同。古語曰。鼎足承君一足不任。則覆亂美實。若三公者。成君之鼎矣。公卿有言以贈龐公。謂余侍公得代言云。

送溫中丞巡撫保定序

隆慶元年秋九月。虜入寇。羽書東西馳。

主上勅廷議。凡封疆之臣。石畫之士。稍罔功者。

輒易位。至拊髀而思。乃保定巡撫缺。上以溫公往。蓋

特命云。溫公守大理。陛辭行。

主上月送之。諸大夫皆曰。寄上書。關外矧值多艱。真推轂公哉。余爲廷中吏。乃代諸大夫言曰。茲行非但倡率吏安黔首已也。顧昔時戰地。今日要害處。借公之重。叩夫真保古中山國。如潁池易水。鉅鹿平陽。楚漢之際。控弦鳴鏑。至今枹鼓戈鋌之聲。如在。山阪溪澗間。國家紫荆等關。介于宣大。最近京師。往烽火近甘泉。撫綏者即鯁鯁然。移師入衛。責非眇小矣。溫公雅度恢廓。天才傑邁。往以御史按蘇松。適有海寇。指顧衽席。芟刈驅除。

先皇帝嘉乃績。遷內秩。今撫恒山。恒山堅甲利刃。勁弩長戟。稱良矣。而感慨悲譌之士。尚有隱于鼓刀賣綰者。幸公致之。計圖安攘。語曰。長袖善舞。多財善買。以公而慮。則邊隅不足寧矣。昔漢韓信出小卒。陣泜水上。其用兵最神。而買館

觀匈奴強太。上書欲係單于之頸。何其壯也。公于韓賈不足齒。第同洛陽里中人。茲行過淮陰。戰處按故壘。訪遺事。得無增功名之感乎。史遷而二公終其用。庶幾哉。漢家勲比太公。周召之徒。血食後世。今于公望之。公懋哉懋哉。先時主上遣使者歷塞上。凡不敢爲與不能言者。皆得。

上聞公有便宜。可入告乎。又典司馬者歲二三易如難其人。公能久于外乎。公第行。

上將命公統六師掌邦政矣。

送王中丞巡撫貴州序

永嘉王公舉進士。仙縣令有名。選爲御史。出按滇南。彈劾鎮臣。以安黎庶。

先帝嘉納其言。移檄責鎮臣。俾去其席寵。恃功之。謂功臣人人思。朝廷肅然憚之。謂王公真御史云。後擢大理寺少卿。公決廷中獄最久。會今上即位。欽恤之。詔屢下。羣工仰承。復以律例稍繁者。陳爲數事。

主上俞允而行之。朝論此薛文清廷尉時故事也。又謂公與大理云。未幾貴州撫臣缺。

上以王公往。有謂公聲名籍甚。不宜去萬里外。此豈知當寧推轂意哉。天下且多故矣。往年議伐胡。今年議伐倭。而度支告匱。災異迭至。此人所明者。乃中原之間。不無隱憂。如貴州者。非所稱西南夷耶。連蜀楚而通滇粵。牂牁西焚。瑯琊再隴之屬。魚集鳥聚于山谷間。當漢盛時。思通夜郎。三年不就。黔首思亂。漢天子遣司馬長卿往而慰之。宣布德意。與蜀父老相難。其言至今在也。大都義在羈縻。惟恐肝腦塗地。膏液潤野。以爲社稷憂。今其地屬邵邑。喁喁歸化。與漢時大異。然道里遼阻。脫有兵革之事。戰鬪之患。倏然而起。苟不得重臣安緝之。有大可慮者。又。可空言告諭。如昔時而止耶。王公博大通敏。行以仁恕。其于民生休戚。國是重輕。如孫吳說劔季主論上。斷斷中也。語曰。世必有非常之人。然後有非常之事。有非常之事。然後有非常之功。

公往而履其常矣。即時非常之事出乎其間。亦以其常者應之。況貴去瀆不遠。公澄清之化。在比明黜蒼間。貴人聞公來。必懷德而感。見威而畏。無一事之足虞也。不剛不柔。庶幾保釐。公有長慮哉。昔人得禁方。走告秦越人。秦越人笑曰。茲我所已試。乃其心則忠矣。

送曹都閫之廣西序

余聞廣西蓋多獯獯。云乃其地本百粵。又交三湘五嶺。諸夷人衆。畜物雜于中。匏笙一吹。鳥合鳥舉。崎嶇溪洞。莫可扞禦。客有爲余談其詳者。余惻然憂焉。客曰。廣西在牂牁稱西南夷。今南至交趾。西至流沙。罔不砥礪。即諸夷亦織芥耳。庸何憂。余言。天下惟匈奴足慮。近日八閩南海。弄兵不絕。農夫釋耒。士女下機。

天子目遣重臣。假令此爲倡應。犬馬噬嚙。大有可慮。嗟乎。安得抱名將之署。若往而坐鎮哉。客唯唯退。而吾鄉揮使史子爲余言。滄溪曹公之爲人。多小不泄。有氣敢任。今年所總江漢襄郢。

之賦。水淺水旱。自嚴部下。蜚勢輓輿。達于京師。御史大夫十余人。薦公賢書五上。

闕下大司馬擢公廣西都司。且行矣。登余所謂其人耶。昔孫子兵法。闕廓深遠。至言解紛亂者。不控捲。救關者不博撒。今八桂無事。即有亂聞。宜何如以解救之。故善醫者治未病。善將者消隱變。公當靜以安夷。勿令騷動。重閩越之害。貽聖主之憂足矣。昔馬將軍伏波在當時。人且疑之。而銅柱之勲。歷數千年。無間知與不知。皆爲欣羨。彼其忠誠在國也。公其圖哉。公其圖哉。史子欲告余言。以贈公。屬其僚八九人。請之固。余曰。匈奴未滅。何以家爲。此古名將語耳。爲語曹公。今無論廣西。宜無忘匈奴。取萬戶侯可也。

送劉兵憲之大同序

往余聞長老談九邊也。咸謂大同平坡峻坂。古稱用武。城郭且完。即虜度桑乾。移幘輦于其下。朝來夕去。縱不閉關。不入也。第二十年前語耳。自嘉靖庚戌深入。隆慶改元之歲。晉中鹵掠滋。

其卽漢言單于歟。寒如雲中白登其地也。當時固岌岌。況今日乎。朔州劉叔正奉簡書。兵憲茲土。劉君登進士。司理濟南。守正不阿。持法不撓。嘗曰。吾知三尺在耳。當路者益重君。及補廷中。簡孚而聽。據法而裁。老吏不能難也。君將行。領主上專敕。立左掖下。召吾儕語曰。蒙觀邊事之難。非獨兵食也。計在將領耳。素文吏自相燕越也。出奇料敵。批亢搥虛。疾如救火。彼且回顧却走。我將海容江納。以交驩之。今上卒中碎虜首以獻。久不紀功。是疑也。宜速賞之。則大屠大宛之城。蹈烏桓之壘。探姑緡之壁。繫賢王之頸。孰謂行伍無若人乎。且直指有使。餽餉有使。皆爲邊圉來也。禮之而屈其策。緩急將籍焉。此得諸司馬冀公云。冀公康川撫大同有聲。非臆說也。又君生長北平。嘗言其鄉人總督劉公。帶川有才勇。善騎射。居嘗與人畫地爲陳。射濶狹以飲。武夫莫敢當。有謂川兵孫某懷首而謝。謂然日無胡越。嗚乎壯哉。卽居談兩公如此。而君長

身巨臂雄。才偉識何患。燕然之銘不再勒也。昔人謂匈奴漢一大縣。較長技不過二三。又曰。胡虜易與耳。方其盛也。幕南無王庭。今借君而往。虜不窺代郡。封疆顧無事哉。諸君子聞余談也。詰其胡難而胡易。余無以應。翼日劉君行酒酣。各爲出塞歌以榮之。而余復以前所談者書之。亦諸君子之意與。

### 送張僉憲之山西序

往余讀李伯華贈張子田詩也。至比之潘安仁。

云。蓋安仁令河陽。又令懷縣。詔拜廷尉。平其事。與于田合。于田舉已未進士。後先尹錢塘。鄆陵間。鄆陵之人利而祀之。余謂周漢以來。循吏種種。然風猷丕著。千載可想。獨一潘生耳。後于田轉大理評事。爲余談前詩。且曰。潘生之自叙也。通塞有數。理巧而甘拙。吾登第十年矣。無乃似乎余日侍于田左右。見其博物類茂。先思玄類。平子守正不阿。稟矜有非必置之生。全類張季行。且駸駸顯矣。頃罷山西按察司僉事。出鎮冀。

寧冀寧鄰蒲坂汾河之陽望見堯舜禹湯故都  
風土淳厚與他處異乃龍門若司馬遷絳州若  
王通昔人休美尚在山谷丁田慕古好奇性而  
觀焉必舒其振衣千仞之志風猷所感奚啻昔  
時被及一邑已耶諸君子聞余言慨然曰晉在  
我國家西陲鼙鼓之聲烽燧之警多于中原前  
年石州去年代郡虜幾深入將士不敢彎弓而  
出雖今南下牧馬之謀日甚一日矣于田憂時  
最切才又高汎出入輦轂親見

書園集

卷五

十一

主上開營擇將思鞭笞匈奴意殷殷西顧也于  
田行矣勉旃哉勒勲鍾鼎垂名竹帛是曹偶所  
歆艷也何必曰古之人古之人余既書余言竝  
書諸君子之意見吾儕相與至厚於其別也各  
道其心之所欲言而不飾其說如此

送曾督學序

曾子三甫少善屬文試輒冠曹偶視楚學者稱  
曰郢里生楚人無不願見郢里生者弱冠登朝  
出宰富順三甫操大邑而治之比于解牛烹鮮

云召入補水部使者進典虞司

主上方建西內之廬即刻楠杗總之小皆出

上裁而海內物力大屈三甫哀益而節之且斲

輪而悟運斤而思日夜讀古人書爲文爾雅深

厚退質於尊人比部公比部公方同朝云頃校

文關中二三公命爲贈言燭曰今之往也非秦

地哉昔季札觀樂有歌秦者喟然曰此夏聲也

夏則能大大之至也其周之舊乎蓋周鼎在豐

而豐雍內也當時衍易序詩脩文訪疇校禮定

書園集

卷五

十一

樂咸在豐鎬是天地之氣洩于周始于秦中延  
陵季子閱覽慕義人也宜其思周焉及後秦封  
漢都中有籀碑篆碣多青字赤石之形模科斗  
鸞鳳之點畫今雖摧蝕班剥而其氣近古故昭  
代文章莫盛于關中如李獻吉康德漢呂仲木  
馬伯循王敬夫許伯誠最著于弘德之際後有  
若王允寧喬景叔諸公竊讀而避之其先秦兩  
漢之聲乎其周之遺乎至考典文之士則楊應  
寧何仲默唐虞佐三先生教化有補于山川而



其氣益顯曾子履端而度雅儼然師矣且歷覽于周漢之墟與三秦豪傑橫經敷文采民間之聲歌倘有逸思而憂困者幸移易焉復周之舊昔之起豐鎬者化先江漢

主上起江漢化必先豐鎬況壽考作人又同矣君往矣爲我式諸公之廬而弔之對揚

主上休命哉若登台衡而水令名三先生可願焉

送馮參知序

嘉隆之際黃河蓋屢變云竊觀

昭代一二巨公以功名顯者何嘗不垂勲於河又何嘗不試外服哉如尚書宋公大本太保劉公時雍其功與恭襄並而宋則歷觀察劉則歷參知後駸駸大用語曰兼備之才歷試而皆宜乃觀今馮公允信公少年以文章魁兩浙及登進士官禮部郎宜列近幸而宰執大臣廉公才思試之也會黃河淤阻下邳幾於陸

先帝遣尚書經畧於外給事中御史往視之而

又以河渠非公不可遂擢公自江西少參陟憲使觀察於徐時廷議紛紛開泇河疏海口與築舍道旁等耳公主新河之濬舟冒危流車無停轍越兩載而績成

上賜璽書黃金龍馬頃又參知大梁公博大明決精光映人行且司保釐典樞密矣豈當塗者果試公如司空忠宣也俾周召之業久而輝潤乎公在河上慨然慕兩公遺烈蓋兼才云不佞憶家大人談賢豪長者謂平湖馮先生爲給事

時直聲震天下其所上

世宗皇帝書讀之凜凜避席大都明道如董仲舒議論如陸敬輿不避權佞如鮑宣海內薦紳士聞先生名日望賜環而先生謝絕居山中斯以名世之業屬之公矣不佞賤有司也得一日事公即不面先生顏色以慰生平執鞭之願而公時時稱說若被其庭訓者公其有父風哉公其有父風哉至操行踔絕持憲廉平士民依依不忍舍去其口碑在江淮間而部下吏感公誼

至高命余一言此何可具論也論其願幸于公者大也

送李太守知惠州府序

學者談漢循吏必首龔黃云余嘗覽兩人事觀李大夫行益感焉大夫者南源李公也公才高而練識大而渾弱冠登進士往令平陽平陽之政赫赫人口後補廷中掌右寺事擢守惠州同舍諸長公曰剖符析爵李公大夫矣何以贈大夫行命余言余曰黃霸之守潁川也不自廷中出乎在廷中數年持法甚平第潁川易治耳若渤海之借龔遂爲甚難李大夫官同黃次公矣乃今日惠州顧難于渤海哉惠在嶺表其民依島嶼爲盜有司莫敢誰何駸駸然并兵潢池之狀以大夫之才識遂所稱安之不勝也緩之不急也便宜不拘也皆能行之惠之民且棄弓弩買牛犢道不拾遺又史稱潁川八年民無重獄謂治者習于法大夫數決疑獄廷中稱平今之往也宣布詔令百姓嚮化孝子弟弟貞婦順孫

日以衆多當時褒潁川此數語耳可褒大夫奈何難惠州耶往漢家召前兩人入相遂年七十宣帝不能盡用長者故黃公輩獨能治郡今明主游心太古廣延茂士大夫方壯即下召惠州宰相事有屬焉且羅浮山在惠境余思至其下謁蘇子瞻祠假令中有棠陰斷碑如潁川渤海尤足重云大夫行矣尚有光山澤哉

送袁公之黃州序

今天下談郡縣良吏言必稱兩漢蓋漢承秦後破觚爲圓斲雕爲朴而吏治烝烝遷周二氏傳之詳矣第發姦擿伏取威樹聲赫人耳目世所稱良也至培本根調元氣以留去後之思漢吏亦無幾焉夫以循名者猶然難之而況其下乎今皇帝起郢中知民事之艱難往往注念南服歲丁巳華亭袁公以比部郎守河迄于今三年河自隸郢都背肥而今瘠昔完而今凋江漢歲溢民力大屈即無論古昔視弘治正德之間遠甚

矣乃公下車捐循專務休息進長老于庭問民疾苦甚至泣下事有便民者移文上官縷縷數萬言熟議施行皆重本根而固元氣者至覽其行事如孫吳戰勝談兵說劍而鵠見垣一方人而知五臟之癥結與鏤脂刻冰者異矣夫河自狄梁公唐子方被謫于斯而民懷其惠至

昭代如福清王公孟撫寧李公震南海鍾公順皆有聲國初間其後若華亭孫公衍張公弘宜寧國董公傑海鹽徐公咸又古之遺愛也猶弘

書

卷

七

德間耳嘉靖以來則泰州儲公洵祥符李公濂儲之才識在隄防疏中李以文章潤飾吏事今時勢有難于諸公者公兼而有之且不問譖言不致私書是梁公子方之在復矣公何愧于前哲哉郡佐李君項君謂公量移黃州燭為公門下士宜有言俟續循吏傳者采焉

### 送袁先生序

嘉靖戊午楚當校士之期而華亭袁先生以河陽州牧被檄主文先生才高學博日爛爛下十

餘行校閱多暇取古今場屋事書為一帖出示門下士其畧云士代有也三代出于學戰國秦出于客漢出于吏唐宋出于科舉而

昭代因之呂黎名儒三履禮部何蕃義士老且不第士顧有遇不遇哉是年先生得士四人宜都孟子淑卿潛江張子敬之而河有兩生焉張生陳生是也陳生素授典謨于張生所得同錄有深幸焉先生入院時夜夢陳姓者捶其背斥之不往手授水盂始歡得去又送陳生詩有薦

書

卷

七

雄文似之識夫司馬相如楊雄其文章誠似矣乃不敏何能似先生語曰士為知己者用豈感通若是其神與自兩生得侍先生左右竊見先生教化似文翁而士類不變寬和似黃次公而政平訟理

國家養士如先生尚有賴哉頃遷丞黃州兩生送之江上不能別陳生曰往漢家封禪太史公留滯周南不得與從事浮湘涉郢而著作富蘇長公在元佑時謫黃其詞賦與赤壁爭雄先生

行矣得無似與張生謂陳生稱說先生政事文章尚矣宜何如以爲國士之報哉昔伯樂相馬且牝牡也驪黃也卞和氏泣玉且璞也假令駑馬燕石焉則此兩人者又安在得其精而忘其麤得其內而忘其外號千古神識哉語未畢而兩生悚然汗下若爲先生知人之累者先生聞而壯之命書以志別云

送李上林南歸序

潛陽李先生官上林署良牧事三載考績投疏

青園文集

卷五

十一

闕下請老以歸時令禁封事疏留月餘不報報則先生單車去夫辭華驛榮行道之人聞而趨之況日見先生哉先生善與人交楚諸大夫問余言贈先生行且先生知上林官乎唐虞廷咨疇若上下草木鳥獸是也其來舊矣至漢則爲固建員左蒼梧右西極卅水更南紫淵徑北漢天子射獵其中召諸臣問所掌幾何羣臣或獻賦陳籍天子改容觀聽今

主上端居不出躬脩玄默龜龍麟鳳畢集郊薮

此其恩德及胞與矣即先生所掌皆齒角羽毛之屬然伯翳綜聲于鳥語葛盧辨音于鳴牛董父受氏于豢龍非子享土于善圉仲尼託迹于乘田百里起家于五穀大者經載小者史傳令博物君子侈談之先生常久于官參跡若人今歸胡爲乎先生曰吾事

今上三年朝夕趨內廷得免大過又蒙封典王

言如綸此布衣之願足矣況量力就列我且老故乞骸骨耳先生語罷執余手者再余觀都門

青園文集

卷五

十一

之市早則盈人皆側肩爭門夕則虛過者掉臂不顧非朝愛而夕憎之也求則往赴得則解散先生之來也是朝市者也假令先生不去是夕而市夕而往于市者也先生達乎哉楚諸大夫餞先生于廣寧道左先生以余言通告之楚人爲之肯肯

送叔氏之官黎平序

我國家境土何遼遠哉即漢司馬長卿所稱西南夷若牂牁越嶲夜郎等地通之三年而功不

竟今在內地如貴陽黎平府介馬府屬俱蠻夷  
官長司亦古者外薄四海咸建五長之意與家  
叔正卿以國子生選是府幕僚自言吾幸被冠  
服其地雜夷我將歸從大兄按察公游足老矣  
而何官爲後聞地連楚境俗長厚道行閭閻始  
有行意過燭而問所以官黎平者時燭在大理  
掌刑書得民情也嘆曰奈何薄茲地弗往耶竊  
見通邑大都五方之人牙錯繡居詐僞難治去  
古日遠惟荒服不當孔道其人在山顛海聚如  
姁然有結繩茹木之遺昔孔子欲居九夷老子  
終於流沙尼父與聃思借是而還之古與黎平  
在函夏數千里外閭閻王教視漢時大異吾叔  
聰明倜儻善詩歌工六書篆于吏事若素習者  
孔子曰言忠信行篤敬蠻貊可行焉老子曰天  
下多忌諱而民貧又曰其政悶悶其民醇醇夫  
科雉隨兇人皆憐之況黔首乎今之仕者貨視  
厥民願遵孔老之言以科雉隨兇視黎庶恬漠  
相安行矣見古人之化哉

送董成都序

余按水經見江出岷漢出嶓逶迤數千里至三  
澠東陵間始匯澤而朝宗焉是江漢蓋自蜀而  
楚也故土風往往絕類明興來仕于蜀者楚人  
幾半非以其習而使之耶余舉進士楚中丘謙  
之令富順董叔玉令成都行楚諸大夫命余言  
余謂楚人而仕蜀習之矣況君年最少明於春  
秋取高第其于當時之務可坐而運之昔人嘆  
蜀道難非徒以山川言謂世路人情難也以君  
才往如試輟車然可易易矣且  
主上起江漢間習知民事又用吾儕爲守令正  
苦元元之氣病於吏之能者君多智而惠必撫  
循安集以澤黔首蜀之人恨來之晚第成都附  
郡邑耳朝夕上官有司者于簿書期會不報以  
爲大故而教化缺畧不顧也是遵何說哉余讀  
漢史見文翁化蜀事輒嗟嗟慕焉當時吏治如  
救火揚沸彼溺其職者已不足齒即召信臣龔  
遂諸人以循名多取威樹聲事余心有遺議乃

文翁何可議即問蜀父老蜀父老歷千年有口  
碑矣頃蜀中多盜盜在成都旁近縣徵兵于楚  
民嗷嗷不寧夫貞心淪而邪僻興以教化之未  
興也董君當訪文翁故事俾民孝弟力田令旁  
近縣聞而風之是彌盜之計也善乎司馬遷曰  
萬物之聚散皆在春秋上明王道下辨人事之  
紀也且言聞諸董生董生者即仲舒也今叔玉  
起春秋射策

闕下人以爲廣川生復出即欲敦教化何能增  
益於春秋行見漢廷未試者可施行之而江漢  
與有光焉若璽書黃金之賜耳日近幸之寵楚  
大夫人人爲君願矣往語謙之蓋若此云倘過  
富順而論政尚有味乎余言哉

### 送劉郡丞序

淮陰邇東海間非昔時所稱吏民不相得號難  
治處哉

明興都燕爲轉輸孔道舟車無虛日在嘉靖初  
黔黎殷富足支乃今凋敝極矣余承乏守茲土

私心日夜難之又忽忽若易也徒以佐郡有劉  
公在劉公余楚人也博大通敏素聞于楚即楚  
號多才無不推遜劉公者及余下車登韓王故  
城周覽山川見黃河與淮交流而溢低徊留之  
不能去頃問民疾苦流移漸復業隄防脩築閭  
巷間多孝友娼睦道路至不拾遺皆嘖嘖以爲  
劉公所致而徐觀其政大都張弛運用不在簿  
書期會間而發奸摘伏有如神明一時吏民  
懷諸郡邑咸承德意無敢深文武健者語曰不

習爲吏視已成事余視公之成若無難于事矣  
會當塗者咸以公廉明有異才薦疏凡三四上  
駁駁大用之漸而公且入 覲得見

主上親承寵光也斯亦奇邁哉昔漢家最重任  
郡事者在武宣時召下東海爲主爵都尉及右  
扶風使者公治行不愧古人即

主上脩復盛典不有召召東海錫宴 承明之  
廬進以公卿之秩乎又運河歲淤

主上南顧一二大臣奉 璽書疏濬恐恐不寧

公談治河之策至悉即

上賜清問凡便宜可入告乎公行矣同寅諸君子謂余知公特深而余得代其言

二酉園文集卷之六

二酉園文集卷之七

序

河陽陳文燭

李封君八十序

余多司馬談遷相紹述也及覽子長叙家世自程伯休甫之後世有積德且曰立身揚名顯若父母孝之大也天下稱誦周公爲其論歌文武之德達太王王季及公劉尊后稷也是家庭貴望欲賢孫子以光前人必前有所積而其後始昌云京山南臺李翁以子憲使公貴值今皇帝臨御賜爵參議其孫本寧爲翰林古上領詰命于廷械歸壽翁而翁八十矣海內人士嘆爲希邁翁有馴行益身食其報云往翁封承德公憲使公在工部典樞杭州翁曰若古工虞之官如處脂膏中自潤國家何賴焉憲使公清操在吳越後十年就今封翁曰吾一田野氓耳得紆青拖紫參下大夫之列

主恩厚哉圖報之母以我老有二心也憲使公

愚政在梁晉間翁方家食每移書吉士教以名  
臣之烈自今日始其責望如憲使公人言翁孝  
友敦朴巖居川觀固襲時巢箕之叟矣余所聞  
家庭語至詳隨感隨發百言百當也深藏若虛  
容貌若愚不出戶而知不窺牖而見即伯陽何  
讓焉翁蓋其苗裔耶又何肖也史稱老子楚人  
也其年百六十歲或言三百餘歲翁既得老氏  
之遺彼稱天地之根萬物之宗綿綿長久者非  
壽耶憲使公持節三晉其勲樹與龍門並峙而  
本寧紬金匱石室之藏將等司馬而上之若大  
顯揚而益遐齡奚啻今日所邁哉諸大夫同憲  
使公舉進士者命燭代言以壽敢舉所知李氏  
之興有自哉有自哉

童翁雙壽八十序

不穀乙丑舉進士越戊辰八月十一日余妻安  
人焚膏晝爓南向再拜知其翁壽辰也憶余爲  
公家壻是日里門具牛酒班白在道鳩杖集于  
戶余從子弟後跪而觴翁翁飲之嚙翼日烹羊

烹羔厚具謝客極歡乃罷冬月廿六日又郭瑞  
人壽其祝禮如翁今年俱八十真長生不老者  
余觀古之隱者夫婦同德如龐德公梁鴻輩同  
力而耕齊眉而舉何容心千匹夫匹婦之外然  
千載可想見焉童翁個儻多才世有纍纍少從  
伯兄博士公讀書見古之布衣然諾千金解紛  
千里者嘆曰即不游大人以成名將效若等市  
義乎遂棄書不讀單騎北上省其弟太史公士  
疇于京師是時關中呂仲木秦陵張文邦蒲圻  
廖鳴吾見翁文雅知太史公愛兄甚也作河西  
篇贈馬往里中事弗平者就翁決之片言中機  
事輒解散比古黨正問師後閉戶不與事惟鄉  
飲時一見郡長吏課僮力田家食十指日召故  
人置酒高會數斗而醉與孺人相善如賓新所  
如也翁誠託酒人而游醉鄉哉鹿門之耕廬下  
之敬不穀親見之昔公家三老如滄浪北庄洪  
山共年二百五六十歲里人謂翁叔之第三老  
竝生一時耳翁承于久遠氣渾渾毫期矣古之



得婚者類重其妻之父母不殺何能重也有官  
大理評事翁貽書曰古人明刑種德願懋之勿  
念而家即家大人誨言也又長公抱器卓犖二  
孫少俊將紹太史之業是遐壽而昌後士以平  
生庶稱襄陽平陵哉獨不穀守官無能觴翁如  
昔乃抒情素詩之記曰父黨無文此何以文稱  
焉

熊目石七序

嘉靖乙丑與余入對者武昌周元佐黃叔才德  
安劉寓愛常德丁聘之陳仁甫荊州鄭子復周  
相聖衡州歐子文襄陽鄭伯孝黃州徐惟易熊  
中甫董叔才丘謙之承天包元夫吳士望周用  
馨蕭文明稱楚士十八乃策中甫第一中甫官  
戶曹上書談大計者七余猶多其建  
太子節夷貢二事

上嘉納果建

太子云中甫為余言使遼東經永平見夷人貢  
苦鞭我民心竊痛之歸白于尊人穎南先生先

生曰吾荷

上恩得被封小子日茲事急聞于

上勿避出位嫌負廼公教況今

上有道不實方物何用夷貢淵中上也余聞而

避之即先生不得言導子以言也庶幾哉古之

遺直與先生在學宮有名治春秋工篆書摹印

鍾王誨中甫兄弟業禮經昔仲尼志在春秋而

伯魚過庭曰學禮蓋禮施于未發而春秋嚴于

已著先生得孔氏遺教矣先生誦于一第其妻

周安人賢怡如也見中甫第驩甚年俱七十海

內交中甫者繪圖為詩以壽夫事親在身守身

在名必永名而後可以壽親中甫陳言

闕下慨然慕是賈之為人乎乃其書斷斷固漢

廷至言耳是先生教之也中甫跡弛任事無縮

胸狀將樹名世之勲又聞先生氣象如少壯可

年計哉余異日過山中訪先生請質私心所慨

于世者先生將導余言如中甫哉

顧封君六十序

國制官輦轎者三載以績行轉員親今

上御極詔曰凡爾官京師者事朕躬勞封若父  
毋如其官蓋殊典云人臣遭風雲依日月澤及  
所生難矣矧父歿俱存存而壽也尤難哉時度  
支郎無錫顧汝異得封父承德母太安人告  
于同年陳子曰吾榮君寵幸一親壽願得吾子  
言陳子詰其尊人皆六十誕辰皆冬月也嘖  
曰傳稱六十始壽又曰六十杖于鄉豈長生久  
視之運至是周而復始耶且君舉進士司

新刊集

卷七

七

上錢穀出使于徐違私養矣昔人歌王事靡盬  
不遑將父王事靡盬不遑將母弟因王事而寵  
及父毋父毋喜慶必益壽君爲予言承德公平  
日孝友純謹口悛悛似不能言遇知己笑語移  
日閒談非義事恨不掩耳慕厥考誠齋公也自  
號思誠其曹太安人又佐以節儉日惟藏書教  
度支君讀無一毫自累者昔人言天地長且久  
者以其不自生也不自生無私也無私即誠也  
有虛之德壽其疇之福壽孔門之仁壽無能舍

誠者往公家倅疆馳情于山水愷之肅心于圖  
繪皆足永煙霞之名但載籍不聞二公之壽何  
哉巧者喪其天智者奪其氣上古人多壽以其  
日用飲食而誠也即公隱錫山巖谷間可爲山  
水圖繪之好者乃歛其思于誠其壽未艾融融  
洩洩受帝之祉矣詩云樂只君子福履綏之  
傾氏之謂哉

汪封君六十序

新刊集

卷七

七

國家徵聘之典不行士固有懷瑜握瑾白首  
布者間以子貴多檄山谷至親拜

上恩尤爲希濶今見黃岡汪先生云先生之子  
爲吏部司務考三載績遇

上登極覃恩遂封先生如其官楚中諸大夫見  
先生詰闕稱謝嘖嘖榮之屬余賀言或以余  
同吏部君官大理習知先生也往聞先生爲諸  
生時業禮經有名視楚學者優之先生閉門讀  
書探玄討微諸生中習禮者就而訪焉且以孝  
弟忠信表正于鄉古所稱經術之士非耶昔漢

時下詔有抱璞含貞經明行脩者得安車迎至  
大廷余所記憶以禮經來聘如魯高堂生傳士  
禮十七篇後有大戴小戴兩生善說禮遂官太  
守下逮齊梁如散騎侍郎皇公露門博士熊公  
皆以所撰禮記書疏詔付秘閣得前官諸公遇  
好文之主頗以學顯哉先生經學最富明年當  
貢舉去不就余知先生于應聘與否弗計也今  
承

帝命膺清秩縱觀禮樂即此諸公未爲不遇況

書園文集

卷之七

八十一

吏部君以行業竟先生未究之志在昔諸公所  
未行也顧不倖與先生年六十神完氣充類少  
壯時其壽當有歲前所稱諸公史載其遐齡而  
同時治尚書如伏生者年九十餘漢天子遣使  
受書于家繪而爲圖大都天以聖人之經寄之  
俾永年也先生且歸去晚而著書即

主上考三禮異同詔民間掌故必及于先生數  
十年後遣使如濟南更作汪先生受書圖矣

蔡封君七十序

國家設九卿司務  
父司天曹務有

高皇帝勅諭藏於家余讀之淳熙起嘆至謂  
克勤厥職九卿是任矣休茲知恤有三代遺  
哉麻城蔡子在兵部時司馬公重之任吏部冢  
宰公又重之會今

上御極得封登仕公如其官時登仕公年七十  
矣蔡子不獲稱觴而同官在九卿者欲爲文以  
壽吉水李君在吏部謂余楚人也屬余言余如

書園文集

卷之七

九十一

齊安齊安人輒道登仕公有鄉行至今不稱登  
仕公稱蔡翁蓋尊之也若等知翁所以壽乎即  
無論翁平日孝弟力田安貧守道急難好施得  
長生久視之道乃晚得酒中趣銜杯漱醪兀然  
而醉恍然而醒也斯其有所託而逃與善乎劉  
伯倫之頌酒德哉其言遠矣所稱至人以天地  
爲一朝萬期爲須臾更無思慮止樂陶陶不覺  
寒暑切肌嗜欲感情人言有所逃而後無所特  
也翁其有得乎即與安期羨門度長絜大彼導

引到氣號不老方無踰于此矣翁棲遲不試至教蔡子又何嚴也蔡子優于官凡邊圉機要人才得失往往與家宰司馬公持論中實采而施之它日典文武之寄如

高皇帝言吾知可矣余願其酒日嚙而壽日永也行輩之四章曰酌以大斗以祈黃耇泮水之三章曰既飲旨酒永錫難老古人多因酒致祝云

袁封君七十序

青園集 卷之十一

十一

豐城袁子清舉乙丑進士同官大理是年榜中除評事六人戴子涇金懋卿烏顯卿盛明輔未幾各解散余與子清姁姁然厚也後子清擢寺副

天子輒恩以其官官尊人也子清奉使事過

其家比還朝得勅命械壽尊人乃尊人蓋

嘗官鴻臚云時同年四百人往賀之有為其賦

越吟齊謳燕曲以壽之者言人人殊陳生曰君

手有所樂無所累而後壽若鴻臚公者其真可

壽乎公自束髮侍中順公舉進士有時名而公

穎敏絕人試輒冠多士取科第如券耳比仲翁

舉于鄉公喜呼子清兄弟語曰若曹可教也勃

哉光我中順公故人樂有賢父兄與才子弟也

至公兼之矣後公以貢入京師拜鴻臚秩也嘆

曰卑疵而前娥趨而語此仕人之態也胡能非

此乃掛冠而西歸嘆曰持梁鬻肥微逐什一此

富人之事也胡能安此乃周族而恤隣已復嘆

曰談言中微機心圖度此遊人之習也胡能勞

此乃閉門而守玄郡也吏及觀風使者咸知公

儒人也造其廬而問焉昨子清省公公年七十

甚健語子清曰張季之守法不阿于定國之辭

寃如洗非廷中吏乎乃高門結駟其子復官六

夫語曰活千人者後必昌此習聞諸先公者小

子識之子清向余道之其言與家大人按察公

合嗚乎有味哉即公先後遭遇之樂無累于心

也而言行仁恕不羣參諸仲尼仁者壽一語益

公將百齡未艾哉子清又言公喜讀南華諸經

莊生所稱楚之南有宜靈者以五百歲爲春秋  
有大椿者以八千歲爲春秋此大年也故曰小  
知不及大知小年不及大年余觀公大知者必  
得大年以此祝公而從燕齊吳越諸子之後其  
猶有楚人之聲與

謝翁雙壽六十序

吾鄉稱竟陵者蓋楚岡陵地脉融結而止且生  
人多壽云如漢陰丈人漢濱老父皆里中高隱  
者即不問其壽古人謂丈者長也老者久也舊  
也豈非以其垂白稱丈稱老耶考其灌園遇子  
貢也時耻桔槔不爲躬耕遇漢桓帝也見乘輿  
不顧其立天子理天下與羞機事機心等語真  
幾于道者語曰大德必壽然哉然哉近日里有  
謝翁者少孤貧遭伯父不良依母氏爲命人屈  
以勢利翁嘆曰士苦貧非病也士苦貴非賤也  
彼外侮將奈何況老母在得甘毳以養足矣奈  
何因忿貽辱先人乎多退避不校此言類兩公  
之忘機而力田者乃孺人又賢躬紡織以助之

日誨其子宗文讀書宗文爲諸生有名每試列  
諸生第一比挾書北上翁曰兒幸第勿歸  
明主可事也其母曰兒幸第早歸我倚門望也  
宗文果登進士計父歿俱六十矣歸而壽之嗟  
乎既有賢妻又有令子即丈人老父曾兼之乎  
且兩公生非其時隱避姓名今

主上有道脩古養老之禮親割執饋倘有黃髮  
之詢予假令丈人父老在今日亦如前所爲乎  
世有許山務光何可料焉直姓名或不避耳是

謝翁雙壽七十序

翁之得大而遭時者厚於兩公非江漢一奇事  
哉宗文同年徐惟得在里中尤雅善乞余言爲  
壽余觀鄉人于始誕之日爲春酒殺羔羊酌大  
斗以祈黃耆又子弟歌詩佐之酒易行賓主易  
歡君將以余談兩公可佐酒以壽謝翁子徐君  
諾告諸郢中官 轍下者五六公人人願壽翁  
且曰陳生里人也茲里語耳可告祝史

鄒封君雙壽七十序

周時楚稱南國其召伯聽政處在寶慶郡郡有

梅山最奇岡阜素堂一日榜插石上歲久後洞  
洞後見影人以爲仙至宋熙寧始闢郡邑今新  
化其地也山川本奇而耳棠之化千載尚在余  
所聞如有隱君子知鄒先生者非耶先生有子  
道吾登壬戌進士爲司農郎封先生如其官其  
配曾太安人俱七十鄉人榮之往先生試諸生  
數言也嘆曰讓國洗耳獻璞則足天下與主較  
然也許生重耳下子輕足士固有志乎遂隱于  
月巖青華諸處指桃源望洞庭效昔人避跡鼓  
枻矣後司農君尹新蔡迎先生壽也先生曰有  
胡越黔黎者願爲循吏我山中樂也及興權臨  
清造使壽先生先生曰有臺權爲利者願爲清  
吏我山中樂也故司農君惠政雅操所去見思  
人方以召公之業望之不忝南國哉先生言行  
若此可謂善攝生者余聞養生家言也惜才失  
理亡之於微積之成衰從衰得自從自得老從  
老得終惟清虛靜泰少私寡慮守之以一養之  
以和蒸以靈芝潤以醴泉晞以朝陽綏以五絃

體妙心玄可與羨門比齡王齋爭期矣先生爵  
祿終始不入即欲十年不有增梅山之奇耶司  
農君出使臨清屬余言致壽已得鄒山人中伯  
頌矣幾千言大都謂黃髮垂纓紫誥流馨余獨  
高先生辭榮逃名也所以爲壽與司農君命操  
牘載之

王封君雙壽六十序

余讀漢史見王符隱居不仕著潜夫論令皇甫  
規例屢迎之當時有見二千石不如一縫掖之  
語至彦方誼甚高表正鄉閭里有爭訟思往質  
之抱愧而還此布衣之傑也余爲執鞭欣慕焉  
及聞臨安怡菴王先生恂恂長者遭母氏少寡  
奉之惟謹其事伯兄撫季弟極其友愛鄉人有  
非義事耻聞于先生郡守及博士呼爲王次公  
而雅見禮重先生一縫掖耳何愧前聞人哉先  
生有子元德博學好脩舉辛未進士官工部主  
事遷戶部郎時吾鄉尚書傅公掌部事雅重元  
德奏三載績封先生如其官母沈爲太安人詔

先生操行馴謹而太安人多內助竟以子貴被  
國家榮寵若取券焉即公家植庭槐而祝三公  
活千人而興後世者何弗爽也戶部郎遷四川  
按察司僉事過家壽先生招賓客撰杖履徘徊  
無行意先生曰汝父早世吾終身高堂其脫  
粟老蓬戶桑樞間汝幸而仕仕而顯矣人言蜀  
道難何可不叱馭一往報明主哉按察公入  
蜀今年丁止先生與太安人六十矣諸大夫在  
案案者謀不殺一言為先生祝自不殺與按察  
公深相結又過邛邛望九折坂詢叱馭故墟至  
土陽為孝子王尊為忠臣私心兩高焉先生以  
孝母聞而導子以忠大德必得其壽非忠與孝  
耶先生今杖于鄉矣七十杖于國八十杖于朝  
又十年而蓋天子就問矣又十年而期天子就  
見矣如其壽如其壽諸大夫莞爾而笑曰王氏  
有世德哉請書以俟

壽都御史羅公序

燭嘗覽觀昭代名臣傳至吾楚忠靖夏公忠宣

壽都御史

卷之六

六

壽都御史

卷之六

六

劉公欣然願為之執鞭庶幾古社稷臣哉二先  
生家近洞庭湖上其渾淪磅礴之氣必鍾之于  
人即不問二先生脩齡就多而培國家之元氣  
永生民之命脈則二先生一而已巴陵羅公奉  
今皇帝重書撫蜀年財五十餘耳九月十有二  
日乃懸弧之辰藩臬諸大夫謀所以壽公者而  
命燭一言燭見時聞公談大計知指諸掌今侍  
左右見其行事即舉二先生望公孰謂無當哉  
語曰太上壽國其次壽民其次壽身始公舉進  
士尹遂寧安養生息多漢時循良之政遂寧之  
民祠而祀之嗣官戶曹時嘉靖末年日本匈奴  
交有警報而公為郎盈縮國用里中尚書方公  
倚賴之及兵備蕭鎮烽火倏起幾遠耳泉而公  
境內晏如虜不敢南下而牧馬蒲州楊襄毅公  
雅重之將畀大任而公歷試于百粵三秦之間  
昔夏維詰為戶部郎最久每商諸司之務而劉  
時雍出為叅藩平生皆錢穀兵甲之司考公仕  
跡大略青馬蜀人望公來如見父叔而公雄才

揆度雅量容納至悃個款款之誠足以屈筆繁而得人之力每談國家典章制度九邊要害又可坐而策之譬諸才曠之語管絃和鵲之語鍼石研桑之語籌策耕耨者談耒耜織者談絲枲宜其言津津有味也即日授公司徒司馬之任究所勲樹當與湘陰華容鼎足而立蜀在中原特西南隅耳豈足以盡公之用哉余聞忠靖在先朝恩寵優渥上賜範金銀印于其生日上繪壽星圖錫馬此前代罕有者忠宣之遇

南園集

卷之七

六

孝宗有都兪吁咈之風上每御便殿召見獨語或親以手帖付之楚人于二先生至今以為佳話天子聰明神聖追配休烈公英英如少壯安知他日之遇不二先生若乎又安知茲辰不有賜壽星圖如前曠典者乎竊謂公之壽禪人國而益生民不但遐齡爾也諸大夫咸諾命小子識之

壽羅先生序

萬曆丙子秋九月十有二日御史大夫羅公初

度之辰是年蜀士舉于鄉黃生輝等七十人感公德教相率而拜雍雍如也退而謀所以祝公者燭曰古者六十杖于鄉七十杖于國八十杖于朝始酌大斗而祈黃耇焉今公年五十耳齒髮壯甚即以期頤祝之非餘事乎二三子乃進而言曰士自登第由縣令以至方伯皆在外也由御史大夫以至台衡則在內也公于嘉隆之際尹遂寧典岳牧至今上御極有撫綏之命三十年間後先于蜀其恩澤漸涵翠乎如岷峨

南園集

卷之七

十九

也浩乎如巴江也即公入而曲衡天下之人祝公也有先于蜀人者乎往者棘闢狹隘公復恢而大之士有以本業見者公休休有容次第品之昔人握髮吐哺廣延俊茂不是過也即蜀人祝公也又有先于吾黨者乎余惟二三子誼至高其言當矣顧人生百歲直須更耳惟有表樹足託諸不朽功如武侯廉如清獻風猷如斯之非若等所知乎千載談之赫赫若前日事余觀于公又兼而有之則夫撰南山之頌後東海之



詠歌瑤池之桃賦漆園之椿而公聲施後世矣  
多士宜先于蜀而劉宜先于天下之人哉余又  
聞古有真人者其心忘其智盛不逆寡不雄成  
能自適其適而終其天年登高不慄入水不濡  
入火不熱在太極之先而不爲高也在六極之  
下而不爲深也比于列星而不爲久也其斯以  
爲壽乎莊生以爲黃帝傳說可以當之即所稱  
諸葛崔趙諸公似難窺其際者公其有得于是  
哉何心之運量而政之時措也以是卜公之壽

南園集

卷七

年一

胡有窮哉而奈何以言祝也二三子始爽然自  
失願以余言請質于公

壽楊侍御六十序

余同楊文芳舉進士文芳才最高選翰林庶吉  
士而余官大理寺評事同在轂下每談家世知  
尊公長者也尊公工舉子業卒業成均大司成  
重之及丞瑞安判興國優于吏事綠飾儒術後  
文芳爲御史遂授今封人稱侍御公云侍御公  
年五十以子貴浩然有歸志歸之日興國之人

繫轅留之不能去歸十年而文芳爲蜀叅藩侍  
御公六十矣藩臬諸大夫咸欲壽侍御公而叅  
知李公陳公僉憲羅公命燭代其言豈非以六  
十杖于鄉則稱壽自六十始乎余聞壽者受也  
厚也水之積也不厚則負大舟也無力風之積  
也不厚則負大翼也無力信如莊生言則侍御  
公何厚也公在瑞安時職司糧儲歲例餽千金  
公曰此脂膏耳可自潤也令輸之官及文芳巡  
其肅章昌有馬姓者法當辟持黃金求宥公曰  
此國典耳何可貸也遣之去余所聞二事叅諸  
往哲夫人訓子清若楊伯起慎若張季所大願  
焉乃操行不軌專犯忌諱即欲子速肖古人是  
言祝之也公揮金守法不言而躬行宜文芳樹  
立赫然哉是所積也厚而所負也大卜諸天道  
公蓋遐齡云況文芳駕濟川之舟奮垂天之翼  
扶搖萬里莫可窮極是顯親者有無疆之閑侍  
御公以厚貽而文芳以厚繼之即二三公遙祝  
交誼厚矣孰非有以先之哉往家大人年六十

南園集

卷七

年一

脩高年會于復州幾至百人後有毛太真道人  
年一百十歲自太和來陳空山人年八十一  
自江西來陳善詩名紀侍御公里中人倘談往  
事亦可舉茲會比昔時九老者英之盛乎不佞  
結社長安海內有六七子而公家祠部郎懋功  
與焉懋功以太守歸田在侍御公弟列聞其爲  
園相近多所歌詠康樂惠連翩翩而起此其輪  
快非長生之助與諸大夫曠然曰陳子手楊氏  
真道家哉因書以爲侍御公壽

雷太宜人八十序

比部雷育卿三載考績封其母太宜人值  
上覃恩加進太宜人云一日頒

制誥于廷余得而讀之乃比于雋不疑之舅大  
哉王言何其肖也余觀雋曼倩爲郡文學時整  
冠珮玦帶櫛其劒走謁直指使者令其躡屣起  
迎登堂坐語及于太剛則折太柔則廢之間欲  
言爲吏此言等之已事雋公而在余爲吏類  
忻慕焉後爲京兆行縣時其母輒問不疑學

幾人即不疑多所平反母輒有笑爲飲食言語  
異於往時則嘆曰賢哉母也宜其有此子育卿  
舉進士司理惠州太宜人語曰若喪爾先人年  
才十五假令我若朝夕而收業能有今日哉汝  
行矣勿淄勿怠乃司理清慎擢官比部太宜人  
語曰我不曉男子事今日得無有上書如緹縈  
少女含冤如東海孝婦者乎幸廉得之且種德  
以益我壽耳育卿赫赫有聲所按多司隸校尉  
事惟官惟來無以撓之今太宜人八十神爽善

無因老耄兆乃育卿所活頌表之外 瑩較之

下令人人誦義皆足廣慈訓而永年也天道恢  
恢豈不信哉今

上疏乞歸取所製翟冠緋袍恭獻于庭太宜人  
問在官狀日談一事則大喜曰喜則壽增遐齡  
無筭矣史逸雋母之年千載如生又何快耶不  
毅求髮得交育卿博學善說詩感慨有大節砥  
礪文行其治獄余廷中所親見語曰雷陳交堅  
似漆兩人近之矣昔不疑在漢廷以經術取重

漢天子大將軍咸嘉異之在位者皆自以不及也育卿靜養山中起列近幸常聲名重朝廷則所稱壽母顧有無窮之夕哉

隗太安人八十序

何太安人者屯田員外隗君之妣也往屯田君典虞衡事三載考最得

勅封太安人云太安人年八十虞衡君具金積

天子策書以歸而太安人沾沾喜余走虞衡君

集

卷七

七

賀馬若容嗟戀慕不獲稱觴者余問太安人何似虞衡君曰吾母髮垂垂白居常自績戒家人夜績云嗟乎其古賢母之遺風乎昔公父文伯退朝而疑其母之績也其母曰民勞則思而善心生逸則淫而善心忘故沃土之民不材瘠土之民嚮義勞逸異也汝備官而未閑柰何謂主猶績乎文伯居魯號賢大夫其母成之也虞衡君司少府錢出入榷會日以萬計不解帶不暇食者三年而不敢自安大司空以爲踴絕不欲

陟他部其于勞逸之訓聞家庭舊矣況其母以身先之垂老不倦耶語曰居仁者祥多作善者壽昌即越二十年後太安人直百歲耳往聞太安人佐其夫博士公爲諸生有名典教三衡造就又多名士乃虞衡君讀其父書舉進士燁然明廷得贈博士爲承德公太安人每語虞衡君願顯揚廼公教假令虞衡左右太安人至誕日拜堂下吹笙考鼓稱世俗驩孰若勞于王事伴太安人之徽音懿則登制詞而貽其悅乎余與虞衡君言若此郢里諸君聞而趨之欲書以壽太安人自余弃先恭人養壽母之章謝絕不敢爲今爲之私心惘惘動矣

傳夫人八十序

吾楚印臺傅公登嘉靖癸未進士爲名御史至辛亥始以兵部侍郎典戎政蓋庚戌虜變烽火通於耳泉借公直長城哉

先皇帝思大用公未竟而以其子長公官戶部屬人言公志在封疆如造舟討安南不貢及撫

其肅宣大喻哈密割地以獻此與古人爭烈者  
非獨秉德懋也宜有內勛云比交戶部君有母  
年八十同鄉諸君子之毋無踰夫人壽相率造  
賀給事李子淳寺在咸寧道夫人賢屬余以言  
嗟乎果裡于侍郎公哉即女誠所訓何加焉且  
古者內則邈不可述漢曹大家得聞于班氏父  
子其言曰敬而持久順而寬裕婦之大德也今  
于夫人事姑孝姑性最嚴自凡慳其意侍郎公  
有貳室相得甚善育其子諧如已出此敬順之

清江集

卷七

大其細事多類此者載觀隋書有譙國夫人洗  
者佐其夫領郡平虜史特書其事第遭時不良  
以能顯乃撫綏在侍郎公而夫人以內貞著此  
常道也女憲曰得意一人是謂永世又曰婦如  
影嚮焉不可賞則夫人以女德凝壽即老期可  
必云頃者戶部君上書請侍郎公

誥命今

皇帝知侍郎公名得如例給夫人聞之喜語戶  
部君曰先大夫有邊功在今日猶表異小子宜

圖報國況我善飯行不以杖幸勿內顧以光爾  
先大夫戶部君勤于官翩翩乎足稱佳公子矣  
其母訓使然哉是夫人懿行粹言可述不但遐  
齡使人誦也俟秉彤管而續女史者采焉

國文集卷之七

終

二酉園文集卷之八

沔陽陳文燭王叔著

序

黃定甫集序

黃子定甫修廉隅富文采視一第如芥自諸生入大學以手病罷試事海內學士交定甫者日衆而滁州胡簡肅公尤深嘗叙其所著書云憶吾郡曾宮保三甫為即時語曰子知江都生耶余曰未也讀其詩文掣節焉督漕過揚三甫曰

二酉園文集卷之八

見吾叔度耶余曰未也移書讓焉余聞黃子平居閑則戶遠游則獨往甘韋布不輕謁貴人召黃子見馬引為上客談竹素之業後造舟瓜洲黃子家瓜洲吳越名流有過訪者召黃子共馬間訂所作犁然當心一日請曰正始以先生為吾友也乃今知先生為吾師也盡出所作而屬余叙遭先公變不果叙而先公每稱定甫蓋奇士云補官京師定甫赴三甫之約亦客京師時與新蔡張中丞助甫諸公為文酒會坐上有作

與定甫秘商之諸公酌酒賞曰兩人胡耳語耶極驩乃罷黃子曰先生可終前諾矣余嘆曰定甫之作其範古者哉楊雄才最高豈惟太玄準易作賦必式相如擬議變化子雲有不能外者定甫不擬古何人而漢唐作者之法毫髮不爽詩工而麗文簡而確斯一家言矣不佞可為定甫友耳而安敢師天下後世讀吾之言又讀定甫之言必曰此陳生友耳而柰何師

切氏家藏諫草序

此淮安胡公應嘉疏也公在嘉靖間為吏科都給事中有重名直聲動天下茲八疏其尤要云余守淮而公逝其姪諸生一柄向余泣曰先給諫公草率先生一言以藏于家若傳諸人人恐危胡氏者余嘆曰有是哉公家給諫律人以大臣之道自律以諫臣之分忠于上而已韓非有言貴人過端而言及者則身危貴人得計而與知者則身危此游說語耳公致身者也不計其危矧身後哉肅皇帝龍鱗不可嬰也獨從公諫

如流斯水魚千載矣公疏柰何不傳也後余浮淮其弟大尹應恩向余請曰往先生諾敘亡弟疏十年不就豈嫌諸公耶余嘆曰有是哉公家給諫以言爲官不得其言曠官矣假令諸公與諸公之後見焉或諒公無它腸忠于上而已史魚死退子瑕汲黯遺言李息彼去而死矣矧公常言責哉千百年後讀其疏者必曰直哉社稷臣凜凜生氣矣柰何有余言也大尹公率諸生送余寶應湖上攝衣冠謝曰先生言重而國吾等重而家願竝識之俟後之知吾終諫者

刻石鍾山集序

湖口蓋有石鍾山云往高皇帝駕六龍伐僞漢嘗駐師登茲山擒友諒收大捷以永清四海其神謨廟筭登高遠覽說者謂山靈之助乎聖朝表著宜首石鍾柰何竟寥寥也邑人參議王公尚忠成化間曾繪爲圖集古今題詠大學士商公輅敘而傳焉今餘百年矣同年廖子占尹湖口約余登石鍾絕頂因詢其詳余曰酈道元所

撰深潭之下微風鼓浪搏而爲鍾乎李渤所叩雙石涵胡清越分爲南北乎異哉蘇子瞻之遇也有噌吰者乎有窾坎鏗鏘者乎夫聞而鍾者石也叩而鍾者石也其言俱足信云獨茲山之奇可異耳余聞嵩有石髓衡有石室東岱有石問天台有石梁何得有聲而好事者未嘗文之也子占曰彼以形大茲渺小耳余曰聲實蓋相因云巢許之以天下讓也舜禹之有天下而不與也尚矣乃百里如中牟一壑如嚴陵視天下何如而名與天壤俱者其實勝也石鍾豈浪傳也哉子占酌余酒者再天風忽來江濤四起其聲有難辨者遂下山去明日子占送余舟中謀新其集請余爲序余曰高皇帝登石鍾山彼五宗者望而祀之茲山千古江今日尤遇云因表而出之以告後之登覽者

賀潘公河工告成序代作

今皇帝御極之六年淮海大溢黃河逆行下民艱食運道阻塞上命御史大夫潘公總河事

潘公文章氣節赫赫宇內往 穆宗皇帝時下  
邳之間舟沉于陸公治之有成績 上知公習  
于河也故圖任與乃公欽承 簡命胼胝不遑  
上經略兩河之 疏大都言東海廣大淤淤汨  
汨即二潰入之渺小耳自崔鎮決而河散高堰  
潰而淮散水散沙積海口日淤惟塞決而繕隄水  
由地中行此導河入海之長策也 主上覽而  
俞允之公毅然分諸司理焉河北自太行隄下  
則築邵家堤築谷山至于直河築古城至于清  
口若河南則徐之房村雙溝邳之羊山小河桃  
源之歸仁諸集亦罔不築建減水之壩開通濟  
之閘絕天妃之流固黃浦之口二潰安流同歸  
于海歲漕四百萬達于京師黔黎得平土而居  
之 主上以匈奴解辯南越授首梯航重譯而  
貢 先朝未有也其歷 宵旰衣食者獨一河  
耳而河治特 命給事中尹君往視之給事君  
頌公之功謂其弘筭無遺嘉謀獨斷也 上悅  
而賞爵之按臺李君離臺姜君漕臺茹君樂其

成也問言于余余惟河之爲患自天地剖判則  
然而 國家都幽引爲漕利多平江之功陳公  
事常開創若難矣而氣化更新人心謹惕治之  
也易公法當守成若易矣而故道湮淪浮言漸  
多治之也難孟子曰禹之行水也行其所無事  
也以四海爲壑公其以水治水善師禹者哉日  
也虞廷帝舜簡任夔龍交讓而後玄圭之錫告  
厥成功 主上聖明知公最深而秉鈞當軸老  
又虛其心不以道旁之議而屈其謀不吝懋功  
之典而厚其報斯亦唐虞之際乎大呂陳于元  
英彝鼎反乎唐室公將曳履于巖廊矣余冰公  
澤而重侍御之請遂不辭而樂爲之敘  
送花先生之內江序  
吾友蕭子凌喬過余而言曰花先生遷內江去  
吾黨矣先生訓經隆教重仁襲義即漢諸儒會  
白虎觀待詔金馬門或爲露門博士或爲國子  
祭酒佩蒼玉當時侈其稽古之榮先生其人乎  
宜內遷余曰善哉左思之賦蜀都也靈關爲門

玉壘爲字江漢炳靈世載其英考四海而爲雋  
常中葉而擅名豈獨漢哉往奉璽書入蜀而知  
蜀之多才也內江表表焉先生敷教如吾河得  
士以報上也即內召且俟之月餘先生行諸士  
德而詠之凌喬謂先生欲余一言余方讀禮不  
文而于先生之行忽忽若有所亡也南充任少  
游內江趙孟靜兩學士皆先大夫厚友也文肅  
公業修文地下而司直公今八十玄髮未素先  
生能爲李委壽蘇長公予能爲所忠收司馬遺  
書乎斯蜀中故事也亦先大夫遺意也不佞安  
敢文

送傅憲使之關中序

余少讀柳子厚晉問彼稱三河帝王之更都焉  
而平陽堯所理也其人儉而讓謀而和儉則用  
足而不濫讓則進善而不鬬謀則道遠而周事  
和則仁義行焉信斯言也此晉所以多名世士  
也及讀何仲默雍大記又稱三輔京兆左馮翊  
右扶風天下之奇被山帶河至終南太華之雄

肅杜輞川之秀甲于中原登覽者思一至焉余  
壯游半天下而未至秦晉今憲使澤野傅公奉  
天子璽書巡荆西將三年擢陝西參藩以行公  
晉人也而秦游豪賢于山川行其雨相遇耶昔  
喬莊簡公在弘德揚襄毅公在嘉隆俱爲大司  
馬大家宰建樹赫赫說者比于司馬溫公文路  
公以爲晉重詢其宦跡多自關中始豈昔人所  
謂鴻鵠巢於高林之上暮而得所栖黿鼉穴于  
深淵之下夕而得所宿乎公性託坦夷行操忠  
審緯文窺二酉之富材武抱三畧之遺弘獎風  
流增益標勝每談天下大計如四方疾苦九邊  
要害兵法機宜人才淑慝崇論宏議皆可坐而  
策之今之往也即古人竹帛之垂鼎鑊之勒臬  
味風雲千載無爽而况太原蒲州表著關西又  
爲公之鄉先生哉其已事可視也語曰爲高必  
因丘陵爲下必因川澤建功名者何所因乎因  
乎往哲而已異日典文武兩曹紹莊簡襄毅之  
業于公厚望焉或謂公愛民誠懇好士如生平



驪荆西一路碑焉不佞以爲威鳳數毛麟麟片  
甲耳今而後願公有光秦晉仲郢言在河東中  
陽之間尤小子之幸也夫尤小子之幸也夫

又

沔古雲夢澤大都稱南國云楚當周之盛召公  
聽政有甘棠之詩召虎循行有江漢之詩方叔  
帥師有采芑之詩仲山甫封樊有蒸民之詩千  
載誦之猶可想見其民俗之厚也漢若賈太傅  
馬伏波楊關西晉若杜武庫羊都督宗肅侯唐

李商隱文集

卷一

七

若劉文房韓退之李習之宋若歐陽永叔趙閱  
道蘇子瞻兄弟此諸公者德業文章皆千古人  
也考其入楚或典郡邑或觀察一路至今遠者  
千年近者數百年然方城稚齒息壤黃髮無論  
祠祀歌詠往往思起沉碑于萬山索遺文于九  
地愛而護之以爲陵谷光寵此豈聲音笑貌可  
爲哉憲使傅公以名進士鎮荆西 主上重肅  
皇帝潛邸考公三載績最擢公參藩關中沔民  
依依遮道至攀其轅不能去余聞而嘆曰幾幾

今日見懷棠之風哉公慷慨有大節郢中郢子  
之間方輿千里而德公者如沔異時千百年間  
有明使君繫民之思如漢唐諸君子則公與召  
公爭烈矣語曰劒不徒斷車不自行或使之也  
又曰種麥而麥種稷而稷愛民而民愛之直道  
而行真三代哉郡太守史君命余言贈公余幸  
沔有南國之遺也敢爲公頌之

賀郡守史公獎勵序

李商隱文集

卷一

七

古今建官何啻千百而獨守令則稱父母蓋親  
民云虞周邈矣即兩漢近古余讀班固范曄所  
記元始建武之間與民休息禁罔疏闊良吏最  
多若民詠歌爲父母惟召與杜耳吾沔太守史  
公任未及朞而都御史王公移檄獎之語多在  
檄中至云民情召父杜母何意沔也今南陽哉  
康誥言如保赤子心誠求之雖不中不遠矣呂  
覽言師者抱子方食而枕以糠粃者抱子方雷  
而窺于戶不病其爲父母者心之誠也余于召  
杜無論其它政往往誠于愛民興利而生息之

躬耕勸農出入阡陌修治陂池開通溝瀆起水門提閘凡數十處以廣溉灌歲增田三萬頃郡內殷足此視南陽如家視民如子者乎曾子曰響不辭聲鑑不辭形功成而名隨之即洛陽以吳公蜀守以文翁應召且不名乃父母之頌尚遜兩公焉豈武健文節甘心末規者可望萬一哉繼峯公先大夫守惠州有善政而公以清修承之勤力似召翁卿節儉似杜公君而愷悌溫良令人想見九江河內于千載之下河有十八

卷之六

卷之六

卷之六

所積淤成田而糧畝丰湖失高皇帝舊制四境搯腕公毅然均之昔史起引漳水溉田而民歌稻梁史謙恕刺梁州墾田而民歌有飯斯亦不愧召杜矣公遠宗家範近守庭訓而踵武漢之循吏者乎詩云樂只君子民之父母王公誥不虛矣郡同寅二三君屬余文頌公余觀漢家有治理效者輒璽書褒美增秩賜金或爵至關內侯公卿缺選諸所表以次用之明主加惠元元公庶上德意人用不次矣寧出漢八下

哉公聞而起坐曰願夙夜圖之以無負先大夫

奉送靜齋梁憲使入賀序

昔箕子衍五福之疇而先壽也夫建極而斂于已又錫于民始稱有道之長人主之壽與天壤俱蓋君者羣也羣天下而壽之者也所謂國脉民命係于一身者乎明興高皇帝累葉惟肅皇帝八月降辰年踰甲子蓋壽云今皇帝誕期同符烈祖尤爲奇事憶嘉靖間肅皇帝受釐大內以祈長年不佞評大理寺事見諸王遣使藩臬

卷之六

卷之六

卷之六

長伯會來東南以舟西北以車雲擁鱗次于午門外至日同內庭稱賀又有繼夷君長畢陳方物綴立於諸臣後百拜稽首三呼萬歲聲起楯陛徹霄漢間有觀玄鶴獻白鹿貢白兔者私心猶以爲非三代盛事且遠臣不見乘輿一面望闕遙祝而已今皇帝臣得面祝無言祥瑞者惟皇建極千載一時乎十有一年癸未荆西憲使梁大夫應入賀之命大守劉公委言于不佞不佞歸自京師主上勵精圖治從諫如流詔起遂

臣以隆丕丕之基此其遐齡無論肅皇帝即天  
靈地皇所稱一萬八千歲可重光帝系譜乎梁  
太夫河南人穆皇帝朝爲都給事中有重名時  
新鄭高先生以首相兼冢宰科中有彈及高先  
生者天子震怒先生甚不樂儕輩有不直前疏  
者大夫進曰問孟安政談事古人如王陶彈韓  
琦唐介彈文彥博益見兩相公之量彼言官以  
言爲職耳先生請休矣先生笑曰公言良是意  
遂解言者無事高先生剛大正直去位十餘年

青園集

卷之六

十一

而公論定大夫保全善類侃侃不阿倍國脉而  
延民命壽主上者宜莫如大夫矣大夫筮仕縣  
令晉秩兵憲宣布德意納斯世于皇極至諫垣  
一事乃其大節云且楚有衡玄二嶽如芙蓉天  
柱峯頭多長生不老之藥江漢萬里合流千楚  
而朝宗于海人臣見君之象也大夫駐節又肅  
皇帝潛服鎬京豐沛之祝視封域尤切如川方  
至如岡永寧惟楚之山川哉大夫茲行張楚矣  
或謂楚風俗日靡民瘼日甚大夫當入告明主

正所以壽國與民也或亦太守公與諸州縣之  
意與

### 送曹憲使任遼東序

余讀揚雄太僕箴而知古人任官之重也彼稱  
肅肅太僕車馬是供鏘鏘和鸞駕彼時龍豈非  
以輔德攸關耶昭代建官內有太僕司外有行  
太僕而遼東有苑馬寺即周禮司馬之外有司  
馭而僕卿之職大都同云周如伯冏漢如夏侯  
嬰石慶陳萬年當歸馬之朝而勲樹赫赫斯亦

青園集

卷之六

十一

大呂元英九鼎磨室矣憲使曹公在肅皇帝朝  
爲比部郎以忤權貴左官佐郢沔屬于郢而公  
之德政沔人士涵濡者垂十年今公秉憲荆西  
地方千里駐節于沔而沔士人被公德政者又  
餘一年公才敏而不以多能炫操廉而不以苦  
節著至過羣吏嚴如師傅慈如保母人人以公  
親已咸謂公弱冠登進士歷仕丁艾當內召三  
事不爾開府邊城柰何止擢僕卿于遼左不佞  
謂穆皇帝朝言官疏僕卿最重慎選有才節者

充之即任督撫今皇帝聖神曾以邊事問江陵  
相國相顧遼左聖天子明見萬里外蓋遼左隣  
虜民貧軍悍視九邊尤爲要害公之往也廟堂  
駸駸以大司馬屬之行且臨翰海禪姑衍封狼  
姑背山矣周漢前聞人之烈不在公指掌間耶  
太守劉君率刺史二縣令五命不佞一言以贈  
不佞于公爲通家交僕臣司駕取告執帛竊附  
子雲之頌

壽通政李封君七十序

青華集

卷六

七

往游京師見江陰李先生以財雄轂下助邊圉  
之急佐縣官之需詢其治生咸以仁義豈所稱  
淵深而魚生之山深而獸往之人富而道附之  
者乎是時等素封矣歲已未先生之子長公徵  
川登進士歷官右通政封先生如其官重金疊  
蓋擊鍾鼎食比于宿衛即公家多祚不啻也而  
人稱先生爲封君翁翁杖于鄉公在銀臺翁曰  
吾六十矣夙夜報上出納惟允今杖于國公在  
郢中翁曰吾七十矣况所官又先帝潛邸爲國

屏翰公加意藩服辛巳六月某日翁懸弧之辰  
也憲使傅公與參伯公同榜于翁爲子行而謀  
所以壽翁于不佞不佞仰而嘆曰仲尼言壽必  
歸大德而子長言富好行其德彼云燕在勃碣  
之間一都會也然與漳河海岱陶雎宛洛三江  
五湖等耳而今國家建都于燕九州之人寓焉  
視漢史所稱何但什百李翁居積任時輕財喜  
施意豁如也九州人之在都會者被其惠而德  
之酌斗酒而祝大齊翁殆百齡哉夫計然倚頓  
令後修業而息之耳乃參伯公以文學顯遭逢  
聖主咸五登三勲樹隆茂江漢之間浸仁沐義  
頌聲作焉又諸子翩翩而起世藏室之史大隴  
西之業寧獨燕趙延陵聞李氏哉人亦有言隱  
而名高吏而廉久安歸乎歸于富厚也乃翁永  
年而昌後其德日益人之德之者日衆而其壽  
日綿漢時老人七十授以玉杖輔以糜粥今翁  
善飯行不以杖嗟乎唐且談兵申公召對衛武  
作儆楚丘策事是翁方來者也參跡古人乎憲

使公迺然曰吾子于李翁有味哉其言之也請授簡而稱觴

壽傅憲使文

今皇帝御極之九年壬正念九日乃憲使澤野傅公初度之辰公鎮荆西一路部吏郡守者二縣令者五謀所以壽公而沔守史君屬余以言余聞諸禮五十曰艾始服官而稱壽公年踰強仕未丁艾也即獻萬年之觴不有待乎諸大夫乃言曰荆以西故肅皇帝潛邸也其廉訪多重

不卷六

臣云公含元精之和應命世之期居荆三年矣彈圖宣猷去煩蠲苛惠下若鄭子產恃法若張伯紀平反若雋不疑吏治烝烝不至於姦黎民又安石城雲杜沱潛三涘決潏千里其間含經味道之士齒危髮秀之老莫不北面人宗自同資敬即耳目所覩若純德一山表著聖明江漢合流朝宗于海如同永寧如川方至有進此而壽公者乎余小子卑卑其言無以當諸大夫又何以當公顧待公久而知公深竊觀公抱霍衛

之用兵而不欲以材武顯閭閻乏博物而不欲以文賦著操鍾王之柔翰而不欲以筆墨炫夫纖離之足必千里而後知其捷也鑛朴之金必百鍊而後知其幹也公富于春秋行且歷試外擁旄而內當軸乎昔公家武仲之在漢典蘭臺秘書休奕之在魏爲御史中丞俱聲施後世大都文翰士耳獨有商良弼起而任天下之重說命三篇爲千載格君之準世所稱文且武者瞠乎後矣公修德錫符受天之況阿衡之業歸奕前代即字內名山太川無足齒也况荆西路乎在天爲星精在地爲鼎楫傳巖之壽顧兩間哉顧兩間哉語曰惟其有之是以似之敢爲公願焉諸大夫輟然曰庶幾哉知公矣不佞退而書之請質于公

壽查封君六十序

往不數爲四川學使查君德克以進士高第尹富順博審好修有此好節心甚愛之一日詢其家世知尊公先生長者留落不耦貢入京師爲

麟游邑丞麟游乃鳳翔下邑先生其之且曰吾  
第在遺腹未齒先子幸王父母督教成矣柰  
何不行所志不揚大訓乎乃勤恤其民有禮賦  
者先生傷之且曰少視科第如芥今厘若此無  
毫髮裨益可謂脂韋腴氏膏血以負平生乎挺  
挺扁鵲遂以權科之拙不稱上官意遷王官而  
先生無行意德充轉鳳陽府丞先生遺書曰吾  
榮中無長物汝尹富順爾足明我志况中立  
高皇帝湯沐邑願急行以報 主恩歲己卯德

麟游縣志

卷之六

七

充走鳳陽先生匪馬滇中來視德充德充以漕  
運御史大夫及直指使者疏有造船之役而不  
穀董其事聞先生弛擔萬里命德充暫歸德充  
夷猶久之先生遺書曰王事靡盬不遑將父况  
諸公知汝努力圖報吾見官衙無長物如富順  
又如吾在麟游足快矣德充手其書示不穀不  
穀心服焉已而德充終其事御史大夫及直指  
使者交章薦焉先生聞而大悅越明年庚辰四  
月廿六日乃懸弧之辰德充奉觴上壽先生曰

自汝兩事陳公公知汝深汝素善其言我今六  
十矣可能博一語祝我乎德充走下邳告不穀  
不穀嘆曰先生佐百里纔一命之士耳昔陸景  
倩爲扶溝丞聲名籍甚唐虞訪使者課州縣殿  
最欲得其實有吏言狀曰某也強而清某也詐  
而清惟陸生爲真清太史公謂寡廉鮮耻而俗  
不長厚非獨行者之罪也父兄之教不先子弟  
之率不謹耳先生以清白處又惟恐子之不已  
若也麟游其扶溝哉先生壽可知矣余聞長老

麟游縣志

卷之六

七

言華豔靡曼之好喪其生者也服砂辟穀之術  
荒其生者也先生無其好無其術而寧靜澹泊  
一如少壯知足不辱知止不殆老氏所稱長久  
者其先生之壽乎其先生之壽乎先生有五丈  
夫子而長德充德充勉旃無負庭訓俾先生壽  
無疆即父子間常余言也遂次而書之

### 壽太醫朱君七十序

昔陶弘景年八十有壯容善辟穀導引之法自  
謂行教守道翩翩超昇矣所修本草以水虫爲

藥門人請曰功及人矣如物何復易以草木解  
形仙去爲茅山上清師署蓬萊都水監亦異矣  
夫醫仁術也仲尼所稱仁者壽乎通明善醫喜  
讀葛洪諸傳齊高帝作相引爲諸王侍讀除奉  
朝請後上表辭俸詔許之賜以束帛及發公卿  
祖之都亭朝野榮焉此來齊已來盛事其仕而  
隱隱而仙者與淮南朱卿禮世習長桑君禁方  
肅皇帝朝游燕趙間遂家居于燕乃燕趙人以  
爲秦越人也貧者湯慰拒其謝金其子汝修在  
書簡本集 卷之十 十一

仙氣期願無筭矣三十年後倘結樓三茅乎仰  
青雲觀白日聽松風而快也有叩門者非陳生  
耶更爲先生壽  
壽茹封君序  
今上御極三年召天下循吏爲御史越二年選  
才望御史巡漕河歷山茹公始以武進尹應徵  
繼承殿中之選海內才穎之士莫不嘖嘖侍御  
公遭逢明主者不佞以山東叅政理漕事侍御  
公相得驩甚也一日出示尊公東田先生書大  
都言其祖自山西臨汾家遵化爲東勝右衛總  
旗起田間我稍饒裕汝舉隆慶辛未進士我受  
御史封况仲者諸生季者百大長內外孫與曾  
孫幾三十人幸昌而家矣可負而國乎先生語  
多質直春秋七十矣大學士申公侍御公座主  
賦詩壽焉里中人又嘖嘖先生教子身食其報  
蓋天道云後侍御公以山東少叅分鎮臨清今  
上覃恩進先生爵紆青袍紫七十有四馬太孺  
人年且七十矣不佞過侍御公執手語曰兩尊



人修齡宗舜不能稱觴願吾子一言以嗣申公之誅乎小子卑卑何能爲役獨公國士遇我未能國士報也報之以言可乎往遵化人爲余言先生長者如兄弟中有欺凌者先生曰一布被可共卧矣不校而愧之如因清勾羈非所者先生曰魯朱家藏活百數矣助十金救焉如負貨值不償者先生曰若焚券市吾義矣棄去不問余所聞三事皆古之有奇節者太孺人力贊而行之此非休息乎仁義之淵固者耶語曰積水

卷之六

壽童夫人

壽童夫人

成淵蛟龍生焉先生宜有侍御公矣乃侍御公于先生祝期而期祝願而願斯亦衛平之占季主之上也果如人言有天道哉憶天順間燕市有茹文中者年一百四歲如少壯天子召見便殿賜冠服宴順天府命吏部尚書姚夔諸老造其廬賀焉談者以爲國家之瑞第其室偕老子鼎貴孫茂多不知能如今日否主上監于往代修尊老之典先生以百齡當之謂聖明有兩茹可也或言侍御公任藩服抱長才巡視宣大知

邊事最詳將保釐重鎮勒銘鐘鼎顯揚先生者恢恢大也寧獨壽哉寧獨壽哉

### 壽童夫人七十序

余聞里中人稱內方童先生有孝行蓋母繼難事云已而爲公家壻人言沈夫人之賢婉婉聰從有助於先生而佐之者盧夫人也盧夫人有子光祿君光祿君善讀父書肯構而室肯構而田翩翩佳公子也人言先生有後克承厥家而教之者盧夫人也盧夫人春秋七十孟冬十日

卷之六

壽童夫人

壽童夫人

乃設悅之晨里中人言先生喪三十年而夫人享遐齡百歲未艾真邦之媛而家之瑞也請余言爲壽余聞織錦之詩采賡之記常也而文割鼻之誓斷髮之苦變也而節即不問享年何如而雲漢爲昭日月並永壽足徵也先生在翰林院多應制之作英聲茂實橫絕四海乞言者日衆乃夫人便媛綽約執管和墨解其吟咏相得歡甚片言隻字十簞珍之比于懸黎瓊藥以遺其子刻而爲集俾先生不朽何其文也先生既



沒家事孔艱光祿君孺少夫人從一自守以備

蒸嘗往有請史光祿君欲傳夫人之形天人痛

曰吾爲未亡人垂白不窺戶久矣奈何見吾面

光祿君跪而始允又何節也夫文存而理著節

存而理固無論追古列女之年卽仙家所稱王

母麻姑萼綠華謝自然上元諸姬之類雲輅鶴

駕往來飄忽于十洲三島崑丘瑤池之上長生

不老有能外是理乎吾知夫人壽與無疆云里

中人以其言聞于光祿君光祿君歎曰自陳子

作先太史公傳而先太史之名益重卽所稱文

節真知吾母者而吾母之賢益彰儼然造陳子

謝焉陳子多光祿君孝思類先生也遂書爲夫

人壽

二酉園文集卷之九

記

五嶽山房記

沔陽陳文燭



沔蓋古雲夢澤云江漢之水合流繞郭非司馬  
長卿所稱罷池陂陀下屬江河者哉故境內無  
山而余世家江北古城竹塢人稱山林云家按  
察公移居郭內于復中坊構書屋數楹前致奇  
石者五中高而秀者象太室東一象日觀峰西

一象蓮花峰南一象峒嶠峰北一象太行之碧

玉皆大人題品東吳陳方伯子兼書五嶽山房

扁焉四明豐吏部人季南海黎秘書惟敬吳興

徐按察子與賦詩歌投贈又舍人梁思伯廷評

梁彥國俱在羅浮各繪爲圖西蜀甘憲副征甫

掛冠東岱貽具形一圖四壁蒼翠冷冷有聲鳴

乎奇矣昔向長有名山之興自言富不如貧貴

不如賤思畢婚嫁便遊五嶽宗炳棲丘飲谷徵

碑不就經游勝處悉圖于室謂人曰撫琴動操

欲衆山皆響今吾廬面奇石又多海內名筆乃大人詠歌其間庶幾宗少文所稱四游哉若向子平之願則不穀又何讓焉遂操筆而爲之記

日休堂記

泰和王君尚涵自童子時稱少俊王公大人引以爲奇皆曰唐家王子安復生也弱冠舉鄉試第一仕司華亭教漸擢大理寺寺正奉

上命恤刑雲貴多所平反未幾有左官之命憐才者思究厥用而君病疏以歸且曰適莽蒼者

東坡集

卷九

十一

投足坎壈榜人艤舟臨流失揖又可走遐邇而渡江海乎吾茲休矣鵬鷁之飛九萬榆枋密菌之生千年一夕同適于大造耳吾茲休矣陳生曰吾觀都門日暮有側肩爭趨者鍾鳴漏盡有衣繡夜行者君何休焉王君曰狗財死權衆庶焉生竊病其勞也吾舊以日休名吾堂今歸矣子爲我記之陳生曰我聞作德心逸而後休也然稽古人之德莫先於易夫人於進退存亡之際奈何心戰莫定也而易言之大備其象與辭

其變與占可觀而玩也行健配天安貞應地即天地不齊之遇一無與於吾心此非怵迫之走并介之人所能曉者君讀易取高第卽前談說余率有味乎其言所願假年學易永茲休也或出或處焉往而不自得哉王君曰諾書作堂記

近淮書院記

近淮書院者總督董先生所創也先生家世楚自黃陂徙信陽州舉嘉靖辛丑進士官都御史云往家食時讀書郡城北買田一區庶表若干

東坡集

卷九

十一

葺舍數椽諸峰羅列曲抱渑水北繞淮河淮河者禹自桐栢所導也先生取正誼明道之語扁其堂曰思道左種竹萬竿軒曰環翠曰虛心右近長湖可舟亭曰背郭曰耕雲曰釣月曰先春又隙地可射亭曰觀德旁多蔬畦花圃過者望楓樹知其中偉人云先生有子國儒知讀父書藏經畧稿及古今諸籍會余長安道之且曰子楚人也爲通家父盡記之嗟乎世所稱名園臺池亭榭多頽落消歇有百世其思者皆以人而

重始先生令耶耶余過耶耶人爲余言多  
古循吏事得祠而祀之後巡撫延綏虜入寇先  
生親冒矢石破虜於魚河時家大人官職方每  
言董公者屹然長城也及讀御史時寬海禁等  
疏晁賈所陳貴粟積貯此何讓焉昔公家仲舒  
當漢建元元封之際奉對天人剖中時務乃相  
江都徙膠東未究其用先生遭逢

聖主勲名在疆場得優游歌詠視昔人有良遇  
異日者考先生里居顧瞻茲地茲地不朽哉院  
外多水田先生力于耕無逸豳風周召所謀國  
者其歸曰明農是先生之用心與院南爲子貢  
性道學院西則大復何先生讀書庄皆足繫高  
山仰止之思者敢敘述而爲之記

### 劉文安像記

余讀劉文安公榮哀錄乃嗣君司農氏承恩所  
梓凡  
朝廷賜典與海內學士所贊述備焉慨然想見  
其爲人後司農君出公之像而命記於燭又恍

然如對公云公諱龍字舜卿別號紫巖其勲業  
不可殫述余觀其

武宗時逆瑾用事士靡靡趨之公在翰林大忤  
瑾竟至左遷瑾誅而後復其官

世宗繼統新貴人議禮

太后欲廟謁公佐秩宗執

祖訓不可凡三上始報罷又南都武臣席寵恬

侈公掌留兵悉裁以法魏國永康撫寧諸臣肅

然憚公時宣大有警公條陳便宜六事咸見施

行後公里居庸騎薄城土人勸公引避公曰我

不可去父母之邦耳指授方略虜稍稍夜却凡

此皆事機之變耳公應之雍裕權貴患難屹然

莫奪斯凜凜社稷臣矣乃若高文典冊關中呂

仲木比之歐陽永叔眞確論云余惟像者想也

因其思而遺焉者也行業如公百世之下聞者

莫不興起况邁其遺容不有塑之儼然卽之溫

然者乎及讀公上

孝宗皇帝書

孝宗大奇之賜第一甲其言禮樂詳矣於漢叔孫通諸葛亮薄不爲也今觀公樹立充信是先資之言如券又何厲也昔人稱位冠羣臣聲施後世與閭天散宜生爭烈者公其人與公共人與

### 游太和山記

昔漢司馬遷謂自古帝王蓋封禪云後世功不至矣德不洽矣日不暇給矣且三代咸起河洛故嵩高爲中嶽而四嶽如其方

明興起南服

文皇帝賜太和爲太嶽

肅皇帝又起郢上賜曰玄嶽建顯號施尊名

大明之德滂涌原泉未有過于茲山者余感焉

作游太和記

隆慶四年庚午六月余由太理寺正奉

命山守淮安歸省家按察公道經襄陽望太和在步武間憶大父承德公嘉靖初年登之承德公身長玉立聲如洪鐘聞數十里游者目攝公

曰偉丈夫哉不穀兒時大父津津道焉歲丙申三月按察公再登禱絕頂得奇夢四月八日甫歸而不穀生小字武當人以爲異云不穀稍長有意乎萬里之游嘗嘆曰名山在天壤間可少吾杖履哉而太和託始矣是月六日由襄陽至穀城明日至界山是夕大雨晨起復晴望諸峰崗巒如沐千鳥競翼百猿接臂過遇真宮諸黃冠走謁其鳳凰峰鴉鵲嶺廻繞奇特溪水隨之松杉夾道以萬計謂之遇真者非其真武遇真人得道處耶行少許過治世玄嶽坊走太子坡謁老君殿時方午就玉虛宮宿焉登望僊樓尋雪洞聖水池謂之玉虛者非以真武爲玉虛師相耶東廡有張三丰道人像

文皇帝所賜真人誥就月下誦之月明如晝湛露濕衣越九日由玉虛憩龍泉觀度橋們巖時有道人多坐樹間聞談經聲又風送鐘磬不絕幕抵紫霄宮宿燕前爲福地巖後爲煉丹巖有七星三清諸虛謂之紫霄者非以凌霄漢騰紫

氣耶明日游禹跡池徘徊臨清萬松亭其水月  
雙清又明日酌上善泉甘異諸水有垂白一道  
人李者問按察公起居出向來贈詩墨猶新也  
詩云已入無生境仍逢不老僊形棲翠微上神  
想大初前卅品若初就紅塵我尚牽何時婚嫁  
畢來此問員筌和歌而別重余徘徊云十二日  
山紫霄經烏鴉黑虎廟過椰梅祠其地益高峻  
令人心骨俱寒又入清微觀皆懸鐵索攀石欄  
以躋者少頃入大門謁玄帝次太和宮宿焉十  
三日乃按察公壽再拜祝焉是日大晴立天柱  
絕頂星辰如斗欲墜不墜望白雲在下忽有雷  
聲中起其諸峰若玉筍若中笏若天馬若伏魔  
或見或隱最著者止香爐耳余遂就枕明日天  
稍陰辰刻始霽見湘河如一線云讀  
文皇帝御製碑求唐宋片碣無有况秦漢乎乃  
宮殿之盛若連閣果恩輦道相屬云由太和至  
南巖宮宿焉石上有蒲圻廖公道南沔陽董公  
承叙來游題字其詩剝落不存有捨身巖飛昇

臺壘之深萬丈不能久視有龍頭焚香處余若  
履平地十五日過虎耳巖中有高僧不二又呼  
爲佛子巖余未及至而此僧炊飯相待矣引余  
坐石榻耳語甚驩叩所從來多不答其言大都  
彼教中度一切苦厄照見五蘊皆空云耳巖頂  
有蓮花池水旱不乾余欲題詩巖間不二止之  
曰公何色相哉大笑別去日暮過滴水巖傍有  
大樹皆千年物其水中龍鱗欲作雲雨狀其樹  
聲若虎嘯令人恐恐速行就五龍宮宿焉道士  
出員武玉像五蓋五色玉云其山爲青羊峰爲  
繫馬峰其水爲日池月池爲白龍潭爲萬虎澗  
一一經目自然菴中有  
文皇帝賜李素希衲衣余披卧一夕忘暑矣十  
六日飯迎恩宮投淨樂宮宿焉謂之淨樂者非  
以真武嘗爲是國太子耶自余山行十日經風  
雨陰晴乃千澗之聲在耳萬仞之形在目鳥觀  
人世哉  
陳子曰太和蟠踞八百里其七十二峰三十六

巖二十四澗余莫能狀也讀

文皇帝御碑謂其跨洞天之清虛凌福地之深  
窅大哉王言可狀茲山乎至云大而無迹之謂  
聖妙不可測之謂神卽太和融結亦元氣之流  
行宇宙間耳何可名焉語曰荆山爲地雄果雄  
哉余爽然自失矣

尊經閣記

道晦而後有經之名經晦而後有尊之名伏義  
至純厚作易八卦堯舜之盛尚書載之禮樂作  
焉湯武之隆詩人歌之春秋推三代之德采善  
惡以褒周室是謂六經聖如孔子雅言之假年  
學之竊取脩之信而好古豈無意于尊經哉孟  
子七篇願學孔氏而歸之反經時多異端離畔  
日甚撥亂而正之于經何如也漢承秦絕學之  
後除挾書之令集諸儒于白虎觀以講異同如  
何田孫期之于易轅固韓嬰之于詩伏生夏侯  
勝之于書高堂二戴之于禮丁恭賈逵之于春  
秋多其誦詁要不詭于聖人有宋諸儒復昌明

之如天有日星地有江河云夫易長于變書長  
于政詩長于風禮長于行樂長于和春秋長于  
治人天地之開闢皆有教也孔子曰入其國其  
教可知也乃不達于陰陽不履于和平無以肅  
綱紀而辯是非則六經之教安在也卽日誦遺  
言與耳食何異斯邪愚之冒而不經甚矣淮安  
府學舊有藏書閣名曰尊經歲久頽廢文廟亦  
圯會

今上御極下風勵學宮之

詔余白于撫臺王公捐帑金脩之渙然更新詳  
在王公脩學記中博士及諸生以余時登閣上  
問記于余嗟乎六經燦然矣余懼其師異道人  
異論百家殊方指意不同故所談者先儒業言  
之亦尊所聞云耳語曰爾學不明不如歸耕願  
諸生益懋之

招隱亭記

淮城西門外有西湖其垂楊煙水蓋勝槩云稍  
三里許地脉墳起鉢池山寺僧圓智募居士許

噪結菴舍茶於上五游山人郭次甫往來東岱  
時居然後隱焦山不來余招之始來遂以具形  
圖一杖一衲一瓢一鋤一舠一懸焉叅知潘公  
題曰隱菴後爲一亭儀制王敬美過淮訪次甫  
低徊留之不能去且曰庶幾遇小山八公之徒  
乎余扁曰招隱兩人促余記之嗟乎人生天地  
寄耳次甫寄身於隱余所聞由光誼至高次甫  
似之矣又足迹遍宇內名山大川奈何寄意於  
茲亭而托之乎余言哉余誠不知其懷之所繇  
興也書作亭記

竹在亭記

余蓋荊州人讀盛弘之記謂山中有竹大者數  
十圍小者四五圍下有奇石風生竹拂絕無塵  
穢聲如管簫間數十里以爲寓言耳乃余家瀟  
湘在塢上又讀書蘇阡又爲園夏汭蓋多竹云  
比守淮陰郡齋有竹扁曰青玉時耳竹聲乃知  
盛生言不虛矣頃豫章王孫貞吉自謂其先公  
愛竹種之號竹隱十年幾絕一旦竹茂如昔德

甫余先生題曰竹在亭皇甫子循吳明卿周公  
瑕魏季朗俱有作而屬記于不佞又走使數千  
里外嗟乎王子猷愛竹至不問主人今公家之  
亭又仁孝之所寄也公雅善詩翰通交海內賢  
豪日詠歌亭中取盛生言誦之亦有當于心乎  
若其中虛而性直也節勁而枝茂也可以比德  
而況後必有能誦之者奈何有于余言哉奈何  
有于余言哉

建杜工部浣花草亭記

浣花草堂杜工部舊居也楊文忠公記之詳矣  
余入蜀游焉因嘆曰有唐至今赫赫盛哉何無  
以茅爲亭者乃安陸楊公正希呂王公原相餘  
姚周公思克肥鄉張公思忠命經歷王忠創爲  
之而題曰乾坤一草亭俾當年所營茅屋千載  
如新也余坐其中見層軒所而卽百花潭水而  
幽澄入戶足消客愁者又鸛鵲飛鳥時相上下  
風月之夕則檜林翠竹作鳥鳥聲如耆老之別  
無家之嘆忠臣義士聞者淚不可禁亭外老樹

飽歷霜雪其凌霄之狀若俯挺之子而小之  
流落景光咸在亭中假令子美有知當驚二三  
公知已于百世之後矣嗟乎祿山之亂遠依嚴  
武在唐上元間公有大不得已者方其茅屋爲  
風所破嘆曰安得大廣廈更被天下寒真壯士  
哉可以許稷契矣後世奈何以詩人之雄槩子  
美哉王忠聞余太息就溪水滌硯請余記之俾  
脩亭者無忘誅茅之意云

重修瀼西草堂記

昔人謂杜子美夔州以後諸詩蓋最工云考先  
生自成都下瞿塘浮湘望洛而寓于夔門其居  
三徙有瀼東有東屯而瀼西尤著地多平曠田  
可水稻先生出峽卽易其主而所手書參宋元  
間得而珍之後日荒圯萬曆改元夔州郭君裴  
訪遺址檄奉節令羅繡藻新祠事肖先生像太  
守能文章有記述而又請余碑焉余奉  
天子璽書宣教化例得旌揚古今忠義之士徘徊  
祠下不覺泫然也憶先生獻賦時玄宗大奇

之命宰相試其文拜左拾遺乃高自稱道先世  
以來多以文顯若薄楊雄枚臯不爲者其矜誕  
一時有祖審言之風會祿山亂輦轂入蜀避走  
三川肅宗立往救房琯至不省錄散武節度劍  
南復依焉表爲叅謀檢校工部員外郎先生久  
于夔及玆堂之建其時有足悲者而史稱先生  
挺節不污所爲詩歌善陳時事千彙萬狀兼而  
有之忠君憂國每飯不忘當時韓愈氏高其文  
章光焰至長萬丈也具知言矣語曰生無一日  
歡死有萬世名先生之謂乎先生襄陽人與孟  
浩然友善襄陽舊有孟亭不存而峴山祠先生  
者亦荒今瀼西更新比于同谷浣花可謂無關  
世教哉余爲迎送神曲使歌以祀其祠曰  
昔飄零兮流寓嘆遷次兮朝暮側身來兮  
參差其舊路 右迎神曲  
三年飽兮煙霧千載驚兮香炷尚轉蓬兮  
山靈其呵護 右送神曲  
牛頭山上卽草堂記



潼川蓋唐梓州境而牛頭山在郭門外杜工部嘗登其上所云五載客蜀郡一年居梓州是也參知梁尚賢憲使王元德分鎮劔南捐金度木命刺史張輝南爲草堂于山巔余試士過焉刺史乞余記之嗟乎公遭祿山之變飄零于蜀或自綿而梓或自閬而梓坎廩之狀千載流涕而誦其詩者興忠君愛國之思卽公在梓州詩如王侯與螻蟻同盡隨丘墟願聞第一義廻向心地初于瞻嘆其以詩入道猶庖丁以牛入也輪扁以輪入也蘇氏知公乎是公詩多于蜀而妙悟于梓公神其託茲山哉天壤俱敝可矣昔唐陳子昂梓州人公過射洪學堂撫遺跡而弔焉有盛事會一時此堂豈千年之詠若爲今日而言者則牛山數椽與金華並峙乃不穀之慨慕于公奚啻公于伯玉哉浣花溪西余業有記而今又託乎片言其有私感與若謂能飽公殘膏賸馥而揚推之則余豈敢

禮部尚書李公祠堂記

昭代正統間富順蓋有大宗伯學士李公云公有昭德集言家世自荆之公安范文正所稱祖宗積德始發于吾乃繼述在後人焉至于論文自六經外惟司馬遷哉卽欲謝朝華振夕秀無能出藩閥矣余莊誦而心折也公沒百餘年公曾孫水部公同家大人舉嘉靖庚戌進士余奉命督蜀學事玄孫太史公與余善乃言曰長春有今日自先宗伯公而公祠在兩浦配公者公李子學正公也後附以中憲水部兩公必長于孫及任而賢者始入焉幸公言記之余按古祭法有二曰報功曰脩先李氏祀其先亦猶行古之道也余過富順低回祠下不能去昔三川之民披髮而野祭孔子傷之巴俗崇佛教列剎徧于山谷無名家專祠者李氏有世德哉宗伯公倘儻能文章正統戊辰進士由吉士至侍讀在翰林三十年歷太常少卿至禮部尚書在南都又十年每以忠直受知列聖而忌公才者未及登相而能論祭有曰脩史秉筆削之公進講

著啓沃之益夙夜寅清典禮罔忒蓋確論云學  
正公善詩弘治辛酉鄉薦其司濮州教典河南  
試有聲方內召而公逝矣中憲公剛毅人也嘉  
靖已丑進士御史時嘗論救大禮大獄諸臣仕  
秦以不合歸永部公長者河渠督木以能著偶  
論二千石僨事爲言者所持乘天變調公守趙  
州八月而歸趙人思而祠之三公善繼公昭穆  
蒸嘗無愧色矣今天子詔下學宮議祀典僉  
謂公品流可祀于社與渝州劉文簡公長寧周  
文安公相爲鼎足顧易名尚缺典也漢章帝元  
和中巡狩至沛使人祠桓譚于家明帝永平間  
詔京兆右扶風以中牢祀蕭相國令子孫侍祠  
假令有司以公聞于上安知不賜謚與祠焉奕  
漢代哉祠有堂一厦樓三楹左右舍各一松檜  
脩竹以千計公諱本字立之號立菴學正公諱  
世昌字道亨中憲公諱鳳字鳴叔水部公諱方  
至字如川詳家譜中太史公綱終軒陛將大秩  
宗之業而急于脩先天下稱誦周公爲其論歌

文武達太王季爰及公劉以尊后稷也詩曰  
子子孫孫勿替引之李氏其昌乎又曰孝子不  
匱永錫爾類可以風蜀矣遂不辭而爲之記  
四川按察司分巡川北道題名記  
余讀周禮古職方氏掌天下之圖天子春蒐夏  
苗秋獮冬狩後世此令不行于方輿而其權寄  
之憲臣所謂陳詩觀風命市納賈以觀好惡咸  
得操握及讀國家憲令蓋最重按察司云國初  
御史不常遣其官邪民隱惟按察司專糾禁之  
其後歲遣御史一人而按察司設分巡道其權  
與御史並蜀之東西南北各分一路出入會城  
省觀以時議者謂蜀山川盤紆有司簿書期會  
旦夕難達而呻吟之民寃滯之獄與災沴之變  
兵革之擾非憲臣坐鎮之法禁奈何不敷潰也  
嘉靖壬辰柴公儒巡川以北始駐節于保寧其  
衙門在城東南隅越甲辰張公時聘以地稍卑  
濕就王府廢基而改創焉隆慶壬申秦公舜翰  
左右增舍規模弘遠萬曆乙亥滇南王公奉

璽書而來彰軌貞度詢于掌故勒諸君子姓氏  
屬不殺記其事嗟乎子產有言曰令名德之興  
也德國家之基也詩云樂只君子邦家之基有  
令德也上帝臨汝無貳爾心有令名也夫宣令  
德載令名而遠邇始安况蜀去轂下萬里而北  
路倚劔門尤稱重地憶昔唐宋時氣節如顏真  
卿文章如李義山政事如崔與之或分知諸路  
或號安撫使其權不及今按察十之一二而三  
先生之名赫赫天壤若與劔閣巴江同其高深  
者茲豈聲音笑貌可襲取于千載之後乎王公  
此舉彰往訓來意在不朽敢舉三先生聖公且  
告後之秉憲者若某也賢某也否指而議之茲  
石亦袞袞哉不殺無容喙矣王公名來賢字元  
德舉隆慶辛未進士詞翰風猷表著宇內與余  
善

遂寧令羅公生祠記

羅公登嘉靖庚戌進士辛亥授遂寧知縣越癸  
丑天子璽書徵良吏公褒然晉舉遂民老稚無

不泣下者曰奈何去吾父母乎輒家祀而人祝  
之丙辰公爲戶部主事奉命督滇賦蜀父老攀  
轅入遂留境上不能行曰何幸見吾父母乎遂  
于邑之北圖祠祀公隆慶癸酉公爲蜀左使辛  
未撫貴陽遂民省公趾錯于道縣令樊盛新公  
之祠請余文記之乙亥公撫蜀余謝曰公方在  
事何可頌焉丁丑公改官留都余再過遂士民  
中前請昔何武無赫赫之名而所去見思公有  
重名而去思若此乃操筆記之以風有位按遂  
人都御史陳公講光祿卿黃公華二公皆長者  
言公在邑清靜寧一毫髮不取于民退坐水月  
閣中食枯魚衣布袍意澹如也乃片言折獄公  
庭寂然人稱神明暇則興學造士種種埒于古  
人余獨多公活人一事往牒無有也一日公視  
堂事有報黃連舖殺人者公躍馬視之一人卧  
地下喉有刀痕使人視之氣絕矣公親摸之微  
有溫氣移之獄中有罪人白喻席華公面諭曰  
得清此人吾將汝釋兩人日夜視之至七日而

其人蘇一月而其人人生公詢何事被殺及姓名寧死不言公竟釋去不知所往後遂人遇于峩眉山中擔水濟僧自號白水道人時時向佛前設小醮祝公無疆之壽嗚乎異矣古有秦越人見垣一方知五臟癥結公之起死者類之昔太史公作循吏傳楚有孫叔敖鄭有子產魯有公儀休大都皆廉平吏耳乃繼之石奢則因父殺人自刎死者繼之李離則過聽殺人伏劍死者兩公重民命寧殺其身奉法循理庶幾稱良哉

公于生者安焉死者活焉馬遷而在必列公于諸君子之林後世長民者日事敲朴爲漁奪計如狼牧羊無完畜也視公不愧而死乎公展采中外有奇勲及遂多善政余不論而論公好生之德有斐君子不可誼兮公之謂也祠何可已哉祠何可已哉公名瑤字國華別號野庭家洞庭湖上

漕儲道題名記

隆慶六年壬申 穆皇帝軫念國計復

二祖海運舊制而臨海王公宗沐始行海運又河道淤阻轉輸孔艱王公思變易而革也乃上書口煩劇不能獨運而職守不容相干分理而專責之者漕臣是也且漕運有總兵督撫而復有叅將近日催儻之法已密而運糧官軍苦于羈轄其弊尤多牧羊者患人盜芻也立之監監直而年益瘠矣乞勅該部革武臣添設漕務叅政一員帶銜山東駐劄淮安兼理廬鳳淮揚糧儲 先皇帝嘉納以上海潘公允端領其職每

年春駐節瓜洲夏同總兵官督運到灣復歸于淮歲以爲常政令赫然耳目一新國家承平以來厯厯見耳語曰楚更張而鼓無絕絃矣鑑刮磨而照無眩矅矣不穀守淮竊嘆此還至而立有效者也甲戌去淮而海運罷丁丑冬膺茲簡命明年浮淮入京陛見今

皇帝賜酒飯勞焉月餘陛辭 上賜如初領輓書以歸徘徊富穀堂問前道名碣無有也而潘公刻在瓜洲此何可少也夫藩臣分理漕事

創四百萬石一身也九州之半一心也而又值  
聖明革故鼎新之會余讀易卦而有感于革焉  
其曰已日乃孚元亨利貞言革而當也

先帝用撫臣言更置文武善通舊制乃二三大  
大賢者也歲輪既早民力不屈易稱文明以說  
大亨以正革言三就又何之矣革之終有曰君  
子豹變小人革而居貞而吉苟不守之以貞所  
革隨變悔無及也 勅諭所云廉謹自持盡心  
綜理有貞之義哉有貞之義哉不穀日兢兢焉  
恐猶與牧牴者類也敢告諸君子以有孚之革  
亦不穀託姓名之幸與

### 集鳳臺記

京口三山蓋金焦北固云五游道人郭次甫隱  
焦山二十余年往守淮陰結招隱亭居之督學  
入蜀而次甫還山及督漕始訪次甫山間蕭然  
一室多高梧脩竹次甫就清陰壘石爲臺登臺  
舒嘯西望大江八千餘里長風落照明月青霞  
足稱賞心復構亭于臺上金陵邢學士伯羽題

曰集鳳亭甫成而余至次甫曰昔焦孝然不赴  
漢三詔結螭牛廬于浮玉山白日輕舉後改爲  
焦山陳留蔡公邕有贊嗣有傳先生者少好道  
坐焦山石室中遇太極真人授以木鐺使穿盤  
石積四十七年石忽穿乃亦飛去西蜀李公昌  
齡有序吾老坡山矣願公一言記之余笑曰昔  
吾鄉米元章愛潤州山水之勝遂以平生所好  
研山石與山僧易海嶽菴居焉菴在北固山不  
穀何以易茲亭哉古之高士潁陽桐江其猶鳳  
乎當時隱矣而千載侈談絕雲霓負蒼天鏘鏘  
翺翺足增宇宙太和之氣乃知丈夫樹立潛見  
不同同翔千仞哉宋玉有言藩籬之鷄難與料  
高也尺澤之鯢難與量大也司馬遷曰舉世混  
濁清士乃見次甫懋之矣不穀好奇之僻差比  
古人乃文翰愧中郎諸君子遠甚次甫奈何有  
于余言哉

### 游峩山記

昔蘇子瞻言天下山水在蜀蜀山水在嘉州非

謂峩山哉余少讀范成大峩山記比長管子建  
初惠余峩山圖欣然神往萬曆甲戌奉

命督學事冬試嘉州僉憲關中南叔後約余同  
遊雪大不果乙亥再試少參石晉王引瞻脩撰  
富順李元甫使蜀三人雅善訂其游焉乃王李  
奪于公期而余獨往時九月朔日也嘉守鍾玉  
甫別余郭門行三十里至蘇稽渡卽長公讀書  
處也行十餘里憩德山寺望三峩挿天雲氣如  
赤珠如白鶴如行人鱗鱗不可名狀讀宋英宗

御制別山碑別山者開山寺僧有經行者憩聖  
積寺登老寶樓覽魏鶴山峩峰真境四字寶亦  
宋僧別山者流有東明沙門年九十擁錫而行  
素與新都楊用脩青城余懋昭游藏二公詞翰  
余爲老僧像贊而出出過解脫橋憩華嚴寺讀  
宋紹興碑發泚槃之蘊演勿照之明令人爽然  
至楠木坪樹如寶蓋葱菁十餘里見溪下一石  
類舟人云此普賢船也至大峩石上有陳圖南  
福壽二字石前有流盃池余爲神水贊而去

登歌鳳臺卽楚狂隱處也憩中峰寺玩孫思邈  
藥鼎丹竈其形甚古憩牛心寺寺下爲雙龍橋  
兩水分流石梁跨之蓋天成云過梁渡溪憩後  
牛心寺玩唐三藏取經時所遺卓錫非人間物  
國初高僧寶英圓寂于此或言

高皇帝同時僧廣濟避居峨山後宮中聞龍躍  
聲詔易前杖莫可考耳山四會亭經南戒名宗  
坊投白水寺宿焉訪唐游師彈琴處湮滅也有  
鎮南沙門與之語合言師別傳年七十游南海

三十年前種樹千日今鬱鬱蔭此山矣出內江  
學士趙孟靜衣契諱之謂克其心則宰衡吐握  
一代人才可種也洙泗指述千載人才可種也  
余味其言書短歌寄焉越二日鎮南隨余登頂  
心坡坐筍輿用布懸引而上經息心所大小深  
坑有長老坪差覺平坦喬木千章千雲摩蒼交  
錯糾紛古羅蔓延下垂人云此普賢線也行至  
鴛店飛岑巉岼過木皮殿上胡孫梯欹霧逢浮  
咫尺莫辨過梅子坡至雷洞坪有禁人語鐵牌

恐風雷忽震由此轉折八十七盤最上婆羅坪  
蓋有婆羅花云捫石穿林黯黯不見天日巖下  
硯硯多千年積雪冰氣皚皚射人已入天門石  
度天僊橋投光相寺宿焉老僧取水炊飯爲言  
頂有池水無泉脉可給千人炊米數沸中食過  
百沸則心結粉粒反不可食卧必累褥坐必執  
鑑其寒慄異常云越三日沐浴禮普賢大士祈  
家按察公壽舊有銅鐵錫三殿今存鐵瓦殿云  
有通天沙門年八十雄草開林表一小刹不下  
山五十年自言此山無豺虎草木皆脊西域寶  
掌千歲僧也名此爲震旦國第一山四顧遙指  
其近而倚者曰瓦屋羅回其遠而望者曰青城  
玉壘其最見者曰雪山隴經而火燭葱嶺與諸  
蕃之界俱在縹緲其餘萬山眞如培塿青衣泮  
瀆三江縈然如匹練使余應接不暇少頃鬢鬢  
雲布兩人復歸禪房有披髮道人衣樹皮不言  
姓名坐風雪年餘余招之來杜口振手意在服  
食叫氣與通天眞有所託而逃焉者也長揖別

去余就枕越四日再登浮雲忽聞太陽吐扶桑  
和如豔陽步觀佛臺有小鳥如鸛鶴依人而來  
鳴曰佛現佛現視之閃閃成暈青黃紅綠之色  
圍繞數重初見若車輪旣而圓徑漸廣路過山  
足觀者如對鏡惟見己身雖竝立者不見人云  
此普賢身也有鼯鼠亦來親人或言山有雲霞  
氣日映之則光鳥鼠亦忘機者通天飯余禪榻  
授余養身之秘坐更餘一僧報曰聖燈現矣疾  
走現光臺始見其如火漸至數百時隱時見  
僧云往吹入殿中手撮之一木葉耳理或有  
焉余就枕越五日又登絕頂日大明如昨一僧  
携放光石如水晶大者徑三四分就日照之成  
五色如虹霓頭七寶臺在深崖與通天別從故  
道下山崇峰懸磴白雲護之渾如銀色世界樹  
間啼猿小者如拳暮宿白水寺有妙境沙門自  
西遊還從師高僧荷峰歷五臺南海道場談之  
津津有味越六日至黑水寺訪八音池每盛夏  
有水人鼓掌則羣蛙鳴其起止俱先一蛙如金



聲玉振有白玉環際之光潤異常乃千年物能  
 晉慧通慧持皆遠公高弟游此道之耶暮宿老  
 寶樓有鑑燈沙門了大藏爲言陰法雲則火宅  
 亦涼曜慧日則昏夜可曉儒釋異耶又愛詞翰  
 余檢家按察公見南江閣詩文選付焉壯哉司  
 馬遷之著作藏名山嚴君平之九州游八也乃  
 佐理此山舍此山將何所藏哉鑑燈指龍門洞  
 三峨三峨諸勝莫能窮也大都廣圍千里高百  
 三十里余得其槃石峨眉縣越八日王李二  
 君書來詢游狀余曰茲山善畫者莫能圖也  
 果右軍之緣續太白之歌勉旃哉以五七言古  
 十四章絕句二章復焉越九日登瞻峨樓書作  
 記  
 陳子曰夾江毛潛賓檢討寄余峨山光景記及  
 余游而毛先生捐賓客彼稱道家虛陵洞天佛  
 家大光明山止耳至黃帝訪天真皇人于勝峰  
 中言君猶神也民猶血氣也民難養而易散氣  
 難保而易失吾道何加焉楚狂生以鳳衰譏尼

父茲山千仞哉宜有楚人之翔與

西園文集卷之

終



記

大觀樓記

瓜洲蓋重鎮云其地邊大江積沙爲洲其形如  
瓜自昔張官設驛高皇帝曾乘巨艘憩焉  
勅有司歲祭江海潮神祠至脩城備倭與揚州  
府並峙自肅皇帝三十六年城南有望江樓  
久廢同知丘君如嵩脩復從民願也故事參政

至鎮督運財兩三月耳萬曆七年文燭以巡漕  
御史奏留造舟上特旨允焉年餘而樓成太  
學生黃一正蕭周郡學生吳松輩率父老請余  
碑焉且曰荆南以王岳陽以范其以人重乎余  
竊悲二公遇殊而言其大都易地皆然也茲鎮  
當南北之衝而吳越之會也望鍾山而吞長江  
金焦北固種種在目朝暉夕陰風雨嘯海氣  
朝聲萬態難窮斯亦宇宙間之大觀哉潤州萬  
歲樓揚州文選樓楚州宴花樓并州黃柳館

昔興廢而視此則隘矣然四州皆用武之地而  
此爲咽喉登斯樓也仰而防未然俯而戒不虞  
矣今聖天子在上湛恩汪濊封疆大臣揆文  
奮武有司祇承約束道不拾遺百姓安堵余尚  
懼末技游食之民未緣南畝積貯少而風俗侈  
卽有水旱胡以相恤卒然有師旅胡以餽之此  
昔人所漂漂也無事如張綱歐陽脩有事如謝  
安韓世忠咸大造於揚其勲業與山川爭雄是  
在有位乎是在有位乎若樓遲故土之思如仲  
宣先憂後樂之懷如希文斯賢豪登覽者所同  
余無容喙矣遂題大觀樓而爲之記

逍遙樓記

往讀南華內篇質于家君子家君子曰漆園所  
稱逍遙卽孔子之樂子思之自得孟子之不愧  
不作而已定內外之分辨榮辱之竟莊生非達  
者耶後不佞遊小樓數椽登而嘆曰大哉九州  
之內六合之外乎乃余貌焉中處矣然偷枋之  
飛鸞鳩也蓬蒿之翔斥鷃也一枝之巢鷦鷯也

滿腹之飲偃鼠也焉往而不自適哉客有惠顏魯公大書逍遙樓者不知在何許遂以名吾樓而扁焉史稱清臣風節如嚴霜烈日書法如鐵柱又平生所向慕并書以告我後之人登斯樓者

### 江閣藏書記

家按察公讀書見南閣主謂小子曰汝知古人乎漢武帝幸河東亡書三篋張安世識之唐太宗巡行有司請載書以廣世南爲行秘書止之主仲任過洛陽市見所賣書輒口誦遂著論衡藏逢世欲讀前漢馬親友刺尾紙手抄以漢書聞此恢奇多智其家豈有書耶若惠施之五車劉歆之七略班孟堅之九流李弘度之四部鄭康成之經神房暉遠之經庫李泰和之書麓皇士安之書淫杜預之左癖傅昭之學府張華之三十乘韋述之二萬卷數家者俾宛委而埒東西觀今吾所藏半焉乃所賣尤與古人多小子懋哉夫鄴侯之架在衡之陽二酉之藏在辰之

陽楚書大較富也異代掌故倘求逸於河之陽乎有大人著作在小子何望焉退而作藏書記詔我來世

### 甘露園記

往聞鄧子國東北隅有文杏古檜干雲凌霄其下則吉陽何先生讀書處也先生家食時甘露閣閣降古木遂名其園乃先生事肅皇帝朝官南京刑部右侍郎勳樹在江淮以講學風海內謂王文成良知之說得鄒魯之真傳而文章海涵地負遠宗臨川近慕晉江偶見不殺之作擊節賞之報書先大夫曰公有子而文乎嗣交仲子仁仲先生業下世仲子才士先生不死矣屬余園記且曰先生意也嗟乎姑射之飲丹丘之獻偃掌之承豐草之零木蘭之墜往籍侈談之顧先生爲時大儒也甘露蓋休徵哉仲子益以名并佐之奇石有堂曰卮言閣曰綠雲臺曰清虛有竹葉居梅花屋翠隱洞芝廈其名勝莫能殫述仲子又言世稱名園外構華整而主人中

不相關今余寓目皆所手植暇則詠歌優哉游哉聊以卒歲昔仲長統愛廣宅背山臨流水木周布息四體之役謝眺遊東田累樹蘭閣魚戲鳥散極四時之樂仲子公理其人玄暉其才乎竊多其有古人之致云獨恨先生未及見仲子之成如今日及不穀爲公家記也

### 勅書樓記

臣家有屢朝勅命誥命若干軸有勅諭制策若干通建樓寶之恭題曰勅書樓大哉王言如絲

青園集

卷八

五十一

如綸蓋先大夫之意且令來世榮華袞而篤忠貞也有客登樓獻圖十二且曰金刹當軒玉虛橫牖雪凝朱閣月掛荆樓此前景也旗纛五尋學宮萬仞建興迎曙楚望連雲此後景也綠楊煙雨翠竹亭臺東沼仁風西城夕照左右景也吾子覽勝而樂焉不穀撫然曰文燭自乙丑事肅皇帝官廷評十八年矣穆皇帝庚午以江淮大溢遣戶部郎中賑饑時督臣議行海運用燭寸淮安今皇帝改元以輔臣言更儒臣璽書陶

錫士林用燭董蜀學政丁丑黃河淤阻運事孔艱遣大臣經畧川燭參漕務三任急矣至塞上命而成先志負負無可言者登斯樓也馳北關而夢南山矣何樂爲客退而周覽四顧景光陸離有如客言因憶昭明擅文選之著仲宣興故土之懷希文多憂樂之感叔偉望駕鶴之賓其樓張楚而四子異悼矣不穀有忠孝之思乎將樂斯樓而老焉此聖主之恩也先大夫之遺也書作樓記

青園集

卷八

六十一

### 墨花深處記

余建勅書樓尊制矣後偏先按察公示不肖諸作于允宜堂西題曰墨花深處漢太丘長之于紀譙晉索幼安之于緱山蘇詩國公之于頤稱父子相知未有篇詠如先公者也先公有太極硯一斧硯一手自珍贊因置其中而不肖時操柔翰宛聞過庭之訓王育絲綸遺草金石願來世並珍之且作忠孝云

### 聖坡草堂記

郡城之東隅封崇爽垣者惟報恩寺寺西有地  
屹然而峙每遇雪天林丘積素迥異它處人言  
雪坡云去先按察公大業堂財步武耳不穀憇  
焉適若寺中間誦釋典氣茂三川情通六入皆  
清涼境也方遣數椽葺門圭竇而海內同志或  
開府于鄂渚鄖西之間或秉憲于荆岳蕪黃之  
藩分俸貺之助成厥盛因憶昔時有林君景思  
者結廬天台傍曰雪巢而楊廷秀賦焉中言厭  
人寰之喧卑薄市門之囂塵八憲夜明萬山失  
碧巢成雪至雪與巢會式瑤我室式珠我解俗  
子標門懼點勝槩不殺有心前代揆之又諸公  
誼至高亦楊子所稱霞外雲表矣嚴劍南遺草  
堂之資于襄陽惠買山之錢寧獨一念微向古  
人先之哉遂顏其堂爲雪坡而記之

芝英亭記

小子侍先公論字學公曰汝知芝英體乎小子  
曰世稱歐陽詢有楷法張伯英爲草聖李斯入  
篆室虞世南隸弋法也盛哉鑠乎名立後世公

曰漢時陳遵稱篆書之祖芝英蓋其體云每書  
一出坐上皆驚人稱陳驚坐且六國爭戰潛約  
符信書各異體而芝英其一也乃秦煨滅之漢  
武帝殿前產靈芝三本歌芝房之曲而述芝英  
之書恨曼悲莫傳耳小子曰孟堅最善孟公所  
稱愛客則授轄于井尺牘則人以爲珍使匈奴  
則單于大奇之有列侯誤傳爲尊者坐中震動  
既至而非號曰驚坐或謂其談遠而書未見稱  
也茲異聞也班史逸之何啻珍珠船耶後蘇軾  
產芝數本先君草瑞芝賦小子請建芝英亭先  
君笑曰汝異時自爲之偶新一亭因憶孟公高  
妙先君博雅眇然千古矣遂記之而名其亭曰  
芝英

長慶亭記

陳子得片石像五宗之峰而題焉北爲碧玉南  
爲岫嶠東爲日觀西爲蓮花中爲太室平生浪  
游之志半矣方思畢焉卧游神游適茲丘耳向  
長禽慶吾其斯人之徒與扁其亭曰長慶

石山記

陳子園有山石諸君子所惠也蒼翠鱗集岡巒  
龍襄與客登臨而狀焉有言帝臺若棋月林若  
鏡雲岫如復松風如響者是古之奇也余嘆曰  
無論徵外高崎神州大塊卽名園中芥子耳因  
憶千泉之醒石李德栗里之醉石周淵鬱林之  
廉石離履道坊之盤石山樂海嶽菴之研石蘇  
今何有也而五君德業文章磊磊磷磷在三丘  
五宗間片石之名存于天壤非攻玉者耶余意  
它山矣

陳氏先塋記

吾陳世家江北其上門蓋義民公宅云墓在宅  
之後其西近義民公者高年公墓也近高年公  
者竹塢公墓也靜軒公墓在三角坑承德公墓  
在蘇阡有勅贈坊子孫自義民公出者幾百人  
世以科第顯彬彬盛矣其彥昇公之墓傳葬下  
門今獨中順公墓在耳且義民公墓東繫繫數  
十塚皆仲明公而下多在上門乎俱不可考矣

徑小子修譜時曾詢中議公敬獻良久中議公  
下世小子拓和居而新之東關神道濶一丈深  
三十餘丈以達塋所社祭掃時披荆棘出入使  
道又牧童採樵其上中議公與諸父諸兄弟築  
墻而垣之小子捐俸金百兩建一石坊題曰陳  
氏先塋蓋中議公之意也夫古者不封不樹過  
墓則式去國哭墓而後行滕公顯白日之銘楊  
震立大鳥之象曹氏開阡于京兆淮陰旁置乎  
萬家中古以還重丘墓若此陳爲文獻世家尚  
不盡識其先世之藏也它何以貴焉余懼後之  
視今猶今之視昔也記而表著焉韓魏公有言  
謹家譜而不忘先塋孝之至也吾日有望於後  
之賢者

玉沙草堂記

江北古城昔時玉沙縣也水經有白沙水自江  
口入河湧玉泉在城之北憲使柯公喬嘗登古  
城詢父老以泉莫得也乃城濠即泉地乎余改  
爲湧玉陂而結廬于古城之內且地號上門東

號下門吾陳世家焉永樂間鄉進士平博士公  
子所居先中順公時遊焉嘉靖間爲之翰林學  
士童公先中議公時遊焉崇岡峻嶺茂林修竹  
蓋郡城之孤秀也萬曆間爲之小子無論二氏  
之亭榭鞠爲荒草即崇者卑峻者夷茂修者剪  
矣小子易數家地拓而爲園且復古路中榜其  
堂曰讀書館曰懷陸閣曰溪山深秀亭曰脩然  
各有小記後爲亭者二左仍平之亭曰翠雨董  
述夫書右仍童之亭曰來轍張伯起詩亦以四  
五公之風猷尚在山岫水曲之間也或謂園秀  
而野品而確永有傳乎余笑曰茲地堵而雉雉  
而城城而阡陌天地山川有易也而况園乎昔  
人等園爲主而主者客也即有之千百年間視  
二氏俱客耳而况名乎吾爲吾園而已題爲玉  
沙草堂而記之

### 環玉亭記

往入蜀過鹽亭宋文學士與可故里也夜夢一  
老僧持萬竿圖示余曰此文公直筆也余覽之

老僧曰公名與代高與可矣覺而夢乎有是哉  
余補官南歸復有西蜀之命從子汝陞建環玉  
亭于塢上余坐之宛如夢中所見善繪者莫能  
圖也因謂從子曰君子比德于玉而知竹之同  
于玉乎玉之溫潤而澤是含風帶雨者玉之鎮  
密以栗是負重栖霜者太液之叢生廉而不穢  
也嬋娟之陰修垂之如墜也嶢谷之管遷亭之  
籥其叩之清以越乎化而爲龍變而爲蛇其瑕  
瑜不相掩乎故武公之德子猷之詠中散之賢  
太白之逸何嘗不賴此君而自玉哉亭名環玉  
蓋有砥礪之助云從子起謝曰君子貴玉而賤  
珉祇哉象德明訓遠矣請書之以誨來世因憶  
丹淵有文行于世余何敢望其萬一乃老僧談  
真慶中語耳附載之以俟賞音之士

### 考槃草堂記

此義民公故居也天順間輸粟賑饑荷明旨旌  
賜公廨而好施名與兄中順公並別號考槃家

江北上門其子高年公 塢靜菴承德三公  
蓋地靈云正德間兄弟徙下門又中順公故居  
也二公墳墓各在故居之後君請間按察公同  
小子徙復中光祿兄仍下門隆慶間小子闢草  
堂而新焉夫公 常布耳優游江漢在澗而寬  
在阿而適在陸而軸詩言考槃樂可知也且士  
生一世取衣食裁足乘下澤車御款段馬守墳  
墓鄉里稱善人足矣馬少游言爲我乎而公隱  
德昌後可當頌人之詠題曰考槃草堂并告吾

李商隱集

李商隱集

李商隱集

陳氏之世守者

碑

河陽州脩學碑

學宮在郡城東北之中環水而城岷之江嶠之  
漢逶迤千里會焉休風顯氣代鍾名哲記脩學  
者在成化則黎文僖公正德則魯文恪公嘉靖  
則傅司徒公詳哉其言之也後袁公福徵請記  
于先按察公而不杲文也萬曆八年郡守史公  
奉 命蒞汧顧瞻廟貌有傾圯者明年政通大

和獨吉興事州判朱君耀承委勦力慮材鳩備  
各捐俸助之自禮殿兩廡戟門櫺星門敬一亭  
名宦鄉賢祠以至牲庖齋所廩庫泮池煥然斧  
藻七閭月而繕完公率諸生告成事觀者如堵  
不佞謂魯人歌泮水以頌僖公漢時觀橋門者  
以萬計千載而下旦暮遇也史公興學蓋循吏  
云學正徐君應宿訓導呂君莊王君冲命諸生  
劉完陳宗器輩謁不佞碑焉憶侍先按察公論  
學公曰二子知孔門之學乎當時農山之遊  
閒居之待于山則曰勇哉士乎憤憤者乎子賜  
則曰辨哉士乎仙仙者乎子回則曰美哉德乎  
姚姚者乎子參則曰道以明德德以尊道可語  
王道乎它如金人之銘欹器之說嬰圃之射蜡  
賓之與慎言持蒲志三代之英乎顏子沒而曾  
子唯一貫矣曾子沒而孟子承三聖矣彼稱江  
漢以濯之秋陽以暴之皜皜乎不可尚也吾友  
謙之謂其直指本體所唯不虛則賢于堯舜之  
贊堯舜未易賢也麒麟于走獸鳳凰于飛鳥不

李商隱集

李商隱集

李商隱集



幾于絕德乎禮樂之等最爲近之奈何求諸聞  
見也後世談日衆而道日晦不過子羽之容幸  
我之辭桓文之事管晏之功止耳下則鄉原之  
媚左丘明之所耻也洗心者非乎語曰丹之所  
藏者赤漆之所藏者黑君子慎所處者焉二三  
子生長江漢處學宮矣脩學者尚飾以丹漆而  
乃無洗濯之功如藏脩何不佞跪而受命終身  
誦焉謙之者鄒東廓先生也良知之學得諸陽  
明王先生沿濂洛關閩而達洙泗者紹聞德言

卷之六

不奉年

去一

告我同志倡明正學以光山澤庶無負郡守公  
之教哉江之永矣不可方思漢之廣矣不可詠  
思郡守公之謂也公名自上浙江餘姚人

### 重修黃蓬山靈福觀碑

沔古竟陵地東南一山曰黃蓬去州二百里岡  
阜隱見若瓜蔓其峯三百餘江漢之靈延綿環  
結蓋福地云山間有觀名曰靈福不知創自何  
代觀鐵鏤古篆其在周秦乎邠人檢討劉公琢  
賦十二景其子進士公深作脩觀文以十二詩

刻于碑之陰先中議公思與小子同遊一詠其  
際以續劉氏父子之盛乃中議公竟不果也今  
小子卜石靈山庄始一至之吾友劉君完李君  
孟時携酒以從登後古或時天甚暑觀有古井  
水寒而耳汲之可瑩心消渴覽其殿宇霞駁雲  
蔚李君曰此吾先處士某所脩虛石以待名筆  
劉君曰願子一言以配先公余高兩君之誼安  
敢以不文辭余聞海上三山蓋有蓬萊方丈瀛  
洲而姑射之中蒙穀之上多金銀宮闕其間羽

卷之六

不奉年

去一

衣黃冠御風飲露乘雲馭龍光日月而載星辰  
者何限乎茲觀視之真太倉一粒耳然道之周  
流宇宙猶血脉之貫指掌也廣成子所談柱下  
史所論河上公所著鴻寶萬畢所錄咸云至道  
之精窈窕宜昏昏默默無勞汝形無搖汝精  
無視無聽玄之又玄大都與吾儒之靜佛氏之  
空有同歸焉夫脩潔而飾者慕道之象也抱神  
而一者守道之真也余嘉李處士新其象而欲  
圖志之人脩其真也故與二君言之願詳若夫



川竈石隨金膏玉液練色蟬脫稱長生不老則  
余敢盡知哉道士聞余言請書諸石伴二劉公  
之詩文處士之一念與茲山並永也哉

重修黃蓬山崇鳴寺碑

黃蓬有崇鳴古寺與靈福觀竝吾友李子孟時  
以禱祠應脩觀音閣屬余爲記蓋蒼神休云後  
余游山寺問前代碑無有也門人王子之翼丘  
墓在茲山去寺里許王子嘗廬墓請曰李子願  
得先生言以鎮茲山可乎陳子登香山周覽四

顧見大江自岷峨而下汭洄數千里又隔江羣  
峯邈迤其駉駉者赤壁山乃周公瑾破曹處蘇  
長公以黃州當之古稱戰場非耶即友諒漁子  
弄兵湖上至歸真主驅將之鵠驅魚之獺耳然  
王岡伯畧方蒙矢石橫草之功一敗塗地今蕭  
寺獨存豈淨土樂界若存若亡不生不滅與江  
山爭勝耶故行不捨之檀而施羣有矣唱無緣  
之慈而澤萬物矣演勿照之明而鑒沙界矣尊  
知機之權而濟羣幻矣正法旣沒象教始倡而

頽壞莫振則三十七品胡以內之九十六種胡  
以外之李子新象教而振法門諸僧飛錫耶掛  
錫耶諸僧曰吾皆住而非行游者余聞戒定與  
慧無分行住因聲而悟因緣而覺何莫非教耶  
諸僧羅拜謝曰公言苦海慈航昏衢巨燭矣李  
上二子撫然曰此吾黨所當知寧獨誨登彼岸  
哉遂勒石爲山寺記

二酉園文集卷之十終

沔陽陳文燭王叔著

碑

重修龍興寺碑

淮安城西清風門內有龍興寺凡郡吏拜

闕祝

聖壽往焉寺創自西晉泰始間爲里人夏寬氏所施唐宋及元命住持掌之頒帛給田咸有恩澤詳在廬陵學士陳公記中碑樹于大明成化

青東集

卷之十一

十一

初後至正德辛未遭火毀廢一空有僧明來號天竺募化脩之造大殿九間鑄佛三尊煥然新矣余會明來爲余言游天下名山者半貌古樸誓苦行故能動衆而成大工也又以余與一二友人論文談道於其上索余記之嗟乎色相有無之間余安能知爾教哉大都無有可捨而後能達有之源無空可住而後能知空之本法本不生因心而起卽棟宇之新固起于一念耳由是達五蘊除六塵會無生之精成無礙之慈何

嘗舍方寸以超三界哉故曰佛者明之而見性儒者盡之而知性其心一而已矣于是明來率諸僧羅拜首肯若會余言者庸書諸石而施財姓名悉載碑陰

漂母祠碑

漢漂母淮陰人余浮淮問漂絮處淮父老不知也城西闌外有母祠余低徊祠下不能去云秦失其鹿天下共逐獲于炎漢多韓信功方信釣于城下母姆然飯信如家人豈亦知秦之當廢漢之當興非此人不可特哀而進食耶當時止嬰勿王勉陵事漢如陳王之母班生高其推事理而探禍福也此何讓焉無論侮信擒信至以反者卽高皇帝蕭相國奇而用之尚難終始何異亭長婦晨炊蓐食哉且母言大丈夫不能自食而食之豈望報乎乃假王自請夷滅宗族信之望與漢之報又何齟也獨母訓深遠矣淮城春秋饗信祠母祠缺焉余謂信九原懷千金報有大不安者移徵學官信祀僉曰可作

迎送二曲勒諸石俾准人習歌而祀之其辭曰  
赤龍起兮雲隨王孫游兮曾饑芳草萋兮  
永思佩續紛兮格于專祠 右迎神  
炮牲薦兮于醢椒漿奠兮于壘嗟進食兮  
若待羗不忘兮同茲淮海 右送神

柳將軍廟碑

隆慶辛未夏五月淮泗大溢黎民昏墊秋八月  
水復溢環城不消士民告余曰水神有柳將軍  
者宜祀之余徵山陽令具主設牲同教官博士  
弟子禱于淮之濱水夜退尺許士民神之告余  
曰將軍捍水患宜廟祀之乃命經歷李鳳鳴卜  
地城西之南河爲殿三間尙將軍貌大門左右  
室各三經歷善于董事數月乃成請余記之憶  
米芾在宋哲宗時守山陽史稱其治民有道不  
事淫祠賦詩止禱米襄陽人與余鄰其詞翰在  
當年蘇黃間平生所嚮慕又後先守茲土其行  
事胡相遠顧從民而禱從民而祠惟民是便惟  
神休是賴至否德罔克弭變愧元章爲多若將

海州脩學碑

軍者何可弗祀也因記于碑俾禱水旱者觀焉  
海州邊海而城隸于淮鄰于鄒魯境內有山孔  
子嘗登其上豈其歷聘莫遇欲浮于海與當時  
王道微缺洙泗之間斷斷如也故百世廟祀不  
絕云海之有學肇造于唐貞觀間若漢蕭望之  
匡衡皆經術知名之士則漢已有學莫可諱耳  
乃脩學在元至大辛亥有魏君榮

明成化辛卯不陶君文熙弘治壬子有陳君廷

珪至于今令名焉嘉靖來

先皇帝頒敬一箴于東海上此脩學一會也而  
有司莫之能舉奈何日傾敝也隆慶庚午余甫  
至淮移檄前守周君世臣脩之凡大成殿東西  
廡戟門櫺星門拜堂齋諸處用帑金規畫措置  
明年仁和鄭君復亨以文學飭吏事煥然易故  
復爲肄業數十舍意益弘遠矣余觀漢承秦絕  
學之後師異道人異論一二儒者上書以爲諸  
不在六藝之科孔子之術者皆絕其道勿使竝

進而士多以經術顯今士誦法孔子其道大明  
反不逮漢何哉夫觀于海者難爲水游于聖人  
之門者難爲言盈科而進成章而達旨哉孟氏  
之言有本也苟爲無本即日游于聖人之門亦  
朽木糞壤不可雕朽耳又安望興起于百世之  
後如前所稱經術士也是不大有負于學宮哉  
茲役也始于某年月日成于某年月日費約而  
工集成可大書于是訓導馬奇易仕率諸生來  
請紀學事而同知郭惟遠判官劉縉吏目蔡學  
範復錢于石

五一

### 崇正書院碑

清和縣濱淮水舊無城郭亦無書院西北隅有  
淫祠知縣張君維誠欲毀而新之移檄于府余  
壯而許焉乃構室治垣中爲明道堂左右齋有  
十其地廣二十五丈深倍十丈閱月乃成扁曰  
崇正書院教官沈樹桂集安率二三子請余一  
言嗟乎道也者所繇以適于治也三代以來若  
大路然其後天下眊亂至尼父子興寢明寢昌

非但楊墨塞路始欲正人心以闢之當洙泗之  
間惓惓于脩慝辨惑崇德之旨卽夷惠不由桓  
文不道蓋思反于正也漢之醇儒莫如董子其  
言按春秋一元之文而以王道之端歸之于正  
又曰積善在身猶長日加益而人不知也積惡  
在身猶火銷膏而人不見也可謂知其所崇矣  
今士習大壞計功謀利多邪枉之途如漢之孝  
弟力田賢良方正胡可得也夫以隋侯之珠彈  
千仞之雀世必笑之乃以吾心之正而使邪氣  
奸于其間顧不怪焉何哉諸生旣取仲舒之語  
以名其堂且日游焉余述其言而極論之亦願  
諸生加之意而已因書而勒諸石

### 河清書院碑

嘉靖隆慶間黃河屢決下邳同于陸漕舟淤阻  
世宗  
穆宗先後遣大臣導之入于海邳州刺史許君  
六經工成之後興學造士闢爲書院扁曰河清  
諸生以爲義舉也向余請記嗟乎黃河蓋自古

爲中國患云源始昆崙在絕域萬餘里余過龍門慨然詢禹之遺烈焉南華陰東底柱而北九河何其順也諸生日游河清書院卽思所謂清者足矣且性猶水也逆之則濁順之則清今仁義之談日甚孔子之道大明已無異端甚于洪水者乃經術吏治勿論隆古顧不逮兩漢何哉亦無米窮源而自失其性耳昔之聖賢卜居海濱以待天下之清

明主方隆唐虞之德西涉流沙南盡北戶東有東海北過大夏人迹所至罔不臣服

登極以來屢下賢良方正之詔諸生多茂才異等藏脩效用又何可自負于時也語曰俟河之清人壽幾何君子蓋嘆遭際之不偶云書院地廣若干深若干垣舍若干多刺史捐俸所創而系名以河系河以清意益閎遠莫窺矣

### 宋諫議田公祠碑

田公諱錫字表聖蜀之洪雅人直聲動天下宋時繪公之像就學宮祀焉邑尉孫長民有記元

省邑入夾江學廢而碑亦湮滅云國初成化仍祀于學正德丁丑御史盧公雍按蜀肇祠于九勝山下邑人御史張公鵬有記嘉隆之際傾圮幾廢余奉 璽書課士于嘉州刻公遺草下新祠之檄知縣聞道立雅意脩緝審曲面勢墜茨績椽堂舍巋然矣乞余書麗牲之石嗟乎若公何可弗彰也往蘇文忠公序其集謂公古之遺直也盡言不諱自敵以下受之難堪况人主乎范文正公銘其墓謂公天下之正人也昔三代有諫臣故教化盛而歷年久公不盡用于太宗真宗之朝豈天獨厚于古與司馬溫公書神道碑陰謂公日有獻月有納以贊成咸平之治信如三公言則公名其天壤乎又何患弗彰也考公立朝章疏凡五十上自謂諫職宜爾悉焚之厯存十餘篇咸關國體者中云聖人廣德不務疆土卽得夷地此獲石田者耳今諫官不聞廷爭給事中不聞封駁左右史不聞紀言動豈朝廷美事乎當時優詔褒答其後言邊事頗詳夫

動靜不可妄舉安危不可輕議在選將用謀辯  
奏報之虛實察左右之蒙蔽而已深憂匈奴有  
輕中國之志趙普李沆聞而諱之千載而下使  
人發汗沾衣寧獨悲于宋也昔主父偃奏賈誼  
之策魏相條晁錯之對後有謁公祠而思奮善  
公言而效之君者茲舉其倡之哉茲舉其倡之  
哉因紀其事而歌以侑神其詞曰

憶瓊佩於咸平兮當宋之中季既練要以修姱  
兮諫垣之是寄羗敦祚以陳辭兮恒朝詳而夕

朱孝

九

替知寒暑之爲思兮不量鑒而正柝新祠宇以  
妥神兮况舊鄉其勝地皇刻刻其揚靈兮實人  
心之共繫奠桂酒與椒漿兮勵忠臣于永世冀  
廻翔于杳冥兮與河山而並麗

重脩崇仁祠碑

歲革除己卯

文皇帝內靖師促草詔天台方孝孺等死之兵  
部右侍郎胡子昭與馬公嘉定之榮縣人字仲  
常師方先生而死同其時蓋其數云自是天下

諱言之二百餘年里人始祀公扁曰崇仁祠督  
學陳公鑒有記余至嘉定榮縣令王建元新厥  
祠同教官石磐陳時敏率諸生請余碑焉嗟乎  
孔子于令尹子文則忠之于陳文子則清之于  
夷齊比干則仁之馬遷氏以爲得夫子而名益  
彰者卽公痛哭入朝咄咄大義斯亦叩馬之諫  
矣餓死剖心何怨耶又其弟僉事志遠負母逃  
去其女金奴沒爲官婢而乞歸皆成公之志者  
求仁而得仁非耶余爲迎送神曲書麗牲之石  
其辭曰

朱孝

朱孝

十一

報主果烈兮千秋一時三江襟帶兮公其

歸斯 右迎神曲

悠悠榮水兮注于孤城公名並遠兮愧彼

馮生 右送神曲

脩都江堰碑

灌縣都江堰蓋江之會云禹導江自岷山西入  
大渡河南過于汶歷于灌堰在江中流爲二有  
南河者會新津有寶航口者流爲三至于漢至

于崇寧至于華陽故稱灌口堰外低而寬堰內  
高而狹水勢也作堰灌田始秦守李公冰司馬  
遷著河渠書瞻蜀之岷山大李公之功且云渠  
可舟行民饗其利蜀人廟祀焉漢唐以及宋元  
堰法漸壞至元間僉事吉當普鑄鐵龜民利之  
昭代以來屢脩屢圯嘉靖間役鑄鐵牛詳在僉  
事陳公鑒記中其銘曰問堰口準牛晉問堰底  
尋牛趾堰堤廣狹順牛尾水汝角端諸堰豐渾  
稱高低脩減水真名言云萬曆乙亥江大溢堰

舊唐書

卷一百一十五

上

盡堰成都知府徐元氣灌縣知縣蕭奇熊列狀  
脩復巡撫都御史曾公羅公慨然允行後先軫  
念巡按御史郭公慮益深長增以鐵柱命尋牛  
趾而濬之自堰以下如仙女三泊洞寶觥五隄  
口虎頭諸岸間植三十鐵柱每柱長丈餘共用  
鐵三萬餘觔又樹柱以石護岸以木水遇重則  
力分安流則堰固大都倣古云水利僉事杜公  
詩悉心區畫始萬曆三年十一月越四年三月  
王成費金三百灌漑千里民咸歌頌御史公適

還朝復按茲地左布政使袁公隨右布政使潘  
公允端按察使劉公庠叅政蔡公汝賢秦公淦  
副使王公原相僉事甄公敬共觀厥成燭聞而  
嘆曰蜀稱天府號陸海豈謂沃野不在人耶秦  
法作渠與井田並太史公論禹廝二渠以引河  
其來舊矣如西門豹引漳水鄭當時引渭水足  
利于國中原變遷閭閻為河法多湮滅惟李公  
之堰幸存于蜀乃二三公脩之俾古人遺意千  
載如新尚永賴哉今天下事鑒者創新論急者  
失故道及其不支諉曰天也沉璧負薪何益焉  
假令人皆師古則行山表木之勲至今存耳寧  
獨一堰哉余益嘆二三公經世之智云曾公名  
省吾羅公名瑤俱楚人郭公名莊關中人觀者  
考焉汶川知縣趙汝誼蒲江知縣余棠有勞于  
堰者餘載諸碑陰

舊唐書

卷一百一十五

上

### 建武所崇報祠碑

崇報祠者像都御史曾公而思報者也按祭法  
曰以勞定國則祀之能禦大災則祀之乃生祠

非古也其因功而繫之思乎斯民也三代之所以直道而行也此何可已焉都蠻蓋古西南夷危巢鬼谷丘陵曼衍素患中土而于今尤甚往往焚我宮室剔我士女掠我旄倪高琪慶筠長興之民日不堪命將胥衣冠之俗而附離題之長矣昔天順成化時十八萬征之而不克嘉靖隆慶間數十年撫之而未寧安所決策哉萬曆改元曾公撫蜀上書其略曰 聖明御極殊方絕域重譯納貢喁喁然嚮風慕義無如蠻之負

新開集

上卷

卷一

固者臣愚以爲剿之便總兵劉顯善用兵橫被口語願 明主彰使過之仁書奏上俞允之公奮然秉鉞歲癸酉三月如敘誓師曰天子以蠻敷虐于爾百姓剿絕其命余恭行天罰嗟爾有衆勗焉時土漢兵十四萬公以意授顯顯以身先士如身之使臂臂之使指也遂誘縛酋阿苟等五月一日至凌霄寨拔之六月十八日夜斬酋阿墨等至都都寨拔之時阿二方三守九絲又阿大阻鷄冠嶺九月九日乘蠻被

新開集

卷一

卷一

酒斬關而入至九絲寨拔之其小寨以百數斬首以萬數圯地四百里獲蜀漢銅鼓九十三面凱聞上悅而告 廟百官稱賀晉公右副都御史蔭一子太學生總兵顯而下論功行賞始張官設學列雉爲城上命曰建武所詳在太學士南克陳公碑中嗟乎漢通西南夷蜀父老不便也司馬長卿詰難之其言至今不廢云彼稱六合之內八方之外有不浸潤于澤者聖君耻之而况蠻爲大患如今日者乎卽夜郎一線三年未竟今功成數月耳人多言征蠻不便者假令拘文牽俗如向來撫議真以湯止沸抱薪救火耳烏能成功哉公昔尹富順往來敘南蠻在目中矣又元輔荊州張公素知公才 主上問公何如人推心委任置顯謗書不問公倚之如長城操之如嬰兒得其死力以報國兵法曰有必勝之將無必勝之民今觀之尤信讀公宗功一記不自有其功意深遠矣越三年召公兵部侍郎蜀人建祠于新城若干楹顏曰崇報深山窮



谷麗眉皓髮之夫感泣不能去以爲拯已于水火之中也三代之兵若時雨公宜秉祀茲上哉  
參政李君江陳君大壯參議楊君一桂僉事羅君向辰命燭伐石紀焉燭謂公之功無論太常所書卽百世口碑焉又四君皆佐公有勞者不具論獨論其大者如此公名省吾字三甫郢中人嘉靖丙辰進士

敘州府建學碑

余嘗登峨眉山其靈秀山馬湖至于敘蓋有少

峨山云去府治四十里又延爲翠屏山則益近而凝結在城之中每一登覽北枕梁山南拱七星左右在東塔等山而馬湖川江之水合流而東眞俯瞰其盛哉卽今學地也國初建爲敘南衛成化初改建藩府亦未就封而府縣舊學僻在一隅敘之人士久議遷云萬曆乙亥維揚陳公守敘以九絲功成擢參政仍知郡事始決其議會余試士過敘南昌楊公一桂分鎮敘南雅意作人又力贊之乃倣姑蘇肇慶之制合二學

而爲一中爲文廟左爲府學右爲縣學其明倫堂各一其致道堂共爲五楹凡啓聖祠櫺星戟門泮池射圃衙宇齋房如制區畫方廣四百餘丈繚以圍垣後培土爲山植以松栢鬱若蟠龍焉工始于乙亥十月成于丙子八月是年舉于鄉者四人陳公謂余童學事際厥盛也屬余記之嗟乎三代之時鄉射飲酒養老合樂勞農訊獄飲至獻馘之事咸在學宮而籩豆簠簋之器鐘鼓管絃之節乃其禮樂粲然明備正以父子之親君臣之義夫婦之別長幼之序朋友之信莫不有中道焉惟以復其中而已當時深酒之間所稱文學之士如游夏諸人咸以致身爲忠竭力爲孝愛人爲心易使爲職曷嘗不文之以禮樂而外倫以爲學乎我國家郡邑建學二百年來涵濡道化今上中興留意治本又用輔臣之議將憲臣 璽書更新毅然三代之上卽蜀在一隅尊崇孔氏人文丕變幾于西南齊魯矣竊謂文盛而敝豈惟懿古昔哉視弘德間

遠矣商功利者託之乎能而實則管晏之術也  
談空寂者託之乎奇而實則佛老之談也董仲  
舒有言曰春秋大一統者天地之常經古今之  
道誼也諸不在孔子之科者皆絕勿進今乃以  
孔門所不道者慕而爲之此何說焉不獨蜀士  
爾也賈誼有言曰移風易俗使天下回心而向  
道類非俗吏之所能也而俗吏之所務在于刀  
筆筐篋即郡守新學移易風俗舉古循良之政  
而游于學者果能舍舊圖新易偏至中俾彝倫  
攸叙達可見之于行庶無負于茲學無愧于山  
靈哉傳曰自新新民君子無所不用其極不佞  
交有望焉是舉也巡撫都御史曾公省吾羅公  
瑤巡按御史郭公莊何公汝成後先同議衆政  
李公江僉憲羅公向辰捐金協助同知曾君可  
耕通判朱君克推官吉君可久知縣許君一德  
營度爲勞經歷陳鉞照磨李孟雷知事何銓檢  
校王汝慎王簿汪縻典史黃瑄趨事益勤學既  
成法皆得書而輸金督工員役咸具于碑陰陳

入泮字思立嘉靖壬辰進士

內方童先生傳

先生諱承敘字士疇沔陽人也始祖自隨徙沔  
而沔南有內方山因號內方山人海內學士大  
天稱內方先生云往太守公諱旭者生先生有  
異質雙目炯炯不類凡兒八歲時過日成誦爲  
文數千言立就先生少失母其繼張太恭人性  
嚴先生事之最孝年十二賦行路難以見太

守公覽而大叫曰兒爲古文辭乎里中一二長  
老以爲王勃李邕復出也太守公以戶部郎出  
守兗州坐正直忤 魯藩逮繫詔獄先生與之  
比其辯論諸 疏草悉出先生手而太守公得  
調桂林未幾太守公歸而先生亦歸六梁李公  
濂守沔 國朝之文在弘德間李公夢陽何公  
景明爲之一變而李公與獻吉仲默交驩號中  
州才子見先生奇之而先生樂從焉時家按察  
公以童子亦受知于公公先生益下帷讀楚詞

文選及六朝文咀其英粹故含芳擗藻若夏雲秋水不可方物時正德己卯甬川張公邦奇督學又奇先生文嘆曰真楚才乎薦于監察毛公伯溫以詩經舉鄉試第二兩公尚恨先生不第一也明年庚辰中會試值

肅皇帝繼統選翰林院庶吉士與茶陵張公治蒲圻廖公道南號楚三才而先生尤俊逸不羣試輒冠同館而同館敬服人人自以爲不如也方楊文忠公廷和楊文襄公一清後先入相雅

重先生後

九

承嘉張公孚敬議禮登相援引新進館閣之士附之如蟻結之如蟻噉香背憎汲汲如狂而先生閉門守玄意澹如也乙未分校會試所推轂多名士若大學士郭公朴祭酒敖公銑尤表表焉壬辰公補國子監司業

上方更化而祭酒又關中呂公昫倡明正學先生佐之留意教化呂公教主嚴如泰山喬嶽壁立萬仞而先生兼用寬如和風慶雲令人景慕環橋門而觀聽者以萬計前此未有也先時先

不受其節槩如此世俗所難先生尤其細者先生早慧英敏天骨秀朗緩頰而談傾其坐人平生好藏書又好藏古今名畫法帖每一屬文筆端風起如掀雷抉電又如江河東注其詩文多不存藁多口授使者在先生不經意而得者實之大都出入漢魏六朝自成一家言其字畫迺逸秀媚置趙文敏真蹟中莫辨也先生少悅紛華之習及至中年刊落殆盡嘗寓書大梁李公曰往者觀書如端冕聽古樂惟恐卧耳近稍知

青門集

卷之十

七

細繹容有感通之地爲文章於事實近稍擺脫容有獨出之意豈大馬齒長故蓬心漸開邪抑數年憂鬱將有所激昂邪李公會出示余今集中無有也所著涉陽志得遷國法海內名志如康德涵撰武功王敬夫撰鄆縣及先生而三也先生有甥王給事願屬余定先生集而余爲先生從壻知先生孝友多馴行與子守履收先生文十僅一二自足名世今梓鄧上者多應酬作有家按察公序余小子尚卒卒未定也先生沒

且久始祀學宮余列其遺事獨幸論先生者定也

陳子曰西蜀楊用脩不可一世士而獨善董先生多往來翰墨廖學士撰楚紀稱先生學登大雅其國之良史乎乃觀郡乘尤信家按察公每言先生樂善忘勢汲引後進如渴乃天年不永相業未就卽文章亦不盡傳何哉語曰造化忌名乃先生名赫赫江漢恐造化莫奪矣

洞庭漁人傳

青園集

卷之十

七

洞庭漁人者楚華容人也姓孫名宜字仲可一字仲子家洞庭湖上自號漁人海內多稱漁人云生有異質穎記殊絕年五歲隨父副使繼芳公入京師過興隆寺見羣兒講藝卽低回不能去而副使公與信陽何仲默善得遍交諸名流如亳州薛公采閩中鄭善夫西蜀楊用脩見漁人詩賦大奇之每一面試萬言立就往往嘉嘆以去又同邑周子賢黃岡王稚欽隨州顏惟喬復延譽于公卿間以爲張衡王勃復生也嘉靖

壬午關中許伯誠來視楚學得漁人卷嘆曰楚才楚才時漁人方少俊諸生莫及也戊子舉于鄉屢試禮部不第然詩文日益有名辛丑遭副使公喪哀幾損日得神人秘方始愈年三十有八遂絕意世故時往來洞庭煙水間且曰屈平放逐始賦離騷馬遷被刑斯成史記我今窮愁當著書藏名山耳何僕僕自苦也乃賦七游著述言十七篇語多垂訓者又以明典文體至弘德之際北地李獻吉力于復古漁人私心慕焉又習聞何先生論是以文章命意脩詞爾雅不羣有史漢之風至詩律法杜甫長歌在唐初四子間尤號雄放莫可窺際古體多宗梁齊蓋褒然大家云口坐玄石山堂誦讀不休絕跡公府士大夫非專訪者輒避不見人呼進士公不應呼漁人則應時時爲登臨計酒酣擊缶而歌嗚嗚甚驩也自經史子籍老莊浮屠言外凡國朝典故遠方謠俗與名臣事蹟如指諸掌又于時事談說奇中其通敏若此而志狀則言漁

人性純厚孝友不妄取子憐才如渴凡經指授者多爲名士聞人有善無問識不識率擊節獎與卽不能表揚亦爲詩文傳焉所著有洞庭漁人集六十九卷兩都集十卷洞玄誌三卷宋元史論二卷 明初畧二卷岳州誌三十卷孫氏日抄六十二卷王氏易七卷天文書八十二卷國朝事蹟百二十卷求言錄十五卷藏于家漁人才瞻學博志在川世行誼至高潔竟偃蹇自廢年五十死斯足悲矣漁人有二子斯億斯傳

能世其家學

陳生曰余泛洞庭湖蓋汪洋大也時漁人已下世品其墓讀喬景叔所爲墓碑謂翟文敏公輟欲以誥勅事薦漁人漁人謝絕乃已今所著書有太史才安論遇不過也斯億與余善余知漁人頗詳令後世有述焉

金堂曾公傳

余讀太史公傳循吏謂奉職循吏理可稱良焉以爲易耳及守淮陰脩郡志見賢令無幾今觀

曾公在蜀有兩漢風作金堂令傳

公諱遜字克讓別號東莊楚之安陸州人也公性最剛正由正德辛未之官及嘉靖戊寅解去業八年矣左右莫能窺其意有神明之領先時遠聞逋賦不受約束長捕一人逮繫之公曰何苦黔首也榜諭諸鄉如期呼集又戶給稅帖勿需有稽無因緣爲奸者民便之歲大旱當路催科急公曰何忍敲朴也每素衣草履徒拜而禱天乃雨又脩濟留倉積穀數千石巡行郊野勸

農力田雖雨亦往時課諸生以孝弟不專于文

藝而公之自處清約如諸生獨以直忤當路當路巧詆之遂浩然歸百姓遮道泣焉囊無一錢可以買舟而任內因公住俸得數十石上官憐而與之行至荊州阻雪用盡歸甚窘公語親知曰吾做官教得一孫幸矣蓋指少叅公璠少叅公長者每言及公輒泣下余猶得而記之諸生祀公于學宮者四十餘年至歲乙丑公有專祠又十餘年而都御史省吾公之曾孫也來撫蜀

始買祀田新厥祠

陳生曰曾公其清白吏公後顯人言有天道假令公後如古孫叔敖則清吏有餘名公何所藉哉

二酉園文集卷之十一 終

二酉園文集卷之十二

河陽陳文燭

墓誌

贈國子監助教梁公墓誌銘

龍川先生姓梁氏大理寺評事柱臣之父也往  
彥國文余甚驩也為余道其家行且曰先君已  
矣未有銘其墓者今改官南都過廣陵屬歐禎  
伯狀之願子一言託諸金石明年果以狀來歐  
乃先生里中子文學掌故余采而志之先生諱  
獻字諫甫廣之順德人也先世有隱德系出  
南海龍頭里人稱龍川先生云先生少俊通經  
史尤專門毛氏詩家無虛舍無僭石之儲宴如  
也里中推為社學師嘉靖己丑補縣學弟子員  
御史陳公大用行部試先生首諸生也遂檄縣  
令就鳳凰山之麓築室以居下帷講藝幾二百  
人五嶺以南業詩者習梁先生之學矣先生入  
試有司輒坎壈居嘗敦行周人之急有老嫗遭  
疫行乞于市人多避其傳染乃食于廡下而藥

石之且曰吾不忍委溝中耳友人周廷綱垂老窮獨延于其家且曰吾不忍無炊火耳遭父母喪嘔血幾死忌日必齋且曰傷哉貧也能歆茲魚菽之祭乎授詩至蓼莪諸篇收淚廢書聞者沾襟焉往先生早孤族人迫其從軍借貲與之始罷從軍終身遇族最厚督學蔡公克廉張公希舉獎先生行大都謂安貧若黔婁居喪若二連說詩若國稚珪又談國家利害奇中乃公事舉聘困草野以死悲哉悲哉先生生于弘治乙卯某月日卒于嘉靖丁巳某月日年六十三葬某處配陳氏先卒生一子一女繼配吳氏女適馮子益子即柱臣也舉丙午鄉試仕灤州學正召入成均贈先生爲國子監助教孫男一人曰策勳孫女一人柱臣懷鉛提槧善詩歌也先生曰窮賤易安幽居糜悶莫向于詩第古者田夫野婦其言與王公大人竝如免且鷄鳴足感動也謂其真耳後世補采摘文詩道愈缺小子曷哉其言得三百篇遺旨余備載以傳柱臣能世

其家學銘曰

不于朝試厥里不于身顯其子嗟令名真不死  
啓荒埏公藏此

明故山東道監察御史胡公墓誌銘

侍御公沒十五年矣其子維孝向燭泣曰幸吾子銘先公墓憶髫年時聘公仲女女卒而公慟無何公亦卒公之諸子又卒今尚使余泫然承暎也顧知公生平十闕八九此何以稱焉敢述而納諸壙俾後有知公者按公諱彥字釋美世居江夏近太白湖自稱白湖子始祖受官沔陽衛千戶蓋從

高皇帝中起云數傳而有紀始紀生公時宋孺人夢日月墮于懷公孱弱不盈掌啼聲如鐘稍長貌癯然玉立風儀秀朗讀古文尚書等書輒能誦善屬文長老異之且占前夢爲文明兆也咸謂能大胡氏者正德丙子張公邦奇愛其文補諸生里中有時庵任先生者識賞少俊每見公文即夜半燒燈讀鼓掌大呼曰胡生胡生奇



其矣公與馬兩生家大人結文社歲戊子許公宗魯又愛其文言吾自關中來此庵見者其年以尚書魁禁家大人亦偕舉乃兩生竟不第後四上春官而母朱孺人卒哀毀愈骨立辛丑舉進士高等授太常寺博士公職典冊祝至上前書御名拜稽伏地

上命中貴人扶出是時

上悲祀猶親出郊故祭遇如此越三載選山東道監察御史視南城事往中貴人多以私干御

書

卷一

一

史獨不干公公上書陳國家便宜數策其一則議建太子云海內纓綬紳佩之士景附響和矣乙巳秋視陝西茶馬革積習如洗著茶馬考若干卷許公里居躋其書敘之中云曩奇胡子才是書特一班耳許公文雄關中亦以此多公戊申考最封父爲御史奉命視江西江西交吾楚號巨省公甫臨諸吏鯁鯁畏凡脂膏自潤與鷹擊毛摯者解印綬去有司索得部內豪猾公曰柰何打當時之文罔乎低誅不少貴又鄴

陽贛城間盜多歛避無揭竿山澤者已酉當校上公中飾諸司籲天以從事不解衣者旬日品諸士文及錄而式者多出公手有一教官中諸司白于公公曰吾廉其才耳此何避竟中斯人余同年蕭君廩張君秩皆公所取士道公頗詳焉庚戌秋宅繼母孺人憂明年公逝矣嗚呼公磊落感慨負才人也通曉國家機務邊圉要害人才淑慝民生休戚每振手而談斷斷如也所過輒下車周詢埋輪攬轡皆呼公爲名御史公視台衡如取寄耳乃未竟卒何哉往醫問公病公諱不言及死不言身後事意嘗墨墨者假令公不死必擅功名上駭古人矣今蓋有蒼生之憾云公生弘治壬戌年十月十一日卒嘉靖辛亥年五月十八日葬癸丑年正月七日墓在江北小河口年才五十耳配劉氏封孺人子四維坦娶丘氏維翰娶馬氏維寧娶楊氏皆大絕維孝國子生蓋公官博士時生京師者娶王氏女適童太史子燭旣撰公行而系以銘銘曰



才華繡口彈疏鐵肝公居柱下惠文我冠多  
甄拔黔黎又安公過彭蠡大振羽翰江城葱鬱  
漢水彌漫公藏冤窅令名其完

尚寶寺卿母公墓誌銘

隆慶元年修

世宗寶錄諸曹集其事余得讀寺正母公議禮  
疏真古之遺直也時 詔卹錄建言存者尚用  
公當爲蒼生起而以例引年不果召進階尚寶  
卿竊爲公誦之公蜀之南充人公子言余所優

青田集

卷五

七

士持公門人楊進士沂狀請余銘憶官廷中慕  
公今公往矣何可辭焉公諱德純字惟一號浴  
溪唐學士母丘儉之後有仲文者自楚麻城徙  
蜀數傳生公父讚封評事母王氏生公三歲  
繼馮氏咸贈封孺人云公幼有異質屬對尤奇  
過目成誦又事繼母善有曾閔之行長老曰孝  
者所以事君也宅日其忠臣乎年十六補諸生  
博極羣書家貧無膏夜以新代正德庚午舉  
鄉十二年登進士第授大理寺評事公行履嚴

恪法比詳明嘉靖元年考滿獲封典二年陞左  
寺左寺正奉旨同修 武宗實錄三年七月十  
二日有詔集議大禮公于十三日率部院諸公  
上本十五日跪門伏闕叫哭

高皇帝

世宗震怒下錦衣獄十七日有旨移鎮撫司打  
八十至拶斷一指復入刑部公絕者屢家人號  
哭恐無以爲殮也至八月初一日奉旨克軍得  
湖廣房縣守禦千戶所公欣然就道房在鄖陽

青田集

卷五

七

萬山中至十年會白蓮教起公與知縣李璋冒  
矢石擒之又教民間俊秀者多所成就十六年  
始歸十七年 恩詔冠帶公貧如諸生與評事  
公爲暮年驪以基業讓二弟力撫其孤姪暇則  
講經談道出公門下者科貢幾二十人又與尚  
書韓公上英叅政楊公麗結直率會年八十五  
及授 穆宗新命嘆曰吾老幸見太平何以官  
爲望闕稱謝公生成化丙午某月日卒隆慶庚  
午某月日娶范氏封孺人子言吉召啓俱郡學

生墓在縣石馬坡嗟乎公負才抱畧剛正不回財見一疏止耳然鄉人社祀之房人廟祀之此其聲施後世矣且國家人材自天造靖難後莫感于議禮之時祇承者良如遂寧席公書是也逆鱗者忠如新都楊公慎及公是也蜀古多奇士今觀之尤信銘曰

思如泉直如絃公之忠配前賢山可阡江可田公之名永萬年

吏部進士王公墓誌銘

肅皇帝朝歲乙丑不穀同王公舉南宮云公未奉大對歸省乃郭母董母相繼而卒隆慶辛未殿試賜進士觀吏部政月餘上書曰臣父棄臣何母祝天而生臣年幾九十昔人所謂盡節日長報劉日短矣

穆皇帝允公終養萬曆甲戌余過蓬溪訪公家徙四壁立何母又卒公泣曰三母之節如一敢藉片言表之不穀唯唯而逡巡不果爲忽聞公逝漬酒奠焉今聞公葬三子持鄉進士李子映

枝狀泣而請銘嗟乎可終前諸公按狀君諱庭宇以觀別號鳳臺世爲蓬溪人祖漣以歲貢入國學父峨有隱德人稱處士公娶何氏無子復娶郭氏董氏比處士公卒而三氏焚焚誓從一也時郭孕三月至七月而公生三母嘆曰未亡人之幸乎公縮髮以來爲文有聲歲已酉學使陳公鑒奇之補邑諸生三母額績紡工刺繡佐之而公多下帷之思歲戊午領鄉薦里中從學者衆後終第歸養也日奉何母膝暇則閉門讀書出入閤巷布袍草屨不乘輿馬郭外有田數畝身親薦蓼與野老伍里人有抵罪者持金乞公爲之地公曰奈何淵乃公有司儻爲不帥者里人乞言于當路公曰奈何非大夫市中有無賴業餅者與家僮毆無賴者大罵公公不較縣官縛而笞之兼病死語連公公不辯其量如此未幾何母九十終公哀毀過傷以病終夫公家三母貧而嫠撫公在遺腹成進士公後先就養人言慈孝蓋天報云公平生行履貫諸神明乃

不以功名顯死財四十。齋志入冥奈何有天  
道。余甚感焉。公生以某年月日卒以某年月日。  
子四人。與忠與孝與廉俱。庠生少與節女四人。  
俱許聘。余從諸生之請。祀公于社。謂公孝廉可  
風世也。因誌而銘焉。銘曰。

嗟九原兮見而父。嗟令終兮從而母。嗟有穀兮  
昌而後。嗟造化兮忌而多取。

### 洞山禪師塔銘

禪師名道潤別號洞山人稱禪師云父周并母

李氏家世河陽潤始生不乳祖母王夢一老僧

化入天竺國中隨喜拜報恩寺僧惟吳爲徒市

十

十齡落髮性覺慧曉釋典長饒僧正好結客排  
客發長嘯聲喜藏學士家言登臨治具了無倦  
色晚入家按察公高年社中往寺地漏潤嘆曰  
正法沒而象教廢矣象設闢而辟容安矣吾其  
葺靈宇哉募緣有力者拓寺前地十餘丈爲山  
門鑿鑿心池亭新萬壽閣大雄殿創僧正司崇  
基表剎莊嚴諸像色相煥焉家按察公有記憶

李氏家世河陽潤始生不乳祖母王夢一老僧

化入天竺國中隨喜拜報恩寺僧惟吳爲徒市

十

潤乎今定矣余爲之銘  
銘曰焚燎堅林杜口而進寶相金咨息心而問  
列剎如山脫屣而寧棲遑大千余言不佞

### 明故隱君忍齋邵先生墓誌銘

昔安有邵長公者祭酒孫公應鰲高其行作隱  
君傳人稱邵隱君云嘉靖乙丑余同晦之舉進  
士謂余曰吾仲氏元善官四川僉憲叔氏元高  
官贛州府丞元哲有今日隱君之教也萬曆戊

寅余過濟上晦之爲山東按察司副使向余泣  
曰隱君逝且葬矣葬而不得韓君記昔人猶弗  
葬也遂狀其行命其子鄉進士以道請余銘余  
與晦之後先守淮吾子隱君通家弟列也銘何  
可辭按隱君諱元吉字修之別號忍齋世爲應  
天上元人六世祖旺從戍貴之普安數傳而中  
憲公華譜配金太恭人生于四隱君其長也少  
嬰弱疾性凝重峭直通易通書通春秋爲諸生  
有名宜典萬公士和射洪謝公東山賞其文擊

香樹齋集

卷五

七

節焉歲庚子場屋初試七日合格視第如拾芥  
耳偶聞路人語重慶郡丞病郡丞者中憲公也  
隱君遂叱馭入蜀同舍生強留不顧至渝中憲  
公果逝隱君嘔血數升幾絕奉柩露宿道經播  
州播古夜郎地雲霧晝靄虎豹晝行一夕有虎  
咆哮人皆避走隱君泣下不走虎掉尾去又隱  
君之廬曾火君左手抱中憲公主右手扶太恭  
人出餘不顧火旋息昔時弘農渡虎伏棺滅火  
皆仁孝人也隱君有馬中憲公清白吏歸橐蕭

然隱君曰襄事我任之若等下帷列業勿墮其  
家聲九原者不死矣躬葬中憲公成禮篝燈促  
諸弟讀書葬年餘而僉憲公舉六年郡丞公舉  
十二年憲使公登第多隱君力云歲壬戌隱君  
應貢如京師僉憲公以戶部郎謫判通州隱君  
往慰之一日忽病嘆曰我思母氏不顧仕也遂  
棄體歸而母果病瘳子皆英士傑資也華得補  
隱君貢而母病愈自是精醫不視人病視母獨  
効僉憲公守涿忤中貴人詔逮下獄涿氏叫闕

香樹齋集

卷五

七

得免謫判辰州隱君會于武陵止僉憲公勿歸  
願報明主恩僉憲公有辰擢按察分巡川北  
人尤高隱君之識云隱君處諸弟斗粟尺布無  
私也竭力于甘毳之食比太恭人卒諸弟仕矣  
且曰親葬自盡耳治之如中憲公而隱君遂病  
有姑氏適周儒者老而寡兩女弟貧而寡龔甥  
婦少而寡隱君周之舉火令躡居忘嫗處也其  
厚如此乃庠校中有前人惠政或一二檢人所  
亂鳴于當道力挽之諸寬博吐舌憚邵生云歲

戊午有私塲屋關節者隱君曰蘇公于李方叔無益也幸謝故人又節榮之大者隱君生正德丙子五月十三日卒萬曆丁丑十一月二十四日享年六十二以某年月日葬某山之陽配王孺人生一子即以道娶沈氏中萬曆元年鄉試側室劉氏生二子以恂以默生員嗟乎古人言貴勢之中也貧賤勢之壓也上材之人達有勞謙之稱窮有著明之節隱君平生大節可銘也銘曰

蓬累而行鴈序駕也豹隱而文鳳毛舉也敦篤大倫範而家也玄廬高原永終譽也

太醫院醫官中樞劉公墓志銘

太醫劉公卒且葬其子維年請余銘憶公欲受我禁方傳諸其人今公以天年終詢其子無有也恨不起公九原而吐之又童子時公切余脉俄而起曰可屬大事乎三十年來無以報公昨日有因余言續醫史乎而能報公乎米也乃友友人蕭凌雲狀而次焉公諱相字上良號中樞

江西廬陵人始祖迪仁自德安教授遷河陽別駕卒于河遂籍爲河人世習醫六傳而有九達即公之父也遇日者于長安市中談公貴謂當以醫顯不以青紫也命公罷舉子業專于醫公發憤而嘆曰古有俞跗及秦越人見垣一方面知五藏癥結者即天授能外內經素問也取內經素問而潛心焉聞病之陽論得其陰聞病之陰論得其陽而公名滿閭巷矣嘉靖戊戌公方壯年會肅皇帝有事顯陵疫且作大司空顧璘東南才子方鳩僦工得公大喜全活甚衆而公被其言論翩翩文雅矣會大工告成撫按交章薦公授公南京太醫院醫官欽賞白金三兩異數也石首張文簡公壁爲伯宗試公大喜徘徊數歲公以母鄒孺人老告歸矣近而叩門遠而虛車以公爲神公益精于脉如郡中太史童公承敘方予告公診之退語人言脉法曰脉長而弦不得代四時者其病主在肝肝如泥月餘必不起已而童公逝御史胡公彥方宅憂公診

之退語人言脉法曰脉來數病難去而不一者  
病主在心心如膏火年餘必不起已而胡公逝  
兩公未病而公危論歲月不爽也其它疾居膝  
聖者則曰湯熨之所及也在血脉則曰鍼石之  
所及也在腸胃則曰酒醪之所及也在骨髓則  
曰司命如之何故有異症而公無難色庸醫之  
所畏也人或易視而公搖首亟咸謂伯休望而  
走也自言百當百試百效暇以古法書名盡自  
娛時與親知結宴游之驪酒酣日熟多誦唐杜

李商隱文集

卷五

七

工部市明孫山人一元詩當其會心抵掌談說  
旁若無人又好商拳較矢公其游於酒人哉而  
一念活人垂老不倦語口川志不分乃凝上神  
其公之謂乎事母極其孝之養以孝聞待弟姪  
曲盡友愛教其成立有司高公行請為大賓璧  
一與焉鄉人德公無間顯約會來哭公者幅抑  
失聲公生以弘治己未年六月十七日卒以萬  
曆庚辰年正月初一日年八十二葬以是年十  
一月十八日墓在其處配袁氏蓋勸儉而助者

子一即維平側室王氏出郡諸生蓋少俊而文  
者安童學諭承祐女孫男一曰永亨聘素諸生  
人才女孫女一適丘戶部主事騰子氏祝繼娶  
方衛尉東升女陳子曰太醫終身誦顧尚書不  
休云感恩之士乎家按察舉高年會以太醫為  
九老每言士良篤行君子寧獨醫也州里言太  
醫婦人科耳余所親記可耳日痺醫司小兒醫  
寧獨帶下哉誌其人者而銘焉銘曰而封高而  
名遠而活多而後顯嗟嗟大醫藏漢洵

李商隱文集

卷五

七

### 四川威遠縣知縣蕭君墓誌銘

威遠今蓋不佞故交云往雅游先按察公與先  
兄光祿也在師友間而不佞少威遠君二十餘  
歲威遠君畏友視之後不佞督學入蜀時威遠  
君訓綿州轉諭崇寧縣故事學使歲試高下其  
教屬余兩試首威遠君入覲之年故事學使殿  
最教屬聞于鈐曹以為黜陟余又首威遠君自  
是威遠君名赫赫三巴矣威遠君恒直無他腸  
風流自命髫年屈首誦詩補州學生以肅皇

帝龍飛改蒲府學生今封工部尚書曾公潘撫  
貴州都御史劉公序與威遠爲文社屢試不第  
表叔戶部尚書傅公願與先公聞郭南社威遠  
君相從于風浴借山亭榭間嘲詠花鳥以高陽  
生自許間一放歌坐上盡傾貴交而不語善譚  
而不宣竟酒而不亂真長者云至教綿州崇寧  
勿嘆曰士之從化若沉在釣也先德行而後文  
藝爭相砥礪發爲詩篇多唐人格律及令威遠  
威遠在川南道民悍而難治威遠君曰雷霆百

書

卷

七

里縣令象之柰何負郎官也于是鋤豪強招流  
亡平稅定役載星出入偶諸生帷薄不脩者繩  
之以法稍稍謗起又狀昂昂少訕上官多日皮  
相又貴耳坐威遠君落職威遠君故倦游一夕  
暴卒人言死且異不佞謂威遠君素達政事高  
非未能操刀而製錦者柰何有是人言僞耳生  
正德壬申十二月十五日卒萬曆辛巳十月二  
十六日春秋七十矣威遠君諱猗字凌翰號漸  
山先世蘇州吳江人其始祖某從 高帝功懷

河陽衛自戶和某征廣西功陞指揮僉事父處  
士鳳以財雄郡中男子五入學宮者四而威遠  
君其長也遺言葬我從處士公傍在張家坑威  
遠君始配繆孺人子如龍如光繆葬他處繼王  
孺人子如玉郡學生如玉少俊有文不佞門下  
士泣而請銘銘曰蜀道難而易江漢廣而帶師  
牧之名永不替威遠之藏千萬世

樊姬墓誌銘

樊姬者景陵農家女也父相母李氏嘉靖甲子

書

卷

七

童恭人納爲陳生箕箒名曰貞慧乙丑隨官京  
師屢胎不有一日請曰妾愧無能進勝已者日  
夜事公弄筆墨此前因障也聞與豪士多談治  
容誨如願少藏之時已抱病倘所謂其言善乎  
隆慶庚午隨恭人南歸道卒葬臨洛關閼月余  
過之夢曰妾化爲狐矣意首丘耶携歸沔葬蘇  
阡後萬曆甲戌過關夢曰妾化爲石矣意勒文  
耶心許之壬午再過夢曰妾無生氣矣意少余  
文耶感而痛焉姬生甲辰某月日卒庚午某月

廿年二十七事余七年耳十又四年而始銘銘  
曰游洛者神也藏河者骨也寄思者碣也

西園文集卷之十一

新刻本

卷之十一

十一

西園文集卷之十三

沔陽陳文燭王叔著

行狀

明故進階中議大夫資治尹山西提刑按察司副使先君行狀

萬曆庚辰三月廿四日先君按察考終命四月十六日不肖梓運至濟寧家人以計聞天乎不肖罪何遘焉戊寅秋別先君之淮明年己卯冬先君寓書言思不肖甚也不肖奉 上命造舟

述畢而新運至方入京計歸而竟不少延矣天乎不肖罪何遘焉一夕夢先君語曰吾登第三十年歸山二十年平生無愧天壤死可矣誰定吾言誰表吾行耶相與大泣淚泫淫滿枕上覺而夢也天乎不肖罪何遘焉憂病幾危恐溘焉朝露墮先人遺行矣忍痛而筆焉先君諱柏字憲卿沔陽州江北村人天順朝有祖義民公諱勉輸粟賑饑奉 旨旌表義民人稱義門陳氏云義民公有兄諱勛仕至山東青州府知府義



民公生高年公諱廷器高年公子四少承德公  
諱泮女一封太淑人適通議傅公昇表叔大司  
徒公願之母也承德公與吳太安人隱居篤行  
詳在大學士李公春芳誌中先君生而穎秀異  
常過日成誦年六歲有郡守徐公咸勸農伯相  
竹塢公應里役出先君見之若成人狀屬對如  
響徐公奇之指竹塢公云此子奚啻如青州公  
耶諸生有任公鳳岐者士也坐先恭人瑞蓮  
授以小學內則列女傳即成誦嚴于擇善得先  
君妻焉年十二應正德己卯試張公邦奇爲學  
使奇之命郡守李公濂再試試日乃從者病莫  
能興先君以爲病其道之真能興起也李公奇  
之曰吾得童士噉又得君子其雙璧乎携入衙  
內夫人治其數焉乙酉應試與表叔傅公齊名  
相姑愛之如已子時生先兄文幾甫用王公盛  
爲學正有才名教先君改春秋而戊子仍以書  
舉于鄉年二十三開中許公宗魯爲學使稱禮  
陵順宗外華容孫宜其爵中三才云先君自是

博極羣書潛心大業經史諸子百家無不涉獵  
每一落筆茹古涵今渾渾灑灑不可窺測庚寅  
入南監與少司馬沈公良才大司寇馮公天馥  
結爲文社一時名儒莫不顧交乙未下第入北  
監童宮庶公承敘張文毅公治與傅公方官京  
師同先君依海印寺閣先君賦鏡光篇張公童  
公大加稱賞袖示司外諸公諸公曰世有如此  
才乎吾輩偶處此耳大學士趙公貞吉大宗伯  
尹公臺大司寇朱公衡編修唐公順之莫不停  
車過訪先君名赫赫動海內矣丙申歷齊魯泛  
江淮而歸登太和山禱于至寧符奇夢而不肯  
生小字武當蓋四月八日先君又喜得子也辛  
丑下第卧病慈恩寺取佛經讀之齊得喪而一  
焉謂人性本無不善聖人爲必可師陽明先生  
良知之說其孔門相傳之秘乎時與詹事程公  
文德祭酒鄒公守益學士放公銑給事中尹公  
相披襟寓書歲無虛日而先君大有所得矣甲  
寅下第相姑傳叔人隨表叔官吏部強先君選

而承德公意亦切乃先君竟不就也丁未下第  
上築于蘇阡即今葬地也中有喬木可丈圍者  
槁而更生先君曰豈人心不若山木哉顧所養  
何如耳舊號太蒙遂易其蒙曰蘇山學者稱爲  
蘇山先生庚戌禮闈翰林黃公廷用得先君卷  
奇之張文毅公主試一見先君名欣然曰此吾  
鄉志士也黃先生可爲得人而歐文莊公德素  
知先君名稱善良久後謁張公公曰子幸第獨  
歸生有光不第耳至廷試張公薦先君卷爲一

南陽集

卷五

四

甲分宜阨之張公拂然曰士登第耳何計先後  
也張公每語尚憤不平也時時引薛公應旂與  
先君同坐歸薛俱名流張公門下士也是年冬  
迎吳太安人就養京師北虜至城下先君觀工  
部政尚書李公士翱命先君守城兼運糧草隨  
吏部侍郎王公邦瑞數日談虜情若素習者諸  
公大奇之徐有張公之喪肅皇帝遣官造墳例  
差行人先君以進士往辛亥夏日歸省承德公  
置酒高會相語數日而承德公即世矣先君哀

南陽集

卷五

五

毀守禮舍殮棺槨以至丁祭靡不誠信甲寅謁  
選常事者知先君才選兵部職方司主事承豐  
聶公豹爲大司馬得甚驩時與比部高公岱  
徐公中行梁公有譽給事中吳公國倫揚摧風  
推丙辰夏乞差歸省吳太安人甫至家而汝璧  
生小字晝錦先兄有堪佳二子先君喜其多孫  
也是年冬北上明年考滿得勅贈承德公爲職  
方司主事封母吳爲太安人陞職方員外轉武  
庫司郎中戊午之秋時北虜犯邊南倭掠地蒲  
州楊公博爲大司馬調職方郎中掌司事其年  
不肖舉于鄉肅皇帝綜核邊事操下廩廩稍報  
警則威有所不測而分宜與子世藩交夫大柄  
嬰視百職南北債帥苞苴其門凡建一議置一  
師得請而後可不爾禍立至矣先君陽受指而  
退必伸其意寧拂權臣而不敢屈天下之公議  
如王直葉宗滿寇浙直數十郡後執而告俘賂  
者貴父子先君竟守國憲誦死礫于市分宜銜  
之楊公經畧宜大而左司馬江公東掌部事推

魯少文羽書交馳搖手索息不能出一語先君于諸路奏草朝至而夕覆無不當上意者偶江公答司吏一人死者先君言曰吏無罪而死郎中之過也江公愧謝而中恨焉總督胡公在浙直上遣給事中羅公嘉賓御史龐公尚鵬往勘馬二公論胡公養寇要功而分宜父子意欲不直前疏謂先君曰職方見科道疏耶殊無禮之甚先君曰胡總督固才但老師費財掩敗衄以爲功如公議何分宜大銜之江公股栗者數日

新開集 卷六十一

先君亦心知胡公功其危言若此蓋欲直給事御史之言耳肅皇帝集廷議食以臨敵忌易將下兵部覆先君遂草疏云掩瑕錄瑜以冀後効者聖明使過之仁也據事論事以懲不恪者人臣奉法之義也覽者韙之而鄭端簡公曉每見先君輒稱頌之後不肖見龐公以先君爲難及云太守朱公孟震刻職方題稿都御史張公佳胤爲同舍郎序之俱云本朝在楚有兩職方齊名華容位上卿沔陽淹晉臬有幸不幸耳二公

知言哉先君無愧色矣己未冬先君以防秋事畢受 欽賞而大學士徐公階知先君有文名薦爲福建提學副使分宜又阨之庚申春先君念吳太安人乞外補得井陘兵備方司疆場不能歸草疏終養徐公楊公止其疏勿入將大用先君忽有太安人之變聞訃痛絕士民遮道泣馬歸來沔大水死徙山鄉積屍盈野先君捨地古城買棺槨之即在井陘財數月耳提兵曲陽過例馬關駐紮箭嶺由浮圖峪走紫雲關守蜚狐諸隘口是年虜擁衆入掠大同朔應忻崞諸處十餘日遁去先君整兵伺之謁朱楊廷昭父子廟摩挲神箭祭刀曬甲諸石低徊留之不能去作忠節廟碑讀之似奪羯胡而噬之者歸駐獲鹿天久不雨蝗大作發倉粟賑之爲壇禱焉大雨三日父老感悅以爲精誠格天先君作時雨軒記于道中辛酉癸太安人畢任恭人忽逝先君哭曰喪吾益友矣方起復而癸亥京察江公總督宣大投揭于吏部大宰郭公朴司馬楊

新開集 卷六十一

公力救之而謠誅者先竟坐不及調外任先君  
嘆曰世溷濁而不分兮好蔽美而嫉妬不量鑒  
而正柄兮固前脩以焄醺三閭大夫之言非謂  
我耶于是卜居爲終焉計携不肖復城中歲甲  
子而汝主生先君喜不肖得子也乙丑不肖登  
進士命不肖代草致仕疏疏上不報揚公轉蒙  
宰移書先君收之末路而先君絕意仕進建讀  
書閣于復中樓西閣甫成天新雨偶登其上河  
本無山去江南諸山尚遠一旦崗巒臺榭人物  
如畫近在几席先君喜曰海有市江亦爾耶悠  
然見南山竊比先君爲見南江閣上自  
丘墳下逮術數拾華尊根尤喜星家言與傅司  
徒公良辰佳節賞花對月兄弟姁姁然樂也隆  
慶戊辰不肖以大理事評事考滿上書先君始  
奉穆皇帝旨以憲副致仕益徜徉于烟水之間  
開草堂于南紀門外傅司徒公有山亭在左先  
君曰寄形宇內亦借耳豈獨山也仍開借山亭  
種樹養竹意澹如也監司有司非專訪先君先

君避不見而四方求文翰者日衆操染應之了  
無倦色間爲小令命童子歌而佐酒所傳夏汭  
樂府藝林比于汴東碧山蓋先君子詞雅愛康  
王也萬曆改元詔進中議大夫當三月三日  
設宴于德星坊延里中諸老爲高年會幾至百  
人毛道人太真年百歲自武當來陳山人紀八  
十三自江西來鬚眉龐白比于香山洛社云二  
年中戊不肖轉四川自淮歸稱壽僉憲余公一  
龍先爲七十文壽之乙亥七十海內械詞而祝  
者一一和答焉戊寅三月不肖轉漕儲自蜀歸  
稱壽先君孳孳好學垂老不倦開晚節堂取子  
美律細之意而方伯莫公如忠復扁大業堂寄  
焉先君喜曰文章乃經國之大業願與汝懋之  
遂賦四懷以見志蓋周尚父衛武公秦四皓漢  
伏生也不肖八月復歸自淮先兄以國子生授  
光祿寺監事無何堪佳二姪卒先兄亦卒先君  
情稍稍倦矣己卯春多在退樂軒中喜讀宋晁  
文元公迦談因悟禪家之什迦吾儒之孔子也

解纏縛而驅障礙本於智仁勇之力刪註四十  
二章自是詩文絕不爲也庚辰正月遣使侯先  
君善飯無恙時時走隱林庄隱林者先承德公  
躬耕處也及三月家兄文炳來得二月書手澤  
尚新而今已矣嗚乎痛哉不肖胡不自絕也詢  
之來使者先兩日約友人賞牡丹是夕呼家人  
檢衣并棺自言將辭逆旅先君七十以後飾巾  
待盡齒髮有脫藏之以殉無病而卒兢兢然啓  
手足而示之全生全歸一如古人獨未與不肖  
面訣有隱痛焉不肖之罪上通于天矣先君生  
正德丙寅六月十三日卒萬曆庚辰三月廿四  
日壽七十五以壬午年四月十日葬于蘇阡  
娶任氏封安人贈太恭人子二長文燮娶謝處  
士警女次文燭娶童典術承伴女封恭人孫男  
四汝堪娶賀守備襄女繼娶孫氏汝佳娶王給  
事中願女俱燮出爲諸生早夭汝璧郡學生燮  
出娶廣東肇慶府張通判柏女少繼于燭今仍  
稱父汝圭國子生燭出聘雲南按察司歐陽副

使柏女孫女三燮出一適庠生童行先燭出二  
長適常德府武陵縣進士龍膺次聘戶部員外  
傅作霖子鳴乎先君慷慨剛正心事磊磊如青  
天白日聞人一善必揚之無分固背至于過失  
口悛悛不忍道取與之操嚴于一介與鄉人處  
和而有禮平生無食言亦無一事不可言者文  
房諸器勒銘自警事承德公最孝幼好樛蒲吳  
太安人偶怒終身戒不爲每語不肖兄弟云凡  
人孝友多衰于妻子古之聖賢兢業正在此處  
也與先恭人如賓每誦詩各約百首聞先恭人  
誦百里奚屢屢歌笑曰即富貴胡忘也念任先  
生輒泣下表其墓撫其孤育其孫女嫁焉待庶  
弟樞如同胞伯兄杞卒于化州哭之成病仲兒  
松卒于京師具棺殮焉族人貧者周之患難者  
恤之有姪文炳無辜被誣移書當路力雪其冤  
孝友天植云教先兄極嚴喜其成立每同諸子  
登先兄聚星樓輒把酒揮毫性好奇飲不多客  
醉而興始盡思立五經別註不果徘徊復中精

舍口其大旨壁圭二子筆爲語錄里中後進出  
其門者多取科第彬彬盛矣少與郡中馬孟遠  
孟良李天恩友善二馬早世作兩名士墓表李  
君寵死手其詩嘆曰吾之方叔也爲文哭而賻  
焉每語不肖兄弟曰士未有負朋友而忠于朝  
廷者作沔陽人物考下逮細瑣敦倫化俗以風  
問巷所著有見南江閣來青軒詩選文選借山  
亭前集續集退樂軒詩選大樂堂尺牘數十卷  
實爲蕪山全集南名大學士陳公以勤序其贊  
而腴婉約而有致蒲州太學士張公四維序其  
手荳容與成一家言先君早年詩歌學南岑近  
體學沈宋文章喜韓退之韓子固昭代方正學  
王文成數人而已晚年來杜陵前馬遷墓乎周  
山人天球謂國朝前此北地後復有應下東  
海先君從中振響可揖讓乎何李李主之間往  
不肖登峨嵋以先君集付高僧鐫藏之名山  
而先君亦有夢游峨嵋篇寄刻山椒人以爲奇  
語曰蓋棺論定先君行履高潔文詞爾雅紹前

脩而俟來哲千百世足傳矣獨於常鍾鼎之業  
可就立而獲落終身海內搢腕即先君口不言  
而意常墨墨也果造物忌名耶文燭僕邀不肖  
子也四歲持扇索書先君驚異即書漢終軍唐  
王勃諸人不足效而惓惓以宋陸子靜期之謂  
少成若天性云嗣官廷評則曰定國可師也守  
淮安則曰長孺可師也督學蜀中則曰經師易  
人師難也比造舟奉 溫旨及河工受 欽賞  
則回報 明主之目也德業文章必欲凌駕古  
人乃疲駑無能爲也將何以見先君于地下哉  
敢述遺行而屬執事者文焉先君死且不朽矣  
墓表

孤嶼山人項思堯墓表

國家試士多茂才異等如吾友項思堯者亦異  
矣終絀弗用又弗壽以死方移文投吊而其子  
繼祖浮淮訪余思堯每謂余曰要之死日文章  
乃定定吾言者非公耶乃今題其墓矣安得不  
憐才悲慟也按項爲永嘉著姓君諱文煥字思

亮號爲齊居士廣東叅政公喬之伯子也叅政公有重名往與羅公洪先唐公順之交甚驩也思亮兒時從游聞其議論退而唼唼私有所折衷二公識賞終其身遇以國士然英氣已歛歛不下人叅政公裁抑之後郭公宗臯上封事忤旨

詔廷杖絕糧幾死叅政公遣思亮侯之思亮踰墻置薪水不爲邏者所得而郭公賴以生全年財十三耳及叅政公守廬陽雜試廬山中常居

三前圖文卷一 大卷之五

十一

高等後督學孔公天胤大奇之補廩廩屢試屢不第將以貲遊國學會河間人王聯者誣奏一二賢豪叅政公以守河間被逮君以前貲調護又代叅政公上獄中書其事得解散復稱貸應例而叅政公卒于東粵矣君遍求海內名公撰碑勒銘著爲歐東實紀令其名赫赫不朽云往北試有及期傳大父封君公卒者其友強之入君嘆曰方寸亂矣吾何忍不爲吾父盡地下情叩竟持服而歸時永嘉某令慕君才名大加禮

思者爭毀部使者購捕甚急寓居京師事漸自至丁卯病不能試也東書東歸閱月而卒君生于嘉靖壬午某月日卒于隆慶戊辰某月日以是年冬葬竹浦石門山下年四十七嗟嗟思亮磊落振奇人也往叅政公爲廉平吏囊甚寂而君以節俠自負大致饒裕喜談宇內名山大

川土風人物友愛二弟文蔚文言怡怡如也所著亦與堂稿藏于家假令思亮不死得行其志功業當無量然柴觀平生夫豈怵迫之徒汶汶

三前圖文卷一 大卷之五

十一

東西者叩其子繼祖光祖守祖敬祖是將大項氏者詳在督學何公鏗誌中陳子曰往滁陽胡公爲篆宰與叅政公善一見思亮與談大計思亮憤疾世事氣髮上指又多推轂賢豪胡公引爲上客古稱寥郭之士在布衣之位談說當時折卿相之權者非耶至死乃曰題我孤嶼山人之墓後人過墓下其以此想見其人

奉政大夫四川按察司僉事邵先生墓表



昔安邵先生常

肅皇帝朝守涿州被逮直聲動天下重于九鼎  
八呂而李弟憲使元哲竝以節氣文章顯海內  
稱二邵又伯氏隱君元吉叔氏郡丞元高翩翩  
有道老人或稱四邵云先生卒年五十五業有  
銘其幽者乃不佞志其大于墓石季弟之所屬  
也先生有辭于永世哉先生少穎敏讀書一目  
終身不忘從中憲公游京師受學于涿陽馬公  
從謙馬公爲光祿卿有文名見先生大喜謂中  
憲公曰阿郎千里駒獨性太直恐世難容耳先  
生以禮記舉癸卯鄉試四試不第始謁選授帽  
峨縣知縣峭在雲南萬山中治十二鄉患夷暴  
亂官無一人得善去者先生曰夷狄之有君也  
奈何朝廷官徒名存乎選良民爲十二總令俾  
之奉上行下若身有臂指也一日夷阿隴龍信  
者率數渠魁見掾史白當擒先生善諭而遣之  
捕得盜礦者夷阿佑劫去先生嚴檄總令率首  
惡見先生陽曰殺之三而陰諭總令救之三諸

三前圖卷一

大卷五

七

三前圖卷一

大卷五

七

夷德總令甚聽勾稽而法行矣旬中鄉有摩訶  
神土夷先卜而後訟先生朴其像責曰聰明正  
直神也爾佑諸夷不道冒血食久叱左右杖如  
律火之是日雷擊祠前樹石民誼曰莫爲惡神  
被縛邵爲令神聽命云聞于當路薦䟽屢上膺  
內召行分宜當國先生無可賂者年餘補戶部  
主事一夕有御劄取錢穀的數尚書賈公錯愕  
先生請曰攢寫須蘇浙書工可也賈公業華此  
輩先生權用之分投召至又指授總撒計字分  
錄五鼓冊成賈公大喜部差難者必借先生焉  
辛酉坐風霾考察通州同知分宜銜之也先  
生佐通多風節事後聞喜張公守中知通州總  
督東郡楊君中丞廣德徐公特疏曰國家東馬  
首通西馮首涿 陛下用張守中東馮稱強幹  
焉欲安涿民無如邵元善者 上果以先生守  
涿涿之土田半入于權璫家偏累民窮次骨也  
先生照糧派差不少假借抗不應者置之三尺  
東廠滕璫者涿人也竟不堪中以飛語奉



詔逮獄涿老稚千人叩闕聲寃部擬降調而  
滕欲重之大司馬蒲州楊公曰涿民尚不去有  
登聞一擊耳滕稍解而涿民又擁吏部門還我  
邵父邵父廉平去則吾屬無類矣太宰安陽郭  
公曰取邵所編差簿令恪守之有更張者奏涿  
民泣退大學士華亭徐公憐先生才調判辰州  
而先生倅辰發奸摘伏一如神明乙丑春常熟  
嚴公爲吏部知先生深擢四川按察司僉事時  
川東遭蔡伯貫黃中甫平之後先生以川北道  
攝之政令更新兩臺交薦先生而忌者日衆橫  
被口語先生遂浩然歸先生喜飲飲輒數斗又  
喜詩詩似唐人援筆輒千言今賢爽稿是也生  
平感慨重諾然無卑卑阿世之態見卑卑阿世  
者大罵不休直道而事人宜先生三黜也光祿  
馬公言尤信云先生諱元善字繼之又字長卿  
別號台山其世系配嗣生卒日月詳誌中陳子  
曰往邵先生寄碧雲洞賦且言游西南張本耳  
先生有意乎及余入蜀讀先生綠雪亭詩風節

凜凜晚讀和陶詩優游柴桑足永年也乃不  
壽死何哉先生不畏強禦能毀淫祠往牒有若  
而人至今有生氣則千百年後知先生矣敬表  
曰有明賢大夫邵先生之墓

明故中順大夫山東青州府知府陳公墓  
表

中順公沒百五十年矣先中議公欲表其墓命  
小子屬草二十年來奔走南北今中議公地下  
而中順公墓石尚虛又諸父諸兄弟勉終其事  
憶中議公言泣下也敢誌其大後人拜墓下想  
見其爲人中順公諱勛字功懋彥昇公之長子  
也生而長身玉立雙瞳炯炯如電大異凡兒穎  
記絕人目數行下年二十四以書經舉永樂庚  
子鄉試時徐璘李琮號里中三俊乃才望獨推  
轂焉公屢試不第宣德二年謁選吏部大冢宰  
試其文第一授本部司務公在部久風采凝峻  
傾動縉紳雅善品鑒裨於用舍海內賢豪如楊  
文定公溥劉文安公定之錢文肅公習禮皆折

節下之所題歲寒壽星九老諸圖墨尚新也九  
載考績出守青州府青州古北海郡地瘠而民  
悍公加意拊循教民孝弟力田每行縣省耕繪  
爲勸農圖興學造士人文不振詳在修學碑中  
未幾患足疾疏乞骸骨 上許之得致仕年纔  
四十餘耳優游林下三十餘年建危樓于古城  
塢下中藏古書名畫頗多扁曰望京自謂老不  
忘君也與其弟義民公爲詩酒之會歲饑發粟  
以賑宗族鄉黨賴焉年七十有三郡人周湘官  
青州學聞長老咸稱說陳公陳公云有謠曰去  
陳府百姓苦至孝友忠信重於鄉閭里中稱陳  
大人宅第稱陳大人巷口有藏公吏部時所寄  
書中云區區徘徊郎署甄別之道深有愧焉帙  
寬寸許楮幾殘而十襲珍之公下世百年矣海  
岱江漢之人口碑若此彼舞智御人與武斷鄉  
曲言道德者溺其職矣誰其思哉往童太史公  
承敘作郡志未立公傳後中議公得題名童公  
謂賢子孫有光祖宗他日當續公傳以補盛事

尚書傳公願謂公之政績需久而後彰  
志傳公循吏湖廣通志傳公鄉賢遺芳錄烈興  
天壤俱可以觀公之大矣公墓在江北古城即  
公宅後子孫世居焉文太恭人有賢行與公令  
葬傍三塚蓋側室云曾孫文燭曰往守淮安山  
人郭第揚青州府志其讀之述青人馮學使惟  
訥少府惟敏道公循吏之政埒龔黃及燭督漕  
入山東二馮之言不虛乃山人介坐中議公問  
公墓而道碣適成請填其諱願世世愛護哉

青州志

卷之三

生一

二酉園文集卷之十三

二酉園文集卷之十四

沔陽陳文燭

祭文

代祭灤州王都御史文

惟公恒嶽降秀瀚海儲精南宮賜第筮仕廷許  
慎選杜上脩能樹名皂囊論列白簡雷聲始巡  
中土河洛澄清山過江右匡廬震驚埋綱之輪  
攬涉之轡矯矯古人徽音可嗣秦晉歷官廉訪  
稱使虜覲北番塞有烽燧

帝曰廷臣疇咨撫視僉議屬公長城是寄偉哉  
保釐寧夏益安方戒部曲提衣加食適有論劾  
故相使彈詔改內用浩然掛冠伊人權佞言之  
永嘆蒼生係望東山嶢峴謂尊遐齡天胡不祿  
人壽幾何克全五福公子賢科父書能讀遠邁  
三蘇不啻二陸俯仰乾坤公負順目某在里門  
荷公教育繼官直指景仰中藏思公尚起曳屣  
廟廊邦之戚矣哲人云亡蓋棺論定誰得誰喪  
典刑交好夙夜未忘生劬一束揮淚沾裳

祭侍御史約卿文

維湘有蘭維沅有芷嗟嗟化卿瓊芳並美氣  
雲夢早拾青紫汗簡懷鈐好脩敦履視草中書  
人顏近喜染翰操觚英聲特起耳目攸司繼官  
柱史攬轡埋輪古人方軌少陵詩詞動輒盈紙  
處嘿清操見于飲水出守太平召還可俟宅憂  
南歸黔黎望企具宰無何公遂已矣朝露夕波  
誰不有死問之彼蒼公胡止此文考賈誼漢魏  
才子壽未則願與角去齒不朽者言他何足擬  
凡我同僚情深梓里神其格思于于急

祭進士鄭子復文

子復文章金輝玉潤其晉冠南宮者特理是之  
緒餘耳而今何絕響也子復才猷山峙海流其  
司理洪都者特囊中之末見耳而今何未究也  
子復德器景星慶雲宜永年者而又何不壽也  
子復心事青天白日宜昌後者而又何無炊火  
也古昔賢豪不幸而遭此千載之下尚使人歎  
歎莫禁况吾與子復生同于鄉進同于朝而號

稱莫逆者乎計聞則爲位而哭臨葬則束芻而奠蓋不啻如韓退之之吊柳子厚歐陽永叔之哀蘇子美已也子復其聽之

祭富順李水部文

憶昔庚戌獻策清朝與公比翼翱翔雲霄二十  
年間悠悠岐路顧我同人飄零如雨昔典水部  
卓絕才名左官趙郡辭華辭榮公家尚書業哲  
詩弱復生侍御彈章稱劄得公早奮望繫三台  
家聲曳履庶幾見哉公乃掛冠文園長往至今  
恒山傳茲逸興令器元甫視草金闈聞公抱恙  
驅車蜀西暫謝石渠親承永訣遊子歸來公心  
孔悅計音忽至吾黨潸然公真不死渺若登僊  
原野素旌道遠莫瞻瞻彼巴江生芻一束

祭陳評事公鼎文

嗚呼公脩偉之貌磊落之論在人耳目者忽成  
今古矣能不慟哉始公登進士令翼城及補廷  
中尚思大川而謗書左官且長逝矣能不慟哉  
嗚呼公洛陽人也昔漢家有道賈生沉淪千載

惜之方今

明主賜環公卿振滯卽補刺臨清非卑濕之鄉  
也公未至止無臆賦之感也亦悲憤而卒此吾  
黨之士所以傷心流涕哽咽而不能語者奚啻  
軫存沒于雍門感橫吹于山陽已耶彼陳一奠  
惟公其聽之

祭丘部子雲文

古人有言一死一生乃見交情余交兄自少恨  
不逮老耳何忽生死異耶歲在龍蛇賢士多厄  
兄已年而死于齊也果其厄耶朋友之墓有宿  
草而不哭往豚兒穉時常哭令愛天絕今哭兄  
于凝門之外矣寧知它日不墓哭耶憶昔戊午  
同舉于鄉督學劉公冠而奇之卽何點之于丘  
遲是也孰謂今日而亦古人耶壬戌登進士出  
宰固始驟漢循吏百姓禱孫叔敖祠下而令卽  
生名曰民祝是將太丘氏者雖寢丘無封可也  
安知不世祀叔敖耶德州病革時尊公贈官戶  
曹尚走使問余以焚黃禮又自起爲歌上太安

人壽效昔人斑衣之舞傷哉孝也不可見尊公于地下耶公家二母節類共姜此劉安人所習聞者奉姑撫子甚善也黔婁之行下惠之謚其妻成之也兄何不瞑目耶家大人誄文金石且曰子雲不壽幸平生完好耳余謂兄好學如子淵而享年亦同儻所謂天道是耶非耶猶痛其無定也千里寄奠矢心以辭兄知之否耶

祭外舅文

翁與孺人年俱八十遐齡同永五福並集兒孫滿前蘭輝玉立科第後先贈典將及乙卯之冬余妻恭人于歸于我比于朱陳家孫之婦我姪尤親兩家來往廿年頻頻况也長公愛同昆季論文輔仁曾不我棄長別有期痛心酸鼻所苦王程不克襄事去年訃聞江淮之東始也岳姓繼及于翁人言父子恩與之同仰天而痛情胡有終念翁平生慷慨重義一言相投生死不易孺人多賢性復好施尊酒問餽日無虛使起家殷富詩禮世敦天賜偕老優游田園敬如黃野

排比鹿門古來夫婦高風猶存燭苦奔馳自歲乙丑十餘年間睽違良久尺素殷勤期望逾厚賢豪動樹邈焉無有頃者視學單車而西高堂白首兒女嬌痴兼之蜀道徘徊逾遲積懷種種誰為訓之歸見長公撫棺大哭藏玉之期間尚未卜生存南顧話及寒燠女在天涯共相頓蹙人生骨肉相聚者常死生之別尤為痛腸儀不成享語不成章寸心如割耶哭一觴

祭傅母楊夫人文

往祖姑太夫人之生善教也以賢母著而夫人之相之也以全善著人聞未有之耦吾叔得而兼之夫人事吾祖母太夫人也以姑而其待吾母先恭人也以婦人問表有之婦人得而備之况乎貞靜比之卷耳勤儉類乎葛覃敬祀昭夫采蘋逮下幾于樛木實征詠仁肅肅矣而雖佩兼鷄鳴之戒麟趾見其振振矣而均愛切鳴鳩之義宜正佐甘叙以偕老乃一疾而彌留十餘年來先恭人既逝而夫人亦捐館舍燭也言

念疇昔心悴長潛忽忽然承映也故鄉遯矣臨而陳詞吾夫人其鑒之否耶

祭薛文清從祀文

遂古既遠真儒絕稀今之學者咸尊仲尼懋彼功業脩彼文辭或患而過或節而奇質之統系不免于訾惟公崛起河汾之涯謂聖可作亦在乎爲深潛純粹敬一自持由窮以達由著而微細行必謹大節莫移三代是志百世可師頃奉廷議廟祀永垂肇稱殷禮具主于祠四科之下兩楹之西伯恭呂氏濂洛並齊公今接踵陟降于斯邇茲道脉血食攸宜神其來格于豆于卮

祭趙文肅公文

萬曆丁丑冬十二月癸未朔內江諸生祀文肅趙先生于鄉賢沔陽陳文燭奉命視學事潔牲載醑爲文而告之曰嘉靖之末先生忤權佞排和議天下高其節隆慶之際先生談邊事議營制天下高其才萬曆而後先生閉門著書作經世出世二通天下高其識卽鐘鼎之勲竹素

之業任先生爲未竟而先生之心天下後世誠然信之其伊呂之匹荀楊之徒與先生言經世者不礙于出世之體出世者不忘于經世之用聖人復起不能易也先生與家大人交驩寓書不穀約過草堂談古人佳處而先生亦古人矣從祀學宮有關風教惟先生永享之

祭臨淮侯李荊山文

高皇開國岐陽功多在傅而失如帶礪何公富才美長于詠歌虎頭猿臂不當于過

肅宗御極勳舊是嘉中山之後能復幾家公也承之祖德非遐世藏忠孝光動墨花况也令子詞賦翩翩二三同社掣紫懷鈴青蓮絕調期于比肩非徒廣牧樹勳于邊十年交好余官廷中金輝玉潤雅有父風聞公疾遯甫歸江東踰陳烏鳥竟得省公及余入蜀計來夔門覽涕竚立世誼攸存羞以漢水酌以江繁公神不昧將之九原

祭初稟劉元生文

燭聞先生有言經師易得人師難得先生抗疏  
于朝則爲忠臣就養于家則爲孝子楚中人士  
待先生而興起者不知其幾往聞訃音相與爲  
位而哭十餘年來而先生之墓宿草矣燭奉  
璽書課士渝州此邦譽髦咸謂先生品流最高  
足爲人範乃擇吉日主聲祀學宮先生有知尚  
其默相俾先生之學得與二三子推明于巴蜀  
之間也敬告先生惟先生妥侑之

祭表叔尚書傅公文

蕭蘭集

卷十

十一

嗟嗟吾叔果其已耶非耶又果葬耶今人兄弟  
斗粟尺布有難容者吾叔于家太人何難也占  
今竹林惟高阮氏耳况中表乎吾叔于賤兄弟  
何愛也憶燭兒時輒謂家大人曰紹武有奇氣  
蓋呼小字也冠而字余稱必呼名有父道焉一  
日同友人陳子壽爲編吾叔授以川中學約且  
曰兩人它日當爲此官二十年後而不肖繼之  
且在蜀也薦于當塗內舉不避愧所授者未能  
永前脩耳訃聞之日爲位而哭 天子哀悼遣

官祭葬獨易名之典尚缺後必有追補之者吾  
叔少年高科德器文章金輝玉潤仁及閭巷待  
而舉火往尹廬陵年財二十後翁公繼之並垂  
遺愛至今有老翁少婦之誼及官考功兩司察  
典黜陟幽明張文邦學士呼爲真吏部使究其  
用則湘陰忠靖華容忠宣尚足而立乃遭讒歸  
川十年再起用亦晚也斯蒼生之憾與若位極  
人臣澤被賢嗣生順沒榮則二百年來郡中罕  
有者吾叔又何憾焉千里寄與一言一淚吾叔  
其聽之

蕭蘭集

卷十

十一

祭甄僉憲文

嗚乎公慷慨磊落人也公自登第二十餘年以  
御史左官秉憲川西川西之人方駭駭德公而  
公逝矣公森然玉立斗酒放歌考終之日口談  
大計偶及諸人欲投豺虎而公往矣公善養生  
家言多集禁方忽聞公病延醫走視湯熨鍼石  
莫可救藥而公已矣公每言大丈夫身死而神  
存卽公英爽之氣麗雲漢而附河山也孰謂公



死耶公家給事公有諫名而公善讀父書能世其業又諸子多才翩翩起也孰謂公死耶嗚乎蜀道難兮召晁千里送公歸兮太原至止酹椒漿兮哭公未已神格思兮予亘于簋

祭堪姪文

吾兄長余十齡而汝少余八歲大人見兄生汝喜我祖見曾孫也孰謂三十年來而汝爲異物耶吳太安人與任恭人相聚謂吾兄多男而阿叔敬也孰謂佳姪早夭汝又天耶余舉于鄉

書

卷七十四

十一

携汝讀書蘇肝汝喜工古文辭日見成立將翩翹遐舉以紹世業孰謂汝棄人間事耶余登進士十餘年來北走燕關南走淮海輟汝而就每得汝書嗣息是憂孰謂汝竟抱無涯之感耶余督學入蜀汝與二弟匹馬遠送余止于郊孰謂江皋分手成永訣耶嗚乎東鄉之報胡爲乎來也東鄉陶令景陵人貽書慰小阮之變余投書而哭不謂即汝也夢耶具耶遣人詢之謂汝卒于武昌不知日月也果眞耶非夢耶及家書至

謂汝八月七日就試而沒謂汝且葬又無日月也家人後至知葬以臘月之終謂從蘇肝之兆乃在家園里許尚不知其處也歛不憑棺哭不臨塋吾何以爲情耶况汝祖已飛白哭汝汝父以班白哭汝余汝叔以天涯哭汝汝弟哭汝誰其子汝妹哭汝誰其女汝母汝孀哭汝哀其婦人世之痛無踰于此矣可與緯公祭十二印之遺侍

祭張封君文

嗚乎惟天厚先生而生元輔

書

卷七十四

十一

主上厚元輔而及于先生君臣父子具奇遵云天下以元輔功在社稷歸先生之功德被羣生頌先生之德先生垂白而恭崇貴而儉所謂功若德在先生忘之矣卽欲續楚國先賢襄陽耆舊之傳安能舍先生哉且楚中相業博雅若李文正公清脩若楊文定公慷慨若張文隱公在元輔兼之而三老尊人或齒其年或窘其後有紆青拖紫詔金馬石渠之業如公家者乎語曰天道無親常與善人乃觀之先生尤信燭江鄉



後進承服風問方欲請正于先生而少賤自阻  
先生往矣爰東生芻蹠而陳詞不知其涕之無  
從也又卓犖大方用筆六復氣冲斗斗可以千古

祭光祿兄文

明光祿子承年上書于石湖東旅寓

嗚呼大人得兄也早而兄亦早慧周旋五十四  
年稱肖子焉近方結社耆英而兄不少待今而  
後余奉卮酒爲壽共優游于期頤之外或可必  
乎而兄快于九原矣兒壁有雋才周旋不肖者  
二十餘年兩姪繼沒仍以奉兄朝夕而兄遂長

讀書集

卷十

十一

往今而後余得目覩其成共勲樹于垂白之日  
或可必乎而兄快于九原矣弟以無兄而戚兄  
以有弟而快兄耶弟耶又何問耶人言兄富國  
史工詩翰廣田廬結賓客以爲兄賢又以晚拜  
一官爲兄幸而不知兄有奇抱齋志而歿向長  
有言曰富不如貧貴不如賤但未知生死何如  
耳憶兄永訣執弟之手書生死已了了矣况富  
與貴乎吾兄其達者也死耶生耶又何問耶獨  
念弟戰戰天壤形影相弔受恩未報負此大慙

葬兄耶爾忍于外耶哭兄耶而忍于文耶兄知  
也耶其不知也耶

祭王池州文

嗚乎觀生池陽太守齊山泛舟促膝而語憶昔  
兄膠漆並偶小子結盟爾汝雁序登第後先  
長安逆旅誓竭清修其報明主司諫南垣九鼎  
大呂補闕拾遺黃扉再覩惠政清風留于秋浦  
卓矣循良上薄龔魯雅志翩翩無意溫飽臨絕  
之辭自謂冲舉九華旋倪痛若父母先兄既亡  
長公亦故林月之間零落如雨造化小兒胡爾  
相苦家君貽書埋玉江浙平生知交留滯京口  
臨風一哀邈焉千古炊以彫胡觴以清醕

祭王伯生都閩文

嗚乎伯生以先輩事家君子而家君子每與和  
歌倒屣相迎如仲宣都閩歸來布袍鶴氅逍遙  
僊神中人如孝伯臨池揮毫雅有晉法如子敬  
至與賤兄弟交甚驩也被酒談天作烏鳥聲旁  
若無人如景畧昔者吾友今也則亡有不待聞

鄰笛而傷心過酒壚而揮淚者惠有桂醑遠致淮南伯生其聽之

祭內兄童四文

嗚乎昔人謂人不可以無年又不可以無子公家滄浪洪山及河上諸老年幾百齡乃兄半之竊恨無年焉太史公武庫公以詩禮名家乃兄二子學詩學禮大其業也竊幸兄有子焉令妹于歸交驩日密十年而處十年而別少視青雲同于拾芥晚慕丹砂化為黃金把臂之英芝蘭之友豈無它人莫如吾兄乃知范張款款于下泉尹班陶陶于永夕想離惠之清塵憶半左之微烈允殆古人哉去年家鄉哭先兄今年淮海又哭吾兄手足綢繆色生難結割心以辭清淚以酌

祭族妹文

吾叔之擇君寵也紹都鑒之智焉吾妹之歸君寵也抱樂竿之賢焉倅君寵之取科名也世青箱之業焉有子而成行如植槐手其庭也有女而將嫁不必往送之門也吾于君寵慰以莊生

之達而于吾妹哭以清節之文

祭費孺人文

悲新秋之蕭瑟兮載珠襦于幽宮瑩瑤木之揮枝兮望閭風之板桐惟三葉之世好兮今寒修以為通交給事之練要兮知嬪則之攸同聯瑤佩兮蘭芷集衣裳兮芙蓉鸞鳳翔翔兮飄疾較龍雲兮瀕浴惟皓首以為期兮羗中道而敗路憶閭闔之洞開兮適聖明之當御彼金馬與石渠兮幾夫君之獨步坐木天兮玉清承飛帛兮懸圃迎版輿而北邁兮共瀛洲而軒翥彰四教于鸞閣兮沐九重之湛露遭黃罪之塗歸兮每鷄鳴而戒朝高冠戕兮朱被羽帷敝兮翠翹值虎豹之守關兮翼諫草于雲霄問豺狼之當道兮助博塞之狐標胡羣小之譏詢兮出星軺于山嶢閨中之良諭兮謂蜀道其非遙心南征而日泰兮况雙闌其綿福溢婺星之早隕兮悵良人之魂鞠倏扶桑而濛汜兮大道其何速蔽石火而颺塵兮人世其何促秉彤管有遺編兮

卽秦初而並倣潘悼亡而莊擊缶兮嗟給事其  
堪續傷脩靈之數化兮懷椒桴而與祝

雜著

瑞龍頌有序

萬曆六年丁丑今

皇帝念黃河歲決漕運孔艱命御史大夫潘公  
督河事而總漕則侍郎江公兩公蓋同心  
拯溺云往潘公上兩河疏略言今之談者  
皆曰濬海口耳而不知海有潮汐茫無可

濟南文集

卷之十

七

濬也導河者必以海爲壑乎欲順其性先  
懼其溢惟當繕治隄防俾無旁決則水由  
地中沙隨水洗以水治水是長策也

上俞允而行焉明年己卯公荒度土工羣策畢  
舉徐邳之堤如山高堰之流盡築疏九河  
而注之海此昔人行山表木之勲也公猶  
橈樺是乘肝胝不遑三月十有八日公至  
黃浦時口初塞公回淮兩日烈風大作疾  
雨震驚少頃則麗日當空鮮雲觸石澗溪

之旁龍頭出焉古語曰龍升天浪浮雲效  
特脫骨耳揚州府同知韓相在河上走使  
獻公貯于紫雲宮中昔漢人穿渠得龍骨  
遂以龍骨名其渠而宣房之歌亦欲蛟龍  
遠歸舊川于長竿于河梁孟堅志之溝溢  
寧獨今也若夫放蕩之智負圖之應大哉  
禹功明德遠矣况今

明良遇合千載時必有禎禔斯其瑞乎燭不  
佞退而頌其事頌曰

濟南文集

卷之十

八

靈湖大壑潛虬生焉踴躍蠅蠅見而在田徵諸  
有道文明赫然堯舜在上飛龍御天玄圭允錫  
綸命特專蒼水使者授以秘傳玉書金簡夙夜  
匪度負薪野處衣濡裳塞河潤千里海綰百川  
潛艘擊汰疾如驚颿六府脩治兩儀成平鱗蟲  
之長潛彼深淵興雲應鼓連蜷翻火精木瑞  
古有遺篇陽侯川后和氣靈宣麗哉驤首甘霖  
八埏誰言解角遺彼淮喚帝嘉不續萬鉉無前  
龍門砥柱麟胸並肩桐柏川旅絃乎千年

創業圖贊

此顧長康真蹟十二幅謝安稱蒼生以來  
未有也家大人謂虎頭才絕恨少一贊命  
小子補焉

伊尹佐湯

所就惟五所聘惟三商家天下保衡是擔

呂望興周

倬矣尚父弼成文武釣渭之陽非熊非虎

周公輔幼

元聖多方丹衷赤舄負袞而治復子明辟

管仲霸齊

轉敗爲功知與爲取桓公主盟仲父仲父

叔敖相楚

循吏化民使向其惻廉吏可爲蔽丘封遠

孔子仕魯

用之則行舍之則藏靡裘而鯁父母之邦

范蠡諫越

崩潰縣成會稽社室烏夷子皮保身明斤

樂毅扶燕

起而連兵退而報書昌國忠讜齊城爲墟

張良助漢

授書黃石從遊赤松鴻門謝羽子房之功

光武中興

炎正中微桓桓諸將漢官威儀雲臺之上

武侯定蜀

業創三分圖開八陣五月渡瀘蜀山高峻

王猛強秦

驚奔爲業捫蝨而談壯哉景略中原虎耽

宋景濂先生像贊

嗚乎正巾而坐辭勝國之聘夫振衣而起佐

高帝之興乎其文主六經而傳遠信哉視百氏

以爲奴謫于茂卒于夔葬于成都潛溪已矣聖

人之徒

洞山上人像贊

有者相無者空本來面目是爲潤公

達摩大師像大梁張路筆僧洪川廣令詩

余題此在少林寺

惟石孔堅惟心孔一西方路遙如來旨密人傳  
九年誰計其日有象無言無生始畢

嘉定大佛贊

爾身十丈乾坤之中爾超三界江雲一空

東明長老像贊

我僧東明年八十五矣居真境樓中楊  
用脩余懋昭二學士與之游有唐潯師之  
風出其像題焉

香齋文集

卷之十

十一

無相爲宗爾晉其皓有覺爲心爾悟其早震旦  
受持爾除煩惱不類衆生爾其壽考

壽星圖贊

有序

往青州公壽星圖錢文肅公劉文安公有  
贊正統己未歲也化州伯父珍之萬曆丁  
丑家按察公贊于下方小子督學入蜀大  
人謂曰三十年後還與汝更贊之越二年  
督運江淮山人郭次甫携唐解元圖贊壽  
大人語逼錢劉小子步大人舊韻贊焉竝

傳爲吾家盛事六贊曰

瞻彼黃耆眉龐目煖上庠國老南斗瑞星鳩杖  
在手九節仙靈白鹿濯濯騰倚于亭子畏名筆  
丹青其形林宗高士貽我家庭三山京口可以  
作銘如川方至如岡永齡

石贊

醉而采里醒而平泉依稀乎鬱林之廉

孔望山在東海上海州刺史鄭復亨磨巖

而請余銘銘曰

香齋文集

卷之十

十一

積石巖巖東海瀰瀰伊誰登之大哉孔氏歷聘  
列國問官鄭子從游之徒斷斷闕里雅頌既釐  
春秋成史顏淵喟然曾參也唯吾道萬年流行  
不已觀海于瀾真難爲水豈無主侯何能似此  
當時則祭沒則已矣東泰在瞻沐浴伊邇勒銘  
高山景行行止

鏡銘

應而不藏勝物無傷至人之心無迎無將

書燈銘

惟日不足焚膏以續

犧首盃銘

漢之制犧其首造明時歲癸酉禮飲之將進酒誰作銘淮陰守

端溪硯銘

得爾嚴山封爾卽墨文章光滲爾勿畫

白石硯銘

知白守黑耶草玄尚白耶誰汝之擇

永康硯銘

惟奇石出灌口楊用脩譜爲晉君携之稱益友

銅雀硯銘

魏武臺建安字千秋遺瓦用不置

筆銘

吾不爾投爾不吾夢恨哉衮鉞毛穎之動

墨銘

易磨者形永存者神君子則之其名不涇

顧愷之眞蹟跋

此虎頭創業圖自伊尹佐商至王猛強秦計十

三幅藏在秘閣者不知何時流傳人間先代題詠詳矣余每展翫君臣之間情分昭然昔人謂象人之美張僧繇得其肉陸探微得其骨惟顧得其神覽之良然

吳道子眞蹟跋

杏壇一圖唐吳道玄所繪運筆工緻顏色如新後有裴相公度楷書七十字姓字可稱二絕家大人珍愛之以爲視之如游涿洳間當時以有若似夫子今求之莫得豈所謂氣象又不在貌

耶惟顏曾能傳其心而道玄亦能傳其神

黃庭堅眞蹟跋

黃太史經伏波神祠詩自謂病起而書鬚髮盡白蓋老筆云詳在周公瑕跋中復摹而勒之石其詩悲援有功名之累不聽少游言嗟乎文淵謂老常益壯烈士當如是卽山谷之字不有據較嬰鏢狀耶

趙孟頫眞蹟跋

余藏松雪齋墨刻頗多而赤壁一賦乃子昂手

書精神適逸令人把玩忘疲昔許與興書如刊  
鳳翔齊祥雲捧日員與赤磴河山爭雄長哉卽  
蘇文忠公善書恐常避文敏三舍矣

薛君采手書跋

在家大人輒道亳州薛君采云及讀考功集老  
子解古稱作者非耶後聞長老言先生以文字  
交故相故相竊權先生謝絕刪去其往還詩鳴  
乎美新附卓之辱永王叔文之累文士蒙詆千  
載難洗而先生之識遠矣頃會嗣子鴻臚君道  
行問先生著書多不存出所與馬伯循崔子鍾  
諸公書二册第俱索不耳字畫楷密收爲世藏  
道行其知讀父書者哉

唐先生手書卷跋

荆川先生與家按察公序此書十章先生視師  
淮陽報家按察公于職方者今集中止刻其一  
餘俱先生手書其言欵密如面絕無世會語又  
字畫類眉山余珍襲之昔人得劉弘一書賢于  
一都從事余于應德亦云

青溪社中卷跋

二雁山人康裕卿有詩名在江海端齋而余見  
擊筑而和余歌甚囑也偶持一卷乃金陵故人  
寄山人詩山人思歸矣余讀之則大史邢鳴陽  
歸山結青溪社與文學金在衡太守姚禮卿鴻  
臚姚元白父子諸顧如懋基孝常孝正孝先孝  
康皆尚書顧華玉之後也其詩飄然絕塵有振  
衣牛背濯足龍磯之態至聲調逼唐無足論矣  
山人情興類是卽諸君安能舍山人弗招以詩  
乎諺曰綿綿之葛在于曠野又曰孰爲爲之醜  
令聽之余竊憐才而感知音也

會金堂祠碑跋

吾郡曾公尹金堂有善政金堂祠焉公曾孫三  
甫尹富順導人陽白先生賦詩命謁先生在比  
部向余誦之嗣致少參政愛都御史封而三甫  
撫蜀遷少司馬行不佞入蜀吊祠下父老談前  
事先生寄詩刻焉昔朱仲卿祠鄉自謂子孫  
奉之不如也金堂顧桐鄉哉乃顯揚若先生父

子蓋希遊云

跋宋喻汝礪漱玉巖記

宋喻公漱玉巖記自號四奇何振卿收入游名山集中余試士過蘭詢故處蜀父老不知也憲使上元德愛前記勒諸石喻知閩存善政卽山川被其清風古人之高如此王公墨妙古以爲囊中裝充五奇云

書吏部司務題名碑

此青州公往在吏部題名碑也吾鄉太史童公

表叔尚書傳公及家接察公會各題下方其言

足重云今

碑下

部政時走廳下懷公不置隆慶庚午守淮大人乃曰興學勸農追烈祖哉小子跪而拜命後得齊乘楚志二傳書于前章太史公恨未立公之傳今名宦鄉賢赫赫金石尚書公謂徵陳氏文獻者不但有茲刻乃今觀之良然萬曆戊寅爛以山東參政督漕思過青州謁公祠下乃公明不果書以志感貽我來世按察公謂公名秩在

銓曹功業在海岱必有慈孫揚焉尚遠遂不敢當况小子乎因候後之顯而有問者

潘中丞公卷跋

往年乙丑潘先生佐大理燭許事命賦昆蟲草堂庚午先生撫河道燭守淮命賦留餘堂戊寅先生督河漕燭參政命賦芝林己卯工成燭獻瑞龍頌云昔韓愈自謂下鄭相公事之祭酒事之東太學事之居守三爲獨更經時五載奇造矣况燭三事先生又在世好十年間乎先生命手書前作愛我哉忘其陋也吾友周公駿善詞翰聞訪先生翻翻書記不殺形穢矣

瑞龍頌

今皇帝軫念江淮命潘公總河江公總漕二公蓋同心云舉河入海淮晴天治有黃浦口者屢決始寒神龍出焉適得脫骨仁公獻于朝上大悅而異之珍于內府燭曾爲頌頌焉淮安太守宋君伯華與更于淮及生于淮者歌以久之燭覽而嘆曰九功惟叙宣房作宮其歌在千秋



之上至今洋洋乎盈耳哉考其金簡玉書得于  
宛委沈璧負新勒于甄子歌聲偶致耶卽二公  
當平世建萬世永賴之功主德邁漢遠甚其  
舜禹之交乎昔人言得九六之數者有變之理  
焉龍八十一麟皆九九之數也地平天成大效  
厥靈乃册中多紀瑞之辭不佞以爲治世之音  
時而颺之俟觀風者采焉

蘇東坡蜀岡詩跋

揚州上方寺有蘇公詩隆慶庚午燭守淮憩焉

蘇東坡蜀岡詩跋

卷一

蓋宋元祐七年公知揚自比于騎鶴仙云其送  
人官嶺表惓惓于食泉之酌是清且惠也豈獨  
詞翰美耶萬曆己卯余以參政入揚比部袁公  
訪余言公詩剝落戶部公使揚謀刻諸石命  
余一言袁公名福徵華亭人曾謫黃有蘇公風  
冷公名文煜銅梁人雅意鄉之先達者寺僧其  
永寶之

刻家集跋

諸清與中家大人牧按察政居見南江閣梓平

生所作爲詩選文選後結借山亭刻前集續集  
間來青軒刻詩文二選皆隆慶間作也萬曆以  
來徘徊退樂軒以名其詩華亭莫子良方伯書  
贈大業堂以名天牘諸公序之許矣通計數十  
卷不肖總爲蘇山全集征辛未守淮蒲州少僕  
張相公序之丁丑督學入蜀果州少傅陳相公  
又序之二公知大人最深中悲大人功川未起  
卒文采足垂遠久而惓惓屬小子以大其業乃  
小子委瑣齷齪將何爲哉將何爲哉退而述其  
大致貽我來世所著職方題稿復中語錄迦談  
語解汚陽人物考夏泃樂府高年會錄各爲成  
書藏于家

王鹿僊日記跋

其哉顧廷評得古玉璫乎何寧官之像俠鹿爲  
從也又何夜夢僊也作玉鹿僊正記余活上  
蒼翠在格墨間長庚善繪莫能圖也仲長仲仲  
宇內游好而以不佞爲神父其時騎白鹿而遊  
焉陳生非夢矣

跋凌中丞遺墨

往凌公季默守河余以童子相待公出劉元瑞孫太初手書更出乃祖中丞公所臨洛神賦其玩意以臨池之業望之乎而少不知學二十二年後復見此帖于公子述知處夫李北海深悟太令尚病其敬跋若中丞者頓還舊觀矣憶世廟時隨家職方公入大內見中貴人指門殿諸扁咸稱凌公凌公云中丞以字學受知文皇歷事仁宣二廟蓋有殊寵云

外護書卷引

少虛童子閉關好長生許在外護書中少白李予書之而昂生王子圖焉將之東吳顧余一言余聞天隱子謂齊戒為信解安處為定解存想為閑解坐忘為慧解至四者通而後為神解少虛定且慧矣思神解乎近日吳下張幼于寄余臺陽僊女像奇甚又讀王元美先生之傳飄飄有凌雲氣少虛往而質焉飲青精而啖水桃仰闕風山可到矣書此壯之

書五嶽真形圖

此圖乃五嶽真形家君子贊而藏之不佞少以為號一日詢圖所自始家君子曰古篆符之文枕山棲谷之士佩之以消妖毒者也漢武帝得之王母藏柏梁臺中太初中李充負此泛海無虞真物外鴻寶也小子識之肅皇帝乙丑余登進士官人聖寺評事許太僕元復紫山人季通刻此圖為銅章惠燕梁中舍思伯梁廷評彥國又繪為圖陳方伯子兼書五嶽山房仙書豐更部人季黎秘書惟敬徐方伯子與甘憲副征甫郭山人次甫為詩壯之五君俱屬余志五嶽穆皇帝庚午出守淮安登太和甲戌入朝過新鄭訪大學士高先生先生余南宮座上也別時指中嶽余單騎往抵登封縣八里至黃蓋峰謁中嶽廟有唐徐浩八分書宋王曾本勅撰碑登山絕頂謁降神幾有中甫像游廬巖寺有唐盧鴻隱處游嵩陽觀有漢武帝萬歲山所封大將軍二柏游少林寺至五乳峰有達磨面壁像

其徒惠可付之雪深至腰。有立雪亭。跋陀翻經天降甘露。有甘露臺。唐曇宗授大將軍。有武藝僧。其蜿蜒磅礴。有堯聘許由處。有周公測景處。有王子晉吹笙處。歸聞于家君子。家君子曰。昔歐文忠公至嵩山。尋韓文公天封宮題名。以爲快事。汝何以答山靈耶。欲爲中游記。而遂巡入蜀。記峩眉之游。高蓋十倍于嵩矣。今皇帝戊寅。以山東左叅政督漕事過濟寧。游岱宗。山在泰安州之北境。余由紅門過高老橋。走石經峪。觀秦曬經石。讀少司馬萬公水廉洞記。經馬棚巖。回馬黃峴二嶺。過南天門。觀宋真宗御帳。及秦封五大夫松。一松在別澗。號處士者。余比之魯仲連。自走路稍平。輿人名曰快活三。復由迎陽洞大小龍口。雲梯數百丈。上下十八盤。比至天門。湯然平壤。謁碧霞元君靈應宮。後北至巔。觀秦皇帝無字碑。唐玄宗磨崖東封頌。南登日觀諸峰。及古封禪臺。若增而高。若廣而厚。秦漢有侈心哉。留三日始下山。過靈巖寺。深明公石。

來鶴泉鐵架梁。齊般洞。爲宇內四絕。余游棲霞玉泉。不知國清似此否。宿一名過曲阜謁闕里。瞻先師遺像。觀手植檜。讀米元章贊。過陋巷。謁顏子廟。過孔林。拜先師伯魚子思墓。尋子貢所築室。所植楷。過鄒縣謁孟子廟。周旋衍聖公顏孟二博士者幾旬日。家君子又命余作東游記。而王學憲敬美有作。寄余大都相同。余可無言。獨余未及吊李于鱗墓耳。吳大叅明卿見余東岱詩。報書曰。二十年前與于鱗約。此生不登泰山。不過闕里。非大也。今于鱗古人神愴矣。足下好遊如子長。東岱者其龍門禹穴乎。余甚愧焉。黃文學淳甫見余嵩山詩。報書曰。先君勉之。與李獻吉約。先二室而東岱而諸嶽。竟不果也。足下償此願乎。李尚寶伯承寄余五嶽圖考。期余共游。考言泰山尊也。華山高也。衡山廣也。嵩山中也。恒山急也。恒在大同府渾源州。曲陽之祀非也。丘文莊馬端肅有論矣。何觀察振卿見余大和峨山記。報書曰。此

下當與馬第伯封禪儀柳愚溪諸篇千古比隆  
矣。復寄游名山記以當卧游。少司馬王公新甫  
復移書讓余曰。足下奈何周情五嶽無意虜庭  
耶。巡邊諸草幸留意以爲它日封狼居胥之助  
偶以前書質家君子。家君子曰。余兵備井陘嘗  
登北嶽廟。伯承言不虛。後讀唐李冲昭南嶽銘  
元王處一西嶽錄。具于今之志者。又聞汝談河  
洛齊魯之勝。岱衡嵩華在阿堵中。余老矣卧游  
耶。遍游耶。不暇游耶。安能爲汝謀耶。獨諸公愛  
汝等山嶽哉。可書之以慰高山仰止之思。

脩築古城口并建碧霞元君祠募緣疏

陳子讀禮江閣二三黃髮告余曰。江北古城一  
郡地脉也。水蕩而城缺。尊公及張別駕曾議築  
之。今遇良父母矣。而公可圖乎。碧霞元君棲在  
東嶽。世稱娘娘廟也。禱子者輕千里宜祠以鎮  
口。而公可文乎。陳子唯唯。乃言曰。善。生心樹願  
結因。牙涉本縮水而爲州。茲又臨河而稱昇漢  
恒帝之過。雲夢倪文俊之陷。王沙轉轂駐三江。

北環城開七里之名。洪水多年缺口。數處行  
路者痛其無梁。堪輿家恨其少洩。惟版築賴衆  
義之倡。乃鎮定籍神謀之助。遙聞玉女降自天  
仙。居東岱之崔嵬。主中原之嗣息。况乎時逢聖  
世。遐齡祝日。觀之峰兼之郡。遇循良熙皞樂天  
庭之上。緣夷嚙而拓架地。險天成。傍巖突以欣  
神風。藏雲構。耽耽具闕。香火達靈。乎華夷顯顯。瑞  
宮靈應。近期于江漢。或施穀粟。工成大假于西  
成。或布金銀。心地廣開。乎福地紫煙。碧色依稀  
赤斧之來。丹溜霞光。彷彿白環之獻。昔頭陀倡  
教。簡棲尚樹。乎豐碑乃勝。相藏經蘇軾亦先于  
泰記。徽烈倘傳。夫來哲鄙言。或繼乎前脩。已成  
善業之根。無遺畫虎。佇看功德之報。定爾驂鸞  
敢假赫號。宜爲露草。

存耕倉銘

昔人言但存方寸地。留與子孫耕。余名倉  
曰存耕。而爲之銘。

無曰千倉無曰萬箱。心如穀種。存之者昌。

其二

芒芒原隰油油禾黍我倉既盈而遠碩鼠

其三

不昏作勞罔有黍稷是藎是薦我庾維億

其四

雖有尺玉不如斗粟量入爲出嚙乃足

其五

如苗有秀以沙參粒慎之擇之毋泥所納

其六

盤中食農人汗佃可恤而不可殘

其七

先了官無道而國急可周無閉而糴

碧霞祠爐銘

蘭煙吐兮慶雲色嘉此器兮永無熄

雲板銘

大小叩和且平依稀乎鐘磬之聲

玉磬五贊

若鴻輕叩若鸞舞叩若告以愛者途人禹耶

其二

華之陰泗之水擊之拊之一夔足矣

其三

勿蹈而海勿糴而齊懸我青黎

其四

萬物告成天下樂之聲聞過情君子耻之

其五

談有俗汝代清聲爲律汝永名

六石贊

陳子構太湖六奇石置寶綸堂前狀若龍

虎若龜鳳若雲飛而人立也諸君以意贊

而不佞以形贊焉

或鞭而睛或鞭而雨神龍之盤澤物爲主

二

嘉石則平肺石則達虎視眈眈永鎮而宅

三

負形萬古橫波九疇靈山之瑞玄衣督郵

四

萬仞而立五色而文叩之鳴世既和且平

五

得爾太湖疑爾支機翳乎粵草蒼狗白衣

六

拜則丈人呼則令史願為良臣貞介如此

龔懋炳字說

余訪同年龔子來于益丁樓中子希富少而才  
方游郡校子來命余字之余曰而所希者非周  
富辰漢富宗宋富弼乎子曰懋炳可也唐虞之

上卷

手

際君曰汝弼臣曰弼諧是富有之大業也乾乾  
夕惕若蓋有日新之盛德云故曰格君者大人  
也大人者不失其赤子之心也富彥國相素並  
韓范幾于大人者希之則是子來味余言請書  
為字說俾顧名者思義

兼葭館校梓

二酉園文集卷之十四

終

道光甲辰自京寄書  
成豐壬子由楚寄書  
再閱一過仍復寄書  
兼葭館校梓廣作書

跋

余小子鮑甥館悉茲二酉藏書得覽  
諸集徧讀之斤斤乎若有概于中也  
楚自倚相屈平而下其材足多即今  
二二大夫蔚然以楚產取重要以本  
實峻茂柯葉扶疏則二酉職之其斯  
為萬乘器也載而入社允以質長公  
長公先得余小子心言若右契獨以  
遊各為帙體式異齊必統之同始出  
一軌于是為之部署稍芟其繁屬潘  
生黃生詮次八梓郡伯瀛南高公疇  
皆淮陽同事為之授稽居肆以贊其

成居無何集定矣舅方為閩方伯奏  
 之閩中竊惟三世通家則曰王舅王  
 父始以論著既以婚姻無論舅甥  
 儼然父師具在以世講則紹之乎膺  
 也父以世業則猶之手膺也師律以  
 象賢余小子無能速肖由是而步由  
 是而趨祚于斯庭于斯操几杖于斯  
 庶幾乎弟子職也非直子壻禮之工  
 既畢事繫斯語以為矢言  
 嘉曆甲申嘉平吉日子壻龍膺書于  
 新都公署之斗舍



二酉園詩集目錄

卷之一

擬古樂府東武詩一百四十一首	漢鏡歌十八曲	朱鷺	艾如張	翁離	巫山高	將進酒	芳樹	雉子斑	上邪	遠如期	隴頭歌二首	入塞	黃淡思歌二首	幽州馬客吟歌五首東光	烏生
		思悲翁	上之回	戰城南	上陵	君馬黃	有所思	聖人出	臨高臺	石流	出塞	紫騮馬歌二首	捉搦歌四首	陌上桑三解	

董逃行五解	善哉行六解
秋胡行四首	東門行
西門行六解	艷歌何嘗行
飲馬長城窟行	子夜歌十首
艷歌行二首	前溪歌七首
子夜四時歌八首	七夕夜女歌二首
團扇郎二首	懊儂歌四首
伸絃歌十七首	道君曲
宿阿曲	
聖郎曲	嬌女曲
白石郎曲	青溪小姑曲
湖就姑曲	姑恩曲
采蓮童曲	明下童曲
同生曲	石城樂四首
莫愁樂二首	襄陽樂六首
襄陽蹋銅蹄三首	夜度娘
雙行經	作蠶絲
楊叛兒二首	胡姬年十五

東飛伯勞歌	愛妾換馬
登高丘而望遠海行	
四言古漢陰詩十一首	黃蓬詩七首
壽曾司馬	題王母圖有序
瑞鳩詩爲景略賦	
余新居復中坊鵲巢堂右表叔尚書傅公	
題爲瑞鵲堂賦八章呈家大夫	
五言古	漢陰詩四十六首 准上詩十六首 西野詩三十九首 金焦詩十首 東岱詩六首 黃蓬詩三首
擬古三十首	
李都尉陵從軍	蘇屬國武別友
班婕妤詠扇	魏太子丕公讌
陳思王植贈友	劉文學植陪讌
應文學瑒侍集	王侍中粲懷德
阮步兵籍詠懷	嵇中散康言志
張司空華離情	潘黃門岳述哀
左記室思詠史	張黃門協苦雨
劉大尉琨傷亂	盧郎中謏感交



郭弘農璞遊仙 孫廷尉楚雜述

許徵君詢自叙 殷東陽仲文興囑

謝僕射混遊覽 陶徵君潛田居

謝臨川靈運游山 顏特進延年侍宴

謝法曹惠連叙別 王徵君徵養疾

袁太尉淑從駕 謝光祿莊郊遊

鮑參軍照戎行 休上人怨別

卷之二

五言古

西園詩集 八月錄

將游五嶽詠懷十首

雨中讀茶經 大堤行呈汪襄陽伯

玉 聞邊報呈職方公四

首 送同年王應忠尹舒

城 席上投別童子

雨中雜興六首 送明叔兄南歸

塞垣行得西字同社中諸子賦

謁夷齊廟得寒字同陳維錫太史賦

擬陶靖節飲酒同沈子靜檢討賦

別包元夫使淮安四首

遣兒歸省大人書懷八首

別蕭文明比部 別李本寧編脩

寄馬鴻臚 別方山人四首

歲暮書懷四首 舟中別魏季朗

與孫兆孺舟行有懷按察公

別孫山人兆孺 別沈山人嘉則四首

將游太嶽書懷二首

悼亡詩 小閣上作

西園詩集 八月錄

天柱峯 飛昇巖

曾然菴 誦經臺

入蜀 瞿塘峽

滄瀨堆 入陣磧

巫山高 酬熊茂初吉士見贈

時謫常德 游凌雲寺用曾中丞

韻 中巖寺

游杜工部草堂 青羊宮

浣花溪納涼 登陳子昂讀書臺

大竹道中

嘉定早發東李元甫

脩撰王引瞻少叅

余入峨山鑑燈沙門隨處索題口占付之

直鏡樓

歌鳳臺

雙飛橋

白水寺

頂心坡

雷洞坪

猢猻梯

歡喜廳

光相寺

現光臺

峨山絕頂訪通天上人

三西園詩集

一自錄

六

九老詩有序

送張子常太僕之濟

東

張羽王至成都

輓袁魯望學憲

輓魏順甫憲侯

哭王引瞻少叅

留餘堂有序

觀孔廟手植檜

登古封禪臺

黃清父俞公臨二文學過訪

雪夜訪郭次甫焦山

八哀詩有序

石林庄同友人納涼

書李秀才扇

書庄上壁

卷之三

七言古

漢陰詩十七首

廷中詩十七首

淮上詩三首

嵩和詩四首

西蜀詩二十一首

東岱詩二首

金焦詩二首

黃蓬詩四首

鳥夜啼

鸚鵡洲晚眺

猛虎行

行路難五首

秋夜長

隴頭吟

結交行

放歌行

長安道

從軍行

將進酒

哀少婦

哀江南

觀王右丞維滄洲圖

歌得峯字

雨中懷江上草堂叢

東包元夫計曹蕭文明比部

送李孝甫太僕還四明

陳維錫太史夜過席上得明字酒酣遂成

長短句

寧海

天台行送邵司訓之

督學

西華行寄懷曾以三

已巳除夕擬杜七歌

三西園詩集

一自錄

七

送郭承芳僉憲河南

梁舍人思伯寫見南江關圖書寄大人燭

爲短歌附之

出塞行別楊參軍之

人寧

虛舟歌寄懷鄭山人

中伯兼詢謝茂秦消息

淮河行送高郡判東歸

醉後別管山人

黃金臺歌寄大兄北

試兼懷孟以賢

宿大嶽絕頂夢中成

長短句

匡山行贈李子少白

明妃村

南叔後憲使召飲望

西園詩集

目錄

峨亭以雪大不果游成長短句

酬山人王寅見懷兼以招之

寄懷孫山人兆孺時訪王元美中丞

賦得青城山歌送王召之憲使入賀

西征篇有序

周公瑕爲余書浣花

草亭碑寄謝

飲陳于韶憲使臥雲

樓醉賦

大峨行

送高敏甫檢討北上兼寄陳仁甫宮贊

酬謝山人茂秦見寄之作用原韻

瀚臺雲馭歌有序

寶劍歌送羅一化少

參之滇南

圭兒北上應試歌以

送之

紫宸宣對歌爲管建

初賦

池口驛書懷

小孤山歌寄廖子占大尹

卷之四

七言古

還山吟寄康山人裕卿歸永嘉

寄贈李本寧脩撰之陝西分省歌

西園詩集

目錄

金陵歌酬方子及戶曹兼懷山人周文美

莫公遠

寄送程孟孺秀才訪

王元美中丞時客家兄霍荆山房

江樓漁隱歌爲甘征甫憲使賦

處士松歌有序

登泰山絕頂觀日出

歌

京口舟中別莫山人

公遠

夜泊高郵湖上投吊

朱九江子价宗學憲子相

五言律

漢陰詩十八首  
延中詩一百九首  
嵩如詩四十首

西園詩三十六首 東岱詩十四首  
金焦詩三十一首 黃筵詩三十一首

峴山

送和叔兄南歸

懷范伯積

秋夜懷按察公

送趙仲璞應試

鸚鵡

閣夜呈家大人

飛花

送董三丈北上川原韻

五峯山色

三灘波光

滄浪漁唱

柳口樵歌

丙穴釣秋

荆樓玩月

西園詩集 一百餘

東沼紅蓮

西城古栢

草堂即事

送友人之南都

夜夢子壽解元

與陳公望吉士夜話

夏日訪戴金吾伯常次吳明卿韻

寄徐子與使君

懷大人

懷大兄

懷內

懷錦兒

懷五兒

陪祀山陵二首

別正卿叔還江上二首

得華容孫子書

送襄陽孫都閫之貴

陽

秋夜省直二首

送史劉兩生還沔

寺中訪明叔兄

十一夜望月

十二夜對月

十六夜月聞簫

十七夜月

宿昌平館呈張子田

送項思堯下第還永嘉

憇海印寺四首

偶述

送張山人碩夫遊華山

送項思湯還永嘉兼懷思堯

西園詩集 一百餘

送傅計部使楚兼省太夫人

送梁彥國廷評之留都二首

懷童少達

聞鴈

方子及進士李元甫李本寧二翰史夜過

得虛字

懷曾以三督學

集王觀生

集包元夫

集丘子雲

集蕭文明

送沈箕仲秀才還四明

懷吳明卿使君同康洪二山人賦

送人之軍中得城字

柴門得車字

署中睡起

寄和叔大兄

送詹侍御汝欽南還

四首

送費參軍之留都

寄袁履善先生

二首 送丘子雲計曹南歸

訪袁魯望吏部得秋字

送童子鳴山人還越

蕭文明夜過因憶劉子和羅伯現丘子雲

長逝

雪夜同沈子靜陳仁

西園詩集

八目錄

十一

甫二太史飲楊懋功儀部宅得尋字

雪夜得王素張江浦書却寄

送孫職方兵備浙江

二首

雪夜答中伯鄭山人見懷之作時山人年

八十餘矣

同陳仁甫檢討黎惟

敬秘書李維寅環衛康俗卿管建初山

人對雪梁思伯舍人館得溪字

除夕前一日同蕭文明比部訪吳仲立僉

憲于報國寺

送謝子卒業南雍

同楊懋功祠部訪曹有卿大叅于康山人

裕卿館

贈了心上人

二首

送康大尹之河內

生兒志喜

送卓漱甫歸錢塘

寄堪佳二姪

答許高陽太僕

卷之五

五言律

成仁卿山人過訪得林字

送王素張中舍之溧水

西園詩集

八目錄

十一

重陽前一日別董子

中秋無月遲康山人裕卿

送李孝甫司馭還四明

七夕酌包元夫蕭文明

送袁魯望吏部之金陵

得李潔夫見懷之作却寄

寄洞山周上人

送胡一重給事使周

藩

陳太山宅上送其子

已蘊秀才南還

送龔子來尹清苑

送周子相尹南宮

送陳仁甫太史使楚

八首

同丘汝謙飲高戶部

宅得泉字

送彭生與白之四川

宅次丘韻

重九前一日同蕭文明餞別包元夫使淮

九日陳仁甫太史梁思伯舍人邀登靈應

閣未赴

別李君寵

登赤壁山懷袁履善先生

蕲州夜泊

富池驛阻風

西園詩集 八目錄

彭澤阻風

登小孤山

望江舟中與張名可共話

舟泊安慶

泊銅陵有懷家大人

金陵雨泊有懷家兄

湖上東徐寶應

除夕同張名可席上

賦

金陵雨泊懷費參軍

馬鴻臚

酬許文夫計部見投

之作

周公瑕過淮見訪

懷陳別駕歸田

送蕭司訓綿州

陳仁甫檢討使楚游南嶽過郢中登黃鶴

樓有三詩懷余因賦却寄

送徐惟得應召

送胡從治計部還朝

寄胡計部

寄丘汝謙計部

舟中七夕

江都謁董子祠

送劉職方赴南都

送王司理之常德

舟中送袁履善先生

中秋同張名可兼送呂子敬南還

送許文夫計部還朝

西園詩集 八目錄

九日憶聚星樓

九日宿黃堽寺

重九後一日盱眙道中

送張名可還汴

送博士陳心伯歸田

寄康山人裕卿兼詢吳明卿消息

得馮汝行別駕書却寄兼懷汝言光祿

廣陵舟中得讀家大人夏泃樂府

除夕

送楊懋功之姚安

管建初山人見訪兼懷黎惟敬梁思伯二

秘書

得柴山人李通書却

寄

得丘計部汝謙書却

寄

舟中同張羽王司理

賦

喜沈祠部子文楊姚

安懋功張司理羽王金在衡周公瑕管

建初三山人同客淮上

送許大還華亭

送談太常思重北上

送袁魯望督學山東

送大兄北上

安東署中夢成仁卿

答吳博士叔舉

送鄭伯原博士之贛

王西園詩集

八目錄

十六

州

酬吳曰南秀才寄家

大人之作

贈萬臨海

秋夜得家兄書

吳汝奇招飲寄寄亭

讀包元夫壁間之作

夏日酌吳使君山亭

答蕭文明比部見懷之作

席上贈張別駕

泊舟赤壁懷曹憲使

重九前二日同張羽王司理別梁思伯舍

人分得頭字

九日寄周興叔通政

劉學孔光祿

得劉子威侍御見懷

之作却寄

得李元甫編脩書却

寄

次張羽王參軍見貽

韻

與孫兆孺舟中夜話

得卿字

送胡侍御南還

讀孫洞庭漁人集其子兆孺屬余作傳賦

此輓之

廣陵舟中寄黃興客

并令郎伯仲

泗州道中

送潘孟澤兄弟應試

王西園詩集

八目錄

七

贈程孟孺秀才

送陳汝聘比部

別懋甫程山人兼聞王仲房有浮淮消息

三月三日王仲房山人過淮以詩見投作

此招之

送楊維喬侍御北上

送陳懋脩給事還朝兼懷李子復京兆

送戚二叅將之浙江兼懷戚大總兵方山

人塞上

夢竹書吳孝父卷

送張司理羽王北上兼寄黎秘書惟敬

吳曰南秀才過訪時許太常邢學士朱比

部金山人寄余江樓吟望卷得名字

酬襲懋卿博士見投之作

倪博士以詩字見投併示謝山人茂秦諸

作感賦

吳山人元止過訪

寄楊大叅

懷李秀才千里

送李侍御孟敬按楚

寄懷劉司理達可

送王元美按察楚中

一首

贈高仲亨參軍

寄懷謝子宗鴻臚

送楊少府入賀

西園詩集

合錄

大

送林文肖守荊州

得謝茂秦鄭中伯書

東郭次甫

陳德周談金山之勝

賦訂後約

陸無從紀旭仁飲報

國寺中得聲字

同陸無從過寶應湖

懷王元美敬美

別陸無從歸揚

答貞吉伯仲兼寄余德甫

寄俞仲蔚

送盧大理守南康

卷之六

五言律

寄張助甫吏部

送李文仲山人南歸

兼寄乃弟伯英吏部

酬胡原荆侍御兼寄王承甫安茂卿

答余德甫朱用晦

過真定憶家大人兵

備井陘感賦

過安陽寄謝山人茂

秦

望太行山

穀城山行

光化吳大尹召飲福

巖寺席上賦二首

太和宮

紫霄宮

西園詩集

合錄

十九

南巖宮

五龍宮

遇真宮

玉虛宮

迎恩宮

淨樂宮

過鄧中贈目者

過石城夜懷曾大叅

送費茂才應試

送蕭仲馨應試兼懷

尊君北遊

淞浪別業同按察公

送家兄兩姪應試

壽胡徵君

過庄上喜會諸父

十五夜同高王諸都閫及家大人對月傳



司徒山亭

過泗水東庄

同年陳子壽李和載過訪

送朱在明典客使楚

聽雨軒爲彭進士穉脩賦

謝山人茂秦過訪席上賦

答謝茂秦山人送余遊少林詩有千峯雲

共白二水月俱寒之句次韻招之

白松

嵩山寄張助甫吏部

往寓書有共游之約

西園詩集

八目錄

十一

訪謝茂秦談救盧構事賦贈

送徐惟和之貴陽 壽譚子禮

送李少白遊金陵 酬張貞卿秀才

壽孫受甫總戎 飲蕭凌喬宅得濱字

蕭徵君費呂王趙四進士餞余寺閣得朝

字

同日得黎惟敬內史

盛仲文秀才書 宿沙洋立秋有懷家

大人 唐安寺別成仁卿

子忠二秀才時空吾土人與焉

寄圭兒

山家

寄謝少安中丞

游中巖寺八百有序

烏尤寺同南憲使作

得平陽胡使君書兼寄康山人

除夕

得楊懋功罷郡之報

感懷兼寄芙蓉社中諸子

岑公洞同王引瞻少參賦

靜遠寺

宿慈雲寺讀陳子兼

學憲壁間之作感懷雲臺山懷李元甫

西園詩集

八目錄

十一

脩撰先余游此有作見寄

送胡參將之永寧 得蕭文明太守書

酬諸給事見懷

叙南道中懷曾司馬

寄凌上卿二守兼懷維揚社中陳高王錢

諸子

寄懷童少遠應試

得李本寧關中書却寄

送蔡用卿大參之廣東

余得米文與可字碑友人李元甫脩撰爲

詩記之囚次其韻亦蜀中奇事也

金沙寺

薛濤井

同梁尚賢大叅范子大僉憲中江響雲寺

閣

懷王明受計部

得沈子靜司業書却寄

酬蹇平陽汝上見懷

聞轉東藩志感

送楊直卿進士令保

山

別梁尚賢大叅

雪夜懷陳于韶憲使

夢邵晦之淮安却寄

西園詩集

八目錄

卷一

望牛頭寺用杜韻

上牛頭寺用杜韻

閩中留別王元德憲使

大人家兄遣使至巫山先歸

送凌尚卿之蜀

禪寂寺與峴雲上人

談經

黎秘書惟敬李臨淮

惟寅過訪

壽劉左史雙壽爲同

年伯時太守賦

金山人在衡遣子秀

才謁余淮上詩以別之

登金山寺次唐張祜韻

次唐孫魴韻

賀明叔兄得孫

焦山訪郭次甫不遇

京口舟中哭內兄童四

答許殿卿長史見懷之作

舟中別御史葉男兆兼呈座上張學士

同莫山人公遠泛寶應湖

送潘公子應試

吳山人孝甫走使京

口却寄

送莫廷韓北上

袁先生遣季子非之訪余瓜渚時過南雍

西園詩集

八目錄

卷一

胡山人茂承過訪兼得許維禎祭酒書

遣使詢方子及留都

端午懷家按察公二首

送周繼元主政還南都

鍾繼文戶部還朝遣問京口賦謝

金山寺寄徐惟德太守

同康山人哭先兄有作

喜方子及戶曹至自真州

得馬都閫書却寄 蘇伯華山人以鵲

詞謁余賦贈

送方子及謫雲南批

舉

得張幼于書寄懷

夜宿金山寺讀顧更生評事壁間見懷之

作

舟中同郭次甫望三

山

別李茂叔文學

華巒山房爲王用懷太守賦

送明叔兄北上兼寄陳祠部費給事

送吳志說憲使之蜀

彭城別張登卿大參分得齋字

西園詩集

八目錄

王

九日同郭次甫登焦山集鳳亭

崇鳴寺

靈福觀

送劉朴先進士尹會稽

壽盛母八十

題采菊園壽盛山人

泰甫

送蕭文明參知之淮

賀胡國承新居

送程生之徽州兼寄

龍司理

李山人君實過訪

喜吳江沈封君過訪

葛仙草堂爲內江周憲使賦

送周少府之鞏昌 別麻城侯子

送蕭文碩秀才應試

寄邵給事守成都 別鮑保之時訪其兄

遠安令

吳山人孝甫過訪

送張貞卿秀才之京師

舟中別龍君善司理

張助甫方伯黃定甫孝廉朱汝脩太醫靜

脩皎如二上人飲莫廷韓館

正月望日寇巨源柳陳甫二山人招同張

西園詩集

八目錄

王

助甫方伯飲澄市

同趙仁甫梅客生孝廉飲盛山人泰甫宅

遲萬汝脩兵部趙夢白戶部余君房工

部不至

寒食飲趙夢白計曹

時 主上有山陵之行

寶應別嚴子心兼寄郭次甫董述夫吳曰

南陸無從鄔汝翼

寄楊省韓大尹 采石懷龍圻君善時

司理徽州

寄任五安別駕

江上寄休寧曾大尹

曾尹成文昌閣有獻虎子者封虎觀聞而

賦之

富池夜泊寄吳明卿

大叅

邵子俊過訪得吳明

卿先生書

卷之七

五言排律

漢陰詩四首  
淮上詩二首

廷中詩七首  
西蜀詩六首

東岱詩六首  
黃蓬詩三首

金焦詩二首

飲化州伯有斐亭

五日袁刺史招同初

西園詩集

一目錄

三六一

幼嘉劉子和費以明王觀生吳仲立陳

子壽丘子雲飲潤公禪房

刺史袁公招同蕭凌漢凌雲凌達凌喬孟

以賢家兄和叔遊蓮花池

過胡侍御墓有感

讀梁公實詩感懷兼

簡倫紹周

喜雪 有序

予既為喜雪長律倫紹周見而和之雪亦

齊復次前韻

李本寧進士夜酌

送吳明卿之高州茲行得投吊梁公實未

句及之

壽傳表叔司徒六十

送費叅軍之留都

梁舍人思伯使齊過

淮舟中賦別

舉遠樓詩十六韻為

王中丞賦

嘉會亭同憲長林震

起憲副王召之僉憲周道可張子貞賞

山茶

送王召之大叅任廣

西兼酬華嵩見懷之作

送陳元忠編脩北上兼寄李元甫脩撰

嘉會亭同僉憲杜與言甄子一送憲長劉

西園詩集

一目錄

三七

養吾北上

送劉都閫入賀

送李舍人使蜀還朝

陳于韶憲使臥雲樓觀紅梅

昆山草堂為中丞潘公賦

謁闕里廟

游靈巖寺 有序

濟南道中哭沈子靜司業

望青州感懷 有序

同游懋甫方伯守歲

答慧敬上人

壽童母盧夫人七十

紫霞社得書字

壽靈壁侯湯母七十

七言律

漢陰詩十七首  
淮上詩六十七首

延中詩一百八首  
嵩和詩四十一首

西蜀詩六十首  
金焦詩十六首

東岱詩二十六首  
黃蓬詩二十三首

黃鶴樓

太白湖

秋日登郡城寺閣二首

送范伯楨南歸時學通政湯先生

僊女臺

江行

讀吳給事中余比部贈作有懷

同家兄渡河時庚戌虜警

黃蓬山

家園牡丹

三國詩集

八目錄

辛六

甲寅七夕

九日登洪山寺讀馮

于和吏部半峯長老壁間之作

陳空山人訪余有懷高司馬真無際氣

逼元龍更有樓之句次韻答之

送袁履善先生之黃州

夏沛草堂呈按察公

復中樓

酬郡守袁先生

兩中何啓圖編脩過訪

懷袁履善先生

酬馬鴻臚金陵見寄

兼懷伯兄司業

送同年歸熙甫尹長

興兼寄徐子與

送同年葉男兆尹福

清

送范殿元伯禎使魯

藩

登毘盧閣有懷大川

上人

九日署中有懷按察

公

秋夜同包元夫對月

送邵道微僉憲河南

懷李川甫先生

送同年陳懋脩使蜀

便歸

途中寒食呈包元夫

三國詩集

八目錄

辛九

大行

謁陵後曉行次郭承

芳見投之作

送王尚涵使雲貴

送同年熊中甫使關中

送王純甫侍御巡廣中

雨中口呈四叔一兄燧弟陸姪

秋日簡明叔兄寺中

七夕懷按察公

秋夜懷王素張中書

因呈陳子錫太史

秋夜懷李君寵

二首  
送沈茂才南歸

九日昌平道中 病起過成壽寺書僧

光堂卷僧鄂中人

寄周慕亭先生 除夕前一日訪倫紹

周得年字 除夕倫紹周過訪得

秋字 酬吳使君明卿見贈

雪夜同社中諸子飲張山人懋復草堂

送魏文可南歸兼呈尊公順甫憲使

問吳使君明卿病席間偶作

首夏同計部丘子雲比部蕭文明飲王觀

南園詩集 八目錄 手

生羅伯現二進士館中

送龐中丞屯饒五路

送劉學孔吏部之南太常

七夕 同李元甫李本寧二

翰史飲方子及戶曹宅分得羣字

得曾以三督學書 重陽後一日同李元

甫李本寧二翰林別方子及之全州席

間得軒字 王引瞻翰林劉元甫

進士兄過席上得盤字

寄梁彥國兼懷歐禎伯

飲徐子與觀察席上呈李于鱗參政

卷之八

七言律

同李本寧夜集李元甫時方子及刺全州

得懷字 送徐子與之武昌同

二李編脩分得陳字

同陳維錫沈子靜二太史李孝甫太僕柴

季通山人楊懋功客部宅得詩字

南園詩集 八目錄 手

得高州吳明卿使君書却寄

同甘征甫憲副張肖甫學憲飲李元甫編

脩宅得軍字 酬甘征甫憲使見贈

酬張肖甫學憲見贈

冬至早朝 送楊祠部督學河南

送李見甫戶曹之謫所先時上封事

答歐禎伯見寄之作兼懷梁彥國

徐子言廷評招遊摩訶庵沈張盧袁蕭杜

金王諸公靜堂上人在焉庵去北城十

里亦都亭佳賞也

守庵高僧不出詩以東之

送饒近剛侍御按山西

送王觀生司理之桂林

寄懷張以道中丞時有關中之命

題傅尚書風浴亭 雨中懷子雲時使

德州

寄懷鄭中伯山人

中秋十三夜同王儀甫太僕梁思伯舍人

李惟寅環衛王引瞻李本寧二吉士童

子鳴康裕卿

管建初三山人

飲陳維錫

檢討宅得頭字 十四夜童子鳴康裕

卿二山人過訪得歌字

夜過同年袁魯望席上得書字

同黎惟敬駕部梁思伯舍人訪袁魯望吏

部得蒼字 九日懷諸兄弟

陳維錫沈子靜二太史楊惟貞儀部黎惟

敬駕部梁思伯舍人

惟寅環衛夜集

得時字 送水養吾秀才還大

得時字

送水養吾秀才還大

寄陸道函太守

同沈子靜陳維錫二

李琢衛惟寅宅對菊

得寒字 送吳人觀武昌

雪口

禁小酌雪

雪夜懷包二六計曹

後何

人從感將

章

送宗文大行使山

玉

之

之

之

之

之

之

之

之作

元日書懷兼答陳維

錫太史見貽之作

送劉元甫計部使塞上兼懷乃兄性甫

別孫受甫都閫之貴陽

送毛尚書致政南歸

梁思伯舍人席上同諸公餞別黎惟敬計

部使塞上得青字

雨中喜艾純卿司訓至自恒陽書院

送范伯禎司業之留都兼懷通政湯先生

西園詩集

八目錄

五

送張子田僉憲山西

送易惟效大行使蜀

送沈崇善僉憲貴陽

送武侍御巡邊 寄懷王觀生司理

春日憶吾家壯計如畫美堂有斐亭見南

閣洛雲軒盛開可愛悵然有懷書寄諸

兄弟 同梁思伯舍人王敬

美楊懋功二禮部洪從周康裕卿管建

初三山人餞陳仁甫太史使楚喜象惟

敬秘書周公瑕山人初至得堤字

懷高王二都閫 歸熙甫黎惟敬二秘

書沈子靜大史梁思伯中翰王儀甫太

僕王敬美楊懋功將移之三祠部李惟

寅環衛周公瑕洪從周康裕卿管建初

四山人送余都亭席上賦別

漢津 漢口寄滇南憲使徐

子與 張山人懋復舟中讀

王儀部敬美詩 湖口

西園詩集

八目錄

五

李芳卿計曹招飲俯江樓

夏口寄陳仁甫太史使楚

除夕 別林文省職方還朝

得歐博士禎伯書 湖上柬徐寶應

四明薛茂才過訪兼寄沈嘉則山人李孝

甫司馭

童山人子鳴東游過訪

寄魯刺史 立秋

袁履善先生過訪 酬陳仁甫檢討見懷



泗水驛計司理光甫偶集

送殷計部還南都 下邳舟中

得曾以三太僕書 得周用馨吳士望二

給事書 得李維寅環衛書

懷周興叔通政表魯望吏部

送李顯卿吏部還朝

次黃山人一之韻兼懷淳父

送解仲立司理應召兼懷孫仲直吏部

送張憲使國禎之秦

西園詩集

一八目錄

卷一

得方山人景武見懷之作且寄余戚二將

軍陳十七秀才及舍中兒書俱未至悵

然却寄

送計光甫司理應召

宿報國寺讀家大人及童學士壁間之作

書寄明泉上人 寄明泉上人

席上別紀旭仁得開字

與施伯雨計部夜酌兼懷王子裕憲使汝

明吏部

別吳汝奇計部兼憶

乃姪約卿侍御 懷王伯生李少白

讀郭承芳憲使春興之作却寄

得皇甫吏部子循書

寄馮汝行別駕 中秋同費以方對月

題薛氏瑞堂 答王百穀見懷之作

寄余德甫憲副

卷之九

七言律

讀于深用晦王孫見貽之作却寄

答黃淳父兼憶尊公勉之

西園詩集

一八目錄

卷七

酬張幼于見懷兼寄乃兄伯起

酬王九江維禎 沈嘉則至自四明魏

季剛至自東吳 寄興化李封君

廣陵同孫兆孺舟行兼懷王引瞻翰林成

仁卿山人得方字

酬安文學見贈時同胡柱史南還

送徐子與使君之閩中同沈嘉則張羽狂

席上賦得來字 贈程博士德甫

招隱亭同郭山人次甫送王祠部敬美北

上得湖亭

贈成符卿

五日秦州舟中得家

大人書

詔階三品感賦

舟中雨

寶應湖懷王司理德

微

送吳水部伯恒北上

懷許右史殿卿

寄張省甫中丞兼懷

中征甫憲使

酬謝山人茂秦見懷

送朱進士北上

送陳山人紀南歸兼

寄子深王孫余德甫憲使

三酉園詩集

一合錄

卷八

賈使君招飲山亭

高郵張憲使席上次

韻

送金督學之楚

登八公山

伏城驛讀黎惟敬秘

書壁間之作却寄

過真定懷張以道中丞

過保定會馮汝行別駕懷乃弟汝言光祿

漳河舟中讀謝山人茂秦適晉稿感賦却

寄

渡黃河

過鈞州張山人徵伯以其稿致余賦寄

夜過南陽聞雷聲元太守將至賦寄

過襄陽懷孟浩然 夜行望嶽憶陳仁甫

沈子靜翰林王敬美楊懋功儀部李惟

寅勲衛康裕卿洪從周山人

宿太嶽絕頂二首

同按察公過滄浪別

業

中秋同蕭凌漢費以

明飲包封君宅兼懷元夫大行

十六夜王都閫宅對月

送魯庵甫會試

別蕭凌雲

三酉園詩集

一合錄

卷九

湖上聞以道中丞請告却寄

九日同傅司徒高王二都閫及家大人登

家兄聚星樓時余有淮陰之行

得匡南王孫余德甫憲使書却寄

蕭凌漢王伯生費以明錢金包封君草堂

登太白樓

康裕卿山人李惟寅

環衛朱在明光祿任集得樓字

李元甫李本寧二編脩枉集

寄蕭文明守廣州 酬丘汝謙計部過訪

蕭寺

黎惟敬秘書王敬美

儀制狂集

送邵晦之太守兼致

准父老

清明

出新鄭游嵩山

滴水蓬望嵩山

登中天閣讀少保朱公碑感懷

同陳子清子敬李惟公惟存郭奎甫高子

英六秀才洪川廣令二高僧游達磨洞

游少林寺

博望驛讀甘憲副征

甫詩有懷征甫

過南陽呈袁履善先

二廣園詩集

一目錄

平

生

宿嵩山絕頂夢家大

人大兄及堪佳均主諸子

宿少林寺讀少保朱先生詩乃周公瑕書

賦此竝懷

書少林講堂壁與洪

川廣令二上人訂卜居之約

同沈司訓飲習家池

過京山壽李封君 酬謝山人茂秦見訊

七夕席上讀家大人話別之作

和叔兄遣使送至荆門却寄

玉泉寺讀鹽城夏憲使詩兼懷乃郎進士

夷陵飲王素張舍人宅兼懷乃叔少卿

白帝城

灩澦堆

飛練亭

蟠龍洞

張將軍廟

訪任少海翰林席上

賦

同杜吏部游錦屏山

過新都懷楊用脩學士 二首

酬張肖甫中丞見贈之作

同朱秉器太守游溫泉寺兼懷青谿社中

三廣園詩集

一目錄

平

諸子

登合州釣魚城讀唐

石頭和尚草菴歌兼寄張中丞肖甫

汪叅知日憲使招飲治平寺

酬和叔兄見懷兼寄程孟孺

巫山寄陳子韶憲使

夔州見邸報戲述兼寄社中諸子

潼川道中得陳仁甫大史書

卷之十

七言律

送楊大叅入 賀兼寄乃弟侍郎

酬熊茂初吉士見贈之作

武侯祠

答沈總戎雪山未赴

兼訂草堂之約

送堪姪游太和兼寄

不二上人

夜泊中巖寺懷象大

人按察公

送王召之憲使先余

遊峨山

待左史袁先生書却

寄

得和叔兄近作寄懷

飲陳于韶憲使宅懷張肖甫中丞甘征甫

西園詩集

一自錄

四三

憲伯

詠美人手時有箕德

筆甚奇同王引瞻次之

送楊大叅之關中兼寄徐子與

送丘謙之郎中守潮陽

送張子貞少叅之關中

凌雲寺別司馬曾公用原韻

同李脩撰高人行飲浣花草堂

酬甘征甫惠余五嶽真形圖及見懷之作

夜飲甘征甫江樓懷張肖甫中丞李元甫

脩撰

得王敬美符卿書却

寄兼懷元美中丞

寄王元美開府鄖陽兼懷敬美符卿

送王憲長之秦中

劉憲長養吾衙內觀

梅

雲臺觀有序

寄內姪童六童七二秀才應試

雲臺山酬黎人叅見懷有作

夔州過杜工部草堂是日得陳仁甫贊善

見懷之作次韻却寄

西園詩集

一自錄

四二

夔州得張中丞肖甫見懷之作却寄

寄懷鄧子楨按察 送陳思立大叅入觀

酬朱同伯王孫楊懋功祠部

輓故侯李臨淮

壽曾中丞用長公司

馬寄家大人韻

送楊文芳少叅入賀

酬方子及郎中用原韻

吾友蕭凌雲由新安司訓轉新津學諭余

待其主大益書院而凌雲高致矣賦此

寄懷

待李本寧書却寄

夏日同張子常憲副任汝賢僉憲登澄清

板

漢陽李舍人使蜀乞

余詩壽尊公六十

送秦太僕仲愛之山西

壽曹大叅八十

送張士思比部還朝

九日答王元德憲使見投

陳元忠脩撰北上過閬遲余不果貽書云

一江寒雨萬壑秋風恨不共話因足之

以酬來韻兼呈尊公閣老

西園詩集

一合錄

四

袁民悅劉養吾方伯李汝貢廉訪孫順之

大叅杜與言李伯受僉憲饒余工部草

堂時有山東之役

酬張省甫中丞

懷郭篤周學使

聞李本寧視學關中却寄因懷李元甫太

史方子及郎中 得吳明卿大叅書却

寄時張羽王判興國

出蜀寄王敬美叅伯兼詢元美廷尉

夜泊夔門酬楊懋功祠部用原韻

黎惟敬秘書歐楨伯博士招飲分得開字

泰山四首

約李伯承符卿遊脩

李元甫陳元忠二學士招飲

新秋飲陳子壽祠部

壽林都諫大母九十其子封君七十

壽趙徵君其子仲堅進士

飲晚香堂別王大名國光

送傅參軍伯仁北上

別李宛平于美兼懷子田太史

西園詩集

一合錄

五

登定慧院嘯臺用吳明卿韻寄懷

龍城舟中別蕭文明憲使

秋日王觀生使君招遊齊山用杜韻

金山寺訪圓智沙門

陞姪饒余入淮席上作

儀真送謝子正謁選

謁黃石子房祠

除夕

壽龔容卿大叅

中秋方子及戶曹李

季宣叔茂二文學吳孝甫康裕卿周公

化三山人署中對月

丁聘之少府寄余硯墨賦謝兼柬徐使君

左史袁先生過訪游金焦有作

答御史大夫曾三甫見懷

雪夜懷王元美廷尉用原韻

金山

焦山

北固山

方君在謝少廉二文

學過訪兼懷汪司馬伯玉

北固山中得劉汝欽廷評書却寄

三山園詩集 一合錄

聖六一

石林庄

壽長安李封君

別同年龍伯貞時為郎君結好

送吳江沈封君南還

懷表叔傅司徒

送龍伯貞還武陵時

再入沔

九日吳孝甫鮑保之

過訪同李少白宴集

喜龍君善進士親迎

陽夏王張山人李將軍少府中翰四君宴

集

飲太保曾公宅兼讀

新詞

過西青浦同曾太保

兄弟

呈張方伯助甫

邢子愿侍御屠長卿傳俊伯二明府胡元

瑞莫廷韓孝廉飲朱汝脩館談李于鱗

感賦

送計部趙夢伯使天

津

戴楚雄儀周丁大理

聘之夜集得羣字

贈羅山人敬叔

同張助甫方伯萬伯

脩駕部黃定甫吳叔嘉山人飲朱汝脩

三山園詩集

一合錄

聖七一

叢竹館得安字

送陳仁甫學士歸楚

送望湖張兵憲分鎮荆岳

送查警章戶曹北上

壽胡西峽大尹

焦山別朱九川進士

登金山

吊郭璞墓在金山寺

七言排律

西蜀詩二首  
全焦詩一首

東岱詩一首

酬趙孟敏太守惠文谷全刻兼寄孔汝錫

方伯

別陳于韶憲使用原

韻

哭表叔尚書傅公

哭其征南憲使

卷之十一

五言絕句

漢陰詩十五首  
淮上詩六首

廷中詩十六首

丙辰大水

贈謝生

西苑

泗水庄

闌怨

采蓮曲

隱林庄呈大人

大堤女

夏汭草堂雜詠七首

懷二山人六首

有序

戊辰除夕同王觀生

南園詩集

六目錄

卷一

進士包元夫計曹蕭文明比部守歲因

誦一年將盡夜萬里未歸人之句占賦

十韻漏下四鼓矣

題郭山人次甫有遊囊雜詠六首

七言絕句

漢陰詩十四首  
淮上詩四十五首

廷中詩七十八首  
高和詩十五首

西蜀詩九首  
全焦詩二十一首

東岱詩五十四首  
黃蓬詩九首

舟中別袁先生之黃州八首

百日紅

蘇阡早春

戲東成山人仁卿

閨怨十首

送包元夫大行使楚八首

送曾以三督學關中十首

與歸長興廨甫夜話五首

酬陳子壽解元下第南歸八首

送倫紹周守

送李元甫太史歸省十首

左寺有丙春亭坊藥盛開可愛約朱伍二

司務金張王靈杜錢蕭陳諸廷評賞焉

走筆賦之

送雷郎中育卿南歸

南園詩集

六目錄

卷二

六首 與白彭子以詩謁余

見翁上鄭虛舟山人詩書贈二首兼懷

山人

得張山人懋復大梁

書兼惠左舜齋詩刻却寄二首

送費參軍之南都二首

沙鎮別堪姪四首 漂母祠三首

送徐惟得赴召兼寄所知四首

卷之十二

七言絕句

月中別劉職方赴南都

別王司理之常德 送文燈弟還沔

贈雷子 送慎卿叔還沔

附章子鳴山人東岱之作復游衡山三首

過采石懷李元甫李本寧二內翰

送曾以三巡撫川中十首

醉書 送梁三舍人還朝兼

寄黎惟敬秘書 淮河舟中別和叔兄

二首 贈張羽王

西園詩集 不刊錄

贈沈嘉則 贈孫兆孺

廣陵舟中送胡原荆侍御南歸兼寄王承

甫山人四絕 吳山人惟一偶過

雲林圖爲黃汝會曲客題

讀家大人寄示詩但願汝爲清白吏他年

歸只載圖書敬賦二首

酬別江都林王襲三博士吳陸二秀才

招焦山郭次甫 題舊主人明妃圖

宿五龍宮讀壁上顧山人季狂之作因次

其韻兼懷季狂四首

司務李吏部言久游楚中戲占二絕

寄懷四叔時官黎平

九月八日飲王伯生兩松書屋出乃弟司

理觀生寄方全州子及詩卷酒酣投贈

兼懷二君四首 空山陳山人訪余詩

以別之兼懷匡南王孫二首

謁楊忠愍祠 嘉州懷傅表叔尚書

公及家大人按察公

西園詩集 不刊錄

嘉定尋郭璞爾雅臺

過鹽亭讀文與可竹詩感懷

得先恭人 誥軸夜夢感賦

崇慶七夕 眉州中秋

得方子及書兼懷李元甫李本寧

立春 得陳元忠脩撰論詩

書却寄 別梁尚賢大叅王元

德僉憲 閬州訪于韶陳先生

憶家大人庚戌榜中多文人又忘年交



不殺歡懌爲存汝口號凡十二章

徐子與方伯

吳明卿大叅

張肖甫中丞

俞德甫憲使

徐叔明中丞

陳晦伯憲副

董原漢侍郎

高宗伯長史

魏順甫憲副

宗子相督學

梁公質比部

寄懷蕭文明憲副

浣花溪別妙琴上人

別張肖甫中丞州原韻十首

射洪間郭篤周代余

五

歸州別郭篤周學使自楚轉蜀

別方山人仲美時余入淮

送壁兒應試

淮上酬郭山人

送王國賢太守之鳳翔

走筆答王國賢使君

夢與太和不二峨眉鑑燈游南海口占寄

之兼訂後約

道中寄張先生時升

新安

舟中

午日同郭次甫泛寶應湖

七夕夢成

得蕭凌漢威遠書却

寄

哭伯兄光祿十首

齊山三奇亭呈王觀生太守

彭澤夜泊寄王敬美四絕

揚州別郭次甫

夜宿焦山偶誦黎平

叔舊作次懷

黃汝會典客以詩過

訪二首

芝林曲十首爲潘公

賦

洞庭山上方寺惠雨

西園詩集

八

五

和尚訪余金山時將入楚

上元別曾司空

江上送曾司空

曾三山尚書惠余商詩

吳孝甫山人惠余古劍

金山寺送鄧汝時文學北游二首

與劉山人一明話黃蓬山水之勝四首

此君亭往年先公命賦四首

題龍宅雙鳳圖

送壁兒應試

別郭之翰畫史兼憶故人成仁卿

送童起伯翼伯應試

覽沈贈君學士所書墨竹敬賦四首呈仲

化宗伯

送吳山人叔嘉東遊

京口懷家兄明叔

別鮑保之

二西園詩集目錄終

西園詩集

卷之一

五言一

二西園詩集卷之一

擬古樂府

長手部  
系錄  
諸系者

沔陽陳文燭王叔著

漢鏡歌十八曲

朱鷺

朱鷺朱鷺翩翩其羽翔君門登君鼓將以諫明主

思悲翁

思悲翁奪我美人西且東梟母營巢在樹中慈

二西園詩集

卷之一

一

戴維建

鳥一去不相逢泣長空思悲翁

艾如張

艾而張羅北山之阿中有黃雀摩天嵯峨意欲從君讒言孔多不肯礫室其如雀何

上之回

上之回自回中天險設地維通以王甘泉宮躡穹廡歸皇都奏凱樂斬單于臣匈奴方丈蓬萊莫可圖千秋萬歲樂無虞

翁離

擁離趾中居可通安心蒿與蓬蘭蕙難爲容擁  
離趾中

戰城南

戰城南死城北黑雲壓城我心惻謂我出攻戰  
必克一身甘作鳥鳶食水深湔湔蒲葦蕭蕭裏  
騎一不鳴驚馬悲且驕南山築室何其遙禾黍  
不食腐肉夥願爲忠臣何可假思子良臣良臣  
誠可若生不封侯暮葬于野

巫山高

巫山高以峻江水深深以長綿綿遠道我心  
孔傷參差雲雨時彼高唐欲往從之河無梁徘徊  
望遠泣沾裳願託晨風吹還故鄉

上陵

上陵何美美下津亦浪浪問客從何來自言水  
中央菱荷爲君衣芙蓉爲君裳木蘭爲君佩黃  
金生光芒麒麟之芝以九莖鳳鳥隨山林乍開  
乍合曾不知日月明醴泉之水光澤何洋洋蒼  
虬爲橋白虹爲梁八極相翱翔甘露一以降芝

草生未央願奉我王飲萬壽真無疆

將進酒

將進酒勸以歌紛佳哉樂孔多索良工賡所哦  
嘉肴薦四時和觀者不苦柰爾何

君馬黃

君馬黃臣馬蒼二馬並驅臣馬良一日千里駕  
如龍美人歸以東躡影追風美人正長空佳人  
歸以西青驄駛騏佳入安可齊

芳樹

芳樹離離上拂青雲下臨蘭池黃鸝翱翔羽參  
差二而爲侶三而成行目不可傾心不可匡彼  
攘臂者如人之子張弓挾彈心何爾南山有網  
北山羅黃鵠高飛柰若何

有所思

有所思乃在瀚海間何用問遺君玉葉雙珠環  
繫之朱絲繩承以紫瑱盤盤比如意歡繩比同  
心結開君有兩意故來相訣絕瀚海有時盡流  
水不復回拉雜摧燒之當風揚其灰白壁燬一

朝甘同瓦礫賤鷄鳴狗吠兄嫂知晨風起兮東  
方旦

雉子斑

雉子斑如此翩翩之羽翰雄飛拉其雌朝于山  
梁暮河干白馬誰家子彎弓挾彈丸雉子知得  
飛且遙黃鵠之飛以千里雉子之車日追攀駕  
以南山駕以北山遨遊王孫間

聖人出

聖人出應昌期天地位庶績熙祥雲見甘露滋  
麟在郊鳳來儀舉寶鼎登赤芝君之臣明和四  
時懷仁輔義天下治佳人來哉何駢離

上邪

上邪我欲與君相知生死不相棄日月從西出  
海水逆北流馬亦能生角鳥亦能白頭天地有  
終歇乃敢與君絕

臨高臺

臨高臺高臺見溟渤水清寒于骨蘭草香且替  
黃鵠高飛橫絕四海非爾羽翼何能待以壽我

主千萬載

遠如期

遠如期益如壽明明天子陟帝左右單于自歸  
四夷守累世未聞漢德茂謁者引之鄉殿陳方  
物是獻梯航來賓于羽之舞何彬彬增壽萬年  
實無垠

石流

石流磷磷流水湯湯中有蘭草河爲香永言懷  
君悲以傷褰裳可涉豈曰無梁秋風蕭蕭露爲  
霜爲君寄將君莫忘

隴頭歌

隴頭征戍兒隴阪九回上蕭蕭塞馬鳴西風倍  
惆悵  
朝發隴水頭暮宿交河渚隴水日夜流故鄉渺  
何許

出塞

縱橫出長安慷慨臨大漠小縣弓矢明霜落旌  
旄白

入塞

戍久馬首垂提戈勲業奇歸來見明主何用錢  
刀爲

紫騮馬歌

少小從軍去垂老始得歸但知紫騮馬不知有  
阿誰

蹀躞青絲鞵踟躕珊瑚鞭橫行事征戰騷裏真  
無前

黃溪思歌

逐郎思如饑逐郎思如渴獨坐亦何言所思在  
大末

江水何浩蕩真州估客場綠絲作幃緯黃金作  
帆檣

捉搦歌

仕宦還須論遇合結交還須論舊盟男兒失意  
在人後老女不嫁難爲情  
東家女兒工數錢髻間明珠雜花鈿願爲在天  
比翼鳥時時理佛總堪憐

長安樓頭夜張宴樓上笙歌落片片馬上行人  
空佇立但聞其聲不見面  
上曳綉襦下文履中有青絲兩頭繫少時憐母  
今憐郎何不結伴論家計

幽州馬客吟歌

幽州朔氣寒良馬常苦瘦芳草好起羸黃金空  
在袖

帳中燭熒熒坐久滅亦易盛年何可常千金當  
一擲

南山雖言高尚有北山匹願作一心人出入擐  
郎臂

自言十指鑲玉壺不離手男女共燕游殷勤相  
勸酒

黃花生後園少年行結客意氣正堪憐紫騮在  
長陌

東光

朔南平東西何不平粵寇多水戰川寇多山營  
諸軍游蕩子騎射難縱橫

鳥生

鳥生八九子端坐秦氏桂樹間五陵年少何翩翩  
挾彈張弦出入樹東西惜我一丸卽墮羽鳥  
死魂魄飛上天阿母生鳥子時乃在南山巖石  
間南山巖石何鬱弗惜我人民安能知其顛神  
龍不可馴龍骨尚得獲深淵麒麟不常有麟趾  
尚得羅于田黃鵠于飛高摩天虞人致之供雕  
盤惜我人生各有命生死長短安足憐

陌上桑

三曹園詩集 八卷之一

八

皎皎日初出高樓東南隅樓上有好女自名秦  
羅敷羅敷白玉姿足不踰戶樞性頗喜蠶作採  
桑南陌衢首戴藻翹飾耳綴明月珠輕縑爲下  
裙薄縠爲上襦行者見羅敷下擔意踟躕少年  
見羅敷指顧行疾趨樵者忘其薪芻者忘其芻  
歸來相怨怒但坐觀羅敷

解一

使君自南來五馬立斯須遣吏前致問爲是誰  
家姝羅敷秦氏女採桑在道途羅敷年幾何十  
五爲人婦嫁復一年餘小吏前致辭可與使君

俱羅敷謝使君使君亦何迂我非使君婦使君  
非我夫

解二

東方千餘騎夫婿居上頭何用識夫婿飛蓋隨  
高車象牙爲車軫桂樹爲輪輿腰間太阿劍可  
直千金餘起家府小吏拜爲朝大夫四十還郡  
守剖符專城居黃金綰白晢紫綬映青鬚浮生  
一有歸俯仰真堪娛坐中數千人皆言夫婿殊

解三

董逃行

三曹園詩集 八卷之一

九

吾欲上謁崑崙山山頭崎嶇道路難五城十洲  
縹緲間黃鵠高飛十舉千里但見芝草紛紛若  
可攀

解

逸翮拂霄見蓬萊雲螭爲駕金銀臺奇齡邁五  
龍千歲方嬰孩吾將汗漫游九垓

解二

行行一入瑤池前王母綽約何翩翩青童問我  
有所求長跪授大道殷勤乞永年

解三

教敕凡吏採取玄圃之芝明且鮮置之玉皇香  
案前白兔搗此藥壽命其長延服之可以成列

仙四

服此神藥顏自好天神護之永不老垂裳坐享

太平君臣驪如魚藻陛下長與天相保

五解

秋胡行四首

晨上散關山此道何當難晨上散關山此道何  
當難便佞似是忠貞為姦喻心當面譏笑背顏  
誰知雲忽雨但在翻覆間詩以言志晨上散關

山

有何三老公卒然在我傍有何三老公卒然在

手南園詩集

卷之一

十一

我傍被裘而語其止融融丈夫處世得喪窮通

胡為太自苦媚世難為工詩以言志有何三老

公

我居崑崙山所謂者真人我居崑崙山所謂者

真人名山可適何意遭屯神遊八極飄然絕塵

鞭龍與駕鶴宮闕渾金銀詩以言志我居崑崙

山

去去不可追長恨相牽攀去去不可追長恨相

牽攀我心惆悵夜如何其起不能寐徘徊多時

東西有岐路欲往將何之歌以言志去去不可  
追

善哉行

人生如寄少合多離我今不樂沉吟何為

高堂置酒叙此生平我有嘉賓鼓瑟吹笙

歡日尚少戚日苦多請看明鏡如秋霜何

遊游名山翩翩羽翰忽遇八公長生一丸

饑來問食寒來問衣秉燭為樂月明星稀

海上六龍雲中長轡仙人王喬相與遊戲

手南園詩集

卷之一

七

西門行

出西門步踟躕前有濁酒尊不醉當何須

夫為樂及時可歡娛若徒坐愁拂鬱吾恐日月

徂

呼斗酒發浩歌請為十日飲傍人當奈何

浮生如朝露沉憂令人老今日宴會良且為開

懷抱

自非故人鍾子期高山流水當誰知自非故人

鍾子期高山流水當誰知

顧非金石資壽命安可期徒問家人產但爲識  
者唯解六

### 東門行

出東門不顧歸來入門悵欲悲家無儋石儲四  
壁空相躡腰問七首光芒動兒女牽衣問所之  
世人皆言願富貴賤妾與君共寒饑共寒饑上  
長秋旻天下爲黃口兒今時賢豪好交結君復  
自愛莫相危今時賢豪好交結君復自愛莫相  
危我今按劍已爲遲白髮悠悠當依誰

西園詩集

卷之二

五

### 飲馬長城窟行

青青山上草悠悠玉關道長城亦何遙飲馬鳴  
蕭蕭芳草生有時游子歸無期他鄉各異縣展  
轉夢見之枯桑知天風海水知天霜欲語更無  
人徘徊空彷徨我馬苦征戰羈客傷別離十月  
鴈鴻盡尺書何由知尺書日易暮長城風以淒  
書中亦何語強飯長相思

### 艷歌何嘗行

何來雙白鶴力窮見西成行自十五雄飛拉

其雌一朝雄偶去雌病甘羈棲五里反回顧六  
里哀鳴啼吾欲伴汝止老去志苦齋吾欲負汝  
去氣結力摧微樂在生相知難在生別離躊躇  
顧羣侶羽翼何差池念與君離別各各言相思  
綿綿在遠道日歸竟難持日月遙相望形影不  
可追生當嘗相見死更何所之今日樂相樂千  
秋以爲期

### 艷歌行

翩翩雙飛燕冬藏夏同宿良人事遠游寄身何  
碌碌上堂事舅姑下堂供蠶作春日去采桑輕  
風動純素良人從外來斜柯西北顧語卿且莫  
顧黃金自賂黃金何纍纍遠行不如歸

又

南山有松栢亭亭孤峯上可摩霄漢下可充  
棟隆洛陽發中使松栢竊自帶一朝斧鋸截柯  
枝忽西東持作四輪車載至洛陽宮道路莫不  
嘆問產何處猗魯班公輪巧刻鏤何玲瓏披以  
丹漆飾加以金碧工本自幽谷裏今在明堂中



子夜歌十首

宿昔綺羅粧繾綣在郎前但愁不見郎不愁郎  
不憊

春蠶易爲生交情無足比纏綿不復斷纏綿只  
絲子

自從郎去後隄上種黃檗黃檗已成林苦心向  
誰白

泛泛木蘭舟採蓮向澤數郎心夢花開妾心夢  
成藕

芙蓉近長江儂念堪自見烟霧隱芙蓉歡情尚  
亡轉

作樂當及時流光易爲謝若不信儂言但看白  
日下

平生共城中今來作隣里門前梧桐枝時時見  
晤子

歡心似太陽儂心如北斗北斗無轉移太陽東  
西走

氣清明月時贈君青絲履腹中陰相思步步見

儂意

挈枕北窗下兩情亦何悅欲解同心帶心促帶  
偏結

子夜四時歌八首

春花開滿樹春鳥鳴高堂郎情如春風動我羅  
衣裳

裊裊金堤柳曄曄澤中蘭逢儂多欲擲可憐持  
贈歡

輕羅素手剪製扇工自奇上刺雙飛燕下繡連  
理枝

婉仲華簾上屏帳自顧影郎君忽到前儀容那  
及整

秋聲入帷幙蟲語何啾啾清光望千里明月當  
樓頭

金風振庭柯長夜涼於水寄情砧杵間寒衣獨  
自理

朔風歲欲暮弦歌秉華燭郎從馬上來與郎坐  
重褥

枯林悲風鳴綠草  
總霜白儂心耐歲寒  
但看松與栢

前溪歌七首

悠悠前溪水落日  
前溪度流水見儂心  
縈迴有深處

朝朝望前溪幽懷  
不可吐問歡何處宿  
獨桑在長路

郎度前溪口妾住  
前溪邊天邊有牛女  
望望銀河前

三西園詩集

卷之二

共一

春風何浩蕩吹動  
武東亭林鳥啼不歇  
殷勤見郎情

春花開爛熳郎行  
何日還落花共流水  
懽懽有誰憐憐亦空悵然

黃葛倚高樹葛斷  
恨自留記歡分手時  
乃在獨桑頭采桑儂自愁

滄浪映前溪溪水  
何泠泠汲之日有餘  
爲家不鑿井郎名與之永

團扇郎

白團扇明月光燦爛  
出入懷袖中是郎手  
所玩白團扇臨風託  
方便中道有乖離難  
與重相見

七夕夜女歌

婆婆問靈匹一年會  
亦奇正好叙別離簫  
管且停吹

良晤不常有分携如  
別何年年有秋水郎  
去慎風波

懊儂歌

五絲合歡被縫之須  
五絲儂爲懊惱曲它  
人那得知

三西園詩集

卷之二

七

長江細布帆阿那乘  
風起迢迢一去間便  
是三千里

哭可頽孤城泣可班  
修竹相樂尚非真遺  
恨空在腹

怪哉城頭鳥啼起驚  
人眠歡去不復顧儂  
病不能言

神絃歌十七首

宿阿曲

蕩蕩開天門鬱鬱閉地戶真官來續紛蘇林起雲霧

道君曲

中庭梧樹枝葉參天道君來過羽蓋翩翩

聖郎曲

左亦何皇皇右亦何嘖嘖郎坐傍青溪姑坐依白石椒漿自呼來可以話疇昔

嬌女曲

芙蓉何鮮鮮顏色自美好娥眉婉清揚明珠還

西園詩集

卷之一

大

在抱偶爾奏絃歌僊樂列海島

徘徊青溪口蹀躞赤山磯上有神僊往下有小姑來鴛鴦不獨立三三兩兩飛

白石郎曲

白石郎臨江居江妃鼓瑟河伯獻魚

積石巖巖在江之渚郎豔如玉柰何獨處

青溪小姑曲

青溪湯湯白水洋洋小姑如嫁誰謂無梁

湖就姑曲

湖就亦山磯芙蓉何芳霏采之可成衣大姑湖東頭仲姑湖西頭不共小姑愁

姑恩曲

明姑雲中駕日月齊景光前導陸離獸後從神雀金鳳凰

松栢常冬夏若若葉未捐明姑被天恩光寵獨纏綿

采蓮童曲

泛舟採菱葉齊聲採蓮歌自負絕代姿豔比蓮

西園詩集

卷之一

九

化多

東湖過西湖蓮葉覆湖水天生並蒂花曲抱雙蓮子

明下童曲

白面郎矯矯走馬越溪遊望門誰家去遙指射

堂頭

馬前石子多馬上兒少小揮鞭赤珊瑚蹀躞金騾裏

同生曲

人生縱百年白日亦易下及時當盡游爲歡且

卜夜

石城樂

生長石城中城樓亦堪見可憐少年郎遊冶真

有術

寶髻芙蓉釵環插各自愛雙鬟艷於花盛年何

可再

布帆下江陵使帆如使馬望歡何日還雙淚揮

任野

海園詩集

卷之一

辛

大船出門去相送陽春亭春鳥枝頭啼別離轉

難聽

莫愁樂

艇子迎莫愁莫愁歌過雲石城游冶郎繫馬相

爲草

聞歡下揚州相送木蘭舟風便數寄書無便心

相投

襄陽樂

朝來上大堤暮來宿大堤大堤有游女嬌豔如

花姿

襄陽二三月踏青正及時可憐游冶子轉盼空

爾思

車馬馳逐來羅襪自驚異大堤諸女兒歡心向

誰是

送歡遠行役黃鵠飛參天何物買將寄揚州蒲

鍛環

女羅亦何薄長松亦何修寄託在纏繞千秋共

悠悠

海園詩集

卷之一

壬

託儂不寄書但有心相許湘水正東流儂意隨

之去

襄陽蹋銅蹄

暮春襄陽時白馬蹋銅蹄征人馬上去閨中空

相思

大堤花正紅峴山草亦綠含情寄故人知我心

相逐

金鞍白玉珂照耀雙闕下借問馬上兒曾記襄

陽舍

夜度娘

夜來目風雪風雪亦何寒但得微情叙辛苦良  
所甘

雙行纏

朱絲上繫腕繡羅下纏足他人不言好宛轉歡  
所欲

作蠶絲

桑葉大如掌蠶眠大如指晝夜多纏綿感化易  
絲子

西園詩集

卷之二

十一

春蠶自吐絲綺羅自堪織不辭機杼勞但恐花  
多色

楊叛兒

妾歌楊叛兒君折白門柳生憎白門鳥啼聲易

結感

東陰柳花白乘風任飄搖沉香博爐火一氣凌

雲霄

胡姬年十五

胡姬年十五遠嫁遊冶郎春日泛淶水風動鬱

金香當爐正含咲蘭陵玉爲漿縱有及時樂不  
如還故鄉

東飛伯勞歌

伯勞飛東燕飛西誰家女兒空含悽開顏發豔  
不出戶滿地落花春已暮南窗北牖明月光年  
年照我有誰妬女兒年幾十五餘翠羽紅粧玉  
不如黃姑織女且相見人間那有銀河車

妾妾換馬

美人不足恃驀裏亦何奇塞外能奔走閨中有

西園詩集

卷之三

十一

別離但知憐駿骨寧復惜峨眉自古功名上應  
多棄敝帷

登高丘而望遠海行

登高丘望遠海蓬萊何渺茫男女空在道鼉鼉  
可爲梁銀臺金闕好豈知徐市行和龍不自保  
赤帝正中興驪山灰亦槁王孫猶不知紛紛事  
利祿試問山海間何方能却老

四言古

壽曾司馬

西青有圃在河之濱主人逍遙莫愁肥瘠優哉游哉受天之祜

西青有樓在河之洲主人多福鳳詔螭頭既受帝祉永言千秋

西青有臺在河之隈主人高調白雪仙才尚書曳履海上蓬萊

西青三章章六句

題王母圖有序

此鷗江畫史筆也報書曰仙桃獻漢宮武

二面園詩集

卷之

三

帝留之不可得而洛城熟于十月者名王

母桃尊夫人初度在十月二十四日余爲

此祝幸公賦焉人言畫如生成果自華林

園耶永留爲吾家盛事矣

西關共食東海度索仙珮翩翩有華灼灼

何彼濃矣綏山一桃千年結實見此霞標

誰言曼倩怪哉此兒三熟之後投我瑤池

紅雨青煙盈盈在手寧獨助嬌住世難老

瑞鳩詩爲景陵陶氏賦

差池鳴鳩集于舍右歷山嚶嚶重華德想舜亦何人則之恐後

差池鳴鳩臨淮翔翔太守辟舉白鳩爲郎君有令德乃升斯堂

差池鳴鳩陽城至止祥雲覆之惡聲遠徙千秋景陵而有斯美

余新居復中坊鵲巢堂右表叔尚書傅公

題爲瑞鵲堂賦八章呈家大夫

靈鵲于飛凌風而起懷我好音爰居爰止

二面園詩集

卷之

五

其二

靈鵲于飛填河成橋嚶嚶畫棟匪徒遷喬

其三

靈鵲于飛栗林斯集主人逍遙壽考無極

其四

靈鵲于飛牖戶工巧何必印文家世忠孝

其五

靈鵲于飛其巢可俯宜爾室家和及毛羽

其六

靈鵲于飛聲響相答奮翼上林空聞三匝

其七

靈鵲于飛未來爾知蟄蟄孫子萬年之枝

其八

靈鵲于飛背歲而孳將翔將翔知風之有

五言古

擬古三十首

李都尉陵從軍

一出河梁上天風萬里吹雲間比翼鳥弱羽難

南園詩集

卷之一

夫一

相隨身無有苗罪胡爲竄三危賤軀誰足愛壯  
心無乃移男兒惜一死恨恨將何爲古有憫窮  
者深沉屈九夷

蘇屬國武別友

胡馬鳴蕭蕭朔風動顏色我歸還故鄉子也留  
異域絲竹理清歌泠泠慘曾臆平生久因依歡  
娛本無極皓首自丁年妻奴不相識仰觀鴛與  
鴛臨岐乖羽翼中天月更明皎皎無南北獨夜  
聽胡笳知子多心惻後會安可期分手忽太息

願子莫相忘音書長努力

班婕妤詠扇

新製齊紈扇團圓如月圓卷舒在懷袖彩色世  
所憐颯颯涼風發一擲忽棄捐回首翻眷戀恩  
寵猶翩翩舉扇拜新月圓缺在中天

魏太子不公讌

置酒臨華池逍遙一登眺秋水有芙蓉可以舒  
長嘯華星吐東方更向西園照羽蓋列參差對  
酒仍大酌嘉木飛鳥翔聽之鳴且好徘徊俟河  
清百年忽已到爲樂當及時我生白髮早何必  
慕游僊而乃在海嶠

陳思王植贈友

君王雅好賢瑤席西園設絃管晝飛觴華燈夜  
不滅朱宮與清池一一同泰竊然諾重千金毫  
素凌往哲屈宋唐景才鄒枚嚴馬列此歡信可  
珍歲月忽淹別積久愛逾深語多氣偏結千秋  
名並垂慷慨心仍折四海猶比鄰親交永勿絕

劉文學植書讌

公子富文藻游戲在清時飛蓋翩翩至綺麗亦  
何奇涼風來四野蒸暑撤九達芙蓉與齒齒吐  
華各差池我本羈旅客濡翰相追隨厭厭忘永  
夜明月爲之聖仁獸倚珍木靈鳥鳴高枝嘉肴  
與旨酒坐起金罍移徘徊清涼久不覺歲月馳  
君子綏福履歡娛長若斯

應文學場侍集

雲中有過鴈戢翼大河濱故園久荆棘哀鳴安  
所因一旦出穎許欣逢賢主人少年事任俠匪  
爲德有鄰逸思吐玄夜尊酒開良辰秦箏與齊  
瑟歌舞如雲屯旣肯顧微細况乃顏色親今日  
不歡樂誰爲百年身投詩見存慰感慨自有真  
中心藏令德悠悠難具陳

王侍中粲懷德

嗟余逢世亂豺虎日夜驚秣馬去故國竄身入  
南荆枯骨空蔽野客子嘆飄零岐路能無泣漳  
河若爲清高堂日置酒追攀在鄴城端居思最  
苦四顧悲風鳴自念無衣客誰分狐白情不意

滯淫者而有金石盟志意得舒放感慨由衷生  
去鄉二十載萬事一無成綢繆娛嘉賓惠愛良  
匪輕高深等山海展轉何能名

阮步兵籍詠懷

西山頽白日餘光返獨遲四序更相代寒暑不  
覺移野鳥還知倦春華秋亦衰如何磬折子斧  
逐無歸期形役祇自苦擾擾將何爲孤蓬寧特  
生勿附喬木枝喬木有時伐弱蔓安所垂

嵇中散康言志

嗟余寡訓師遭時尤不偶母兄鞠育慈性命得  
長久抗心希古人老莊時在手豈不愛豪華冠  
裳非所有治鍛與彈琴衡門肯相負爲善莫近  
名玄素甘自守亦有步兵徒平生好濁酒散髮  
其長吟阮公真我友養生計頗工絕交惟恐後  
巨源不相知勸我欲狂走草木有時榮而我獨  
老醜懶性久相成優游或永壽

張司空華離情

涼風吹古樹明月照流黃佳人在遠道徘徊欲



沾裳延佇思獨苦拊枕夜未央不曾慣離別乃  
在天一方羣生有明闇中心無異常願垂湛露  
恩信我皎日腸

潘黃門岳述哀

春至冬將徂寒暑倏焉易美人歸重泉生死成  
永隔寤寐若見之冥冥竟無益殯宮久肅清嫵  
婉空勞役俯仰未能忘髣髴平生歷翰墨有餘  
思庭除無行跡朔風中野號明月挂屋壁重繢  
始覺單側身徒怵惕如彼雙明珠一朝忽成隻  
南園詩集 卷之十一 辛

左記室思詠史

乾坤自開闢日月耀九洲堯舜宰天下勲業如  
雲浮常時空揖讓不能相巢由洗耳箕山上誰  
言王與侯自非曠達士焉甘物外游神龍不可  
馴大海還清流

張黃門協苦雨

應龍作何狀蟻穴頻爲封冥冥晝不分瀝瀝聲  
何重明月初離畢號屏鞭豐隆水鶴巢絕頂商  
羊舞長空如注渠可化散絲潦逾洪貫秋鳴不  
歇彌天勢何窮環堵自頽毀車輪無西東幽巷  
日含瘁開霽誰神工昏墊總八極敗禾憂三農  
天意果如此安得吹和風羈束頗自嘆儔侶那  
能同季主有名卜黔婁多孤踪平生甘固守矯  
矯思相從

劉大尉琨傷亂

厄運逢我生皇晉忽不洽乾象棟已傾坤儀舟  
覆地鯨食盡中原虎據不可視咨余弱弗能榮  
寵仍屢至彫殘思暫歡強笑欲破涕古有百里  
奚昔愚而今智秦廷一用之勲樹譏然異顧我  
抱忠貞空令歲月逝沙漠指顧間驅馬有長轡  
北顧何蕭蕭憂懣日夜積丈夫志功名胡乃遭  
末季黃河可俟清理亂有終始

盧郎中諶感交

珍裘非一狐大厦非一木事業在俊英人情亦

夢卜眷顧及纖微綢繆應倚玉婚姻遊嘉會契  
關成心曲胡塵何處來而我時轡束遠念賢豪  
風弘績在往牘良將得趙奢鎮邊有李牧俠氣  
蒲疆場芳名還幽谷人生比素絲處危空碌碌  
迢遙望故鄉感遇多昔風所慙女蘿姿乃附松  
栢屬悠悠難重陳河山自舉目

郭弘農璞遊仙

雲嶠駕千仞來往神僊家靈妃錫清露玉齒餐  
流霞滄桑海可變吾鬢胡能華采芝鍊丹者顧

三百篇詩集

卷之七

七

我同咨嗟世間蜉蝣輩寧知龜鶴遐

孫廷尉楚維述

西北起良風飄飄秋氣早命駕出郭門傾城送  
遠道日月若電流萬物同腐草浮生天地間岐  
路不有保憂喜本相循紛繞胡能掃殤子與彭  
聃一一皆壽考達者齊其端太虛同浩渺分手  
在斯須長衢即天表悠悠對彼蒼鑒我多懷抱  
逍遙與守玄大觀以終老

許徵君詢自叙

李耳著道經君平好卜象一得玄中玄悠然物  
外賞顧我思高蹤千秋人已往白雲滿山中長  
生有遺養耕釣皆可爲竹樹映餘敞振衣一徘徊  
不覺千仞上天末起良風空谷發清響採藥  
任所之榮辱非外獎吾意一無塵皎皎月共朗  
何必愛浮名羈束在世網

殷東陽仲文興矚

乾坤運四時理化有真趣天籟忽自鳴吾心與  
景遇石壁映蒼苔秀萼吐華樹登眺多淒涼韶  
光已秋素蕭散有餘閑端居寡營務伊余樂求  
仁玄理非外慕遠漢淡雲浮悠悠更何慮

謝僕射混遊覽

驅車出臺省薄言遵遠郊襟懷日夜積仰窺節  
序高巖阿吐黃菊白露飛且饒桑榆踐暮景明  
月縣良宵萬緒自舒卷動靜恒相交悵望秋嶺  
間雲霞落孤標暫得會心處益覺浮生勞取足  
在適意勿徒嗟寥寥

陶徵君潛田居

歸來事南畝荷鋤常不離悠然坐茅屋濁酒尤  
滿卮饑寒幸得免正值西成時况有素心侶往  
還隨所之天空雲出岫日暮鷄栖時何人慕五  
斗而我願無違頽然一醉後百年隨所宜

謝臨川靈運游山

山水含清暉清暉日延佇薄游恣閑情碧障吐  
晴宇我懷欲忘歸悠悠亦吾土絕壁抱遠峯石  
竇滴僊乳高樹淡微雲萬竿響烟雨稠疊多嶺  
巖連綿况洲渚澄澈溪頭源活活莫可禦來奇  
三西園詩集 卷之十一 書一

顏特進延年侍宴

時巡見虞典逸豫歌夏遊春和動景物神御臨  
江州赤旂浥湛露丹陛驚滄流遂修古禊事仍  
泛木蘭舟笙歌縣巖奏鐘磬水邊浮祥光隨輦  
蓋紫氣傍旌旂趙女善秦筑吳娃復越謳飛潛

盡被寵珂佩滿芳洲鳬鷺詠刻句康阜美田疇  
寰宇見熙皞海島空丹丘微臣叨扈蹕皇恩真  
和柔

謝法曹惠連叙別

東風吹長途我行不可繫徘徊思友于嘉會難  
再繼春仲乃良辰咫尺忽分袂方泊浙江潮回  
指浦陽浦何人念此別哲兄惜離羣相送越林  
下冉冉多寒雲青山俯層島澄湖生穀文情深  
語不盡瞻顧徒殷勤形音既已絕幽懷當告誰

三西園詩集

卷之十一

書一

敬亭向來月皎皎照佳麗鬱陶思如結故歡與  
新悲新悲何可釋故歡何可追臨岐不得渡濤  
聲驚四流天遙有微雨蕭蕭落林丘宣城在何  
許一夕江之洲良風動高樹明月臨孤舟行行  
余未已獨處君如何瓊瑤雖可寄歲月翻蹉跎  
逆旅何局促世路原風波孤生感易集勞者自  
爲歌

王徵君徽養疾

落葉滿地黃秋風動促織寂歷靜無人夜半聲

唧唧抱病在胡床伊誰話曾憶瀟湘南鴈鳴翔  
翔乖羽翼鍊藥在閨廕悠悠強自食精神會可  
全四體等雞肋望望江湖間何時有起色

袁太尉淑從駕

祈年事盛典肅駕至宮廟殷禮既肇稱皇恩無  
不到萬姓總高呼九有驚太誥草木有光輝出  
河咸炳耀雲錦蔽晴空旌旄翳遠道大飭漢祠  
雍恭新周典要武帝肆靈輿始皇窮海嶠緬懷  
千古英不及茲巡好俎豆幸周旋環珮列前導  
南園詩集 卷之十 羊

謝光祿莊郊遊

平生有幽願野好更無前整褐出郊際稅駕臨  
江邊深山虧白日林遠隔炎天既遂丘中性將  
尋物外僊澗寒轉幽谷松陰落飛泉洞口霞氣  
藹峯頭花欲然蒼翠衣更濕黃鳥鳴翩翩吾情  
聊自適茲意向誰傳寄語風塵客富貴非所先

鮑參軍昭戎行

時值孟冬月殺氣滿朔方征馬寒不鳴驅車掃  
嚴霜出門本狗義提戈去故鄉故鄉路漸遠前  
是古戰場將軍麾下令亟欲縛賢王山川白日  
晦寶劍生精光不惜馬革裹豈憚鳶食腸窮兵  
憶漢武築城思秦皇笳聲起何處感慨徒自傷  
男兒若惜死百世誰流芳

休上人怨別

涼風西北起客思日悠哉彼美成阻絕惆悵何  
時來中天有明月徙倚空徘徊九疑與三峽迢  
遙誰爲開尺素寄魚鴈雲雨迷荒臺人生有離  
別世路多塵埃瑤琴還在匣聊以舒中懷  
南園詩集 卷之十 羊

二酉園詩集卷之二

沔陽陳文燭玉叔著

五言古

將游五嶽詠懷十首

灼灼白日西舉頭望長道春鳥相因依豪華不自保五城十二樓一一列海島顧非金石姿寧能多壽考僊人王子喬與我開懷抱

其二

人生重結交結交良非偶世路多繽紛作意惟恐後調笑尚難終寸心寧不負深山亦可羣麋鹿亦可友咄咄魯仲連無乃稱不朽

其三

少年萬事輕奄忽多捐棄俛仰世上情黃金與高位三十六洞天八十一福地夙昔夢見之起坐不能寐古人多游僊行行常亦至

其四

我聞嵩高山太室連少室古樹幾千年葉狀如梨實亦有浮丘公頗得長生術指顧見中原崢

嶸無與匹僊館墜玉漿食之或萬一

其五

衡山有九疑向背不復見所見獨飛泉潄潄如匹練更上岫巒峯芙蓉落面而飛颺多少年光景真堪戀顧爲黃鵠翔比翼疾於箭

其六

西岳爲華山巨靈開其上四谷盡高巖削出僊人掌石榻懸其中叩之有餘響日松栢林白雲空莽莽逸羽思拂霄天門同浩蕩

其七

岱宗何其奇齊魯青特出冠友曾登之入下小亦易秦松五大夫歲寒不記次幾時有觀峯八極得高視好讀漢家碑對碑七十二

其八

北望太行山峩峩真無際壁立羊腸途曲抱靈蛇勢中藏多寶符一一自先世朔野近烽煙標奇還不替從來萬仞間幽人可長憇

其九

日月不待人容顏豈常少悠悠行路難深山隱  
虎豹海內有同心示我周行道何必出戶庭而  
後窺要妙爲樂當及時因之發孤嘯時汪襄陽伯王貽書云古人不愧戶牖而見道公子人乎采真之游姑徐徐可也

其十

河水蕩寒雲家世本耕讀城中結高樓張燈賦  
華屋丈夫志四方安能久羈束況也所遭良一  
一倚骨肉行行謝親知游心恣所欲

雨中讀茶經

南園詩集

卷之三

三

端居日寡營簷際鳴新溜吾鄉陸羽生頗得茶  
中趣嗜茶著爲經提携在座右辨水與煎方取  
之誨余婦昔隱火門山自稱桑苎叟萬一與人  
期意氣惟恐後獨行痛哭心徘徊真我友詔拜  
文學臣富貴非其有千秋鴻漸名膾炙今人口  
遺編三復之清風落吾手

大堤行呈汪襄陽伯玉

春花滿大堤飛來爲誰有踏青如花人一一出  
纖手爭買看花車馳驅惟恐後習家好池亭山

公今太守

閒邊報呈職方公四首

一自庚戌後烽火歲不止胡笳月下吹幾到甘  
泉裏黃金馬上馱轉輸疾于矢空聞守四夷壯  
士隨風靡大臣說巡邊關西楊伯起

其二

秋高胡馬肥刁斗亂朝夕一望薊州城塞雲連  
度尺鬼火出黃昏白骨高沙磧綺紈還報功我  
民復斬馘表餌計難施淚下飄零客

南園詩集

卷之三

四一

其三

西苑等蓬萊君王神且武日夕禱玄文匪徒舞  
千羽柰何有天驕邊報急如雨闐闐方振戈賢  
王頭可取請纓誰終軍俛仰空千古

其四

自古言大將立功最爲難今日時與勢運籌尤  
萬端不獨苦中制相門鬻材官堅銳胡可執三  
軍多饑寒誰憐草檄者夜半燈猶殘

送同年王應忠尹舒城

昔住臥龍岡高歌凌梁甫官舍况龍眠清眸照  
簷廡學道真丈夫夢人常翺翺臥治百里中青  
山得其主染翰一鳴琴持括山花吐北闕上書  
人徘徊散如雨別爾更同心綢繆意獨苦明月  
落西亭涼颺動嘉樹結襪走釋之風流無與伍  
從此列台衡彈冠自貢禹

席上投別童子

冽冽起涼風愁思苦羈束別爾還故鄉明朝成  
遠矚有酒况盈觴良辰仍秉燭矯矯太史公清  
揚美如玉廊廟一高歌寰中驚郢曲著作方琳  
琅生年傷迫促快觀鳳凰毛憐才起躑躅架上  
有父書芳名知可續玉露飛庭柯暄映杯中醪  
千金成垂堂願言策高足

雨中雜興六首

玄雲黯四郊積雨經旬日屋角溜紛紛簷牙聲  
唧唧振衣視顏垣呼兒檢殘帙晝夜俱苦長陰  
晴那可必

其二

咄咄賦愁霖悠悠嘆流潦堂上生水衣階前  
茂草星占果照濕雲根何由掃斷絕車馬音不  
似長安道

其三

豐注已翻盆衝泥仍赴闕睥睨鴉不飛長樂鐘  
聲歇輦路象足遲通衢馬蹄沒何故太連縣因  
之輟朝謁

其四

吾家桐川庄乃在長夏汭山中習靜人樹下蘭  
篔簹竹葉洗更青荷花晚尤麗望望白雲層絲  
絲江雨細

其五

逃暑思長林惡濕懷臺榭百尺結層樓連床話  
良夜雲霄志未酬江河日因瀉風雨正牽思去  
住令人惜

其六

我聞行路難况乃塗泥阻靜聽浙瀝聲似向幽  
人語端居棘樹亭恰對瀟湘渚寸心倘不違扁

舟從此去

送明叔兄南歸

寒夜理短褐朔風淒且涼同胞叩門去踟躕大  
道傍林間亂黃葉仰見連枝霜氣結莫能語淚  
下沾我裳昔別豈不戀男兒在四方三載忽乍  
見羽翮期翔翔袖中雙白璧千金不可當懷歸  
竟上馬束此千里裝功名壯士心所貴齊得喪  
去者反吾土留者悲異鄉到日盈觴酒爲我酌  
高堂太行路稱險黃河失其常一言慎歸計再

言慶景光

塞垣行得西字同社中諸子賦

朔風振中野交河草萋萋胡兒窺冀北又復近  
遼西將軍下新令寶刀誰爲提萬夫何勇敢呼  
應聲俱齊胡笳吹邊月征馬行且嘶刀頭何得  
返長安夜刺閨黃金懸誰肘白骨空深谿我願  
守四夷年年絕鼓鞀

謁夷齊廟得寒字同陳維錫太史賦

振衣來山麓高岡何巒岈中祀孤竹子陸離簡

家冠當時叩馬諫孟津水爲寒四海雖大齊周  
粟胡忍餐矯矯採薇日恨不披心肝神器已屢  
易忠腸遂不刊何人識義士千秋名竝看再拜  
薦芳芷乾坤賴羽翰

擬陶靖節飲酒同沈子靜檢討賦

百年渾似夢歲月苦相侵惟有杯中物對之爲  
素心觴酌不論次安計淺與深更取頭上巾漉  
酒仍披襟天邊倦飛鳥同我棲故林

別包元夫使淮安四首

送子之淮南河梁重携手此地秦漢間戰場十  
八九雨後甘羅錢不可覓斗酒浮生亦朝露何  
能稱不朽去矣長相思崇德期皓首

其二

驅車下邳城有橋名曰圯空聞所授書不見當  
年候若無黃石公誰從赤松子平生慕遠游異  
人那得似海上倘相逢千秋問遺帙

其三

下馬立斜陽詰屈淮陰市悠悠市上兒何如漂



母里祠下有孤燈爲我薦芳芷一飯共君恩王  
孫忠自矢蕭蕭大風歌至今思猛士

其四

荒城指祝其落葉渾如雨淮海日夜流羈縻沉  
於土憐君慷慨心臨風一吊古遺碑在岸頭剝  
落無復覩奇字愛李邕尚掛娑羅樹

遣兒歸省大人書懷八首

驅車上河梁春風激靡草母子更何之綿綿故  
鄉道六月田禾登隱林有新稻採之入盤餐高

二南園詩集

卷之三

九

堂正書考莫問大刀頭風塵令人老

其二

四齡知索書偏對氣詡詡爾祖最奇余才士歷  
歷數終軍與楊修稱衡王勃甫惜也器匪遐任  
道在愚魯大書戒前車至今心獨苦

其三

嘉靖庚戌時我生十有六北隨職方公名公多  
垂目賦得高軒過僉言比珠玉永懷慈母意悲  
哉我心感往事若飛塵卅年復追還

其四

先皇急治安策士當乙丑西極貢驂駟東序列  
瓊玖甘露垂金莖輕烟拂宮柳曲江幸題名棘  
林有官守人生曾幾何胡能稱不朽

其五

阿均頗能文長大忽十五見者意相憐翩翩鳳  
凰羽我家比鄴侯遺書藏千古豈無螢可囊棄  
也恐如土念汝悵悠悠策名在辛苦

其六

阿圭已七齡紙筆尚不好傳家有遺經典謨與  
訓誥相者奇汝骨他年能達到一二丈人行謂  
汝易跨龜何以慰我愁明德在戒傲

其七

行行難重陳兒女尚岐路離別在須臾何言去  
與往陌上草青青不知春已暮千里碧油車五  
月黃河渡一望太行山白雲渺晴樹

其八

到時慰重闈歸時復將毋長安有狹邪冉冉空

奔走清朝執戟疲動業吾何有冽冽秋風生吹  
熟山中酒客子苦畏人歸來亦不久

別蕭文明比部

飛鳥思故林徘徊在中野止爲失其羣悲鳴若  
堪把念我平生親恨恨不能舍行人難久留綢  
繆且括筆四海多結交誰是同心者去路本崎  
嶇况復當長夏澤中有幽蘭江邊有桂若美人  
正似之芳香因風惹回思十載心琬琰尤相下  
此別悵悠悠愁見淮河瀉

西園詩集

卷之三

十一

別李本寧編修

以膠投漆中與子有良遇歡娛難重陳感慨即  
長路惠風習習來吹動連枝樹子也絕代才况  
乃披情素光寵邁漢宮芙蓉綴仙露憐予執戟  
疲殷勤復相顧方李二才人子及甫柔翰時相吐  
愧匪邯鄲流寧薄廝養婦分手長相思新知不  
如故迢迢雙鯉魚早下淮陰渡

寄馬鴻臚

憶昔歌燕市岐路多悠悠膠漆本投合與子結

綢繆遇庭有遺訓難兄况名流嘉會不再至握

手驚素秋金陵好山水道路阻且修贈我青玉

案踟躕不能酬明月光皎皎促織聲唧唧彷徨

獨出戶展轉登高樓良宵有飛夢吾憐馬少游

別方山人四首

四海多結交綢繆原梓里雨雪大河傍楓樹淮  
陰市乍見難久留高歌忽中起古來有異人相  
逢多在此爲問黃石公今時能隨履

其二

西園詩集

卷之三

十一

憶昔毘陵生卓彼石蓮叟寤寐在三皇遺書窺  
二酉凌爾更論心扁舟維夏口兩人已長逝吾  
道還誰有人生能幾何榮名期不朽

其三

西北有龍門東南稱鴈蕩之子采真遊一一登  
其上雲封與靈臺遺跡疇能訪良夜偶具陳冷  
泠發孤想黃鵠本遠飛願效盧敖杖

其四

明月懸孤城照爾冰玉質四時忽化遷歲暮亦

何疾執手野踟躕古人誰與匹談天比雕龍憂  
時或捫蝨行矣定交盟岐路勿相失

歲暮書懷四首

凜凜歲云暮寒暑不覺移家山在三楚烟雲莽  
欲垂剖竹守東海黎民還其咨倉粟無可發悠  
悠我心悲潘生有永嘆屢出固其宜誰云折腰  
苦素衣化為縞

其二

節序自推遷蒙中日多故登城望郊圻入海尋

西園集

卷之三

七

岐路匪爲窮梯航碣石因之度天子重邠基冊  
楫時召募豈不畏波濤從茲食可足乘燭輟前  
籌且讀玄虛賦

其三

深山隱玄豹寥廓已高翔衆人多競進謠詠空  
羊腸結廬在夏汭烟水日徜徉行吟憔悴者十  
居曾瀟湘驢樂有骨肉游子戀故鄉湯湯江漢  
水欲濟河無梁

其四

捐棄出長安釣天落清夢朱鷺列明廷白雉來  
遠貢憶當休沐時幾采椒花頌弦望又經年倪  
仰多隱痛短翼欲凌霄安得晨風動引領薊北  
遙踟躕羨儀鳳

舟中別魏季明

榜人欲何去送子還故鄉良時不再至携手河  
之梁美人握明月皎皎生夜光桂林有平子張  
意氣不可當休文亦佳士明復尤楚狂

孫北

四子同結社華燈永夜張丈夫重然諾金

西園集

卷之三

古一

石莫相忘子行不我顧回首天一方人生不滿  
百榮名溢縹囊川等慰離別斗酒盈我觴

與孫兆孺舟行有懷按察公

朔風何冽冽行行聊復止中有同心人擊枻和  
歌起感慨詢親交十年還故里江邊有杜若幽  
澤多蘭芷歸來意何適不向風塵裏對酒發長  
嘆年華去如駛與君非新知李門同世誼踟躕  
夜不寐悠悠淮之水君歸泛洞庭相逢亦云爾  
歲晚思如結天涯有遊子

別孫山人兆孺

歲序忽云暮我友遠行役道路阻且長論心安  
可卜對酒酬岐路援琴理清曲天台鴈蕩間霞  
標落飛瀑興公山中賦剝蝕還可讀佇立吐高  
吟勿爲阮生哭

別沈山人嘉則四首

河上柳青青行人在遠道海氣蜃樓成東風吹  
野燒傾蓋若平生况在淮陰廟矯矯萬戶侯當  
年亦理釣努力愛劍書丈夫何可料

青園詩集

卷之二

十五

其二

走馬吊劉伶箕踞忽大醉南有宴花樓北有鉢  
池寺萬期原須臾登覽得同志携手悵悠悠往  
路何時至酒德是名言酬觴疾如駛

其三

淮南桂樹叢古來賦招隱至今小山徒風騷還  
未泯公等湖海流擊汰淮之水王孫芳草問萋  
萋亦堪憫何物可驕人佇立浮雲盡

其四

結交本相因客舍幾修竹時歌白雪詞陽春走  
幽谷劇郡思無奇我懷日頻蹙七發病忽愈千  
載見枚叔行矣長相思參辰一何速

將遊太嶽書懷二首

弱齡賦采真頗有山水癖千仞神亦翔羣籟心  
若適結束在金門烟霞與之隔每誦景純詩遊  
仙慕夙昔一麾乃江湖杳杳宮雲碧飄飄入三  
湘澹澹仍七澤靈境可淹留長往無足惜奈何  
尚平生徒爲婚嫁迫

青園詩集

卷之三

十六

其二

人生不遺百奄忽真寄居歡娛及時爲九州安  
所如夜夢羨門仙要我于天衢丹扉啓開闔紫  
霞流瓊車排霧奮逸翮指我太和隅景雲嵯峨  
起好風與之俱匪徒問神藥意欲合靈符揮手  
謝塵世明日凌太虛

悼亡詩臨洛關上作

之子去何許窮泉迥且深浮生若朝露胡爲涕  
沾襟豈必爲靈匹然後稱知心零落在中路遺

骨返故林貞石樹江漢千秋或可尋  
治水流咽聽之成悲音

天柱峯

靈區何鬱盤中有黃金殿極力登天門  
標峯時隱見亭亭車蓋雲四顧目欲眩  
上可摘星辰下忽走雷電壇宇締構工  
文皇禮殿薦赤館與青蓮遙望羅繡弁  
夜臥露氣侵芙蓉落面面丹砂倘可成  
玄髮當不變

飛昇巖

西園詩集 卷之三  
一  
兩巖山本奇到此深且迥怪石總磷磷  
白日常冥冥仙人駕雲螭丹鑪空絕頂  
良生藥尚餘鷄犬亦舐鼎金銀氣有之  
四望多烟烟天風蕩清波披襟誰獨醒  
思得壺公遇而與安期等巖頭萬丈松  
飛去那能竝

自然菴

方橋池可通四圍多甃石昔有李素希  
冥棲乃其宅文皇召不來殷勤賜束帛  
至今璽書存光芒動晨夕披玩我重來  
清風生兩腋聞寂處

欲空坐久意堪適十載苦風塵今日還  
行役何以駐我顏流光真過客

誦經臺

我聞陳希夷玄修此其處紫烟亦可乘  
惠風亦可御當年猿鶴羣時來聽經語  
食霞胡不久西向華山去荒臺掃落花  
豐林渾積絮山水本遶迥周覽誠多助  
神爽此長存遺骨無所與何必洗頭盆  
尋源驅玉女

入蜀

西園詩集 卷之三  
大  
不葉滿長空游子行役苦親知重徘徊  
秋色橫南浦遙指西南隅文翁教化主  
遺化至今存從來比齊魯執手爾勿辭  
千秋堪踵武浣花有草堂當年留杜甫  
詞賦本驚人襄城况吾土風流真我師  
到時應吊古多謝丈人言須臾日過午  
取酒結綢繆斟酌疾如羽行行蜀道難  
中懷不能吐

瞿塘峽

我聞岷山江會在瞿塘口疊嶂兩岸懸  
萬派中

流走僂仰䟽鑿功至今稱夏后憶當割據時鎖  
關惟恐後霸業總消沉鐵柱今還有上牢與下  
牢日夜江聲吼防隅一水門清時不爲守白雲  
濕衣裳黃草滿崗阜天險亦何心且酌雲安酒  
兵戈戒垂堂吾憐灤西叟

灤瀕堆

長江浩無際灤瀕託孤根龍蟠隱且見虎鬚若  
爲蹲自牢關真險神物守其閭大禹豈無力砥  
柱中流存匪徒莫巫峽將以維乾坤浪風絕壁  
轉明月寒濤翻上有白帝廟旁有赤甲屯誰云  
如象馬往來自朝昏丈夫多磊落意氣卑崑崙  
孤舟望奇石一拳差可捫

八陣磧

高山含清暉長江急於箭武侯八陣圖光芒同  
素練壘石總成行擒縱幾征戰水落川更平風  
寒江欲轉常山勢因依似與兩儀真虎翼與飛  
龍倏忽風雲變作者竟千秋精忠存片片至今  
白帝城上有明良殿誰言失吞吳遺跡猶堪羨

中原久陸沉此石何可卷

巫山高

巫山何其高參差接衡霍芙蓉出水中上昇開  
秀嶸望霞光自垂翠屏青欲落蜿蜒若登龍氛  
氲頻聚鶴靈雨暮淨壇起雲朝滿壑飛鳳倚松  
巒聖泉集仙藥十二峯多奇神女應堪託高唐  
賦尚傳楚王宮寂寞枕席本虛無迢迢雲夢澤  
不知啼猿哀孤舟倚山泊

酬熊茂初吉士見贈時謫常德

自我下渝州君亦翩翩至巴水正東流孤舟不  
可繫借問今何之南去瀟湘地古來詞賦人多  
爲遷謫更高名滿石渠行行何足異雲安麴米  
春斟酌不記次詩思比昌齡龍標又僊尉一望  
五溪雲愁心應可寄

游凌雲寺用曾中丞韻

嘉州有古寺浮雲時亭亭披雲登其上中有白  
馬經三江蕩明月九巒垂華星寒林蹲虎豹鷗  
鷺橫沙汀峨眉已深雪羨彼雲間翎我有寸心

在綿綿結山靈高言何人留意氣摩育冥亦是  
景純徒游倦期長齡

中巖寺

青神仙更奇青衣江可泊古寺懸三巖石荀從  
中削既禮梵王宮仍登尊者閣斜陽任去留蒼  
翠低不落佛家諾距那嗣錄應堪託陶形世所  
無疊嶂伊誰鑿四十二章經當年啓靈鑰春深  
氣尚寒松風振孤壑大藏多至言晤此逃禪樂  
何當謝囂塵卜居倚秀嶠

三國詩集

卷之二

主一

游杜工部草堂

驅車出郭外來泛浣花溪青郊綠江路乃在成  
都西孤舟繫水檻上有杜甫祠振衣一下拜思  
君曾亂離兵戈正滿眼卜居聊茅茨嚴武憐才  
者而有草堂貴故人况高適細酌哦新詩蒼松  
帶幽色寒林半成橙忠貞貫草木不減初移時  
數椽未零落千載誰心期禁愁取蜀酒臨風不  
自持信美非鄉國萬里同牽思

青羊宮

乘雲駕青羊來往成都市借問此何誰相傳爲  
老子蓬萊金銀宮縹緲從中起九籥丹尚存千  
秋爐未毀偶來飯青精食之半石髓寤寐壺中  
玄悵望關門紫瑤草總堪憐谷神原不死幾時  
就大還孤松長自倚

浣花溪納涼

朱夏多炎暑東帶發長歎偶坐浣溪水溪水生  
餘寒况有陰江竹清風吹羽翰杜陵亦苦熱高  
詠江之干澄江如石鏡白雲如雪山雪山層水

三國詩集

卷之二

主一

好不及使君灘倚檻一舒嘯歸路斜陽殘

登陳子昂讀書臺

金華山崔嵬拾遺宅尚有蕭條屋數椽千秋還  
爲守一洗徐庾風海內自山斗大雅至今存誰  
云揚馬後感遇嘆鴻荒遐想巢居叟湘水與箕  
山卷舒欲無垢多才信累之遭時原不偶極目  
重傷神愁勢射洪酒

大竹道中

秋初木葉落夜靜山溪鳴悠悠涉長道茲山以

虎名車馬疲欲臥僕夫走且驚共言負隅者壯  
士誰能櫻茫茫一四顧新月山頭明眼前總奇  
石不聞咆哮聲馳驅至事苦俛仰浮生輕從來  
市上虎無乃三人成

嘉定早發東李元甫修撰王引瞻少參有

同遊之約

嘉州望峨眉峨眉碧如玉平生幾故人登覽有  
同欲李白富僊才王維多妙曲昨日傳尺書公  
期各羈束翔鳥鳴高林江花爲誰綠薄帷悵所

三國詩集

八卷之二

五十一

之山光時在目

余入峨山鑑燈沙門隨處索題口占付之

直鏡樓

老僧號東林說法居此寺當年魏鶴山樓頭題  
隻字此境孰爲真菩提有真味

歌鳳臺

荒臺一放歌霜林葉初墮楚狂名至今不知身  
遠近偶來亦暫歡古人誠高隱

雙飛橋

臨流坐石梁山光幾明滅溪水聲潺潺日夜流  
不歇徒倚更何之名山此門關

白水寺

薄暮投空門落葉滿山赤白水到胡床塵昧令  
宵釋前望火離峯令人欲飛屐

頂心坡

振衣上高岡松花落滿地忽聞山間鐘不見山  
間寺彼岸幾時登此心無罣礙

雷洞坪

三國詩集

八卷之二

五十四

七十二洞門洞門寒雨滴過者禁無言蒼龍掛  
石壁往往白晝間斷巖聲霹靂

猢猻梯

枝上多玄猿噉噉聽愁絕况乃捫高梯劣則旋  
百折獨有菩提心到此不生滅

歡喜廳

既過長老坪望見木皮殿岡巒差可行杖藜亦  
稱便古蘿纍纍垂云是普賢線

光相寺



朝遊峨眉山夜宿峨眉上法界普賢尊時乘六  
牙象晨起問去來白雲空決濟

現光室

祥光布碧空鳥鳴報佛現虹霓蕩漾中形影各  
自變夜半更登臺聖燈飛片片

峨山絕頂訪通天上人

明月望西天高僧爲余指雪山多景光一照數  
千里領開初地因永承功德水覓路倘披榛中  
有舍利子

西園詩集

入卷之三

九老詩有序

家大人結高年會擬香山九老詩余嗣九  
章寄焉

毛太真道人一百十歲

道人髮垂白走入雲夢澤修真太和山行年已  
過百赤鯉每自乘白羊化爲石人間說駐顏此  
老能易骨

余汝善野老九十三歲

君不識郭門偶來訝黃耆貽背盤跚行社中酌

大斗躬耕漢上田貧賤甘獨守悠悠擊壤歌帝  
力君何有

蔣子亨戶侯八十五歲

卜築傍孤城蓬蒿蔣詡宅平生忠孝心與人託  
龜策三徑餘鳥音兩耳垂鶴髮知爾願假年歲  
歲讀周易

陳空山山人八十四歲

暮宿太白湖朝來匡山下長眉大瘦生咄咄知  
音寡袖中尋龍經誰是長生者扁舟任水雲莫  
戀芙蓉社

西園詩集

入卷之三

五

劉士良太醫七十七歲

青囊帶下醫白頭肱三折亦有活人心五臟見  
綴結束吳顧中丞憐爾稱不絕從此介眉壽仙  
人杖九節

劉元秀文學七十五歲

閉門探丘墳下及秦與漢後進多問奇振藻比  
公幹蕭條一畝園短衣時自灌悠悠任長年勿  
歌白石爛

王石卿闢帥七十五歲

壯哉稷苴流平倭曾授鉞往事花下談真心多  
兒獵猿臂與虎頭伊誰圖鬚髮善飯挽烏號老  
矣更何怯

周太澤禪師七十三歲

少年絕塵根容雀巢其頂不類野狐禪夢客賞  
春茗招提更一新法輪常自醒世界共三千爾  
呪無等等

家大人按察公

三園詩集

卷之三

二十七

歸來二十年結廬長夏泊招侶多素心尚齒追  
三代亦有寥廓思往往躡雲背鴻濛遇至人長  
庚五千歲

送張子常太僕之遼東

送君向遼左山有醫巫閭指顧何迢迢同心而  
離居平時酌斗酒臨岐更百壺周家命伯同舜  
典咨若虞銷鋒和鸞者楊雄箴可書天子况有  
道大宛多名駒行行常內召肯厭承明廬諫草  
自層霄感慨誰能如浮雲關河滿寒雨梧桐疎

揮手即長路君其慎馳驅

張羽王至成都

蘇州別駕張子羽王與余結淮陰社再論  
利州衛幕余感而賦焉

昔在鉢池山傲睨談千古沈迷簿領間一別紛  
如雨相逢似夢中離懷不能吐青天爾何來爲  
言謫居苦揮淚到轅門擊目盡戈櫓坐上出新  
詩問我何所語彰明祠李白浣花曾杜甫古人  
多窮愁遺跡誰堪武飄零爾且安魑魅差可侶  
十酒一放歌雪山雲莽莽

三園詩集

卷之三

二十八

輓袁魯望學憲

袁生抱異質齊魯正造士一訪孔壁經再觀海  
上市矯矯稷下談千秋猶足侈諸生仰止心東  
岱高竝峙文章忌者多銷骨有遺毀聖主尚憐  
才人言亦有止朝投惠文冠夕醉高陽里久不  
見素書報君長逝矣南望涕如頽仲宣哀可誅  
大業在山堂公家名父子

輓魏順甫憲使

憶昔嘉隆間七子富文藻武昌自楚才吳魏聲  
矯矯並仕在西曹丘索事冥討况逢歷下生高  
詒凌管鮑一麾守濟南白雪樓時造衆口可鑠  
金挂冠君獨早長嘯水雲間優游且壽考彼蒼  
不可知沈憂忽終老有子讀父書結交憐世好  
何人是所忠山中訪遺草

哭王引瞻少參

結客少年場執手聚白哲雅意慕風騷古人期  
與敵一榻話綢繆殘燈寒雨滴之子歸重泉孤

三園詩集

卷之三

辛九

齋閉岑寂悲風萬里橋不啻山陽笛

留餘堂

朱參知王伯大有四留語也潘先生取顏

其堂蓋尊公大夫在諸生赫赫未究思顯

揚而貽厥後也旨哉名乎

上宅遠驚塵爽塏望天目造化取忌多甘心守

其朴人生能幾何王謝空碌碌燕子亦知機世

世巢君屋

華堂塗墍茨聊以彰君賜朝廷恩如山後食寧

先事最苦過門心况也當平世何須更高門門  
外多停駟

結廬近包山俛仰堪止息偶出東海間口碑應  
不泐百姓樂有餘水退田功即一室不增簾泮  
泮表儉德

吳興山水佳疏寮列名岫卓哉抱遐心玄素多  
仍舊孫子正振振肯堂與肯構主人只遺安家  
聲垂宇宙

觀孔廟手植檜

三園詩集

卷之三

辛一

杏壇動和風徘徊聖人宅何物最干霄蟠龍有  
古柏太清左紐存白於枝幹易何如此樹奇由  
藥係興革晉代幾再生秦火不爲厄願學乃素  
心瞻依今咫尺秦山未云頽梁木自開闢元氣  
正流行千秋如一夕吾鄉米元章爰此重金石  
剝落贊兩行百代蔭圭璧

登古封禪臺

王者受命興登封何錯落我來問荒臺誰爲起  
九籀秦漢空侈心明王久不作三十六洞幽七

十二君邈金篋貯神房玉簡藏阿閣四顧曠無人天孫何廖廓誰伊稷丘君爲我話往昔俛仰二長嘆聚散秋陰薄

黃清父俞公臨二文學過訪

雙壁光陸離聲價重吳越泛泛大江中孤舟且暫輟訪我吏隱軒一一評先哲明月當時空若爲同心設長夜飲厭厭華燈幾明滅

雪夜訪郭次甫焦山

乘興來焦山雪花大如翼矯矯漢焦光袒臥曾

西園詩集

卷之三

三

止息至今蝸牛廬金石名不泐亦有次甫生千秋可合德酌醴一放歌浮名等鷄肋爲問瀾橋思何如此中得曉起望江天江天渾一色

八哀詩有序

秋夜誦子美八哀詩余懷里門拔淚賦焉

故長壽縣知縣劉公燮

孝標有意氣讀書工三冬弱冠富文采挾策上南宮數奇竟不偶作宰塗山東廉平一無染卓有大父風遇盜忽成病憔悴亦化終桐鄉士民

夢淪水聲淙淙

故戶部主事丘公騰

希範本人傑少小能文章撫壯舉進士綰綬汝水陽叔敖古循吏雅志期相將弭節齊魯間脆促返故鄉有子真民祝遺書猶滿牀十年不相見俛仰徒自傷

故路安府推官羅公璧

維合抱奇思兼工六書法上黨司理時邊關偶巡歷溫飽非所期勲名在竹帛長夜何冥冥况

西園詩集

卷之三

三

乃遭羽檄吾儕敏惠交顏色夢夙昔覺來隔死生令人空嘆惜

故戶部主事包公乾

世宗乙丑年與君共登第出入承明廬公餘談文藝奉使瀟湘間采風多國計甫轉度支郎溘焉忽長逝古稱素心人如君若昆弟伊誰貌中郎典刑欲揮涕

故浙江都指揮使王公顯

少年定交期與君兄弟好將軍雅好文臨池工

逸少高翻慕神仙，迅足思海島。吾家草玄翁，結社親魚鳥。何意竟重泉，思君令人老。酒壚縱在傍，宛若河山邈。

故池州府知府王公順

矯矯王仲宣，一見即倒屣。筆硯相締交，結歡三十載。諫草重南垣，古人無軒輊。出守乃一麾，池陽作廉吏。壽命誰短長，甘棠自蔽芾。良夜夢相逢，音容如髮髻。

故孝廉內兄童公于達

西園詩集 卷之三  
異姓本骨肉，情好原怡怡。少年青雲志，發憤獨下帷。披褐懷珠玉，寧問時勢非。枯生愛習靜，老氏貴知希。分携十七年，羽翼相參差。思君不可見，淚下如綆縻。

故光祿寺監事先兄諱文燮

同胞有夙緣，慷慨曾面訣。寒暑忽易流，重壤永幽隔。垂白在高堂，伊誰話晨夕。架富古圖書，懸舊賓客意。氣自元方高，名雲夢澤揮。涕泣九京何可作。

石林庄同友人納涼

黃蓬臨江岸，鬼戕我河之陽。久爲簪組累，登覽仍故鄉。解衣一舒笑，今古幾戰場。季生悠悠者，隨我携壺觴。涼雲散煩燠，好風吹衣裳。北窗聊一臥，高枕同羲皇。

書李秀才扇

秋天無纖翳，赤壁江之東。江流一線去，千古沉英雄。與君酌斗酒，醉倒蓮花峯。

書庄上壁

西園詩集 卷之三  
絕巖寂無人，坐來山月晚。松筠奏笙簧，栗玉垂瑪瑙。主人不常來，山花爲誰好。

二酉園詩集卷之三

沔陽陳文燭玉叔著

七言古

鳥夜啼

春風一夜吹楊柳  
妾心斷絕君知否  
向來清夢到遼西  
啞啞啼聲驚不久  
停梭織錦有回文  
但言莫作征人婦

鸚鵡洲晚眺

鸚鵡之草何青青  
孤帆夜半洲邊停  
呼來一尊倒明月  
醉中如見鸚鵡形  
臨流披讀鸚鵡賦  
補衡之詞多怨訴  
當年險巇不足言  
風景依依江上樹  
可憐慧辨更無前  
可憐毛羽真天然  
豈知言語亦階亂  
付之昂俎誰生全  
丈夫在名不在死  
黃祖老瞞俱已矣  
江夏何緣不畏名  
甘與曹家作奴使  
至今日暮煙波生  
大江曲抱武昌城  
城頭何人弄玉笛  
吹來片片梅花聲  
江頭花落渾飛雨  
持杯問之誰其主  
赤壁旌旗曾蔽空  
不及洲邊一撮土  
黃鶴仙人苑在樓  
仙才李白如

重游天風浙浙洗洲去一滌人間鸚鵡愁

猛虎行

猛虎山中發長嘯  
白日深林暮當道  
黃犢無聲麋鹿遠  
磨牙撐腹雙眼耀  
五陵少年好射虎  
空向人前鏃白羽  
徘徊終是射石心  
走窺行跡日當午  
我聞九嶷有玉貧  
不攻倦來不慙三危峰  
餓時若從猛虎食  
三危九嶷無安容

行路難五言

君不見陌上塵  
乘風飄蕩隨人身  
從來將相弄權柄  
賓客往往趨要津  
片言坐上有光寵  
填街車馬如車輪  
一朝權去嘆零落  
翟家之門可羅雀  
多少悠悠行路心  
不如窮交重然諾

其二

君不見冰上霜  
表裏俱寒不久長  
繽紛競世亦何益  
人間岐路真羊腸  
阿房宮殿盛歌舞  
今日丘墟成草莽  
莽山鷄野雉棲其中  
繫繫高墳何足數  
浮生當酒且當歌  
莫令含嘆歸黃土

其三

君不見枝頭花今朝滿地昨朝華漢家宮女見  
花愛建章宮裏花如霞折花雨雨笑相語紅裝  
花枝亦可誇長信麗人感偏動自言不及朝陽  
寵年年對花今相思散聚翻憐花萬種

其四

君不見河邊草春日青青冬日槁紫塞從軍正  
少年白髮飄零忽已老故鄉迢遙天一方縱有  
音書不可到刁斗頻傳尚守關閨中思婦凋朱  
顏人言太行路誠險似此離憂那得還

其五

君不見平地水東西南北無定止人生有命俱  
自天富貴貧窮皆如此男兒萬事可並驩只愁  
歲月流如駛我今遭際在盛年何人意氣能相  
憐吞聲躑躅且勿嘆杖頭還有沽酒錢

秋夜長

秋夜長秋氣蕭蕭月如霜夜深展轉不能寐來  
從錦石擣流黃香杵紋砧聲遍響停砧四顧動  
遐想繡成鴛鴦本是雙仰觀鴻鴈都成兩一自

良人戍萬里音書愁絕層城裏衣成不覺淚沾  
裳關山何日能逢使官家有衣聞有絮長短一  
身不可據飛夢迢迢夜未央願與寒衣一同去

隴頭吟

焉支山下多草色祁連山前畜蕃息將軍久慣  
識匈奴提兵直欲窮絕國夜深攬衣起狂走寶  
刀飛箭仍在手關山四望盡胡騎垂老回思曾  
奪取向來百戰總在身不見黃金懸左肘徘徊  
流涕幾沾裳隴頭羌笛堪白首

結交行

余過涪州訪李川甫先生友人陳子壽作憶  
汴歌曰占謝之

與君少年幾歌舞大梁北走非吾土明朝匹馬  
我何之去訪夷門李川甫臨岐起舞君更歌暫  
時分手情如何舉杯恰對嵩山月揚鞭欲挽黃  
河波千山萬壑多遊冶七國爭雄戰盈野良將  
名藏屠肆間公子車停抱關者往事悠悠難具  
陳胡爲懷刺投荒城梁園雪賦自今古雪天訪

舊偏含情國朝詞賦論宗匠誰駕長風破高浪  
空同大復弘德間文采翩翩光萬丈當年同朝  
有李生亳州君采曾齊名薛何不作獻吉死此  
老高懸太白精詞場原是射鵰手含毫落筆千  
人掃五馬徘徊沔水陽太守風流重山斗少小  
同君未及門十年仰止仍乾坤君過榮澤我駐  
馬黃河之水日夜奔君才亦稱謫僊子能使香  
名滿人耳我當垂髫獨見君意氣相看不余鄙  
我家司馬解憐才玄亭奇字君頻來識君本是

西園詩集

八卷之三

五

青雲器選君同上黃金臺黃金宮闕一指顧垂  
柳垂楊總愛樹宮雲苑月春復深不獨秋風有  
良遇三楚聲華更一時九霄羽翮爭爲奇君還  
獨步我自後兩人交好誰能移人言陳雷久不  
逮結交之心千古在平生其差仲產歟文章相  
許追先代茲行我見夷門翁論交憶爾應無窮  
長安陌上沽美酒看花並馬行將同

放歌行送三伯謁選時家大人守職方

男兒生不成名死且恨出門寧說君門遠一夜

飛花沒馬蹄千里平郊草蔓蔓少年意氣不可  
當赤髭白暫何揚揚泣珠辨璧亦往事古來顧  
頓原瀟湘國風冲融比虞夏天子弓旌還在野  
防胡新築廣寧城運籌且屬吾司馬今行正值  
好春時玉釭花撲春偏宜五陵豪貴多相遇人  
生不飲將何爲殷勤更進杯中酒燕然之銘如  
在手謝家兄弟世所希阮氏才名我何有臨岐  
折贈新開柳

長安道

西園詩集

八卷之三

六

長安甲第如雲屯香車寶馬多豪門五侯七貴  
不足言市上但知丞相尊四方玉帛盡若奔夜  
半有人還扣關一朝天子震乾坤七尺之軀那  
得存今朝缺鉞昨朝恩世事悠悠何可論

從軍行

漢家中興稱太平單于公然近京城承明殿前  
羽書急廣寧門外胡笳聲將軍練兵更招募虜  
反陰山使我戍鐵衣如雪更生寒夜半令人淚  
如雨偏裨聞道總封侯可憐白骨無人收游魂



尚作閨中夢悽惻空添行伍愁年年甘老荒城  
下眼前誰是驅胡者所從若是李將軍不見胡  
兒來飲馬

將進酒

君不見東園桃李花春風一夜成泥沙又不見  
草頭露白日照之不及暮人生天地自沉浮枕  
頭之錢何必富請君手持金叵羅聽我擲地金  
聲歌古來高人多取醉我今不飲將如何伯倫  
酒德頌逾切杜陵雲安春在世小兒拍手習家

西園詩集

卷之三

七

池吳姬壓酒金陵肆禪心逃處酒應熟草聖流  
傳正逢酒泉之封尚可移頭上之巾還可漉  
古人一日舒長嘯千載追思欲狂叫紫府丹砂  
總浪問黃閣點名空炳耀古人今人誰不死但  
領金尊甘且旨長鯨一吸巨浪中漢江原是高  
陽里

哀少婦

誰家少婦吞聲哭自言不見舊時屋去年胡虜  
犯京師驅我沙場同馬牧絕塞寒威不可當一

身無有完衣裳繻裘暫披亦不慣舉目迢迢非  
故鄉疾風揚塵忽中起蘆管鳴悲頻在耳哀響  
纏綿不敢呼胡兒穹廬時自徙四顧無人偶脫  
逃仰觀星月長城高望星拜月指歸路鴻鴈南  
征聲正號玉門關入追不及竄過荆棘湏臾正  
歸家夫婿已喪亡傍人見之都感泣夜深話舊  
淚不乾向來奔走何其難遺骸故土始得返愁  
見刀痕與箭瘢古人只言生女好惟有生男埋  
百草豈知生女逼匈奴縱嫁比鄰還遠道

西園詩集

卷之三

八

哀江南

往年遄寒只防虜胡塵不敢飛中土豈念今年  
又備倭海南烽火胡能禦颶風蕭蕭發島洋戰  
船千艘維孤嶼武夷山下集黃雲會稽城內飛  
白羽姑蘇夜半少行人西湖一旦休歌舞甌越  
頻年已不堪淮揚今日兵尤苦眼前城郭化為  
墟那說金錢與兒女廟堂懸賞示封侯黃金徵  
調幾寰宇我聞聖人在上海不波日本胡爲有  
弓弩長纓得請是何人一望江天淚如雨

觀王右丞維滄洲圖歌得峰字

右丞一去已千載  
右丞妙手還崔嵬  
人間已忽訝十洲  
壁上不合懸江海  
石林赤日渺孤峰  
桃花亂落武陵封  
當年避秦疑此地  
深谿遠澗尋僊踪  
僊踪隱隱不可見  
筆底煙霞猶散卷  
由光藹藹近人飛  
水勢潺潺常座濺  
維也維也今有無  
披圖玩之終模糊  
安得坐我輞川上  
丹青與爾同招呼

雨中懷江上草堂兼柬包元夫計曹蕭文

明比部

帝京宮闕非吾土  
家山一別經年五  
晝夢迢迢青草湖  
覺來唧唧黃梅雨  
雨聲似到胡床語  
結茅爾在江之渚  
亭榭丹梯總是春  
陂塘六月疑無暑  
萬竿寒玉煙雲裏  
七澤遊魚有新美  
白水波深負郭田  
烏皮濕盡看山几  
看山今向天涯陌  
簿書堆案胡相迫  
歲月空慚楊子玄  
煙霞久負羅含宅  
四顧發狂欲大呌  
折簡那能來二妙  
千絲萬絲雨不如  
滑滑塗泥更誰道  
青山澤國

渺難度咫尺同心亦異處  
沾得清尊遲爾來涼風吹動簷前樹

送李孝甫太僕還四明

木葉蕭蕭下城闕  
美人別我還吳越  
放舸聽牽日暮雲停杯  
欲問青天月寒雲涼月解隨人一  
言投合偏相親  
河橋且繫紫駟馬  
朔風吹動白綸巾  
故山遙指東溟渤  
鴈蕩天台何翠岬  
問君職掌十二閑  
何人更愛千金骨  
渥注奇種亦無媒  
負轅俛仰鳴長哀  
古來神識今安在  
秋深草沒黃金臺  
丈夫遇合皆如此  
眼底浮名竟誰是  
江行白也有新詩  
鴻鴈肯寄長安市

陳維錫太史夜過席上得明字酒酣遂成長短句

空庭木落風亂鳴  
故人訪我歡相迎  
甕頭酒盡話不盡  
冉冉浮生誰令名片心  
恰似城頭月夜深  
還向城頭明彩筆  
生花何太奇  
劍光忽傍燈前紫  
太行峯峽北  
斗寒故人勲業還  
如此天涯青眼望高歌  
眼中之人吾與爾

天台行送邵司訓之寧海

天台秀挿何其高，倒影凌空駕海濤。赤城霞標擁萬丈，寒泉瀑布飛千條。穹隆懸磴真堪仰，滑石莓苔光欲朗。扶桑曉日照天門，靈溪一濯疏煩想。海上蓬萊路幾重，波浮鴈蕩聲淙淙。誰言絕島少禪祀，山光皎潔無登封。煙雲縹緲掛晴樹，瑤草紫芝還可逢。當年劉阮遊壁間，剝蝕孫公賦君鍾。鐸之四明談經散，帙多餘清披榛捫蘿時。一上振衣况復同，諸生君家科第且屢世。杭州巴蜀仍相繼，揮毫更有祠部公。秘閣淋漓會應制，羨爾真能讀父書。守玄高卧江之墟，北來雪花大如斗。河梁立雪增躊躇，悠悠車馬總寒色。送送音書定相憶，官衙只喜近青山。勲名何必燕然勒，試問山頭若箇峰。側身注目生長風，向平婚嫁若待了。盧敖之杖翻成空，君行且作天台客。爲余先買登山屐，摧眉折腰我不能遠心。欲覓天台石。

西華行寄懷曾以三督學

三首園詩集

卷之三

十一

三首園詩集

卷之三

十一

我聞太白之精墮地五千丈，巨靈咆哮分爲兩。諸峰崿嶸似兒孫，中間削出僊人掌。僊人今去幾千年，芙蓉清露還飄然。丹崖翠壁迥若畫，玄圃瑤房如在前。箭括通天手欲摩，車箱谷口差能過。悲風蕭蕭動石榻，羊公子先今如何。黃河萬里從東來，搔首青天真壯哉。洪濤一線杯可吸，盤渦輟轉聲如雷。當年我夢登其上，二儀浩蕩將焉往。覺來枕席尚煙霞，九節惟餘舊時杖。吾鄉曾子才且雄，天書遙下蓬萊宮。作人已見追大復，雄詞直欲排崦峒。有時振衣絕頂處，含毫洗卮驅玉女。飛揚御日覽八極，區區拳石眞烏鼠。雲臺泱泱亦增容，明星萬點羅其胷。揮鞭西極盡天馬，更叱茅狗爲蒼龍。都亭別去兩三歲，故人風流若把袂。平生意氣共嶙峋，爲我真源問白帝。身游不與夢中同，那能羽翼飛晴空。古來李白登此憶謝朓，胡不與爾醉倒蓮花第一峰。

已巳除夕擬杜七歌

有客有客在長安承明委珮聲珊珊誰言清朝  
已刑措仰看時事心猶寒縱飲斗酒不成歡五  
年未歸江之干嗚乎一歌兮歌未闌悠悠人間  
行路難

其二

有父有父在高堂運籌曾作尚書郎旌旗曉度  
飛狐口至今勲業遺遼疆山中題詠歸錦囊安  
得置我于其傍嗚乎二歌兮歌欲狂寒燈熒熒  
夜未央

西園詩集

八卷之三

七

其三

有母有母已下世當年生我禱玄帝少讀女史  
并諸書教兒不獨工文藝九載于今憶長逝黯  
黯浮雲獨含涕嗚乎三歌兮歌始劇悲風慘慘  
來天際

其四

有兄有兄富文藻平生怡怡情自好羽毛更得  
兩鳳雛好向雲霄致身早幾年不共話懷抱江  
市戎戎令人老嗚乎四歌兮歌愈浩池塘夜夜

生春草

其五

有兒有兒學我步大者讀書小能句手攜爾妹  
總成行婚嫁何時畢良遇浮生萬感泣岐路柏  
葉椒花仍歲暮嗚乎五歌兮歌屢度沉沉玉漏  
依宮樹

其六

有友有友各一方欲往從之河無梁已知生別  
常惻惻惟有死別牽我腸時有子雲伯現之感春流泯泯

西園詩集

八卷之三

古一

還故鄉相思誰寄鯉魚長嗚乎六歌兮歌正揚  
新月纖纖度女牆

其七

吁嗟我年三十五低頭奔走空塵土按劍無緣  
附鳳凰揮毫不敢驕鸚鵡欲取瑤琴試一鼓絕  
調知音自今古嗚乎七歌兮歌獨苦嗟嗟鷄鳴  
頻起舞

送郭承芳愈憲河南

長安十月驚寒早長安一尊聊醉倒故人繡斧

中詞賦獻長楊公家屢朝皆賜第列卿御史尚  
書郎自言出身報明主柱下英聲紹爾祖一官  
卽得理冤民幾廻落日西亭樹亭中懷抱向誰  
開燕歌郢曲相追陪雄篇楚楚青玉案片心矯  
矯黃金臺三花遙指迓旌節九曲回看心共折  
攬轡還清少室雲操觚且賦梁園雪梁園往事  
那可論銅駝金谷隨灰塵荒城風物總蕭瑟憐  
才弔古空愁人朔方昨夜傳刁斗馬渡交河南  
嶺好向中原洗甲兵

三國詩集

卷之三

十五

梁舍人思伯寫見南江閣圖書寄大人燭  
爲短歌附之

復州自昔雲夢野一線澄江向東瀉歸去幽人  
坐讀書中結樓臺俯長夏樓西累累又朱闌城  
頭隱隱皆青巒綺寮似對赤館頂飛除欲掛烏  
林湔黃金爐鼎已百煉玄經草帙還千卷蘭茝

重歌澤畔吟柴桑只喜南山面有時天雨忽凝  
晴崇丘疊嶂須臾成空中殿宇列萬狀雲開樹  
沈沙爲城天峰吹墮青霄外眞宰從來有明昧  
海市如何忽上江悠然見之與心會嶺南梁子  
鳳凰雛結交司馬曾離娛懷人似欲度湘水酒  
酣亂點雲山圖披之如對昨年景席上淋漓動  
光問蕭然那得坐其中望望家山繫長頸

出塞行別楊參軍之大寧

男兒七尺當封侯千金買馬裝刀頭羨君本是  
良家子腰間仍帶雙吳鉤汶河水落胡塵起渾  
沱冰合官軍止朔風淡淡擁平沙白日蕭蕭寒  
易水東指遼陽西大同紫荆况近甘泉宮隴頭  
雲卷似列陣關山月渺如懸弓毛席茸壘須臾  
集虎夫魚甲齊聲立笑取賢王可繫來往見將  
軍只長揖將軍誰是霍嫖姚決勝帷中還爾曹  
揮之沙漠如脫兔可令秋高來射鵬君不見淮  
陰萬戶稱不朽跨下少年何足醜登壇一軍驚  
且走漢家四百皆在手戰場赤幟尚可尋請君

三國詩集

卷之三

十六

試度飛狐口

虛舟歌寄懷鄭山人中伯兼詢謝茂秦消息

丈夫高視卑乾坤曳裾瓠落多王門片言投合  
卽知已黃金結交安足論我聞趙王昔好士賢  
象千里如雲至鄴下應徐再見之梁苑鄒枚亦  
不啻就中更有謝生才鄭也遠自東吳來清流  
不其濁漳水乎翰時登銅雀臺大鵬遙徙南溟  
翻雕龍更仗談天力已知明珠照千里况逢光  
西園詩集 卷之三 七  
龍投變僕平原往事難重陳一時聚散如飄塵  
泰山東望有谷口日觀之峰何嶙峋羨君意氣  
復如此湖海卜居聊復止疎達惟宜年仲過安  
貧羞作鴟夷子黃鶴摩天事遠遊笑看天地原  
虛舟如何竹素老不倦風晨雨夕燈猶篝江山  
滿目多兵燹筆底煙雲差足遣昨年寄我尺素  
昔高誼翩翩知不淺藜杖綸巾何可尋燕齊朋  
侶誰知心薦君不能慚狗監知君聲價還雞林  
悠悠世路多齟齬冉冉浮生真逆旅玄暉高調

與爾同謝生謝生在何許

淮河行送高郡判東歸

淮河城邊日將暮淮河舟邊葉如雨客子秋深  
思欲悲况別同心在岐路同心擊汰何所之悠  
悠將返瑯琊涯齊魯一望青未了嗟哉世事如  
奕棊往年秉鐸在六館石鼓遺文續其斷英英  
少俊總在門遣子匈奴亦納款承明出入有光  
輝天子臨雍曾賜衣胡爲遠作淮南吏催科日  
與心相違淮南凋敝如可掬二月新絲五月穀  
誰道瘡痍還可醫骨皮不見心頭肉憐君向我  
懷雙引回思述賦完何時決決誰流復再泔噉  
噉噉晉空其咨焉夷欲遣無奇策如何忽動煙  
霞癖世事都消北海杯閑情好著登山屐君家  
崑崙泰山東石闕玉几臨長空寒雲忽傍秦松  
外奇字多有漢碑尊前有酒且復盡白管交  
情亦堪憫臨風對鼓猗蘭操遏雲彈出箏篋引  
浮名我亦輕羽翰華鱸况在江之干請君爲掃  
天孫石若箇峰頭好挂冠今日歌聲淮水寒

醉後別管山人

蕭蕭疎雨落長陌故人維舟行且迫岸頭有酒  
正如淮斟酌紅光搖琥珀丈夫自古多貧窮黃  
金揮之如瓦石馮紹張藻似尚存畫圖往往垂  
竹帛醉中分手一無言醒後何人話干壘平生  
只有糟丘癖茲行正過濟寧樓爲我丹青肖太  
白

黃金臺歌寄大兄北試兼懷孟以賢

昭王當日築高臺驂騑騶襲紛然來宛丘西極

西園詩集

卷之三

九

不足推駿尾蕭梢走海隈千秋往事空蒿萊于  
今明主方愛才金馬之門仍正開吾兄骨相  
本龍媒一日千里何壯哉故人意氣非塵埃故  
人神駿非凡胎登高四顧共徘徊天風吹動秋  
霜皚

宿太嶽絕頂夢中成長短句

太嶽之山何其高長江一線飛洪濤纖纖明月  
眞可拾浩歌一曲仍持螯吾家杖履挂雲樹冉  
冉流光三十五嘉靖丙申中大疎薄誰言嶽降人禱茲山生余

神今日重過頻起舞青童兩兩何處來雲鬟素

手相徘徊謂我玉皇香案吏遺我一二流霞杯

希夷練脩有遺礎神女解珮如可語飛揚不在

宇宙間十洲三島非延佇呼吸眞如帝座通高

標浩蕩摩長空白雲在下衆山小意氣泠泠思

御風嗟余本有山川癖遙向青冥拜奇石林猿

野鶴總堪題獨少僊才李太白

匡山行贈李子少白

我聞李白多好奇金陵酒肆揮新詩五侯七貴

西園詩集

卷之三

十

亦共酌氣岸凌人不可羈采石江寒飛白雪才  
情流水俱不歇舉頭已碎黃鶴樓持杯更問青  
天月月華樓閣迥千秋白也白也翻僊遊我亦  
平生百觴醉恨不相逢鸚鵡洲吾鄉李子稱希  
白紅顏綠鬢糟丘癖臨池王逼晉時書成詩頗  
解唐初格煙霞林莽意相親名山到處思逡巡  
有時出門忽大笑自言不是蓬蒿人吾家司馬  
憐才者問字時時走亭下去年曾作頭陀碑寒  
陵片石煩君寫興來與爾酣江樓清尊消却千



年愁眼中識人亦不少於今誰是韓荊州李生  
李生醉且去匡山還有讀書處散髮何年結勝  
遊暮雲長挂青天樹

過黃河投弔李川甫先生

夜來陌上多風雨曉起平明出長路褰帷遙見  
太行山驅車且向黃河渡河流新水發桃花河  
邊游絲挂晴樹龍門一派何壯哉千古寒濤只  
東注懷人心事共悠悠腸斷梁園幾朝暮當年  
匹馬夷門道景延堂上開懷抱昭代文章數李  
西園詩集 卷之三 五

解五嶽圖贈少林寺僧洪川廣令歌

夜坐不厭山中月晝行不厭山中雲雲飛月落  
興無盡披圖指點間巒分此圖真形號最古天  
壤名山惟有五芙蓉日觀在東南蓮花僊掌開  
西土太行峨峨碧玉間一到嵩丘是中宇携來  
傍我亦有年何人贈之郭次甫高僧况是惠遠

流卜居他日能為主好勒磨崖第一峰寒林夜  
半生風雨

明妃村

我過明妃村前有明妃墓荒臺芳草自青青一  
逐胡塵那復顧美人俊骨已不存後人爲之永  
哀慕可憐顏色不足驕可憐恩寵無常遇秋來  
霜白月更明悲風蕭蕭如怨訴假令當年老漢  
宮長信流光亦易度何得佳名今遠布最恨君  
門萬里長斜陽佇立荆門路

西園詩集

卷之三

五

南叔後憲使召飲聖峨亭以雪大不果游  
成長短句

明月滿江干峨眉雪未殘月華與雪艷照我衣  
裳寒如何到此說去住徙倚空門日將暮磷磷  
白石在青天翠黛雲鬟挂江樹關西才子約我  
遊明珠片片仍相投未能冒雪到絕頂一愛名  
山經幾秋頭陀更指岑公碣今古豪華總消歇  
明年三月峨眉青與君重醉峨眉山月

酬山人王寅見懷兼以招之



仲房仲房爾在何方高歌懷我江之鄉爾稱十  
嶽我稱五四宗之外何須數向禽兩人有同好  
惟我與爾追千古我非宦遊爾非阮名山煙月  
聊同適峨眉絕頂我亦游杖藜定有茲山癖眼  
前倒屣當是誰漢家王符一縫掖

寄懷孫山人兆孺時訪王元美中丞

之子一葉舟曾繫淮陰市結社大河邊悲歌中  
夜起然諾重千金散髮垂兩耳一歸洞庭山聞  
到郎西里郎西王人王仲宣坐中君亦孫文始

蘭園詩集

卷之三

五

賦得青城山歌送王召之憲使入賀

蜀山萬點青天山指點青城山第一自古傳爲  
七洞天蒼翠陰陰造化窟瓦屋遙連碧雲落雪  
山咫尺寒光薄唐人錢起亦作歌更壓峨眉吞  
劍閣倦家都會舒長嘯秦漢封禪都不到公家  
逸少最好奇夢回汶嶺恣登眺惟君手持綠玉  
杖少年身致雲霄上學海淵源讀父書筆走風  
雷驚哲匠杜陵李白久云沒千載聲華同突兀  
觴更滌浣花溪振衣直探峨山月愛山我亦

同君癖年來汗漫登山屐臨岐遙望青城峰煙

霧蓬萊生几席青城似濯芙蓉水靈關爲門包

玉壘符采飛天茂八區故人育次原如此故人

本是金閭彥馳驅走謁明光殿先朝柱下有直

聲聖主當陽財一見此去關河路浩蕩華嵩

之間雲莽莽少林鐘磬欲浮衣蓮花僊露歸其

掌別君知君應憶我世上交游空瑣瑣雪夜王

猷定放舟壁間塵榻吾虛左命舟下榻還難卜

故人青山時在日好采嵩雲更入呼遠臣更有

蘭園詩集

卷之三

五

蘭陵祝

西征篇有序

嘉靖乙巳表叔傅公督學于蜀作西征篇

時爲南戶部尚書書示不肖次韻寄懷愧

詞不逮云

我來巴蜀萬里相將誰言秦時樓觀在青天之  
上皆封疆爰自河水直走華陽雖有西南齊魯  
之化終爲蠶叢魚鳧之鄉三廻巴水曲成字瞿  
塘象馬令人傷朝雲暮雨道路悠長捫參歷井

僊仰何常猿掛樹杜鵑啼亡青衣洋瀆江少  
舟航嚴遵下市久不見子雲玄草非其常明星  
夜晦白日晝黃西望雪嶺飛駕石梁峨眉八十  
四盤險麗經瓦屋相爲顏馳驅我亦登其上側  
身南望白雲揚經年腸之九折感叱馭兮王郎  
况音書之稀阻憶杜甫之沾裳古人正愁絕中  
心恰以商梁山劍閣浣花草堂鄉思牢落奔走  
不遑高篇縱橫憶往事夢回時到并州傍當年  
至教可裁簡狂嗟余薄伎難芳躋講堂石室胡  
能忘西連弱水東斷扶桑勳名正協高宗夢豈  
圖空領王維庄

周公瑕爲余書浣花草亭碑寄謝

浣花溪頭數竿竹溪上誅茅數椽屋故人爲我  
題豐碑故人草聖真堪讀平生飄零憶杜甫感  
慨論文仍事古百花吹散溪水紅參天獨樹經  
風雨烏鳴高枝月滿地似共山靈愛碑字徘徊  
若問草堂費可嗔當年王錄事

飲陳子韶憲使卧雲樓醉賦

故人樓閣中天起簾捲東西列圖史一片嘉陵  
入座清萬竿竹樹當筵繁故人邀我醉樓頭亭  
亭江雲如蓋浮閬州佳麗自今古平生况愛名  
山遊名山名園具咫尺玉臺觀碧靈山白門外  
安車久候迎煙霞到手寧輕擲憶昔嘉靖庚戌  
年吾家司馬曾相憐燕京酒人聞海內至今詞  
賦傳翩翩屈指盛名只數子君才磊落誰能比  
今夜相逢一縱談同心世誼悲歌裏悲歌不獨  
爲論文世事翻覆同飄雲從龍觸石聊成卧蘆  
花楓葉秋紛紛倚檻雲容有時黑似爲吾徒供  
翰墨祥光隱見灑四溟秀氣參差垂五色怪得  
家聲說子昂高篇感遇名何長平頭奴子夜沽  
酒問之猶是射洪香射洪閬中堪步武讀書臺  
畔今誰主對酒當歌雲亂飛醉中恍惚吟天姥  
吟成珠玉滿座驚欲別不別仍含情夜深星斗  
下樓去空濛霖雨還蒼生

大峨行

我聞軒轅黃帝訪道峨眉巔天眞之語至今傳

周時葛由有僊骨刻竿曾到綏山前綏山一桃  
眞足貴綏山三景那能繫純陽眞人吹洞簫野  
鶴翩翩下清唳鶴鳴鳳翼共徘徊煙花萬樹空  
高臺濤師琴韻久不作楚狂之名還崔嵬君平  
不謂三峨小佐理名山見山曉黑水白環音慧  
通牛心丹鼎孫思邈孤峰落日火不煙雙橋流  
水聲潺潺白雲正被希夷卧明月應來李謫僊  
古人都愛峨山好月明誰在開懷抱娑羅樹上  
多奇花寶蓋坪前有瑤草西域曾聞千歲僧巨  
靈一劈天門升從來震旦此第一菩薩之石光  
六稜稜光閃爍幾千變更走風雷銅鐵殿鼯鼠  
成羣不避人神鳥高鳴報佛現夜半巖頭吐聖  
燈平蕪一照飛千層普賢大士涉彼岸辟支坐  
遣山靈應山靈自昔稱南戒雪山一帶渾如畫  
曬經火焰宛相連數點蒼蒼銀世界興因峨山  
饒且作峨山謠仰窺天路咫尺雲中法駕如  
相邀天門可仰不可上欲叩盧敖與向長天山  
一色正微茫誰說峨眉之高幾千丈

三南詩集

卷之三

七

吳高敏甫檢討北上兼寄陳仁甫宮贊  
春來百花飛滿路故人遙向瀛洲去太液波光  
玉案通夜深猶見金蓮吐金門出入誰更好高  
適陳琳共懷抱尊酒憐余萬里橋從來蜀道音  
書少芳草斜陽一送君千山萬山青未了  
酬謝山人茂秦見寄之作用原韻  
青天萬里連雲樹故人書有漳河路七子中原  
爾並名建安不說應徐賦書中獨憶浣花溪浣  
溪誰似驚人句甫也東西南北人喪亂兵戈此  
流寓數椽茅屋今尚存夜半秋風聽如訴澄江  
檻俯乾坤橙林千丈經風露故人千秋亦落  
魄出門曾作長安客固窮肯受將軍憐問奇屢  
過高人宅側身天地曾重回廿老風塵髮盡白  
工部文章不浪傳一飯寧忘唐社稷高歌弔古  
夕陽斜太平今日無兵革亭前花鳥莫深愁我  
今漫興還虛石故人杖屨倘來過雪山石鏡情  
何極

瀚臺雲馭歌有序

三南詩集

卷之三

天

中丞羅公撫蜀巡川之南有箕僊筆甚奇  
贈公別號書漸臺雲馭公翩翩有僊氣命  
燭紀其事因系之以歌

君不見周時王子晉嵩丘振衣千萬仞一夕吹  
笙作鳳鳴俯視塵寰同尺寸又不見唐時李太白  
平生最有懷僊癖蓬萊頂上思雲行二山呼  
來供几席三山何處最高峰往往神遊八極中  
鞭雷弄電不輟手更叱茅狗爲蒼龍羅夫子古  
來豪傑俱如此遐齡幾見變桑田遠心還欲食

三酉園詩集

卷之三

元

石髓金銀宮闕歸瀚海投贈卅砂雅相待不但  
文章光陸離不但勲名垂鼎鼐海氣雲容半有  
無此圖揮出真靈符青城主人發長嘯三十六  
洞吾其徒

寶劍歌送羅一化少參之滇南

送君陌上春華好看君寶刀發孤嘯自言佩之  
三十年飛揚不說風胡巧陸行犀革刺在手水  
行直令蛟龍走有時流綺藏匣中有時長虹貫  
北斗周旋八閩與三楚倚天騰電誰爲侶赤堇

昆吳亦浪傳駿馬名都不輕與携來七蜀仍破  
敵九絲絕塞聲霹靂方知太阿偶一鳴青城赤  
甲無兵檄關河迢迢今萬里臨岐把酒悲歌起  
昆明點蒼天下奇劍氣光芒拂衣紫丈夫舒卷  
歸長鋏碧鷄金馬還如昔腰間鋒鏑利新霜定  
使勲名垂竹帛

圭兄北上應試歌以送之

黃金闕黃金絡叱馭登臺爾勿薄君王正坐延  
英閣濯龍飛鳳多噴玉渥洼神品那能却何人  
更是皇人殺長安陌上有伯樂東風一日長安  
陌

紫宸宣對歌爲管建初賦

長安飛雪雪初霽江海孤臣來謁帝管生乍見  
翻作驚咄咄冠裳有遭際憶昔談天碣石宮布  
衣往往工文藝嶺南梁子黎秘書生也逢之比  
蘭蕙相從過我草玄齋和墨含毫雅相契虎頭  
玄壁若再新薛稷青田還不曾周遊八極淮水  
頭大山小山賦堪愛閣名無卧榻自懸亭開招

三酉園詩集

卷之三

三千一

隱爲誰計太守清貧生更憐斗酒良宵幾沉醉

夢魂只在山水間解携尚記煙霞袂煙霞何意

遇明王畫家獨許看前輩上方給札內使傳武

英殿前欲面試小臣叩頭不敢言偏袒右肩膝

着地鵝溪綰拂赤水流囊簪聿就方壺出咫尺

應須萬里論墨花飛動宮雲靄天顏有喜逾近

傍大官珍膳遙相遍中書舍人秩最清牙綬相

將易羅薛宋昌曾寫高士圖立本亦像功臣位

從來妙技重巖郎一日風雲便千載管生管生

三酉園詩集

卷之三

三

遇太奇金馬之門聊避世

池口驛書懷

江濤正如吼江雨復如注上有齊山之春草下

有秋浦之古樹我向池人問路岐徽州迢遞不

可渡兒女咫尺不相顧黃鸝恰恰聲如慕振衣

起坐不堪聞何況啼猿斷腸處

小孤山歌寄廖子占大尹

小孤山下風波小小孤山頭月華好故人鳴琴

坐山曉幽蘭別鶴聲渺渺欲往從之隔遠道

三酉園詩集卷之四

河陽陳文燭玉叔著

七言古

還山吟寄康山人裕卿歸永嘉

永嘉山人康裕卿平生偃蹇王侯輕十年擊筑

長安市片帆一夜東甌城東甌昔有項家子爲

余談生余倒屣長叩短鋏日相過廷尉之門清

如水往聞倭寇起吳中將軍子高操彤弓生也

緩頰奏奇策縱有生死將無同劉郎授臬手可

三酉園詩集

卷之四

一

熱幕下健兒似雲列掉頭辭去不復來將軍死

後扶歸節今歸不獨思故鄉更爲友人治其喪

金陵大哭聊獨往伊誰者子朱職方如生高誼

已蓋世詞華彪炳煙霞寄放浪真如孫太初謝

榛張詩曾不啻長安酒家自可眠生也與我心

相憐燕臺碣石共題品黃金草色今千年自從

一去淮河島三載重過仍醉倒陌上逢人白眼

多悲歌送我三巴道三巴開爾還故山天台鴈

蕩爭開顏布袍綸巾只舊態殘雲疎雨迴秋嵐

嗚乎交情見生死荆軻聶政渾如此千秋置爾  
節俠間乾坤颯颯悲風起裕卿裕卿難重陳丈  
夫出處惟吾身青城洞天我不厭名山往往宜  
騷人萬里橋邊一回晉萬里音書曾寄否好臨  
絕頂掃蒼苔二鴈高峰落吾手

寄贈李本寧修撰之陝西分省歌

李生曾賜廐中馬寰中御者出其下自言奴僕  
常命騷東觀聲名滿朝野忽報李生西出關關  
門紫氣浮晴風飛揚跋扈無不可百二河山差  
搔首問青天千載人驚李供奉

金陵歌酬方子及戶曹兼懷山人周文美

莫公遠

金陵山水真堪羨故人書如見面高歌幾上  
鳳凰臺振衣舊是麒麟殿憶昨談天碣石宮舍  
毫對酒生春風尋陵京山得二李睥睨千古何  
其雄國朝文章數弘德信陽北地差生色閩中  
更有鄭善人公家學海原相翼故人少小有俊

三西閣詩集

卷之四

二

三西閣詩集

卷之四

三

才受詩興國稱奇哉中原七子正解散吾儕文  
社重相開眼前意氣世無匹昔人交好原膠漆  
湖海聲華一日同何意飄零忽相失惟君躡屣  
向金陵金陵勝槩同誰登六朝寂歷青天外三  
山縹緲白雲層雲天迢迢書一紙二妙相逢雅  
相視周郎文筆鴈蕩高公遠孤標寒于水山水  
悠悠任所之焉陵大叫時相隨歡娛且從豪士  
飲袒跣立顧尚書期古來烏衣謝眺宅古來酒  
肆李太白台城臺畔落寒雲采石江心挂明月

倦郎詞客總勝遊東屯西瀼余淹留安能飛渡  
金陵蒨雨花煙葉江之洲與爾三子酣高樓

寄送程孟孺秀才訪王元美中丞時客家

兄霍洞山房

玉山中人如玉玉沙樓中幾脩竹美人放舸  
醉樓頭激楚一聲江水綠吾家元龍得爾常恨  
晚愛爾香名比蘭之九畹足繭千山萬戶輕共  
說王公主文苑新詩好寄青羌坂

江樓漁隱歌爲甘征甫憲使賦

巴江一去疾如羽更走金川繞孤嶼主人呷腕  
百代間縹緲危樓江之滸憶昔杖藜過東岱日  
觀峰頭吐文采飄然挂却惠文冠一葉漁舟雲  
靄靄春風吹向蘆花宿長笑山中春酒熟我來  
載酒訪江門周家渭濱疑此卜明時弓旌正在  
野如君豈是悠悠者願言早擲手中竿委佩從  
今相天下縱令濩落煙霞老不異鹿皮竿裴傳  
盛事岑參亦言此翁取適非取魚世人那得知  
深意

南園詩集

卷之四

四

處士松歌有序

泰山蓋有秦松大夫云乃山半一松傍爲  
處士余愛之賦得短歌

何年孤松如偃蓋慘澹蒼穹雲更靄昂藏不夢  
十八公五封耻向秦人會我來見之獨自停上  
有鬼絲下茯苓疎柯月白色皎皎貞姿風細聲  
玲玲誰言青牛亦至止誰言雙鶴翩翩起畢弘  
莘儼畫最神安能圖我山房裏君不見魯仲連  
獨處東海隅寧甘東海死帝秦之語胡爲乎意

氣千秋絕代無處士之松堪作對愧殺楊家莽  
大夫

登泰山絕頂觀日出歌

夜來寒風吹客衾起視東方還未寅我登日觀  
正絕頂文螭湧出黃金輪峰頭去海幾萬里泰  
山之高萬莫比甫臨陽谷光漸奇初照圓羅景  
尤偉晴風曉露共濛濛千樹萬樹頭更紅鍾山  
之神自晝夜天風拂袖回長空浮生冉冉白駒  
隙纔見朝陽又成夕魯陽之戈未易麾夸父之  
逐徒自厄登山爲樂要及時眼底流光真過客

南園詩集

卷之四

五

京口舟中別莫山人公遠

瓜洲春已暮君向瓜洲渡風吹柳花滿路香風  
前酌酒披情素送君君不顧留君君不住請君  
試問江頭潮孤舟與之共來去

夜泊高郵湖上投吊朱九江子介宗學憲

子相

揚州巨浸有重湖高郵之湖多明珠我來秋月  
正如洗扁舟容與維菰蒲良夜蓬窗偶多暇屈



指賢豪相上下維揚俊人何可當西有寶應南  
興化九江家學接崆峒揮毫雅擅曹劉風吏部  
年少富文藻中原五子聲尤雄十載淮揚過故  
里絕代高名堪仰止雷鳴瓦缶見黃鍾咫尺相  
看二才子二子文章世所稀平生何意于輕肥  
百花草堂山帶閣至今夜夜吐珠幾珠幾吐出  
麗于錦朱弁聲華宗懿品斗間劍氣欲成虹海  
上文光還結蜃我誦遺篇亦有年今夕煙波一  
叩舷誰乘長風破巨浪誰窺玉海金山巔人生

三首閣詩集

八卷之四

六

百歲易流景富貴豪華只俄頃沙邊鷗鷺自爲  
羣水面龜鼉常抱影聞余歌詠似有知紫莖涼  
風習習吹大夫意氣原今古相知何必仍同時  
煙霞尚滿楊雄宅遺書竟抱中郎厄湍流長瀨  
雲霏霏片言或可招魂魄

五言律

峴山

杖屨來今日江山自昔年襄陽問耆舊楚國有  
先賢遠岫連雲際津樓出柳邊摩挲斷碑在叔

子思堪懸

送和叔兄南歸

題鹿同客舍胡騎正紛紛兵革心初定關河手  
重分青天吾問月白晝爾看雲待到江樓日離  
鴻噉噉聞

懷范伯禎

故人一別後佇立憶河梁鴈蕩山偏遠烏程酒  
正香浮雲難託訊明月好相將試問三都賦何  
時獻未央

三首閣詩集

八卷之四

七

秋夜懷按察公

何處恒山路迢迢夢亦隨如何聞鴈語還未遂  
烏私時欲上終終欲上疏疏上倒馬關逾險飛狐度正奇罷兵如  
得請聊慰倚門思

送趙仲璞應試

趙壹才何俊孤帆下楚城三秋新水濶一望大  
江平芳草洲邊色梅花笛裏聲送君知得意翻  
令壯心驚

鸚鵡



翠羽渾堪羨雕籠爾正羈愁深江夏賦感慨杜陵詩世網張偏得能言聽自奇故山如有夢冉冉隴雲垂

閨夜呈家大人

司馬歸田日蕭然意獨閑江聲懸檻外月色照梁間快散渾忘寐丹成好駐顏悠然何所有徙倚見南山

飛花

遠道花偏落令人倍有思香飄風歷亂影度日

三首園詩集

卷之四

八

參差客路三千里鄉心十二時春華應再好看爾上林枝

送童三丈北上用原韻

玉壺携美酒握別在江城征馬嘶應遠流鶯語自驚久知玄草富更夢筆花生待詔金門日難兄舊有聲

五峰山色

五峰何處有隱隱隔江山興遠還能見幽偏未可攀碧含雲夢澤青映竹林灣自是蒼茫景令

人一破顏

三漣波光

河地東南紀孤城見禹勞只因陵更竟遂以水爲濠落日涵虛遠天風湧浪高滄桑几幾變江漢只滔滔

滄浪漁唱

欸乃聲何急滄浪孺子歌浴鷗驚水而宿鷺起嚴阿燕尾隨波泊魚簪掛樹多濯纓與濯足清濁意如何

三首園詩集

卷之四

九

柳口樵歌

楊柳橫江上樵人渡口歸浩歌豺虎遠野壘夜鳥飛芳草春來綠蓬蒿雨後肥平原無一事聊得掩柴扉

丙穴釣秋

秋水月娟娟魚竿宿舸船縱鱗多赤尾縮項有名鱸渚上蘆花雪風前黃葉天何須杜陵詠此景自堪傳

荆樓玩月

倚欄明月好乃是復州城近水還先得臨觴倍  
有情蟾光銀漢迴鴈影大江清獨夜高樓看仍  
聞長笛聲

東沼紅蓮

聯壁亭還在荷花冉冉香荊姝原慣采越曲任  
飛揚小摘多千葉含嬌似六郎那箇還可飲幾  
醉水雲傍

西城古栢

長夏門前樹森森不記年青陰常滿地蒼靄欲  
三西園詩集 卷之四 十一

摩天甘露經恒飽高風受更偏百花吹落處寒  
節總相憐

草堂卽事

楚澤狂歌日人猶羨陸通潛身誰牖北避世且  
墻東江水云云綠林花豔豔紅若無一杯酒真  
覺負春風

送友人之南都

羨爾乘新水扁舟五月開久推鸚鵡賦今上鳳  
凰臺佳麗三山地繁華六代才平生懷建業早

晚下江來

夜夢子壽解元

念爾經春別相思夢裏看黃金爲客盡白壁遇  
人難寥落憐同病飄零感昔歡暮雲煙樹渺遲  
爾漢江干

與陳公聖吉士夜話

車馬夜相迎張燈酒復清百年同世業一夕訂  
交盟星自天邊聚名從座上驚醉來還病渴攜  
手望金莖

三西園詩集 卷之四

十一

十一

夏日訪戴金吾伯常次吳明卿韻

講藝方求侶江鄉更素心郢中元寡和海內幾  
知音草色幽溪合花陰曲徑深何須列冰陣對  
此是長林

寄徐子與使君

昭代文章伯聲名羨偉長飄零詩更好慷慨興  
偏狂海斥迷山郡秋聲慘客堂主恩原不薄賈  
傅更投湘

乙丑秋日兀坐旅舍時素月凝空勁風吹

惟木聲搖落蟬嘒悽惻有懷篇詠斯亦遠  
望如歸腸轉車輪者矣

懷大人

一自趨庭日俄驚又九秋鴈稀書不到龍卧世  
何求四海無烽燧當年苦運籌近聞江更漲莫  
不穩漁舟

懷大兄

憶我情何極看雲意未闌謝池春入夢姜被夜  
生寒月露浮千里風塵滯一官連牀何日話爲

南園詩集

八卷之四

七

道世途難

懷內

名利長安客經年尚未歸陌頭楊柳色塞外鴈  
鴻飛對月揮團扇臨風寄遠衣却憐天際夢涼  
夜正依依

懷錦兒

撫頂俄驚別征衣淚更牽書來嗟歲序夢度繞  
山川家學原詩禮吾生任白玄誰知今夜月形  
影自相憐

懷五兄

得汝真稱慶愁腸日漸寬如何方幼小不省憶  
長安骭憐心猶壯蕭條鬢欲殘幾時看汝大早  
謝漢廷冠

陪祀山陵

蓬萊稱絕境縹緲列羣僊萬鐫弓還在人遐曆  
自傳雲如松下蓋月到嶂頭懸聞說鍾山好何  
時得此緣

其二

南園詩集

八卷之四

七

上陵何美美顧我亦奇觀徑轉山疑合林迴樹  
又圓千壑號暮雨萬馬走崇巒純德南中景崔  
嵬可共看

別正卿叔還江上

天外驅征馬踟躕意不前何須悲白壁早已辦  
青錢寸舌千時在丹心向日懸吾家靈運老夢  
爾得瑤篇

其二

荏苒風塵裏那堪手欲分阮林今夜酒楚國暮

山雲歸去聊將母還朝早致君阿宜疎懶甚不  
作解嘲文

得華容孫子書

故國文章侶開緘一解願十年成洞草二月對  
江離白璧投人少高山念我知岳陽樓上酒與  
爾醉何期

送襄陽孫都閫之貴陽

君向夜郎西歸途又大堤劍鳴秋氣動旌擁楚  
雲低羽檄飛諸粵兵氛散五溪凱歌如奏雅一

西園詩集

入卷之四

古

唱白銅鞮

秋夜省直

空堂秋慘淡暝色向人遲鴻鴈驚千里鷓鴣藉  
一枝興闌寒漏徹坐久禁鍾移倘獻甘泉賦君  
王太乙祠

其二

落落悲秋意飄搖永夜多射鵬還近寒壁馬欲  
沉河碣石談無補瀟湘夢亦過上林明月影猶  
自掛煙蘿

送史劉兩生還沔二首

握手俄驚散徘徊更路岐一樽懷故國雙壁重  
明時落日青絲騎西風白苧詞廣寧門外柳折  
盡向南枝

其二

秋氣何蕭瑟空庭一葉飛自憐爲客久偏憶送  
人歸歲月彈長缺關河授短衣故園江正潦潮  
打舊柴扉

寺中訪明叔兄

咫尺空門路何緣似索居愁多樽有酒客久出  
無與古木禪聲下虛堂螢火疎解衣盤礴處蕭  
散數行書

十一夜望月

月向楓林出殷勤賞更先半輪飛子夜一望感  
丁年玉漏沉仍急銀河倒欲懸迢迢今夕夢隨  
影到江邊

十二夜對月

三五佳期近瞻餘吐水明關山千里思砧杵萬

家聲朔鴈方南去庭鳥亦乍驚如何遠游子飄泊尚神京

十六夜月聞簫

既望如珪月冰輪傍彩雲開尊餘舊醞倚杖未虧分露氣侵簾影星光亂斗文洞簫何處引楚楚不堪聞

十七夜月

只恐西巖墮還從北斗斜不須論圓缺轉覺有光華碧漢渾無夜清宵倍憶家何人江閣上徙倚問天涯

三首閣詩集

八卷之四

末一

宿昌平館呈張子田

今夕茱萸會停車落日遲未登高處望翻動舊時悲客舍飄無定王程况有期張衡幸同伴斗酒慰相思

送項思堯下第還永嘉

長安一尊酒執手話襟期抱璞今何去憐才更有誰江心孤嶼影天日萬峰奇不待逢人說高名自項斯

懋海印寺往嘉靖辛丑大人卧病茲寺張

文邦童士疇學士數往顧之寺廢今二十

年逢僧古淵誦鏡光等篇仍出素牋揮詩

如左書寄大人言念疇昔當深感云古淵

高僧使西域

當日招提境蕭條卧子雲名公頻見枉高調各相聞古路苔猶積荒臺鳥自羣寒陵碑已斷無復舊時文

其二

三首閣詩集

八卷之四

末一

武皇曾駐蹕大地布黃金風雨還時序林巒渺夕陰空王原自幻塵海亦何心翻憶宗雷輩參禪更賞音

其三

怪爾通番語勞勞話廢興軍持曾汲水法象共消冰天竺克新使江臯有舊月月光如鏡好那更復傳燈

其四

指點仁祠舊穿雲尚附羅路迷清淨上木落放

生波廿載驚消歇今朝亦浪過爾心原不滅隨處一頭陀

偶述

春日蓬蒿盛翻同仲蔚廬正多新歲感聊檢舊時書何計追班馬徒能走壁廬廷中無一事慚傍紫宸居

送張山人碩夫遊華山

華嶽高千丈華源老更偏叩門辭我去岐路爲君憐玉露浮僊掌雄風動石蓮不知臨箭括何處可通天

處可通天

送項思湯還永嘉懷思兒

尊酒離歌動論交况弟兄羽毛元鳳穴情興自鷗盟未老空滄海何時訪赤城曲池池上草春夜夢初生

送傅計部使楚兼省太夫人

露寬辭新殿星槎度舊廬倚門驚駟馬入饌有江魚芳草王孫去蒼梧帝子居却憐歸未得執手倍躊躇

送梁彥國廷評之留都

可惜投交晚相看意氣多西亭頻染翰北闕幾鳴珂綠草江淹夢青山謝眺歌承明知不厭去住渺關河

其二

梅遠還堪折懷人夜未央喜看南嶺近遙隔楚天長秋氣飛雙鴈才名自五年金陵宮殿曉羽翮任翱翔

懷童少達

爲問綈袍意思相思夢不成春風愁折柳少日共班荆高閣長江峙孤帆遠樹行憐君真得意攜手入承明

聞鴈

玉河秋色滿羣雁一聲齊霜冷飛何急風飄影漸低傳書疑塞北驚夢斷遼西南去蘆花渚那能共爾棲

方子及進士李元甫李本寧二翰史夜過得虛字

倒屣迎佳客清樽興不虛一燈留夜午萬籟動  
秋初倚馬驚揮翰流螢亂照書莫言更漏永投  
輅意何如

懷曾以三督學

不識關西路何緣入夢頻地形分二陝山斗重  
三秦絳帳春風迥青蓮玉露新獨憐寥落久長  
憶和歌人

余自己壯官大理丁卯丘子雲以固陵令  
擢計曹明年王觀生舉進士蕭文明除比

西園詩集

八卷之四

干一

部包元夫使襄國還五子出入承明驪甚  
人生朝露身匪金石先輩記游臨文咄咄  
今知有常也

集王觀生

雙塔千年寺高標况右軍傳燈還未了卜夜正  
初分杯飲瀟湘月談生碣石雲論文幾廿載何  
處不同羣

集包元夫

作客憐鄉土相逢一快哉風流偏可愛天遣况

粉迴竹葉杯中盡燈花漏下聞漢陰誇七子不  
泰建安才

集丘子雲

我愛舍香吏招呼興更長坐中同蟹國天際共  
鷓鴣行曾采三花樹今看一葉霜酒闌談往事羨  
爾獨循良

集蕭文明

河朔曾聞勝狂歌自故豪開尊浮北海有美重  
西曹月砌千壘集霜林一鴈高亦知今夜酒渾

西園詩集

八卷之四

主一

似醉江阜

送沈箕仲秀才還四明

愛爾能經術相逢謾解嘲黃金誰好士白雪自  
論交驥足驚千里奇毛更九苞他年霄漢上握  
手記晴郊

懷廷明卿使君同康洪二山人賦

君去非嚴譴如何又嶺南虎符經遠道蜃氣落  
晴嵐相憶腸迴九翻憐黜更三舊時同社侶欲  
賦寄江潭

送人之軍中得城字

萬里憐君去秋高鴈正鳴此時多穠草何日罷  
談兵霜色頻浮劍風塵欲請纓寄言虜使莫  
遣度長城

柴門得車字

地僻真堪隱幽棲百慮除風聲時自入月色晚  
猶虛看劍空塵榻鳴琴坐草廬誰言江海外還  
復有公車

署中睡起

倦極拋書卧悠悠任我狂蟬聲牽午夢樹色到  
胡床展簾琅玕好解衣盤礴涼簷前新雨亂蕭  
索似陂塘

寄和叔大兄

黃鶴磯頭月秋來有去航當年慚季子此日羨  
元方題柱心何壯登樓興未央冲天憐羽翮可  
以慰高堂

送詹侍御汝欽南還四首

封事驚排闥臨岐意獨憐主恩深似海臣道

直如絃焚影頻傾離思欲問天壺公山下夢  
夜夜五雲邊

其二

抗疏才名重何緣下瑣闥尚餘忠膽在  
不惜壯心違芳草滄洲趣清霜白晝飛別君無限意可  
令諫書稀

其三

三伏江頭雨蕭蕭問去津慚余曾附驥羨爾獨  
批鱗宇內何多事天涯有逐臣賜環應旦夕慎

勿嘆沉淪

其四

寥落悲時事風前一劍寒漢廷玄武仗世業惠  
文冠共道生爲寄猶憐死未難閩山歸去好飄  
泊路漫漫

送費參軍之留都

變旌南下日搖落正新秋羽檄還多事參軍好  
借籌六朝黃葉寺二水白鷗洲吏信江關賦能  
無寄舊遊



寄袁履善先生

一別江潭日誰憐  
澤畔容壯心同失  
馬文字比雕龍  
國士真殊遇吾生  
信可宗結廬三泖  
上煙水欲相從

其二

赤壁逢壬戌今歸  
又幾春自投曾氏  
村甘老漢家新詞  
翰誰能竝江湖意  
總親袖中書一紙  
寧復問平津

送丘子雲計曹南歸

高園集 入卷之四 五  
夢旌渺南去迢遞  
到江天作客同君  
久還家在我前秋  
聲隨鴈下鄉夢爲  
鱸懸湖上明年約  
高歌載酒船

訪袁魯望吏部得秋字

握手含香客金陵  
足壯遊文章誰世  
好意氣更相投月  
落千山色蛩吟四  
壁秋風塵那可問  
把酒話滄洲

送童子鳴山人還越

骯髒狂歌裏江湖  
得爾奇何須排客  
難聊共解

大願函穴千行字  
桐廬一釣絲片帆  
風雨過秋色起孤  
吹

蕭文明夜過因憶  
劉子和羅伯現丘  
子雲長逝

楚楚山陽笛吹來  
欲斷腸故人渾異  
物與爾共他鄉宿  
草何年暮甘棠幾  
處方仰看天際鴈  
零落不成行

重夜同沈子靜陳  
仁甫二太史飲楊  
樾功儀部宅得尋  
字

高園集 入卷之四 五  
新堂迴風舞高齋  
入夜尋興來應被  
酒屬和有知音曠  
色兼飛絮瑤華在  
上林故人渾聚晉  
何待訪山陰

重夜得王素張江  
浦書即寄

積雪飄盈戶令人  
憶子猷相思來尺  
素何處覓孤舟新  
絮飛宮柳銀河落  
御溝天邊望鳬鳥  
還下五雲樓

送孫職方兵備浙江

蘋草帷中傲如君  
藻思饒許君管樂  
遺將得

顰姚畫入春江舫寒生夜雨潮劍光與霞色還  
動赤城標

其二

好作天台賦登高況大夫壯懷籌九塞新命向  
三衢山水真奇絕烽煙近有無平生憂國意珍  
重是兵符

室夜客中伯鄭山人見懷之作時山人年  
八十餘矣

正有懷人意過條室滿廬誰知青玉紫來自碧  
雲

片墜手何平是流光忽歲除漢廷行遣使重  
校使生書

其一

終日絕飛鳥東窗下暮鴻不緣書偶至應是調  
但同世事青山外交情白髮中梁園當日賦揮  
翰誰正

同陳仁甫檢討黎惟敬秘書李維寅環衛  
東洛卿簪建初山人對雪梁思伯舍人館  
付溪宇

坐雪憐深館何須泛剡溪禁林渾玉樹羣彥汎  
金閨風急鶴能舞庭寒鵲亂棲夜釭仍秉燭乘  
興漫留題

除夕前一日同蕭文明比部訪吳仲立僉  
憲于報國寺

蕭寺遙知已西來擁節新語深渾不去歲晚偕  
和親法鼓晴催臘慈燈夜引春年年湖海上同  
是未歸人

送謝子卒業南雍

蕭園詩集 卷之四

七

芳草王孫去鄉心誰與論三山還帝闕六館總  
君恩匹馬憐青骨流鶯嚶白門因之問親舊把  
臂幾人存

同楊懋功祠部訪曹有卿大參于康山人  
裕卿館

意氣憐同調令人病骨蘇春華依碧樹題詩滿  
蒼梧月落空庭色星垂客舍孤幾時風雨夕還  
得話江湖

贈了心上人

本來清淨處妙偈爾能工不是心能了何緣處  
自空鳥窺石鏡外花落水精中笑索題詩意相  
看即贊公

其二

閑寂逢僧話蒼茫送落暉因君如有悟令我欲  
忘歸共向禪床卧寧從錫杖飛出門車馬道翻  
覺與心違

送康大戶之河內

翩翩旌節去春色又天涯別意愁看柳微書定

西園詩集

卷之四

五八

又雙鳬過二室一鶴自三巴爲問河陽裏還  
留幾樹花

其二

孟津何日渡風急吼濤聲黃鳥方求侶青山忽  
送行一尊燕市酒百里偃師城寂寞談經處江  
門憶友生

生兒志喜

敢謂雕龍業選因舐犢存羣兒驚有弟爾祖喜  
多孫歸報家千里呼來酒一尊它時過駟馬江

漢已高門

送車激甫歸錢塘

之子還南國翩翩有去帔風塵多客計雲漢見  
孤標顏色晴疑雨帆飛暮弄潮西湖湖上水何  
日興蘭棹

寄堪佳二姪

六載不相見相思芳草中一尊在何日雙劍倚  
高風計爾千秦策慚余老漢宮秋來好音信夜  
夜聽征鴻

西園詩集

卷之四

五九

答許高陽太僕

美人成遠望人素暫相將意氣高千古山川自  
一方王生池是墨張旭酒爲狂問爾逃名趣還  
能似潁陽

三酉園詩集卷之五

五言律

長安初  
系解五  
歸老 河陽陳文燭玉叔著

成仁卿山人過訪得林字

十載長安道悠悠思故林感君能握手謂我是  
知音到處青山興飄然白雪吟不知車馬跡落  
日滿城陰

送王素張中舍之深水

君去緣何事臨岐眼倍青  
西園詩集 卷之五 頭驚起草鳬影度

流萍遠道貽金錯孤燈照玉餅勞亭如載酒莫

遺泣山靈

重陽前一日別董子

匹馬送將歸林間葉亂飛不須逢落帽已自欲  
沾衣世好仍鄉國南遊况帝畿金陵如吊古莫  
遣人書稀

中秋無月遲康山人裕卿

今夜關山月應知影正圓何緣藏碧漢寧復照  
江干十夜空佳賞吹雲尚廣寒美人天柱去桂

魄可能看

送李孝甫司馭還四明

意氣看誰是逢君駿馬臺  
詠諧傳客難曼倩自  
仙才梧葉當風下黃花計日開  
迢迢千里夢還  
爲故人來

七夕酌包元夫蕭文明

正有飄零感其如落葉何  
故人頻晤語今夕且  
高歌一水浮天際雙星向月過  
迢迢鄉國路還  
似隔銀河

其二

倚杖看明月開尊動晚飈  
不緣來竝馬空自憶  
牽牛衣薄芙蓉露鐘殘蟋蟀秋  
可知游子夢飛  
度仲宣樓

送袁魯望吏部之金陵

去住情何極踟躕在道周  
班辭鷓鴣驚曉城擁鳳  
凰秋正有黃花約空添落葉愁  
別來青玉案早  
晚一相投

得李潔夫見懷之作却寄

出牧非嚴譴誰憐李謫仙詩篇真可愛諫草更  
無前白眼難天問丹心向日懸五雲還詔下空  
有泛湖船

寄洞山周上人

爲問參禪意還同不住心顧余淹北土憶爾在  
東林洞古寒雲入山空獨鶴吟繩床留客處何  
日復相尋

送胡一重給事使周藩

分封承 帝命擁篲盡王孫故國仍千里何時

西園詩集

卷之五

三

更一尊黃河真是帶白雪舊爲園授簡游梁事

因君此意存

陳太史宅上送其子已蘊秀才南還

迎家恨分手才美爾真奇楊柳長亭色槐陰夏  
日垂馬遷原世史鯉也早聞詩此去飛騰意猶  
慚豚犬兒

送龔子來尹清苑

潘岳重爲令栽花滿縣中故人官似此高興况  
相同遠鴈過晴寒飛鳥到漢宮論心知不遠寧

復似蠶叢

送周子相尹南宮

忽與故人別其如芳草何離亭尊酒滿關樹夕  
陽多王屋寨帷近滹沱擊節過君才非百里青  
瑣待鳴珂

送陳仁甫太史使楚

玉署承天遣桐圭錫帝封浮湘即司馬作賦况  
元龍春盡寒江雨潮迴故國鐘禹碑如可辨還  
上祝融峯

西園詩集

卷之五

四

其二

何日還東觀今歸侍北堂郊迎入舊識設醴遇  
非常柳有大堤綠蘭從九畹香官家池上句好  
吊孟襄陽

其三

論心胡可盡握手幾時同典已追周室名應邁  
漢宮雲披神女處風挹大王雄若問朝宗忘江  
流日夜東

其四

此去青山興仍登黃鶴樓烟波迷夏口風葉亂  
扁舟羨爾直仙侶令人憶舊遊秋鴻書一紙何  
日下汀洲

其五

登獨憐同姓相看有至交亦知虛視草祇爲重  
分茅遠水連孤嶼斜陽掛遠梢湘靈聞鼓瑟逸  
調向誰敲

其六

七澤正氤氲登樓悵夕曛關門一以眺尊酒意  
何殷青草湖光迥蒼梧樹色分采風無限意思  
叩洞庭君

其七

落日帝城闌蒼茫別所親有懷期後晤何事欲  
沾巾松幃陰陰合桃源處處春武陵溪谷裏無  
復避秦人

其八

山擁層霄外寨帷見太和誰知鼂禁客偏愛鳥  
聲多殘雪餘寒色回風響夕波陽春臺不遠爲

我一停舸

同烏顯卿飲袁子清宅得泉字

六載同燕市今宵是別筵相看交似漆况有酒  
如泉長日愁驅馬涼風送暮蟬亦知江海夢時  
到五雲邊

同丘汝謙飲高戶部宅次丘韻

竹葉情偏洽榴花晚更紅涼風吹短鬢明月正  
長空爲問他年會那能此夕同故人倘相念緘  
字大江東

送彭生與白之四川

之子今南去江湖迥且平山明殘雪在道遠一  
舟輕飛鳥看天際聞猿自客情故人書一紙遙  
下錦官城

重九前一日同蕭文明餞別包元夫使淮

天闕來新命仙槎動幕濤今宵聊送遠明日况  
登高雨氣飄楓葉寒光落佩刀故人憐去住酌  
酒只持螯

九日陳仁甫太史梁思伯舍人邀登靈應

閣未赴

詞客多佳賞徘徊定倚樓空餘陶令興不共葛  
強遊碧漢渾無際青楓落未休知君高處望戎  
馬有新愁

其二

今日逢重九蕭條獨閉關秋來頻鴈語何處更  
龍山逸興風塵外高篇眺覽間五雲樓閣迥一  
望杳難攀

別李君寵

西園詩集 卷之五 七  
數載風塵別相逢亦快哉茲行慚臥閣何處更  
登臺木葉隨風下黃花冒雨開北山還共老莫  
遣暮猿哀

登赤壁山懷袁履善先生

昔人題賦處高調復相尋秋色還晴樹濤聲自  
遠岑一歸江月迥千里暮雲深才子多漂泊能  
無淚滿襟

蘄州夜泊

利涉今何處山川楚塞中江清偏受月帆定始

知風赤壁看猶近滄洲思不窮扣舷當此夕噉  
噉聽歸鴻

富池驛阻風

水濶揚舲去那堪滯夕波林間棲鵲鶴浪裏見  
鼉鼉舟楫慚無補烟霞興更多吳王有遣廟吊  
古一經過

彭澤阻風

吹浪乘風急帆檣暫泊灣應憐大別遠前是小  
孤山白鳥供詩興青尊慰客顏柴桑翁不見高

詠愧追攀

登小孤山

孤嶼從中起長江夾岸流櫓聲潮欲上帆亂影  
初浮解佩何年事探奇此日遊仙踪原沿渺清  
嘯爲誰留

望江舟中與張名可共話

風雨朝來歇沙城好放船江流平似鏡樹色遠  
如懸與爾同鄉國思家悵暮天倘逢衡鴈過共  
把尺書傳

舟泊安慶

浪湧仍羣盜舟人語夜闌獨憐鄉思苦誰共酒  
杯寬雉堞孤城影漁燈隔水看江湖一萬里何  
處是長安

泊銅陵有懷家大人

水宿風波定平生始一經心隨孤鴈遠目斷萬  
山青沙白綠明月潭空倒列星懸知江閣上南  
望幾迴停

金陵雨泊有懷家兄

鳴榔驚初歇江流抱石城忽逢今夜雨不辨暮  
湖聲雲漢瞻宮闕天涯憶弟兄淮河聞咫尺明  
日又南征

湖上柬徐寶應

烟水渾無際翻同故國秋孤槎迴北斗咫尺是  
南州鄉夢驚衡鴈浮沉愧海鷗美人不相見霜  
角動新愁

除夕同張名可席上賦

蕭散江淮興蒼茫忽歲除鄉心叩一醉羈旅共

三餘我拙安潘宦君才賦子虎夜深渾不寐燒  
燭檢殘書

金陵雨泊懷費參軍馬鴻臚

維梢佳麗處聽雨片時閑不謂雲霄夢偏生烟  
水間談天曾二妙把酒對三山明發遙和憶音  
書杳莫攀

酬許文夫計部見投之作

星使來三殿風人共一宵才名自湖海世業况  
先朝春盡鶯花亂樓孤蜃氣遙縱橫憐彩筆何  
以報瓊瑤

周公收過淮見訪

懸榻應相待今宵共一尊風塵雙鬢短然諾片  
心存雨氣飛山閣濤聲落海門登臨還有約相  
與弔王孫

懷陳別駕歸川

爲問歸來興圖書一葉輕清風餘漢水寒月照  
蕪城紫綬渾如屐青山舊有盟幾時投我轄高  
論坐還驚



送蕭司訓綿州

青天今蜀道白雪舊才名亦是乘槎去原非問  
卜行三魚來講席萬馬自江聲後夜懷人夢迢  
迢度錦城

陳仁甫檢討使楚游南嶽過郢中登黃鶴  
樓有三詩懷余因賦却寄

寄我多瑤草衡雲若再開誰知三殿使來上九  
成臺望遠猿聲斷峯高鴈影回宅時重載酒同  
賦碧山隈

三河園詩集 卷五

十一

其二

白雪陽春呈人應迂使臣和歌誰更好絕調爾  
偏新四牡驅金馬三年愧玉麟帝鄉如問俗萬  
一遶楓宸

其三

黃鶴樓重建千秋爾再過仙人去何處戀我意  
偏多落日愁今古江雲莽薜蘿一麾廿閏寂吾  
欲泛烟波

送徐惟得應召

茂宰花封近東南獨令名故人方重別致主是  
平生天遠雙龍闕江寒一鴈聲秋來有離夢隨  
爾到承明

送胡從治計部還朝

西風吹海色獨樹傍城闔載酒情偏洽臨岐意  
更真黃河沉璧馬赤土走鯨鱗無限憂時淚憑  
君遶紫宸

寄胡計部

咫尺金閨彥徘徊尚下邳正憐良晤好翻長簡

三河園詩集

卷五

十一

昔逢風雨寒帷處江湖進艇時秋來青玉案莫  
不有新詩

寄丘汝謙計部

新秋憶之子迢遞向誰陳叢桂浮淮浦梧桐落  
海濱少年依日月高調出風塵別後談天會于  
今有幾人

舟中七夕

秋風吹遠樹孤艇下新潮雲隱雙星度天連一  
水遙故鄉真阻絕客舍亦蕭條似此懷人意何

緣問鵲橋

江都謁董子祠

當日成嚴謹于今有特祠園荒秋草蔓山遠夕陽遲遺像真先代端居似下帷肯同阿世者那得到天涯

送劉職方赴南都

煩君佐潯郡縱目客心驚司馬承新命孤鴻共遠征樹分楊子色潮湧石頭城關塞方多事知君欲請纓

香園詩集

卷之五

十一

送王司理之常德

淮海明刑日交驩即故知從來官是寄此地日爲碑江雨飛三楚湘雲隔九疑荆南樓尚在爭觀仲宣詩

舟中送袁履善先生

萬木逢秋序遶淮葉亂飛獨憐風雨至翻共暮潮歸酒盡仍揮手江寒欲授衣層城有明月夜夜憶清晖

中秋同張名可兼送呂子敬南還

城樓夜擊柝明月正當空二妙人如玉三秋桂已散寒光浮檻外清影到杯中轉盼扁舟別那能此夕同

送許文夫計部還朝

爲問故人去何時心賞同風來吹綠髮天遠落青楓孤調塵埃外交情濁酒中淮陽思發粟好奏未央宮

九日憶聚星樓

往歲茱萸約高樓會最奇只今養菊盡應復念瓜期鴈語浮空落漁歌隔浦移天涯游宦子風雨正寒帷

九日宿黃驪寺

古寺聞鐘磬秋聲香靄間路荒迷鴈塔心賞憶龍山衣冷隨雲臥詩成對月刪勞勞車馬跡應愧老僧閑

重九後一日盱眙道中

秋日重過此潘生已二毛衆山愁望遠匹馬尚登高落葉飄征蓋寒雲濕布袍鄉書何處達淮

淚總烟滿

送張名可還河

采石磯頭月孤舟去復經  
片心同夜永雙眼共山青  
顧我官如水憐君客是星  
何須悵岐路振羽在明廷

送博士陳心伯歸田

與君非異姓况復薦同書  
綠髮綠何隱青山興漸舒  
浮名直是馬講藝兆爲魚  
孤艇從今約江湖好十居

王國詩集 卷之五

五

寄康山人裕卿兼詢吳明卿消息

一別何緣晤浮名爾不羈  
黃金空有路紫氣至今垂  
渤海徵書渺江湖客思奇  
近來南粵使曾爲寄新詩

得馮汝行別駕書却寄兼懷汝言光祿

海岱頻東望應憐絕妙辭  
折腰心共懶作客髮如絲  
謝氏俱能賦岑家自好奇  
山中高臥者玄草正相宜

廣陵舟中得讀家大人夏汭樂府

正有瀟湘夢逢人過楚州  
親朋多隻字愁病自孤舟  
城遠朱樓出天空碧樹浮  
玄亭多逸調歌遍漢江頭

除夕

爛醉屠蘇酒羈危是異鄉  
八年仍在外一日幾迴腸  
新雨春華動餘寒海氣黃  
漢陰高臥者今夕憶淮陽

送楊懋功之姚安

冀北曾分手滇南何所之  
向來憐我意翻爲故人疑  
驛路真千里山川有四奇  
沉淪俱莫問孤雁夕陽連

王國詩集 卷之五

卷之五

十六

其二

問竹永新命班荆話舊盟  
蒼山渾寶氣洱海見珠明  
水宿春將半潮迴夜欲生  
一麾君更遠岐路總關情

管建初山人見訪兼懷黎惟敬梁思伯三  
秘書

作客三春半逢人五色毫  
只今還短褐自爾繼

綈袍對酒山花吐登樓海氣高向來同調者自  
雪共誰操

得柴山人李通書却寄

之子今何在長淮好問津傳書思見面懸榻已  
生塵大雅還誰是窮交爾亦真當年燕市裏上  
夜有陳荀

得丘計部汝謙書却寄

故國同聲者檄書日欲斜芝蘭原九畹世路歷  
三巴春散寒城柳晴飛上苑花江淮那可問磬  
西園詩集 卷之五 七

折度年華

舟中同張羽王司理賦

孤棹浮淮浦清尊更一開病餘多起色話久自  
憐才夜半寒星落潮迴來風來殷勤歌酒德笑  
指伯倫臺

喜沈祠部子文揚姚安懋功張司理羽王

金在衡周公暇管建初三山人同客淮上  
一作風塵吏朝朝案牘間偶聞七子社况對八  
公山竹葉重淮浦薜蘿綠海灣登臨方有約孤

艇未容還

送許大還華亭

之子雲間彥招尋到漢陰一帆天際影千里故  
人心木葉乘風下山蟬落日吟郎官湖上酒何  
處更披襟

送談太常思重北上

典禮憐君去長淮偶一逢金臺多勝賞玉帛自  
惟崇新雨舟邊落青山望裏重廟堂仍設几濟  
濟有夔龍

送袁魯望督學山東

秉鐸憐君去孤舟夕照中諸生原在魯吾道本  
來東春色浮沂水寒光映雪宮不知隣壤者可  
使詠歌同

送大兄北上

昭王臺尚在駿馬去如奔少日千金價青霄萬  
里存人應多狗監我自戀鴝原入素頻南度高  
堂正倚門

安東署中夢成仁卿

故人或遠別何意夢相尋使酒多狂態論交有  
俠心覺來驚大叫翻似共行吟莫問浮淮賦風  
塵豈欲侵

答吳博士叔舉

羨爾浮淮興相携鎮海樓青山多雪調白髮自  
風流射策逢明主危言失故侯何須談往事  
蕭散一扁舟

送鄭伯原博士之贛州

淮水維孤艇明經老鄭虔故山同吏隱佳况亦

三苗園詩集

卷之五

九

卷仙白鹿還幽洞青螺出遠天別來有新調應

憶子雲玄

酬吳日南秀才寄家大人之作

何處檄書使關山動暮愁我方慚北海君自是  
南州風靜潮偏落雲寒秋欲浮翩翩白雪調應  
到郢中樓

贈萬臨海

故人十載別晤語不勝情雲翼曾黃鵠風流在  
亦城羊腸經世路漁火聽江聲佇立難分手悲

歌欲請纓

秋夜得家兄書

羈旅思鄉井同胞又上林偶驚書至遠翻令坐  
更深梧葉蕭蕭下寒蛩唧唧吟那能將此意飛  
夢漢之陰

吳汝奇招飲寄寄亭讀包元夫壁間之作

麾世貞成寄亭胡寄此名烟霞常作主去住總  
關情魚藻輝圖史鶯花雜管笙向來題詠者高  
臥漢江城

三苗園詩集

卷之三

十

夏日酌吳使君山亭

人境寥寥外言尋此處奇火雲流竹潤纖月到  
簾連市遠心同寂談深坐屢移美人况鄉國渾  
似吾家池

答蕭文明比部見懷之作

爾向西湖去令人入夢思三秋鴻鴈過一札爽  
鳩司恩澤渾千里鄉心共九疑何期淮水上愁  
絕詠新詩

席上贈張別駕

正有尊鱸想逢人是季鷹風塵雙短劍尊酒一  
孤燈浪跡曾三楚豪華失五陵不知關塞上勳  
業許誰能

泊舟赤壁懷曹憲使

聞說山居近層巖兩岸橫美人尚天際艇子暮  
潮生楓葉秋邊赤江流月下清當年釀酒者愧  
爾臥江城

重九前二日同張羽王司理別梁思伯舍  
人分得頭字

三山園集 卷之五

三

逆旅相逢處清淮日暮流一尊開笑口孤艇在  
沙頭木葉黃初落茱萸紫正秋維梢君莫去愁  
絕獨登樓

九日寄周興叔通政劉學孔光祿

年年當此日風景憶鄉關况有雲霄侶相違及  
尺間海天連一水木葉下三山把酒登高處雄  
篇取次刪

得劉子威侍御見懷之作却寄

南鴻鳴海嶠木葉滿孤城碧澗幽棲處寒雲入

望平尺書來雪調白簡自霜清况是秋深日念  
人憶長卿

得李元甫編修書却寄

故人爲別久感慨興偏長圖史憐東觀音書自  
朔方雲霄秋露白風雨海天黃獨有江湖夢還  
能到未央

次張羽王參軍見貽韻

司馬浮淮日蕭條此客居烟花渾可賦霜葉况  
堪書孤艇維新水匡山有舊廬伯倫臺尚在莫  
遣酒尊虛

三山園集

卷之五

三

與孫兆孺舟中夜話得卿字

維揚應咫尺與爾共舟行入望鄉關遠臨流霜  
雪清故人寒夜語孤渚暮潮聲獨愧江湖吏無  
緣薦長卿

送胡侍御南還

聖主方容直孤臣胡遠行九重經國疏三徑故  
園情寒色迷淮浦浮雲暗楚城思君應有夢夜  
夜繞承明

讀孫洞庭漁人集其子兆孺屬余作傳賦

此輓之

詞客先朝露高名自洞庭檢囊無禪草垂釣是  
文星郢里歌難和湘潭賦獨醒誰知十載後重  
勒故山銘

廣陵舟中寄黃典客并令邱伯仲

細草依沙岸危檣掛暮雲幾人能結客令我亦

思君問得玄亭字書成白練裙黃爲皇甫  
子循門人翩翩

雙鳳羽何日共論文

三首園詩集

卷之五

五

泗州道中

春日初浮泗聞歌尚大風逢迎名益著登覽興  
徒工柳色征衣上河流擊楫中家書還隔歲徒  
倚日飛鴻

送潘孟深兄弟應試

莫說三山近徘徊又一方雨花還舊渚春色正  
長楊舉目憐鵬翮凌空自鴈行登臨如有約爲  
我洗壺觴

贈程孟儒秀才

之子才華俊山城偶一過蒼茫爲別遠感慨奈  
春何賦就驚司馬書成欲換鵝平生游覽意揮  
手轉看多

送陳汝聘比部

涼風吹細雨淮口一扁舟飛舄曾勞望鳴珂此  
勝游墨花青玉案宮柳白雲樓獨有潘生拙江  
湖鬢欲秋

別懋甫程山人兼聞王仲房有浮淮消息

愁絕新詩好飄零爾亦奇正當修禊日又值放

三首園詩集

卷之五

五

舟時湖白潮初長郊青柳自垂郡齋無一事早  
晚待王維

三月三日王仲房山人過淮以詩見投作

此招之

湖海誰同調看君俠氣雄高談仍捫蝨作賦悔  
雕蟲幽澗多新溜空庭落晚風汎觴流水曲肯  
許昔人工

送楊維喬侍御北上

驛路飛新雨荒亭落晚風賜環霄漢上擊楫大

江中此地曾留犢都人尚認春華今又半尊  
酒幾時同

送陳懋修給事還朝兼懷李子復京兆

維舟臨遠水把酒對城闌日月今明主雲霄  
舊諫臣剖心原二妙聚首又三春青瑣迢迢夜  
知君祝草新

送戚二叅將之浙江兼懷戚大總兵方山

人塞上

湖海承平日將軍去棹遲難兄名自久羨爾貌

三香園詩集

卷之五

五十一

尤奇虎竹風標迥龍沙雲樹移翩翩書記客寄

我有新詩

夢竹書吳孝父卷

白雲杳無際孝子望何深思入檀樂裏時聞鸞  
鳳音煙花迷故渚霜葉下寒林獨有淇園在千  
秋尚可尋

送張司理羽王北上兼寄黎秘書惟敬

左宦非嚴譴君王正好文論心更何處揮手  
總難分祖席依芳草行車駐暮雲上林同調者

鴻鴈好相聞

吳曰南秀才過訪時許太常邢學士朱比

部金山人寄余江樓吟望卷得名字

昨日重湖泛思君空復情相逢雙鬟短旅館一  
燈明雨氣寒侵坐潮聲夜入城金陵高詠在多  
是舊知名

酬襲懋卿博士見投之作

輟棹逢知己濤聲落海邊文章窮更好意氣老

堪憐高論風塵外清尊夜雨前李膺久不見把

三香園詩集

卷之五

五十六

袂一悽然

襲乃于  
鱗厚友

倪博士以詩字見投併示謝山人茂秦諸

作感賦

旅館蕭條處高人共往來劍花浮日月筆陣走  
風雷細雨鐘聲濕高原海色回登臨有詞賦應  
憶鄴中才

吳山人元止過訪

莽莽長江雨君來鼓棹輕囊携高士傳書到故  
人情海色潮偏濕山花洗後明夜深一尊酒新



水蕩孤城

寄楊大叅

談天曾碣石夫子自關西別去雲應遠相思日  
欲低政同河洛潤名與斗山齊倘有淮南雁能  
無入素題

懷李秀才千里

當日登龍意于今喜鳳雛書藏同二酉賦就即  
三都青鶴浮東岱滄波自海隅黃金方買駿遲  
爾回長途

三酉園詩集

卷之五

七

送李侍御孟敬按楚

繡斧下江干維舟坐夜闌異鄉潮更漲同調會  
偏難雲合三湘近霜飛六月寒平生多意氣獨  
向李膺看

寄懷劉司理達可

何事悵悠悠臨風意未休美人連一水作客又  
三秋劉向名方重陳遵轄可投幾時過采石同  
賦謫仙樓

送王元美按察楚中

楊柳武昌城迢迢入望平中朝推執憲繁海舊  
知名湖帶青山色江流白雪聲荆南樓尚在王  
粲有餘清

其二

掛席大江東寒濤接遠空尊前有明月到處自  
雄風衡嶽秋回鴈江皋昔避驄故人懷往事感  
慨酒杯中

贈高仲亨叅軍

正有如淮酒關河路欲分百城吾做吏萬馬爾  
空羣弓影懸新月旌光拂楚雲平生一寶劍解  
脫贈夫君

三酉園詩集

卷之五

七

寄懷謝子宗鴻臚

憶昔遊三殿于今是一麾故人秦典客明主  
漢成儀劍佩天顏近旌旗露色垂春亭有芳草  
沉醉復何時

送楊少府入賀

故人三殿去無柰別情何新水迷平岸西風送  
掉歌孤鴻同戀闕司馬舊鳴珂後夜應前帝蒼

生問更多

送林文肖守荊州

少年關塞去曾爲請長纓出守鄰三峽揮毫動  
百城風流樓更好江近月偏清倘遇衡陽鴈秋  
來一寄聲

得謝茂秦鄭中伯書東郭次甫

美人雙尺素同日到淮南老夫詩偏細秋來思  
不堪鄴中還舊社稷下自雄談那得扁舟至山  
川勝可探

南園詩集 一卷五

五

陳德周談金山之勝賦訂後約

聞說金山寺烟雲莽莽深鐘聲浮水面塔影到  
江心未得探佳境離令動遠吟吾家驚坐者知  
我愛登臨

陸無從紀旭仁欽報國寺中得聲字

相逢詞賦侶尊酒倍含情卜夜仍初地談禪見  
化城星辰空外色風雨竹間聲况聽新秋鴈迢  
迢各遠征

同陸無從過寶應湖懷王元美敬美

風急重湖泛舟停野寺鐘濤聲驚萬馬寒色見  
雙龍別爾憐秋水懷人共夕春迢迢更南北好  
爲采芙蓉

別陸無從歸揚

客計聊蕭寺論文酒數巡君應同陸賈我自愧  
陳遵秋雨還懸榻長風又問津清光何所見海  
上有水輪

答貞吉伯仲兼寄余德甫

君家兄弟好况也得良朋千里書偏至三秋思  
不勝竹亭留皓月草閣隱青燈試問交游內何  
人是信陵

南園詩集 一卷五

五

寄俞仲蔚

聖世身寧隱名山臥是游知君常閉戶令我幾  
登樓詞賦千年事蓬蒿四壁秋明珠應片片不  
惜早相投

送盧大理守南康

故人喜相見作郡又名山匡俗廬還在盧敖杖  
可憐古城兼吏隱五老自仙關行矣難爲別雲

五言律

沔陽陳文燭玉叔著

寄張助甫吏部

尺素頻相寄相思入夢勞浮槎驚博望啓事即  
山濤名竝河流遠秋深嶽色高不知下里曲何  
日爲君操

送李文仲山人南歸兼寄乃弟伯英吏部

孤艇悠悠去相看且濁醪秋聲淮浦樹暮雨廣

二酉園詩集

卷之六

十一

陵濤氣合千金報囊餘五色毫惠連應咫尺  
草夢偏勞

酬胡原荆侍御兼寄王承甫安茂卿

故人幾行字偏自感離居倚馬才何俊批鱗衆  
不如放歌同二仲憔悴異三閭莫說煙霞好君  
王憶諫書

答余德甫朱用晦

牢落章門社陽春有和篇雞林誰定價鴈字幾  
相傳樓閣含山色芙蓉近水邊美人良夜夢何

日一尊前

過真定憶家大人兵備井陘賦

落日關門吏憐予已棄繯龍泉持憲節鯉對正  
庭趨山色還今昔雲蹤任有無寄言防虜使莫  
遣度飛狐

過安陽寄謝山人茂泰

蕭散山居與斯人亦竟窮九河名竝遠七子調  
相同未敢題凡鳥那能覓便鴻管雲頻極目瞋  
色下長空

香園詩集

卷之六

二

望太行山

天外垂巖石興中見太行片心隨鳥羽萬折畏  
羊腸冉冉蹤無定悠悠路自長鄉心與王命  
落日正蒼茫

穀城山行

樹遠雲俱亂峯危鳥漸稀夕陽頻送日蔓草欲  
鈎衣澗外泉聲合林間暑氣微誰言茲地險世  
路本來崎

光化吳大尹召飲福巖寺席上賦

落日珠林渺華筵寶地開江聲頻入座雨氣暗  
浮杯余本三湘客君寧百里才論交方有合歸  
騎莫相催

其二

時序當炎暑關河已夕春泉飛千澗雨風送一  
聲鐘竹樹分青靄烟雲亂碧峯憐君偏愛客尊  
酒喜相逢

太和宮

孤枕傍嵯峨平臺是太和斗間星亂落月下露  
偏多忽聽霓裳曲誰同子夜歌擁衾渾不寐吾  
亦病維摩

紫霄宮

杖屨來仙館蒼茫路正遙白雲常在戶紫氣欲  
凌霄鳥語沉芳樹虹飛鎖斷橋亦知天路近明  
月坐相邀

南巖宮

怪石從中起巖扉百丈陰摩空驚過鳥積雪在  
深林到此真無暑令人發朗吟飛昇如可託肯

復戀朝簪

五龍宮

仙子今何在宮名尚五龍山深時作雨溪響不聞鐘獨往無同伴何緣竟去蹤諸峯羅列處一綉芙蓉

過真宮

正有真人想其如遇眇然人言臨福地吾意在先天歲月山中老乾坤此際懸偶來仍駐屐笙鶴下翩翩

南園詩集

卷之六

四

玉虛宮

已覺樊籠累尋幽此更舒樓臺金作闕鐘磬玉爲虛野色荒烟合寒雲古木疎文皇當日幸蒼翠滿鑾輿

迎恩宮

層藻題仙跡須知是聖恩碑殘多鳥篆坐久識禽言樹隱深盤徑泉迴曲抱源向來臨險阻回首亦銷魂

淨樂宮

城郭還如舊關門望更新亦知封淨樂何意義修真獨鶴依然舞神龍不可馴至今餘夜氣千載識金銀

過郢中贈日者

數載風塵客今宵過石城故人渾不見得爾遠相迎天外雙長劍尊前一短檠沉淪江海者何用問唐生

過石城夜懷曾大叅

詞客今何在緘書昔太華三春吳越舫一望樹雲賒郢里歌飛雪天台賦落霞斗間看紫氣莫不是仙槎

南園詩集

卷之六

五

送費茂才應試

之子過江夏臨岐錢百壺人推鸚鵡賦我愛鳳凰雛新水連黃鵠扁舟泛白湖千金方買駿並轡向長途

送蕭仲馨應試兼懷尊君北遊

畫舫去翩翩秋江月正圓文章知得意交好欲忘年綠鬢青霄上白雲黃鵠前天涯抱奇者應

賦帝京篇

滄浪別業同按察公送家兄兩姪應試

曲徑滄浪水新秋暑不侵涼飈生塵尾高調寄  
琴心鶴去還江表鴻飛定上林黃金臺畔好並  
馬一追尋

壽胡徵君

爽氣入新秋登君百尺樓桃傳青鳥使花滿白  
鷗洲漫話丁年事應憐甲子周從今爲君祝長  
繫泛湖舟

三曹園詩集

卷之六

六

過庄上喜會諸父

數載歎飄蓬今宵骨肉同開尊渾不醉尺素幾  
曾通場圃秋聲裏牛羊夜雨中那堪人易老綠  
鬢半成翁

十五夜同高王諸都閫及家大人對月傅  
司徒山亭

忽驚秋欲半佳賞此相停舞鶴多清影棲鳥見  
逸翎鐘來城上寺月到水心亭况是高陽侶何  
人肯獨醒

過泗水東庄

結茅臨泗水獨樹傍沙洲落日驅黃犢晴烟隱  
白鷗問舟多燕尾舉網得查頭况值西疇日農  
人話有秋

同年陳子壽李和載過訪

故人江海別尺素幾相聞竝到逢新雪還疑隔  
暮雲一尊寒夜語千樹禁林分莫說河東賦君  
王正好文

送朱在明典客使楚

三曹園詩集

卷之六

七

故人何所去盡舫度長沙夾岸青楊柳寒帷白  
藕花主恩原睦族天遣得寧家倘寄投湘賦臨  
風莫令賒

聽雨軒爲彭進士釋修賦

卜居南浦上何日共招尋新雨來空谷寒雲濕  
古琴懷人偏此際望爾早爲霖漸瀝瀟湘夜吾  
家有隱林隱林在乃  
余讀書處

謝山人茂秦過訪席上賦

江海此相逢青燈夜雨中漳衡多爽氣楊柳自

春風乍見驚垂老平生只固窮別來有新調爲我寄蠶叢

答謝茂秦山人送余遊少林詩有千峯雲共白二水月俱寒之句次韻招之

梵宇知何處烟雲縹緲看黃河春帶雨青靄畫生寒二室形稱勝三花采未殘才情誰謝眺好去共憑闌

白松

眾木芬榮處叅天一老松傳言栽玉女幸不染

南園詩集

卷之六

八

秦封雪色時來鶴風聲夜作龍萬年枝可倚長嘯問仙蹤

嵩山寄張助甫吏部往寓書有共游之約

臨眺當絕頂懷人日欲斜却憐身是寄安得此爲家路轉石蹲虎陰多樹集鴉玉漿如可飲持此問張華

其二

河洛本名區中天山更孤萬泉聲自合衆壑景偏殊我尚牽婚嫁君今非有無他時重仗復煙

月共招呼

訪謝茂秦談救廬柝事賦贈

道往渾忘寐淒然劒氣生暮春詩送老不夜月臨城一出原排難千秋有令名憐才誰復似因見古人情

送徐惟和之貴陽

桃花新水發孤艇下江關顧我還三楚憐君到百蠻日南浮紫氣雨後見青山別去并州意雄篇取次刪

南園詩集

卷之六

九

壽譚子禮

白髮老江干冥鴻自羽翰閑携鳩竹杖清映鹿皮冠水近月偏好春深花正繁耆英他日會尊酒幾交驩

送李少白遊金陵

采石磯頭月停橈爾正看夜深詩思好興到酒腸寬雲淨三山出江流一葉寒故人如問訊蜀道古來難

酬張貞卿秀才

之子能詞賦，絨書到漢陰。風塵難識面，意氣總  
知心。白岳寒雲色，滄江落日深。幾時下孤艇，尊  
酒一招尋。

壽孫受甫總戎

請給逢昌運，憐君是仲謀。習家池尚在，峴首景  
偏幽。旗引千山色，弧懸萬里秋。平生懷頗牧，應  
待禁中求。

飲蕭凌喬宅得濱字

數載返江濱，今宵醉故人。才華憐汝在，披豁見  
吾真。竹筍當堦出，荷花映水新。西風將萬里，尺  
素寄情親。

蕭徵君費呂王趙四進士餞余寺閣得朝  
字

故人多意氣，斗酒一相招。鷺領無炎暑，龍宮遠  
市朝。清風吹竹樹，疎雨滴芭蕉。後夜東林會，憐  
余萬里橋。

同日得黎惟敬內史盛仲文秀才書

湖海交游意，吾憐二子才。喜觀江左賦，况寄嶺

南梅炎暑涼風微，遙天明月來。論心一尊酒，何  
處爲重開。

宿沙洋立秋有懷家大人

忽聽秋聲至，蕭蕭思不禁。西行隨大火，東望快  
長林。沙羨疑無暑，梧桐倍有陰。江皋戀游子，今  
夕好披襟。

唐安寺別成仁卿孫子忠二秀才時空吾  
上人與焉

知己同相送，高僧况皎然。一尊聊共醉，萬里有  
誰憐。山色來天外，泉聲響坐前。東林如許我，結  
社好談禪。

寄圭兒

家書傳峽口，况是汝生辰。白髮憐遊子，青山度  
遠臣。十年渾在抱，一別總驚神。巫水知余意，長  
吹到漢津。

山家

茅屋傍山隅，披雲始一呼。樹青見朱果，籬密隱  
啼烏。落木時堆戶，流泉自到厨。嚴公畫蜀道，此



景入圖無

寄謝少安中丞

偶過玄暉宅蕭然獨閉關病餘看白髮市遠只  
青山作賦雄三峽談經到百蠻子昂臺尚在何  
日共躋攀

游中巖寺有序

青神余太史志中巖蓋比武夷云沙門隨  
景索題得賦八首昔蘇長公泊巖下髡奴  
阻以路險不果游非山靈之恨耶不穀幸

圭園詩集 卷之六

五

矣

謁諾距那尊者像蜀人禱子輒應

浮生言嗣錄造化理偏微南土誰爲主西天爾  
不歸陶形人共異石笋世應稀亦願多男子焚  
香更一祈

水月樓

登高見新月况復俯長川諸品空中靜三山象  
外懸慈航如可泛石鏡若爲圓獨恨僧牢落誰  
參不住天

下巖寺

紺殿青江裏維舟暮欲投故鄉天際夢客子水  
邊樓霞色紅將斂煙花翠且浮上方有鐘磬明  
日更淹留

中巖寺

白雲迴合處徙倚是中峰我自舒長嘯僧來送  
短筇陰晴煩作雨上下忽聞鍾不盡徘徊意林  
間又夕春

上巖寺

圭園詩集 卷之六

五

靈巖敞高閣絕頂更披襟一雨層巖出三冬客  
髮侵有碑多古字無處覓知音最是山間月憐  
余去住心

喚魚潭

諸僧說法處出聽有游魚丙穴誰同美濠梁興  
不虛飛泉山頂細霜葉雨中疎似此真無礙塵  
心亦漸除

玉泉坎

水曲流盃飲應思晉永和甘泉來石竇古碣倚

山阿行色渾忘去浮踪定再過余家兄弟好此  
處幾高歌脩撰承勛  
副使承業

祖覺臺

空門著僧史杖鉢總成玄今日書何在千秋名  
自懸墨花逢勝地丹葉下寒泉欲續高僧傳慚  
余未有緣

烏尤寺同南憲使作

詞客招尋處重過大士家烏尤山更好青靄日  
偏斜雲物頻侵坐霜林已著花嘉州多勝事寧

三國詩集  
卷之六  
三

得平陽胡使君書兼寄康山人

郡閣頻飛夢翻憐蜀道遙風流還上黨雲樹渺  
中條萬里書初至三秋思獨饒舊時同社侶鴻  
鴈得相招

除夕

取醉天涯事今宵又入唇東風十度客西土五  
更春家遠書難得官閑態自真庭闈與兒女歲  
暮定沾巾

得楊慙功能郡之報感懷兼寄芙蓉社中  
諸子

莫說紅顏舊憐君妬更深一麾還偃蹇萬里其  
浮沉可畏風塵態難持去住心詞場多舊侶載  
酒好披襟

岑公洞同王引瞻少叅賦

仙子何年去還餘洞口香白雲頻下鶴紫氣總  
飛羊名列岫橫江浦鳴泉到石床故人斗酒會  
夜色正蒼蒼

三國詩集  
卷之六  
三

靜邊寺

偶過山邊寺居然靜者心大唐還有碣古殿欲  
生陰風雨千巖墮烟蘿一徑深寒帷春色好無  
處不登臨

宿慈雲寺讀陳子兼學憲壁間之作感懷

何年過使節隻字重山僧知爾詩無敵令人思  
不勝雲深垂夜雨風急亂慈燈亦有姑蘇夢空  
門路幾曾

雲臺山懷李元甫修撰先余游此有作見

寄

山遠雲偏近登山雲又孤文儒兼吏隱欲界有  
仙都花柳春三月乾坤酒一壺獨憐游覽意不  
與李膺俱

送胡參將之永寧

故人辭我去七首若爲鳴飛檄方多事臨岐倍  
有情青山看萬馬赤水度雙旌知爾封侯骨黔  
陽好罷兵

得蕭文明太守書

爲問羅浮興登高屬大夫鴈魚來海島風雨到  
雙巫遠道貽金錯冰心自玉壺千秋合浦上應  
見有還珠

酬諸給事見懷

忽得同心札徘徊落日傳知君能抗疏顧我倦  
傳經輦路宮闈紫珂聲瑣闥青淮陽有民隱好  
爲達彤廷舊推淮安

叙南道中懷曾司馬

嘉州曾輟棹何日到神京霄漢縣麟閣春風送

鳥聲誰言蜀道易公去雪山輕喜見躬耕者奔  
趨建武城

寄凌上卿二守兼懷維揚社中陳高王錢

諸子

佐郡憐之子風流衆不如甘棠陰在道令私撫焚芳  
草惜離居遠岫來天外江聲落雨餘因君問同  
調淮海楊曾虛

寄懷童少達應試

莫說巴渝路思君獨勞蠶叢真萬里鳳舉挾  
雙毛雲淨山逾出江空月正高芳洲青似玉乘  
興一揮毫

得李本寧關中書却寄

何處秦關路迢迢不易行望君深紫氣顧我老  
青城匣裏雙龍劒秋邊一鴈聲華山仙掌露寧  
復似金莖

送蔡用卿大參之廣東

萬里塞帷客清朝侍從臣雪山秋正好雲樹遠  
難親兵革消炎嶺珠光落海濱一尊今夜酒還

是射洪春

余得宋文與可字碑友人李元甫脩撰爲詩記之因次其韻亦蜀中奇事也

金馬詞華客誰云久陸沉當年餘翰墨異代有知音石室原家世丹淵自錦心公有丹淵集又文翁之後謫僂偏感舊風雨一招尋

金沙寺

郭外橫幽寺招尋路更斜前身是金粟此處問恒沙細雨青松色長空寶樹花亦知禪坐久落

玉函詩集

八卷之六

六

日數聲鴉

薛濤井

洪度今安在鸞牋此更奇人言花蕊好我愛竹郎詩霜月還千里才清見五離轆轤聲不斷滾滾有誰知

同梁尚賢大叅范子太僉憲中江響盡寺

閣

高閣空中出長江鏡裏縣喜同金馬彥來問野狐禪仙樂飄飛棟天花落梵筵峨眉月好徒

倚向人圓

懷王明受計部

不見仙郎久分携海上樓音書曾七澤風雨又三秋報主心何壯懷人夢欲浮淮陽有述賦好爲緩徵求

得沈子靜司業書却寄

數載同心別休文夢亦隨臨雍聞講易結社幾談詩人素南天遠高名北斗垂長安一尊酒何日慰相思

玉函詩集

八卷之六

九

酬塞平陽汝上見懷

尺素總銷魂憐君意氣存星軺千里遠露冕百城尊綠髮人如玉黃河勢若奔壯游有司馬爲我吊龍門

聞轉東藩志感

文教慚牢落君恩又浪垂登山逢日觀戀闕近天池運道誰長策淮濱憶舊時却憐游子意孤艇下重夔

送楊直卿進士令保山

爾向南荒去令人賦索居少年方縮綬計日有  
徵書百思花堪種千山錦不如平生志清白爲  
我一縣魚

別梁尚賢大參

去去嘉陵路思君縱遠眸十年同上國雙劍自  
中州山帶驚朱鳳江心見白鷗射洪春酒好若  
爲主人留

雪夜懷陳于韶憲使

蜀天不見雪一雪獨徘徊恰似白鹽峽翻成玉

香園詩集

入卷之六

辛

壘堆來雲依短劍寒漏引深杯向晚高樓會歌  
聲亂落梅

夢邵邠之淮安却寄

何意青天外長淮入夢幽傳書驚日遠爲政自  
風流賴爾甘棠澤憐余桂樹秋覺時仍萬里難  
下宴花樓

望牛頭寺用杜韻

老僧來谷口爲道寺門深塔遠浮青靄碑多覆  
綠陰曇花千澗雨祇樹萬條金獨有風塵客徘徊

一賞心

上牛頭寺用杜韻

古寺青山上今朝到上頭傍城流水渡出郭野  
人遊寶蓋乘牛犬禪枝怖鴿幽迷津如可問岐  
路幾時休

閬中留別王元德憲使

秋雨靈山白西風閑水殘故人詩思好愛我酒  
杯寬石黛屏如錦仙臺玉作闌明朝天際去飄  
泊萬峰寒

香園詩集

入卷之六

壬

大人家兄遣使至巫山先歸

喜極雙童至行行是楚丘靈蛇珠尚在山鬼嘯  
何愁時尚過蛇倒穀雨逢春霽朝雲忽晚收寄  
言游子近莫倚夕陽樓

送凌尚卿之蜀

伏劍之官日仍登李杜祠回看雲夢遠喜見雪  
山奇南國春千里東風酒一卮玄亭舊時客得  
爾慰相思

禪寂寺與峴雲上人談經

征途多夜雨問俗是團風古寺浮天外高僧入  
定中六塵渾欲斷五蘊本來空獨有長江客明  
朝一葉東

黎秘書惟敬李臨淮惟寅過訪

竝馬金閨彥相看慰寂寥舊游如雨散高調薄  
雲霄把酒論心好裁書恨路遙天邊有明月夜  
夜見孤標

壽劉左史雙壽爲同年伯時太守賦

吏隱何年卜優游亦主恩耆英誰洛社詞賦更

南園詩集

卷之六

三

梁園汝嶺看秦嶺王門是鹿門僊郎况循吏舞  
綵細相論

金山人在衡遣子秀才謁余淮上詩以別  
之

君有青城夢余懷白下心關河憑鴈翼聲價重  
鷄林令子驚相似孤舟遠見尋論文一尊酒何  
日共淮陰

登金山寺次唐張祐韻

波心橫古寺南北正中分洗鉢窺江月焚香散

水雲聖燈龍曲戲梵語鳥相聞我有山川僻登  
臨一醉醺

次唐孫魴韻

紺殿名仍舊靈泉水自新鏡中懸倒影象外絕  
飛塵雪浪銀爲界晴沙金作身風流蘇學士解  
帶更何人

賀明叔兄得孫

兄喜看黃琬吾猶見阮瞻家聲有朝野瑞氣滿  
問問大父從今始雲孫不待占相期何物是架

南園詩集

卷之六

三

上有牙籤

焦山訪郭次甫不遇

問爾何年隱扁舟偶一尋敢題凡鳥去應識野  
鷗心石徑蒼苔沒柴扉綠樹陰山間有孤鶴爲  
我發長吟

京口舟中哭內兄童四

正苦同胞逝俄驚異姓兄半生直夢蝶此去是  
騎鯨誰抱浮名累空聞大藥成江邊一掬泪應  
到竟陵城

荅許殿卿長史見懷之作

白雲縣海岱明月照瓜洲尺素仍千里離懷況  
九秋開尊多故侶得句失新愁若問行藏意天  
涯獨倚樓

舟中別御史葉芳兆兼呈座主張學士

邂逅彭城驛同心話別時回風吹綠蟻細雨濕  
青驪霸業千山暮王程兩岸岐聖明終念直黃  
閣有吾師

同莫山人公遠泛寶應湖

故人臨遠浦長嘯散幽襟十載多離夢三巴少  
寄音羈愁詩更好垂老酒偏深明月重湖上魚  
龍起夜吟

送潘公子應試

揮手君何去行行到鳳池少年潘岳貌當日董  
生芳草綠春衣上淮清畫舫時漢庭詞賦就好  
爲寄相思

吳山人孝甫走使京口却寄

沉冥詞客興何處更登樓託意時烹鯉盟心或

有鷗青山迷草市綠樹帶瓜洲江上秋風好馮  
生一蒯緱

送莫廷韓北上

顧我維孤艇逢君正上書烟花三月候名姓十  
年餘流水迴山色青雲隱石渠故人京洛滿應  
薦馬相如

袁先生遣季子非之訪余瓜渚時過南雍

懷抱爲誰傾通家舊有盟酒寒殘漏盡話久暮  
潮生桃葉江頭渡瓊花路口明別君且南去得  
意鳳凰城

胡山人茂承過訪兼得許維楨祭酒書

高士來何處長江一夜潮傳書思故舊對景說  
金焦孤嶼春方半中冷渴可消明朝更沽酒登  
覽不須邀

遣使詢方子及留都

更作刀州夢分携已十年浮生誰得喪吾道合  
迤邐莫訝文爲祟應知謫是僊秣陵烟雨寺乘  
暇好談禪

端午懷家按察公

何物酬佳節殊方思不禁江心空有鏡澤畔與  
誰吟艾自憐瓜渚蒲還憶隱林先朝舊宮扇曾  
念主恩深

喜得三山近誰知五月寒天中驚節至家遠寄  
書難聽雨神依竹乘風浴是蘭何須仍續縷不  
老有金丹

送周繼元主政還南都

郭外長江遠孤帆一夜開山公還啓事水部自

讀書園詩集

卷之六

辛未

多才笛落梅花雨歌殘竹葉杯秣陵應咫尺不  
覺重徘徊

鍾繼文戶部還朝遣問京口賦謝

尺素傳瓜渚君行正及瓜三山牽客夢八月憶  
僊槎到日恩承露平時翰染霞子牟心魏闕惆  
悵尚天涯

金山寺寄徐惟德太守

郡齋名勝處聞亦少風塵地僻思家遠江空見  
月真城頭新下鳳天上舊爲麟九轉懷人意嗟

僧問法輪

同康山人哭先兄有作

君聽山陽笛傷心淚有餘情憐驚坐語官老步  
兵厨短日迷三籙悲風落五湖長安若箇畔猶  
憶酒家壚

喜方子及戶曹至自真州

寥寥淮海上亦有武夷君乍見渾如夢新詩更  
不羣人江秋放舸寒雨夜論文莫說平原酒平  
原約易分

讀書園詩集

卷之六

壬子

得馬都閫書却寄

散帙聞清興君才似伏波寢園龍氣合岐路鴈  
書多對雨拋金甲乘風嘯玉珂太平無一事老  
將帳中歌

蘇伯華山人以鸚鵡詞謁余賦贈

垂老寧干謁名流總見收青蠅原世態白鳥自  
汀洲咄咄書空事冥冥避弋謀設誇鸚鵡調江  
夏向含愁

送方子及謫雲南提舉



才子投荒去令人掩涕看詩原追杜甫論可比  
桓寬萬里家應遠三山酒易寒東風下環召爲  
爾一彈冠

得張幼于書寄懷

淮上頻招隱江東憶步兵鴈魚曾蜀道花鳥自  
蕪城草市荒烟斷瓜洲積雪明三山一尊酒何  
日共班荆

夜宿金山寺讀顧更生評事壁間見懷之作

西園詩集 卷之六

天一

山靜渾如畫江平似不流老僧乘月舫孤磬散  
林丘大地黃金色中天碧玉浮彥先詩更好爲  
我滌新愁

舟中同郭次甫望三山

寒雨濛濛落秋雲片片陰山靈原鼎足江海好  
披襟風細帆初定情真酒易深重陽應不遠還  
上最高岑

別李茂叔文學

春水是王程扁舟送我行名高慚仲舉願解得

匡衡梅雨山如洗花朝草又生問奇一尊酒能  
更醉江城

華巒山房爲王用懷太守賦

華萼山城外人應比范卿雲隨揮翰處風送讀  
書聲明主新承寵玄宗舊賜名不知廊廟夜  
曾亦夢柴荆

送明叔兄北上兼寄陳祠部費給事

千里驚相見三荆獨愴神吹埴聲自好把酒意  
偏親泗水桃花色韓山柳葉新中朝舊遊在急  
難似吾真

西園詩集

卷之六

天一

送吳志說憲使之蜀

叱馭今何往雲安有酒尊舊遊吾益部壯志爾  
中原豔瀕真如馬陽臺半是猿褰帷無一事好  
吊懷西村

彭城別張釐卿大叅分得齋字

尊酒正如淮孤舟且泊佳東風吹客鬢明月到  
江涯簿領吾終厭詩篇典轉佳故鄉行日醉花  
事憶高齋

九日同郭次甫登焦山集鳳亭

此地堪棲鳳孤亭意自新  
霜因青女降酒爲白衣  
巡杜甫悲秋興林宗折角巾  
風流應未泯千載大江濱

崇鳴寺

野寺疎鐘古人來始一鳴  
隨緣僧自住習靜世應輕  
宿鳥窺香影游魚識梵聲  
振衣重閣晚秋色大江橫

靈福觀

沿劫何時造先朝不可窮  
丹懸龍杖外春老兔絲中  
泉古消長日溪幽度晚風  
宅年鑑湖曲吾意只黃蓬

送劉朴先進士尹會稽

劉龍曾爲郡君今又會稽  
向來循吏傳好與古人齊  
竹箭花封舊蘭亭草色悽  
若耶山谷叟定少一錢齋

壽盛母八十

踰躔垂舞袖白髮近期頤  
詞客頻稱壽仙郎雅

善詩萱花飛綺閣桃實下瑤池  
采采東籬菊清香到酒卮

題采菊園壽盛山人泰甫

盛彥直名士淮南別路賒  
尋常多翰墨五十是年華  
谷水甘浮露金英落帶霞  
人寰風景異長得醉黃花

送蕭文明參知之淮

漢家蕭相國今日借中原  
綠鬢何人似蒼生待爾援  
帆飛山是纜節擁海爲門  
無限并州意臨岐總莫論

賀胡國承新居

出郭無塵事澄江日夜東  
一丘尋勝地三徑有高風  
雨潤苔痕綠霜清樹色紅  
卜鄰慈母意咫尺見芹宮

送程生之徽州兼寄龍司理

江上新樓閣君來總勝遊  
歌聲隨去棹寒色滿征裘  
顧我非鄒鑒何人是寒翁  
郡齋如夜話諸少遜風流

李山人君實過訪

一醉俄成別談鋒總未休微名何處得高調更  
誰投風雨頻彈缺江湖易放舟不須懷刺去十  
載識荊州

喜吳江沈封君過訪

荆南明月好何處故人來握手頻看鬢論心數  
舉杯才名誰沈宋交誼只陳雷况有諸兄弟柴  
扉次第開

葛仙草堂爲內江周憲使賦

帝圖詩集 卷之六 三  
直仙煉藥處千載爾徜徉雨氣丹沉竈霞光紫  
芝觴靈符竹葉好玉液桃花長况有驚人句時  
凌鶴草堂

送周少府之鞏昌

故人天水去踪跡憶浮湘丹詔還金馬雙旌度  
玉狼祁山諸葛廟龍峽杜公堂吊古多君意新  
詩好寄將

別麻城侯子

廿載不相見相思到復城月明江上艇風細竹

間聲訪我還携子逢君更憶兄時光祿少年然  
公下世諾在去住若爲輕

送蕭文碩秀才應試

屢世通家久柴扉醉濁醪錦囊存舊草彩筆賦  
新濤北關風雲壯南樓月露高連枝同鳳舉誰  
不羨雙毛

寄邵給事守成都

不見故人久相思近若何四郊渾陸海一望是  
三峨浣水題詩富玄亭問字多賜環明主意蜀

帝圖詩集

卷之六

三

道少風波

別鮑保之時訪其兄遠安令

偶爾逢高士離亭秋欲分交應慚仲舉詩自學  
參軍江濶孤帆落天清一鴈聞神明有茂宰憶  
弟正看雲

吳山人孝甫過訪

握手相思苦相逢即破顏書曾傳一紙夢有繞  
三山烟水孤舟繫風霜兩鬢班主人正投轄莫  
說幾時還

送張員卿秀才之京師

我愛張華久交情入素中書從三篋定賦有兩  
都雄寶劍輝新月長纓吐晚風子牟頻戀闕全  
到大明宮

舟中別龍君善司理

輟棹今南去呼盧幾醉醒赤繩原繫足玉樹倍  
含情一水連三楚千山擁百城廟堂多少俊遲  
爾到承明

張助甫方伯黃定甫孝廉朱汝脩太醫靜

西園詩集

卷之六

五

脩皎如二上人飲莫廷韓館

淨業從來白詩篇爾更玄招呼醉明月意氣倚  
長天蔡可原方外應劉在目前平生耽閑寂何  
處好逃禪

正月望日寇巨源柳陳甫二山人招同張

助甫方伯飲燈市

此日星橋度相過醉酒樓百綸花氣合七寶夜  
光浮檻外呼明月階前控紫驄我心還不淺重  
與季脩遊

同趙仁甫梅客生孝廉飲盛山人泰甫宅

遲萬汝脩兵部趙夢白戶部余君房工部  
不至

頗怪朝參懶幽齋興自奇酒同河朔飲人似建  
安時爽氣吞雲夢高風見武夷翩翩蘭省客何  
處更題詩

寒食飲趙夢白計曹時

主上有山陵之行

令節逢仙署乘舟我正過瑤煙三殿遠香雨七

西園詩集

卷之六

五

陵多倚檻花盈樹停杯鳥弄歌王孫與芳草握  
別奈何

寶應別嚴子心兼寄郭次甫董述夫吳曰  
南陸無從邬汝翼

送送情無限湖光蕩不如我慚留犢愛君有換  
書新月隨孤艇春風度草廬舊時同調者莫  
遣信音疎

寄楊肖韓大尹

故人還結綬數載臥丹丘百里瓢爲郭千山昼

是樓翰飛天外雨河潤海邊秋珍重明珠在逢人莫暗投

采石懷龍壻君善時司理徽州

采石江心月臨流一舉杯古人不可見我輩復重來白岳春雲斷黃山曉樹開它時宮錦過遲爾謫仙才

寄任五安別駕

不見任棠久裁書對夕暉詩名黃鶴重宦况碧雞違新月沉江細春潮帶雨微剡溪有孤棹何

西園詩集 一八卷之六 三

江上寄休寧曾大尹

太白江樓好蒼茫更一憑故人金斗望清吏玉堂米尚棟雲爲蓋疎簾月是燈天邊有雙鳥知爾定飛騰

曾尹成文昌閣有獻虎子者封虎觀聞而賦之

白虎何年觀賢侯講席橫風應從漢遠政自與時清化洽河仍渡文成市不驚潯陽山下石那

得有高名

富池夜泊寄吳明卿大參

正有同心訪臨岐路更賒山間看隱豹舟次見神鴉帆落風初定江平月倍華良宵有清夢一到子雲家

邵子俊過訪得吳明卿先生書

炎暑到江干江深草閣寒尺書來下雉隻字比盤飴倚檻蓮多實披襟竹未殘不知吳季重尊酒爲誰寬

西園詩集 一八卷之六 三

西陽陳文燭長子著

五言排律

飲化州伯有斐亭

同家兄明叔和叔堪俱懷諸姪

寒玉傍孤岑，晴空散積陰。  
謝家瓊作樹，阮氏竹爲林。  
疎籜飄龍影，新梢弄鳳吟。  
驢無他客在，酒爲此君尋。  
渭畝清於滴，淇園綠自深。  
乾坤一亭榭，風雨好披襟。

五日常刺史招同初幼嘉劉子和費以明

二酉園詩集

大卷之七

七

王觀生具仲立陳子壽丘子雲飲潤公禪房

龍舟原勝賞，鴈塔況佳期。  
浴水過蘭若，登山弄采絲。  
汨羅江更遠，荆楚吊應奇。  
况對長沙侶，高歌漁父詞。  
渡杯誰爲競，載酒幾相知。  
卜夜良非偶，明朝不再持。

刺史袁公招同蕭凌雲凌達凌喬凌漢孟

以賢家兄和叔遊蓮花池

芳沼開蓮葉，江城弄柳枝。  
波光輕棹蕩，水面穀

文奇雲集來諸彦，風流見我師。  
作杯牽翠蓋，折藕吐青絲。  
過櫓逢幽境，聞歌起夕吹。  
蟾蜍明似洗，魚藻戲相隨。  
操染驚千古，江湖信一麾。  
襄陽有山簡，常醉習家池。

過胡侍御墓有感

下拜蘭臺後，孤墳草莽中。  
懷人希見面，感舊結深衷。  
已化丁令鳥，猶傳鮑氏驄。  
輪埋秦地遠，轡攬大江空。  
古木聞啼鳥，荒烟散斷鴻。  
相思同漢水，歲歲自朝東。

二酉園詩集

大卷之七

二

讀梁公實詩感懷兼簡倫紹周

嶺海斯人去，瓊瑤此日留。  
飄零憐世講，俛仰動羈愁。  
駒隙誰能久，鴻名已自優。  
奇書窺二酉，清夢繞三洲。  
早結黃初社，翻成白玉樓。  
雄才參鮑謝，麗藻失曹劉。  
玄草人應重，丹砂興更悠。  
南金餘隻字，華表竟千秋。  
同調還逢侶，高蹤未可求。  
食霞多舊藥，因爾問羅浮。

喜雪

有序

嘉靖丙寅仲冬九日

主上禱雪初降是日同曾水部飲水部出於  
亥曹中所賦望雪詩且新刻之石者語多  
悲憤與予懷合又雪夜讀之事甚奇予得  
次其十一韻水部調高寡和我其爲已人  
之曲乎它年或可爲雪夜一佳話矣

三冬驚柳絮六出見花神塵洗龍沙遠光生鳳  
闕新飄颻下蘭渚點綴慰楓宸赤土多豐兆黃  
臺似舊貧周郊歌聖主梁苑憶詞臣九塞還胡  
騎三湘有縱鱗愁心頻送目僵臥未安身把酒  
酬南國揮毫動北辰鴈鴻千里度鳥鵲一枝馴  
瓊樹疑無夜江梅欲報春山陰何待訪郢里舊  
爲隣

予旣爲喜雪長律倫紹周見而和之雪亦

霽復次前韻

積素渾如畫凝華不減神流風回尚舞曉月映  
尤新萬玉堆玄圃千山照紫宸煎茶簷際溜貫  
酒杖頭貧尚有徵兵詔誰爲草檄臣枯藤吹暮  
獵棘樹凍雲鱗駒隙真頻過鵷行愧此身百憂

侵病骨三尺撫良辰天遠鴻偏少人稀鳥自馴  
水深湘國水寒動嶺南春幸矣聊同舍何當更  
卜隣

李本寧進士夜酌

釋褐看先輩交游古誼存得君如琬琰謁帝  
况騰騫絕調驚三楚長楊賦萬言鳳毛偏有色  
鵷侶竝承恩身致青霄早歌從白雪翻經將談  
虎觀名已重龍門意氣寒雙劍芳菲倒一尊聽  
鶯聲正好倚馬筆如奔漢署空留滯家山只夢  
魂風塵無上策兵火尚中原鼓角悲天際踈鐘  
度禁闌却憐今夕語還得細相論

送吳明卿之高州茲行得投吊梁公實末  
句及之

十載違天闕三春盡客居知希占我貴名重與  
人踈銅柱方持節金門昔諫書長沙曾逐客澤  
畔渺愁予梁苑堪垂詠匡山尚有廬一麾仍出  
守百粵又驅車賦久誇鸚鵡文因徙鱸魚夜珠  
還合浦蠻鼓急潮沮畫戟牽新荔朱旛照瑾璵

松明便眺覽梅發幾躊躇海市樓船迴羅浮杖履舒梁鴻無限思好式越溪閭

壽傅表叔司徒六十

八座台衡望三春壽域新世勲原自洛間氣忽生中雲漢思飛羽風流況絕倫說巖商鼎夢武仲漢家臣虎服文猶在龍圖志更頻振衣魁楚甸弱冠擁朝紳茂宰鳬爲舄循良雉可馴山公驚啓事海宇荷陶甄去國緣何事明農意已真衮衣重日月曳履尚星辰還借東山臥來清朔

三園詩集

卷七

五

漠塵丁年如有待甲子正周旬赤舄縣應久青尊得暫巡呼盧同傅奕投轄有陳遵詩句含池草逍遙任積薪鴈行情自好鶴髮願多臻時同家大人里

送費參軍之留都

費祿才元俊陳遵酒更狂談大方碣石攜手復河梁爭羨家聲重能令國運昌三台曾出萬二妙比琳瑯奕世還鸛鷺奇毛自鳳凰轅門新載筆蘭省舊含香此去青山興誰賡白雪章江深

雲樹渺秋到兩花涼玄武湖波練金陵王氣長流霞低夕照寒月帶星光鐘漏疑闌闔樓臺即未央川塗無限好登覽屬僊郎

梁舍人思伯使齊過淮舟中賦別

雲樹經年別星軺何處來秦時餘禪草漢使是僊才紫艇蒼烟合呼尊夜雨開鴈聲黃葉裏蜃氣白雲隈劇郡無奇思荒城有舊臺重陽應計日還醉菊花杯

舉遠樓詩十六韻爲王中丞賦

三園詩集

卷七

六

上國今開府中原早借籌贊能操握掌筭更速傳郵貢道尋神禹奇謀失鄧侯牙檣飛路口高閣倚沙頭河海輸同至乾坤氣自浮尊前帆影落檻外櫓聲柔喜見江淮潤應知島嶼幽舳艫驚萬馬旗鼓走羣鷗派入龍門舊波從蜃氣收詩成青玉案潮繞白蘋洲縹緲連霄漢謳歌滿道周捲簾來月色散帙有風流報主心偏赤匡時鬢欲秋人皆憐絕賞誰謂本先憂國計看全勝輿圖此上游披襟登覽者不羨仲宣樓



嘉會亭同憲長林震起憲副王召之僉憲

周道可張子貞賞山茶

幽興真僊吏名花  
況錦官山龍珠吐色海鶴頂  
呈丹載酒仍同調  
憑軒此共看絳苞渾不散  
寶氣欲生寒春入瓊瑤樹霞生瑪瑙盤  
東風如解意爲我護闌干

送王召之大叅任廣西兼酬華嵩見懷之作

縹緲天南路  
輶軒日近家君今游八桂我尚滯

三巴草色

羊城遠

山光象郡斜

杖藜誰勝

品自烟霞仙掌  
食飛露嵩陽采落花  
故人有佳句應寄錦江涯

送陳元忠編脩北上兼寄李元甫脩撰

雲樹千山裏  
旌旗一望中  
才名原虎觀  
春色滿  
懸叢此去承君寵  
人言有父風  
丹心隨闕遠  
僊學倚天雄  
稷契明時事  
王楊異代工  
揮毫金馬  
者尊酒喜相同

嘉會亭同僉憲杜與言甄子一送憲長劉

卷吾北王

亭榭開幽徑  
吾徒卜夜分  
乾坤頻對酒  
風雨幾  
論文作客同  
千里憐君到  
五雲竹寒青  
欲滴蘭  
久坐忘薰事業  
從龍建音書  
託鴈聞倚欄  
有明月似爲惜離羣

送劉都閫入賀

三川炎暑候一雨  
晚涼生愛爾真多藝  
臨岐空復情雲寒  
諸葛壘風度伏波營  
疑塞諸夷貢呼  
嵩萬國聲到時逢盛典  
好爲請長纓別後峨山

月隨君處處明

送李舍人使蜀還朝

君擁相如節  
人驚博望槎  
江頭看濯錦  
峽口聽琵琶  
握手談鄉井  
臨岐問酒家  
千山無故侶  
四壯正皇華  
別意牽垂柳  
溪聲是浣花  
鳳池如視草爲我寄天涯

陳于韶憲使臥雲樓觀紅梅

綠樹樓臺景  
紅梅爛熳花  
丹心驚萬里  
春色到三巴  
愛護無游蝶  
探尋及暮鴉  
瓊瑤曾驛使  
鼎

與自君家竹外寒增能燦前晚中華清香招  
侶老幹繁僂槎浮影星疑落懸冰月更斜獨憐  
青玉案似帶赤城霞

昆山草堂爲中丞潘公賦

結構隣三島圖書富五車河陽看世業茗雪自  
交嘉問地原爲析誅茅更種花神芝開似玉火  
東人分暇日楊雄草清風陸羽茶山深泉易  
響溪淮徑偏斜剡曲飛新雪三山映落霞閑來  
烹石道偶爾飯胡麻金谷自種酒銀河碧漢楂

西園詩集

卷之七

十一

謁關里廟

吾道流寰海斯文在故鄉千秋尋魯甸萬仞有  
宮牆高閣奎文迥九山衍慶長冕旒三代上蘋  
藻兩楹傍以我觀羣后何人等素王和風檣猶  
好時雨杏偏芳開闢餘元氣浮沉藹瑞光升堂  
誰更入築室且于場堯舜遠周公夢未亡  
禮原看組豆樂實奏笙簧歌鳳時難遇獲麟教

益彰于今歌泗水自古仰秋陽

游靈巖寺有序

寺蓋在泰嶽西北云羣山擁翼棟宇連雲  
摩空干霄莫可名狀唐人纂千道圖乃比  
于棲霞國青玉泉爲宇內四絕余得游焉  
真一適也次王元美十二韻

名利高巖裏遺碑古道傍岱宗看未了寶塔見  
還藏白兔驚神異青蛇事渺茫朗公曾過魯初  
祖盛于唐錫杖泉留月袈裟鐵自霜潛龍應解  
脫幽鷗任飛揚取水真甘露尋溪得異香茶椒  
供佛座梧竹滿僧房海日懸紺殿慈雲護法堂  
鵲巢千樹頂鶴繞五花廊牽木遊偏好披衣臥  
不妨偶來依淨土倏爾又河梁

濟南道中哭沈子靜司業

憶昔浮金闕于今葬鐵山書郵傳劒閣詩社結  
燕關俊逸驅王孟編摩似馬班青尊頻促膝白  
雪幾開顏諸子盟猶在惟君去不還交情見生  
死飽仰憶人寰問俗齊風近傷心魯甸問來賢

西園詩集

卷之七

十一

行未遂把劍淚空潸

望青州感懷有序

永樂間先中順公守青有善政祀于名宦  
小子督運過山東思往拜焉乃奪于公期  
不果也感賦十二韻

烈祖官齊壤名邦尚路岐高標懸海岱惠澤共  
濫淄一日歌來暮千秋繫去思勸農曾入畫脩  
學規遺碑留犢廉誰竝飛蝗歲不饑人言太丘  
後重見醴泉奇乞骨三湘興攀轅萬姓悲龔黃  
南園詩集 卷之七 上

同游懋甫方伯守歲

此夕驚除祓明朝慶履端情真傾竹葉家遠憶  
椒盤白獸中朝會青龍北斗看流光同過客何  
物是微官海畔春先得淮濱雪尚寒逢君多意  
氣列炬漏聲殘

壽童母盧夫人七十

綠綺鳴華館黃封獻總帷夫君天所授

恩寵日相隨佩以雙鸞竝冠因五鳳奇無人知  
夜雨有子向

明時曉月誰心賞清霜忽鬢絲萱花金作蕊桃  
實玉爲枝九族咸歌德諸孫盡誦詩江魚供饌  
美寶鴨吐烟暉綽約真家範脩齡是母儀步兵  
厨內酒歲歲薦瑤池

紫霞社得書字

弱柳逢春半高歌正醉餘人寰欣結社吾黨慰  
離居輞水堪爲畫蘭亭更有書淳風回大曆逸  
調見黃初月色浮杯淺鍾聲入座疎亦知占太  
史此會復誰如

壽靈壁侯湯母七十

聖善稱賢母永霜見淑媛國儲歸令子家訓荷  
殊恩情已陳烏鳥班仍首鸞鵲黃河渾似帶北  
海自爲尊悅設天孫巧簪添壺範存還期三十  
載再頌五千言

答慧敬上人

錫杖來巴蜀金焦聽講筵雲飛獨樹明鏡照  
長川解帶高臺跡揮毫大徹篇朱樓塵外迥青  
嶼望中連貝葉翻幽徑楊枝弄曉天登山尋古  
洞汲水訪名泉禪榻深偏靜詩狂老欲顛船歸  
江口月鐘散海門煙業白秋空遠心清夜雨懸  
道林才不世慧可德無前寶塔原十一恒沙自  
萬千幾時超苦海重訪大峨僊

七言律

黃鶴樓

三南閣詩集 八卷之七

三

今古樓頭幾醉醒不堪踪跡問山靈梅花雨氣  
飛江漢青草波光接洞庭徙倚恨無黃鵠翼臨  
畢空有白雲亭莫言好景渾難賦鸚鵡愁從笛  
裏聽

太白湖

太白湖連沙羨灘江天永夜客心寒風帆去去  
驚千里月影垂垂尚一團漁火遠來驚鴈陣  
歌深處龍吟明朝鐵笛仙人閣極目雲霄振  
羽翰

秋日登郡城寺閣

木落空庭寺轉幽寶臺紺殿傍城隈水明月到  
藤蘿徑江繞風生蘆荻秋三界欲超還七澤六  
塵何處訪三洲閒同老衲談興廢指點山前叫  
佛樓

其二

上方重閣峙孤岑一望江流曲抱深雉堞樹圍  
俱色相漁舟波響是潮音曇花冉冉池邊雨蓮  
葉飄飄渚上禽自吟浮生無住者聊將詞賦結

三南閣詩集

八卷之七

四

東林

送范伯禎南歸時學通政湯先生

御溝絃管忽分携回首還聞匹馬嘶舉世有誰  
憐白壁漢家何處照青藜寒江落木迎舟下遠  
浦孤鴻帶雨啼後夜問奇重載酒子雲家在禁  
城西

倦女臺

芳樹青青奠石湖春來無事訪僊符半空雲雨  
疑神女平地崗巒似小孤漢浦幾年留玉珮湘

草千古薦薜蘿醉歸馬上飛天鏡拾得臺前明月珠

江行

劍書蕩漾往來便夏口西風夜泊船湘竹尚懸  
它日淚江離重賦舊時篇雲山淅淅渾如畫沙  
樹戎戎渺似烟我欲投詞吊鸚鵡古今愁思滿  
晴川

讀吳給事中余比部贈作有懷

江天寥落詠新詩回首長安重所思才子久傳

三國詩集

卷之七

五

鸚鵡賦故人還在鸛鳩司西山花鳥情逾好北  
海芳尊興自奇謾道朱絃能絕調抱彈知已更  
何時

同家兄渡河時庚戌虜警

黃河八月起新濤漂泊天涯路更勞南去鴈聲  
隨赤羽中流楓葉亂青袍弟兄欲下憂時淚將  
和誰爲出塞豪安得旄頭今夜落甘泉烽火未  
容高

黃蓬山

黃蓬山勢接蓬湖湖上看山近有無落日荒臺  
屯魯肅大江流水下周瑜崗巒連絡牽瓜蔓煙  
雨參差列畫圖今古戰場堪一醉林間春鳥喚  
提壺

家園牡丹

名品開來勝洛陽雕闌晴日興偏長風流正舞  
千金態霞氣應標八寶粧誰送天香供酒聖從  
來國色是花王芳菲亦有相憐意幾處能逢翰  
墨場

三國詩集

卷之七

十六

甲寅七夕

傳言牛女度銀河終歲俄驚此夕過皎皎月華  
隨去影盈盈水色帶歸波金鈿舊淚揮機杼玉  
匣新愁對織梭誰謂天街良晤少人間轉見別  
離多

九日登洪山寺讀馮子和吏部半峯長老  
壁間之作

登高爲訪前朝寺塔影重重到酒卮寶地菊花  
無數色珠林霜葉自相吹風流才子馮唐老雲

水高僧惠遠奇古往今來俱莫問倚樓乘興一題詩

陳空山山人訪余有懷高司馬真無際氣  
逼元龍更有樓之句次韻答之山人爲黃  
岡王穉卿蒲圻廖鳴吾里中童士疇三先  
生所重山人名紀南昌人

逢君詞客又逢秋萬里江湖夜泊舟木落聲酣  
雲夢野風濤背指岳陽樓行吟有杖還何處垂  
老無家得自由謾道向來投轄者杜蘅芳芷欲

三國詩集

卷七

七

生愁

送袁履善先生之黃州

仙槎新水去翩翩赤壁重逢壬戌年雲樹遠迷  
鉛鋸外雪堂遙在鳳凰前浮踪自古原無定詞  
賦于今可並傳倘念問奇門下客鯉魚容易上  
江船

夏汭草堂呈按察公

草堂曲抱郡城阿城外江流繞薜蘿近水樓臺  
懸倒影忘機鷗鳥浴滄波興來時倚青藜杖醉

後頻聞白雪歌異代漢濱談父老芳名誰似此  
中多

復中樓

我家司馬好樓居朱拱岑軒倚碧虛百雉江城  
依坐近六時鐘磬入簾疎東風夜熟山中酒北  
斗光連架上書却憶陶潛歸去後自言吾亦愛  
吾廬

酬邵守袁先生

幾年講藝尚青袍授簡于今慶所遭刺史廷中

三國詩集

卷七

十一

風正細郎官湖上月初高侯芭敢謂探玄秘宋  
玉無能續楚騷後夜定承宣室召肯言詞賦在

湘阜

雨中何啓圖編修過訪

杜陵蕭索長安舍不意何休今雨來山色溟濛  
低戶入花香縹緲逐風回承家詞賦驚新調浮  
世韶華付舊醅安得海南戈盡洗中原與爾一  
登臺

懷袁履善先生

國士相知意倍憐蕭條况對暮雲天謾愁華髮  
年年改却喜名篇處處傳黃鶴有樓常作客蒼  
梧無計解留賢自從歸去歌明月赤壁還虛載  
酒船

酬馬鴻臚金陵見寄兼懷伯兄司業山中  
飛閣圖書傍玉河良宵車馬幾經過別來忽得  
南中信感舊應知北望多雲擁秣陵常帶兩月  
臨玄武自生波碧山咫尺難兄在門外誰籠道  
士鵝

三酉園詩集

卷之三

十九

送同年歸熙甫尹長興兼寄徐子與

太湖秋色遠連天漢節經過茂宰賢登覽興飛  
雙屐外文章名重五雲邊政閒鷗鷺真堪狎俗  
化魚龍亦穩眠况是南州高士在澹烟疎雨泛  
湖船

送同年葉男兆尹福清

別若曾看寶刀雄作宰風流出漢宮百里况逢  
征戰後三秋已過別離中垂簾草細來春色隨  
蓋花深息海風最喜玉融山下樹棠陰還與舊

時同

送范殿元伯禎使魯藩

翩翩詞賦獻長楊况奉天書出建章金闕柳墀  
隨劍珮玉爐香靄傍衣裳分茅爭羨宗盟重擁  
雪遙迎節使光倘過泰山觀禪草登封原不待  
明王

登毘盧閣有懷大川上人

高閣岩巖祇樹林炎蒸下馬一登臨蓮花散作  
諸天雨貝葉翻生萬壑陰塞北雲流頻送目湖  
南樹渺正愁心談禪何處招支遁落日憑闌思  
不禁

三酉園詩集

卷之三

二十

九日署中有懷按察公

東省含香舊佩萸近開吟口對江湖眼前節序  
猶今甘天外風烟任有無雲堞寒光浮塞鴈霜  
林秋籟起庭梧昨宵正作還家夢新釀蓴羹况  
美鱸

秋夜同包元夫對月

瑟瑟西風秋欲號清輝一望楚天高自憐悲氣

看長劍翻怪歸心折大刀北極關山凝露色南  
飛烏鵲見霜毛若非握手論文侶潦倒安能醉  
濁醪

送邵道微僉憲河南

送君朝發太行東楊柳垂絲驛路中車到夷門  
虛尚左簡投梁苑賦還工三花樹杪來新雨九  
曲河流度晚風莫道近來烽燧少腰間常帶寶  
刀雄

懷李川父先生

三國詩集

卷之七

主

驅馬夾門忽又春殷勤尚記酒杯頻斗山望重  
河流迴烟雨詩成嶽色新四海幾年仍羽檄五  
雲何日下蒲輪玄亭雪夜如相憶不見南來問  
字人

送同年陳懋修使蜀便歸

羨君此去賦皇華丹詔光生海上霞一代人龍  
雄百粵萬山飛鳥度三巴題橋正過臨邛里辨  
石應迴博望槎却憶同心輕聚散春明門外夕  
陽斜

途中寒食呈包元夫大行

羨君四牡正駢駢野外春華共指揮日帶晴虹  
榆火散風回嵐翠柘烟稀驚心節序非吾土握  
手交情况帝畿一望園陵應咫尺幾時得問故  
山薇

謁陵後晚行次鄆承芳見投之作

七陵烟樹首重回指點黃金有舊臺今古地靈  
何處起乾坤佳氣此中開星流青嶂疑傳火風  
擁晴沙似吼雷昨日振衣頻北望胡天莫遣暮

三國詩集

卷之七

主

分表

送王尚涵使雲貴

滕王閣上羨君才擁節長驅亦壯哉萬里法星  
天外迴九重甘露日南開月華遙映昆明曲春  
色先迴越雋臺却憶漢家曾遣使殷勤但爲碧  
鷄來

送同年熊中甫使關中

故國論交見爾真那堪轉餉又西巡千金雲散  
隨邊士萬甲星羅迓使臣天外角聲悲九塞風



前嶽色滿三秦登臨倘作懷人賦記得長安載酒頻

送王純甫侍御巡廣中

仙旌東指五羊城柱下英聲滿帝京春色樹連南嶺近夜光珠照海門明鱷魚不待移霜徙驄馬遙瞻向日行此去掄才懷往事鶴樓先輩有嘉名

雨中口呈四叔一兄燧弟陸姪

長安入夏多伏雨五月六月渾無休一行作吏

酒園詩集

卷之七

三

憐獨苦千山飄梗何同遊衡雲冉冉望家信芳草日日喚客愁那得涼風吹我去直上江千百尺樓

秋日簡明叔兄寺中

長安玉露報新秋散入東林暑乍收問偈偶來支遁舍望鄉欲賦仲宣樓藤蘿暫奉連枝會風雨其如一葉愁却喜五雲浮鴈塔題名好在帝王州

七夕懷按察公

天街不復嘆離居鄉夢頻驚憶舊廬江上清宵誰作伴山中白髮渺愁予臨風久避人間巧曝日還誇腹裏書獨有長安遊子意永懷蕭索夜窗虛

秋夜懷王素張中書因呈陳子錫太史

纖月涼風暑漸除思君意氣復誰如向來出入同方朔別去飄零賦子虛巒闕幾迴丹鳳詔臨池還寫白鵝書殷勤更有絲綸客南望何山問謫居

酒園詩集

卷之七

三

秋夜懷李君寵李乃家大人社中友也

千里關河夕照孤思君飛夢度菰蒲清言屢下吾家榻濁酒頻尋舊日徒幾欲題詩招隱士久知著論擬潛夫相逢莫詠南山豆明月扁舟任五湖

其二

新詩近日喜相論何意絃詞到薊門三獻獨憐頻刈足九歌聊得續招魂秋風鱸鰕肥深水落日牛羊自一村揭調漫悲蕭瑟甚潭花絕勝武

陵源

送沈茂才南歸

喜從湖海挹清芬，岐路那堪晚又分。  
白壁袖中明夜月，黃金臺上擁寒雲。  
鴈行夢入春池草，龍劒光生北斗文。  
別去謾談前夕會，吳歆尊酒重思君。

九日昌平道中

頻年此日倍驚秋，况復蕭條事遠遊。  
三輔河山天外峙，七陵烟樹望中浮。  
興來濁酒還開口，欲採黃花懶上頭。  
憑几却憐南去鴈，可能緘字到江樓。

病起過成壽寺書僧光堂卷僧郢中人

空門採藥禁城邊，入座逢僧是皎然。  
突兀殿深疑帶雨，高標塔迥又生煙。  
幾回共說無生話，那得常參不住禪。  
多病亦思鄉國社，東林與爾白雲眠。

寄周慕亭先生

蜀中作宰此參軍，阻絕干戈不可聞。  
霜鴈天南

千里影月孤山隔，萬重雲岷江風物曾留愛。  
湛海煙嵐好樹勳，獨愧漢廷疲執戟，寂寞還草太玄文。

除夕前一日訪倫紹周得年字

改元節序又經年，詞客相逢對綺筵。  
竹葉渾如江夏酒，梅花遙向嶺南傳。  
太行雲繞空天際，碣石寒消近日邊。  
歲歲干戈還未定，可無勲業勸燕然。

除夜倫紹周過訪得秋字

醉裏看君賦倦游，庭闈悵別幾逢秋。  
青雲縱結時名好，白髮同牽故國愁。  
寒氣漸隨宮漏盡，春光偏向酒卮浮。  
漢廷多少鳴珂侶，車馬何人晚更投。

酬吳使君明卿見贈

晚起春衣朔氣寒，髫年問字侍長安。  
片心尚記千金諾，一見那能十日歡。  
滿地干戈愁約帶，凌雲詞賦好彈冠。  
樵陽臥閣如回首，不信青山不改觀。

其二

能軾遙先萬國來諫書曾向漢廷開垂裳重觀  
風雲會把袂懽懽歲月催白雪已驚成紀訓黃  
金空自擁高臺相逢莫話投珠事今古何人是  
愛才

雪夜同社中諸子飲張山人懋復草堂

白社相看亦酒樓回風新雪點貂裘盤飧客裏  
多兼采燈火尊前話舊游勝跡謾誇雙屐遍高  
名偏向五雲浮興來况對山陰侶不泛當年剡

南園詩集

卷之七

七

卅卅

送魏文可南歸兼呈尊公順甫憲使

樽前握手不勝情况復交驩屬世盟落日荒臺  
誰繫馬春風故國又啼鶯上林詞賦誰爲薦東  
岱循良去後名爲道同心亦歸隱尺書容易到

江城人謝政

問吳使君明卿病席間偶作

入座胡床夜語深憐君藥裹漫相侵宦情拙訝  
潘生髮旅况頻消季子金宣室有懷誰賜問江

潭飛夢只行吟披衣興談陽春調海內何人是  
賞音

首夏同計部血子雲比部蕭文明飲王觀  
生羅伯現二進士館中

鳴珮珊珊共帝廷朝回折簡酒初醒上林風景  
非三月故國衣冠聚五星燕語含雲樓盡棟柳  
花飛雪點青萍醉中偏有江湖興何處燕然好  
勒銘

送龐中丞屯嵯五路

南園詩集

卷之七

七

其下埋輪有重名中原此日借君行朔方不獨  
尊經術南國重過迂使旌入塞黍禾浮蜃氣渡  
江舟梓湧潮聲黃沙赤鹵多民瘼湖海何年一  
罷兵

送劉學孔吏部之南太常

鍾山雲樹渺長空新水樓船屬上公昭代典常  
三禮重占來詞賦兩都雄蒼生望入持衡裏白  
社情牽落照中不久廟堂應曳履尺書那更託  
江鴻

七夕

雨後風狂木葉凋傳言靈匹度星橋北來我馬  
還堪慮南去冥鴻未可招天轉七襄機杼動路  
盈一水珮環搖浮生最有無窮感那得相逢似  
此宵

同李元甫李本寧二翰林飲方子及戶曹

它分得羣字

把酒虛堂漏欲分曲江世好總能文秋深家遠  
蘊爲思木落天空鴈自羣鄰杵蕭條懸塞月禁

南園集

卷七

七

鐘度人度宮雲詞人賦就渾珠玉獨向尊前愧

鄧斤

得曾以三督學書

海內多君自楚才談經太華共崔嵬鴈鴻聲急  
雲中下鳥鼠山從天外開長日綠苔槐市印秋  
風碧草柏梁臺緘書不盡相思意那得尊前酒

一栢

重陽後一日同李元甫李本寧二翰林別

方子及之全州席間得軒字

今夕茱萸約尚存却憐旌節又郊關西山高處  
還千丈南浦離心寄一樽翡翠好工詞客興羔  
羊應續大夫軒別來後夜思方叔桂嶺徵書下  
蘇門

王引瞻翰林劉元甫進士見過席上得盤

字

瀟湘詞客共長安訪舊應留永夜歡自接仲宣  
頻倒屣况逢劉向且彈冠九秋碧葉浮空盡十  
月黃花泥露寒憐爾漢廷俱近幸寵恩爭羨赤

南園詩集

卷七

七

瑛盤

寄梁彥國兼懷歐禎伯

梁鴻別去不勝情却喜詞人尚舊盟玄草春生  
淮海色丹心時上棘林明斗間氣合雙龍劍江  
左風流五鳳城况近嶺南梅可折一枝好爲寄  
同聲

飲徐子與觀察席上呈李于鱗參政

秋深搖落菊花枯海內詞盟碣石開紫氣向來  
瞻日觀彩毫誰復賦天台十年龍臥蒼生望萬

里鵬搏白晝迴莫訝荀生忻御李人間難得是  
倦才

三酉園詩集卷之七

三酉園詩集

卷之七

三

三酉園詩集卷之八

沔陽陳文燭玉叔著

七言律

同李本寧夜集李元甫時方子及刺全州  
得懷字

月華依舊到庭階何事翻來萬里懷竹馬逢迎  
經粵國霜鴻尺素滯江淮交深話久情偏洽夜  
半鱸寒酒正佳莫道和歌渾漫興風塵回首幾  
吾儕

三酉園詩集

卷之八

一

送徐子與之武昌同二李編修分得陳字  
雙旌南下楚江津帝里論文此夜頻黃鶴碧波  
牽畫舫青山白雪滿征輪多冠不似長沙遣漁  
父猶憐澤畔身別後壁間懸榻在古來交好自  
徐陳

同陳維錫沈子靜二太史李孝甫太僕柴  
季通山人飲楊懋功客部宅得詩字

仙郎招侶幾嚙卮儒雅風流總一時積雪更餘  
簷際曉寒星遙向斗間垂彤庭久羨凌雲賦白

社仍裁午夜詩莫怪醉歌渾不去論交偏愛子雲奇

得高州吳明卿使君書却寄

萬里傷心一紙書開緘明月照璫璫衡陽雲樹頻回鴈海畔烟波自鱖魚柳色低垂春正好梅花遙折意何如陸生亦是金閨彥南粵當年有使車

同甘征甫憲副張肖甫學憲飲李元甫編修宅得軍字

香齋詩集 卷之八

二十一

春城十酒共論文巫峽詞人盡子雲賦就中原五色筆懸東觀掃千軍飛花欲向尊前墮歸鴈翻驚月下聞星聚自來今夕少關山明日又離羣

酬甘征甫憲使見贈

幾年清夢在西川海內詞名自謫仙尊酒喜逢芳草色彩毫飛落養花天玄談尚憶青雲署丹詔還趨紫極前况是中朝曾曳銀章家經術自稱賢

酬張肖甫學憲見贈

意氣相逢尊酒前明光起草是何年三湘家世應非遠七子才名爾並懸白馬向來多善政碧鷄重過有新篇上林旦晚君王問寂寞文園定召還

冬至早朝

開闔新陽下九天玉階劒佩引春先光臨雉尾輝晴雪聲入雞籌散曉烟萬國共成王會禮五雲誰賦帝京篇袞衣欲補慚無路此日空添一綠懸

香齋詩集

卷之八

三十一

送楊祠部督學河南

詞臣捧檄出京華宮柳含春向日斜造士鄴中還七子尋仙洛下有三花彩毫飛動平臺雪絳帳光生少室霞此去問奇無限客幾人能復似侯芭

其二

春風芳草送行旌十載交游自舊盟世業共推楊伯起典文曾重魯諸生尊公視千峯嶽色帶

窓見萬里河流繞座清況是登臨多逸調可能  
紙字寄同聲

送李見甫戶曹之謫所先時上封事

與君相見即相親柳色鶯聲問去津萬里尚堪  
馳驥足九重曾喜逆龍鱗危言不諱逢明主  
岐路何緣度逐臣後夜賜環焚諫草淚傾肝膽  
墨還新

荅歐積伯見寄之作兼懷梁彥國

詞人握筆廣陵濤寄我音書春正高萬里風烟  
客夢百年天地自吾曹青山突兀三都賦絳  
帳淋漓五色毫爲問舊時同社者近來孤調向  
誰操

徐子言廷評招遊摩訶庵沈張盧袁蕭杜

金王諸公靜堂上人在馬庵去北城十里

亦都亭作賞也

風塵春色看何在出郭翻驚花亂飛脩禩偶尋  
山麓寺乘杯偏愛水田衣空中高閣浮青靄午  
後疎鍾繞翠微況是東林堪結社白雲芳草迥

忘歸

守庵高僧不出詩以柬之

不見支公共品題禪心入定日將低談經聞說  
秦龍藏送客何曾過虎溪性入野雲都走幻道  
從鉅水已多西松窓欲扣沙門果色相羈人維  
路迷

送饒近剛侍御按山西

朱門旌節出郊關爭羨英聲柱下存西去羽書  
還上黨向來抗疏在中原掄才明月河分色攬

緡秋霜驛路繁萬里壯遊司馬志可無高詠吊

龍門

送王觀生司理之桂林

十年鳴珮共鷗行一日俄驚擁節長青草湖光  
連百粵蒼梧雲樹渺三湘月明南海珠偏迥春  
滿漓江酒正香聞說建陵原訟簡微書且晚巖  
仙郎

寄懷張以道中丞時有關中之命

歸來不獨爲思尊天上俄驚龍命新麟閣勳名

還二陝鴈門烽火況三秦青蓮正借褰帷色紫  
氣遙瞻駐節頻其道先朝曾抗疏知君原是  
衡臣

題傅尚書風浴亭

亭開孤嶼繞江城涼氣翻從水面生白羽已能  
揮俗慮朱絃還自動新聲論心頻過惟羊仲抱  
膝長吟是馬卿莫謂薛羅深可入蒲輪應在郭  
門迎

雨中懷丘子雲時使德州

西園詩集 卷之八

木一

同心久不見丘爲伏雨紛紛重所思四壁蕭條  
蝸宇滿三齊阻絕鴈書遲雲根忽向蓬萊出日  
觀遙疑檻外垂漫道所須惟藥餌采芝吾欲向  
東籬

寄懷鄭中伯山人

泰山東望暮雲生湖海文章自結盟齊國幾年  
留魯仲趙王當日重虞卿秋深兩地迢迢隔月  
到中天處處明那得扁舟過谷口與君懷抱一  
川傾

中秋十三夜同王儀甫太僕梁思伯舍人  
李惟寅環衛王引瞻李本寧二吉士童子  
鳴康裕卿管建初三山人飲陳維錫檢討  
宅得頭字

羨君簪筆在螭頭休沐芳尊爲月留萬里關山  
同麗景一時湖海况名流金莖露色當空下太  
液波光繞樹浮後夜倘懷庾亮興鄉心偏掛武  
城樓

十四夜童子鳴康裕卿二山人過訪得歌

西園詩集 卷之八

木一

七

字

尊酒相看意氣多誰憐客鬢止婆娑水輪尚缺  
一分滿荒徑何緣二仲過蛩語螢光飄檻砌鴈  
聲木葉自關河悲秋聽爾驚人句莫向風塵問  
郢歌

夜過同年袁魯望席上得青字

幾年詞賦獻明廷吏隱金門自歲星秋入五雲  
驚朔鴈寒生二葉點流螢誰當作者心偏苦最  
是知音眼倍青秉燭賡歌渾不寐文園翻訝各



飄零

同黎惟敬駕部梁思伯舍人訪袁魯望史

邵得蒼字

相逢詞客引杯長  
碣石談天夜未央  
金堂露華秋色淨  
御溝梧葉晚山蒼  
彩毫兩世題鸚鵡  
畫省三年傍鳳凰  
何但故人頻晤語  
風流誰不慕仙郎

九日懷諸兄弟

搖落殊方歲月催  
不堪仍復掌中杯  
四愁隱隱

南園詩集

卷之八

八

張衡望九辨蕭蕭宋玉哀  
客鬢漸驚楓葉下鄉書懶對菊  
花裁懸知遍插茱萸日  
載酒同登何處臺

陳維錫沈子靜二太史楊惟貞儀部黎惟

敬駕部梁思伯舍人李惟寅環衛夜集得

時字

楚客天涯有所思  
興來招侶共嚙卮  
謾言竹素成千古  
却喜蘭芬自一時  
鐘細遠風飄紫禁  
几寒清露到烏皮  
羣公况復多情甚  
高論渾忘斗

柄移

送李養吾秀才還大梁李乃川父先生乃

孫詩中道感念云

憶昔夷門落日斜  
景延堂上醉春華  
別來正有山陽感  
送爾翻驚去路賒  
百萬書還藏九曲  
五千言已映三花  
漢廷倘憶長沙傅  
不久應須召賈嘉

嘉乃賈誼之孫故云

寄陸道函太守

別後鴻書幾欲裁  
大河秋色正悲哉  
甘棠舊地

南園詩集

卷之八

九

當年愛玄草新亭此日開  
去國牢愁原屈宋還家詞賦即鄒枚  
越南戎馬渾多事將相何如陸賈才

送劉司訓之錢塘

楓葉蕭蕭匹馬前  
故人今去擁青鹽  
山當天目渾飛雨  
潮入西湖好叩舷  
鴈語獨驚鄉國夢  
麟經還抱舊時編  
知君才美堪民社  
未可擔囊老鄭虔

同沈子靜陳維錫二太史楊惟貞儀部李

環衛惟寅宅對菊得寒字

秋深芳樹欲凋殘解珮珊珊劇盡歡叢菊正開  
詞客興落英原是楚人餐臨風夜引金莖色  
露光搖玉笋寒三徑自來多勝賞不知明月墮  
闌杆

送吳汝觀守武昌

朱輪新擁漢宮秋水部才名更孰優渤海烟波  
今臥閣晴川風日好登樓尊前作賦招黃鶴江  
上行春引白鷗定有斷碑橫夏口逢人不說峴

南園詩集

入卷之六

十一

山頭

朝退同蕭文明比部馬上望西山晴雪口

占一首

一出金門縱遠眸瑤華百丈最高頭東方曉日  
依瓊樹瀚海回風擁玉洲寒色欲連鳩鵲觀凍  
雲遙傍鴈鸛裘揚鞭亦有登臨興却似山陰訪  
戴舟

禁中對雪

冬日鳴珂散紫宸朔風吹雪點朝紳爐烟細細

寒仍合宮柳霏霏望更新龍尾光搖迷步輦鵷  
班清謁隔行塵遙聞曙藻賡黃竹授簡慚非侍  
從臣

秋夜懷李元甫內翰

白也驅車萬里餘暮雲晴樹渺愁予文章喜見  
驚寰宇風雨那堪賦索居方朔暫違金馬侍長  
卿還著茂陵書秋來新水平如掌肯向巴江斷  
鯉魚

雪夜懷包元夫計曹

南園詩集

入卷之六

十一

萬山冰夜一孤舟風急天高雪未休取醉與誰  
歌曲曲維梢還自看吳鉤寰中財賦今應盡海  
上烽烟尚可憂倘折官梅逢驛使應憐何遜在  
揚州

其二

蒼藤古木映空齋對景含毫獨爾懷歲暮鄉心  
同入楚夜寒尊酒正如淮廣陵江遠滿堪賦羽  
曳山高氣自佳別後有書附行舸不知冰凍米  
家牌

雪後何啓圖編脩後過得麻字

濁酒相看戀物華  
萍蹤歲晚况天涯  
雪花片片餘三人  
寒色陰陰照萬家  
此夜柴扉攜綠綺  
它年綸閣自黃麻  
揮毫美爾教賦何  
處梁園入望賒

酬方景武山人見懷之作時山人從戚將軍塞上

杜陵當日依嚴武  
羨爾全驅九塞車  
天外關山頻入幕  
閩中兵火更無家  
貌同郭解風生劍  
賦

西園詩集 卷之六

七

似江淹筆夢花一紙鴻書心寸折幾時尊酒醉京華

送謝宗文大行使山西

艷雪初停朔氣寒  
幾迴尊酒醉長安  
王孫綠鬢稱人遣  
帝子朱輪逐漢官  
三晉鶯花連梓里  
萬星騎火列桑乾  
寒帷好吊龍門令  
潑潑黃河下夕湍

立春日雪同曾子玉蕭文明李本寧飲吳士望比部宅

霏霏春色點西堂  
此夕招尋倒玉觴  
郢曲自來稱寡和  
酒徒原是舊高陽  
菜盤細剪燕京俗  
脂藥還餘漢署香  
莫向風塵嘆留滯  
夜深聊與話江鄉

其二

流風迴雪已黃昏  
春色俄驚滿蓊門  
銘酹共淹長樂漏  
首書遙憶莫愁村  
柳條裊裊青陽媚  
梅蕊輝輝玉露繁  
稍待春華將爛熳  
興來呼取盡餘尊

西園詩集

卷之六

十三

春日酬陳維錫檢討見貽之作

臘月常年春尚早  
今年春日寒猶多  
青陽忽送青絲菜  
白雪仍迷白玉珂  
迢遞關山頻入望  
浮沉節序任蹉跎  
惟君意氣憐同調  
醉倚胡床一放歌

同吳仲立憲使蕭文明比部飲昆盧閣

招提春到盡氤氳  
把酒論心坐夕曛  
一望關河深雨雪  
五陵宮闕自風雲  
倚闌那用青黎杖  
染翰頻驚白練裙  
忽憶舊游零落半  
暮山鐘磬不聞聞

堪聞

懷陳子壽解元

回首論文感慨深  
杜陵韋曲幾招尋  
梅花不寄南來信  
芳草空牽別後心  
鵲觀高雲五色驂  
騶臺迴價千金  
相思莫下陵陽淚  
明歲看君到禁林

讀家大人贈李君龍之作因懷君寵

六年不見李生面  
江湖來往一輕舟  
解衣推食有知己  
搔首放歌真自由  
說法維摩還抱病  
耽

西園詩集

卷之八

五

詩杜甫更多愁  
蘆花烟水渺何許  
落日神京重倚樓

人日東陳維錫何啓圖二太史

柏葉初開酒正香  
醉來偏自覺春長  
頻年作客悲燕市  
此日逢人憶故鄉  
片片綵花金是縷  
垂垂玉蕊梅蕊玉爲粧  
詞林二妙原同調  
肯一題詩到草堂

飲蕭文明比部宅因懷乃兄伯仲

仙吏飛觴醉紫霞  
懷人何意尚天涯  
原鵠正憶

連枝樹走馬還看一日花  
江左才名推陸氏  
漢陂遊興似岑家  
回思十載論文日  
翠竹茅齋在玉沙

酬曹有卿大參見貽之作

縹緲春城下暮雲  
向來世好悵離羣  
林間啼鳥聲初喚  
天外歸鴻語欲分  
石酒尊仍舊侶  
匡山詞賦愜新聞  
漢廷畫一勲名竝不似當年獨少文

元日書懷兼答陳維錫太史見貽之作

歲當元日驚初餽  
東陸俄看已漸圓  
梓里有懷望愛日  
杞人何事只憂天  
官梅宮柳青霄外  
寒霧層雲紫極前  
聞道春秋頻紀異  
史臣題詠是新編

送劉元甫計部使塞上兼懷乃兄性甫

司農轉餉出神京  
海內論交有弟兄  
雉堞寒雲天外迥  
龍廷獵火夜深明  
九霄爭羨長楊賦  
三輔重開細柳營  
爲問江臯同社客  
池塘芳草逐春生

別孫受甫都閩之貴陽

殊方正喜故人過南浦其如惜別何燕麥三春  
迷驛路豹韜千里下牂牁尊前不盡長亭話劍  
氣如聞出塞歌莫向背池耽勝賞中原今日憶  
廉頗

送毛尚書致政南歸

端笏垂紳四十年主恩今得賜南還袞衣舊  
補星辰上赤舄遙懸日月邊帆轉海門通御氣  
夢回山溜響鈞天漢廷去國人無限不及東都

三國詩集

卷八

去一

祖帳賢

梁思伯舍人席上同諸公餞別黎惟敬計  
部使塞上得青字

曼倩仙才寵漢廷風塵此別憶飄零雲中長劍  
迴晴日天外孤槎見使星金闕遠連芳草色玉  
門搖落柳條青臨岐唉指燕然石彩筆于今好  
勒銘

雨中喜艾純卿司訓至自恒陽書院

故人經術重河汾絳帳諸生日校文湖海一尊

今夜雨風塵千里暮山雲黃榆嶽色當空下紫  
塞笳聲繞席聞莫以詞華甘寂寞請纓還白鬚  
終軍

送范伯禎司業之留都兼懷通政湯先達  
縹緲詞臣山漢關螭頭龍尾是仙班誰言去月  
三吳遠更挹雄風六代間萬馬江聲懸采石征  
鴻月色下鍾山玄亭講易當年事爲問何人最  
往還

送張子田僉憲山西

三國詩集

卷八

七

故人旌節去翩翩芳草飛花夕照前一別可能  
十日飲三秋仍寄四愁篇王風舊識黃虞盛卿  
月今從紫塞懸把酒劍光渾欲動鴈門搖落有  
烽烟

送易惟效大行使蜀

尊酒何緣恨解攜長安芳草正萋萋仙旌喜挹  
三春色題柱遙過萬里西劒閣雲深垂馬首錦  
江花落傍猿啼采風歸奏明光殿極目中原尚  
鼓鼙

送沈崇善僉憲貴陽

曉辭丹闕出長安君到黔陽振羽翰  
萬重牽別緒鶯花六洞駐征鞍  
古來勲業還銅柱今日烽烟淨  
鉞冠獨有夜郎山下月清輝猶似上林看

送武侍御巡邊

翩翩丹詔下龍樓回首西曹憶舊遊  
驄馬忽驚過萬里射鵬從此絕  
三秋霓旌帶月飛關外羌笛吹雲出隴頭  
白簡歸來仍奏績君王宵旰

可無憂

寄懷王觀生司理

楊花如雪點長空一望心飛百粵中  
懷土登樓知爾賦臨池染翰許誰工  
天涯碧樹驚歸鴈雨後青山出斷虹  
忽憶向來河朔飲故人尊酒幾時同

春日憶吾家牡丹如世美堂有斐亭見南閣浴雲軒感閑可愛悵然有懷書寄諸兄弟

名園國色總堪誇徙倚朱欄況一家  
絕調自來憐勝賞含情偏覺悵天涯  
酖顏暈日飄金縷仙珮凌風舞翠霞  
姚魏當年還異姓弟兄莫遣負春華

同梁思伯舍人王敬美楊懋功二禮部洪從周康裕卿管建初三山人錢陳仁甫太史使楚喜黎惟敬秘書周公瑕山人初至得堤字

碣石宮連北斗齊仙旌南泛武陵溪  
山當赤館寬平楚歌傍青霄自大堤  
二妙正逢河朔飲三湘遙在洞庭西  
亦知後夜談天會驚座何人更品題

懷高王二都閭

故人何事共投簪雙劍光鋌北斗鉞  
擊筑恍如歌易水登樓况復賦荊南  
柳邊連騎花仍亂谷口流鶯酒正酣  
獨憶中原烽火日可容綠鬢老江潭

歸熙甫黎惟敬二秘書沈子靜太史梁思

伯中翰王儀甫太僕上敬美楊懋功將移  
之三祠部李惟寅環衛周公瑕洪從周康  
裕卿管建勳西山人送余都亭席上賦別  
詞盟數載共長安觸暑飈驚行路難北關正懸  
甘露想西山遙向暮雲看詩成竟在河梁直歌  
罷如聞易水寒後夜有懷渾不寐秋風搖落禁  
鐘殘

漢津

清尊落日共淹留車馬何緣滿道周新水最宜  
青雀舫故人相送白鷗洲飄飄梧葉渾如雨采  
采黃花總是秋郡閣有時成獨臥迢迢飛夢繞  
江樓

漢口寄滇南憲使徐子與

帆帶斜陽影欲西孤城芳草共萋萋樓臺正好  
招黃鶴旌節行將賦碧鷄吊古烟波當日事懷  
人霄漢暮雲低莫言萬里成途瀾處處青山入  
品題

張山人懋復舟中讀王儀部敬美詩

夜雨扁舟會海濱衣同上禹王祠三江細浪  
浮杯酒兩岸清霜入鬢絲杖履病餘還勝槩交  
游老去有新詩美人尚在天涯外欲采芙蓉寄  
所思

湖口

徐牽錦纜入洪都彭蠡波濤鴈有無片片寒雲  
天共遠纖纖明月夜同孤興來恍憶黃蓬寺入  
望翻同青草湖澤國故人今漸遠秋風何處采  
蘼蕪

李方卿計曹招飲俯江樓

匡廬縹緲挂樓頭燒燭良宵總勝遊且楚山川  
成遠眺乾坤日夜自孤舟月明白鹿真堪賦兩  
後青螺望欲浮不是德星今偶聚仙郎意氣本  
相投

夏口寄陳仁甫太史使楚

碣石宮高總勝遊美人分手忽新秋興來定訪  
桃源洞歌罷誰同郢上樓玉露金莖成遠夢兩  
花烟葉亂扁舟衡陽咫尺猶難晤况在長淮萬

里流

除夕

傲吏風塵總不驕，含情故國與雲霄。  
幾年旅食悲留滯，是處清尊慰寂寥。  
春色遠迴淮浦樹，角聲吹落海門潮。  
江臯此夜懷游子，綵筆縱橫思獨饒。

別林文肖職方還朝

美人今夕共天涯，尊酒論心日欲斜。  
此去關河連鴈塞，可堪兵火尚龍沙。  
江頭魚鳥歸圖陣，天上星辰落劒花。  
聞道單于新納款，西風莫遣度悲笳。

得歐博士楨伯書

片雲疎雨過江城，白鴈傳書自友生。  
萬里共憐三殿遠，十年還是一經橫。  
廣陵咫尺留遺散，汝水迢遙有寄聲。  
聖主好文誰薦士，故人詞賦重西京。

湖上柬徐寶應

僊令相逢一繫舟，行春面面總汀洲。  
海門月色

窺簾細水國潮聲，入座幽作客自憐。  
形贈影應人翻訝，馬兼牛漁歌款乃渾。  
無賴觸忤鄉心起，暮愁

四明薛茂才過訪兼寄沈嘉則山人李孝甫司馭

書劒飄零亦可憐，筆花曾賦薊門天。  
故山在望仍千里，岐路相逢又一年。  
暮雨偶開文學館，長風吹送孝廉船。  
無奇自是江淮吏，不寄同心鄢上篇。

童山人子鳴東游過訪

蕭蕭烟水泛輕舸，潦倒逢人醉濁醪。  
留滯自慚千里客，醉歌君失五陵豪。  
觀濤勝槩來曾臆，吊古多愁入鬢毛。  
更探秦時封禪跡，斷碑長覆白雲高。

寄魯刺史

感慨投簪出漢宮，歸來高臥大江東。  
漢陰遺愛曾留犢，天末相思少便鴻。  
四海風塵還赤羽，三秋蕭瑟總青楓。  
淮南招隱慚無賦，爲問山中桂



幾叢

立秋

避暑俄驚暑乍除西風一夜是秋初傷心塞北  
通朝貢極目淮南盡水居臥閣有誰憐狗馬思  
家原不爲鱸魚天邊鳴鴈如相過早寄山中一  
紙書

袁履善先生過訪

夜雨空林話倍多張燈無奈故人何荆山泣玉  
逢知己岐路投珠好放歌秋色十年驚赤壁濤

西園詩集

卷之八

五

聲千里下黃河賜環况復逢今日莫向山中問  
薜蘿

酬陳仁甫檢討見懷

明光起草總稱奇一別俄驚歲屢移倣更正宜  
供簿領故人何意有新詩燕山字比南金重碣  
石宮連北斗垂惆悵天邊舊時月秋風搖落是  
相思

泗水驛計司理光甫偶集

玉壺尊酒對津樓諫草君將爲國籌作吏久甘

魚驚長授衣初檢鸛鵲裘呼來明月雙珠出語  
罷清霜一劒浮鼓棹又尋淮浦路濤聲秋色使  
人愁

送殷計部還南都

風塵意氣爾偏豪吊古淮陰醉濁醪分手烟波  
牽客夢論心金石自吾曹六朝寺古飛霜葉九  
派江深湧雪濤莫謂登臨如所請玉珂還入五  
雲高

下邳舟中

西園詩集

卷之八

五

擊汰臨流感慨多大河風雨一經過陽侯甘作  
顛年苦瓠子遙聞落日歌萬舸濤聲回壁馬  
嘶孤村樹杪走鼉鼉授書欲叩橋邊履時事驚  
心更若何

得曾以三太僕書

美人一別思悠哉宮闕參差首重回襄郢詩篇  
原孟杜古今交好只陳雷江鴻忽下南天語神  
馬遙聞西極來况復君王仍問駿千金誰似舊  
時才

得周用馨吳士望二給事書

散朝花底問綈袍遙望蓬來五色高日射天門  
同視草雪飛郢調幾持螯故人禁闥真雙壁客  
子江湖總二毛聞道雲霄思吏治莫因踈薄薦  
吾曹

得李維寅環衛書

淮南木葉早驚秋徙倚朱欄意未休一羽忽械  
雲漢字三山況近故園樓夢回無使蛟龍得歌  
罷仍深花鳥愁夜月正懸明鏡好幾人還似舊

時遊

西園詩集

卷之八

三六

懷周興叔通政表魯望吏部

懷人何事悵離羣咫尺音書久不聞鳳闕大江  
山更遠蜃樓淮海日初曠詩篇蘇李仍千古事  
業夔龍自五雲傳道金陵重結社迢遙尺素爲  
誰勤

送李顯卿吏部還朝

丹詔翩翩下薊門却憐才子荷君恩投書偏自  
客中散客事十今有巨源顏近玉樓春色曉掌

舍金狄露華繁晨趨扈蹕多僊侶記得荒城酒  
一尊

次黃山人一之韻兼懷淳父

出牧江湖嘆滯淫喜從塵外得知音八公山色  
來叢桂一代才名有竹林雲翰自天渾避舍風  
流何日共披襟相逢莫問浮淮賦搖落秋霜鬢  
欲侵

送解仲立司理應召兼懷孫仲直吏部

大河孤棹對斜暉送爾雙旌到瑣闌去日諫書

西園詩集

卷之八

三六

帝闕幾年清節在王畿兩淮梧葉蕭蕭下  
萬里江鴻矯矯飛回首故人俱近幸闕河迢遞  
更依依

送張憲使國禎之秦

繡斧憐君去路賒明庭曾下璽書嘉關門忽動  
千秋紫河漢仍驚八月槎烟水輞川存竹里雲  
霄仙掌出蓮花登臨定有懷人賦飛夢迢迢到  
海涯

得方山人景武見懷之作且寄余戚二將

軍陳十七秀才及舍中兒書俱未至悵然  
却寄

關山一望塞雲頻長憶當筵擊筑人牛馬亦知  
隨處應鴈魚何事幾沉淪孤城白雪偏生色客  
鬢清霜迴絕塵郡閣久懸高士榻遲君尊酒是  
良辰

送計光甫司理應召

當年獻賦五雲樓細細爐烟滿袖浮顧我沉淪  
逢舊侶羨君徵召下新秋韓山落木千砧送

西園詩集

卷之八

天

淮浦蘆花一葉舟二十四橋重載酒相思簪筆  
殿東頭

宿報國寺讀家大人及童學士壁間之作  
書寄明泉上人

登臨揮翰是何年忍草禪枝此竝傳南國文章  
光寶地上方星斗護諸天雨流雲氣龍常過松  
老陰深鶴自眠靜夜有人談往事幾迴惆悵佛  
燈前

寄明泉上人

風塵當日在長安支遁時時共倚欄一別忽經  
青鬢改平生禪定白雲端月明正照菩提樹泉  
水常流洗鉢壇遙憶茶瓜留客處楓林秋籟不  
勝寒

席上別紀旭仁得開字

王孫意氣總堪哀塵市相逢亦快哉霜白夜深  
蕭寺裏雨聲木落遠天來同心喜得江湖調高  
臥慚非岳牧才明日單車淮浦路幾時尊酒爲  
重開

西園詩集

卷之八

元

與施伯雨計部夜酌兼懷王子裕憲使汝  
明吏部

孤城落日此停車咫尺清光似索居良夜一尊  
開雨後美人片語是公餘娟娟叢桂來山色冉  
冉芙蓉映水疎爲問右軍名父子臨池揮翰近  
何如

別吳汝奇計部兼憶乃姪約卿侍御

謫居離與故人違雨露新恩有召歸孤艇青天  
曾蜀道高歌白雪滿王畿長亭酌酌尊偏綠近

市盤餐蟹正肥忽憶少遊渾是夢招魂欲賦自  
沾衣

懷王伯生李少白

二妙江湖總好奇况常風雨共臨池莫言醉失  
乾坤大我亦偏憐翰墨宜架上許多青李帖秋  
來應是白蘋詩柴門此日經過意那得相逢一  
解順

讀郭承芳憲使春興之作却寄

林宗風度久推賢洛下音書自遠傳駐馬幾迴

西園詩集

八卷之八

辛一

梁苑夕聽鶯還憶薊門天青春白雪多新賞獄  
色河聲自往年莫嘆沉淪同爾我黃金致士許  
誰先

得皇甫吏部子循書

才子高名更孰先飄零今已賦歸田家庭羣玉  
多毫素門外持金乞草玄四海賢豪原是黨三  
都聲價賴爲傳冬來雪夜堪乘興湖上應過訪  
戴船

寄馮汝行別駕

憐君歸臥幾經秋爲問何官更不休東望松宗  
青未了夜深星斗氣偏浮檄書正有天邊鴈機  
事渾忘海上鷗一曲朱絃真縹緲古來誰得擬  
風流

中秋同費以方對月

中天皓月到簾鉤尊酒相逢話舊遊叢桂寒標  
香而面芙蓉清露葉颼颼水輪曲抱河山影水  
氣偏明海國樓冀北淮南兩相憶庭闈應問大  
刀頭時家兄在長安

西園詩集

八卷之八

辛一

題薛氏瑞室

高閣迢迢迥出羣兩經飛焰自連雲反風尚憶  
千年事塗隙偏存一代文薛氏歷宋衡州太守持國處上兩經鄰火  
辛存比屋有新誰更徙燎原知玉不爲焚龍門况  
復家聲遠道往于今是是聞

答王百穀見懷之作

梧桐落葉滿孤城何意同心有寄聲流水高山  
真絕倡大江秋色倍含情亦知結襪交驩好那  
得相逢倒屣迎爲訊一言裨共對漢廷應復問

王生

寄余德甫憲副

少年揮手幾經秋  
高調翩翩遠見投  
七子詩篇誰得似  
八閩勳樹尚堪求  
閣前霞色同孤鶩  
夜半文光欲射牛  
何日扁舟大江去  
芙蓉亭在白鷗洲

二酉園詩集卷之八 終

二酉園詩集

八卷之八

辛

二酉園詩集卷之九

沔陽陳文燭主叔著

七言律

讀于深用晦王孫見貽之作却寄

迢迢玄草墨花濃  
南浦寒雲幾萬重  
望入樓臺多景色  
秋來江岸盡芙蓉  
彩毫光動連城壁  
劒氣雙懸五老峰  
熬火校書還有待  
異時不羨漢家宗

答黃淳父兼憶尊公勉之

二酉園詩集

八卷之九

一

庚

昔昔迢迢託孤鴻  
浮世交情感慨中  
調入郢歌元白雪  
名高江夏自黃童  
偏憐竹素三餘日  
况對梧桐一葉風  
爲問眞形圖尚在  
杖藜還得與君同

酬張幼干見懷兼寄乃兄伯起

牢落雙魚正暮秋  
况逢兄弟總名流  
東京作賦今千載  
南國懷人只四愁  
晴樹遙連招隱地  
寒雲曲抱讀書樓  
上林春色渾如錦  
還待君家彩筆收

酬王九江維禎

檄書如對百花潭咫尺扁舟興又南才子久知  
真絕代中朝何意早投簪匡山白鹿同陶令塵  
市青牛似老聃莫向江淮談郡事古來磬折有  
誰堪

沈嘉則至自四明魏季朗至自東吳

寒燈尊酒正相宜數載離交慰所思敢謂遠人  
來問字不堪俗吏憫耽詩天高風急鴻偏語夜  
半霜清鶴自窺試看郭門湖水濶舸船何異習

李封君

曾賜五雲邊寶氣祥光尚映天  
乃八上鳳毛登相冠三千淮南最  
上戎桑即是田石髓丹砂渾可  
八篇

廣陵同係兆孺舟行兼懷王外瞻翰林成

仁卿山人得方字

揚舫對酒話偏長迢迢同心各一方賦就上林

誇藻麗醉來到處任疎狂銀魚留滯還聞海黃  
鵠高歌目楚鄉永夜懷人意無限廣陵舊邑起  
清霜

酬安文學見贈時同胡柱史南還

勝遊淮海忽相逢羨爾才華通劍鋒懸榻幾年  
遲孺子同舟今日是林宗三山黛色浮晴樹十  
月寒流下夕春別後懷人空悵望飄零猶記廣  
陵鐘

送徐子與使君之閩中同沈嘉則張羽王

送徐子與使君之閩中同沈嘉則張羽王

送徐子與使君之閩中同沈嘉則張羽王

送徐子與使君之閩中同沈嘉則張羽王

送徐子與使君之閩中同沈嘉則張羽王

送徐子與使君之閩中同沈嘉則張羽王

扣舷

招隱亭岡郭山人次甫送王祠部敬美北

上得湖字

空亭疎雨共踟躕原是高陽舊酒徒楊柳參差

還遠浦菱荷清馥自西湖幾年賦就三都在此

會能留十日無君去金門成大隱江淮誰念客

生低

賦成符卿

樓憑楊子東僊郎尊酒此宵同落花片片

西園詩集

卷五

四

荒荒洛梅雨冥冥落遠空問俗尚驚真柱史公

有名隣才偏自感山公公在吏部相逢莫話舍

香事多少娥眉妬漢宮

五日泰州舟中得家人書

詔階三品感賦

遠水危橋感索居主恩何意到庭除黃金忽

見生花綬紫塞于今少羽書社裏浴蘭仍九老

近修高江頭縛黍自三閭渚清沙白羣鷗下游

子鄉心亦漸舒

舟中雨

闌風伏雨一舟斜掛席臨流望更賒河朔高歌

懷故里海天卑濕似長沙晚來牛馬迷荒渚欲

闢蛟龍尚水涯獨有涼秋多霽色令人偏憶斗

邊槎

寶應湖懷王司理德微

美人携我泛重湖獨夜相思在遠途淮日長風

吹巨浪江天纖月吐明珠漁歌隔浦具繚繞蜃

氣浮空半有無安得右丞還載酒含毫一賦憫

西園詩集

卷之九

正

川岡

送吳水部伯恒北上

當年建業幾名流詞賦如君思更優符漢寵頒

雙鳳闕家山遙望白鷗洲岸頭野色供尊酒河

上清風繞舵樓莫怪臨岐倍惆悵倦才一識比

封侯

懷許右史幾卿

高調翩翩海內聞幾時尊酒共殷勤梁園投簡

今誰是魯句靈光迥不羣樓倚鮑山餘白雪碑

存漢禪落寒雲滄洲一卧千牛斗惆悵南天獨  
憶君

寄張肖甫中丞兼懷甘征甫憲使

東吳開府借文儒海上于今罷虎符建業遠山  
天外色太湖煙水雨中圖才名已見驚三峽政  
暇還應賦兩都爲問掛冠東岱者錦江曾有尺  
書無

酬謝山人茂秦見懷

勝游萬里返漳河落日蒼茫一放歌賦就寸心

畫園詩集

卷之九

六一

感慨老來雙鬢自婆娑門迎諸子多蘭蕙宅  
青山長薜蘿我亦久裁招隱調淮南桂樹好  
相過

送朱進士北上

蕭蕭疎雨落征袍畫舫長河繫暮濤咫尺美人  
應不見殷勤孤調爲誰操沙頭煙水羣鷗色天  
際雲霄一鳳毛此去好文逢 聖主石渠金馬  
任含毫

送陳山人紀南歸兼寄子深王孫余德甫

憲使

炎天孤艇大江開楊柳垂垂海氣回岐路不知  
何處會故人無奈老相催沙浮白鳥依蘭棹帆  
引青山到酒杯聞道芙蓉新結社秋風寒色待  
君來

賈使君招飲山亭

故人良夜幾飛觴况有名園似辟疆海色入簾  
晴欲雨荷香近水晚生涼誰憐客况驚鴻鴈獨  
喜君才下鳳凰此別菊花期可就和歌還醉酒

畫園詩集

卷之九

七

人傍

高卿張憲使席上次韻

搔首尊前共放歌夜深無奈別情何雞林聲價  
流風遠尊公南湖有詩名鴈影關山落日多清聖幾年  
留玉署僊槎八月下銀河長淮木葉蕭蕭裏那  
得同心一再過

送金督學之楚

楚天山水鬱崔嵬校士還須濟世才淮浦一尊  
勞謫駐衡雲千樹爲誰開幽蘭澤繞雄風里青



草湖連白雪臺多少荆山懷玉者夜光都照講筵來

登八公山

招隱當年翰墨場登臨極目送斜陽江淮南北  
真多士今古升沉憶漢王詞賦似懸巖岫雨姓  
名還帶薜蘿香尋僊我亦浮東海欲向山靈乞  
秘方

伏城驛讀黎惟敬秘書壁間之作却寄

詞賦翩翩壯兩都臨岐投我有明珠淮南出守

讀園詩集

卷之九

八

詞賦翩翩壯兩都臨岐投我有明珠淮南出守  
如送馬蹄驅故人今夜相思意誰共壚頭酒  
一壺

過真定懷張以道中丞

故人數載嘆離居迢遞關西一紙書分陝勲名  
今尚在長城重寄許誰如當年共醉中山酒此  
日空迴下澤車極目紫荆應咫尺胡天白草正  
教鋤

過保定會馮汝行別駕懷乃弟汝言光祿

才名久羨大馮君一日風塵慰所聞却喜酒尊  
留永夜不堪岐路擁寒雲明珠亂落西堂賦寶  
劍光鐔北斗分更憶謝家池上草幾時握手共  
論文

漳河舟中讀謝山人茂秦適晉稿感賦却寄

懷人落日渡孤村渺渺漳河勢若奔客寄頻年  
驚馬語勝遊此日在龍門雲山到處多高調湖  
海何緣一細論爲問長裾今盡曳幾人好士是

讀園詩集

卷之九

九

渡黃河

雨後涼颼暑不侵大河落日下寒林兩條南北  
分岐路九曲縈迴見客心渡口舳艫爭利涉中  
原壁馬幾投沉臨流不盡悲歌意況有魚龍起  
夜深

過鈞州張山人徵伯以其稿致余賦寄

湖海憐君足壯遊明珠何意竟相投夷門今日  
誰虛左嵩少頻年獨倚樓客計無緣停濁酒遠

心原其泛虛舟逢人莫訝多寥落平子蕭條亦四愁

夜過南陽聞雷聲元太守將至賦寄

山中暝色爲誰來四顧悲歌亦壯哉郭外盡傳迎召杜尊前偏自感陳雷良宵明月如相約舊社談天晉重回咫尺美人青玉案征途蕭鼓忽相催

過襄陽懷孟浩然

千古高人竟不還清詞逸興杳難攀魚梁水落

孟浩然詩集

卷之九

十一

奈何在鳥語煙荒意總關不寐不懷同夜月登

臨勝迹自江山誰言我亦逢明主蕭蕭公詩

漁欲潛

夜行聖獄憶陳仁甫沈子靜翰林王敬美

楊應功儀部李惟寅勳衛康裕卿洪從周

山人

月明長嘯氣翩翩指點名山在目前玄嶽有靈應識我胡麻何處可成僊疎鍾吹落雲間寺新雨飛來樹杪泉安得故人同絕頂揮毫搔首問

青天

宿太嶽絕頂二首

振衣直上太和巔天柱峯頭更一眠虎豹石躡  
渾遠霧虬龍樹色隱寒煙丹梯益覺乾坤小青  
靄常看日月懸縱有謝公登覽屐夜深蘿薜不  
知還

其二

目昔茲山多勝槩聖朝今日始登封脩眞宮  
說當年昂謁帝初聞上界鍾露濕青巖驚宿鳥

孟浩然詩集

卷之九

十一

泉鳴幽澗走飛龍憑軒亦有無生想夢繞蓬萊  
路幾重

同按察公過滄浪別業

茅齋湖上水初平我愛滄浪好濯纓澤國有秋  
多晚稻星河不夜共班荆鴈鴻忽下雲霄語鷗  
鷺還憐洲渚盟京邸向來勞夢想隴頭何日事  
春耕

中秋同蕭凌漢費以明飲包封君宅兼懷

元夫大行

草堂曲抱郡城頭况復同心共倚樓千里向來  
思故侶一尊聊喜值中秋冰輪桂魄光偏冷柳  
色荷香晚欲浮遙憶天涯未歸客好懷今夕爲  
誰留

十六夜王都闔宅對月

霏霏細雨落江門月色俄驚上竹垣砌冷尚餘  
花氣在簾疎偏覺露華繁夜深頻剪西堂燭話  
久仍開北海尊翻笑昔人田宅請將軍今復愛  
名園

南園詩集

卷之九

七

送曾睿甫會試

憐君匹馬向神州昨夜河梁宿雨收去路  
凝鵲到時春色滿龍樓明王好士多新詔上  
國逢人說舊遊自古晚收原大器好因借箸一  
前籌

別蕭凌雲

柳驪鶯嬌春正浮美人尊酒共淹留一麾何意  
承新命萬里翻憐別舊遊雲漢定應瞻鳳舉風  
塵原自戀狐裘黃金臺畔秋來月夜夜清輝獨

倚樓

湖上聞張以道中丞請告却寄

懷人蕭瑟已經秋况坐煙波一釣舟極目千山  
頻北望寸心大火正西流三千驛路憐歸計百  
二關河總壯猷聞道近來烽燧甚老臣那可愛  
林丘

九日同傅司徒高王二都闔及家人登  
家兄聚星樓時余有淮陰之行

吾家愛客有元方百人樓臺興更長京國幾年

南園詩集

卷之九

七

成遠夢故鄉今日見重陽紫萸燦燦開千樹白  
鴈迢迢自一行登眺只今多感慨不堪載酒又  
河梁

得匡南王孫余德甫憲使書却寄

千里神交一太奇洞庭煙月是心期緘書此日  
滕王閣下榻何年孺子祠天遠匡雲迷舊處雪  
飛梁苑見新詩江門一壘平如掌那得扁舟慰  
所思

蕭凌漢王伯生費以明餞余包封君草堂

流光冉冉任蹉跎搔首尊前共放歌入饌尊鱸  
秋更美傍城花鳥晚猶多七賢嵇阮全誰是三  
徑求羊獨許過正好平原十日飲青山無奈別  
情何

登太白樓

謫僊高詠許誰賡河濟樓臺一望平明月長虹  
同采石屯雲落日自孤城飛揚已見當年意痛  
飲還留滄海情我亦披襟登覽者千秋風物使  
人驚

言國詩集

八卷之九

古一

康裕卿山人李惟寅環衛朱在明光祿在  
集得樓字

海天別去幾經秋載酒論心總舊遊長樂鐘聲  
飄律呂關山月色到簾鉤一時同調還羈旅獨  
夜相思各倚樓歲晚寸心應盡折肯令車馬不  
相留

李元甫李本寧二編脩枉集

月白霜清景最幽僊郎並馬夜相投春光欲動  
梅花色劒氣遙從竹葉浮韋杜去天看咫尺曹

劉方駕更風流招尋莫惜今宵醉縱寄音書不  
解愁

寄蕭文明守廣州

粵中兵燹淮陽水聖主恩深賦竝錫顧我一  
麾看漸老思君萬里總相憐繞城白葛飛新雨  
近海丹砂媚遠天况是羅浮春信早南枝好爲  
故人傳

酬丘汝謙計部過訪蕭寺之作

淮南別去問征鴻夜叩禪扉此更逢祇樹寒光  
生積雪月林清影動長空禁鍾恍惚從天上尊  
酒依稀是夢中莫謂守玄官不調漢廷詞賦許  
誰工

黎惟敬秘書王敬美儀制枉集

雪後長安春可憐故人良夜一尊前揮毫竝帶  
西山色看劒遙從北斗懸吾黨聲華還自好遠  
臣踪跡更依然誰言閭闔重新日宮柳垂垂似  
舊年

送邵晦之太守兼致淮父老

翩翩飛蓋下淮陰才子高名滿禁林東海煙波  
多勝槩大河花鳥動孤吟共言楚澤誅求盡回  
肯并州感慨深寄語向來遮道者寇君今已借  
同心

清明

陌上悠悠鬢易華十年今日總天涯故鄉雲澱  
松楸色驛路風吹楊柳花旅食雨中寒自在春  
衣客裏思偏賒臨流擊楫黃河渡不向前村問  
酒家

西園詩集

卷之七

六

出新鄭游嵩山

古鄭關頭匹馬嘶行囊春酒正堪携幾年心事  
空名勝今日風華自品題柳外鶯嬌頻作語陌  
頭花落半成泥嵩丘指點還雲際却喜登臨路  
不迷

滴水蓬壺嵩山

懸巖怪石雨冥冥落日寒煙山更青江海不知  
何處派潺湲偏向靜時聽瞻前正憶潘安賦中  
立還存郭璞銘飲水探奇自幽事從來身世總

浮萍

登中天閣讀少保朱公碑感懷

崔嵬樓閣接天開倚檻尋真亦快哉二室雲煙  
何處起三花風細自飛來聽笙嶺外鶴猶舞指  
點峰前鴈欲回讀罷豐碑星亂落山靈偏愛勒  
銘才

同陳子清子敬李惟公惟存郭奎甫高子  
英六秀才洪川廣令二高僧游達磨洞

西園詩集

卷之九

七

人不到九年空影石爲羣寶光尚映遺碑字梵  
語偏從古樹聞况是友人能載酒夜深還檢釋  
迦文

游少林寺

崑崙鶴嶺萬山中一壑盧巖路更東佛面尚存  
幽洞古禪心無垢世緣空飄飄樹色浮晴漢處  
處鍾聲落晚風多少名流兼絕唱經過此地思  
無窮

博望驛讀甘憲伯征甫詩有懷征甫

驛路僊槎渺去蹤陌頭芳草自昔昔春深雨後  
驚啼鳥山遠林疎見卧龍游子每多天際夢故  
人如對舊時容相思應憶懸冠處文雅風流目  
觀峰

過南陽呈袁履善先生

十載傳經思不禁風塵何意此相尋傷心莫問  
投湘賦促膝聊爲梁甫吟月下春華晴更好降  
中山色夜偏深悲歌尊酒難爲別才子從來總  
陸沉

南陽詩集

卷之九

九

宿嵩山絕頂夢家大人及堪佳均主

諸子時佳姪早逝不覺大慟

客齋蕭蕭山色青夜深心事共山靈風林沙際  
渾飛雪天路雲端可摘星千里家園三月夢幾  
年塵上一宵醒獨憐小阮成今古腸斷啼猿枕  
上聽

宿少林寺讀少保朱先生詩乃周公瑕書

賦此竝懷

一叩禪扉夜未央故人詞翰兩相將青山月吐

明真界古木風清送妙香昭代許誰追沈宋興  
時寧復羨蘇黃少林四家多詩字亦知迢遞相思夢燕  
水吳雲萬里長

書少林講堂壁與洪川廣令二上人訂卜  
居之約

篝燈乘興坐山家偶吸新泉更煮茶片石孤峰  
傳二祖寒林良夜演三車人生婚嫁那能畢吾  
齋蕭疎亦易華倘得四宗登覽徧定從公等結  
蓮花

南陽詩集

卷之九

九

同沈司訓飲習家池

春花三月下襄陽况有同心數舉觴習氏池亭  
春其永山公豪興酒爲狂蒼龍作雨吟孤嶼野  
鳥啼花過女牆不盡古來高唱在買田好住峴  
山傍

過京山壽李封君

縹緲龍章出漢宮僊人杖履自山中開尊夜問  
青天月揮塵涼生白羽風薇省暫歸借九老玉  
堂遙祝盡三公相逢莫話礪溪事桃實年年海

上紅

酬謝山人茂秦見訊

迢迢一騎遠相將炎暑番驚四座涼海內交游  
誰最少天涯意氣爾偏狂酒尊遙興逢清世歌  
舞荒臺傍濁漳湖上秋風倘南下爲君先製芟  
荷裳

七夕席上讀家大人話別之作

數載淮陰暫息眉簡書明日下西川秦時樓觀  
知仍舊漢代文章更孰先白雪郢中歌正好青

香園詩集

八卷之九

十一

楓江上夢偏還停杯爲問關山月可似雙星度  
一年

和叔兄遣使送至荆門却寄

蒙惠寒臬好濯纓回思兄弟不勝情今朝岐路  
誰相送少日登臨此共行楚國極西多鳥道蜀  
水絕遠有猿聲愁心寄與天邊月別後隨君夜  
夜明

玉泉寺讀鹽城夏憲使詩兼懷乃郎進士

何年飛蓋下蠶叢壁上新詩字字工淮海向來

無故老巴川此去有流風印環鍾鼎傳先代詩

印隋書塔影泉聲落遠空獨喜文章今有子

漢廷金馬籍初通

夷陵飲王素張舍人宅兼懷乃叔少卿

都亭分袂幾經年尊酒相逢又別筵渴病尚思  
金掌露高談如聽王河泉一輪明月懸江上萬  
點青山繞坐前爲問嗣宗老知已鴈魚還得到  
四川

白帝城

香園詩集

八卷之九

十一

縹緲孤城暮欲投振衣直上最高樓公孫躍馬  
意何在漢室人龍業未收雲出雨鳴兼巨浪藤  
荒木落正新秋白鹽赤甲山如舊獨立斜陽送  
客愁

灩澦堆

瞿塘峽口倚城窺灩澦孤根一突奇禹鑿兩崖  
中尚在秦鞭千石此難移亦知深處蛟龍窟不  
問浮來象馬時行止番堂空自憶寒濤偏共角  
聲吹

飛練亭

山外清泚下急湍泉聲吹徹到闌干玉龍正共  
長天色銀漢遙從不夜看雨氣宜濛濛千澗落浪  
花飛動萬峰寒臨流欲浣緇塵去愁見斜陽馬  
晉殘

蟠龍洞

蒼龍已出深山去洞口龍光護水紋珠近鱗床  
多掩映香生乳竇自氤氲乘雲甘雨時時作入  
夜長吟處處聞海島天門爾何在清波遙向此

西園詩集

八卷之九

主

張將軍廟

雲安縣有桓侯廟古木懸巖共暮煙傳說頭顱  
曾此葬可知肝膽有誰憐河山割據非當日風  
雨蕭疎似漢年若問吳宮併魏殿那能永與大  
江邊

訪任少海翰林席上賦

一自文章海內驚偶停車馬喜相迎藥欄名品  
山中盡丹竈寒煙雨後清賈傅治安來御墨相

如渴病體金匱莫習靜渾無事漢使行將叩  
生

同杜夷部游錦屏山

城南佳麗真稀少自古登臨說閬州帆帶嘉陵  
偏有色風寒劍外迥生愁滕王亭在丹梯遠將  
相臺高碧玉浮厚祿故人重載酒不知明月掛  
樓頭

過新都懷楊用脩學士

思君供奉三朝遠老去滇南竟不還金馬碧雞

西園詩集

八卷之九

主

覽覽徧石渠天祿夢魂牽韋家世業原非偶賈  
傅湘潭更可憐我亦鐵樓樓上客詩筒那得到  
蓬然鐵樓乃張愈

其二

高原荒草不勝情詞客何緣共結盟環召已停  
也子國彩毫猶動錦官城遺書萬卷無封禪抗  
疏千秋有令名縱似子雲甘寂寞賞玄靈獨是  
桓生

酬張肖甫中丞見贈之作



匹馬渝州路更西陌頭芳草正萋萋  
蕭蕭蘆花秋思  
聊下陌花鳥春深好杖藜書著龍門  
學傳隱名  
高麟閣待新題美人咫尺還煙水繚繞川原日  
欲低

同朱秉器大守游溫泉寺兼懷青谿社中  
諸子

招尋古寺酒尊同濯得溫泉興不窮  
芳樹關山  
春更好上方樓閣晚尤紅二千品秩稱良吏十  
五詩篇見國風記得向來投贈意故人多在大  
江東

蕭雨詩集

卷之九

五

登合州釣魚城讀唐石頭和尚草菴歌兼  
寄張中丞肖甫

千仞峰巒倚杖登宋元往事感偏增  
釣魚絕頂  
僊人跡驅馬中原國士能時王公堅張  
南渡江  
山逢聖主東林煙月付高僧披雲無限悲歌意  
把酒何緣問季鷹

汪參知田憲使招飲治平寺

緝毳岩石峙占渝美人清話一宵俱參禪正見

青螺髻載酒仍懸碧玉壺江上春山渾入坐階  
前明月好呼盧從來物外堪留賞只恐風塵此  
會無

酬和叔兄見懷兼寄程孟孺

東風吹散百花香喜得詞人共舉觴  
叢桂山中  
曾結社交荷湖上好爲裳別來夜雨驚鴻鴈到  
處春雲染驪驪一自相逢詩酒倦不因清夢繞  
池塘

巫山寄陳于韶憲使

蕭雨詩集

卷之九

五

詞客中原豈易逢錦屏山色若爲容  
別來愁鬢  
三千丈憶爾高情十二峰北望塞垣還牧馬可  
知湖海起元龍玄高回晚投車轄冉冉春雲渺  
去蹤

夔州見邸報戲述兼寄社中諸子

驛路春光到柳條灤西風物轉蕭蕭  
尖碁忽見  
長安信彩筆曾于北斗遙左宦昔時憐共侶右  
文今日見清朝寄言碣石談天客詞賦翩翩尚  
可招在諸公以詩被謫

潼川道中得陳仁甫太史書

客裏蕭條檢敝裘梓州風物已深秋  
少陵何事曾留滯太雅于今羨勝遊  
日暮雲山懸馬首雨餘鍾磬落牛頭  
故人忽下瀟湘字漂泊西南一解愁

二酉園詩集卷之九終

西園詩集

八卷之九

三六

二酉園詩集卷之十

河陽陳文燭玉叔著

七言律

送楊大叅入賀兼寄乃弟侍郎

使節迢迢何所之上林遙見百花吹明堂禮樂  
聞千載方嶽咨詢重一時宮闕春華誰共賦江  
湖遠夢獨相隨岑家兄弟今酬國何日携尊過  
漢陂

酬熊茂初吉士見贈之作

西園詩集

八卷之十

一一

朝廷爭美漢相如何意江湖賦卜居馬腦山高  
秋正好鴈聲天遠木偏疎一尊風雨停蕭寺兩  
世文章在石渠聖主賜環恩不淺逢人莫問楚  
三閭

武侯祠

將軍遺像尚窺吳羽扇綸巾握戰符出處龍岡  
誰得似君臣魚水古來無千秋尚說三分業七  
蜀空傳八陣圖伊呂蕭曹今莫定漢家正統賴  
君扶

答沈總戎雪山未赴兼訂草堂之約

元戎愛客興偏奇爲我臨流洗玉卮魚鳥已驚  
天外陣熊貔誰和帳中詩雪山六月渾無暑雲  
樹千重未有期明歲浣花花爛熳金鞍立馬好  
相隨

送堪姪游太和兼寄不二上人

吾家杖屨此山多麗藻翩翩掛薜蘿四十流光  
今已壯三千香界爾重過往按察公龍宮亂水  
禱而生余青如洗虎耳懸空勢欲摩靈澈定談當日事可

三西園詩集

卷之十

二一

能飛錫到三峨

夜泊中巖寺懷家大人按察公

輕帆柔舫下嘉州只愛中巖暮更投福地自來  
多勝跡禪心况復值初秋空山月色千林迥近  
水鍾聲兩岸浮惆悵漢陰多逸興盤興何處好  
淹留

送王召之憲使先余遊峨山

故人詞賦興翩翩西去峨眉七洞天佛見靈光  
聞鳥語聖燈良夜有僧傳秋風尚待盧敖杖明

月先歌李白篇却憶公家王逸少浮生未果此  
山緣

得左史袁先生書却寄

南陽對酒興偏饒別後艱虞路更遙夢繞黃牛  
三峽水書來白鴈七星橋絳侯當日緣何意屈  
子千秋尚可招聞道著書多勝事肯將生計老  
漁樵

得和叔兄近作寄懷

檄書錦水慰相思喜極臨風不自持子美尋常  
渾取醉達夫五十始工詩白沙翠竹江樓景碧  
葉黃花暮雨時惆悵秋來鴻鴈羽蜀天迢邐影  
參差

飲陳子韶憲使宅懷張肖甫中丞甘征甫

憲伯

夜深投轄意何如白板清霜一駐車錦里浣花  
開閣水峨眉山月照芙蓉亦知詞客多歸興無  
奈君王問子虛出處僊蹤原不定故人三月少  
晉書

諫美人手時有箕箒筆甚奇同王引瞻次之

携入昭陽寵不禁纖纖揮素數流陰小垂舞態花枝好細聞芳菲草色深鼓瑟幾迴拋義甲打迷空自抱遐心華蟲藻火俱能繡夜半還餘一線鍼

送楊大參之閩中兼寄徐子與

錦里相逢一解顏詩篇應遍浣花灣亦知鄉國難爲別遙望旌麾不可攀萬馬直趨三峽水晴鴻飛渡九僊山偉長自昔憐同調雙劍光芒北斗間

送丘謙之郎中守潮陽

長安客舍幾呼盧別後鳴珂出帝都南海晴空應下鳳西川明月舊飛鳬縱橫赤羽何時定憔悴蒼生待爾蘇一自韓山題賦後風流文采至今無

送張子貞少參之關中

秦關朝發歲將闌獨有同心別更難名重鎖關

雲漢遠風生繡斧雪山寒蓮花一朶開僊掌木葉千重下錦官握手茂先無限意交情不但爲彈冠

凌雲寺別司馬曾公用原韻

紉綬青山迥不羣貔貅旌節夜初分漢家正議單于貢幕府仍留諭蜀文曉度清猿巫峽雨秋深白馬大江雲莫言千羽明廷事諸將還屯塞上軍

同李脩撰高大行飲浣花草堂

金閨彥客到沙頭老杜高名日月浮掃徑百花香白好題橋萬里景偏幽太平關塞無戎馬水檻澄江有白鷗却憶詠歌曾涕淚何如陶謝共登樓

酬甘征甫惠余五嶽真形圖及見懷之作

去年載酒訪江陽擊筑高歌夜未央我似向平牽嫁娶君同陶令久柴桑五宗真錄行應佩八極神游興獨長投贈亦知無限意幾時煙月共相干

夜飲甘征甫江樓懷張肖甫中丞李元甫

脩撰

江樓竹樹萬竿青中有僊人紫氣煒宿鳥乘風  
驚落葉漁燈隔水照幽汀銅梁咫尺懸卿月金  
馬浮沉隱歲星惆悵故交燕市酒漏聲吹徹子  
雲亭

得王敬美符卿書却寄兼懷元美中丞

尊酒論心禁苑東夢回岐路若爲通飛來白雲  
驚鳴鳳望斷青天少去鴻義府虛名慚仲舉金

清園詩集

八卷下

六

門避世有君公機雲若話文章事海內何人是  
國工

寄王元美開府鄖陽兼懷敬美符卿

鄖西山色大河濤才子登壇氣更豪宵次久吞  
雲夢潤旌旗遙指華嵩高亦知分陝多勲樹何  
似投湘賦楚騷小謝近來詩思好定吟春草到  
江皋

送王憲長之秦中

叱馭相逢蜀道遙別來飛夢思偏饒青城雨後

多花落紫塞春深見柳條錦里一尊誰勝賞  
山千丈吐層霄談兵意氣如君少還使匈奴絕  
射鵰

劉憲長養吾衙內觀梅

竹葉梅花對此辰垂垂渾似漢江濱百年歲序  
員同客萬里關河有故人東閣詩篇聊共和羅  
浮清夢夜相巡杜陵亦愛雲安酒不及家鄉富  
水春

雲臺觀

清園詩集

八卷下

七

山在潼川州百里外上有玄帝傳云宋時  
脫化今所祀蓋真形云其山高不及太  
和而奇秀可愛亦西南勝槩也天水胡公

續宗謫判是州余讀其壁間作次而記之

梓州風物昔稱奇一入僊臺雲氣垂茅屋洞深

留鼎竈玄帝脩御書苔滿說嘉熙有朱勅碑青山紺

殿春仍綠白鶴蒼松雨自吹却憶秦川胡世甫

謫居應有杜陵詩

寄內姪童六童七二秀才應試

秋風千里送帆檣兄弟齊鳴倍有光江上樓高  
誰弄笛洲邊草綠好飛觴聞詩聞禮原家學太  
公以詩武庫宗武宗文似杜郎歸見汝姑談往  
事當年題字墨還香

雲臺山酬黎大參見懷有作

一入名山萬點青得君瑤草幾迴停煙霞抱癖  
尋丹竈猿鳥聞歌下翠屏跨鶴洞深僊侶跡  
龍岡映少微星前村明日來相訪何處懸巖好  
勒銘

西園詩集

卷之十

八

夔州過杜工部草堂是日得陳仁甫贊善  
見懷之作次韻却寄

詞客千秋舊有文何期同調更相聞天邊鷓鴣  
僊爲侶溪上鳬鷗晚自羣屯壤東西茅屋在關  
河楚蜀大江分風流並讀驚人句芳草斜陽總  
憶君

夔州得張中丞甫見懷之作却寄

右行猶畏簡書遲落日臨風寄所知巴水正開  
蓮葉舫巫山重聽竹枝詞秣陵翠黛浮千樹江

左煙雲接九疑此去廟堂應曳履肯容張翰老  
明時

寄懷鄧子楨按察

蘭臺使者駐江干別後相思獨倚闌楚澤提封  
雲共遠郢中王氣雪逾寒會題駟馬橋邊字猶  
是神羊柱下冠行日高陽逢舊侶一尊風雨話  
長安

送徐思立參入覲

浣花溪上水潯潯詞客臨岐一解顏風雨幾迴  
過鳥道雲霄今到鵷班帆開白露舟三峽檣  
草青天定百蠻爲却戎州諸父老羊侯碑在翠  
屏山

酬朱同伯王孫楊懋功祠部

故人棲止暮雲遙綵筆翩翩慰寂寥吳越關河  
連白帝豫章魚鴈下青霄扁舟欲問三江水孤  
客還留萬里橋惆悵芙蓉開社處相如渴病幾  
時消

輓故侯李臨淮

爲問家聲自隴西大星一落暮雲低圖形止附  
螭頭翼緩帶煩書紙尾鷺紫極露斯方湛湛白  
門草色正萋萋誰言阿廣無雙士那得勲名與  
爾齊

壽曾中丞用長公司馬寄家大人韻

僊露曾食太華歸灌園今息丈人機青山正共  
春華好白雪從來和客稀三楚鹿門頻對酒九  
重麟閣振朝衣高年倘借耆英侶夜夜文星漢  
水磯

西園詩集

送楊少芳

入賀

送君芳草  
重劍佩  
夜仍開  
天涯留滯者心隨江水一

朝宗

酬方子及郎中用原韻

七蜀驅車苦未停故人飛夢幾流螢琴堂瓦屋  
淹時序玉署金門隱歲星鴻鴈調高河朔飲鳳  
書到浣花亭憐君綠筆縱橫處江上名山萬

點青

吾友蕭凌雲由新安司訓轉新津學諭余  
待其主大益書院而凌雲高致矣賦此寄  
懷

君歸一卧楚雲遙不倦傳經倦折腰新水菱荷  
香更好故園楊柳色偏饒浮名鷄肋憑誰是岐  
路爭腸爾自超若問西來絃誦意講堂無計答  
三朝

得李本寧書却寄

西園詩集

一八卷之十

十一

縹緲音書到錦城隴頭關月倍含情僊人掌上  
秋初好神女峰頭夢未成閨闈九天俱北望家  
山千里共西征宰衡自是憐才者曾疏君王達  
爾名

夏日同張子常憲副任汝賢僉憲登澄清  
樓

飛閣朱闌北斗垂美人招飲共登危塗山勝槩  
原千古河朔高歌自一時樹色遠迴巴子國江  
聲搖落禹王祠何人更說渝州暑無限清風到

酒卮

漢陽李舍人使蜀乞余詩壽等公六牛

先賢楚國擅高風今代耆英又屬公黃鶴樓高  
頻獨往白鷗盟在許誰同僊郎節擁雲霄紫甲  
子籌添海屋紅何日晴川一尊酒白雲芳草鬱  
葱葱

送秦太僕仲受之山西

送君遙指太行巔劒氣寒光落馬前雲錦正肥  
沙苑草風和忽散玉門煙故人勲樹雄三晉聖

西園詩集

八卷之十

上

世梯航自九邊今夜芙蓉城上月別來應向隴  
頭圓

壽曹大參八十

冥鴻羽翮自翩翩華髮蕭疎不計年四海正驚  
雙諫草公父子俱三朝長釣五湖煙斗間紫氣  
揮毫吐江上青山對酒懸聞道漢廷延掌故蒲  
輪容易到西川

送張士思比部還朝

張騫使節暫相將十二峰頭更舉觴萬里星槎

迴益部三秋雪浪下瀟湘明刑正種臯陶德  
罪仍過大禹鄉別後思君霄漢遠峨眉山月滿  
胡床

九月答王元德憲使見授

天涯風雨又重陽久客悲秋祗自傷送酒顧余  
非靖節揮毫憐爾况滕王本用王勃九日事紫  
閣州亦有滕王亭  
黃燦燦凝霜色黃菊英英泥露香極目閬山千  
古在浩歌誰似杜陵狂

陳元忠脩撰北上過閬逢余不果貽書云

西園詩集

八卷之十

上

一江寒雨萬壑秋風恨不共話因足之以  
酬來韻兼呈尊公閣老

曾下湖海結宗盟岐路悠悠更寄聲到日禁中  
魚水合幾年池上鳳毛成一江寒雨迷孤艇萬  
壑秋風送去旌後夜山堂頻北望參差雲樹繫  
蒼生

袁民悅劉養吾方伯李汝貢廉訪孫順之

大參杜與言李伯受僉憲餞余工部草堂  
時有山東之投



故人相送浣花亭客子臨岐去復停七蜀絃歌  
慚曾國三相樓櫓過齊廷早春弱柳尊中綠後  
夜寒山夢裏青錦水自來添別淚風塵踪跡任  
流萍

酬張肖甫中丞

峻嶒已嶽近山堂聞道名園似辟疆幾度風塵  
稀見面可堪雲樹欲沾裳詩成倚馬情逾遠帖  
比來禽墨更香渝水夜添三五尺孤舟明日下  
瀟湘

南園詩集

卷之十

五

懷郭篤周學使

何處文光動上台使星重向益州來王褒好作  
中興頌司馬還多異代才白帝甘棠渾舊澤錦  
官桃李得新裁傳經心事慚余拙爲訪公家爾  
雅臺景純著書臺在嘉州

聞李本寧視學關中却寄因懷李元甫太史方子及中

閬山西望總銷魂聖世談經亦主恩萬里青天  
吾已倦千秋紫氣爾偏存峰高玉女疑神女夢

繞金門度白門回晉天涯鴻鴈遠綵毫飛動滿  
中原

得吳明卿大叅書却寄時張羽王判興國  
風塵一別驚十載縹緲音書到劔南顧我艱危  
還蜀道憐君憔悴復湘潭青天白眼憑誰問黃  
鵠滄洲已自甘却憶蘆花煙水上扁舟時與季  
鷹談

出蜀寄王敬美叅伯兼詢元美廷尉

中原詞賦鴻鴈多尺素其如蜀道何君自匡山  
守正老我從巫峽問三峨西堂夜永生春草南  
國年來長薜蘿此去江淮渾一水吳門湖口得  
經過

夜泊夔門酬楊懋功祠部用原韻

羨君詩思滿蓬蒿蜀道風煙幾度勞神女夢回  
雲欲散美人書到月初高瞿塘象馬三春候江  
海冥鴻一羽毛却憶杜陵飄泊意古今揮淚濕  
青袍

黎惟敬秘書歐楨伯博士招飲分得開字

中原詩社此重開駿馬黃金舊有臺鳴佩正逢  
雙鳳闕揮毫誰似五竿才風生北海悲歌起雨  
後西山爽氣來况是天涯憐去住夜深尊酒一  
徘徊

泰山四首

阿閣神房見羽翎僊山吾久佩真形吳門匹練  
天門白海上飛濤掌上青開闢自來分日月煙  
雲吹處落星辰張衡東望緣何事豈謂茲山好  
勒銘

青田詩集

卷十

七

其二

日觀孤峰迥絕羣御香亭敞氣氤氲松聲似帶  
秦時雨壇影頻飛漢檢雲玄石洞中尋玉女碧  
霞宮內訪元君昨年曾過臨邛里尚憶和如草  
禪文

其三

霏霏涼雨送山鐘樹杪俄驚掛白龍帝闕依微  
看北極聖朝禋祀少東封千秋玉液終當遇一  
壺餘雲已蕩冒李杜高篇今自在那能杖履得

相逢

其四

指顧名山夕照前中原平楚正蒼然黃河曲抱  
三义澗滄海寒生六月天地辨齊州煙九點臺  
瞻魯國道千年安期亦有神樓散可得從吾肘  
後懸

約李伯承符卿遊岱

清平高閣守冲玄海內重驚李謫僊興至我尋  
青帝觀歸來君種汶陽田遠山排闥渾依座明  
川窺人欲上船七十二家多禪草相期同醉白  
雲間

青田詩集

卷十

七

李元甫陳元忠二學士招飲

殊方秋夜氣蕭森獨喜逢人在禁林池上鳳凰  
誰伯仲蜀中魚鴈幾浮沉開尊亦是雲安麴聽  
雨疑聞故國砧太白子昂今握手更于何地好  
披襟

新秋飲陳子壽祠部

關省才名滿帝京夜深尊酒爲誰傾話從鄉國

人偏好秋到天涯客自驚宮樹依微沉玉漏井梧蕭瑟引金莖明朝又是長淮別愁聽河橋有鴈聲

壽林都諫大母九十其子封君七十

滄桑幾變總悠悠獨有公家靜域浮江上鱸魚供饌美雲間僊鶴繞庭幽蘭孫捧檄原青瑣萊子斑衣已白頭九十春光還復度婺星高傍海西樓

壽趙徵君其子仲堅進士

湖上蕭然一草堂城隅新構復和羊荷香撲面開尊好柳絮窺簾舞袖長堪笑杜陵稀七十邇來江閣亦尋常家君舉高年會多九十至百歲者僊郎正獻南山頌明歲看花到未央

飲晚香堂別王大名國光

郡齋亭榭會偏奇等酒相逢又解携倚檻黃花寒欲吐傍城晴樹翠將低陶潛空說開三徑山簡何當醉一時最是韓公風詠遠香名應與故人期

送傅參軍伯仁北上

蘆花楓葉滿江城况復登高送遠行其辭鳳色多彩色可堪鴈影有離聲塞帷河洛家山近端笏甘泉雨露清聖主正思耆舊後垂裳見爾不勝情

別李苑平子美兼懷子田太史

薊門秋色落征袍有客臨岐寵節旄作宰神明仍帝里承家詞賦况吾曹風前黃葉隨孤艇醉後青山脫寶刀聞道漢廷延掌故銀魚學士卧

難高

登定慧院嘯臺用吳明卿韻寄懷

長嘯高臺宿雨收海棠何幸託名流青江遙帶三江色赤壁還驚萬里秋到處孤臣渾戀闕從來詞客愛登樓沾衣不但眉州遠咫尺同心悵獨遊

龍城舟中別蕭文明憲使

陽舲與子下潯陽十載萍踪各渺茫彭澤江深陶令酒孤城秋老使君霜浪花明月浮牛渚帆

影西風過馬當獨喜故人多意氣解携忘却  
是它鄉

秋日王觀生使君招遊齊山用松韻

洞口白雲書不飛坐來鐘磬上方微月懸絕壁  
千崖墮天遠孤帆一鴈歸笑指青溪思太白  
看列岫是玄暉同心醉倒高山去夜半寒江好  
授衣

金山寺訪圓智沙門

葦航恰度即浮圖望裏江山四壁孤勝地樓臺  
偏色相中天日月蕩虛無萍踪閑寂將誰託登  
覽婆娑賴爾扶岐路禪關俱莫問眼前風物總  
江湖

陞姪餞余入淮席上作

更情數載只塵寰暫得家園去住間孤艇又維  
三篷水舊遊重賦八公山黃花照眼偏宜客綠  
酒當歌好破顏可是吾門佳子弟尊前猶爲豐  
陽關

儀真送謝子正謁選

長淮潮水正相通羨爾乘春到漢宮捲幔獨憐  
京口月維稍不爲石尤風丁年浪跡俱天外子  
夜論心似夢中得意歸來好重過一尊還與故  
人同

謁黃石子房祠

當年霸業已丘墟留得高賢此址居孺子數名  
橋下復老人心事篋中書赤松遊去非遺世白  
髮招來更定儲堪笑黃河照若帶祠前流水漢  
家初

除夕

十年回首舊分符守歲俄驚又海隅可訝弟兄  
成幅世遙知兒女話行厨山中大藥歸玄牝眼  
底流光過白駒明日高堂有新詠春風長得醉  
屠蘇

壽龔容卿大參

海上懸弧照玉珂海邊風靜不揚波冰盤新薦  
安期棗鳳管遙吹子晉歌家世青雲三楚盛門  
墻紫氣八公多憐余正有長生祝載酒其如遠

道何

中秋方子及戶曹李季宣叔茂二文學吳

孝甫康裕卿周公瑕三山人署中對月

解攜風雨已多年邂逅無端月正圓  
甕社珠光

來海上廣陵濤色到尊前  
停盃欲問青天月把

臂同歌白雪篇縱是南樓清興好何如諸子意

辭

丁聘之少府寄余硯墨賦謝兼柬徐使君

搖落音書宛對君天涯落日悵離羣  
浩歌尚記

南唐詩集

卷之十

主

紅綾宴投贈慚書白練裙煙雨一江天外合關

河千樹望中分風流佐郡誰堪並况有徐陵雅

好文

左史袁先生過訪游金焦有作

忽驚青女降霜天侍側還疑問字年江口觀濤

渾似雪中冷呼酒正如泉白平名嶽游都徧弘

景華陽隱自全縱令漢廷召董賈野雲孤鶴是

焦先

答御史大夫曾三甫見懷

天涯芳草幾牽思惆悵南臺忽有詩  
君調從來稱寡和我今在外自無奇  
三山月色浮談麈六代風流到酒卮  
莫向青溪耽勝賞漢廷應訝履

雪夜懷王元美廷尉用原韻

三山遙望素書遲欲訪王猷此一時  
病後茂陵誰故侶愁來南國有新詩  
祗園臺榭春偏媚玄圃壺觴賞更奇  
莫謂雪天成獨卧相如詞賦九

重知

南唐詩集

卷之十

主

金山

維舟日日對青山爽氣新秋此更攀  
巨浪禪心能禁足孤峰客况暫開顏  
龍遊大海盤渦裏舊寺

名龍鶴上揚州縹緲間最愛題詩張處士好乘

明月夜深還

焦山

面面波濤綺縠文吸江亭上日初曛  
參差角石

鳥爭集苔蘚殘銘鶴自羣三詔紫泥光日月千

秋丹竈護風雲古今浪跡東流水惟有潮聲旦

夕聞

北固山

北軒欄檻洗壺觴忽聽笙歌尚渺茫吳楚地蟠  
江水曲金銀嵐氣海門長鳳池何幸傳天語  
會駐狼石曾經幾戰塲縱是壯游秋易老挂帆  
吾欲覽扶桑

方君在謝少廉二文學過訪兼懷汪司馬  
伯玉

海嶽圖連官舍開謾勞車馬破蒼苔問程遠自

三國詩集

卷之十

五

豐干社揮翰仍驚鄴下才風雨一尊心獨醉關  
河孤棹曾重回寄言高卧東山者耿耿文光燭

上台

北固山中得劉汝欽廷評書却寄

千秋詞賦孝標才縹緲音書落日開絕壁雲山  
背北顧大江風雨自西來鴈聲何得衡陽信蜃  
氣疑登海上臺若問米家菴尚在幾時乘興一  
銜盃

石林庄

余結廬石林山上樹松杉千條甍面大江

赤壁金紫若左右屏焉蓋黃蓬之孤秀也

岡巒瓜蔓大江邊疎豁茅堂況在巔石瀨夜深  
鷗易集松林秋老鶴將眠諸溪落葉堆花徑一  
雨飛泉滿稻田多少故人今節度不須重惠買  
山錢

壽長安李封君

杖藜曾到五雲班雜珮珊珊自往還金谷一等

開北海銀臺千樹映西山霸陵醉後人爭識柱

三國詩集

卷之十

五

下書成老自閒聞道僊郎歌郢曲陽春白雲好

開顏時通政公

別同年龍伯貞時爲郎君結好

落日維舟手重分廿年兄弟幾論文通家有子  
系絲幔同調何人染練裙竹葉一尊江上月桃  
花千樹武溪雲漢廷久羨河東賦不待吹噓達  
聖君

送吳江沈封君南還

劍書迢遞到江干斗酒殷勤永夜驪鸚鵡洲橫

澤鳳凰毛迥擁千官孤帆直下濤聲遠滿  
袖撈來嶽色寒別後相思衣自緩帶圍字獨沈  
郎寬

懷表叔傅司徒

此乙丑登第時寄司徒公甚愛之謂允公  
曰阿郎他日必爲海內詩人今吾老無成  
而兩公古人矣書以志感

弟兄歸卧舊滄洲人素懷人共倚樓此日春風

南浦路十年秋雨北山頭賦別家君各丹心端

南園詩集

入卷下

五六一

合趨三殿綠鬢安能戀一丘問到聖朝宣盡

史老臣原不用形求

送龍伯貞還武陵時再入沔

楓林纖月是秋初有客揮毫衆不如七澤春來

江漢小洞庭飛過水雲虛人言李白千年調我

愛劉弘一紙書分手各憐婚嫁畢不知何日再

停車

九日吳孝甫鮑保之過訪同李少白宴集  
何事重陽菊未開蕭蕭楓葉自天來茱萸佩帶

明廷遠桑苧煎茶澤國回爾輩江湖堪對壘人  
間節序幾登臺悲歌莫話明年健霜月涼雲到  
酒杯

喜龍君善進士親迎

五舫遙過太白湖少年清譽重東吳何當旌節  
來千里且喜芳尊醉百壺孔雀屏開山色曉鳳  
凰笙吹漏聲俱不知天際占星者曾識荀龍此  
會無

湯夏王張山人李將軍少府中翰四君宴

南園詩集

入卷下

五七一

集

看花曾醉禹州城春到花開旅夢生今日玉孫

重載酒當年詞客解吹笙雲寒嵩嶺千峰吐雪

霽河流一片明正好同心來結社不堪岐路有

王程

飲太保曾公宅兼讀新詞

雨雪長途一問津故人披豁對吾真  
風流在獨樂園開景色新坐上忽傳朱履曲山  
中久慣白綸巾麟袍玉帶方承寵莫戀天涯

主身

過西青浦同會太保兄弟

澄江郭外無塵事一入名園總翠微  
携得青尊難弟共歌來自靈和  
人稀儘前月細窺山帶池  
上雲深曳水衣莫怪鷺鷥渾不去  
憐余幽興久忘機

呈張方伯助甫

追隨冠蓋幾逡巡醉後論心語自頻  
二室雙龍高意氣三秦一雁見情親  
山公啓事風雲變水

三國詩集

卷之十

七

部裁詩日月新聖主好文多薦達  
浮沉寧復詢平津

邢子愿侍御暑長卿傳俊伯二明府胡元

瑞莫廷韓孝廉飲朱汝脩館談李于鱗感賦

帝京休沐暫停驄况有飛鳧到漢宮  
雙塔更連

花徑好五雲誰賦栢梁工春華強半俱天外禁

漏依稀似夢中詞客先朝零落盡吾儕尊酒幾

迴同

送計部趙夢白使天津

意氣如君迥絕塵芙蓉塵裏吐青鱗  
孤榜斗上驚天使萬粟倉中望帝圖  
才子只今推趙壹酒人誰復似陳遵  
西山咫尺看明月曾照長安麴米春

戴楚雄儀周丁大理聘之夜集得羣字

高歌華館動星文儒雅風流兩使君  
浮海玉麟清月墮點山蒼狗白雲紛  
論心正憶當年會把臂俄驚此夜分  
去去不堪仍萬里春明門外帳離羣

三國詩集

卷之十

七

贈羅山人敬叔

遙憶三山握手期別來消息幾相知  
浮槎彭蠡連青漢采藥匡廬問紫芝  
五色含毫花氣煖一尊殘漏月華移  
相逢正是談天會可少江湖爾輩奇

同張助甫方伯萬伯脩駕部黃定甫吳叔

嘉山人飲朱汝脩叢竹館得安字

數載瀟湘問釣竿坐來蒼翠忽長安  
月移鳳尾丹青近風送鸞音紫禁寒  
乍對此君詩自好况



逢詞客酒偏寬主人正是三河少醉把新梢仔細看

送陳仁甫學士歸楚

二月黃鸝語乍分漢廷消息不堪聞當年金馬誰能似去日銀魚未可焚三殿春迴迷舊雨九疑天盡落寒雲沙堤莫謂湘南遠高閣絲綸正待君

送望湖張兵憲分鎮荆岳

楊柳垂垂鳥弄歌使君簫鼓下江沱仲宣詞賦誰能繼范老登臨爾正過一柱觀高風月細三湘天遠水雲多征南莫問沉碑事定有香名自不磨

送查警軍戶曹北上

金焦控別楚江天笑語何期到畫船湯沐幾年頻借寇度支今日好籌邊一尊淮口清聲遠千樹寒山雨色懸欲問相思何處是清風明月在西川

壽胡西畹大尹

五十辭官鬢未班平河座上弄潺湲郎鴻寶逢人秘清吏明珠入夜還三禮家聲頻載筆八公山色好開顏別來紫氣中原滿知爾青牛正過關

焦山別朱九川進士

故人斗酒正殷勤纔到名山日又曛數載官衙窓裏岫一時孤壑夢中聞潮回浦遠疑飛雪風入林高不駐雲別後何須問三詔君王應愛子虛文

登金山

余奉

旨造舟瓜洲後瓜人祠余金山絕頂書示僧明了明芳而祠碑則王元美先生也

波心古寺坐偏宜四望煙雲冉冉垂父老縱教能過愛高僧何幸幾相知千秋誰似竿侯廟一詔終慚卓茂祠獨有故人文字好山靈或有護豐碑

吊郭璞墓在金山寺

瀟瀟孤塚幾朝昏千古英雄只浪浪大塊襟期  
山是宅長江詞賦海爲門鼃鼃卧處誰言似通  
鶴年來總莫論我欲游僊歌往調寒濤明月對  
招魂

七言排律

酬趙孟敏太守惠文谷全刻兼寄孔汝錫

方伯

何意江天下鴈鴻閩州拂袖暮雲空從來歸去  
原高士况有師承自國工南省作人誰更似西  
河得爾早稱雄趙爲孔門人高文直探先秦上絕調  
誰陪後乘中白社放歌煙月細青山飛夢海門  
通夜深玄草披尋罷此日因君問孔融

別陳于韶憲使用原韻

才子儼書思不窮詩篇渾似浣花翁百年世好  
重相結萬里西行又復東伯玉自來回古調子  
虛端合薦王宮倚樓佳氣占星久驚座雄談擲  
地工白社夢飛滄海外會醉中余臥青門瓜在綠樽中  
釀知君笑說羣于市匹馬彤庭一賜弓

哭表叔尚書傅公

山中大老正逍遙何意傳書竟寂寥一代才華  
驚七澤雨都黝樹重三朝弟兄白首誰爲侶海  
宇蒼生望更饒身後主恩眞寵渥眼前令子各  
清標孤亭野色迷花徑流水煙霞鎖畫橋南望  
洞庭家萬里離魂揮涕不堪招

哭甘征甫憲使

蜀天揜別忽三霜迢遞音書好寄將萬玉樓中  
詩是聖百花臺上酒爲狂何期厭世來凶問自  
傷人欲斷腸東岱掛冠齊魯重江陽垂釣水  
上煙霞雅思如陶謝金石交情薄范張薤露  
多歸泉更求不知何日奠椒漿

二酉園詩集卷之十一

長子部

河陽陳嘉燧主叔著

五言絕句

西廡大水

市內驚山麓床頭聽竈蛙可憐明月夜煙火幾

人家

贈謝生

谷口勞相訪家園喜共攀宅年埋骨者可更有

名山

西苑

宮柳千腰細

西山一髮青君王自蓬島時復聞

黃庭

泗水庄

南頭多酒肆東尾繫漁船慣向登湖住湖邊沉

有田

閨怨

溪水一夜紅落花飛長空羅幃吹動處猶自惹

春風

采蓮曲

少年去采蓮校童但見妾子今只見花顏色同

飄葉

隱林庄呈大人

春雨課丁男西成酒正酣主人無一事自誅首

花潭

大堤女

莫作勝花妝入花花作對東風吹花來落花解

相愛

西園詩集

卷十一

夏汭草堂雜詠七首呈大人

夏水連孤城城隅一茅舍深林寂無人黃鳥鳴

桑柘

餘樂園

園中樂有餘抱甕時自灌不是武陵溪桃花夾

兩岸

四井亭

日涉對芳辰遠景當窻出亦有素心人頻來問

奇字

六合亭

納納乾坤大江邊一草亭亭中時徙倚面而笑

容膝軒

一榻南窓下浮生本易安從來寄傲者蕭散簾門窻

觀稼軒

春日正明農春聲多布穀田家亦何心但願歲大熟

西園詩集 卷之十一

借山亭

尺尺見青山悠然亦堪取醉來一浩歌誰是青

懷二山人有序

一明山人劉元綱家黃蓬山下貧好讀書省大旨口人閒語成吟吟苦不工性最剛

每被酒輒狂詈又流涕其先人嘗友空山陳紀紀詩工山人曰彼巧我寧拙其信心若此一狂山人黃國增者廬陵人類遊俠

家下河亦喜吟不避尊貴又病脚苦所終

以肩輿行日胸能掉舌解忿忿以爭遠獄

草亭袁州牧憐而脫之予曰慎哉保爾軀

山人唯唯謝白子友此西人也能抒予意

嘗欲鞭兩入于雅乃兩人年七十髮星齒

戮不能也一日大醉長安市中如對酒

展然成話旋筆之亦真矣

出山向青雲君在青山住石尤慘朔風吹斷雲

山路

西園詩集

卷之十一

四一

其二

君有銀龍劍寒光匣中吼不能享千金無乃同

敵

其三

江上采芙蓉與君共秋暮西風花正開江岸何

如故

其四

當年秉燭遊醺酒仍大白首猶如新月明肝

膽照

其五

自從別實交相限兄雲雨一諾笑千金那知交  
如土

其六

長安有狹斜行路悠悠者明月落柴扉夜深爲  
誰打

戊辰除夕同王觀生進士包元夫計曹蕭  
文明比部守歲因誦一年將盡夜萬里未  
歸人之句占賦十韻漏下四鼓矣

西園詩集 卷七上

五

旅館對青燈感慨情非一招得幾同心真如膠  
與漆

其二

小兒雛齔歲大兒坐長筵向我說思家離家經  
四年

其三

青山與白髮春意兩相將那得如春信今宵到  
草堂

其四

春風逐曉來寒氣隨更盡兄弟有椒觴誰共  
闌建

其五

歲歲長安夜悠悠我心惜兒女總牽思無緣卜  
婚嫁

其六

鄉心如車輪一轉還千萬有客慰蕭條斗酒頻  
相勸

其七

西園詩集 卷七上

六

本爲金石交鳴珂仍帝里忽聞長樂鐘珊瑚珮  
相倚

其八

獸炭爐中紅鳳團內沸最苦草玄心甘泉賦  
猶未

其九

徙倚在江閣游子胡不歸江梅千萬樹明日動  
春暉

其十

不是故鄉酒還是故鄉人平生寸心在不與歲  
華新

題郭山人次甫遊囊雜詠六首

五嶽真形圖

披玩走風雷精光常不夜佩爾隨所之何須畢  
婚嫁

杖

愛爾綠玉杖名山處處登誰言萬里路非此九  
節藤

南園詩集

卷之十一

七

衲

來往蕭寺中談經猿鶴聽飄零水田衣多是高  
僧贈

瓢

護落飲一瓢絕粒色不愠西風歷歷聲吹動箕  
山隱

鋤

芳草正萋萋芝蘭在何處焦山可竝畊與爾荷  
鋤去

觚

世上觚不觚古物君胡有不忍獨爲醒且酌如  
淮酒

七言絕句

舟中別袁先生之黃州

一麾出守漢江涯又向齊安覓去槎君讀古來  
才子傳賈生猶得到長沙

其二

山川相峙憶周郎赤壁當年此戰場下馬若還

南園詩集

卷之十一

八

詢故車朝圖蕭索對斜陽

其三

東山月出最良宵學士風流久寂寥此去扣舷  
歌窈窕臨臯有客爲吹簫

其四

幾坐春風燕吐泥臨岐回首遠山低愁心亦似  
天邊月曾照龍標到五溪

其五

片帆明日下黃州秋水芙蓉引白鷗況是郎官

湖上過僊才李白又重遊

其六

縹緲孤城日欲曛  
離亭鴻鴈不堪聞  
逢人莫漫題鸚鵡  
只恐曹家更妬君

其七

殷勤莫問夜何其  
水上涼雲落酒卮  
回首漢津橋畔  
柳行人如見峴山碑

其八

使風遙度水邊村  
竹徑花溪共一樽  
後夜獨占

南園詩集

卷五

九

霄漢裏德星何日聚江門

其九

百花吹散紫微繁  
霞色偏從雨後翻  
九十春光看不盡  
還留十日醉平原

蘇門早春

簷毛忽吹柳條青  
古木森森一草亭  
何事梁間新燕子  
啼泥偏濕太玄經

戲東成山人仁卿

茂陵新聘寵何深  
空憶閨中折寸心  
近日衡陽

有書到文君曾寄白頭吟

聞怨十首

曉起初粧望帝城  
游絲百丈總關情  
夜來恰夢遼西路  
枝上黃鶯已數聲

其二

春光隱隱向人宜  
記得行時斷屢屢  
聞道封侯盟久定  
凱歌只在遠山吹

其三

柳柳含芳欲弄輝  
東風一夜點衣飛  
階前亦是

南園詩集

卷五

十一

宜男草不見王孫此際歸

其四

采蓮曾逐蕩舟風  
水簾銀床臥閣東  
夫壻倘歸江雨後  
花容那得舊時紅

其五

鬱金香氣襲羅裳  
團扇飄搖語自商  
若待夜鳥啼樹杪  
傷心何但九迴腸

其六

一望銀河倒欲流  
良人何日大刀頭  
翻驚天上

多奇事牛女年年會亦稠

其七

芙蓉刺繡幾迴停閒對流螢繞畫屏  
愛我最憐窗外月清輝夜夜可中庭

其八

昨擣寒衣寄遠封聊將纖手自裁縫  
誰知屋裏寒猶在夜半挑燈聽暮鐘

其九

長空飛雪點梅粧爐火烟銷夜未央  
試把秦箏彈豔曲不堪空被錦鴛鴦

其十

寒山一出采蘿蕪纖素曾餘五丈無  
我欲因之寄遠道莫緣留戀酒家胡

送包元夫大行使楚八首

分茅忽擁千官侍承詔仍聞五夜香  
却憶甘泉同獻賦至今春色醉長楊

其二

金莖此夕南州榻銀漢明朝北斗槎  
一自西窗

憐世態不堪去住又天涯

其三

珂聲曉漏燭三殿劍氣高歌失五陵  
莫向王門停驂馬樽中還有酒如澆

其四

晴雲已駕仙人鶴郢雪曾飛帝子龍  
天遣此行仍歷覽錦袍江上映芙蓉

其五

博望西來曾辨石臨邛當日已題橋  
君行笑指青山去多少鶯花逐使輶

其六

湖海頻年仍戰伐中原此日盡誅求  
采風若上江樓望木葉潮聲動客愁

其七

論交正好留明月分手俄驚隔暮雲  
到日衡山有光彩憐予莫遣雅圭文

其八

片片百花飛滿路迢迢五月雨隨車  
相思不盡



離歌意腸斷秋鴻一紙書

送曾以三督學關中十首

耿耿文星落鴈峰  
劒書衝雪又三冬  
含毫後夜知誰和  
郢曲曾同漢署鍾

其二

紫氣西浮返照餘  
兩關此去一停車  
談經正喜逢多士  
不似當年強著書

其三

華嶽岩峽俯八垓  
真源白帝接天開  
杖藜倘過

蒲園詩集

卷之十一

十一

仙人掌早寄芙蓉  
露一杯

其四

寨帷北望塞雲深  
草檄空餘有片心  
金甲盡銷供紙價  
馬牛原不在桃林

其五

周鼎飄零沒舊都  
秦邊曾意起仙符  
儒臣若采中興瑞  
水上還餘金氣無

其六

漢家宮闕栢梁臺  
千載猶憐作賦才  
匹馬夕陽

仍吊古七陵風雨自西來

其七

五城中有水蘭香  
滿地苔光照楚裳  
日暮雲飛秦樹渺  
詞人纔過輞川莊

其八

漢陂吹浪蕩秦華  
子美臨流賦落花  
到日羣龍趨擊鼓  
好奇誰復似岑家

其九

滾滾黃河天上懸  
濤聲時落講筵邊  
中原壁馬

蒲園詩集

卷之十一

十四

郁沉盡爲訪羣才  
一濟川

其十

風流儒雅羨文輿  
曉度秦關百二餘  
天外鳴鴻好緘字  
故人飄泊正躊躇

與歸長典熙甫夜話五首

當年共醉漢宮春  
此夜論心酒數巡  
只說太湖清可愛  
詞人原不問通津

其二

禹穴曾探亦壯遊  
飛鳧遙自海中洲  
向來握別

相思苦夢繞蒼溪一葉舟

其三

司空坦上有神樓海內才名半屬劉身後憐才  
得賢令遺書那俟漢廷求席間話及南坦尚書子與北都

其四

吳越新詩羨偉長尺書昨寄兩三行齋中倘下  
留徐榻爲道懷人夜未央

其五

山斗文章動一時九齡作宰最相知對君此日

西園詩集 卷之五

延陵感掛劍何年慰爾思古卿張文隱公輒稱無甫

酬陳子壽解元下第南歸八首

劍書無計爲君留下馬逢人只敝裘芳草亦憐

鸚鵡賦江流回首十經秋

其二

雙闌歸去喜承顏何物關心淚欲潛不見漢廷  
疲執戟白雲腸斷大行山

其三

黃金搖指昔人臺更說君上集上才怪爾諫書

懷袖去悲風獵獵自天來

其四

投我新詩字字豪夜深秉燭共持螯酒酣爲問  
三都賦還令長安紙價高

其五

南渡黃河一葉舟暮春花柳亂汀洲思君恰似  
黃河水軋軋鴉聲九曲流

其六

送君驅馬出東郊楊柳鶯聲乳燕巢不是薦雄

西園詩集 卷之五

無所以草玄吾亦避人嘲

其七

郢里樓臺一望斜少年歌舞在盧家楚騷莫向

江潭詠落日蘅蘭已著花

其八

司馬城南一草堂知君十載尚淪浪問奇重過  
林間語鷓鴣鳥驚聞季子狂

送倫紹周守柳州十首

五色驂騑出帝京江潭南去不勝情兒童亦喜

朱旆近珍重平生白壁名

其二

才名少日丑羊城十載風塵縶綬榮獨憶尊前  
舊時月夜深還向棘林明

其三

百粵山川接九疑江頭楊柳盡垂絲文章別後  
成何似爲吊當年子厚祠

其四

惆悵黃金駿馬臺漢廷執戟子雲才相思後夜

西園詩集

八卷之一

十七

談天客那得同心一語來

其五

蕭戟森森照錦裾春深鶯轉建章初寒帷到處  
堪題詠鴈過衡陽好寄書

其六

臥閣遙看即故鄉酒醒渾是鬱金香故人亦有  
關山夢清夜迢迢度石羊

其七

朝朝鳴珮禁城鐘一別青山幾萬重記得昔時

風雪夜彩毫飛動酒卮濃

其八

海上樓船入望孤憐君手握玉麟符文光萬丈  
魚龍避明月爭傳合浦珠

其九

莫向炎方嘆鄙夷循良事事總堪奇去思一片  
江心石射影蛟涎不敢窺

其十

幾回憂思爲蒼生嶺表經年未罷兵刀劍好供

西園詩集

八卷之二

十八

牛犢價使君何用請長纓

送李元甫太史歸省十首

賦就爭憐白也豪金鑾回首殿庭高逢人若問  
君王賜猶有燭煙在錦袍

其二

蜀山萬點一星軺羨爾今過萬里橋後夜彩毫  
飛動處百花潭水任飄飄

其三

天祿青藜夜校書春深何事宕山廬檐帷正過

臨邛里不羨相如駟馬車

其四

一日高名四海同  
臚聲遙在五雲中  
鼎衡自是它年事  
記得談天碣石宮

其五

聞道平津閣正開  
風流誰不御仙才  
飄零別後同心客  
愁上黃金百尺臺

其六

才名少日擬童烏  
虎觀玄經竟有無  
歸去子雲

西園詩集

卷之十一

十九

臺尚在西風落日采薜蘿

其七

宮錦翩翩下紫微  
曲江當日共庭闈  
尊前倘話十年舊  
游子傷心繞釣磯

其八

四月風帆度曉天  
萬山啼鳥更鳴蟬  
歸寧莫有便高枕  
日影將過學士甄

其九

春色含毫共品題  
臨岐芳草又東西  
竹寒沙碧

青山夢不覺迢迢到浣溪

其十

一自論文有舊盟  
漢宮千樹聽啼鶯  
玉溝亦是桃花水  
恰似當年送別情

左寺有西春亭芍藥盛開可愛約朱伍二司務金張王盧杜錢蕭陳諸廷評賞焉走

筆賦之

湖海論文此最親  
飛觴那肯負花神  
錦心翠葉真堪愛  
似待金莖玉露新

西園詩集

卷之十一

二十

其二

山色西來雨乍晴  
舞歌紅豔不勝情  
醉來欲把花王品  
千載還應借爾名

唐人以牡丹爲木芍藥

其三

咫尺瑤臺即漢宮  
莫言茲地後春風  
芙蓉亦是昭陽色  
羨爾猶能近日紅

其四

紅藥當皆態亦奇  
幾年尊酒對芳姿  
飄零後夜東風感  
始信花名作可離

又名芍藥爲可離花

送雷郎中育卿南歸六首

芳草春來嘆不歸，朱明長日百花飛。  
仙輶一去渾千里，夜半何人再叩扉。

其二

別去情思待爾舒，寒江風雨一裁書。  
相逢莫謂憐才薄，後夜君王問子虛。

其三

故人江上買青山，玄草翩翩取次刪。  
三峽溪聲新水亂，浩歌聊得弄潺湲。

南園詩集

卷之二

十一

其四

昔藏二酉鄴侯家，新築茅齋似浣花。  
車馬不知何日到，只憑清夢繞章華。

其五

湘雲一望楚天高，十載交情對濁醪。  
聖主中興堪啓事，憑君爲我問山濤。

其六

六月江流雨後平，論交當日愛丘明。  
君歸倘見三都賦，寥落天涯憶舊盟。

後二一首兼懷王少方左兩泉

與白彭子以詩謁余見扇上鄭虔舟山人

詩書贈二首兼懷山人

叩戶何緣有客奇，坐中玄論解人頤。  
江南明月珠千顆，散作青山白雪詞。

其二

傾蓋相逢意自親，剡花光動爲誰新。  
煙霞處處憐同調，谷口令人憶子真。

得張山人懋復大梁書兼惠左舜齊詩刻  
却寄

南園詩集

卷之二

十一

南向王門又曳裾，黃河十月有雙魚。  
知君亦是鄒枚侶，雪夜含毫更孰如。

其二

一書遙自大河來，萬顆明珠對月開。  
讀罷三都星亂落，令人長憶太冲才。

送費參軍之南都

萬里憐君足壯遊，木蘭搖曳白蘋洲。  
維梢處處登臨興，岸上青山總是秋。

其二

相送孤舟一葉輕西風吹動石頭城悲秋况有  
同心別愁聽寒江落木聲

沙鎮別堪姬

祇書使者問加餐兩岸清霜入鬢寒獨憶庭前  
今夜月倚闌清影共誰看

其二

九月乘船欲問津臨岐載酒倍情親却憐兄弟  
登高處依舊樓頭少一人

其三

東風吹送采蓮聲曲裏分明太守行但願使君  
清若水江淮萬里好長征

其四

岸頭燈火采魚蝦湖上蕭蕭水作家別汝推蓬  
頻四顧客星深夜傍孤槎

漂母祠

荒苔古廟偶經過莫說淮陰俠少多一自弓藏  
高鳥後感恩寧復羨蕭何

其二

風塵誰識漢廷才漂絮當年舊有臺萬戶也應  
同一飯王孫何事不堪哀

其三

落日孤城擁幕潮千秋燈火共蕭蕭英雄未遇  
何須問烟水西連黃石橋

送徐惟得赴召兼寄所知

送君十里艾荷香光寵翩翩入未央後夜定應  
懷往事豐碑遙在水雲鄉

其二

宮闈歲晚碧漢浮玉珂鳴處侍宸旒金莖一望  
仙人露掌上芙蓉總是秋

其三

江楓漁火聽潮聲水滌年年是楚城錫宴倘承  
明主問海濱那得急逋征

其四

清宵風雨幾高談今日臨岐酒正酣回首故人  
俱禁闥鴈飛還得到淮南

二酉園詩集卷之十一

三西園詩集卷之十二

沔陽陳文燭玉叔著

七言絕句

舟中別劉職方赴南都

叢桂俄驚碧樹秋故人揮手一扁舟  
登臨定有鍾山興愁見長淮天際流

別王司理之常德

吏散山城日欲斜武陵溪上是僊家  
知君不謂湘潭濕洞口行春片片花

西園詩集 卷之十二

送文燈弟還沔

偶來風雨一連床夜夜鄉心舊草堂  
明日片帆江上去新詩還似橐中裝

贈雷子

腰間寶劍作龍吟多少悠悠行路心  
漂母祠前飯壘君原不在千金

送慎卿叔還沔

片帆明日大江東尊酒殷勤惜別中  
若問天涯孤宦意庭前雙鶴唳清風

童子鳴山人東岱之作復游衡山

新濤六月使人驚東下黃河路幾程  
只說大夫松自好何須風雨辨秦聲

其二

故人一別忽經年孤調翩翩亦可憐  
我有草堂連赤館鄉心隨爾下晴川

其三

多病相逢白髮侵大隄風日好追尋  
浩然家在襄陽曲千古登臨淚滿襟

西園詩集 卷之十二

過采石懷李元甫李本寧二內翰

片帆遙向大江開采石濤聲萬馬來  
宮錦正憐當日事明廷今有謫僊才

送曾以三巡撫川中

遙聞幕府接天開秋色寒濤亦壯哉  
不是梁山多積雪高歌原自郢中來

其二

雙旌渺渺卽雲霓望斷江清見石犀  
莫訝蒼生偏有待飛鳬當日下南溪

其三

萬卷圖書一葉輕芙蓉秋映錦官城三秦多少  
門牆客此去仍兼化蜀名

其四

懸崖風雨幾飄零絕險曾聞劒閣銘掃石知君  
重勒字萬山都向馬頭青

其五

作賦千秋有馬卿夜郎今日罷談兵高牙蔽目  
驚魚鳥不聽琴臺鼓曲聲

西園詩集 卷之十二

三

其六

古木寒林路易煙子雲亭在經生塵草玄自是  
孤標事爲訪當年問字人

其七

錦水橋頭舊置堂登臨詩思爾何長紅蕖翠竹  
真堪醉渾似襄陽老杜狂

其八

畫輪西擁若登僊石棧丹梯勢更連豺虎當關  
俱遠避扁舟月坐青天

其九

中原開府重君恩叩闕陳書慰倚門開道郢中  
僊吏好白頭重賦莫愁村

其十

一別臨風望羽翰故人音問自長安今行魚鴈  
翻成遠傲吏空嗟蜀道難

醉書

汲公會得此懷無盤礴時携酒一壺莫謂如淮  
多勝賞夢中還乞步兵厨

西園詩集 卷之十二

四

送梁二舍人還朝兼寄黎惟敬秘書

故人別後幾相聞此去鳴珂共五雲今日漢庭  
逢聖主不知曾見子虛文

淮河舟中別和叔兄

登高重九悵神京只爲天涯弟與兄今日維舟  
過遠浦不堪鴻鴈雨中聲

其二

蕭蕭楓葉是秋懷回首連床在郡齋莫謂茲行  
渾浪跡馬遷文字本江淮



贈張羽王

美人何事在淮陽左宦當年亦遠荒  
待琵琶

聽新曲坐中無語自沾裳

贈沈嘉則

到處青山入錦囊尊前劒氣動光芒  
樵陽太守

憐才者記得長安說沈郎

贈孫兆孺

十載相逢鬢欲霜夜深風雨共禪床  
淮陽叢桂

堪招隱莫問他鄉與故鄉

西園詩集

卷之十一

五

廣陵舟中送胡原荆侍御南歸兼寄王承

甫山人四絕

疏迢迢出帝畿西風吹動逐臣衣  
臨岐多少

憂時意只恐從今諫草稀

其二

回看新朝萬里程片帆風雨下孤城  
尊前莫話

江都事不似當年出董生

其三

十年三策獻明光金匱于今有諫章  
何事紉蘭

續哀調春風無限聖恩長

其四

送君江上一沾巾天外風塵拂去輪  
自惜夜郎

詞賦好山中況有和歌人

吳山人惟一偶過

高人何事到庭除秋雨涼風竹葉疎  
不是陳蕃

能下榻郡齋那得右軍書

雲凌圖爲黃汝會典客題

高人卜築遠塵氛風雨臨池學右軍  
最是墨花

西園詩集

卷之十一

六

飛動處峰頭時見萬重雲

讀家大人寄示詩但願汝爲清白吏  
他年

歸只載圖書敬賦

天涯游子幾經秋淮水年年到郡樓  
自是清貧

原不厭岑參當日教南州

其二

新詩學罷不勝情日日看雲水際生  
後夜圖書

船正泊瀟湘原照米家清

酬別江都林王襲三博士吳陸秀才

詞賦相逢思獨饒  
扁舟夜泊廣陵潮  
天涯此去誰同調  
明月常懸楊子橋

招焦山郭次甫

夫人卜築在青山  
風雨蕭蕭自閉關  
我有淮南叢桂樹  
遲君來往弄潺湲

題舊主人明妃圖

風沙隱隱白登城  
胡井窺顏似鏡明  
縱在漢宮無一面  
枕邊還聽轆轤聲

宿五龍宮讀壁上顧山人李狂之作因次

其韻兼懷李狂

七

絕頂空臨興未央  
峩峩到此夜焚香  
亦知帝子隨龍去  
蘿月松煙尚滿床

其二

深洞幽巖迥若秋  
山人原自好居樓  
興來獨上高頭望  
海外空傳有十洲

其三

白雲宮闕紫霞光  
夢醒猶憐逸興長  
忽聽玉簫來枕上  
縱山莫不有倦郎

其四

明月寒星碧樹浮  
五雲回首帝王州  
憶之滿壁滄洲趣  
赤日青天江海流

司務李吏部言久游楚中戲占二絕

郢樹荆門接暮天  
浩歌曾上楚江船  
秋來我有鱸魚思  
莫說南塘縮項鱸

其二

白也曾携酒一壺  
郎官千載是佳湖  
憐君雪夜翻來興  
還似當年煙水無

寄懷四叔時官黎平

昔書南望暮雲低  
官舍蕭蕭對五溪  
衡鵠春來飛又盡  
不知曾過夜郎西

九月八日飲王伯生兩松書屋出乃弟司

理觀生寄方金州子及詩卷酒醒投贈兼

懷二君

雨後清尊對月開  
虬龍蒼翠自高臺  
素頭時作黃庭字  
不信將軍武庫才

其二

匣裏風鳴一劍孤  
檢書燒燭更投壺  
夜深大醉  
渾忘去原是高陽舊酒徒

其三

讀罷新詩正倚闌  
談天碣石珮珊珊  
明朝又是  
龍山會萬里懷人此夕寒

其四

醉把茱萸夜共分  
君家兄弟總能文  
長安尺素  
何曾達南粵遙瞻日暮雲

空山陳山人訪余詩以別之兼懷匡南王

西園詩集

卷五

九

孫

扁舟一葉到柴扉  
新水竿頭鰕正肥  
後夜不知  
何處泊清聲寒動薜蘿衣

其二

聞道王孫雅好文  
尺書千里見清芬  
寸心欲寄  
匡山道日暮遙瞻雨浦雲

謁楊忠愍祠

當年諫草滿長安  
何意君恩死後看  
西望大江  
空落日朔風易水迥生寒

嘉州懷傅表叔尚書公及家大人按察公  
名山此處好登臨  
何事鄉心更不禁  
記得上林  
秋雨夜弟兄詩思愛岑參

嘉定尋郭璞爾雅堂

寶塔雕梁上挿天  
達人曾此著書年  
平生亦有  
江海筆五色常遊不爾還

過鹽亭讀文與可竹詩感懷

琳瑯揮灑尚班班  
學士當年此閉關  
試問風流  
誰得似萬竿烟雨在山間

二南詩集

卷五

得先恭人誥軸夜夢感賦

五色龍命下承明  
夢裏相逢覺又驚  
安得大家  
還逐子綺思晴日賦西征

崇慶七夕

雙星夜半度天門  
旅況經年不可論  
應憶君平  
舊遊地乘槎何處問河源

眉州中秋

青山雨後倍生寒  
游子心情太懶殘  
二十年來  
今夜月幾年曾共故園看

待方子及書兼懷李元甫李本寧

北窗秦關夢屢移故人緘字慰相思千山獨夜  
無知已莫問夔州以後詩

立春

濯錦橋邊芳草綠芙蓉城上白雲屯客星不及  
春光好一夜春風到故園

待陳元忠脩撰論詩書却寄

詞林尺素幾相將萬顆明珠到草堂一自杜陵  
題詠後千秋誰復似襄陽

西園詩集

卷之十一

十一

劉梁尚賢大參王元德僉憲

錦屏山色到杯中清江萬里不窮莫向天涯  
惜沉醉眼前歡喜盡東風

劉州詩集 先生憶家大人庚戌榜中

多文久忘年交不穀歡借爲存沒口號

几十二章

揮毫把酒又逢秋佳麗山川自閬州今日上林  
誰狗監白雲空抱讀書樓

徐子與方伯

聲譽斗山垂煙水匡廬正賦詩回晉濟南

人已遠風流當日會偏奇

往公約余與于鱗晤謂爲千秋奇事

吳明卿大參

蜀江壘斷武昌魚歸去閒情好著書試問吹臺  
詞賦客幾人憔悴不三問

時公歸自大梁

張肖甫中丞

咫尺精廬嘆索居渝州鴻鴈未曾疎中興堪借  
文章色七子遭逢總不如

余德甫憲副

西園詩集

卷之十二

十二

懸榻高風迥絕塵芙蓉江上思偏新雙龍劍氣  
千牛斗何待林間畫一人

公近居家片林下一人圖

徐叔明中丞

江夏城書思不勝從來振藻是徐陵南陽荆楚  
甘棠地春堂高樓尚可憑

陳晦伯憲副

讀盡人間未見書曾于淮海借吹噓別來欲問  
元龍卧汝水天中一草廬

董原漢侍郎

屈指頻思請劍年明廷三傑許誰先莫言四海  
蒼生望感舊會爲定太玄公曾序刻家君見南文選

高宗伯長史

高適詩篇海外宗漢宮何事不相容獨憐遺草  
寒江上一日聲名達九重言官跡公鴻猷錄可備國史

魏順甫憲副

歸來蕭瑟正悲哉奄忽颺塵更可哀昨夜獨看  
元美傳楚書真是馬班才

宗子相督學

三百國詩集 卷之十一

一爲麟鳳卽空群海外爭傳五色文憶昔高郵

湖上過楚夢投處不堪聞

梁公實比部

羅浮山色總稱奇採藥丹成何所之最是年年  
春草色誦君高調一含悽公酬家君有芳草姜妻春已過送春更有

新詩

寄懷蕭文明憲副

故鄉故人懷故宴相思相望難相逢片帆雪浪  
九江水一夜月明五老峰

浣花溪別妙琴上人

青郊偶過贊公房愛爾揮毫墨數行回看百花  
潭上水莫將題詠比襄陽

別張肖甫中丞用原韻

大江東去卽雲安呼酒寧歌行路難意氣何人  
能感舊幾回書詢鹿皮冠

其二

碣石談天幾會同十年消息素書中艱危瀕仕  
忠良日多少蒼生屬望公

三百國詩集 卷之十一

其三

自甘渝州一小都舟人指點說兵符登臨不盡  
懷君意江月山樓似畫圖

其四

海內文章七子工翩翩高調振雄風丈人才力  
尤奇健豈少青神塞上功

其五

南荒天盡有名花當日張騫問去槎化蜀尚慚  
滇海教古來王馬幾名家

其六

勦閣曾題大雅名臨岐回首獨含情若將別意  
同流水千尺寒潭也自輕

其七

子雲亭謝跡偏奇心事寥寥爾自知不信高山  
同調少眼前能有幾峨嵋

其八

錦城桃李正芳菲片片飛來點客衣正好青春  
差作伴鳥聲頻喚不如歸

南園詩集

卷之三

五

其九

城頭渝水即滄浪投我明珠燦夜光綵筆異時  
子氣象銅梁山閣灤西堂

其十

作賦中原幾大夫可堪淪落半江湖風波是處  
瞿塘峽別後相思夢亦孤

射洪聞郭篤周代余

燈前故人有春信講堂諸生日堪進我愧唐家  
陳子昂君是當年郭元振元振子昂俱射洪人

歸州別郭篤周學使自楚轉蜀

携來蜀酒楚江樓屈宋荒祠落日浮醉後我歸  
君又去不堪回首各并州

別方山人仲美時余入淮

吳楚悠悠去路長浮生何處不他鄉天邊明月  
滿同調夜夜清光到酒觴

送壁兒應試

汝問扁舟向郢城我從淮海舊時行四方亦是  
男兒事愁見湘雲馬首生

南園詩集

卷之三

六

淮上酬郭山人

夢門一去幾經春淮水蕭蕭對故人四望不堪  
饒涕淚寒風吹動白綸巾

送王國賢太守之鳳翔

蕭瑟西風夜有霜故人尊酒話偏長臨岐若問  
飛揚意千仞山頭下鳳凰

走筆答王國賢使君

片帆疎雨大江流聞爾東歸亦放舟咫尺同心  
稀見面斷鴻飄葉不勝愁

夢與太和不二峨眉燈游南海口占寄

之兼訂後約

杖藜昔過牛心寺鐘磬頻聞虎耳巖何意兩僧  
飛錫遠寒濤明月下孤帆

道中寄張先生時尹新安

怪來岐路與心違裁罷音書又落暉聞道河陽  
花正好門牆桃李愧芳菲

舟中

衛河一枕夜歸家瓊樹樓臺倍有華但使夢魂

南園詩集

卷之五

七

常不斷那知秋色在天涯

午日同郭次甫泛寶應湖

何處瀟湘競渡船湖中煙水接江天憐君亦有  
青蓮調馬上鶯聲過白田

七夕夢成

江南薊北往猶還天上人間總一般安夢不離  
楊子渡人傳郎過鉢池山

得蕭凌漢威遠書却寄

三巴岐路夢偏賒得爾音書感歲華製錦從來

歸老手錦江饒笑不因花

哭伯兄光祿十首

見南江閣幾談詩杖履相從自解頤五十四年  
渾一夢倚門長日總相思

其二

米家書盡子雲床慟絕人琴亦竟亡若使夜臺  
逢李白酒盟詩社好相將

其三

浮生踪跡竟沉淪光祿俄傳龍命新正好連床  
風雨夜那知風雨獨傷神

南園詩集

卷之五

十

其四

少年兄弟共殷勤老去那看忽斷分縱使綸巾  
終下世羞爲張敏責頭文

其五

百計無能贖此身向來尊酒幾逡巡傷心不但  
茱萸會處處登臨少一人

其六

幾回清夢見音容醒後愁聞夜半鐘偶到聚星

樓上望青霄百尺是元龍

其七

出山小草總微官得爾音書強自離今日里門  
誰共被不須風雪也生寒

其八

高論懸河在眼前中秋明月幾回圓大人正結  
耆英會長憾泉臺不少延

其九

平生愛客數啣杯坐上親朋亦盡哀爭道元方

西園詩集

卷之五

九

君不忝有兒真是長文才

其十

春間送我到長亭獨有同胞眼倍青此去揚舲  
江上過西風鴈影已飄零

齊山三奇亭呈王觀生太守

振衣游遍萬峰青坐見銀河倒列星况遇風流  
賢太守醒翁巖是醉翁亭

彭澤夜泊寄王敬美四絕

振衣直上小孤祠四望令人有所思處處岡巒

多氣色也應新著使君詩

其二

扁舟一繫在天涯淮海茫茫路更賒萬壑濤聲  
吹不盡恍疑當日聽琵琶

其三

大江一派是潯陽小艇沽來酒正香明日乘風  
過采石不知何處覓王郎

其四

匡廬得爾總閒煩忘却雲霄有賜環縱使陶潛

西園詩集

卷之五

十

歸去好何如長日坐青山

揚州別郭次甫

鳳凰橋頭夜沽酒笑指三山在京口醉裏歌聲  
雜雨聲橋下魚龍應聽否

夜宿焦山偶誦黎平叔舊作次懷

三山佳麗使人驚飛夢何緣只楚衡最愛山間  
萬竿竹夜深吹盡阮林清

黃汝會典客以詩過訪

蘭橈何事到成洲客舍相逢話舊遊萬里幾牽



巫峽夢一尊令醉廣陵樓

其二

參差楊柳弄輕煙鳥語鶯聲雜管絃正好明朝  
脩禊事風流君是永和賢

芝林曲十首爲潘公賦

上公曳履在朝班回簪家園夢寐間一自乘雲  
觀八極當年芝草似蒼山

其二

雪水蒼溪曲徑過和風甘露振朱柯茹芝正是

西園詩集

入卷之五

主一

延年者不詠商山落日歌

其三

的的蟠龍繞砌明貫珠雲母卽蓬瀛洛神最愛  
遊玄圃故遺瑤華一夜生

其四

卜築幽棲近赤城木芝霞色使人驚黃金燁燁  
含三秀紫蓋亭亭自六英

其五

橘刺藤梢一草堂層臺靈草畫煌煌從來潘嶽

才如海多映文章五色光

其六

雲房飛閣白玲瓏石菌流英指顧中堪笑採芝  
歌世遠唐虞今在大明宮

其七

滄海清淮一日同治平原借大司空階前芝吐  
雙麟色應兆麒麟第一功

其八

神草遙從海上移澹雲疎雨色偏奇誰言三島

西園詩集

入卷之五

主一

十洲外始有扶桑朵朵芝

其九

帶礪河山儼若僊昆山今日是瓊田療饑好慰  
蒼生望四海謳歌大有年

其十

粲粲瑩光照盡圖醉來無數碧珊瑚延英殿裏  
歌芝玉曾似名園滿地無

洞庭山上方寺惠雨和尚訪余金山時將

入楚

縹緲曾聞第一峰法輪今見振孤蹤平生心向  
迴初地何日姑蘇夜半鐘

其二

明月當空錫杖停石門風磴一談經它時青草  
湖邊過始信人間兩洞庭

上元別曾司空

主人勸客莫先起真州何得尚書履燈火今宵  
酒一尊明日江淮數千里

江上送曾司空

西園詩集

八卷之上

五

日出三竿彩鷁輕春風弱柳送君情無端正有  
雲泥感楊子橋頭鳥數聲

會三甫尚書惠余商鼎

十襲遺來見爾情玉璫金鉉不知名調羹自是  
君家事獨喜江淮寶氣明

吳孝甫山人惠余古劍

意氣翩翩得爾雄腰間秋色倚長空偶來一醉  
壚頭酒贈我寒生七晉風

金山寺送鄧汝時文學北游二晉

楊柳垂絲酒一尊壯游從此半乾坤妙高臺上  
重相憶月到江心水到門

其二

蕭寺潮聲入夜聞明朝踪跡大江分莫言湖海  
成淪落宮闕參差見五雲

與劉山人一明話黃蘗山水之勝

吾家世住雲夢澤黃蘗之山纔咫尺愛山與爾  
真同癖

其二

西園詩集

八卷之上

五

聞爾山間數椽屋夜深鐘磬自靈福觀白髮狂  
歌友麋鹿

其三

我欲買山誰作券岡巒隱見牽瓜蔓湖邊濁酒  
君須勸

其四

湖上看山山欲墜山頭望湖湖滿地參天古木  
崇鳴寺

此君亭往年先公命賦

閑亭抱膝任長哦脩竹森森影漸過莫怪主人貪看竹東風滿地落花多

其二

吾家塢上幾高風太液池邊竹有宗醉後拂衣青白染祇緣人在萬竿中

其三

當年戎馬薊門屯竹樹歸田是主恩獨憶天涯游子遠林間夜夜長兒孫

其四

朱樓蒼玉總堪圖受客時携酒一壺他日短韻還作扶漢廷趨召好相扶

題龍宅雙鳳圖

威鳳鵷雛見羽翎求鳳何意下吾庭九苞自是文章色不似當年孔雀屏

送壁兒應試

汝去題橋姓字雄榜花高掛武昌東人間麟鳳原呈瑞定在皇家結網中

別郭之翰畫史兼憶故人成仁卿

煙雲一掃五湖秋新水桃花間去舟莫說西陵舊詞客笛聲寥亮到江樓

送童起伯翼伯應試

楚江雪浪起新濤袖裏常携五色毫送奏填虎人共賞道重賦鬱輪袍

覽沈滄君學士所畫墨竹破賦四首呈仲

化宗伯

脩脩四壁畫生寒因有煙雲拂萬竿一自鳳鸞鳴世好主恩會到竹皮冠

其二

當年染翰畫堂間一畫墨尚浮今日此君如對面風塵吾亦是王猷

其三

彩筆翩翩滿玉堂林間無意寫簫簫畫家與可名應並不說先朝夏太常

其四

懷人心思共悠悠竹滿空齋月滿樓案上許多青玉在蕭湘風雨不勝秋先按蔡公有竹賦

送吳山人叔嘉東遊

飛花片片酒卮濃十載相逢忽去蹤若箇名山  
好終老請君先到丈人峰

京口懷家兄明叔

纔說蘇杭幾處遊幾時音信過瓜洲五湖春水  
如天萬古少陶朱一葉舟

別鮑保之

西風送爾到寒門片片梧桐落酒尊最是天涯  
明月好幾迴清夢莫愁村

二酉園集

卷之十二

終

兼葭館校梓

二酉園集序

二酉園集序

君善從玉叔受室館于

其與室多藏書諸玉叔所稱著

具在君善卒業篋而之新都于

時白榆社成挾策而抵不佞吾

舅早服重積無慮百千萬言或

以時錯綜或以地區別故必齊

其體要而後可觀其會通合則

千金之裘離則一狐之腋也其或

卒然汎應殆非極思哀而定之

則惟長者郡大夫故自山陽事

玉叔申之以司理之言具精鳩

工以待從事不佞習王叔蓋三  
世通家往得王叔所為文嘗與  
元美中分序之矣乃今受命守  
相其何敢方則自社中召兩生  
授之部署其一潘之恒職編次  
其一黃正祖職校讐不朞月告

二酉園集序

二

成王叔進闕方伯我

國家再造縣寓才宜無讓虞周  
顧惟二三君子代興睦乎漢兩  
司馬之後幼學則困經術丁年  
而仕則困程書爰及倦勤困於  
自廢雖有餘力畢謝未遑其志

不專則其力不競固其所也其  
間作者無寧躍冶而必為干將  
無亦歐冶儲精有其質矣要以  
天地人之助則其淬礪者居多  
世類本諸天名山大川般諸地  
麗澤取諸人兼此三者故全也

二酉園集序

三

郭錫

夫弓冶箕裘言世業也王叔父  
憲卿而子立甫通以公車起家  
作述相承炳焉經世之業殆猶  
殷帝之三寶直之無前媿在武  
陵則雌雄之匹也天作之合其  
在斯乎自昔多材宜莫如楚左

史左徒而下郢中猶有遺音玉  
叔生漢陰三湘七澤之靈管是  
矣其稱詩自舞勺始業已有聲  
年少為廷中郎緩佩而從列棘  
之後退朝則高譚碣石躡之黃  
金之臺太液上林幸一寓目頃  
之出守不薄淮陽是振四瀆而  
王百川決乎大觀矣路車省覲  
登少室歷太和周視中原部婁  
羣望蜀之役窮西南之奇漕之  
役登泰山歷鄒嶧弭節京口陟  
三山觀廣陵濤苦卧黃蓬乃在

聖室聲出五內猶中慕我其杖  
屨西至則靈數神臯紛乎總  
總乎若動雷雨挾風雲而從之  
矣川岳貢珍皆是物也玉叔故  
多父執居朝益廣交游淮海當  
六傳之衝尤盛賓客其嚴事則  
若瑯琊鄂渚吳興新蔡銅梁豫  
章其石交則若雲杜番禺四明  
莆田西粵諸侯王則若隴西河  
內縫掖則澌水華亭山澤則謝  
茂秦沈嘉則俞仲蔚周公瑕俞  
公臨居淮尤善鄙次甫蓋傾宇

內者什七八取益無方旅更入蜀  
轉而之閬轍迹浸周游道浸廣  
人無所愛其情矣君善雅言舅  
藥追琢不常發矧日有程月有  
攷歲有會其或有他而廢日儻  
焉如將不終夫志至則氣從氣

二酉園集序

六

至則神王直將旦暮千古西盡  
嶠嶷玉叔僅及中年則盟孟之日  
也卜之日力不亦綽乎哉過此  
與化俱成夸父曾不能以步立  
甫相越發禹穴而校之析若之  
光始升賜谷君善方駕可當義

和玉叔儻然憑熊軾歷三天子  
鄣吾黨當屬兩相君執牛耳  
矣

萬曆甲申長至日新都汪道  
昆著

二酉園集序

七

二酉園集序

陳左伯玉叔先生弱冠而侍其  
先大夫宦京師所著古文辭出  
必傳賞士林既舉進士官廷尉  
平得極意其業所交皆大父行  
天下長者咸折節而稱先生詩

二酉園集序

八

於是名驟顯著按守淮安股肱  
郡視學西蜀漕于河臬藩於閩  
暨西楚它輜軒所經繇若周若  
燕若齊魯其家居七澤又皆江  
山名勝地有至必游必有賦記  
叙之類以發之而其地之賢豪

大夫亦必以不泯之計請先生

一應之不倦念無以報先生德  
則必求先生之詩若文為之叙  
而屬門故壽於木於是先生之  
編甚夥而叙亦稱是時汪司馬  
伯玉暨不佞貞亦與焉先生猶

二酉園集序

八

九

以為未慊於志因悉裒其前後  
所著詩若文仍屬不佞貞與伯  
玉曰二子更為我叙之嚮者志  
吾之進也今者將志吾之就乎  
不佞貞曰唯夫天地之精英獨  
畀之人而人之精英漸溢而著



之言為詩若文是皆因天地之自然而節奏之還以黼黻乎天地者唯此二端而已詩近方文近圓其為體稍殊而見之用則一也有自外境而內觸者有自內境而外宣者其所繇亦稍殊其成於意一也意者詩與文之樞也動而發盡而止發乎其所當發止乎其所不得不止古有是言要為盡之矣先生所邁內外境以百千計其言之就以數十百萬計其接逾繁其應愈不窮蓋

深得夫發與止之樞而執之者是故簡而裁直而紆淡而不厭悠然有治世之音焉人咸謂先生古詩出建安近體過錢劉文或左史或昌黎廬陽不可以蹊途見軌轍雖然所以為玉叔先生者故自如也伯玉宏麗工微辭當與先生賡傳而成不朽若不佞則何所效哉先生之於不佞固無俟執手申契闊而竿尺之往還亦不啻稱神交乃余弟敬美奉常尤得幸先生如雜編中

所云獲龍編者可徵已今甫草  
先生序而敬羨忽弃余今竊與  
先生期異日奉常之集成先生  
能不靳一言以為瑀瑤報哉則  
不佞之叙先生集無異所以叙  
余弟集也

二酉園集序

主

萬曆戊子中秋日弇州山人

王世貞謨

二酉園續集卷之一

沔陽陳文燭玉叔著

序

左傳註略序

司馬遷有言王道微缺而洙泗之間斷斷如也  
豈謂春秋耶莊周謂聖人議而不辨春秋經世  
者乎韓宣子嘆周禮在魯矣春秋其周之所以  
王乎王跡息而經作諸說雜而傳作非聖人孰  
能修之非賢人孰能明之故尊周而明周公之  
志者仲尼也尊經而明仲尼之志者左氏也後  
如子駿景伯惠卿子嚴各一其說集而解之明  
左氏之志者元凱也不佞少讀而契焉質于家  
君子家君子曰丘明好惡與仲尼同而又同時  
彼公穀在七十子之後矣左之先經以始事後  
經以終義依經以辨理錯經以合異簡二傳而  
彰變例杜蓋左氏之忠臣云所稱微而顯志而  
晦婉而成章盡而不汙懲惡而勸善有味哉其  
言之也它若國紀若發揮若約說若百論諸書

二酉園續集

卷之一

一

羽翼左氏今皆不存近如施宏濟之類纂唐應德之始末孫山甫之題評參互考訂有足多焉司馬汪伯玉節而刪之司勳周國雍註其大略委序于不佞夫有解則有傳有傳則有經左氏以春秋爲不刊杜氏以左氏爲不巫旨哉言矣選出而富艷難踪之文有定品註略出而劉賈許穎之說有定見假令當陽有知驚千載而下知左氏矣兩公蓋有杜僻云學者手其註而讀之由傳會經淑忒可以鑑形遠邇足以資理藝

三西園續集

卷之一

二

倫攸敘王道其興乎庶幾哉洙泗之教仲尼之旨云耳

### 歷代小史序

中丞趙公刻歷代小史委序于不佞不佞授而卒業侍御李公所集也仰而嘆曰世自洪荒以逮昭代正史赫赫矣茲編百有餘家讀之疊疊而不厭假令出諸一人之手上下數千載間不尤快乎然首白可期汗青無日昔人已痛之矣仲尼志在春秋而幸史之闢文也豈非載筆之

難與夫珍裘以衆腋成溫也大夏以群才合構也丘明立傳廣包諸國所稱周志晉乘鄭書楚杌聚而會之混成一錄于長作記尤採群書所引世本國語戰國策楚漢春秋皆當時雅言事無邪僻卽兩家號良史何常專憑魯國方策之遺止紬石室金匱之藏而不謀諸野哉後若南董之直書不辟強御韋崔之奮筆無所阿容庶幾哉左馬矣問有論一政而胡越相懸敘一時而參商是隔者彼陳壽志三國索米千斛賈緯修晉書誣銀八千鎰皆正史也其曲如此其實往往見于它錄故虞初稗官之談山林澤藪之論淑以昭勸懲以示懲有足多焉况諸家之表表者乎學者坐披囊篋而神交者遠不出戶庭而窮覽者富矣二公嘉惠之功其在千百世之上千百世之下乎唐劉子玄作史通言文章興廢時命所關乃諸家之遇二公竒邁矣又言後之爲野史者虛加練飾輕事彫彩體或兼乎賦頌詞有類于俳優譬烏孫造室雜漢儀耳敢謂

三西園續集

卷之一

三

茲編之盡無哉此讀小史者所當知也

史書論纂序

二十一史蓋有論斷云應城陳心叔手錄一過節刪元史著論八十一篇詳哉其言之也偶以示余余益以蘇氏古史逮昭代何氏序錄十餘家發作者所未發而心叔所補論備諸家所未備夫春秋尚矣仲尼自以爲罪丘明人病其誣何史學之難哉題曰史書論纂付之梓人學者讀呂氏詳節唐氏左編而會通是書古今思

二酉園續集

卷之一

四

後

過半矣心叔名士元別號養吾登嘉靖甲辰進士仕灤州知州先時黃岡王廷陳知裕州德安顏木知亳州宦俱不達著書滿家海內謂三州蓋楚三才子云

口筆刀圭錄序

口筆刀圭者夾江檢討毛先生所著也大都取古人語解難濟世功等藥石云先生思與不佞商是書而先生往矣關中孟憲使與時嘉州王吉士于詩洪雅陳吏部伯生相與訂刻而委序

于不佞憶庚戌以童子侍先公虜薄京城先生數過先公貌美而髯言侃而正力排和議于大廷分宜啣之遂左官而先生歸卧山中枕經籍書茲昂肉一鬻耳錄止唐語而宋元未備好古者續之乎昔桓潭傳子雲之玄所忠收長卿之賦乃毛先生言真有賴于二三君子云先生名起字潛賓號青城居士舉嘉靖丁未進士

世說新語補序

往余讀世說新語輒手之不釋蓋臨川王潛居

二酉園續集

卷之一

五

研志耽情墳籍爲宗室之表所愛佳事清言采而書之當時如太尉袁淑吳郡陸展東海何長瑜鮑照諸公引爲佐史國臣故紀載周悉劉子孝標學既該博又好異書從而註之故引證特詳彼崔慰祖謂爲書淫或于是書有癖也

國朝何元朗博洽嗜古上遡漢晉下建勝國廣爲語林王元美刪其冗雜存其雅馴者爲世說新語補敬美自幼酷好是書鑽厲有日子字句勾棘難通者疏明之于舊註爲俗子攬入者標

出之自謂洗卯金氏之冤曾刻豫章續有正者復刻吳郡張仲立校之已爲善本敬美又加指摘其批評視劉辰翁加詳再刻閩中王汝存校之問序于不佞因得再讀驚高論于曠代聞長嘯于異時又何快也若以世說等孔思尚之語錄而槩爲瑣言比劉彤之晉紀而都云才短談何容易受嗤千載吾子劉子玄亦有目睫之譏云夫何氏羽翼臨川厥功偉矣乃二王表章合而爲一俾江左風流紹述東京者千萬世而一日臨川有知將謂賞音之士寧獨劉玄靖耶語曰千金之裘非一狐之腋也余于茲編亦云

檀弓國語評林序

楊用修蓋有檀弓叢訓不佞梓于蜀大都孔門之事皆家語魯論所不載而紀述有體其文工巧說者等于考工記友人周國雍曾謀刻二註未果乃左傳尊聖人之經者而國語羽翼之春秋素王丘明素臣千古不易之論也范武子謂左氏艷而富其失也巫夫古之聞人耻巧言令

色者而肯巫耶柳子厚文章簡古有法至爲論六十七篇而命曰非國語病其文勝而不純於道斯持論之過也後之伏膺呻吟者真比之六經云門人馬子叔華好古工文讀三書而纂述之題曰評林請余引其端高言妙句寓目愜心而不敢寓一字以褒貶之益信古人立言之難也

檀弓叢語序

檀弓叢訓楊用修張愈光敘而梓之獨行于世余覽諸註嘆古人立言有法云仲尼曰詞達而已矣必中度而後傳遠卽申生之孝信如左氏穀梁言幾于彰君之過豈盡達生之意者耶曾子易簣一章兢兢乎啓手足而視之千載如生矣故良庖游刃郢人運斤皆法也豈徒工巧者哉學者循其法而古人之書可讀不獨檀弓耳也莊生等前言爲糟魄而嘆古之人與其不可傳也死矣其然豈其然乎吾友汪二東家世業禮梓于渝州

唐詩選序

唐詩二冊李于鱗氏所選少保萬安朱先生得之歷下遺書于燭曰唐詩無慮數百家每大家無慮數百千首而所存若此嚴矣彼作者豈漫爲之耶幸梓之俾修詞者苦攻而潛思于詩庶幾焉旨哉言乎燭爽然自失矣有唐三百年間好古之士自陳拾遺而後莫若李杜大雅不作吾衰誰陳雖太白已自傷之而出塞王華宮諸篇少陵古詩之佳者視漢魏有間焉長歌近體

香園續集

卷之一

八

先生當請質之梓成因附一言于末簡

三子口義補序

代作

三子口義宋儒林希逸所著余師大學士張先生復爲補註刻于蒲陽余誦而讀焉頃携入蜀出示學憲陳君陳君亦先生門下士相與校刻焉刻成謂余宜有序嗟乎昔司馬遷讀老子謂其道貴虛無因變化于無爲而莊子放論歸于自然至劉向校列子又謂其秉要執本清虛無爲大都莊列蓋原于老氏云乃學儒學者則絀老子學老子者則絀儒學此太史公自後世言之耳其然豈其然乎夫道一而已故肅之道德經周之南華經禦寇之冲虛真經皆所以橐籥天地芻狗萬物而汪洋曲盡至今與六經並傳易曰天下殊途而同歸百慮而一致三子立言殊矣有二致乎若徒以爲剽剝儒墨而槩絀之則仲尼猶龍之歎豈欺我哉知老氏而莊列可知矣林氏解析優于諸家而先生補林之註者足以洗末師之訛而會衆妙之精老子曰知我

香園續集

卷之一

九

者希則我貴列子曰心之所念言之所藏如斯而已則理無所隱矣莊子曰千載而下有知其解者曰暮遇之也假令三子而在安知不謂遇先生于異代因言而知心玄之又玄者耶余竊謂茲編大有功于三氏云

### 史傳小抄序

劉先生元秀博學嗜抄書年八十手錄史傳十冊屬不穀序焉初名稽古要略先生曰愧不能博而約也今名小抄云昔公家中壘校尉向所

西園續集

卷之一

十一

著新序說苑自謂可觀奏于漢廷至集賢校理曾鞏始表章焉宋去漢遠甚儒者論著不終湮沒先生茲抄稽于古而詳于明南豐稱子政于古人嘉言善行往往而在先生有焉先生大父常州公好藏書其子四川長壽尹子和又不幸死乃先生竟老蓬戶桑樞間其薇藿而工筆記余竊多其著書自見又恨先生之遇不中壘也

### 苑詩秀句序

句吳顧玄言有詩名在海內與不佞神交一日

西園續集

卷之一

十一

寓書寄所選苑詩秀句俾余訂序焉余讀而嘆曰古今詞家立言固難而知言尤難詩三百篇後近古者莫如漢大風之歌秋風之辭文中子以爲霸心之存悔心之萌知二帝者也蘇李河梁之詠皎然以爲天與其性發言自高知二子者也其後若劉舍人勰之明詩也鍾參軍嶸之品詩也其言滿萬大都于古人高言妙句音韻天成者擊節賞之夫文緣於情思根于性故楚臣去境漢妾辭宮骨橫朔野魂逐飛蓬其感無端其言匪一往往采百字之偶爭一句之奇然池塘春草得于夢寐而楓落吳江有不逮于所聞者始知少陵所稱驚人真代不數人人不數語哉玄言取古人詩句之最秀者分類詮次自天文至雜詠凡十二卷六代三唐之奇一覽而得助刻燭之興益腐毫之思有功藝林多矣語曰誇目者尚奢愜心者貴當若玄言者又非古人之鍾子期耶昔楊用修作哲匠金浮依韻集句而附以已作玄言與揚子友善曾上下其議



論茲編當並傳于世

達磨相訣序

達磨禪師蓋佛家之初祖余登嵩山嘗觀面壁石其形九年深入于石至今如見其像乃能耳山猶傳葬地神化莫可測矣至語慧可諸徒談道曰某得吾皮某得吾肉某得吾骨某得吾髓又發為相訣以誨世大都本肉骨以知吉凶哉亦定慧止觀之餘論耶後世若曹植之相論皮日休之相解韓愈之形貌說多宗荀况非相之旨焉彼所稱中君羞以為臣中父羞以為子中兄羞以為弟中人羞以為友者豈非相訣中所謂富貴人為世欣艷者耶餘姚顧惟忠藏有善本烏程錢恭卿梓之而益以人倫大統賦屬序于不佞觀者知形定有生而思以踐之勿徇于世好則禪師吾儒之旨一矣

家禮節要序

家禮節要通山朱先生所輯家大人職方公愛誦之是書久傳宇內板多漫漶家兄和叔藏有

善本余讀而嘆焉昔荀况氏賦禮比于絲帛等之日月即經稱禮者體也禮不備則體不完矣故曰人而無禮胡不遄死夫禮失而求之野尚可返也今士習委瑣古道沉淪視嘉隆之際且日遠矣又將何所求哉不啻如朱先生所痛也小子大懼梓而新之期行閭巷竊比先師存羊之意云爾

田表聖奏議序

宋司徒田公奏議十篇蘇子瞻曾敘之公嘉州

西園續集

卷之一

主

西園續集

卷之一

主

洪雅人里中祠公于九勝山下余如蜀謁公祠久廢奏草亦無刻者檄縣令聞道立修祠事梓其疏傳焉嗟乎公在興國咸平間章凡五十上自謂諫官宜爾輒焚棄今幸存者何忍其湮沒也當時太宗優詔褒荅真宗復以遺仁宗君臣之際庶幾良遇矣余獨愛其言邊事頗詳晁賈諸人不是過也大都謂動靜不可妄舉安危不可輕言擇將任相察左右辨虛實而已信如公言宋何至南渡哉千載而下其言凜凜是書在



今日又何可不傳也若公之平生范文正公有誌司馬溫公有碑公諱錫字表聖其稱奏議以字蓋從蘇長公云

### 座右醒心錄序

往與丘子雲讀書漢上子雲篤信好學自經籍外見一嘉言善行輒嘆曰此人範也向余道其實壬戌登進士仕固陵令取所記憶搦管書于座右公退常目且曰何其醒心也益爲八卷梓誨士人問言于余以余嘗許可者漢楊雄最好

三園集

卷之十

古

事往往懷鉛提槧從諸計吏訪殊方絕域四方之語以爲裨補昔人謂輜軒所載亦洪意也茲編所收羽翼世教敦植人紀有足多者至清苦勤政諸篇固陵令似之矣又傳布之俾閭巷向化此其意視楊子不尤洪遠哉語曰美言可市尊行可以加人知其美而行之余有望于讀茲刻者

### 四家宮詞序

漢司馬長卿作長門賦工于諷諭人主悟焉所

謂夜曼曼其若歲懷鬱鬱而難再澹偃蹇而待曙荒亭亭而復明其情如此後世託之乎宮詞矣想其乘茵步輦綺組繽紛或優游于清涼宣溫之間或徘徊于離宮別寢之所思極而成詞也人情乎乃孤臣危涕孽子墜心遷客海上流戍隴陰如文通所恨有借宮闈以自明者古今何限也余每愛花蕊夫人宮詞與唐人王建相爲上下宋學士王珪曾愛而圖傳吾友李伯任比部見與余合得二王宮詞益以宋大后者彙

三園集

卷之十一

五

刻爲四家命余引其端或謂仲初之詞遽禹玉之詞麗費之詞憤楊之詞適倘亦所遇然乎大都多長門之旨焉余竊服李君好文而幸詞人不泯滅也

### 秣園擷餘序

昔徐昌穀談藝謂蕭統簡輯冗而不精劉勰緒論略而未備故所著多標準的幾于鍾嶸之品矣其後楊用修有丹鉛錄王元美有藝苑卮言博雅並稱中多詩話今敬美有藝園擷餘專爲

詩而發也哲匠鴻才巧心獨運皆古人所未道  
今人所難言者竊謂危言所紀如長江大河無  
所不有絃編所載如中冷惠泉尤足快心高言  
絕識真是羽翼徐氏云敬美比才子于佳人嘆  
絕代之難平原清河一時並秀公家兄弟似之  
乎余乃敘而傳焉千載誦之可餐秀色也夫

花草新編序

此亡友胡汝忠詞選也命名以花草蓋本花間  
集草堂詩餘所從出云夫詞自開元以逮至正

三酉園續集

卷之一

六

凡諸家所詠歌與翰墨所遺留大都具備乃分  
派而擇之精會通而收之廣同官而不必合異  
拍而不必分因人而重言取藝而略類其汝忠  
所究心者與拔奇花于玄圃拾瑤草于藝林俾  
修詞者永式焉汝忠既沒計部丘君抱渭陽之  
情深宅相之感奉使九江捐俸梓行遇不佞語  
曰吾舅氏有屬于先生否乎憶守淮安汝忠罷  
長興丞家居在委巷中與不佞莫逆時造其廬  
而訪焉曾出訂是編而幸傳于世汝忠託之不

朽矣汝忠諱承恩號射陽居士海內操染家無  
不知准有汝忠者生有異質甫周歲未行時從  
壁間以粉土爲畫無不肖物而鄰父老命其畫  
鵝畫一飛者鄰父老曰鵝安能飛汝忠仰天而  
笑蓋指天鵝云鄰父老吐舌異之謂汝忠幼敏  
不師而能也比長讀書目數行下督學使者奇  
其文謂汝忠一第如拾芥耳汝忠工制義博極  
群書寶應有朱凌溪者弘德間才子也有奇子  
如子价朱公愛之如子謂汝忠可盡讀天下書

三酉園續集

卷之一

七

而以家所藏圖史分其半與之得與子价並名  
射湖之上雙壁競爽也子价後守九江汝忠辭  
翫終身僅以貢爲長興丞長興有徐子與者嘉  
隆間才子也一見汝忠卽爲投合把臂論心意  
在千古過淮訪之謂汝忠高士當懸榻待之而  
吾三人談竹素之業娓娓不厭夜分乃罷汝忠  
舐筆和墨間作山水人物觀者以爲通神佳手  
弱冠以後絕不落筆家四壁立所藏名畫法書  
頗多人謂汝忠于王方慶之積書張弘靖之聚

畫俸諸秘府者可十一焉且也平生恬淡自守  
庶而不穢其詩文出入六朝三唐而詞尤妙絕  
江淮寶之其稿與所藏泯滅殆盡而家無炊火  
矣余于汝忠有人琴俱亡之痛云幸此編之行  
而述其大槩俟續高士傳者采焉

鴻猷錄序代作

京山高伯宗同余舉進士官比部郎伯宗平生  
游思竹素而尤究心當時之務時分宜竊柄伯  
宗據法裁其私人有論分宜者多下獄伯宗贈

三酉園續集

卷之一

六

之詩由是分宜大街因藩封出爲右史伯宗在  
部幾十年著鴻猷錄皆列國家大政自天造以  
至嘉靖可備史官大書特書者余謀梓于蜀曾  
司馬三甫序而傳焉嗟乎漢文有道之主也方  
匈奴侵邊法度疏濶賈生痛哭流涕長太息而  
莫禁其言終始漢家之脉出爲長沙王傳武帝  
雄才外攘四夷而董仲舒所策災異惓惓于天  
人相與之際而求端于王道遂相膠西王嗟乎  
絳灌公孫弘何人哉而兩賢不能安其身于朝

廷之上伯宗茲編嚴而有體贍而不穢足以彰  
明法紀而羽翼王道其古良史之才乎又遭逢  
世宗肅皇帝真大有爲之君也竟被讒而出類  
于長沙江都之行又沉淪以死百世之下誦其  
書者可想見其爲人安知不與治安之策天人  
之對並傳宇內哉伯宗于是不朽矣伯宗有樵  
論楚漢餘談西曹諸草藏于家伯宗諱岱別號  
鹿坡居士

惠民正方序

三酉園續集

卷之一

九

惠民正方二卷侍御大梁楊公集而梓行者也  
所稱蟲毒之害并治之之法不一而足公奉璽  
書按八閩九宣德澤慎刑罰以惠養元元者罔  
不彰舉而慮周民隱惟恐傷之詳哉其言之也  
昔顏真卿辨獄而雨至陸元方涉海而風息皆  
官在柱下者也一誠之感天地且弗遠而況蟲  
爲一物毒而傷人有干天地之和者乎自是驅  
而遠矣公封事數十上讀之凜凜不阿天子改  
容聽焉遂令豺狼避道而狐鼠無依城社海內

稱公爲名御史真善醫人國者哉茲編也又俞附金膏之一粒而秦越人上池之一酌也左使陶君同燭供剗剗之後嘉嘆良久命燭代其言如此

### 八閩式士錄序

王敬美奉 璽書校八閩數月而周往敬美視學三秦歸卧山中起兩浙未就而寰宇士林望之如景星慶雲比至閩中而閩中人士曾讀敬美制義及古文辭名溢縹囊心悅而誠服之所

三酉園續集

卷之二

壬

姜

頒功令惓惓于文體之正復梓所取異等以訓諸士不佞讀而三嘆焉文章與世道相爲隆替而士與文相爲盛衰者也振而還之古是在豪傑乎閩士閩深敏秀根于天植操筆伸紙川流霧散可謂人握靈蛇之珠家抱荆山之璧矣顧弘德以前質具其文嘉隆以後文勝其質往往襲史漢諸子而用之非制義之當也間雜佛語斯又異說而有害于吾道者哉此海內大較匪獨閩士爾爾乃今典雅純粹不藻飾而自工不

繩削而自合憂憂乎陳言之力去猶舞者赴節以投袂歌者應絃而遣聲何其當也語曰有刀者礪諸有王者錯諸礪而錯諸質在其中矣夫螟蠕之類螺蠃也蜣蜋之爲蟬也物之善變不言而化况諸士遇敬美稱良師矣有不斌斌然速肖也哉昔漢時師異道人異論百家殊方指意不同識者以爲不在六藝之科孔子之術者請絕無進今尊孔子者柰何有異也閩士幸而無異矣自是以風海內從先進而大一統世道與有賴焉敬美與不佞髫年莫逆交以文行相砥礪屬不佞一言方愧無以自淑而喜敬美能淑人也不辭而爲之序

### 恩綸錄序

嘉靖庚戌先大夫登進士平涼趙先生起廢不佞以童子得私窺趙先生顏色乙丑同孟與時登進士與時又趙先生高第弟子二十年來同官西蜀談趙先生不休一日出恩綸錄見示命首敘之憶 肅皇帝御極四十五年臨軒而策

三酉園續集

卷之二

壬

吾黨也大都多致身之義慎獨之訓愛民者飾  
其言任事者張虛聲倦倦以爲戒與時司理成  
都潞安爲戶部邊郎守開封愛民任事絕無虛  
飾可謂對揚 天子之休命歷事 三朝所獲  
勅誥勅書十五道亦榮矣趙先生每言與時醇  
敏通經史而終贈君貢士未究之業不佞謂趙  
先生有遠才遭讒中廢其勲樹望與時大之語  
曰民生于三事之如一其恩均也與時悲懋之

石鼓書院志序

三酉園續集

卷之一

三

石鼓書院在衡山之陽與睢陽嶽麓白鹿並域  
中有四大茲其一云按水經稱湘蒸二水合流  
而入洞庭繞石鼓山下東西餘十丈南北餘百  
丈前有回雁峰後有祝融峰其朱陵一洞與南  
嶽通真勝槩也唐刺史齊公映建合江亭於山  
陰元和間士人李公寬構精舍于山巔至宋景  
佑間始賜今額淳熙間新之詳在紫陽記中元  
泰定間興而復廢 明永樂間新之書院有志  
不知始何時也嘉靖癸巳太守周公詔修之萬

三酉園續集

卷之一

三

曆已卯憲使黃公希憲修之歲乙酉余同年友  
廖君汝恒家居重修之間言于不佞不佞仰而  
嘆曰百工居肆以成其事君子學以致其道道  
在天地發于山川洩于人文而吾身參兩焉仲  
尼言德之不修學之不講是吾憂也書院者其  
吾黨講學明道之肆乎後世文日工而道日散  
慕遠者忽近貴華者賤實乃六經之文若五穀  
療饑藥石治病何可少也紫陽解經說理謂以  
此居四方之士有志於學而不屑屑于課試者  
昭代遊于斯如湛公若水鄒公守益不揚大  
訓宦于斯如孫公繼魯蔡公汝楠造就譽髦其  
它廣教澤而延道脉見志中所錄不可殫述大  
都聞紫陽之風而興起者非石鼓之勝使然哉  
是書又何可少也因憶江陵入相首禁僞學  
詔天下毀書院石鼓以名勝猶存士論慨息今  
天子明聖議復不佞謂今日學術大壞高者  
佛老卑者管商商字鬼瑣匪但文勝洗而正之  
在豪傑耳故曰攻乎異端斯害也已志之修

衛吾道焉敢因子占之請而及之

武夷志序

幼溪陳先生謝少司馬政卜居武夷之雲窩不  
佞登武夷造焉賦詩懷之時先生有武夷誌詠  
矣其雲霞盪胃而形之筆端者乎後先生以感  
遇篇寄不佞命草志序人亦有言胸中無三萬  
卷眼中無天下奇山水未必能文縱能亦兒女  
語耳先生著作勲樹勒藏名嶽北在太行西在  
太華南盡衡山之陽矣歸而朝夕三十六峰發  
為文章如長江大河滾滾數千言立就卽茲志  
秘思妍辭典而不浮瞻而不穢大王玉女諸靈  
異有以相之考亭瓊琯千載而三矣昔廬山有  
樂天草堂焦山有海嶽菴不佞懷二子之遐心  
乎卜武夷而老焉可也生先生以淮海治行薦  
不佞于朝得爲門下士可謂遇矣復徵鄙言弁  
諸名編而結武夷之緣尤遇之遇而奇焉者先  
生當重有所感云

大竹縣志序

西園續集

卷之一

志

西園續集

卷之一

志

萬曆十一年陳子奉命守川北過大竹進士江  
子以番禺令宅憂焉江子有史才余督學所優  
士也陳子曰縣何始乎江子曰宗裴聞長老言  
宋紹興時縣產竹頗大中有白兔之異遂以名  
縣而昭代因之秦漢而下卽沿革不相襲所稱  
巴子國宕渠郡非其大都而有聲者耶陳子曰  
縣有志乎江子曰弘治間張進士汝賢志之嘉  
靖間徐僉憲萬璧志之今四十餘年矣陳子曰  
周禮太史掌典以逆邦國之治掌法以逆官府  
之治掌則以逆都鄙之治其後世國之史乎  
史掌邦國之志莫繁世辨昭穆其後世省之志  
郡之志邑之志乎世稱三十年耳踰世不迷後  
何觀焉夫夫也圖之江子曰敢因先生而問志  
陳子曰志原爾雅乎創禹貢乎彰職方乎仲尼  
嘆杞宋之無徵而以春秋爲罪我其旨徵矣今  
之作者吾感焉往者不書則遺存者特書則說  
夫夫也慎之閱三月縣令張文中以江子志來  
圖說一事紀一表輿地者二表人物者二書戶

口書田賦書民風者三傳名宦傳鄉賢傳忠孝傳節義者四附詞翰者二斌斌成書矣陳子曰江子千史也其合矣乎事該而不浮例確而不虛淑慝以着往美刺以誨來大竹其興乎周豐有言曰殷人作誓而民始畔周人作會而民始疑苟無禮義忠信誠慤之心以行之茲編陳迹耳昔于木隱而西河之名重子游仕而武城之名彰是在人乎是在人乎生于竹宦于竹也懋之江子曰宗斐聞先生言爽然自失矣縣令梓

三酉園續集

卷之一

三

是書而敢以先生之言冠焉

### 沔陽志序

往先中議公談宇內名志康德涵志武功王敬夫志鄂縣張文邦志茶陵喬景叔志耀州孔汝錫志汾州及童先生志沔陽財五六乘耳顧沔志餘五十年矣小子偶以修志請于先中議公公曰古所謂志非今郡縣志也春秋最著矣如禹貢敘郡紀法也周官敘秩官法也山海經敘山法也水經敘水法也又如相如與五公子相

難書草木法也楊子雲九歲方言書土風法也卽諸家多古人之遺耳小子識之嗣中議公下世餘姚史大夫守沔三載政通人和續修郡志屬之小子小子稚魯大夫請之固且曰田賦今昔不猶玄素哉然載有定則庶示民可守耳小子唯唯于河防食貨志良牧名賢傳廩廩書之大夫將權去沔重勒爲書卽所益五十年間事于童先生之言無能贊一辭也思古人之可法俟良史于將來重有感于先中議公之訓云若

三酉園續集

卷之一

三

夫固河防均食貨以錫民于殷富則大夫業有良法不啻如古書法也守而廣之是在有位乎是在有位乎

### 刻茶經序

先通奉公論沔人物首陸鴻漸盖有味乎茶經也夫茗久服令人有力悅志見神農食經而曇濟道人與王子尚設茗八公山中以爲甘露是茶用于古羽神而明之耳人莫不飲食也鮮能知味也稷樹藝五谷而天下知食羽辨水煮茶



而天下知飲羽之功不在稷下雖與稷竝祀可也及讀自傳清風隱隱起四坐所著君臣契寺書不行于世豈自悲遇不禹稷若哉竊謂禹稷陸羽易地則皆然昔之刻茶經作郡志者豈未見茲篇耶今刻于經首次六羨歌則羽之品流槩見矣玉山程孟孺善書法書茶經刻焉王孫貞吉繪茶具校之者余與郭次甫結夏金山寺飲中冷第一泉

黃蓬山志序

三酉園續集

卷之一

五

余爲諸生一明劉處士以黃蓬山蹟請余一言余無以應處士曰吾子抱向禽之願久矣豈少茲山不足當雄筆耶異時吾子壯遊遍天下願勿忘境內先通奉公每言携余遊黃蓬詢任先生家世而入仕以來州有九游其五如太和東岱中嵩峨眉武夷匡廬金焦北固之勝一一遊目比宅先公愛始登黃蓬高不過四五十丈餘則地脉墳起視諸名山太倉稊米耳乃余戀戀焉豈維桑與梓必恭敬止者耶因憶先公待余

遊而不果也爲紀一篇客請余志且曰陶弘景之華陽范成大之石湖假令二公自志之不尤快與行遠者自邇登高者自卑其志五岳之前茅乎余聞客言驩甚作黃蓬志略

左傳註評測義序

春秋經也左傳翼經也大都一家言而作者稱聖述者稱賢蓋萬世不易云余讀左傳愛其言之文而行之遠也司馬遷深于左氏者故曰左丘失明厥有國語繼拘姜里尼陳蔡之後不言左傳統乎春秋大抵皆聖賢發憤之所爲作也世柰何謂其巫而短之耶先君子嘗言孔子志三代之英不得大行而託乎春秋也有謂春秋未諭者十二虛美者五假令質諸游夏之徒不能贊一詞者而何以自解于洙泗之上知我罪我之說仲尼蓋自傷焉况左氏乎不得已之心一而已此何可辨焉公穀號呶足未知左氏也杜預註而立明益尊諸家解而元凱不孤此凌以棟註評測義所由作也謂余有左癖問序于

三酉園續集

卷之一

五



章江之許陳子曰易有太極語常也春秋有四時語變也仲尼未筆削者周之舊也東遷以後竊取書焉陰陽剛柔見于書法此天道也何易窺也善乎鄭樵有言子貢去籩羊不可言春秋也子路迂正名不可言春秋也左氏以同聖之資而膺授經之託擅三長之盛而發五始之要因聖言以攄意托王義以流藻文典而美詞博而奧述往古委曲如存證近代循環還可復今觀茲編多愛其長者左氏多所得焉匪以載事之

三國續集

卷之一

孝

多也少攻其短者左氏少所失焉匪以解經之少也由註會傳由傳入經以其所不書實其所書以其所書推見其所不書二百四十年行事昭焉可謂助元凱翼左氏而篤信聖人若鼻祖耳孫之相承也彼節刪者擇錦遺珠雜公穀者將麻綜絲以棟簪厲精且詳焉斯已勤矣昔人言左氏喜談詩書易所引多伏羲虞夏殷周之文其傳將襲六經而為七焉士何可不窮經也

孝經集註序

張子節伯集註孝經梓之屬余序焉孔子作春秋而曰吾志在焉孝經而曰吾行在焉孝經雖在六籍外乃表裏春秋焉張無垢著孝經謂曾子由孝而入道事親若曾子者可也真名言云自秦焚書漢興始出孔惠所藏與顏芝十八章相似劉向校書以十八章為定桓譚言孝經一千八百七十二字異者四百餘字解者百家惟孔安國鄭康成兩家註行耳唐天寶間表章之有石臺孝經魏氏遷洛釋以夷言教于國人謂

三國續集

卷之一

孝

國語孝經歷代之重是書可知也朱子作孝經刊誤謂今文六章古文七章以前為經以後為傳與十八章之旨無異獨衆言殺亂有鄙俚孔註而辨鄭註十謬七惑者此何可深論况孝經與尚書同出孔壁人知尚書之真而疑孝經之偽是膾可啗炙不可食也豈不悲哉茲編不知視諸家註若何而明白簡易可風閭巷矣孔子曰其為人也孝弟而好犯上者鮮矣不好犯上而好作亂者未之有也春秋作而亂臣賊子懼

興孝弟也若節伯者其聞無垢之風而興起哉

學易齋集序

先君子每談仲尼雅言詩書執禮而不言易吾無行而不與二三子者易也筆爲春秋者易也曾子之明德子思之中庸孟子之性善與孔門之仁皆生生之易也太玄善贊易者乎潛虛正元之先也王弼善註易者乎伊川紫陽之先也余藏其說欲著論未能今觀思默先生萬以忠于易何其合也所稱中在心體乾坤所以不毀也易以象之一卦至八卦至六十四至順而心不可易也易則凶矣故曰人心惟危道心惟微微也者未發之中夜氣之息乾之元坤之復也在歲爲春冬之際在月爲晦朔之際在日爲亥子之際蓋天地萬物根心者也心體退藏不動者也未有不及其根而能生亦未有冬不晦不亥而能反者也莫善于息莫不善于爲乾曰惕曰忠信坤曰慎曰敬君子有志于天下國家求此心之未發而已聖人以此洗心退藏于

西園續集

卷之一

三

密圓神方知而易以貢是精而一也當禪繼而禪繼當征伐而征伐當仕止而仕止當久速而久速隨吾意而中在焉洗心者洗夫好進而多露也春秋誅意者乎春秋作而夫子懼春秋成而夫子泣泣其好進多露不早洗之而危天下國家也易爲心數盡心焉耳豈徒象天地山澤風雷水火之往復哉明中之槩如此原圖原象太始體仁諸篇推論本旨視子雲之玄而其說明比輔嗣之註而其旨遠以忠深于易乎至敘述詠歌發爲詩文往往本其誠心而維持世教獎進善類斯亦風行水上渙而炳蔚矣以忠手學易齋集問序于余夫以能問于不能以多問于寡有不善未嘗不知知之未嘗復行也此顏子庶幾乎易也願與以忠懋焉

西園續集

卷之一

三

二酉園續集卷之二

沔陽陳文燭玉叔著

序

宜都一記序

往讀習鑿齒與釋道安書心竊愛之余如襄陽過習家池問是書無有知者至求耆舊傳散逸莫存荆襄在楚上游荊州諸記不存有若襄陽見吳汝奇序中蓋傷文獻之缺云汝奇宜都人以戶部郎使淮閔覽博物述宜都事爲一記余愛其言足傳異代備荊南修考及讀吳約卿傳楚曲忽忽潛然承映汝奇有姪御史約卿嫻子文詞不壽死與余善傳楚曲蓋徐子與題評讓重約卿至矣汝奇詳之又記中勝事也

荔枝考序

余入閩啖生荔枝而甘焉謂百果之品此爲第一可消文園之渴者司馬相如上林賦云格標荔枝豈所指卽漢苑中所種二百餘株耶嗣是唐伯游上書止交州貢仲長統言人主當思

神芝朱草而鄙其患荔枝之腐都非長卿本旨漢而後珍之者衆矣暇取蔡君謨譜益以往籍屬文學王子林子校焉知味者共之若云梨橘各有其美食蔗漸入于佳而與荔枝較焉非余所知也作荔枝考梓藏嘉樹軒

八行圖說序

太湖何子尹建陽刻八行圖說以諭民凡四十條皆古人已事也請質于不佞不佞嘆曰孝弟也忠信也禮義廉耻也其在人心猶其有是四

二酉園續集

卷之二

二

體哉上失其道民散久矣舉而道之捷于影響卽古人常而經變而權匹夫匹婦可以與能自盡其心以全其爲人之體而已董仲舒有言萬民從利如水走下不以教化隄防之不止也教化立而姦邪止者隄防完也賈誼有言移風易俗使天下回心而向道非俗吏所能爲也而俗吏所務刀筆筐篋止耳茲編也其防世維風之大者乎昔成人不爲兄隸子臯宰而隸矣楚俗庫車孫叔敖相而車高矣此又不可言而化者也

長民者以身先之而訓於閭巷俾此屋可封庶幾大道之行天下爲公寧獨海濱復鄒魯之遺哉夫所藏乎身不恕而能喻諸人者未之有也願與世之賢者砥礪焉

### 沔風集序

昔屈三閭九歌多沔湘人語謂緩節安歌司馬長卿賦雲夢言榜人歌聲流唱駭水蟲而沸波鴻沔陽故湘沅雲澤也歌詠其天性乎大梁李川甫先生正德時守沔余如京師訪先生吹臺

王南園續集

卷之二

三

之上余聞李獻吉謂真詩在民間惜今無列國采風使耳學士韻語非詩之真也因質于先生先生首肯之自言曾采民間歌題曰沔風三十年後余得原本于仲子光祿君多里談巷語樂而不淫怨而不怒性也乃真也古稱薪菜滄浪蘆中萍實二戶舊歌遺于江漢者與若云詩三百篇多出婦人女子之口而桑間濮上仲尼存而不刪又先生與獻吉論詩之大旨也因刻傳焉爲里門父老擊壤之助云

### 正學堂書目序

余性嗜書又叨文學掌故及入蜀檢書冗者財數十種悲漫難讀間爲吏人竊去質義無繇也每鼓腹自嘲曰便便稱經笥者何人哉稽前所遺總錄一目多丹陽姜祭酒廷善所置印記尚存余做焉附以新本藏正學堂太史公謂學者載籍極博猶考信于六藝胡可少往牒也

### 薛王二先生教言序

中丞曾公三甫刻薛王二先生教言以廣厲學徒七蜀之士悅而誦之少余讀河津讀書錄餘姚傳習錄究二先生學術之辨家君子曰德溫似顏曾伯安似思孟云壯益讀之因嘆仲尼既沒七十子之喪也無所待而興起于百世之後者非二先生哉薛之言主敬惓惓于復性王之言致良知又以求仁爲先皆願學孔氏今後學有所統一焉家君子之言尤信卽無論二先生平居操行不詭于道乃宣正之際天下殆哉岌岌乎不謝王振與抗疏誅瑾凜凜有生氣至流

王南園續集

卷之三

四

貶而不顧二先生之節槩何如也往聞

英廟御便殿服短服召見文清文清不入必待易服而後見語多誠正格君心之非文成當宸濠之變又武宗南征乃從容平定奠安社稷富貴威武莫能屈矣二先生易地則皆然今人講學剖義利辨誠僞其大道置齒牙間稍臨利害棄平生之言如弁髦耳若二先生者不其難哉不其難哉是編上篇系以學下篇系以政擇而取之余多中丞公知言云敢述二先生之大

二酉園續集

卷之七

五

俾論其世者益有味乎二先生之言也

### 李空同先生集序

空同先生者大梁李獻吉也家世徙自關中舉進士爲戶部郎論壽寧侯下獄賴敬皇帝寬焉一夕醉遇侯于長安街罵其生事害人以鞭稍擊墮其齒侯恚欲陳其事以前疏未久隱忍而止

殺皇帝朝代草韓尚書論逆瑾幾爲所中賴李文正康德丞解焉直聲動天下投劾去已而起

江西學使士習不變偶與御史不合率諸生辱

御史聞于朝竟罷歸文名日起而忌者日衆會寧藩之獄幾至連坐賴林尚書救免焉先生竟老大河之濱矣其集海內爭誦嗣孫四維守沔陽重梓之介博士乞余言憶昔過夷門訪河上草堂已沒于寒烟斷莽間每與何啓圖學士謀選李何集而未能也今安能已于言哉仲尼之繫易曰其旨遠其辭文其言曲而中是文之法也三代典謨訓誥國風雅頌之釋不見于後世

二酉園續集

卷之七

六

孔門稱身通六藝可與言詩者塵塵耳後以其徒授列國遂逸不傳而秦人燔棄特甚漢建元元封間抽金櫃石室之藏而良于史者太史遷一人而已漢之文稱盛而六藝缺焉建安黃初駸駸大雅開元天寶各以聲律名至號大家驚人而泣鬼神工部甫一人而已唐之詩稱盛而漢魏之旨寢微是詩與文代不能兼氣運使然也壯哉獻吉起百世之後而奄有太史工部乎高皇帝驅左衽而反之正乾坤再闢文士興起

劉宋諸公稍開其原弘德之際尚沿宋元故習  
獻吉與何仲默超乘而上柄臣惡之且曰是賣  
平天冠者故官不列近幸獻吉職掌錢穀雅意  
振古嘗言有物有則文之法如規矩于方圓也  
阿房之巨靈光之歸臨春結綺之侈麗楊亭葛  
廬之幽寂未皆垂與班爲之而方圓至者有所  
同也故不泥法而法中不求異而言殊易曰殊  
途而同歸百慮而一致易所謂文而遠者卽仲  
默不能難也故上

二酉園續集

卷之三

七

孝廟書類賈長沙而譜傳于肅愍康長公諸碑  
與伯夷列傳自序者埒矣賦騷摹屈三閭而歌  
行壯麗近體雄深與哀江頭哀王孫秋興諸篇  
埒矣其古選宗曹劉鮑謝絕句排律多杜法雜  
文出入左傳國策而詞意鼓鑄司馬崔蔡不足  
多也蓋獻吉天才高邁究極壹奧非秦漢以上  
書不讀充實而有之大而化之如太華靈秀削  
成五千仞如黃河走崑崙播九河而注于海也  
東西京而有詩大曆而有文天下益尊子長子

美而還之古 明興以來一人而已昔人言詩  
書隱約欲遂其志之思也龍門令幽縲繼而史  
成少陵遭坎壈而詩聖獻吉高文典冊宜待詔  
金馬門而廢棄終身斯亦意有所鬱結不得通  
其道者乎惟其有之是以似之剛正忠直歷千  
載而三與沔守克承家學啓圖亦仲默孫有詞  
名文人之後興焉是天之未喪斯文也假令李  
何而在孔門庶幾游夏之儔矣文不在茲乎竊  
願後死者之與於斯文也

二酉園續集

卷之三

八

楊升菴太史年譜序

楊用修先生沒十八年矣余過新都收其遺書  
十財一二也偶得先生年譜于友人朱秉器乃  
簡子紹芳所次年譜例編年而此直書往簡子  
布衣游滇先生見其詩結交驩甚大都實錄云  
先生從子進士以義刻傳而屬余敘嗟乎士生  
不百年耳欲成名于千百年之後豈不難哉先  
生兒時過目成誦每一榻管萬言立就文忠公  
奇之見者呼爲神童卽少擬過秦論真賈長沙

之匹也甫弱冠對大廷第一時正德辛未吾鄉李文正公在內閣有重名手先生策嘆曰海涵地負大放厥辭擊節賞之嘉靖初年上

疏議大禮謫戍永昌四十餘年而卒于滇余覽茲譜蓋不知涕沾襟云先生敏慧天授又世掌中秘假之歲月廣廈細氈從容啓沃無論勲業式穀厥考卽國家典章之盛當潤色而還之古乃使延搜窮探之志極于深山斷碑之間揚摧往遼彈射諸家約其著作百有餘種斯足蓋

南園續集

卷之十

九

代矣憶公家子雲多識奇字先生風節不帝過之彼賞玄絕倫者桓譚一人耳今宇內聞先生名願爲之執鞭片言隻字類皆珍之先生之名雖百世可知也昔蘇子瞻以不識范文正公爲平生之恨而得序其集幸託名于文字間余思曩先生之言共爲全書未能也今竊有私幸也夫

### 王遵巖選集序

遵巖王先生集凡屢刻海內之士悅而誦之余

同年施君子我先生里中人謀梓其所選者俾余訂敘焉余觀隆古之時君臣謨訓間巷詠歌及畫卦敘疇勒彞銘鼎載在往籍其間典章制度敷爲王道者皆文之著也後儒撰述稍能筆其所遺遂令誦者懽忻愛慕莫能禁豈非近古之遺而道存其間乎王先生博綜經籍究極天人往往援古以綴文中談三代遺制如指諸掌理辨而詞達渾噩奔溢探之深含莫可涯測成一家言大都類曾南豐云先生嘗悲周衰學廢

南園續集

卷之十

十

能言之士始出于才或駁不醇或曲不該而專所長以名家者代不數人曾子固折衷諸子會通于聖人信能道其中之所欲言而免不醇不該之弊幾于古之能言者嗟乎執斯語以觀先生無乃自道與假令先生終身廊廟必能潤色大業竟以才被放著作在里居余竊悼之宋王震言曾氏用未極其學其名等諸天壤知先生不以彼易此矣往余過大梁李川甫先生爲余言閩中王道思善屬文後問之家大人讀諸刻



本李公言尤信顧品者不一後世當有定其文者余不備論焉

趙文肅公文集序

趙文肅公者內江大洲先生也先生少有大志  
夙邁流俗肅皇帝朝分宜竊柄庚戌之秋烽  
火通于甘泉先生忤權佞排和議至遠竄而不  
顧穆皇帝臨雍先生陳說禹謨發君臣克艱  
之旨嗣以大宗伯入典機密先生言邊事條營  
制頗悉上傾心納焉歸隱山中閉門却掃作經  
世出世二通約千餘卷書未就而先生往矣是  
生平之槩也今取先生遺文而誦之其以聖人  
爲必可師明學術而振事功毅然在三代之上  
乎孔孟旣沒伊呂不作學術事功岐而二之矣  
韜世者漫無可否而不知流于佛老也持世者  
急于功緒而不知入于申韓也二者卑卑何足  
以語盛德大業哉先生本六經以敷文合衆說  
而折衷其言孟軻而後莊生之治經也達其知  
圓荀卿之治經也約其履端子雲之治經也粵

王國維集

卷之三

十一

王國維集

卷之三

十一

其機深仲淹之治經也辯其才周堯天之治經  
也貫其用宜此五子者質諸孔氏猶有間矣此  
不可窺先生所學之正哉至求真儒一疏將望  
世廟以大有爲之君而自許以名世之臣所云  
周家累世而吊民混一之業付諸渭濱放道方  
隆而鹽梅舟楫之寄托諸傅岩投竿釋錡起定  
台衡乃先生終身廟廊進必以正當時最患者  
北虜耳惓惓于練兵選將而隆慶諸疏視宣諭  
將士者氣不少變自任以天下之重如此故形  
之奏對講說者愷而直見之記述論贊者恪而  
嚴詩歌雄偉銘誄典實符采彪炳輝麗灼爍真  
如三峨萬仞屹然青天之上又如二江合流東  
注而之海也卽操染家不能窺其萬一先生遭  
逢明主豈不知涉世之難乎而不肯少貶以  
徇人日倡正學興起事功意未嘗不在唐虞殷  
周也及其未究退居于蜀垂白著書推以訓世  
而衛道之心愈悲矣或謂先生犯顏敢諫類合  
州鄒吉士汝愚耿介恬退類重慶劉文簡公精



白一心勤勞王家類新都楊文忠公韻宇弘深博  
博賽好修類里中劉文肅公夫四公皆天下士  
以先生方之可謂有光于蜀之前修而要之不  
足以槩先生也乃先生真學聖人而未至者與  
先按察公每言海內道義交久而真者惟趙孟  
靜一人耳而先生寓書倦切汲引不佞中丞趙  
公刻先生之集于閩命燭校而敘之愧無以識  
先生之大也

林少峰先生詩序

三酉園續集

卷之二

十三

此司徒少峰林先生詩也先生有子道翹學憲  
同不佞舉乙丑進士在內廷相見談詩驪甚一  
導杜矩心竊異之及詢吏部鄭少谷氏始知與  
大父太守公結社先生其門壻焉善夫所嘉賞  
風雅頌之旨自髫年習之弱冠登朝海內士爭  
識焉其清潤比鄭氏不啻冰玉云當時嚴惟中  
以詩名館閣見先生作大奇之吾鄉王稚欽不  
可一世士報先生書傾心下焉它可知也鄭詩  
久傳海內太守公詩梓藏三山不佞入閩詢先

生集先生謙讓未遑轉官江西先生命道翹手  
錄問言于不佞昔桓譚識玄經士安序三都賦  
小子何能焉取而讀之先生其得少陵之神者  
乎夫唐興詩人承陳隋浮靡之風開元間稍稍  
裁以雅正至集大成則子美一人而殘膏賸馥  
元禎謂沾後世焉然恃華者質友好麗者壯違  
學得其似鮮矣先生潛精文囿博覽辭林而過  
庭師資所得迥異如蘇李之高妙曹劉之豪逸  
劉阮之冲澹顏謝之峻潔徐庾之藻麗沈宋之  
典則子美兼之先生篤信馬騷之篇章諸體悉  
備引物連類窮情盡變春容和雅足諧金石絕  
無寒儉之態蓋嘉靖以前先生雍容廊廟慶曆  
而後先生歌詠太平遇使然也故以閩詩論之  
少谷起甌越與中原何李並駕如舜禹之賡歌  
而先生昌言之臯陶也以公家詩言之太守公  
渾涵有氣道翹多奇俊真父作之子述之而先  
生無憂之文王也鄭氏得杜之骨先生得杜之  
神自鄭氏亡而閩中之詩鮮有杜矩者先生之

三酉園續集

卷之二

十四

集出而羽翼鄭氏多矣其有功藝苑豈淺鮮哉  
余敘先生詩而信其必傳無疑也

林雙臺先生詩選序

雙臺林先生舉嘉靖辛丑進士選翰林院庶吉  
士由禮部儀制郎督學吾楚晉參知轉河南憲  
使右丞再晉廣東左使而先生歸三山矣先生  
年甫四十海內縉紳之士日夕望先生起濟時  
艱竟沉淪逮老文燭以童子受先生知最深每  
于先生出處有世道蒼生之憾云歲甲申文燭

二酉園續集

卷之二

五

來閩爲行省使先生相見驩甚如侍函丈時一  
日請曰先生歸田三十年著書滿家盍廣而傳  
焉先生曰走弱冠登朝幸紬金匱石室之藏豈  
不欲以文章効薄技幾經國不朽乎乃執政方  
求識面者與之走不能也繼歷藩省自以守職  
持法可矣乃執政方求善自薦達者與之走又  
不能也卒坐構罷歸今且老語曰身隱矣焉用  
文之疇昔所爲詩文漫漶篋中莫能自理吾子  
休矣憶不佞督學西蜀時先生寄燭學軒稿所

謂老而好學如燭之光先生自道耳詩財十餘  
章多楚中作不佞請益之先生檢生平詩有存  
稿者俾誦習焉不佞壽之梓先生曰詩三百篇  
非多也古詩十九首非少也後代厯數人人厯  
數首雖多亦奚以爲命刪其半不佞梓爲詩選  
先生命敘之不佞卒業而嘆曰先生才品高潔  
詩蓋類乎其人云昔之品詩者謂仲宣躁銳故  
穎出而才果公幹氣褊故言壯而情駭安仁輕  
敏故鋒發而韻流士衡矜重故情繁而辭隱觸  
類以推表裏必符先生韻宇弘深行履直諒在  
朝則權貴莫奪在野則聲利不入形諸篇詠遠  
寄冥搜結構中度而後修詞一字百煉寧復罷  
閣不爲淺語古體歌行嚴重而有致近體排律  
婉切而多味如逸鶴任風閑鷗忘海往往在層  
霄晴雪之間先生才情豈在王劉潘陸之下哉  
竊以高潔品先生詩當如品諸家者之不爽耳  
楚中諸子思先生教欲得先生所著書披誦幸  
有茲集在也昔桓譚謂嚴尤曰楊子書必傳顧

二酉園續集

卷之二

六

君與譚不及見也今不佞傳先生詩而身親見之不尤有私幸也夫

### 黃少村太史詩序

少村黃先生在翰林有重名工于詩竒刻財十之一二云先生生平老金馬門謫居數年晚歸山中復遭兵革其詩緣情而發因感而殊大都成一家言余讀之欣然喜泫然悲也先生當世廟庠分校禮闈先君子出門下多國士之遇不佞謁先生長安三十年後不佞入閩而先生

三香閣續集

卷之二

七

窮而後工至文章遇合而優游翰苑無如宋之歐陽永叔然自序歸田錄云備位朝廷與聞國政不能取容徒叢怨謗當其驚風駭浪卒然起不測之淵而蛟鰐蠃蠃之怪駢首而闔伺幸而不死有足憐者乃觀黃先生又何肖也先生弱冠登庸讀書中秘宏覽載籍博游才義凡金版玉匱之書海上名山之旨沈鬱澹雅之思離堅合異之談昔人所謂總制清衷邇爲心極者也故早朝應制諸作春容典則真清廟明堂之音也琅玕豐樂亭諸作俊逸悽婉又禽鳥山林之調也倭患以後被執營中九死一生其視李杜奔播流離不啻倍之而平海道中岐頭樓上諸作其潯陽非所瞿塘歸夢之章乎先生官止少司空無論公旦保奭之大業未就視文忠登相有不相及者然環滁山水多遷客恐先生遇以詩而達詩以窮而工又恨先君子不及一言以國士報先生也先生諱廷用字汝行學者稱少村先生云

三香閣續集

卷之二

八

王雲竹先生集序

自古文學之士蓋重人國云進而廟堂潤色洪業而廟堂重退而山林詠歌太平而山林重其在侍從莫著于漢如東方朔枚皋王褒之屬以詞賦顯司馬遷荀悅班固之屬以史學顯劉向夏侯勝桓榮之屬以經術顯皆待詔金馬門持論白虎觀榮遇矣而不能居公卿輔弼之任其功業不少概見然藏之名山傳諸通邑大都千載誦之猶歸人傑于地靈有不獨潤巖廊者今觀懋復王先生不尤信哉先生少有穎質讀書過目輒成誦年二十餘舉辛丑進士 肅皇帝思得才士以列侍從而先生選為翰林院庶吉士與大宗伯董用均齊名兩人相切磋驩甚盡紬金匱石室之藏而先生獨守已不輕謁時宰出為御史巡視兩浙浙人趙通政者時宰私人也先生正直相左及督學河洛參知齊魯竟坐浮議而先生還三山矣不佞見董公報先生書幾數百言謂先生按部持風裁而肅綱紀有大

南園續集

卷之三

九

造于浙至崇獎名節鄙薄權勢故天水播其謔分宜惑其說繼者構會而投石乃讒人者首領不保門戶鋤夷慘于豺虎之投而先生鴻飛鳳舉在青冥千仞之上為人國禎符天之報施善人豈不彰明較著哉余讀宗伯書已識先生之大而卒業先生之集見其抱冲曠絕塵之思而綴清雄雋永之詞觀千古于須臾撫四海于一瞬大者該九垓遠者被八絃高者連曾穹之上細者入秋毫之內館試諸作尤稱要眇海涵地負大放厥詞故奏議則忠而不阿序記則贍而有體書論則美刺不遺傳銘則顯隱必達其大致也而歌行之典麗古詩之嚴整近體之清婉絕句之俊逸各詣其極馬陸士衡言瓊敷與玉潤魏文帝言通才之能備先生似之乎而詞賦之儒史學之弘經術之富視金馬門白虎觀諸儒何愧於漢哉先生才名鷹揚虎視假令久于禁苑得司密勿則蕭曹不足嚆衛霍不足侔也遭讒被廢壯年而隱乞文詩者屢盈于戶先生

南園續集

卷之三

辛

雅善法書應無倦色人人以爲寶閩故多才士  
鄭繼之以詩著王道思以文著評者曰吏部宗  
杜時非天寶無病而呻吟者參知之學歐曾也  
能于大而不能于細先生師古自成一家言何  
得而摘撫之余慕先生久傾蓋如故先生手其  
集屬余一言夫有南威之容而後可論於淑媛  
有龍泉之利而後可議於斷割不佞何以定先  
生之言哉竊謂先生宜居文學侍從之官而閩  
海有先生又山暉川媚矣經世不朽之業真有  
生自道云爾

王南園續集

卷之二

主

芝石山人存稿序

此王夢竹先生作也先生諱瑩字鼎文官至刑  
部員外郎晚號芝石海內稱夢竹先生云先生  
當嘉靖乙酉先按察公以文學受知時時稱說  
先生不休又六十年余秉憲入閩先生久下世  
子中式在諸生中索遺草而讀焉先生少有才

名舉春秋第一筮仕教汚士皆丕變守壽州有  
循良聲吾鄉內方童公稱先生負富而操約器  
閑而志大學純而矩嚴當爲世大用乃齋志而  
沒年四十五耳茲編烏能盡先生哉然寂寥短  
章春容大篇絕翰墨畦徑而曲中成度文則莊  
騷二京之遺也詩則蘇李三唐之遺也傾河湧  
泉足窺先生一斑矣假令先按察公見之卽玄  
亭之問絳帳之談肯吝一言哉不佞既誌其墓  
而又定其言聊慰先按察公于九京而已

王南園續集

卷之二

主

朱秉器詩序

往秉器爲南部郎結青谿社海內文翰之士無  
不願交秉器者已而秉器守渝州遇余于浣溪  
上時時倡和在郁木生稿中嗣秉器游秦晉有  
河汾稿總憲于蜀與余再遇檢平生所作向余  
曰吾子定吾言乎余讀秉器自序而知秉器之  
詩日益也所稱游湘潭則楚音矣官金陵則吳  
音矣已爲巴渝之音今其秦音乎蒲坂之都岐  
豐之邑虞之所以帝周之所以興也蓋得山川

之助云善乎李子獻吉之自序也言詩有真耳  
至語昌穀徐子言周易有云鳴鶴在陰其子和  
之同聲者應同氣者求舜作股肱卿雲之歌皋  
陶矢而賡和召公從成王游卷阿也作歌奉王  
王戚戚入也颯颯乎溶溶乎所謂風乎是真也  
其在虞周乎後三代而修詞者才有所乏情有  
所滯卽爲韻語何得言真而秉器則靈根恬漠  
體氣高妙日融星列川流霧散才之備也何所  
不有其神馳江海交多韋布溫不增華寒不改  
三苗園集 卷之三 五  
葉情之至也何所不周尸居而龍見淵默而雷  
聲神動而天隨秉器安能自知哉春容大篇寂  
寥短章每一誦之鏗鏘鏘鏘曾點之瑟方希化  
人之酒欲清竊謂秉器之詩之真蓋多本于才  
情云或謂詩極于唐吾子何言虞周余觀秉器  
心虛志遠駸駸乎等而上之且也好修長于政  
事絕無文人之病臯夔周召之業殷殷屬焉假  
令獻吉見其詩將把臂入林可與古人對壘矣  
先按察公言大江以西弘德間如熊士選嘉靖

間如嚴維中隆萬間如子深王孫余德甫卓然  
名家秉器兼之矣張中丞助甫王學憲敬美李  
太史本寧與秉器和歌咸稱其詩三子非阿私  
所好者然則樹洪都藝林之赤幟舍秉器而誰  
耶昔元稹稱子美薄風雅吞曹劉掩顏謝兼昔  
人之所獨專儀封王子衡謂杜號大家自成格  
爾風雅曹劉顏謝之調有無哉元氏溢美矣天  
下後世有定秉器之言者將謂余乃聲氣之同  
非溢也何也大江以西之有秉器三子者之知  
三苗園集 卷之三 五  
言也  
鑑麓山人集序  
陳子曰關中文學極盛于弘德之際嘉靖間寥  
寥矣乃獨有左子伯夏喬子思綿云二子耀州  
人其尊人學憲喬公吏部左公俱能詩起肅  
皇帝朝是猶弘德之遺也伯夏思綿可不謂承  
其家學哉左子一日械其鑑麓山人集謁陳子  
序焉陳子與左子同舉進士交甚驩也敘曰關  
中秦封漢都哉其氣渾以深其風直以朴卽杜

少陵聖于詩曲江溪陂之游彭衙潼關之行說者有得于山川之助况其下者乎又况生于地者乎世之囿于秦風者多率其渾朴之氣而聲調未協所謂擊甕叩甕彈箏搏髀而歌鳴鳴者是也左子才逸而聲遠志弘而調清自古詩以至諸體往往合作被管絃而協金石洋洋乎斯可謂之詩矣左子家近長安長安有少陵祠太微張子所創而其志則浚谷趙子所序也彼稱王公鉅人第舍池囿服玩遊樂之盛彈志竭力

李商隱集

卷之二

五

程孟孺詩序

孟孺程子善書善畫又善詩一日以客越南州淮社漢上玄遊懷鄉佩蘭雪蓬雲樹館諸草問序于余夫聖人見天下之賸擬諸形容象其物

宜故謂之象詩文書畫皆造化之精英流傳天壤其象一而已後世能言之士如詔命策檄原于書序述議論原于易祭祀哀誄原于禮書奏箴銘原于春秋而歌詠諷頌原于三百篇也然非書則無記載非畫則無彰施古者書令掌于外史繪事統于冬官意可見矣至有書孝經爾雅論語春秋易象附經而行者有圖講學問禮圖列女仁智羽翼名教竝傳經史者然文盛于二京詩盛于三唐書畫盛于魏晉宋元當時馬班李杜鍾王顧陸各以其象自名天壤何得兼之摩詰善畫吾知其詩耳世南博學吾知其書耳元章以書而兼畫如凱之何子昂以畫而兼書如義之何是乾坤之象上下天地且不能兼而况人乎而况藝乎程子生長大江之西鍾玉山山水之靈枕藉墨游心竹素有聲諸生中一試不第徜徉名山大川窮六義於懷抱究八體于毫端隸象太傳楷象右軍間象魯公畫為梅花藝林珍之以為奇品今讀其詩情艷而才

李商隱集

卷之二

五



弘思工而語俊真如漢武好道馮虛欲仙又如謝家子弟爽爽有風流氣力以古之品書者品之者可耳卽無書畫可以名世或言孟孺所長以書法勝古來三絕四絕或存其一焉有其二孟孺甫強年將北游主上好文公卿憐才必有遇合其進無方何患詩不象古人而爲書所淹哉孟孺起謝曰先生進我于詩矣書作詩序

余宗漢詩序

武夷山九鯉湖之勝甲于八閩余與宗漢兩游之兩當于心云夫三十六峰奇矣而依九曲之水九滌之水奇矣而依高陽斜蓮花諸山宗漢每于夜半携酒獨往山坳水曲大醉狂叫自以爲奇次日詩成大都宗漢才思高邁情況超逸曾次磊磊落落不問家人生產黃金入手賧窮周乏家四壁立意澹如也其令全椒錢穀法比簿書期會之煩既有不耐偶左上官拂衣以歸如詠史諸詩讀之揮涕余官江西行省宗漢浪游泊舟南浦余酌于滕王閣上醉後耳熱且

曰余生何如人耶余觀宗漢兀然而醉恍然而醒仕不徇時處不絕俗有所託而逝于酒無所好而類于禪寄興千里一夕忽返交驩名流絕無附離古之狂者與宗漢咲而不應又曰余生詩何如耶余觀宗漢備極諸體尤稱律細點綴快媚婉轉輕便語山林而岡巒具賦宮闕而珮玉鳴若不思而實工若無意而實遠唐人之儔與宗漢咲而不應陳子曰武夷霞色在吾目鯉湖濤聲在吾耳真神仙窟宅耶天壤間有各山大川何可少此宗漢品流近之乎相與大醉而別

熊侍御雷中丞律選序

李獻吉梓侍御熊士選詩海內誦之想見其爲人中丞雷時雍詩爲朱自充序藝林稱士選之匹云中丞有子進士映合侍御律選而刻之豐城雙劍精光射牛斗問序于余余謂律也者非法家音樂所稱一定而不易天且莫能違而况人乎詩法至唐而極矣士選法杜而杜時雍法



王孟而王孟法沈宋而沈宋輕重高下引于繩  
墨毫髮不爽可謂良工獨苦矣方今大江之西  
家驥人壁各以詩自鳴非二先生風之哉然揚  
者或溢其才沈者至歛其性而詩律微矣二先  
生可誦焉夫營目前之務而遺千載之功志士  
所大痛也壯哉二先生之爲詩乎余恨獻吉不  
及見中丞詩又恨余不見二先生如李之于侍  
御也

歸震川先生集序

三石園續集

卷之二

无

震川先生者崑山歸熙甫也先生與先君子同  
出張文毅公門稱爲雙壁余兒時知之同舉進  
士論文驩甚慕司馬子長而學焉各以其文通  
相爲序先生序余文蓋嘉靖乙丑春也二十年  
而始定先生之言先生每謂文至六經尚矣明  
道記事宗馬子長所稱拾遺補藝成一家之言  
不有厥協六經異傳齊整百家雜語者乎故曰  
詩書隱約者欲遂其志之思也而演易而作春  
秋下及離騷國語孫子呂覽韓非子諸書皆登

憤而自通使見後人所爲作無論韓柳歐曾王  
大小蘇諸家卽虞伯生何得少之學史記者柰  
何字字而摹句句而擬也余唯唯否否今讀先  
生集所論易圖洪範大衍孝經經敘諸篇真見  
聖人之心于千載之下發漢唐宋元諸儒所未  
發書記之文或道陰陽或道政事或道性情或  
道名分或道禮樂必準六藝而穀梁之厲荀孟  
之暢老莊之肆多見筆端西京至勝國凡有所  
長會而通之難言者藻易語者約不雕而工不

三石園續集

卷之三

手

滌而古風行水上水由地中行也明三代之遺  
紀六合之綜子長復生等三閭左國矣好奇者  
何得彈射先生以余學史記也余今知先生善  
學史記也蓋千萬世可傳云先生博學弘才早  
揚明廷潤色鴻猷乃晚對公車沉淪縣令郡倅  
之間及丞太僕蕪掌制勅纂修世廟實錄暮  
月而往矣每覽改官乞休諸疏至匡鼎雖貧桓  
榮已老尚能誨士成漢二史作唐一經要諸沒  
齒經術報國未嘗不唏吁使人流涕也獨御倭

馬政水利三途竝用諸議覽者以爲周官之遺  
卓子康一傳書長與座右至于今日碑馬先生  
可傳也獨文哉先生常欲作茶陵張公傳余曰  
相業若何先生曰大節在不草玄文 肅皇帝  
以隱諡之余曰宜何諡先生曰端而毅可也張  
公易文毅而先生不及知集中無文毅傳豈有  
志而未就與先生諱有光字熙甫海內稱震川  
先生

帥膳部詩序

三酉園續集

卷之二

十一

仲尼講藝洙泗以詩授子夏曰商可與言乎司  
馬遷謂三百篇聖賢發憤所爲作也蓋不信則  
不篤不憤則不發故曰詩者志之所之也而言  
志惟審帥君少有俊才年十六舉于鄉倚馬數  
千言立就海內稱江表才士矣自舉進士及罷  
太守歸也日事吟詠往官留曹有尚書嚴東諸  
司天甫明入部惟審邁思未起呼之不應間訪  
同調不問主人在否其家或出酒醺惟審獨酌  
酒竟而詩成其曠達若此暇登雨花燕磯牛首

棲霞諸勝花辰月夕以爲極歡每過言偃陸機  
宅徘徊留之不能去此豈顧上官之期者哉思  
南古牂牁郡山川險阻在荒徼外惟審擇可遊  
者遊之遊而可賦者賦之詩滿四境又稱風流  
太守云今其詩圓美如轉丸清便若回雪一句  
一字鼓鑄三唐而時出之古詩尤爲合作雖文  
通擬諸家靈運擬鄴中詠不是過也歸田以後  
益富而工卧以薦寤食以當飴至其會心樂而  
忘老大都高適工暮年杜陵細晚節視一官長  
物矣篤信而發憤惟審真詩人哉惟審憐余同  
癖過訪章江之上屬余以言且曰吾子一仕一  
集係以名山乃余憂讒畏訊患所以立何得詩  
如惟審耶嗟乎司馬爲郎楊雄執戟名位不過  
人而文采流于後世若膳部詩其惟審之子虛  
耳泉也哉

黎瑤石先生集序

嘉隆之際黎惟敬在秘書以著作供奉稱上  
意公卿憐才者往往推轂惟敬漢儒待詔金馬

門持論白虎觀不是過也時與歷下東吳興國  
長興銅梁新蔡赫然號海內才士而惟敬晚交  
不佞在諸君子去國之後云惟敬請老以歸話  
別三山余曾序其詩鎮江鍾太守刻焉大都謂  
惟敬與諸君子彰昭代風雅之盛惟敬覽之報  
書曰往文徵仲以集相託也今尚負之異時全  
集序在吾子乎惟敬下世長公君華以吏部郎  
出叅江藩梓瑤石先生集復屬以序且曰先大  
夫之意也余卒業焉先生品流書畫徵仲之後  
三酉園續集 卷之二 重

不雕而藻子建景陽之遺也歌行恢張而潤達  
夫嘉州之遺也七律冲淡而遠應物隨州之遺  
也五言清而逸排律整而潔浩然全期之遺也  
藝林得先生猶麟羽有龍鳳音樂有琴笙矣瓊  
山奧博鐵橋高古皆南海之奇也黃才伯與先  
生起而承之受授一道得其精華黃若大河而  
先生則砥柱之高峻也黃若長江而先生則中  
冷之清絕也至廉介易親孝友好施粵中後起  
之士皆先生侶之卽茲編也天壤俱敞安知後  
世不有相知定先生之言者乎不佞辱彥升筆  
劄之託抱伯牙絕絃之感因道其槩焉君華博  
雅好修有父風

余德甫先生詩序

論詩有江西之派自宋云爾當時廬陵臨川南  
豐號文章大家詩律未細曾直稍稍振之蘇子  
評如江搖柱之味不可多食乃陶靖節詩竝柳  
韋鍾嶸謂原出應璩協以左思意高辭古隱逸  
詩人之冠非彭澤之產與明興詩道不振吳楚

炳蔚分宜若嚴維中豐城若能士選二公皆李  
獻吉所與何可以豫章限之今讀余先生集又  
何讓二公哉先生仕 肅皇帝朝舉庚戌進士  
長興興化南海銅梁興國及先君子俱榜中才  
士先生倡和無虛日及官比部歷下李于鱗吳  
中王元美主盟詞壇先生投合刻意于詩秉憲  
閩中以才見忌臚壯而歸優游西山南浦之間  
與用晦王孫結芙蓉社每嘆曰富貴磨滅文采  
流輝奈何謂身隱而文焉用也閉門下帷游思

三西園續集

卷之二

五

竹素味腴蹇芳塗葉醉墨采風人之致而匠心  
獨運合雅頌之旨而先民是範思深以沉語雋  
以竒得則操染不得則罷閣古詩近體不擬何  
人而情景妙晤神理潛精洋洋乎有漢魏晉唐  
之遺焉執牛耳之盟七子竝駕增雞林之重四  
甫同稱寧不洗宋人之派而爲大江以西之一  
快哉王元美先生移書不佞曰子序德甫詩而  
傳焉不佞少受知先生比至洪州墓有宿草稿  
遭回祿十存二三耳先生未究其用造化又厄

其可傳者耶王先生敦友誼而謀爲不朽俾先  
生名在宇內造化終莫得而厄矣

桂林記游序

柳子厚在柳州擇山水近治可游者游之而書  
爲記搜竒挾勝而柳州之竒甲于粵西范至能  
好竒如子厚足跡半九州余讀其攬轡紀行諸  
篇未嘗不想見其爲人所稱玉笋瑤簑森列無  
際而桂林之竒甲于天下彼愛其旁無延緣崛  
然特立士之自樹類之手由宋至今無有詠其  
奇者同年管世臣紀勝得景十二使柳州石湖  
見之欣賞當何如耶世臣自出秘書歷楚蜀游  
閩廣而詩益工若有得于山川之助者茲編也  
固西游之橐中裝矣

白華樓稿序

白華樓藏稿續稿吟稿鹿門茅先生所著也先  
生文章爾雅雄視宇內謂余可問其旨曾序其  
文先生以全集寄豫章屬余序焉先生嘗謂天  
地萬物之情各有其至世之能言者當於六籍

三西園續集

卷之二

五

中求吾心之至者而深於其道然後爲文有物有則是也屈宋以來渾渾噩噩蘊籍百家包括萬代有周秦之遺者非司馬子長乎閎深典雅若劉向斟酌經緯若班固西京之文猶爲近古累數百年得韓子而宗元與之名于唐又三百年得歐陽子而三蘇曾王與之名于宋皆得古六籍之遺而言之者漢之崔駰蔡邕晉之左思陸士衡齊梁陳隋以下非無龍驤虎闢之士視諸家有間焉先生立論蓋自義文周孔而千載

三國遺集

卷之二

三七

叔而不知爲列傳之遺也雜著似介甫而不知爲贊詞之遺也觀先生之形者諸大家觀先生之神者太史公而原則六藝盡之矣昔人言文如萬斛之珠取之不竭根之茂者其實遂膏之沃者其光晔又如千兵萬馬風恬雲霽寂無人聲此不可品先生哉往在蜀中南充任少海以文示余曰此可傳後世否余曰文章如日月終古常見而光景常新駕凌古人便可傳後世矣少海首肯焉茅先生之文差等千百世之上矣

三國遺集

卷之三

三八

又何論千百世之下哉先生近移書言欲燬平生覆瓿者之稿而深求六籍以自娛夫天行健君子以自強不息謙受益時乃天道先生老健而謙其文日益茲編在天壤與日月而並遠也

二酉園續集卷之三

沔陽陳文燭

序

邵圭齋先生集序

往余同邵養心舉進士觀吏部政每論文及大江之西則曰廬陵歐文忠南豐曾文定臨川王文公廣昌何文肅南城羅文肅此五大家者庶童而習之茫乎無所得也不佞謂求叔之文達子固之文粹介甫之文工彥實之文雅景鳴之

二酉園續集

卷之三

文奇卽唐韓柳漢馬班邈六經以適于道者也文不在茲乎養心投袂而起曰安得執鞭弭屬橐鞬與五公相周旋哉養心由給舍守建寧刻諸公集序焉獨何椒丘集未遑耳善乎其言曰唐文三變韓子振之宋文三變歐陽子振之門人大蘇氏曰似韓愈似陸贄似司馬遷李太白似之爲言蓋歐陽之自爲文也南豐言一道德同風俗爲盛當理則一不當理則二庶乎孔門之謂文章孔子曰辭達而已矣子思曰喜怒哀

樂之未發謂之中發而皆中節謂之和和也者

天下之達道也辭卽喜怒哀樂之成章而達于天地萬物之道也仲尼日月也海也曾氏水之江漢乎是支流也星之斗乎是借光者也臨川王氏之學又以明法意綜名實爲務不獨文辭爾也當時有雌黃公相業者宋都汴京無幽冀寧夏是無右臂疲西事而驚北防詳議論而略事實積弱難起而公經制西北惓惓理財用人國計深矣激成之嘆偏徇之評蓋確論云乃其

二酉園續集

卷之三

二

文簡勁幽渺胡可及也國朝文體多沿宋元圭峰公振之有評其奇且新者不知塗轍墳索跬步周行意匠中程指揮合度反正而奇思舊而新龜龍鱗鳳之瑞始疑之今論定而快覩焉養心所見于文如此詩愛陳拾遺杜工部梓其集而悲其遇所云伯玉類楊雄是獨見語也且感遇之旨激敦人倫召天和招諫引賢安宗子之疏切伯玉所有雄所無也而恬於利祿雄有之伯玉有之雄似明夷箕子在伯玉可知也沉

思默味其詩有足流涕者子美在唐王者之迹  
熄而尚寄於開元大曆間以有一代之詩史也  
其戀主似屈平玩世似東方朔任重似伊尹庶  
乎孟氏之謂天民也宋人謂唐人無理學豈理  
學不在行義文章耶養心所見于詩又如此假  
令六七公聞之安知不謂後世有相知定吾言  
如養心者哉今取養心遺稿誦之奏章挺挺序  
記翩翩不滿百餘而縱橫有法恢竒多聞足傳  
遠也詩厯數十首而托興幽遠點綴渾涵有風  
騷之致夫文如歐曾諸家詩如二子古人擅長  
何得而兼之後世有得一體者有具體而微者  
天假養心以年當駸駸古人乃遠跡頓于促路  
長筭屈于短日養心殆齋志而九京者乎後世  
知言之士按牒而求誰爲文忠公之耳孫乎誰  
爲文定公之宗子乎是在養心矣昔人言詩有  
江西宗派余于文亦云養心有水部諫垣建陽  
成都山居諸稿總序而題曰邵圭齋先生集

石室私抄序

石室清隱朱紫陽筆也在福州道山下南臺魏  
先生家近山麓遂扁其門平生著作藏焉題曰  
石室私抄先生舉嘉靖甲辰進士與先中議公  
爲司馬同舍郎每與不佞談三朝故事若有未  
竟者先生分守嶺西轉廣西東憲思太夫人上  
終養疏言時清而辭官人臣所不忍也母病而  
就列人子所不安也其辭楚楚 今皇帝允之  
先生家食十餘年方蜀有番蠻跳梁發兵勦之  
龍州有土官變提兵擒之今改爲府黃中巨寇  
連害三楚調兵平之今征龍州征支羅記可考  
也廣有徭浪諸賊擁衆橫行條安壤事宜練兵  
息之今嶺西大征議可考也冢宰蒲州楊公寓  
書言松潘政甚佳龍州功更竒天下之寶當爲  
天下惜之愛先生經濟之略如此乃先生佇中  
區以玄覽願情志於典墳自六經周禮外如鶡  
冠孔叢呂覽越絕諸子何啻百家先生取而定  
之有爲而言獨見而語妍蚩在已更不隨人一  
洗末師之訛如漢魏唐宋諸人何啻百氏先生



極論之設身處世因跡探心前史屈筆一一彈射令其後生且心服焉至詩歌典麗書記之文翩翩可誦大宗伯烏程董公寓書言政務劇繁日不遑給參考簡編忝詞林者覲顏矣愛先生雍容閒暇又如此夫驥整蘭筋顧盼千里鴻揮勁翻陵厲清浮若太宰宗伯兩公可謂賞音之士矣豈借翰于晨風假足于六駁哉司馬遷自言究天人之際通古今之變成一家言藏之名山傳之其人通邑大都後世有太宰宗伯其人

三酉園續集

卷之三

五

與先生足重矣不佞書以俟之

默游園稿序

滇南以詩名家者有禺山張先生中溪李先生皆楊用修所推服愈光詩已久布乃海內文章之士尚延頸想見李先生詩也頃閱中阮令射洪張令先生門下士以文學飾政見余慕說先生不休遂梓默游園稿請余敘之嗟乎知言豈易哉古今才情潘陸竝美有謂岳為勝又嘆機為深者至云潘才如江陸才如海則鍾磬之品

當也李先生才瞻思逸飄然有青蓮之風而英華歸趣多得之少陵昔用修嘆張詩純杜而任少海又言其似太白即取以比先生猶江海云耳今新都太史已長逝而南充任司直尚在倘見茲刻寧無定評哉或謂先生少年有高才讀中秘書一出守歸去不復究將相之業乃默而識之日與道游先生所得于山中者益弘遠莫窺矣異時訪先生願請質焉

孝友堂遺稿序

三酉園續集

卷之三

六

詩言張仲孝友美中興也比部張德南以孝友名堂又名其先遺稿稱三張云一日持戢鄭卷與余讀之知大寧博士敬中者與近夫給事友而繼之吏部曾遊其門二公詩有海內名咸稱敬中不啻口出乃尊人饒平大尹文哲其子寧波別駕經世俱能詩而聲調中度袁考功魯望所稱興致洪深叩之鏗鏘有餘韻不獨恒谷爾爾又余讀文哲少時座右銘有云嗟哉濬心昧而未醒不予不友弗弟弗兄汝師孔氏惟曰儀



刑比其沒也敬中年十九而哭之哀及經世之終也夢與母夫人至帝所而訣此其孝思先後一致而惠政高風在饒平大寧寧波間張氏孝友世德矣寧獨詩相紹述哉比部詞翰不揚先代聞有四張人言必簡流派少陵始大余于張氏亦云

七澤吟稿序 代作

余友胥季明少有雋才博極群書至于聲詩又竭平生之力每一操染數千言立就里中無不

二酉園續集

卷之三

七

知季明者晚就鄱陽縣令隨坐病免鄱陽近彭澤而季明慕陶靖節爲人歌歸去來詞且嘆曰吾終老于洞庭烟水之間不亦可乎歸而其思益工其詩日益有名卽七澤吟是也往年季明寄余貴陽授吳明卿選焉明卿謂季明以才被施怨而不怒無論三閭庶幾哉景差宋玉之徒放方欲謀梓會余入蜀不果乃陳玉叔見而愛之又謂季明諸作如披沙揀金往往見寶體裁命意琅琅瑤瑤約諸古鑊杜審言孟浩然皆有

聲江漢間而季明崛起嗣其徽音斯稱楚材哉二君皆文學掌故其言足爲季明重遂錄諸木傳焉自是海內藝林之士必有知季明者余獨惜季明抱用世之才未究其用而徒以吟詠自適古有薄富貴名滅而慕文米揚于後世者吾知季明不以彼易此矣

月樓吟稿序 代作

月樓吟稿隴西郭先生撰也往余入秦訪先生山居論文夜分明月滿樓始別去越數年余撫

二酉園續集

卷之三

八

蜀先生之子侍御公按蜀相見驩甚既還朝始通先生書得近稿及龍團子傳讀之泠泠生清風也嗟乎古人嗜清茗無如盧玉川其詩爲韓昌黎所識賞至釣吟樓上諸曲處炳枕林先生澹然世味雅同盧好乃其篇什清婉絕塵又復似之昔公家景純獨步於魏晉元振擅名于李唐而僉憲省菴公起三秦間長于詩歌先生善讀父書能馳騁其間斯亦豪矣卽先生之詩財數章耳安知不與龍團子並贈炙於人口哉學

憲陳玉叔愛先生所作傳又愛先生詩余屬其梓而傳焉侍御公早有才名著東觀行將大先生未究之業異日有梓先生全集者茲特一班云

### 和唐音序

吾友通州陳大叅思立梓和唐音一帙不知爲誰氏作出示不佞命弁諸首劉禹錫有言曰片言明百意坐馳役萬景工于詩者能之此爲唐人語耳卽編中所和如玉維李頎則工七律子昂浩然則工五言至絕句如昌齡惟李白竝之子美且讓焉是唐三百年間財數子耳尚不能兼况後世乎若其用心斯亦勤矣茲編出則其人姓名豈終逸耶因書以俟之

### 浮泗稿序

往吳明卿先生語次盖及紀旭仁云後吳守高涼與旭仁倡和海南間又序其使北稿未幾旭仁判亳州值余守淮旭仁曰曩在五嶺交吳先生不去其官今得侍左右庶幾比小山八公之

序

### 春塘集序

春塘集者草池余先生詩也先生登嘉靖癸未進士仕雲南按察司副使與兄方池太史並有才名談藝之士稱西蜀兩余云太史有南塘集而先生詩未傳也余取而覽焉自古詩人其才高其志弘而又得于父子兄弟者尤爲奇邁陸謝諸王赫赫尚矣卽眉山二蘇文雄一代而說者乃云詩律不逮古人此與耳食何異子瞻之

詩富艷難蹤于由之詩清遠自適至于篤愛世  
誰似同心味尤長二公詠之矣余先生諸作在  
黃鵠碧鷄者思壯而悲在三巖凌雲者語放而  
適又與懋昭近則連床遠則尺素同德比義而  
相師友既竭其才而畢其志其詩工矣海內推  
轂太史子蘇長公似也茲編近乎樂城之間又  
眉山奇事哉余嘗泛舟青衣江上謁肅敏公祠  
至不能去憶嘉靖間

肅皇帝御批有云今無英廟余子俊才是時公

二酉園續集

卷之三

十一

兄弟以才廢英英壯夫耳奈何不還朝廷以光  
先烈竟文酒終其身哉余感焉題其集而藏之  
山堂

### 幔亭紀遊序

武夷有幔亭峰云余振衣登之與大王峰連而  
頂平曠其左則冲虛觀也秦皇帝時聞玉帝與  
大姥爲武夷君王子騫輩設綵屋雲烟霞褥宴  
鄉人于其中而呼爲曾孫咸登遐壽蓋仙境云  
乃費民益之詩又何有仙氣耶民益爲文通公

季子清修博學少有才名往叅軍時詩多唐人  
語嚴整若霍將軍冠履出入禁闥冲淡若林處  
士吟弄在西湖梅月所傳籌筆軒稿是也左官  
入閩造語尤工若弘景入茅山隱居華陽樓上  
淮南王安與八公之徒乘雲步虛呼吸千里翩  
翻乎欲仙也豈從人間來哉余謂民益詩真有  
武夷之助云題曰幔亭紀遊而引其端民益起  
謝曰與公談天碣石幾二十年恨有塵氣公謂  
我語僂耶斯橐中裝矣

二酉園續集

卷之三

十一

### 鯉湖紀遊序

昔李太白遊漢沔湖張謂語曰古來賢豪遊者  
非一而寂寞無聞吾子標以嘉名可乎舉酒而  
號曰郎官湖至今傳諸不朽九鯉湖著夢靈異  
聞天下舊矣而敬美標其勝于筆端所稱水晶  
宮玄珠石古梅洞瀑布泉龍擦石歷歷如畫而  
珠簾玉筍之勝又與鳳凰岡相峙夫湖水來永  
福萬山間遇九漈石相爲奇麗無論何仙九人  
乘鯉事大都仙境也讀之使人有凌雲氣秦漢

之君當褰裳濡足者乎至與黃生全之王生汝  
存題詠諸篇則靈運登覽景純游仙邁見古人  
矣異時鯉湖之勝得敬美而益彰奚啻供奉于  
郎官錫以嘉名哉往登鼓山敬美以爲奇而余  
有倦意今于茲編忘倦矣豈人間仙才有勝于  
欲界仙都耶兩生請余引其端而敘之

亦與堂稿序

項山人者永嘉甌東先生之子也先生以文章  
行業名當代假令先生在予爲執鞭忻慕焉余  
三酉園續集 卷之三 主一  
故徧交於先生之諸公子夫漢廷韋氏稱世業  
祇一玄成耳翩翩乎何項氏之多才也山人在  
諸公子中長且賢困於賢良文學往往稱說先  
王引作者之繩墨尤刻意吟詠其篇什隨感而  
發直舉胷情冲然天曠讀之清逸悲憤有風人  
之遺焉文則出入史漢中多確論蓋山人少讀  
父書其所與交者非大人行則海內知名之士  
也山人自悲所如不合又自驚其才嘆曰天亦  
有以與我乎名其堂且名其稿云嗟乎與角而

去齒與翼而去足天固不可測也以山人才何  
所不可而骭髀巖穴無所表見是遵何說哉司  
馬子長曰古者富貴而名磨滅不可勝數惟有  
文采揚于後世意天之所與于山人者固自有  
在耳余讀山人代父獄中所上書可以識山人  
之大若驚鴻等篇悽惋欲絕是山人以才取忌  
幾不能保卽山人何能自解乎乃予亦不能爲  
山人解矣山人手其集命余言余因道其感于  
山人者如此山人有稿若干卷成一家言藏之  
名山傳諸其人  
三酉園續集 卷之三 主一

青谿社稿序

往顧華玉陳魯南以詩名金陵所與和歌如孫  
太初王子新又一時偉人余讀其言而愛之蓋  
弘德之際一二綴文之士力于復古非唐人語  
不道故數公翩翩起東南間嗣後寥寥無聞焉  
近十二子結青谿社懷鉛吮墨酬觴永言雖人  
人殊大都構意命辭曲中往軌江左風流顧未  
泯哉十二子中多懷余之篇梓成屬余以言出

處姓氏太常許先生言之頗詳因識余意所繇興云

宋祠部集序

少余讀殷近夫給事邊廷實尚書所爲文辭卓然一代宗工名海岱間後許思仁宗伯蘇允吉司馬李伯華太常又接跡而起比交檢討沈子靜少卿李伯承按察李千麟其友如許長史殿卿謝山人茂秦又交馮汝行別駕其兄弟有汝強貢士汝言光祿彬彬皆文學之士海內比之麟鳳何獨多于齊魯也豈周禮義之化與洙泗之教竝隆顧迥異它處耶乃今復見益都宋先生矣先生少有俊才多讀古書以春秋第一人舉于鄉偕計吏七上書

二酉園續集

卷之三

五

闕下皆不第乃授魏縣博士有善教當路疏薦之轉南京禮部司務先生發憤大業思立言爲不朽計故雄略奇氣盡洩于文多感慨諷切之指而得先秦兩漢之遺至爾雅簡潔則在李習之柳子厚之間其詩篇秀逸美刺並陳一一唐

人語雅似高岑王孟諸家每沉思結構夜不能寐心冲冲乃病病遂已矣豈欲以明河篇自獻如公家之問耶不然何其苦心若是也魏之諸生梓其文爲去思錄余讀而愛之詩藏于家乃康山人裕卿誦宋先生詩不絕口云先生有子汝含職方將合刻之以余雅慕先生乞引其端因題爲宋祠部集俾宇內知海岱間有宋先生如前諸公足爲齊魯重也先生諱延年字仁夫號一川居士

二酉園續集

卷之三

十六

郁木生貴陽稿序

昔太白在夜郎子厚在柳州皆以文筆潤其蠶叢鳥道磨牙吮血椎髻卉裳之陋而至今吊古之士咸咨嗟嘆慕有謂二子得山川之助者貴陽去 中朝幾萬里而朱秉器以行省左使臨之今讀其詩語清新而奇思雋永而厚其真張樂洞庭之野吹笙嵩少之峰翩翩欲僊者乎視供奉刺史在播柳時所作若聽胡笳聞塞曲悲不自禁者異矣夫貴陽洪暢 聖化三百年而

氣候嵐瘴隅隈險詭雖天地不能蕩而平之秉器才膽如李學富如柳獨所處之異故所感亦異乎天子將以保釐中原寄之秉器異時黔筑之間彩筆輝潤比于播柳山川且以爲重矣敢謂其有助于秉器哉不佞在蜀曾序秉器詩今喜貴陽之詩傳遠也敬題數語于上

### 水部稿序

水部稿者桃源胡葵亭公作也公諱思忠舉嘉靖己丑進士素善吟咏爲時循吏余守淮問公

二酉園續集

卷之三

七

下世矣而其詩無有談之者其子惟觀在諸生中余識賞焉又十六年惟觀梓其詩寓書曰觀之有負於先生也何其久而未伸乎先君子遺詩願得先生言其不敢負先君子者有先生之教在耳子野審音離朱察色非先生孰傳焉余覽而嘆曰古今以水部名者莫如何遜當時與思澄子朗號東海三何胡公非獨官同其地同也其詩多七言近體大都範往哲而出已意蓋吊古懷人憫時憂世之志垣切于衷自形諸篇

詠耳語曰石韞玉而山輝水懷珠而川媚士有蘊藉言胡不昌也竊謂公往令蘭溪其安仁之在河陽乎出守辰州其靈運之在永嘉乎至弘獎風流增益標格與何水部並傳爲淮海勝事有耳目者知之矣余獨嘉胡子能收公詩于二十年後多得于斷簡殘牘中不遠千里而請質斯亦無負于父師者與

### 操縵集序

往余官廷中同年范太史伯禎向余稱詩及德

二酉園續集

卷之三

七

南張子一日見其牛首雨花燕子磯詩輒擊節賞之後浮淮則見韓侯祠詩寓蜀則見浣花草堂詩淮陰拾遺古今吊者踵武乃德南二律稱要妙焉比入閩則德南有操縵集梓行矣德南命余一言因嘆曰詩難哉公家茂先其詩務妍冶名高曩代謝康樂猶恨千篇一體耳崔信明自矜奇句鄭世翼見其衆篇乃曰何少楓落吳江冷耶悉投水中余所聞德南及所見篇篇稱善焉評者謂其意玄而語新詞高而格正古風

近體各臻其妙又謂其穆然深思超然遠覽若舞千羽于兩階張樂洞庭之野律呂相宣鏗金戛玉似之乎似之乎伯禎言蓋不虛云昔伯牙鼓琴而聞者乃云巍巍乎高山哉蕩蕩乎流水哉德南生平多山水之志而登臨諸作尤勝敢竊附鍾期賞音之意云耳

遽廬稿序

肅皇帝乙丑治幾刑措余官大理寺評事暇則讀書與友人結社憶 昭代廷中若吳中徐子

二酉園續集

卷之三

九

昌穀晉中常子明卿有聲藝苑豈非官閒而思逸情適而語工卽欲追蹤何可得哉 今皇帝丁丑可大朱子爲是官可大天才穎異弱冠登朝先大司空公與先職方公爲文翰交不佞寓書可大以徐常不朽之事砥礪焉未幾可大正直左官周旋汝洛吳越召還水部晤不佞于章江之上出其詩讀之無論其精神淵涵照燭三才暉麗萬有志在曹劉阮謝高岑王孟之間而直寫性靈遠超物表絕無牢愁悲憤之態旣濬

發于巧心復鼓鑄于往哲逸而奇工而麗伯仲徐常矣昔獻吉李子謂昌穀守而未化川甫李子謂明卿有美才而不以盛德滋益也竊以爲知言可大壯年茹華食實冲而不盈日新富有其進無方引稱作者廷中故事耳先職方公有言唐人以詩名家獨蘇晉韋嗣立賈至諸人世其業斯亦難矣大司空文章在天壤若可大者亦古人之克肖者與莊生等天地于遽廬語化也可大志化境哉是以名其詩

二酉園續集

卷之三

十

榮遇贈言序

桐鄉馮子漸大叅母太夫人有奇節被旌又膺封典海內學士榮之矢歌綴文刻爲贈言錄屬陳子序焉序曰余讀劉向烈女傳未嘗不嘆古女教之嚴師傳保姆詩書圖史琚瑤珎珮璫櫛纁蠶莫不周悉故從一終焉其事有仁人志士所難爲者或割耳剔目斷髮斧臂而後得全輒咨嗟憐焉後世女教廢而以節自守者間有之往往在遐陬僻壤而名不聞數百里外卽教子



成名或未逮封有逮封者多至不旌此載在令甲彼其心亦稍稍自恨其未白雖謂之不遇可也馮太夫人失贈君時年未三十子漸餘三歲而弟敏遺腹太夫人教之有成又葬大父有禮贈君所以爲人子爲人父者一一有託且無奪志之事如古人之不幸者子漸成進士上書闕下情詞楚楚太夫人所爲極難耳朝廷義而旌之守太倉考績誥命封焉東憲河洛旬宣福興諸路太夫人就養以行融融樂也夫旌典

三香園續集

卷之三

主

勵爲人婦者封典勵爲人母者太夫人兼之其遇榮矣天之所以報施善人者何定哉司馬遷言閭巷之人砥節礪行非附青雲烏能聲施後世太夫人有丈夫行又有丈夫子荷主恩而益彰得群言而益著名赫赫天壤矣余因述之俟續女史者采焉

### 襲懋卿詩序

江都司訓襲懋卿以詩謁余與語謹甚未幾檢平生作介門人陸生無從以序請余觀齊魯爲

文學之鄉弘德以前無論也卽李于鱗起嘉靖間以著論高一時懋卿與之爲忘形交今其詩氣高力雄質之作者往往合軌而五言古尤潔偉可愛懋卿少負才美視青紫如拾芥耳乃竟不遇故憤惋不平之氣稍稍洩于詠歌古人謂詩言志信矣乃懋卿自言得之李生云嗟乎同聲相應同氣相求昔之杜孟王裴其居近其交深也其詩並傳于峴山輞川者尤著安知懋卿詩不與白雪樓集並永海岱間乎益信朋友之

三香園續集

卷之三

主

助不可誣也自余守淮陰日因吏事每放舟維揚得懋卿詩讀之神爽又得無從無從詩名在海內斯解順匡鼎也何幸交此兩人耶余重司訓且以陸生之請序其詩歸之襲名最濟南人陸名君弼江都人

### 全生一覽序

昔宋晁文元公以文儒亨遐齡所著無生要義其言達矣後有作金丹解及真詮錄者大都皆養生家言憲使甄子一彙刻焉題曰全生一覽



嗟乎吾生也有涯而知也無涯以有涯隨無涯是殆而已矣彼後其身而身先外其身而身存綿綿不死者其神乎卽吾儒與二氏蹊徑不同苟得其養殊途而同歸矣又何異焉語曰不班白語道失余烏足以知之竊味茲錄貽我同好云爾

### 龔雲坡稿序

龔博士司沔州教余起家掌閫憲門人童子登先持其稿請余一言入閩不果每與博士談藝  
三酉園續集 卷之三 重  
驩甚謂余文出史漢王道思文出歐曾博士固道思鄉人也于子長孟堅永叔子固之書一一涉目而運之筆端氣雄而不弱辭贍而不穢泗濱如浮磬將樂如玉華沔陽如江漢延平如劍氣四典教而聲名籍甚若與山川爭其靈異者學足待問可爲人師矣夫王豹處于淇而河西善謳綿駒處于高唐而齊右善歌博士之文皆道思風之也嗣後官入洪都博士自言垂老困窮欲得余言以爲重因嘆古今文士用則爲龍

不用則鼠卽道思止參知耳寧獨博士爾也然窮而後工老當益壯太史公薄富貴而美文采揚於後世意弘遠矣題其集而歸之博士可自慰焉

### 李我泉詩序

縉雲李先生佐吾郡余方家食先生最重余往往叩草堂而問焉暇集諸進士爲文酒之會余所見聞郡大夫有才情者惟祥符李川甫華亭表履善二先生耳參佐以下賢者工簿書刀筆爲稱職何暇及文學先生在郡喜吟詠卽謁上官走田間多作烏鳥聲一日辭官去沔就余曰錦何足與言詩顧念茲在茲公爲序焉魚目爲珠矣余心許之又二十年先生歸老山中哦詩不倦有子逢京爲建陽簿先生寓書曰錦何敢辱公言顧有前諾幸爲我終之李生死且不朽矣余心壯之陳子曰余爲諸生見沔民苦府庫役一日費數十金當之者如赴湯火乃太守鄭公與先生同里至則罷之以先生之言先入乎

一言而汚民更生矣夫詩三百篇莫盛于豳風而七月之章詳于民事古人所謂詩可知矣假令先生在官無一言利民而徒工于詩卽篇章珠澤文彩鄧林又何取焉余竊感于先生而樂爲之言卽先生詩不足以槩先生也

逍遙樓珍翰序

不佞髫年從先職方公游京師一時名公折行而與弱冠登朝海內諸公又多神交往往音書慰其寂蔑其它暱友可知也二十來後先公謝

三酉園續集

卷之三

五

世讀禮之暇取而誦之其書半在篋笥其人半化異物中有堅如膠漆而魚雁可續亦有邈若河山而蘇蠟尚存乃知江東暮雲之懷山陽隣笛之感古今人情不甚相遠矣因命壁圭兩兒珍藏逍遙樓而題數語于上

吏隱稿序

溫陵莊子有文名往浮淮訪陳子無卧閣守楚訪陳子清醒齋陳子入閩訪莊子吏隱軒兩人遂爲金石交公家漆園吏所稱惠施之好者哉

出其左史詩讀焉陳子曰往溫陵盖有五子詩社云王子道思序而傳焉彼謂詩之道誠深而事則微矣夫道在天地動于人心觸于物變王公貴人爭工于片言隻韻間不快其欲匹夫匹婦不思而得如古國風所列是也王子悲五子不用于世而徒以事之微者成名焉君子疾沒世而名不稱果名矣何得而隘之王子有激而言耳左史一典名州卽曳裾王門入而圖議出而應對咸遵憲令嫺于辭賦暇則嘲笑風月何天之間彫續草木何居之下遇合魚水何騷之擬吾不知視五子詩若何使王子見之將謂深而可名與昔尊公吏部振藻海上其孫太史兄弟鸞龍虎之文季子彥升清越在諸生中可方古來王謝阮陸諸名家豈青原山有靈耶吾將往而叩之何莊氏之多才也

佩壺詩序

昔唐李賀工詞章每從小奚奴背古錦囊遇所得投囊中日萃如山而自謂吐出心肝賈島京

師騎驢得句引手作敲推狀卽衝公卿前節不顧也竊怪二子工詩何自苦若是哉洪山人從周客長安二十年與余締布衣交其所吟詠準于唐人往往不輕操染興有所到敏速若注射絕無鉤棘之態一時公卿交口而譽引爲上客凡有登覽必山人在坐而後快乃山人風流自命嘲咲花鳥性簡潔趾于請張司馬所稱能自重而公卿重之者後山人歸赤城餘十年一日走使章江之上請余序佩壺稿余解頤讀焉取

三曹園續集

卷之三

七

從周與古人較工拙非余所敢定獨視長吉所得比錦囊爲多而廟堂諸公爲浪仙之相知者不獨一韓退之也世何得言古今人不相及耶題數語質之異日遊天台雁蕩求爲禽慶而畢吾向長之願康裕卿已矣舍從周而誰耶山人名孝先康名從理俱永嘉人

周山人詩序

永嘉盖有嘉山水云如天台雁蕩之勝甲于寰區中多金庭玉堂仙人芝草當時生長若王景

山周行已劉安節仕宦若王羲之顏延之遊覽若謝靈運范宗尹諸公高風遺詠衣被千載乃今有周文美其人耶文美少穎敏絕人薄舉子業不爲讀書雁蕩山中號雁山人年三十上會稽探禹穴涉吳會歷金陵泛洙泗登泰山謁孔子廟過夷門登嵩少徘徊吹臺間梁諸王重之由梁入燕與射書擊筑之士爭雄縉紳諸公重之復下郢川觀雲夢問章華昭丘之遺楚諸王重之後愛兩花燕磯之勝寓居者二十年南都諸公重之過于往日山人竟歸雁山年六十矣始梓其詩真有山川之助乎而余獨本諸雁蕩若與山人雅稱耳彼終南捷徑北山逋客卽有佳處胡以益之余故以山人爲高士也若其思清遠其詞穠鬱其學典麗評者業爲山人子期矣怪哉素師言雁蕩山頂有天池雁出石下潭爲龍湫南有芙蓉峰西竺經云諾矩羅尊者所居震旦東南大海陽山花村者耶自古不見于圖牒山人探之廣異聞焉其詩當大進

三曹園續集

卷之三

七

古今文操序

客有善琴者以余夕佳樓記爲琴操與蘭亭菊賦先後鼓之雅中金石客以爲若出于一人之手夫王楊古之聞人也余何敢望獨有感于知音之難焉仲尼曰洋洋乎翼翼乎惟文王乎鍾期曰峩峩乎在高山乎洋洋乎在流水乎此千古神識其後雍門之感不常廣陵之散欲絕客何得創爲此操令聽者忘疲有琴之心哉古未之有也後或愛而傳焉至評余文或在揚前或居王後非所知也客唯唯而退因題數語弁焉

二酉園續集

卷之三

无

二酉園續集卷之四

沔陽陳文燭玉叔著

序

秉燭堂二選序

余友費民益謂陳彥充善晉人書及讀押歌詩選淘沙文選乃門人荆學憲擇而取之十財一二可稱三長云彥充有高才令合浦仕宦不達輒投効以歸一日遣子秀才嘉燕謁余謂余神交俾訂序焉昔魏文帝嘆古之作者寄身于翰墨見意于篇籍不假良史之辭不託飛馳之勢而聲名于後彼年壽榮樂其易盡者又常期耳陶淵明感士不遇而賦之所稱懷正志道者或潛玉于當年清操潔已者或沒世以徒勤寓形百年而瞬息已盡立行之難而一城莫賞此所以染翰慷慨屢伸而不能自己者乎彥充體氣高妙藻思綺合意有所屬千言立就所上林學士論珠書卽盧仝採茶墜崖之意柳子捕蛇蠲賦之說也而竟不大用至感遇一詩誦之令人

二酉園續集

卷之四

有唏吁莫禁者優游林谷大放厥詞如雪蓬處  
士古囊山人其素心往還者與山水之好田園  
之適形之篇翰不一而足假令彭澤不仕終隱  
柴桑其言何所假託自足傳後又安論遇不遇  
也彼貧賤攝于饑寒富貴流于逸樂營目前之  
務而遺千載之功如魏文所痛亦古今人情之  
大槩也視彥充何如哉竊高彥充之志而道其  
大都如此若某文某詩法西京而宗大曆自成  
一家言荆公品確矣桓君山之于楊子雲豈阿  
私所好者哉彥充名所有號四樓逸叟家壺公  
山下

二酉園續集

卷之四

二

入閩游草序

學使顧道行往爲南吏部郎有詞名寄余淮上  
詩入蜀周國雍守順慶出道行清音閣詩與余  
讀之未嘗不篇篇稱善也入閩談藝驩甚復以  
游草俾余序焉余觀詩三百篇十九首至于唐  
咸有定則如規矩方圓之至自昔名家範往哲  
以明已意善乎鍾嶸之品也茂先之詩出于仲

宣景純之詩出于安仁靖節之詩出于應璩而  
協以左思風力彼才不逮數子而師心屬意欲  
振藻擅名斯亦難矣道行天才俊逸遠寄冥搜  
形諸篇咏結構師古多冲曠之懷澹泊之味大  
都古體宗靈運間似明遠近體宗摩詰間似應  
物絕句宗龍標間似隨州歌行宗供奉間似嘉  
州至婉轉清便點綴映媚所謂流風回雪落花  
依草似之矣夫武夷石竹鯉湖玉華洞諸勝皆  
神仙窟宅道行詩有仙氣豈真得山川之助耶

二酉園續集

卷之四

三

余讀道行詩而嘆古人之當法遂以古之品名  
家者品之非臆說也異時道行詩益富而傳益  
遠安敢謂其人生于六朝三唐之後哉道行壯  
齡未艾業足名世若達夫工于暮年子美細于  
晚節余于道行有厚望焉又安敢以茲編槩道  
行哉

項季子集序

陳子曰永嘉蓋有項甌東公云予嘗欲走吳越  
登天台雁蕩諸峰訪今昔名賢如甌東其人者

恨不與之遊也去歲識項季子思文于長安邸舍時季子出佐吾郡貌清修而語要眇感慨有父風子所向慕奚必親炙哉後以燕遊諸詩示予予誦之琳瑯悉合唐人格調思堯伯仲以文學紹參政公舊業乃復見季子耶昔漢太史令司馬遷文冠千古唐杜工部甫詞人之雄也識者謂談審言先之雖二公材美尚有籍哉參政公文章行業霄壤並茂曩宦于楚片言隻字留于楚者動關國體楚人寶之宜季子有斯作也

三國圖經集 卷之四 四

語曰丹穴多奇毛今觀項氏不虛矣予觀昔時擊甕叩餅之夫其呻吟中節采于名家聲施後世況季子之詩乎又千金之子馳情輕肥利今智昏不嫻於文修詞如季子者可多得乎季子懷瑜抱璞阨于下寮第年二十餘耳由茲更進陵轡有唐諸家是在季子予雅愛季子又愛季子詩謀刻郡齋季子謙讓未遑也會予同年友人潜江初嘉氏乃參政公仕楚時聘以誨季子者來訪季子命鋟諸梓季子始唯唯退請予

引其端予因題曰項季子集且敘之俾世有以知季子也

### 天岳山人詩序

華容舊多文章家如按察周子賢洞庭漁人孫仲可并其子必繁俱以詩名後必繁致余書道謝子詩又翰林王子引瞻語余曰予見天岳山人詩乎詢之即謝子後山人以詩來余與語合山人酒酣目炯炯發高論取古今作者而提衡之如揖坐上且言李何論詩之辨實異而同余謂三百篇以至唐人詩教大備今無其意而攻其辭則本根支離而難訓襲其意而遺其辭則體格卑弱而無當合意與辭而不極力變通化其蹊徑即欲成一家之言以名後世可乎語曰不班白語道失吾知其無能為矣惟其有之是以似之山人唯唯別去翌日山人出平生詩示余余讀之真有志于範古者其辭意大都似矣又屬余序陳子曰往關中喬景叔督學吾楚見山人才大奇之以為國士此宜出入金馬門者

三國圖經集 卷之四 五

竟老一學宮博士何哉詩必窮而後工無怪乎  
山人之窮也山人名文軌字同甫號天岳山人  
西齋集序

余讀陸賈枚乘匡衡陳琳鮑照張耒徐積諸子  
之作願爲執鞭出守于淮知諸子淮人也獨文  
潛節孝集尚行于淮耳及讀侍郎胡公璉南津  
集其子御史公效才其孫給事公應嘉疏又與  
徵江太守公善侍郎公少子也嘆曰淮古多文  
人昭代在公家乎太守公曰效謨何可當焉有

西園續集

卷之四

六

父兄在耳去淮十二年太守公以西齋集寄武  
夷山下寓書曰淮三百年間所去見思獨明執  
事幸明執事定吾言以慰吾思乎余讀之文簡  
而有法詩婉切而有味且博雅好修翩翩乎南  
國之佳公子哉往吳汝忠吳惟一俱余翰墨交  
老而下世淮寥寥焉太守公之繫淮文獻其桐  
江一絲乎寧獨重胡氏也

書傳裨言序

虞夏殷周之文見于典謨訓誥出于秦火孔壁

訛訓于伏生夏侯歐陽諸家之口經幾絕矣宋  
熙寧取士用王氏說大傷于鑿蘇子瞻楊中立  
程伊川呂東萊各有辨說大都攻王氏耳考亭  
獨言荆公有善處授其意于蔡仲默爲集註先  
職方公有一二臆說不佞思筆之未能也閩中  
馬子叔華其尊人大月徒專經曾作敷言統一  
理學今復爲裨言多益舉子業偶携是編訪余  
章江正焉叔華善讀父書者哉

林天迪詩序

西園續集

卷之四

七

林子天迪有玉鸞社稿蔡職方伯華敘之有瓊  
枝稿徐方伯子與敘之有叢桂堂稿王侍郎元  
美敘之有拊瓴稿王文學百穀叙之天迪以四  
詩質于不佞不佞嘆曰古今人論詩余有感於  
才之難云蓋才本造化而詩以發之悅豫之情  
宣於春籥陶之心凝於夏陰沈之志遠於秋矜  
肅之慮深於冬而寫氣圖形屬采附聲如灼灼  
狀桃花之鮮依依盡楊柳之貌杲杲爲日出之  
容喈喈逐黃鳥之詠所稱思經千載無能易奪



使非造物者有以畀之安能以筆端發化工之妙哉語曰桃李不言而成蹊有其實也男子樹蘭而不芳無其情也至幹以風力潤以丹青綴學鑽厲天才始見故楊雄于桓譚命其讀賦千首而殷仲文天才弘瞻尚恨讀書不多耳天迪少有異質出語驚人慨然志於作者之場宗伯公異之命爲舉子業乃天迪不喜爲舉子業獨喜爲詩家多載藉日夜下帷內無乏思外無遺物可謂識子雲之奇半袁豹之書矣所傳四詩

三酉園續集

卷之四

八

若古若近體勿論視黃初建安大曆貞元諸名家爲何如要之升堂觀奧富艷難蹤如珊瑚琅玕木難火齊弗資鏤琢而自足偉觀其天才之高邁者乎昔司馬遷歷覽而文著杜少陵晚節而律細天迪盛年而遊日廣翩翩乎安能窺其止哉或言林氏勲伐爲尚書者四人詞臣國師三世遞傳此國家三百年來無有也至論文章家有閩士有天下士卽天迪一逢掖吾安敢以林氏之子槩天迪哉天迪起謝曰雖有拱壁以

先駟馬不如坐進此道吾爲吾詩以卑吾志

### 王生題辭序

唐人詩數百家至清逸盖有孟襄陽云當時供奉拾遺號大家多心賞之閩中王生汝存在諸生中稱詩王懋復參知批點百篇絕類浩然夫襄陽自言棄于明主而踈故人終身不遇汝存精制義遭際明時何患無賞音之士哉參知少在翰林有詩名雅重汝存異代稱之閩有二王矣古今文人遇不遇何可等而一之惟定其言之是而已

三酉園續集

卷之四

九

### 王生詩序

王生汝存以詩質于不佞不佞題數語王敬美督學入閩見汝存詩又見不佞識賞以爲奇邁乃兩人薦于御史大夫沈公直指使者楊公莫不謂王生才士當視一第如芥及職方蔡公典閩試故與汝存爲杜中文亦不第蔡公曰此蘇長公所不能干李方叔者也顧二三公知子子何患焉投詩贈之中云郢詩自有知音在方伯



參知總國工而敬美序其詩謂鄭善夫以氣骨勝汝存以情致勝其詩俱足爲閩重云汝存一日過我泣曰湛遇先生而感生平之德於楚也往湛少年骯髒不喜爲舉子業獨喜爲詩里中爭駭笑之以爲病狂石首王公僉憲于閩見而異之枉駕衡門締布衣之交崇陽胡公督學于閩試諸生第一以爲國士無雙歲丙子蘄州周公今海澄場中得湛卷恨游揚之不力御史大夫麻城耿公左伯京山劉公參知安陸楊公後

二酉園續集

卷之四

十

之人稱焉必附青雲之士倘湛有聲稱於世哉竊附諸先生矣不佞感汝存之重知己也復作王生詩序

宋化卿詩序

嘉隆之間海內談藝之士無不締交不穀者萬曆而後有鎮江鄒子汝翼金華胡子元瑞華亭莫子廷韓馮子咸甫四子者天下才尊人皆仕中朝家多藏書游道日廣聲名籍甚俱稱莫逆云乃今得宋子化卿矣化卿尊公右丞同不穀舉進士官江西行省一日見化卿近體詩語麗以則思深以逸竊異化卿鑽厲制義思致青雲之上何得遊于開元天寶間耶右丞言化卿少無綺紈習簿舉子業不爲刻意爲詩往往在童年屬對有奇句化卿于詩蓋天性也嗣見長歌絕句及五言古氣暢以弘旨玄以邈又異化卿年未逮壯去漢晉千有餘年何得游于建安太康間耶右丞言化卿畫則下帷專經夜取百家諸子而潛精之風晨兩夕燈常熒熒也化卿于詩

二酉園續集

卷之四

十一

蓋宿學云化卿有讀書樓在孤山之傍乃西湖勝處斷橋流水空院落花情景俱適而往來山陰道中昔人詩有評如剡溪雪夜孤楫沿流乘興而來興盡而已者斯又湖山之助與敏而好學名溢縹囊右承有子矣時時以詩就不穀正馬不穀何以裨化卿哉易曰擬議以成其變化日新之謂盛德富有之謂大業夫日新又新充實光輝大而化之至不可知古人聖于詩而品者神之庶幾哉經世不朽之業乎願化卿之進

三酉園續集

卷之四

三

千化也既題其集而寓書二三百有得朋之助焉廷韓業與化卿善

### 踈狂山人詩序

踈狂山人詩者吾叔正卿氏所著也山人少抱異質長喜吟詠工八分書興至作山水長幅家有千金就酒家散之不顧也晚官貴陽黎平府幕已而棄去益工于詩卽不擬古誰何大都風雅之遺焉山人送余入蜀詩奇甚一日與友人登錦屏山絕頂酒酣歌之其人以爲絕似李太

白今集中亦多有類之者每手其稿示余命余一言嗟乎山人揮金若土棄官若屣乃疾沒世而名不稱此何可窺哉山人名格字正卿號踈狂山人

### 蕭凌喬詩序

蕭子凌喬有詩名在江漢間手其集謂余曰威遠兄墓公銘矣博士兄詩公序矣處士兄壽公文矣乃小子卑卑竟無言也余嘆曰唐人之重詩也其佳句在猷畝往往聞于巖廊之上如明

三酉園續集

卷之四

三

皇朝令孟浩然誦所作以不才明主棄答之乃曰何不云氣蒸雲夢澤波撼岳陽城是知浩然者也德宗朝命韓翃以駕部侍郎知制誥時有同名者中書以兩人進御批云日暮漢宮傳蜡燭青煙散入五侯家其詩也是知翃者也憲宗朝問侍臣云有一士人能詩而姓名稍僻宰相以包子虛冷朝陽爲對遂誦戎昱詩云千金未必能移性一諾從來許殺身是知昱者也真宗朝問侍臣云近日酒價幾何丁晉公誦杜甫詩

云速宜相就飲一斗恰有三百青銅錢上大喜  
以爲一代之史是知甫者也凌喬詩豪逸清婉  
中多奇語倘采而獻之闕下安知不待詔金馬  
門從容著作之廷乎而白首山林私心痛之竊  
恨凌喬不生于唐又恨官不近幸無能薦凌喬  
如唐人也凌喬窮益工老益壯意氣翩翩頰足  
起舞曰吾適吾興耳無論榮遇如韓卽使吾詩  
如兩襄陽千載有述焉何益于齒髮獨檢吾詩  
則濁醪芳醕時有之異日巖廊聖天子問公

三國續集

卷之四

十四

酒價以小子詩對之如子美故事不亦可乎夫  
興真也名浮也凌喬達焉真詩人也

蕭凌雲詩序

余爲蜀學使凌雲自新安轉新津諭方待其主  
大益書院而凌雲不果來也其恬退而明止足  
余爲詩壯之世有鍾鳴漏盡夜行不休者可愧  
矣憶髫年同家兄光祿公與伯仲結文社今三  
十年而凌雲髮鬢髮白凌雲好讀古書工吟詠  
而書記之文尤有所長每索其詩凌雲逡巡不

出後命其子如蘭手錄一帙寓書數千言其略  
云翔少日讀三百篇長誦漢唐諸名家言每有  
所得擊節三復又友吾子奮臂攄情強爲酬應  
亦過高唐者之謳也處睢渙者之繪也而吾子  
憐焉無以少年惕勵頗抱大志囊螢映雪編蒲  
緝柳幾于古人而垂老無成恐先朝露不得已  
而求其次茲非寄壯懷者之一班乎幸爲我正  
焉嗟夫厚哉君子之于故舊也余覽其書感慨  
泣下至不能寐讀其詩而序之序曰古詩春典  
其建安之骨乎而能道其衷近體適麗其杜陵  
之矩乎而不襲其語重倫教而關風猷非徒朝  
花鳥者昔大梁左舜齊弘德間才士也與李川  
甫先生善先生作傳嘆平生故人完好者惟左  
生耳凌雲吾故人今完好矣寧獨詩哉寧獨詩  
哉

三國續集

卷之四

十五

滄浪詩序

余髫年從刺史張先生游時邊子長余七歲苦  
學工文補諸生兩中鄉試式限于數直指使者

兩移檄獎焉年五十薄諸生不爲耕滄浪之野  
且曰清則纓兮濁則足吾往濯之遂所欲自稱  
帶川山人往往詠歌自適與家黎平公光祿公  
相倡和余在仕別三十年一日緘其詩曰遼老  
且賤何足與談詩真效顰云耳今之貴人舊故  
多梯山航水訪焉一充囊橐則曰厚我矣安敢  
以世俗望公哉得一言九鼎矣余心壯之嗟乎  
山人學博若孝先才美若文禮彼五經之笥章  
華之賦得時而駕乃山人蓬累而行視二邊在  
西園續集 卷之四 七

六合內論序

莊生有言六合之外聖人存而不論蓋慎之也  
彼稱春秋議論正謂有經世先王之志云耳王  
子君弼著六合內論二十篇惓惓于本實文武

之間余讀而善之王子蓋有志於斯世者而困  
明經託之著述其言感慨多憤而上下古今本  
先王宗旨不違世而拂經也或言王子年少而  
語大身隱而語顯無乃見卯而求時夜見彈而  
求鷄多者與余謂王子非空言者如有用我執  
此以往斯其志乎昔充著論衡符著潛夫通著  
中說無論王子遇不遇其言光前修矣王子問  
奇字于余余尤奇茲論也敘而傳焉

羅氏族譜序

西園續集 卷之四 七  
往弘治戊午郡中有汝楫羅公以春秋魁楚公  
有才名未用而卒其子孫又復湮沒墓在江北  
里中余每過而式焉比識中奇羅生生誦公遺  
行刺刺不休予訝之出所修譜謀始知公與生  
皆元志道公之後一爲天復一爲止善後戶役  
方析生書至善派其世系生卒最詳在天復者  
略書闕公之履歷夫世人奈何徒慕位高金多  
也至忘其祖之諱字有修譜者又依附于名家  
縉紳先生且冒爲之今羅生問巷之士耳能道

其先世獨詳所自出既不遺且不飾生也賢乎哉予與生客長安最久因念其先有懷才弗試如羅公者卽生遠裔道之尚使予咨嗟嘆慕况樹立大于公表揚大于生者乎因書諸譜首不能不交望于羅之後人矣譜留年餘生屢請始得書

歐陽氏族譜序

先職方公嘗言井田廢而天下無善治宗法廢而天下無世家夫宗者尊之云爾古有祿秩而

三酉園續集

卷之四

尤

法易行後世貴不世祿代不襲賢而法易弛然維宗法者譜也不佞譜陳氏而南國興焉潛江歐陽氏譜矣歐陽文忠家有名譜惟眉山氏埒之乃津津談禹也給事公又口文忠何得嫌子遠胄古人多重本始云今列大傳始叔謙給事公之祖也斷世系自子炫謙之高祖也統明而不淆事核而不浮文質而不俚若惟承者速肖永叔矣問序于不佞不佞嘆曰禹爲姒姓其分封稱有夏後封歐餘山乃稱歐陽也當洪水滔

天懷山襄陵下民昏墊之日羽山且殛塗山且娶啓且生矣不恤其私盡力溝洫八年于外三過其門而不入蓋仁天下之心如其族故以四海會同萬世永賴之功任于一身公之則天地萬物吾一體矣况族乎私之則肝膽胡越眉目齊楚矣况族乎眉山氏曰一身而分至於塗人吾譜之所以作也卽歐陽在潛江者繁富夥鉤不可單究夫非禹之身哉故曰克勤于邦克儉于家又塗之人皆可爲禹者也給事公有仁天下之心而未竟其用作譜以仁族大道之行天下爲公竊于歐陽氏有厚望焉

三酉園續集

卷之四

尤

司馬溫公全集序

司馬溫公蓋晉之夏縣人宋南渡有吏部侍郎封河內伯汲者徙會稽山陰而邵武太守祉十六世孫也寓書章江之上曰吾司馬在浙耻仕胡元明興而顯也若祭酒公詢助教公軫水部公珪侍御公璽及先比部公相俱舉進士有還居涑水之意後祉同猶子暉聯舉于鄉鄉人

愛重焉今捐俸新祖集願得一言弁之昔文正公嘗收父集而感手澤之存太守承先志矣序何可辭焉序曰孔子繫易曰其旨遠其辭文文也者即乾之成象坤之效法富有之大業日新之盛德也自古禹稷伊周或矢爲謨或彰爲訓或衍爲誥傳之至今何其文也必本于誠而一焉此天道也而宰相代之三代以還惟范希文司馬君實稱兩文正耳今誦司馬遺文如始事仁宗國嗣未立天下寒心公奏建儲狀凡三上

三國園續集

卷之四

壬

故韓琦等重之而大計定繼事英宗公論陝西刺義勇爲民患論斬任守忠姦蠹且言簡拔授大業與晏駕繼統者異故濮安懿王準先朝例得封贈而大禮成及事神宗西戎以橫山降矣公言不可竟爲邊患王安石行新法矣公以身爭之朝士倚重哲宗即位起公于洛如論西夏禁私市赦西人罷保甲罷青苗舉十科諸劄皆安攘之大也至嘉祐五規治平一疏體要進于熙寧賑濟論于元祐其言真如食可療饑衣可

御寒藥可治病而名震天下雖婦人孺子九夷八蠻感而流涕遼人勅邊吏曰中國相司馬矣慎無生事開邊隙夫禹思天下有溺者由已溺之稷思天下有饑者由已饑之伊尹格于皇天周公勤勞王家公心之誠一上同古人故易則易知簡則易從範圍天地而不過曲成萬物而不遺其文之傳遠與謨訓大誥等諸乾坤矣易之象曰鼎玉鉉而大吉渙其群而元吉其公之謂乎余常言兩文正在宋不專以文名如范記嚴子陵祠記岳陽樓司馬記諫院題名傳圍人皆絕調也歐蘇曾王又何加焉若孟子隘伯夷之行而尊孔子以大之韓子小顏氏之樂而尊孔子以賢之通鑑一書又志在春秋者哉昔蘇長公謂范文正公之德業不待文而顯其文不待序而傳幸挂姓名附門下士之末況不佞敘司馬公文而託諸不朽者乎獨謂兩文正同于禹稷伊周千載而下無與並焉當有感于余言者

三國園續集

卷之四

壬

曾襄愍公復套議序

嘉靖末年大將軍仇鸞主市議前有曾公銑後有楊公繼盛與鸞不合肅皇帝知兩公之忠也而分宜壅蔽相連受戮後鸞族誅籍嵩家天下大悅兩公之言先入也隆慶初年奉詔卹諸直臣謚曾公襄愍楊公忠愍令有司祠祀雖與日月爭光可也楊公奏草久行于世曾公復套議其子別駕汴刻于江西余反復讀之而嘆公之忠于人國也議稱匈奴不過漢一大縣漢

三國園續集

卷之四

三

武遣衛青出塞長驅卽周天子命城朔方者蓋今套地云肅皇帝雄才大略覽公疏而壯之且云前此邊臣無以逐虜復套爲言者真有周漢之思乎至于定廟謨立綱紀審機宜選將材任賢能足芻餉明賞罰備長技入議其言彰明較著可坐而策之順內治而嚴外威公屹然長城矣庚戌之秋虜薄京師烽火通于甘泉公所未覩者一日內使云復河套而虜去開馬市而虜來何聞於大較哉上聞而疑之此鸞之禍

所以不旋踵也充公之心其真匈奴未滅無以家爲者乎假令前議得行則世廟英明與

二祖之犁庭驅沙漠者同揆而公橫草之功赫赫等南仲漢驃騎諸將不足言矣柰何飲恨被誅至今談者無不酸鼻而流涕夫虜爲中國患久矣河套係華夷大界而鸞跋扈引虜入內社稷危如累卵公發于前楊踵于後皆以安社稷爲悅者社稷無虞而得致其身雖謂死社稷可也公沒二十年後而穆皇帝朝虜議貢市

三國園續集

卷之四

三

邊士稍稍安枕說者謂抱火厝之積薪之下而寢其上火未及燃因謂之安方今之勢何以異此有如主上思禪姑衍臨翰海封狼居胥山得忠良如公者起而復之胡人不敢南下而牧馬公之蒙死而竭知者孰謂非長策哉昔魏相條鼂錯之論蘇軾表陸宣之奏公議雖百世可復也是在有天下國家之志者

東岱山房集序

李伯承先生家泰山之麓名其山房曰東岱因



名其集先生當 肅皇帝末年爲尚璽郎與先  
職方公講藝都亭意氣翩翩致足樂也不佞與  
先生往還爲通家交先生曾序淮上詩而以其  
集授不佞序焉會奔走閩蜀逡巡不果武林有  
山人徐孟章者自東方來先生寓書惓惓于不  
佞之言也憶 國朝文章弘德間獻吉諸子正  
其始嘉隆間于麟諸子振其宗先生後先揖讓  
超乘而上雖謂 昭代有三李可也詩自三百  
篇以迄于唐惟李杜稱聖而天才高邁惟供奉  
三酉園續集 卷之四 五  
一人而已才具而後可以言情情達而後賦比  
興託焉照燭三才輝麗萬有抽其芬芳振其金  
石往往寫難狀之景于目前含不盡之意于言  
外豈易而工耶昔宋景公使弓人爲弓九年自  
言精力盡矣故踰矢于山而飲羽于石羿射雀  
目志在左而誤中其右抑首而愧終身不忘故  
善射名天下唐人于詩蓋弓之功射之巧也先  
生長齊魯齊魯于文學其天性也况少有異  
才豪逸而不羈富艷而難蹤斗酒百篇見者輒

以謫仙奇之弱冠登朝吳下王元美溧陽馬應  
圖京山高伯宗皆一時之雋也與先生莫逆交  
日相品騭 肅皇帝受釐西內垂拱無爲先生  
出入周衛之中掌在符節絕少朝參與避世金  
馬門含毫栢梁臺者何異哉每一落筆卽纏繞  
數千言不休海內學士得其操染者莫不珍而  
藏之先生亦自以詩爲清心健志之助往與先  
職方公倡和有年來詞客交游遍到處逢人翰  
墨場之句今集中無有也豈刪者偶遺之耶先  
三酉園續集 卷之四 五  
生既富詩人之才自縣令以至璽卿十年不調  
歸田又三十年朝吟夕詠引作者之繩墨視弓  
人于弓羿之于數也不啻過之大篇春容短章  
寂寥真可驚風雨而泣鬼神者夫獻吉深沉雄  
渾如大河之層冰而先生則益之以細也于麟  
清新俊逸如峨眉之晴雪而先生則濟之以弘  
也虎變而炳豹變而蔚風行水上而渙皆文也  
皆可鳴一代之文明之盛易曰觀乎人文以化成  
天下前有北地後有濟南鼎足中原矣至憂讒



畏譏謫判亳州終身被廢斯亦夜郎之貶焉  
明興有先生其唐之有太白乎評詩者尚謂先  
生厭薄李杜獨喜初唐或少年偶語耳先生宵  
太白者十之七晚節研精肖杜陵者十之二三  
馬先生每謂余曰今之詩美則美矣非唐詩也  
五色異采各成一章六音殊調同歸一雅故太  
白苦于七律子美短于五古襄陽止工五言昌  
齡僅擅七絕據一長率爲名筆矣先生諸體合  
作不但如青蓮之長于歌行絕句已也其真思  
兼古人而蓋代者哉題數語弁焉聊請質于先  
生云耳

三園續集

卷之四

五

清暉館集序

往壬午冬余補官長安海內諸才士詣公車者  
集闕下結文酒之驪臨川謝友可南昌胡孟  
弢嘉定殷無美汝寧劉玄子蘭溪胡元瑞江夏  
丁元甫尤赫赫著聲與余莫逆後有成進士者  
而友可歸山中問學日富文日益有名偶以九  
紫一班諸草屬余正之而序清暉館集余讀友

可作而嘆變化之無窮焉巍巍乎志在高山其  
匡廬九疊乎洋洋乎志在流水其揚瀾九疊乎  
蓋天地之數自一至九自九至萬參伍錯綜通  
其變遂成天下之文極其數遂定天下之象非  
天下之至神孰能與此故九丘之書九成之樂  
九疇之範九經之政義皇虞夏殷周之文在焉  
今觀友可其賦藻麗有凌雲氣或變而典則也  
其詩奇俊瓊敷玉藻或變而冲雅也其文婉縝  
龍翔鳳躍或變而簡古也清詞妙句炎絕煥景  
卽友可造詣吾不知其所止大都九而萬頃九  
而萬仞真得湖山之助云昔古人爲文多得之  
日力少則豪谷壯則中天暮則崦嵫友可少壯  
其氣豪爽可掛長繩而繫西飛由變而化由化  
而神斯亦負大鵬之翼垂青天之雲矣孔子曰  
知變化之道者其知神之所爲乎昔靈運惠連  
玄暉名溢縹緲吏部公與友可曰可其才名不  
忝三謝第古來三謝神于詩賦文或不逮耳余  
于友可有厚望焉

三園續集

卷之四

五

曾粵祥集序

大江人文甲于天下而臨汝近多才士云如膳部帥惟審博士湯義仍孝廉謝友可黃憲子諸生謝曰可皆余文翰交晚得曾子粵祥每以著作質于不佞且曰願先生誨焉曾子才弘而思工學富而語達諸體合作余愛其賦也夫不歌而頌古之賦也登高能者可爲大夫焉常而爲詞有馬相如變而爲騷有屈子平乃楊雄競爲高麗故曰詩人之賦麗以則能讀千首可善爲

三酉園續集

卷之四

无

之若鸚鵡鵲銅雀臺諸人贈炙千古孟堅兩都賈誼鵬鳥是兼長也賦樂平館而昧經術賦皇太子而雜滑稽是偏至也善乎陸機曰詩緣情而綺靡賦體物而瀏亮謝朝華于已披啓夕秀于未振劉勰曰學淺空遲才踈徒速理鬱而貧辭溺而亂博聞爲饋貧乏糧一貫爲拯亂之藥有含筆腐毫輟翰驚夢研之十年練之一紀者賦之難爲自古道之國朝諸名家止備一體厯厯古人糟粕耳太冲以後無賦焉談者曰賦

宮殿而有出靈光景福乎賦江海而有出玄虛景純乎賦別恨而有出文通乎賦歸田而有出平子乎古人先之謙讓未遑非通論也曾子文則氣體高妙詩則藻思綺合充其才因物造端可抽毫而賦也充其賦擲地爲聲可古人對壘也昔楊雄悔少年作雕蟲耳壯夫不爲其泉玄經竝傳矣長揚法言竝傳矣後世有子雲非賦耶人言文以辨潔爲能不以繁縟爲巧事以明覈爲美不以深隱爲奇曾子年少少吾懼其奇

三酉園續集

卷之四

无

巧也思以節之故述所聞敘焉

二酉園續集卷之五

沔陽陳文燭王叔著

序

袁魯望集序

國朝弘德中李何遙徐倡復古作而文體一變  
袁永之起吳下與昌穀齊名有子魯望起嘉隆  
間復稱才子其弟青州太守子壽梓遺集而問  
序于不佞魯望弱冠舉于鄉于書無所不窺與  
諸名流詠歌佳山水間意豁如也 肅皇帝乙

二酉園續集

卷之五

丑魯望舉南宮第六人新鄭高相君王試又永  
之弟子見魯望大奇焉館試限年魯望踰強仕  
未入試語不佞曰彼待詔金馬石渠者果天上  
謫仙人耶不佞謂人生遇合數耳古來文章藏  
名山大川與天壤並豈盡鑿坡鰲禁語哉魯望  
擊節賦詩極驪而罷自是深相結恨相知晚也  
海內才穎之士投交者屢常盈戶魯望善詩善  
晉書法操染無倦及以比部郎改南吏曹金陵  
故 高皇帝宮闕而雨花臺燕子磯諸勝魯望

眺覽其間詩益工考績入長安朝夕把臂楊推  
千古不朽之業示不佞以袁生詩而有外集者  
皆嘲咲花鳥意甚自得秘不示人及不佞守淮  
郵簡無虛日後同爲督學使不佞得巴蜀魯望  
得齊魯互相砥礪期正文體而變士習春風時  
雨被于三齊而吾道東矣會有不根持論媒孽  
其短者 聖明宰執知魯望特甚竟不調而魯  
望歸報書曰十年閉門大業可就質之吾子而  
魯望忽長逝矣鍾期死而伯牙之絃絕癡人亡  
而匠石之斤輟後世誰復相知定魯望之言耶  
今集中詩文不佞所罕見獨無外集一語每覽  
之未常不唏吁而流涕也竊評魯望之作大都  
詩勝云質有西京而工六朝之宏藻骨原建安  
而兼三唐之正聲辭秀調雅意新理愜在泉爲  
珠著璧成繪翩翩一家言矣假令老東西觀而  
與薜草委化魯望甘心耶夫永之潔魯望麗永  
之典魯望逸並傳不朽是父是子矣朱升之有  
子价黃勉之有淳父江左文獻其相承如此

二酉園續集

卷之五

二

遙集編序

此西陵丘謙之述其姬文如作也謙之罷官無長物每携文如遊名山相與倡和其聲律佳麗讀之若履巫山之陽而涉洛水之濱乎夫才子佳人古今遇合惟臨邛夫婦耳何謙之掩有也故蘇氏朝雲白家樊素可謂遇矣而身不能文金縷之唱薛濤之詞可謂文矣而遇非其偶茲編一目求凰之歌白頭之吟倘亦其人材自相依者耶鑑頭酒氣戶內琴心宛聞數千里之外

三酉園續集

卷之五

三

耆緣會錄序

襄陽土風淳厚蓋龐德公孟浩然皮日休隱處而習池峴山之間又山簡羊枯杜預所過化明興汪伯玉守襄樹石坊表焉民尚齒德如耆緣會錄是也會倡自張長史舜東孫參戎子益潘憲副子傲以流寓入會者獨吾友周象賢耳

四子之外封君一州縣長三佐三教官二奉祠紀善二將軍六布衣一共二十有一人姓名詳序中余過襄善焉三代養老之典至隆也後世不少概見何哉白公居易倡之為香山九老會杜公衍倡之為睢陽五老會富公弼倡之為洛下耆英會千古後談焉嘉隆間先大夫于復中坊為高年會江漢之間相觀而善茲會奇矣往聞宋至道間李公昉欲修前會會蜀寇起不果豈造物吝此哉今諸公文武殊途潛見異踪然出處有大節孝第有庸行里閭雍穆增宇宙之和焉究所風被原于鹿門諸賢多矣余推本而論之俟續耆舊傳者采焉

三酉園續集

卷之五

四

先集後序

先公全集有淮本蜀本閩本傳布海內當時果州少傅陳公品其文質而腴詩婉約而有致蒲州太師張公品其初尚雄雋復歸典實丰茸容與成一家言上海少宰董公品其議讜詞飭曲引旁喻蓋寄傲于文字間者華亭比部郎袁公

品其不愾天和不墮智慧老而好學自全于滄浪間者太倉少司寇王公品其職方尺牘調劑于分宜者甚難而受筴通敏比于劉穆之朱齡石也至專品其詩如齊中沈檢討子靜謂其刻洗鉛華直寓性靈無事雕琢而矩矱不爽蜀中李祭酒元甫謂其閑烈豪爽有徬徨寥廓之致而才情依依在同聲之夫吳中山人周公瑕謂國朝之詩勝于弘德嘉隆而陳氏父子從中振響若蘇許公濟美開元之朝里中門人陳子壽謂其述幽紀佚恬曠溫夷若老農之道桑麻市儉之語貨賄也先公聞而嘆曰昔人言後世誰相知定吾言乎卽諸公言知我也能信後世否耶小子唯唯退而先公下世六七年海內求遺草者日衆卷帙頗繁艱于行遠莆中黃給事亨夫在先公同榜莫逆精擇之携入豫章余友人楊祠部懋功增定焉梓爲選集詩存十之三文存十之二而先公不可見矣嗚呼觀手澤而興思誦遺言而揮涕况諸君子之論敘炳焉何可

忘也因志一言俟後世有知而定之者

春秋繁露直解序

董仲舒談天人相與之際甚可畏也本災異之變推陰陽所以錯行故閉陽縱陰求雨輒應其止雨反是著春秋繁露夫天乳星明則甘露降王者端冕綴玉下垂如繁露也董生志王道而名之與劉子駿以爲夢蛟龍入懷而書成信矣或言遼東高廟災仲舒著災異記主父偃取其書奏焉作繁露以諛武帝司馬遷謂仲舒庶直者果諛也何至相江都哉右永宋公讀而愛之筆爲直解每遇大旱令有司依法而禱附以白玉蟾祈雨呪其文玄遠有仙氣行之郡國往往得其所欲昔漢人名鄭洪雨曰隨車唐人名顏真卿雨曰御史宋公舊雨在河之東河之南今雨在大江之西矣由是晉馬真四海之甘霖乎梓是編以廣其傳不佞樂爲之敘往過江都謁董子祠悲其學之未用于漢及游武夷問止止庵又疑瓊瑯仙跡渺如也乃禱雨一事千載用

之並稱經濟焉始爽然自失矣

西峪山人詩序

往大司馬恭襄許公與先職方公談西峪之勝也其間巒參差巖陁巘崎類海上方壺員嶠其豁然開朗土地平曠阡陌交通鷄犬相聞類桃花源其奇花異草珍松怪石靡不畢致類贊皇平泉庄而恭襄公下世衡州太守公主之號西峪山人且名其稿云山人少有奇氣侍恭襄公無日不左右凡山川關塞歷覽周知增雄深飭

西園續集

卷之五

七

轍之思而尤勤於綴學下帷閉戶投斧懸梁與寒素等耳其詩益工後官闕下直承明之廬其所交驩皆海內知名之士登高送遠其詩益富余覽之淵然誦之鏗然古詩近體往往不煩繩削而矩度自合不事纖穠而澹泊有餘駸駸乎風雅之遺焉說者謂許氏高門為太保尚書者四人山人被家庭之訓不淺又靈寶傍黃河介嵩少太華之間其精英多鍾之人文則山人之必能詩與詩之必可傳也寧獨西峪之助也與

哉陳子曰古今世家無如王謝其子弟亦有門風然安石之有東山逸少之有蘭亭千載後談焉許氏之西峪似之乎太守公自稱曰西峪山人余敘太守公詩亦稱曰西峪山人云

閩山稿序

往余入閩飲平臺烏石上登鼓山問神僧喝水處風雨忽至揖武夷君于玉女峰頭雲霞縹緲莫知其處蓋嘆閩山多佳境云乃今覩費子定之閩山詩其景如在目前定之文雅讀父書足

西園續集

卷之五

八

紹文憲文通之業即逡巡牛馬走中吟詠不廢竟罷官歸鷺湖山房王生曰詩在元白之間乎傳生曰詩有陶謝之風乎王余門下士而傳又丁戊之孫也其言足信云陳子曰余敘西峪山人許子詩敘霍僮山人林子詩靈寶閩縣各有四尚書其兩官保如費氏皆字內世家之冠詩書禮樂之澤如統系相承鼻祖耳孫又何肖也人言定之壯年未艾優游山中大業日富誠不知其所止也有是哉定之勉旃

南沙熊先生集序

往余讀南沙先生與吾郡童太史公論廟災儀注二書詳哉其言之也比視蜀學訪先生精舍先生抱病未出手示一編則門人太宰嚴公梓也其子茂初與先生先後爲翰林庶吉士有文名海內比于司馬談之有遷班彪之有固也先生父子屬余敘其集後十年先生長逝有邈若河山之感取而敘之復茂初馬敘曰古之儒者博學乎六藝之文六學者王教之典籍先生所

三香園續集

卷之五

九

以明天道正人倫而致太平者也仲尼敘書則斷堯典稱樂則法韶舞論詩則首周南綴周之禮因魯之春秋晚而讀易韋編三絕文王既沒文不在茲乎當時身通六藝者衆而惟游夏與文學之科秦人燔棄詩書漢興招求亡經學士稍沿遺書轉相授受西京之文號爲爾雅最著者賈誼董仲舒劉向楊雄諸人是也熊先生起三巴類石渠閣白虎觀諸儒而與子雲契合焉先生常言道之大原出于天必理情達性觀乎

天文而後人文以成故曰剛柔交錯天文也文明以止人文也所稱詞達達其密藏表著以示人者故夫子之文章可得而聞也性與天道寓焉不揣其本而齊其末是無懽悰使之笑鮮戚况迫之泣也何以文爲卽長卿淵雲之文辱文翁而已楊子蓋漢儒之沉潛者吾茲有取焉槩觀先生之文思好深湛詞多邃古取周易春秋而錄之六藝所稱奇而法簡而與正而葩謹而嚴者莫不竭精殫力而崇論閎議悉歸于厚真足揚鴻烈章緝熙焉觀象於天麗且彌矣視度於地普而深矣察法於人迺金迺玉矣是以聲之耿者不可同於衆人之耳形之美者不可混於世俗之目辭之達者不可齊於庸人之聽上下數千載間謂楊子與先生竝起于蜀可也漢人見楊子祿位容貌不能動人至輕其書而劇秦美新蒙垢難洗先生解嘲甚力謂誣阿莽者班固也列雄高士者稽康也訛傳子雲者谷永也有是哉是或一論也乃先生弱冠登朝讀書

三香園續集

卷之五

十



中秘得片言隻字者如獲拱璧改官禮曹時  
肅皇帝方更化國家典章多所潤色罷歸山中  
屢薦不起士林比于景星慶雲視楊子所遭何  
帝天壤楊子每言世不知我無害也後世有子  
雲必好之矣彼桓譚謂勝老子侯芭謂勝周易  
皆尊師說而未至者先生後世子雲也茲集與  
玄經並傳哉或言先生欲因游夏之學以語文  
說詩者特爲一編是孔門在斯之意也復取左  
氏下建宋元凡信史文苑敘列者各爲一編見

三酉園續集

卷之五

士

文章與時高下也其書未成有遺憾焉續而述  
之勒成一家如龍門蘭臺之業有待而成是在  
茂初乎是在茂初乎先生諱過字叔仁號南沙  
子學者稱南沙先生

學海清瀾序

昔人言儒者冠圓冠者知天時履句履者知地  
形緩珮玦者事至而斷然三才之道往牒備焉  
易之大畜曰君子多識前言往行以畜其德書  
之說命曰學于古訓乃有獲古人之學有裨于

德如此自後世觀之所稱古訓豈獨六藝之文  
爲然哉卽諸子百家之言行是也漢興除挾書  
置博士當時賢良文學專于經術而詳于史事  
有註有記有書止耳至唐類書始有專家豈其  
承齊梁靡麗之後應博學宏詞之科時勢使然  
耶當時如徐堅歐陽詢袁悅白居易李昉王欽  
若楊億諸人所著諸書雖言異事殊而采摭分  
派俾探穴藏山之士懷鉛提槧之客內無乏思  
外無遺事至今誦之燦然可覩也宋元以來議

三酉園續集

卷之五

士

論日繁研窮日踈往往謂游夏爲支離以舒雄  
爲小伎而通考萬花谷諸書屢屢見焉國朝稽  
古右文士用經術以顯勒成文章等唐宋而上  
之獨類書缺焉吳興凌君穉哲少舉進士爲工  
部尚書郎罷歸山中閉門却掃枕經籍書常曰  
在天成象在地成形而變化見矣聖人見天下  
之賾而擬諸形容象其物宜見天下之動而觀  
其會通以行典禮方以類聚物以群分其三才  
之大旨乎紬諸類書擇其雋永統而同之辨而



異之凡天文地理人事以至草木鳥獸之名廣  
大纖細罔不悉具千有餘卷題曰學海清瀾屬  
余正之且序其端孟軻氏曰觀于海者難爲水  
觀水有術必觀其瀾茲編也無論古訓卽方有  
唐諸家纂述如虞世南得而潤色之可無免園  
策之誚也使事如李商隱得而考索之可無顧  
祭魚之譏也獲古人之遺于千載之上而大畜  
于千載之下林君用心斯亦勒矣其真瀾之清  
海之會乎昔仲長統昌言止于明志王充論衡  
秘于示人何得茲編之公平儒有今人與居古  
人與稽博學而不窮篤行而不倦者其凌君之  
謂與

三酉園續集

卷之五

主

櫟寄集序

漢楊雄最好古者其言昔人之辭迺玉迺金歐  
陽修謂文章如精金美玉自有定價蘇軾亦謂  
黃庭堅如金玉不卽人而人卽之將遜名而名  
隨之因其文以求其爲人必輕外物而自重者  
今觀雙臺林先生之文又何驗也先生少年登

第讀書翰林業已夢吐白鳳吞丹篆與紫文鸞  
驚矣至典禮于蘭省東憲于湖湘旬宣于河洛  
歸老子閩山凡應制彰教送遠銘幽形于記敘  
碑表者若干篇自名曰櫟寄集屬燭校而敘之  
因卒業焉大都茹古涵今絕去畦徑宗丘明之  
簡潔而骫骳其體漱柳州之工緻而雋永其辭  
庶而不穢溫潤而栗其真荆南之蕪麗崑崙之  
琬琰雖千仞之土難秘其光百仞之水難掩其  
輝者耶乃先生平生不以言徇物不以色假人

三酉園續集

卷之五

占

在朝言朝在野言野其內外輕重之辨較然矣  
卽取金玉可以比先生萬一不獨文章似之者  
俟後世有子雲與兩文忠公而已燭豈知言者  
哉亦豈阿私所好者哉先生詩篇爾雅與文稱  
燭曾選而梓之其遇以國士愧無以國士報之  
詳在詩序中不論而論文之大旨如此

軍政條編序

嘉隆之際海內虛耗議行條編之法閭巷稍稍  
蘇息乃軍伍則重困矣彼狼戾者奈何魚肉之

侍御孫公按江以西諸郡慨焉疏于朝下部議  
條編如民法不佞適典藩司聞議格者十餘年  
豈真道傍桑舍者哉今中丞陳公侍御朱公力  
主行之而右使宋君憲使金君仰承休德朝夕  
揆度取守城屯田之籍合而等之令出顧役身  
安猷畝裒益調劑罔不周悉勒爲令甲布在衛  
所三軍之士皆如挾纊兩君命不佞引其端且  
云言之不文行之不遠也余觀周禮大司馬掌  
邦之九法以佐王平邦國春而振旅夏而蒐舍  
秋而治兵冬而大閱不輕動以妨農而司門司  
關與繕人校人及掌節掌畜諸役不攝惟恐傷  
之師其意而不泥其迹雖謂此法爲周官之遺  
可也條理而文可行于天下不言而遠矣關雎  
麟趾之意寧獨古人有耶因書以俟之

黃憲子詩草序

昔司馬相如爲子虛賦漢武帝讀而善之恨不  
與此人同時及召見爲文園令奏大人賦飄飄  
有陵雲氣孔融善文辭魏文帝深好之每嘆曰

二酉園續集

卷之五

十五

楊班儔也慕天下有上融文章者輒賞以金帛  
二子遇合可想見于千載之下金谿黃憲子者  
恢奇多聞人也年少舉于鄉讀書目數行下落  
筆倚馬千萬言立就而賦尤弘麗詩則清宛有  
致所謂稱文小而指極大舉類邇而見義遠當  
令三都可四二京可三者也卽豫章多才士如  
憲子者卓爾不群其長卿文舉之流亞乎往往  
就正于不佞不佞所覩排桃館諸篇又威鳳一  
毛祥麟片甲也黃子行請公車應金馬石渠之  
詔主上好文其所遇合過漢魏遠矣因題簡端  
而壯之

五經旁訓序

侍御朱公按江以西諸郡觀風之暇校刻五經  
旁訓檄布學宮語多在檄中大都言文體之邪  
正人心之醇漓世道之升降係焉邇來文不師  
古往往掇史漢之餘以炫博竊釋老之語以鈎  
奇至六經輒弁髦之洙泗微言不絕如綫明  
主下詔禁焉孟子曰君子反經而巳經正則庶

二酉園續集

卷之五

十六

民興庶民興斯無邪慝矣欲正文體當反諸六經焉燭與學憲沈君董劄劄之役書成嘆曰經者徑也如五路無所不通可常用也孔子讀易韋編三絕雅言詩書執禮而志在春秋當時身通六藝者七十人乃其言曰入其國其教可知也其爲人也溫柔敦厚而不愚則深於詩者也䟽通知遠而不誣則深於書者也廣博易良而不奢則深於樂者也絜靜精微而不賊則深於易者也恭儉莊敬而不煩則深於禮者也屬辭比事而不亂則深於春秋者也又曰六藝於治一也禮以節人樂以發和書以道事詩以達意易以神化春秋以道義非以人之治身與治天下國家者皆本於經耶秦人焚書六藝缺焉漢興稍稍表章綴學之士多信末師而非往古劉歆有言曰禮失求之于野古文不猶愈于野乎今取六經之古文而旁訓之根本注䟽折衷衆論易則易知簡則易從如菽粟粢糠布帛御寒通之千萬世者也君子多識前言往行以畜其

二酉園續集

卷之五

十七

德儒有博學而不窮篤行而不倦幽居而不淫上通而不困其在斯乎故曰窮經致用不獨文章雅馴者此侍御公維世之心與是書爲廬陵李公恕作泰和楊文貞公曾跋而傳焉梓行洪州猶周禮在魯也夫

陳雙溪擬陶杜詩序

自昔言詩之達者必曰陶潛詩之聖者必曰杜甫晉唐以來不易云余竊謂兩公用世之志易地則皆然故荆軻之詠稷契之許識者槩其品流而感士之不遇嘆垂老無家又何同也雙溪陳先生少舉進士遭際聖朝所遇與兩公異乃一典郡符拂衣以歸卧長樂山中學古詩篇擬陶而陶擬杜而杜雖靈運擬鄴中明遠擬公幹不是過焉蓋未盡用于世而託乎言也夫陶之詩遣馳競而祛鄙吝杜之詩薄風雅而該沈宋奮乎百世之上百世之下聞者莫不興起非達而聖者能之乎惟其有之是以似之壯哉先生之爲擬也昔靖節命子在才不才間而子美

二酉園續集

卷之五

十八

有失學從兒懶之嘆何得先生有子如御史大夫傳其詩屬不佞以言哉不佞往游濠西近過潯陽不能出一語莊誦茲編如匡頂雲流浣溪雪霽柴桑素心人杜陵有道交其先生乎寧獨詩也

### 陳氏家園記序

先通奉公致井陘政歸而樂園亭者二十年海內學士記焉不佞入仕書爲小冊每一頌之宛如水雲之間花月之夕也因憶昔人賦歸田者

三酉園續集

卷之五

十九

極圖書翰墨之樂辭歸去者述舟車松菊之幽引思歸者侈觀閣池沼之勝今幸兼乎三子所有也乃惆悵迷途婆娑煩黷違老氏之遺誠未迴駕乎蓬廬幾爲三子竊咲益重式微之嘆云客言吾子仕存心于宇內安暇乎此歸縱心于域外安用乎此悵然無以應獨諸公名筆衍庭訓而啓來裔與江漢同流又陳氏之赤刀天球也總爲家園記梓置衡陽藏山堂

### 東夷圖說序

國家中興極盛 聖天子在上不冒海隅出日罔不率禪畢獻方物由粵入者東南夷也粵行省左使蔡公用卿著東夷圖說貌琉球安南占城西洋諸國二十種附以海外奇聞寄余洪州用卿自序夷則夷之夷而中國則中國之卽夷盛衰關中國安危香山濠鏡灣出沒無常莫可究詰此憂治世者也東夷當周之治世肅慎來獻石柰楷矢後招誘于管蔡周公征而定之故周禮設象胥之官以掌鞮譯東方曰寄南方曰象是也漢時遣輔軒使者訪殊方絕域之語以爲裨補茲編事奇而核文雅而直不出戶庭而坐照六合不待疇咨而旁通四表矣漢惠帝時東極扶桑之國有耆壽而貢者自言見隆古世界女媧已前八風調而四時序燧人鑽火變腥父慈子孝義軒以往屑屑相誅滅淫于禮亂于樂而淳風墜矣其言頗達倘東方真有不死之國乎今 天子慎德四夷咸賓遠邁周漢使中國純于孝慈夷狄漸于禮樂觀義軒以上之世

三酉園續集

卷之五

二十

于千百載之下庶幾大快焉此用卿之意也寧獨抱經世之志也與哉

尺牘清裁補遺序

古者列國修鄰講好託乎詞命後掌記室工八行往往片言明意薄疏寫心遠在千里曠若復面蓋重尺牘云楊用修王元美二先生裁其善者勒爲成書海內珍焉青州公子復增補之叅知史公爲尊人太史門下士得其書于侍御朱公愛而梓焉屬余引其端余觀昔之占書若陳遵日可數百函劉穆之日可百函朱齡石日可八十函劉弘一劄賢于十部從事今孟公而下無一存者卽弘所傳止荊州一劄耳古人所遺又何多也公子在諸生中少有俊才采摭博而品藻精斯亦勤矣安知非二先生所快乎天下之善不必自己出傳曰楚人失弓楚人得之君子惜其不廣曰何不言人亡弓人得之耶後必有讀茲編而益之者

楊廉峰先生集序

西園續集

卷之五

序

西園續集

卷之五

序

三代而後綴文之士若賈太中若韓昌黎其名赫赫與天壤俱敝豈非大河嵩少之氣融結於人文而洛陽南陽尤矯矯著聲哉往余過韓在謁賈祠未常不唏噓想見其爲人廉峰楊先生少年起河洛通達國體讀書吹臺卽思濟天下之溺及官柱下正色立朝多籍箸而籌削牘爲疏投効權佞移易風俗封事凡數十上主上改容聽焉每一疏入未嘗不嘉嘆以爲名御史正論不阿直言無隱與治安之策佛骨之表若合符節至文翰詩篇精驚群言達觀衆品大者掀雷扶電小者戛玉猷金寄寥廓之思發慷慨之衷氣渾而鬱詞遠而弘去陳言以達意關邪說而衛道有裨世教焉浩乎如大河之注于海也翠乎如嵩少之參天也先生巡八閩風節凜凜有埋輪覽轡之遺不佞在事曾卒業全集如游閩諸草蓋鼎肉一嚙也叅知徐克智王敬美業序而品焉文似某氏詩似某氏皆藝文文苑傳中不朽人也余獨取其並雄中原者耳或謂

王上得先生不啻魚水將建丹書竹帛之勳視  
長沙潮陽遠矣余獨味乎言之似耳靈運休文  
古之能言者也王通氏小之而有取于狂狷如  
江淹孔珪之徒其人重也先生古之忠者與何  
文之正而典直而麗也若曰文章與時相高下  
有不以漢之賈生唐之韓子推尊先生而謂燭  
爲佞也豈知言者哉昔人謂後世誰相知定吾  
文乎先生命不佞序閩稿不佞感先生之知遂  
定其大者并諸全集以俟百世

二酉園續集卷之六

沔陽陳文燭玉叔著

序

贈史刺史考滿序

兩漢重守令尚多府若縣唐時多置州改太守  
爲刺史云 國朝監于前代輿圖論之大都府  
居十之一縣居十之七而州則二也屬府而統  
縣責尤難乎沔介江漢唐爲復州刺史之賢如  
狄仁傑崔訢史稱其惠愛足以蘇復人也然汝  
南善政中宗朝有諧之者而民窮歛急韓昌黎  
業痛刺史之難矣况唐去今幾千年而沔又隸  
承天所統景陵縣爲 肅皇帝潛服分巡使者  
駐節焉在官供應在野水旱其難有倍于唐者  
乃餘姚史公何兼二公之長也公甫下車問民  
疾苦父老進曰田非舊制水非故道民何以寧  
公遂先築茅埠江口洪水東下餘年履畝而均  
之絕無偏累黔首服勒南畝稍稍有秋此其惠  
愛之政其沔人更生之會乎中丞陳公御史錢

公移檄交獎已而交章以薦聲名籍甚而公且三年滿矣夫天子不巡狩而寄耳目于兩臺今兩臺知公特深口碑在路絕無譖語如狄梁公又知崔公之賢者不獨如于觀察一人而已此其遭逢不尤奇哉近聞兩臺以公考滿入告公同寅曾君程君輩乞余言爲賀謂明天子當旌異公非常之寵不次之擢乎汚難借矣陳生曰主上治隆三代唐何足言余所談復州兩公又汚故事因憶在兩公先後間有盧刺史者

三酉園續集

卷之六

二

贈醫者黃生序

吾里黃子德裕習秦越人禁方自稱友垣生善幼科有治輒効性恂恂好奕豈孔氏所思有恒者哉余生子早天時在長安醫請多弗至黃子走視之扁鵲曰越人非能生死人也獨當生者

能起耳余謂當死者雖司命且柰何第操持見厚薄耳一日索余言爲贈余曰子友東垣也亦知其人乎元史稱李東垣果家世真定蓋名醫云余過真定問李氏族無世其業者獨門人羅大益所著諸篇尚盛行耳及見硯堅所爲傳讀之知東垣名世非徒藝焉耳也東垣重自愛喜活人以母病死悼痛不知醫受學于潔古老人數年通曉後監稅濟源行疫醫不能治遂廢寢食庶標本揭刻其方于耳目會處活者數萬人謂羅大益曰學醫覓錢乎傳道乎羅曰亦傳道耳嘉其篤學捐金助之臨終檢付所著篇帙且言爲天下後世勿令湮沒夫醫有扁鵲倉公尚矣扁鵲以伎見殃不能自保倉公當刑賴緹榮通尺牘而後寧太史公嘆美好者終于不祥豈謂扁鵲等耶東垣善見又善藏復永其傳度越千古矣黃子得所友哉黃子世醫尤長小兒古昔名醫爲帶下醫耳目痺醫隨俗爲變願有進焉是尚友也故語東垣遺事云

三酉園續集

卷之六

三



贈周生序

嘉靖甲子春有周生者持星家書自江以西來  
遍遊楚境走謁余生磊落有氣至言貴賤若宰  
衡韋布壽夭若容彭殤子貧富若猗頓黔婁往  
往而中交談生者不絕于戶比生將辭去謂余  
曰盍誨諸余曰往讀禦寇力命篇及孝標辨命  
論二公皆以爲弗爽余方少輒咨嗟嘆焉列之  
言曰工追術士逐勢成敗遇否則命也劉曰命  
體周流迴還倚伏御物效靈憑人成象以余觀

二酉園續集

卷之六

四

記及聞生談說則于前言率有味哉第日者卜  
祝近乎文史如楚詹尹聞屈三閭言則釋策而  
謝司馬季主聞賈長沙言則鼓腹而咲君平之  
于楊子雲則下簾而授經此其人論極乎微言  
因乎道幸列于諸君子之林而聲垂不朽生之  
談中矣當使達者信愚者安杜浮競而裨世教  
焉若依附青雲聲施後世得無遇其人如昔之  
賢豪俾生不愧于長安成都者耶生也往而俟  
之

贈程生序

家大人山居好客客有程生時英者善談命訪  
我長安謁諸貴人以言取中得諸貴人詩荊州  
比部雷公延之館薦于上公得被冠服洋洋歸  
也願余一言而去陳子曰昔漢司馬季主在長  
安余多其布衣之時蕩然肆志當時相難如宋  
大夫賈博士者何如人哉乃百言百當令其瞿  
然悟悵然語也其言仕者可爲羞矣卑疵穢趨  
比周勢利空文調上有人者進有財者禮千載  
如新良可痛息此以伎能立名有高世絕人之  
風者今去漢時甚遠生在長安一年其惴欵朴  
忠唳訾脂韋之習視古昔何如生能辨之否生  
噤口而咲至無以應比部公余益友也不啻宋  
賈之賢生得而親之生可知矣獨余官長安恐  
慙季主言望生有以規之又恐生汨沒市門虛  
高祿命如漢時所嘲無以辨人而規我也歸見  
吾家按察公願請質之

贈李先生序

二酉園續集

卷之六

五



石山李先生其姪進士子復官太常博士例得封其親語余曰家大人往與季父講藝山中思以學顯奈何就今封余曰奉常清秩况

上特恩哉已而博士君移書尊人果封奉常公叩其季父業已貢拜青縣司訓卽石山先生也先生與奉常公少負奇偉號稱二李卽鄴下多才士往往遜避二李余常覽魏都過磁州問李氏族里人多其孝友余竊慕其家行云後先生遣使問博士君邸舍博士君語余曰願得吾子

三酉園續集

卷之六

六

一言往季父所余曰昔人讀功令至廣勵學官輒廢書嘆者蓋傷師道微缺也夫仲尼既沒七十子散游列國如子路居衛子張居陳子羽居楚子夏居河西子貢居齊皆爲人師者其徒若田子方段干木其後流爲商鞅吳起荀卿李斯輩楚漢之際聞弦歌之聲僅見魯中耳立教之難如此今去仲尼數千餘年士習日薄此公家伯陽所嘆大道甚夷而民好徑也又曰獨立而不改周行而不殆可爲天下母旣知其母復知

其子而師道立矣先生孝友有聞自六經外惟手道德諸篇其清修履和所稱大成若缺大盈若冲者非耶河間多善士觀先生來且將楷式其徒尊信聖人與鄒魯等必不流而爲它也語曰皎皎練絲惟所染之乃觀先生允信主上方臨雍禮儒考訂古昔下蒲輪安車之聘能舍李氏兄弟乎子復謝曰可贈吾季父矣

贈儀上人序

三酉園續集

卷之六

七

淮陰西北十五里盖有鉢池山云寺爲景慧王子喬丹臺在焉余來始一登之淮海無山茲特墳起耳有僧儀傳號心燈者能了藏經又能詩多收名公詞翰余與語合其胷中聰明無滯礙似大顛其除蒙剪叢蕩茫萬類似覺照又時時省毋其本孝敬而積衆德似濟師嗟乎一念苦空便照河沙諸國所稱傳燈夫非心耶上人姓仇氏少在郊之洪福寺其師洪公有律行昔世尊集大衆勅阿難依七佛儀式命其持鉢去上人之居于鉢其遵彼教者與

贈吳封君序

余讀吳世家見季子讓位諸樊且曰春秋高子臧之節以成曹君也札願附焉及使魯觀樂至韶而止又曰此聖人之弘也其陶唐氏之遺風乎其貴讓若此真能變斷髮之習而文之以禮樂其風在百世之後況其苗裔乎新安吳先生世本延陵占籍建業家近鳳凰臺別號鳳洲先生穎敏絕人日記數千言督學使者奇之每與揚摧古今廩食三十年不第例當貢先生杜門

二酉園續集

卷之六

八

推轂後進人皆曰果許由務光哉先生曰草木落于秋黃而衡門之蒿獨茂塵礫沸于會風而寒谷之雲不飛士固自適耳卽無論先生茂才異等抱將相使絕國之器而克讓一事風勵頑鄙此其閱覽博物仁心慕義庶幾哉季子之遺者可不謂先世有至德哉先生之子自新舉戊辰進士爲水部使治河績著主上懋嘉得封先生爲郎而先生壽六十人謂水部公文雅好修將究先生之用先生又被上恩榮遇矣

乃先生爵祿有不入于心者壽可年計耶水部公文交余驩甚命一言爲先生壽竊于先生願有請焉

二酉園續集

卷之六

九

二酉園續集卷之七

沔陽陳文燭王叔著

序

送彭福州序

沔介江漢昔多遷謫吏今華亭袁履善先生守沔而佐之者則桂林彭選之也二公皆進士皆尚書郎其左官又同行政相濟黔首被惠至歌父母云一旦彭公遷判福州府薦紳先生謀借公不欲行陳生曰漢汲長孺號社稷臣遷滎陽

二酉園續集

卷之七

十一

今則耻爲之命守淮陽願不受詔竊怪黯也竊其柰何戀戀禁闥也又怪漢武方招文學且曰吾欲云云柰何踈此輩也彭公爲司空郎慷慨多奇節面折不能容人之過不得久留于內至遷于沔下車以來問民疾苦以片言析獄凡吏深文巧詆陷人于罪者憚公不敢爲而發摘如神百姓清靜寧一狗不夜吠去年有火患公手書水神大字家給戶帖百拜而火息楚王與民爭他利公直入殿上危論數語觀者變色易容

嘆曰烈丈夫哉視不憂延燒不拜大將者爲尤難而公之爲人大類長孺矣頃量移福州多海寇徵調遍宇內無亦得公之重治之耶語曰始如處女適人開戶後如脫兔適不及距以公勝筭當有滅海盜者况福人聞公來又將拯于水火也公豈薄福州者耶諸君始釋然于公之去翼日公乃行

送王進士守武定序

二酉園續集

卷之七

二

仲山先生者翩翩起吳中先生善詩工畫海內比之王維云後其子汝明中已未試歸卧于寶界山房至乙丑對大廷上賜進士高等海內知先生有子云王子與余交甚驩至談當世之務往往中實而思見諸行人言王子名家子善讀其父書然哉王子除守武定同年觀吏部政者以其意屬陳子爲贈言陳子曰虞廷之咨州牧也柔遠能邇以至蠻夷率服周時南國諸大夫詩人詠其退朝委蛇之度若得而見焉漢吏治猶近古如王襄爲益州刺史又使子淵作中

和樂職以宣布至發為講德論刺史日苦政不暇能優游歌詠當時稱益州之來也宣布詔書勞來不怠有功于百姓由是皇澤豐沛主恩流溢龍眉耆耇咸愛朝夕樂觀大化故作而為歌有味哉其言之也今天子明聖招拔異倫填庭溢闕倍于疇昔大半出為守令蓋惠養元元思得賢良與之共理王子官固益州耳今之往也仰承上意問民所疾苦與之休息暇則興學造士與茂才異等矢為論歌夫世平道明臣子

二酉園續集

卷之七

三

不宣王褒且以為鄙今武定在齊中誠股肱郡地天子尤加之意王子可不宣主德而比隆虞周乎况仲山先生未究之業待王子以昌大則王子尤不可不亟圖也

送郭廣安序

昔宗資守汝南成瑨守南陽乃辟范滂岑暉而二公主諾坐嘯郡以大治夫孟博公孝一功曹耳尚能益太守則漢家循吏類汝南南陽者衆也何嘗無賢者叅佐哉史逸其名耳故守令近

民而兼之者郡之貳也第佐守易于撓權攝令易于侵職而其間留去後之思與賢守令等必庶吏云吾鄉郭子起家太學官兵馬三年遷貳蜀之廣安州兵馬治都亭獄百賂蜚集染者什九而君清潔自樹一無所取歷十二御史移檄獎之至惜其去君將行謂余曰吾無橐中金乃得十二御史檄即得十二御史檄願得先生言余觀君馴謹佐郡必無侵撓之虞而持其不取之廉慎終如始當有賢大夫重之共圖化理于

二酉園續集

卷之七

四

蜀漢功曹非已事耶昔宋國人得玉獻司城子罕子罕曰子以玉為寶我以不受為寶當時長者云子罕非無寶也所寶者異也今以百金與博黍和氏之璧與道德之言並呈者乃童子取博黍里人取百金賢者取至言所知彌精而所取因之宋人言若此今君不取橐中金而博十二御史之檄亦知所寶矣復乞余言壯之茲行其以名為寶哉其以名為寶哉

送劉評事疏養南歸序

增城劉鎮中舉進士官廷評授疏 闕下謂先

臣李密四歲而舅奪母志臣維嵩生六月而母

喪乃祖母之恩過之今年餘八十矣其言感

主上得遂所請將別余再拜而命余言也余觀

母子間情最切故朝出倚門暮倚閭望也古者

王事靡盬不遑將母則曰豈不懷歸用是作歌

將母來諗先王曲體人情形于詠歌如識薇蕨

之生念悄悄之憂下及于僕夫之瘁惟慮失其

養父母之心耳臣有是心安得不相諗告耶秦

三酉園續集

卷之七

五

漢以來功名之習淪于婦人女子若陵母知興

滂母慕名柰何遠于情實也君前疏楚楚

主上俞允是三代盛王卽人之心體臣之至而

亦足風海內士習矣太孺人見君歸相顧而喜

必不問區區功名如王范之母也庶幾今日見

古道哉若日報劉之日短事明主之日長鼎貴

崇爵爲君望業有能言之士非鎮中願聞于不

佞也

二酉園續集卷之八

沔陽陳文燭玉叔著

序

吳司理被封序

景陵吳士望與余同舉乙丑進士士望才高志

雅習當時之務又好讀古人之書卓然賢豪矣

士望與余家相去不百里聞其往徽州也其尊

公語曰保子者誠求之而其欲中保民者誠求

之而其情得哀矜勿喜汝曹懋之及入爲比部

三酉園續集

卷之八

一

也又曰金以久而不至于躍冶職以專而不至

于曠官哲人惟刑固將終身汝曹懋之卽吳先

生教士望直數語耳何其當也乃士望以績著

得封先生司理被章服爲閭里光諺曰朝種樹

暮息陰吳先生之謂矣士望出 天子制詞余

讀之與先生之隱行最合王言如綸斯足重矣

而海內學士復詠歌之士望命余題其端士望

以聲名重 朝廷顯親赫赫矣而且借人言以

悅之顧孝子之用心哉顧孝子之用心哉

壽蕭凌達六十序

往先按察公與表叔司徒傅公歸田置酒相娛樂也乃凌達蕭君爲門下士相從不厭蕭氏伯中結兩家驩而凌達猶密至按察公垂老則凌達往往撰杖屨卽易簪先一日把酒賞花謂凌達曰君臣之際與朋友之交等耳齊桓公封禪嘆寡人日暮矣而仲父年艾爲之柰何盖感遇云觀先公言而凌達相與之情迥異曹偶豈陶靖節所稱南村素心可話晨夕劉孝標所稱靈

二酉園續集

卷之八

二

臺寄通風雨不輟者耶今年十月朔日凌達六  
十里中與凌達善者往賀焉謁不穀爲文不穀  
交凌達久每謂凌達酒態不如劉伯倫而放歌  
浮白露醉墮車古人之豪十得其五詩思不如  
孟襄陽而語帶煙霞字挾霜露古人之逸十得  
其四博物不如張茂先而中山辨銘服匿詳器  
古人之鑒十得其三真吾友哉真吾友哉且意  
氣翩翩渾如未艾在凌達若忘其老之將至者  
昔絳縣人年七十矣晉大夫叩之不知年而自

言歷甲子四百餘朔楚丘生八九十矣孟嘗君  
憐其老而自言深計遠謀設精神以爲壯王叔  
經百歲餘矣習氣胎食周流名勝三人皆化境  
矣凌達行年六十而六十化過此以往其三人  
乎敢以是爲凌達壽

壽費以明六十序

吾友以明費先生春秋六十矣正月某日其懸  
弧之辰也二三友人思爲文以壽而命陳生代  
其言憶先外大父任先生故公家壻不佞于先

二酉園續集

卷之八

三

生稱中表兄弟又同舉于鄉與憲使公莫逆又  
結仲子姻媾世好哉無如不佞言矣進二三友  
人而告之曰以明先生蓋稽阮之儔與夫叔夜  
之高嗣宗之達豈惟晉人孤秀而有天下國家  
之志一不得時蓬累而行耳二子惟慕神仙思  
與安期羨門王子喬之倫度長潔大養生之論  
延年之句並著文苑傳中可誦也費先生少有  
奇質冲而不盈于百家之言無所不窺而尤沉  
酣六經屢上春官不第絕意仕進日惟閉戶多

長林豐草之快偶一清嘯聲聞數十里監司有司非其人卽專訪之不應也興至獨酌引滿浮白仰天而歌烏鳥間操觚翰詩類長慶文則嘉祐三昧也已而憲使公舉進士官翰林庶吉士晉兵科給事中封先生如其官先生望闕下稱謝一具冠服止耳暇時散步里巷則多初服人謂先生抱器未試得拜顯秩以爲榮而先生家國天下之志或有託于憲使公而終非其好也每讀絕交書卽山吏部相知何得鵬抱琴行

三酉園續集

卷之八

四

吟弋釣草野之士乎又怪晉文帝欲爲武帝求婚於籍醉六十餘日不得言而止吾以明之貞介豪爽或可踵武耳不佞又謂中散大夫之職康視之腐鼠耳步兵校尉之爵籍視之群蟲耳吾以明之輕富貴利達也豈不然哉外輕者內重內重者神全此先生行年六十而有姑射之容與二子所慕如安期如羨門如王子喬皆長生不老者千載而下知其解者旦暮遇之也豈在三山十洲蓬萊海島間耶憲使公少年有美

才遭際 聖明究先生之志而大其業者視瀆與紹不啻千百矣先生聞而咲曰吾適吾之天也安知古之人夫惟自適是以難老

壽四叔六十序

吾叔江村正月二十二日乃懸弧之辰春秋六十度矣吾弟文燦文燼寓書于閩曰大人平日愛吾兄文幸得一言以佐稱觴又聞吾兄居常言天地氣運十二支干陰陽相錯上下相乘周於六十周而復始以至無窮故先民之壽大都以百二十歲爲期則六十者固壽之始也不肖謂吾叔蓋文翰之士云昔人言筆之壽以月墨之壽以年硯之壽以世况年壽有時而盡榮樂止於其身未若文章之無窮乎吾叔有八卦硯蘇長公爲之銘有海野堂硯唐楮顏家物其愛重若懸黎結綠持贈不肖且曰願吾子方駕古人耳乃吾叔負不羈之才奇蹤逸軌往往薄舉業不爲而留神在操染間泗上有施生兩者雋俗之士也黃岡王吉士稚欽最重之偶過于沔

三酉園續集

卷之八

五



一郡目爲狂生而吾叔延爲上客自是詩畫書法大進詩不經思而長歌短篇有崔李之遺畫不經意而殘山剩水有顧陸之遺書不拘繩墨而任意縱橫則張長史之顛懷素師之狂也此皆可以名世者而吾叔少游成均已而拜官黎平府幕跡弛不肯爲乘興于酒樓爲之習家池之傍金焦北固之麓人人以爲寶也晚得龍尾石命不肖作留春堂硯贊堂蓋江夏馮吏部子和書吾叔好尚可知矣夫遂良魯公子瞻俱于

二酉園續集

卷之八

木

載人卽遺硯尚愛護不忘吾叔神日王而志日堅安知晚年書法不駸駸古人而留春片石後有珍之者其榮樂年壽可與世之欸啓者較哉不肖少吾叔十齡生平有志於文章幸博海內之虛名而漫無所得至于書法垂老未工思歸壽硯亭與吾叔揮毫樂而忘老王濟言家有名士三十年而不知吾叔誠名士乃不肖知于三十年之前心形俱肅異於古人之叔姪遠矣二弟以吾言佐酒俾覩六十再周以永先民之壽

吾叔其許我不乎

壽林雙臺先生七十序

嘉靖壬子肅皇帝加意潛服修承天府學追鎬京而邁豐沛錫御制碑以訓多士大哉王言統一聖眞雙臺林先生奉璽書督學丕揚大訓士蓋有周漢之遇云又楚服道遠往試者舟車未遍先生歷覽如神權貴人有干請者先生不聽也不佞年十六就試亦腹背羽耳先生曰夫夫楚材鴻軒鳳舉應聖化者與識賞而優遇之後

二酉園續集

卷之八

七

十四年乙丑不佞舉進士先生以廣東左使家居計懸車春秋四十耳又二十年乙酉不佞以按察使入閩見先生甚驩且曰三十年來吾子丁艾而吾老矣明年先生七十四月十有四日乃懸弧之辰先生呼酒酌不佞不佞具卮爲壽先生曰士君子患人品不高可自樹者名節耳孰不願功垂竹帛文典制策乎而不能盡如吾意庶蘭凜凜千載猶生曹李厭厭百齡無益吾子懋哉不佞聞之爽然自失矣先生所謂壽豈



龐眉鮐背耆耄遐紀者耶先生弱冠登朝選翰林庶吉士屢試居首同館約私謁執政謝絕不往遂至改科先生以母太夫人守節而老不欲居言官遂得祠部掌儀司文辭爾雅有丘明子厚之道足潤鴻業而延道脉造士之澤布護三楚如衡岳太和之噴峴如洞庭雲夢之浩渺建立者得而爲功操染者得而爲言先生之化日遠名與天壤俱矣何必功已出而勒鼎鉉言已出而溢縹囊哉其修齡以人品重先生可自信

二酉園續集

卷之八

八

云楚中同門如工部尚書曾子省吾戶部侍郎王子廷瞻禮部侍郎陳子思育兵部侍郎劉子庠刑部侍郎胡子價都察院副都御史耿子定向呂子霍輩寓書詢先生起居謂燭宜有言以獻燭嘗登武夷謁冲佑萬年宮見三十六峰縹緲如畫必多偉人又詢魏王子騫設綵屋雲栖霞褥以宴鄉人而與宴者咸長生不老先生滌除玄覽有僊氣庶幾哉符山靈可當幔亭峰之宴也壽在斯乎壽在斯乎因復二三子敢爲先

生無疆之祝

壽張石渠先生六十序

不佞束髮授書石渠張先生先生雅愛之時先生在先中議公門下善先光祿兄戊午同舉于鄉中議公掌職方聞之喜而不寐同入北雍年餘歸中議公賦詩贈焉後兒璧爲公家壻師友淵源往牒未有也二十年來不佞薄游四方先生令太平令新安聲名赫赫巴蜀河洛間已佐肇慶守趙州廣與滇稱遠服而先生德政屹然萬里外夫親民吏莫如郡邑先生歷試之獨正直不阿早懸輿而先生壽六十餘矣仲冬念三日乃懸弧之辰不佞官江西行省使先生報書曰吾子謙冲而力學渾朴而厚行持衡當軸于疇曩夫慈父不輕以孝與子也親兄不輕以讓與弟也先生何得聲稱不佞哉先生于不佞父子有衣鉢之傳焉中議公年六十修高年會于復中坊有百歲者有九十者多八十七十社中李君寵未六十八會龐眉黃髮兒齒鮐背濟

二酉園續集

卷之八

九

濟在戶子弟扶持出入歸而各親其親長其長而孝弟興里門以爲明興三百年來盛事不佞謂君子在朝以身延國脉在野以身厚民俗卽高年會古昔罕見焉會昌間司馬白公居易爲香山九老會至和間太師杜公衍爲睢陽五老會元豐間韓國富公弼爲耆英會其圖傳之千載如聞詠歌清嘯于唐宋間斯亦奇矣卽至道間李公昉罷相欲紹前美會蜀寇起不果燕僖升平之世造物所吝今里門衣冠之盛不及

三酉園續集

卷之八

十

壽陳海洲七十序  
海洲陳先生同先按察公舉嘉靖庚戌進士時大司寇我渡陳公大司馬華溪郭公號閩中三才交俱莫逆云兩公高位而先生修齡巍然三山之上丙戌王正旣望適覽揆之辰子壻林子天廸乞不佞一言佐春酒而介眉壽不佞見先生宏偉恢廓立容嶽嶽不懈也視容耽耽不散也言論侃侃不阿也無論先生當肅皇帝朝掌度支稱廉守杭州稱循典贛州兵稱能賜金加爵荷特達之知卽歸田在慶曆間守玄養素以維風教世有并介之人何可窺其萬一哉會不佞以右使視司事令郡吏慎鄉飲禮以揚清朝盛典而郡吏謂先生碩德耆年當爲祭酒先生春秋七十矣非古所謂杖于國養于學問則席入則揖不俟朝不與賓客之事老而傳焉者耶而先生往往列于五更三老之席祝餉在前祝鯁在後肆筵授几袒而割牲執醬而饋執爵而酌所以風天下也先生得謝久而飲于鄉猶行

三酉園續集

卷之八

十一

古之道與先生仕重于朝退重于鄉介茲景福  
永保令名其壽榮矣自今以往能赴申公聘乎  
能策楚丘乎能口濟南經乎能交傲如衛武乎  
能從東方生賜聲風木乎皆先生未來事也林  
子撰杖履而待焉先生咲曰走之壯也猶不如  
人今老矣無能爲也幸以右使公言書之卷端  
貽我來世而林子復以壽先生諸詩附焉聊作  
通家譜話云爾

壽方篆石七十序

二酉園續集

卷之八

十二

嘉靖庚戌方君敬先生同先按察公舉進士以  
文行相砌磋隆慶戊辰先生仲子子及舉進士  
與不佞結社長安風流豪舉翩翩致足樂也宛  
如見先生顏面萬曆丙戌不佞巡海上訪先生  
壺山之陽先生謝戶部郎政幾二十年閉門守  
玄幾古之于迹虛匿名者而一見不佞驩甚無  
厭爲文酒之會時方病齒見不佞若有起色者  
不佞得撰杖履父事之先生年踰七十而神王  
若少壯駸駸乎期頤矣先生好學多閱覽類張

彥真博通經籍類馬季長其教授家巷不諂不  
黷依于忠孝類延叔堅發之詩篇出入曹劉顏  
謝語渾而逸律細而工類杜審言間類少陵云  
先生呼酒觴不佞多話生平之槩出錢叔寶壽  
先生圖吳明卿壽先生文而命不佞一語如吳  
先生俾錢生之圖益重云不佞避席起曰往與  
徐子論詩言閩自鄭善夫沒而詩幾亡今詩在  
公家猶周禮在魯也浮湘者曾見之歸來乎山  
中竊願請焉先生曰往尹順德簿書期會之暇  
卽得吟咏海寇四起徵兵無寧日捕盜自贖得  
增祿一級坐是罷詩嗣官戶部金陵都會  
高皇帝宮闕在焉而鳳凰臺燕子磯諸勝又詞  
人登覽者所快方事吟詠衛士有脫巾之呼  
朝廷移罪司筦庫者遂拂衣歸坐是罷詩歸九  
華山下榮進之心日頽任實之情轉篤思長林  
而志豐草宜多吟詠島夷入寇莆城失守避居  
樵陽數年坐是罷詩今老矣無能爲也逡巡不  
出已而爲不佞賦竟陵草堂十詠不佞執爵進

二酉園續集

卷之八

主

曰詩必窮而工也卽先生官大夫之列然海寇  
軍呼及倭遇也所謂窮耶而先生之詩益工且  
鰥居十餘年聲色不入此豈有老萊粒食之糲  
庚桑畏壘之棲赤松辟穀之術然後稱壽哉思  
工而名永名立而齡遐非先生之壽與昔人言  
文章乃經國之大業不朽之盛事年壽有時而  
盡榮樂止於其身未若文章之無窮憶庚戌榜  
中多文人東吳如徐子與宗子相徐叔明西蜀  
如張肖甫陳于韶南海如梁公實林邦陽北海  
如劉仲修河洛如張子畏陳晦伯陸道函洪都  
如余德甫曹有卿乃閩楚則先生與黃亨夫高  
伯宗魏順甫吳明卿及先君子咸有聲藝苑俱  
稱千載人然年或不永間鮮嗣人先生有子如  
子及聲名籍甚布于海內世詞賦之業尤諸家  
所未邁周家卜年八百世過其曆人以爲周禮  
在魯而文武周公之精神寓焉歷有道之長先  
生平生渾渾未究而一發于詩信如子與言則  
祝先生以八百齡安知不過其卜如周室之隆

三國園續集

卷之八

古

哉先生咲曰令先公以才名雄三楚子與子相  
猶弟畜之何有于余吾子有父風與兄曹莫逆  
文章果爲吾兩家箕裘乎誠有味乎其言之也  
相與大醉而別因書以爲先生無疆之壽

壽余漳南八十序

往先君子掌職方與漳南余先生厚先生深于  
易衍爲數學推人錄命分天地之周別日月星  
辰之紀原忠孝之旨列吉凶之符語數千言捷  
于影響假令宋中大夫忠賈博士誼聽之未常  
不獵纓正襟瞿然而悟也先君子蓋以先生爲  
神云先生以比部郎出守承天承天 肅皇帝  
潛邸先君子執手語曰南陽真帝鄉召杜兩公  
所爲南陽政平訟理民悅無疆而稱良二千石  
者赫赫若前日事君侯懋哉先生再拜別去而  
治郡三載鑿渠灌田興學造士諄諄若理家然  
而絕無博擊鉤距取威樹聲之態江漢之間矢  
歌父母前有召父後有杜母指郢中爲南陽可  
耳余先生殆有古人之風乎乾之象曰天行健

三國園續集

卷之八

古

君子以自強不息坤之象曰地勢坤君子以厚  
載物先生經術飾吏事故盛德流行物歸于厚  
所謂有孚惠心有孚惠我德也後先生兵備徐  
州擢苑馬卿歸而先君子以井陘憲使拂衣漢  
上屯其膏而未施賁于丘園而待束帛海內士  
爭惜焉先生明于進退消長之機寓書先君子  
謂有命焉司馬季主可卜而知也鍾鳴漏盡夜  
行不休吾儕何取焉導養時晦于章江之上履  
道坦坦幽人貞吉所謂肥遯無不利者乎不佞  
二酉園續集 卷之八 其  
官行省左使訪先生精舍先生復出數學而教  
之念先君子殊甚先生行年八十磬折山立英  
英如少壯仲春某日乃覽揆之辰也夫天地設  
位而易行乎其間連山歸藏夏商無徵周易所  
傳大衍之數五十其用四十有九太陽以九變  
則化為少陰八也太陰以六變則化為少陽七  
也九六用而七八無為一卦變而六十四矣六  
十四卦變而四千九十六矣用九之道皆變自  
乾用六之道皆變自坤剛變則柔柔變則剛剛

柔相推而生變化先生精于數學樂則行之憂  
則違之配天應地自一而無筭孔子曰知變化  
之道者其知神之所為乎不佞重有感于先君  
子之知先生也敢以易為先生壽先生笑曰朝  
卿生長五朝間即絳縣老人所稱甲子不啻四  
百四十有五假我數十年以學易或亦可以無  
大過矣退書其言以告惇史

壽沈封君九十序

吾友沈箕仲往游長安余同興國吳明卿見其  
詩大奇之謂它日當名世者箕仲尚在諸生也  
箕仲舉進士官比部郎江西學使缺余與太倉  
王敬美議曰此必四明沈子也已而 朝命下  
又嘆余言不爽云余移官江西與箕仲班荆道  
舊知尊公稷丘先生膺比部封春秋九十矣七  
月廿九日乃覽揆之辰藩臬諸大夫謂不佞素  
知箕仲命一言以壽先生無論與箕仲善先生  
有弟嘉則又莫逆交沈氏蓋通家云余觀先生  
之壽而嘆 聖朝養老猶古之遺也夫古稱老

者以百歲爲大齊至九十者不杖於家不杖于國不杖于朝天子就其室而問焉珍有從也日有秩也飲食不離寢也膳飲從於遊也刑不加也命使人受也鄉飲六豆也愛而養之者與七十於學八十拜君命者大異矣得非以九十之壽難邁耶而三代盛王未有遺年多至數百歲者考虞氏以燕禮上庠下庠貴德而尚齒焉夏后氏以饗禮東序西序貴爵而尚齒焉殷人以食禮右學左學貴富而尚齒焉周人修而兼用

三園續集

卷之八

六

之東膠西膠貴親而尚齒焉當時伯夷太公之流皆大老也避居海濱起而歸周善乎其養老也重熙累洽至于成康黃耆鮐背以引以翼如小兒狀又多在田野故曰民之質矣日用飲食漢時近古文帝歲詔肉帛賜九十以上者長吏閱視丞若尉致不滿九十者不遣長吏丞尉武帝詔天下年九十以上已有受鬻法爲復子若孫令得身帥妻妾遂供養之事明帝尊事三老五更臨雍以拜袒而割生執醬而饋執爵而酌

冕而總干祝哽在前祝噎在後升歌鹿鳴下管新宮庶幾哉三代矣乃袁固以九十應賢良詔伏生以九十受書濟南史特書其年蓋侈談之也唐會昌九老會盛矣衣冠者不及九十獨僧如滿九十五李元爽一百二十六睢陽五老會盛矣九十者二人洛陽耆英會盛矣九十者一人斯亦難矣說者歸諸元和慶曆之遺澤我朝至 孝宗皇帝稽古尊年 詔多存問海內

三園續集

卷之八

九

當其會家在海上戴仁而行抱義而處力耕課子一畝之宮環堵之室欣然自樂優游五朝若游虞周之天而忘其生于漢唐宋之後者余聞往牒九十者其家不從政所以優老也沈仕族也箕仲就養無方每試士歸先生必問得孝友博聞者幾人是心乎學政誨子式穀也聰明強健行不以杖異于耄年者駸駸乎期頤矣又聞沈有慕翁者年八十餘封左春坊左諭德有影泉翁者年七十餘封工部屯田司主事皆先

生兄弟行俱以子貴有司表其坊曰三壽而嘉則今年亦七十若公家者真昭代之瑞而聖朝養老之徵乎諸大夫以余言告箕仲箕仲以告先生先生謝曰古者養老乞言則有惇史善哉可代吾言也請書之并告我二三兄弟

壽楊封君六十序

駕部郎楊子道行善屬文與陳子素相聞稍稍近就之驪然若道生平者蓋陳子爲江西行省使而道行司農督賦也未幾天子以道行守鄧

三南園續集

卷之六

序

有異政大計時廷宴而賞之于是改駕部將大用輜軒且北把酒章江之上抵徊留之至不能別語余曰往于庭守鄧也非陳思王封地哉每登子建讀書臺與州人李伯承談也邈焉興千古之思文章政事無所裨益獨幸家君子得封爲大夫也昔王事靡盬有不遑將父者今得奉新命而拜家君子于堂申無疆之祝幸吾子一言余曰不知其子視其父今知其子矣有不知其父乎道行言大夫爲人磊落多大節不問家

人生產性喜飲飲輒數斗酒後耳熱仰天擊缶而歌鳥鳥且曰劉伶小監子獨酒德頌可頌耳喜爲詩篇隨興而就恨不與匡衡同時且曰無說詩匡鼎來匡說詩解人願耳博學強記默而好深湛之思爲諸生二十年而不一遇且曰十圍之材文以梁棟而段在溝中同畝之稷上則饗神而餘委厓驚非質殊也所遇異耳閉門靜修家無儋石之儲晏如也家行之槩幸吾子一言余聞道行少有異質督學使者往往試高等

三南園續集

卷之六

序

而大江南北莫不謂大夫有奇子不啻童鳥九歲參玄矣乃大夫之教道行也文左馬而左馬詩漢魏而漢魏及舉進士出入周衛之中赫赫有聲不揚庭訓而大夫被封身食其報者哉余業諾爲言而道行過里門且急不遑于言明年戊子道行在司馬署中寓書曰家君子壽將六十正月廿日其覽揆之辰也願承茲議以娛老人幸吾子終前諾余觀大夫酒態如伯倫詩思如稚圭而守玄如卿家子雲也夫非壽乎且天



地氣運不過十二支干而陰陽相錯上下相乘  
周于六十而復始故易之言曰天行健君子以  
自強不息玄之言曰渾行無窮正象天也又曰  
八十一首歲事成貞陳其九九以爲數生蓋易  
之道也而陽推五福以類升陰幽六極以類降  
又盈虛消息之大者大夫由玄而窺易以易而  
獲天則其壽也如水之必寒火之必熱金石之  
必堅也自天佑之吉無不利敢因道行爲大夫  
頌焉

西園續集

卷之八

五

壽陳封君七十序

聖人久于其道而天下化成國朝惟 肅皇帝  
在位久每歲八月同姓諸王留都諸大臣十三  
諸藩臬使九邊諸將咸奉表稱賀四夷在在無  
有遠邇畢獻方物喁喁然虎拜稽首山呼萬歲  
聲徹丹墀紫掖望西苑有栢梁銅柱承靈仙人  
掌之屬化洽萬方多長生不老者不佞蓋躬逢  
云 主上誕符烈祖御極十六年志三代有道  
之長絕無封禪受釐事戊子八月江藩劉當入

賀則叅知陳公行也公便過衡山因省覲焉往  
官柱下封尊人德泉先生爲侍御母爲太孺人  
及巡應天都人士頌之典試關中三秦豪傑頌  
之世稱名御史也頃擢自中州語不佞曰豈不  
懷歸畏此簡書豈不懷歸用是作歌幸吾子一  
言以壽尊人不佞詢先生起居叅知公道焉里  
人稱先生褒衣博帶純德長者也教叅知公讀  
書言提其耳公力于學少年魁楚舉南宮高第  
及其從政先生言示之事經紀其家毫不以聞

西園續集

卷之八

五

公力于官爲清白吏太孺人稍長先生偕老如  
賓日課孫讀書課童種樹力田蓋有龐公廬門  
之耕伯鸞廬下之敬云祈陽去南昌厯千里耳  
叅知公脂車以迓先生報書曰老人善飯歌詠  
太平安能舍梧溪與岫嶠峰而它適哉願報而  
國叅知公不復言迎養幸歸而家值先生七十  
也余在里門又同宗盟命終前諾諸大夫申焉  
余觀天保詠如岡如陵如月之恒如日之升如  
南山之壽必曰群黎百姓徧爲爾德先生抱德



而隱衡山之南可增聖壽焉洪範言皇建其有極欽時五福用敷錫厥庶民惟時庶民是訓是行以近天子之光主上錫斯世和平之福先生首被焉夫當周之盛使臣馳驅咨謀王事靡盬尚嘆不遑將其父母今叅知公祝北闕而觴父母俱存之日真奇邁哉昔師擴言絳縣老人見正月甲子朔四百四十五便是七十餘歲先生方七十生長肅皇帝朝戊子正朔纔再見耳願先生久沐聖化見至無筭真長生不老者乎天子萬年厭于乃德殷乃引考敢爲今日頌焉

二酉園續集

卷之八

五

壽孫參戎六十序

往先公掌職方孫將軍受齋持吾叔黎平公書省之余方少先太夫人曰此汝叔厚友治具延爲上客退語先公曰將軍白晢磊落丈夫也願推轂焉先公方選將一見奇之且曰此孺子異時藥籠中物也將軍由守備而都閫而參戎功業者肯綮事先公曰厚吾弟燠得爲公家壻獨

余有愧先公言也余每過峴山住家園中解衣而飯呼盧而醉便大叫以爲愛我而豪爽有奇氣年財五十耳又十年戊子吾叔走洪州視余且命曰古來封狼居胥山禪始衍臨翰海孫將軍志焉而竟老于家也吾子爲文以壽亦大呂陳于元英燕喜反乎磨室快孰甚焉余曰烈士暮年壯心不已孫將軍不老乎王翦廉頗趙充國馬援皆名將而用者柰何嘆其老也如翦請六十萬兵秦王曰將軍老矣何怯也頗飯斗米肉十斤趙王曰將軍雖老尚善飯也先零伐而充國苦脛宣帝曰恐一朝之變也擊五溪而援據鞍光武曰矍鑠哉是翁也夫身有三寶曰精曰氣曰神四公者赳赳武夫也况當秦漢之際乎猛銳長驅掃塵滅迹夜縋而出觀釁而勤在甲冑矢石之間精氣與神全在而國是以易老乃孫將軍翩翩儒將也况當嘉隆之朝四方無虞夜郎久不見兵革乎雅歌投壺類祭遵帳中講論類張奐說禮樂而敦詩書類郤縠窮山水

二酉園續集

卷之八

五

之遊極文酒之歡行年六十而英英如壯精氣與神全在而身是以難老公家武子有言曰用兵之法全國爲上次全軍旅次全卒伍惟進與退且不可進而進非全也不可退而退非全也故曰知彼知己百戰不殆將軍方進而遜于家方退而傳于子兵家所謂不愆于六步七步也不愆于四伐五伐六伐七伐也四公全國可優爲之獨所遭太平耳耄耄期頤何得孫將軍老乎將軍里中有耆緣會二十有一人多八十九

王國續集

卷之八

主

十者將軍在弟列余題其錄而壯之將軍虛席待我乎吾叔起謝曰後有因吾子言而續耆舊傳者將軍真不老矣

送陸太史校士還朝序

蘭谿陸先生舉進士高第制義傳布海內士爭誦法焉先生在翰林轡龍虎之文 主上制詞先生代焉如絲如綸士林以爲奇邁昔人謂陸機伏膺儒術文章冠世陸贄詔書旁午思如湧泉先生蓋士衡敬輿之匹也歲戊子 主上命

先生與給事陳公典江西試多士望先生車輿以爲文陣雄師咸願出門下先生入棘闈謙冲如不勝也恪恭如不得已也同侍御祝公誓曰外毋實內毋隙自相誓曰毋踈出毋謬入得士九十五人多學使沈公高等一時翕然號稱得人歌鹿鳴而宴之其樂也融融諸士敘齒宴先生其樂也洩洩諸士謂先生將復 上命直承明之廬例有贈言而屬不佞將以學使之命不佞素慕先生何得違諸士請哉先生望諸士也

王國續集

卷之八

主

蓋孔門仕學之旨云夫漆雕開不自信而孔子悅之悅其信也當時論政有曰信而後諫信而後勞必不自信而上下信焉古之大臣如伊尹阿衡周公負扈人言公功斐廼旁作穆迓衡自周有終相亦惟終可謂信矣兩公肯自信其君堯舜事三王而匹夫匹婦無一不被堯舜三王之澤哉日以進賢爲念其曰敷求哲人與人不求備又曰自一話一言我則末惟成德之彥以又我受民三風十愆之訓無逸立政之篇所

以告君者何詳也 主上富于春秋思政養心  
省心樂志分爲四軒命輔臣作箴而二三元老  
論道經邦昭登之績先生試諸士以進箴表思  
而有養省而後樂傲戒無虞罔敢自信都俞昌  
言之風千載如新先生將司密勿廣廈細氈之  
上從容起沃伊周告君者可願焉語曰千金之  
裘非一狐之腋也三代之智非一士之智也先  
生舉賢讓能行盡衆區諸生一前茅耳孔子漆  
雕開未仕者也伊周仕者也易地則皆然先生

二酉園續集

卷之八

壬

先生贈

送陳給事校士還朝序

萬曆戊子江西試士 主上命給事陳公太史  
陸公典馬夫給事黃扉制不可者批之詔不便  
者塗歸之日暮且入對父郎之不能離禁闥始  
自前代 主上寤寐賢豪貴于丘園蓋特命云  
肅皇帝戊子曾一行之今 主上同符烈祖矣

公之來也與陸公起居出入相得驩甚及入棘  
院夙夜匪懈取同者彙閱焉褒黜者覆閱焉或  
陸公可而公否焉或陸公否而公可焉其難其  
慎惟和惟一期得真才以對揚 主上休命是  
科號稱得人諸士宴鹿鳴後造不佞謝焉不佞  
曰古者諸侯歲獻士 天子試之射宮而陳俎  
豆備管絃以宴自唐至今爲盛諸生遇矣且大  
江之西交吳楚而屬于揚陳先生所稱珠立玉  
山者非耶夫魚目混珠燕石混玉自古記之先  
生廣求而精擇照乘燭室之光無遺赤水瑤琨  
盈尺之璧顯于荆山石韞玉而山暉水懷珠而  
川媚蓋遇而奇者也今天下疲矣水旱之災遍  
于中原而江西尤盛黔黎子遺困苦萬狀 主  
上弛負蠲征至損 上御以佐危急撫臣棄官  
呼號爭升斗之儲而嗷嗷莫必其命陳先生極  
論之昨者宴樂續食歉然不敢安焉禹思天下  
有溺者由已溺之稷思天下有饑者由已饑之  
先生以天下爲度而目擊時艱思得士以濟之

二酉園續集

卷之八

壬

諸生誠珠玉矣天雨珠而寒者不可以爲濡天  
兩玉而饑者不可以爲粟惟澤于道德嫻于時  
務庶有濟也先生惓惓茲土今還 轅下列在  
交戟之內 主上加意民隱問先生中原利害  
可面陳西土窮困之狀侍御祝公亦有疏入告  
矣先生此行又一方黔黎更生之會守土之吏  
所殷望也寧獨諸士良遇哉昔人品士有曰豐  
年玉荒年谷者先生雍容廊廟則益衮職之補  
出使邦國則周問閭之慮爲上爲德爲下爲民  
三酉園續集 卷之八 辛

三酉園續集卷之九

序

壽郭母被旌序

沔陽陳文燭

肥鄉郭承芳有母以貞節被旌命同舍郎造賀  
諛言于燭燭年最後執筆之勞何敢辭焉往冬  
夜省直余與承芳抵掌談忠臣孝子仁人義士  
事至烈女貞婦口咨鼻酸不能語余詰之遂泣  
道其母王孺人云嗣後上疏 闕下語多在疏  
中其略云臣崇嗣舉進士幸事 陛下顧臣父  
東天絕其母王年纔二十耳日謀自縊臣祖先  
臣御史俾有臣爲嗣苦節四十年臣觀聖朝被  
旌者婦多有子臣母立孤尤難也 陛下垂仁  
焉疏奏 主上哀憐下所司如例得旌嗟乎柏  
舟之篇采桑之詠其辭楚楚婦人之好修皎然  
潔矣至有激烈捐生以徇之者乃立嗣昌後不  
令夫斬然絕尤希曠焉往郭母少寡從一之志  
堅如金石假令以身徇稱烈矣如夫無炊火何

故忍而就此余聞不夜哭不踰闔終身疏素竭力奉姑育承芳在襁褓中日夜教承芳讀御史公所藏書承芳遂登第尤稱博雅每聽獄多所平反海內賢豪延頸願交孺人喜曰吾生矣夫立後之難妻事夫猶臣事主事有幸不幸焉昔留侯報韓不犯大索之怒立橫陽君成爲韓後成不幸亡尚思圖報還朔客程嬰者不與下官之難匿孤山中幸復趙氏後兩人之識深遠矣今孺人見承芳成立喜是良所未必而嬰所已

三園續集

卷之九

二

試者丈夫哉詩書所稱何加焉兒女子不足齒矣太史公嘆閭巷之人依附青雲聲施後世況大節被休命又承芳將考最沐封典此人間婦所罕無者其有辭於永世乎按郭之先有經歷公喜施藥縣丞公舉義兵太守公在成化御史公在弘治戶部公在正德三公皆進士仕吳越間令民奉祠不絕王亦永平世家有適史者不屈于賊死談者與孺人兩高之語曰燕趙人多感慨或一節云耳何忠義孝廉之竝著哉余樂

道孺人事并敘之它日私爲公家作世傳焉

壽倫安人八十序

黃太安人者倫子紹周母也年八十受封紹周謝上恩爲賦誌喜中言慶引西昆榮分比闕念謝季子馭念王生意若不能釋者陳生語解始得悅紹周遂以賀言屬陳生往陳生少讀紹周經義時紹周舉廣南第一慨然思見其人後登壬戌進士爲士師屬兩人交固驩甚也倫子多學類劉子政德量如黃叔度比議刑書則師張釋之間訊父子言依於孝訊昆仲言依於弟訊夫婦言依於別日惟祥刑以報上非徒引經斷獄者婦人有內貞而無外事其賢徵厥子卽紹周可知太安人賢乃紹周道之又詳云蓋贈君早孤太安人脫簪珥以相之教成三子往紹周歸省低徊留之不忍去太安人從之行且急人情莫如母子親朝一出暮倚門也今若此將望所顯樹者耳歷觀記載中若大家之論撰敬姜之秉禮孟氏之擇鄰滂母之慕義稱賢矣

三園續集

卷之九

三

未聞錫榮名無遐齡者君子嘆諸福之難焉今太安人年且耄髮垂垂白翠冠緋服祈祈有輝真人間罕有者况吾兩人期許又出世俗歆豔外則所稱壽母意益弘遠莫窺矣夫演百順之旨揚內則之訓嗣徽音之贊侈純嘏之休廣好德之疇海人同人詠而歌之余何言語罷陳生愴然有思紹周詰其故吾幸家大人在乃先安人何得太安人壽紹周慰我且久益大悅

壽林夫人八十序

二酉園續集

卷之九

四

萬曆甲戌象川林公爲四川廉訪使由滇而西母太夫人陳氏時年八十設悅之辰在十月廿二日廉訪公遣使歸壽南顧懷焉越明年諸大夫從廉訪公後者謀壽太夫人命不穀以言語曰不知其內視其外乃六川翁舉進士尹麗水官戶曹咸稱清白吏以有令妻也又曰不知其母視其子乃廉訪公奇偉倣儻往官江西時分宜竊柄公耻出其門一官數年不遷今勲樹赫然以有賢母也又曰不知其國覩其鄉乃吏部

傳公太守陳公爲文以祝多太夫人善行二公鄉人足信也小子何言哉余所聞太夫人事最異竊有感于天道焉往太夫人由浙河以歸家人瘡病陷危過張烈婦墓下舟人言其土可解熱太夫人取土分飲之霍然病已如遇長桑君乃嘆曰援鏡操刀斷髮表心古之貞婦僅見女史今烈婦不愛其生而能全人之生何忍忘之遂以餘土陶烈婦像而祀之嘉靖中倭寇來海上至廉訪公家見烈婦像以爲天妃神焚香羅拜不敢犯而其家得全及寇退太夫人收里中白骨瘞之奉烈婦神尤謹卽太夫人永烈婦之祀又推廣其仁其德厚矣古之至人後其身而身先外其身而身存不自生而長生皆此道也我觀天道太夫人蓋百齡未艾云諸大夫聞而避之且曰可以壽矣書用識哉

壽謝孺人六十序

二酉園續集

卷之九

五

太孺人謝氏者先兄光祿公之配紹興司理璧之母也往璧自少嗣余兩姪早世太孺人曰柰

何忘伯父弗子耶及舉進士太孺人又曰柰何忘仲父弗子耶今太孺人母子如初而余得子之有丈夫之槩焉頃考紹興三載績例得移封贈光祿公如其官 勅封太孺人而壽期六十初度之辰在九月朔日大哉 王言賁及庭闈里中以爲奇邁其弟婦童恭人官江西行省嘆曰吾少與太孺人相與垂白三十年情好如一日真若兄之俯念鞠子弟之敬順其兄也歸而獻隻屨持一觴結暮年驩而又何以遠游爲余

三酉園續集

卷之九

六一

曰人情喜聚而惡離况肉骨乎歲時伏臘大小群集卽有生日烹羊炰羔置酒高會欣然一室者田家守閭事耳若方宦游卽子婦亦不能歸勿徒紛結心曲耳恭人曰自吾爲公家婦見四方乞文者半壽其親而公應之無虛日幸一言以壽太孺人余曰太孺人方健往施佛經數萬卷念佛者祝長生不老由是而七十而八十而期順爲言尚有日乎今且以牛酒往恭人曰吳太安人胡不祝八十任太恭人胡不祝六十乃

太孺人六十而被封可壽也余聞之首肯安敢吝一言哉乃壁兒自紹興圭兒自漢上走使乞言于章江之上余讀易而知太孺人之壽蓋天道云坤之文言曰無成而代有終妻道也光祿公子克家太孺人終焉安貞之吉非壽乎歸妹之彖曰天地之大義也君子以永終知敝太孺人謝家女富以其鄰而光祿公交相愛也以祉元吉非壽乎家人之六二曰無攸遂在中饋貞吉太孺人閑有家無敢嘻嘻者威如之吉非壽

三酉園續集

卷之九

七

乎恒之六五曰恒其德貞婦人吉太孺人從一而終安節之亨利有攸往非壽乎中孚之九二曰鳴鶴在陰其子和之太孺人載米之官而用刑者以明慎而不留獄應乎天也非壽乎晉之六二曰受茲介福于其王母太孺人翠冠霞帔受帝之祉往有慶也非壽乎童恭人曰文止是耶余曰易本乾坤壽以乾坤又何加焉童恭人稽首拜謝卽與兩兒張世美堂上爲太孺人無疆之祝



二酉園續集卷之十

沔陽陳文燭玉叔著

記

青玉堂記

公衙在府鎮淮堂後其規畫弘敞廷東西樹竹千竿余來伐草萊養之竹益茂蓋萬條青玉也淮本劇郡余日恐恐不敢自暇每于雨雪聞竹間多瀑布聲風月之夕又鏗然鳴瑟殊以爲奇昔白居易作養竹記謂其似賢也其本固則思不拔其性直則思不倚其心空則思虛受其節貞則思砥礪夫人柰何外于君子之林乎遂扁曰青玉堂刻石記之而陷置于東壁蓋竊取江州司馬之義矣

清德堂記

余守淮自庚午秋郡齋有清德堂者始一造之歲大浸明年漕河淤阻上遣尚書給事中御史視焉又明年議海運問疾摩傷幾兩年不啓扃偶啓扃草萊滿室幾沒豐碑碑載清德頌其

二酉園續集

卷之十

一

言行之有序施之有宜政之清也不縲無辜不

縱有罪刑之清也閒燕而不惰辨治而不迫官

之清也畏法而廉拘錄而愿吏之清也審政刑

之中失察官吏之能否太守之清也嗟乎何有

于我哉漢司馬遷作伯夷傳乃曰貪夫徇財烈

士徇名夸者死權衆庶馮生舉世混濁清士乃

見其重若彼其輕若此伯夷聖之清者也余愛

其言可作清德箴夫唐天寶李公適之作頌至

宋紹聖頃公起名其堂及嘉靖李公幼滋始表

二酉園續集

卷之十

二

章之其言蓋千百年不易云余加修緝勒前語

于石庶景前修告後之登斯堂者

寶翰堂記

余得李邕碑勒于壁茲堂在府治二門西爲延客所客觀前碑愛之余意存之恐其剝蝕耳因題其堂曰寶翰與四方文雅者共焉嗟乎李公去今幾千年其隻字尚使人欣慕益信古人風猷不可及云同寅二三公命余書以識之遂作寶翰堂記



正學堂記

四川提學道有堂督學使泰和胡正甫取勅諭崇正學之語以名之萬曆甲戌余奉命董蜀學越乙亥上用輔臣言將勅書更布越丙子上勅吏禮二部考學臣績余得久任蓋兩試云偶同諸生坐堂下因嘆曰漢董仲舒按春秋大一統謂師不異道人不異論云其言正心以正朝廷正朝廷以正萬民而四方遠近莫敢不正豈非以道者所繇適于治之路自正心始耶昔堯舜

西園續集

卷之十

三

禹相授受不過指人心道心而允執厥中耳孔子始以學之不講爲憂然崇德修慝辨惑與夫仁孝之論惟求端于心而桓文之事管晏之烈絕口不道豈非以其譎而不正者鑒王道哉王者之迹熄而楊墨塞路孟子辭而闢之廓如也尊崇孔氏指知能之良者而招揭之事親爲仁從兄爲義堯舜之道孝弟而已故曰我欲正人心息邪說余豈好辨哉余不得已也昭代餘姚王先生承濂洛關閩之後而發良知之論亦尊

崇孟氏者其後談者紛紛行不掩言至以講學爲諱嗟乎天不變則道不變而人心之良不變也疲精外務索其知于刑名器數之末者其失也霸凝神內照遺其知于人倫事物之常者其流也禪欲明學術而持統紀將何以一焉王伯安有言曰孔孟之訓昭如日月凡支離決裂似是而非者皆異說也彼所稱致知卽大學之格致誠正云耳心正而國家天下一以貫之曾子之學求其心于明德新民而絜矩則正矣子思之學通其心于天地萬物而中和則正矣學以致道不在茲乎余聞表端者形隨聲遠者響應故心正而學因之竊附董生大一統之義俾二三子無辯說爲也書作堂記

西園續集

卷之十

四

翠岫堂記

武擔山蓋在藩司之西云往余甲戌董蜀學政時登其上會遷山東左叅政理漕儲去癸未春起復以前官分守川北路有官衙在司內而武山當其面湯子雲左太冲所賦蜀都詳哉言也

無論眉山雪山玉壘三巖十二峰甲于中原卽  
雲臺青居錦屏劒閣在川北者孰非井絡之精  
江漢之靈哉而去官衙遠矣茲山屹然蒼翠落  
几案題爲翠岫堂而扁之因憶勲業如武侯教  
化如文翁風節如清獻題詠如少陵千載之下  
有光山澤仲尼有言譬如爲山未成一簣止吾  
止也譬如平地雖覆一簣進吾往也克斯心而  
進之途人可禹况漢唐諸公哉余有感于爲山  
之訓云若升高能賦勝事猶存登嶽長誼清標

三酉園續集

卷之十

五

力

未遠如王子安游武山之意俟後之君子

### 仕學堂記

川北所轄古果州閬州梓州而駐節于果萬曆  
癸未余以叅政奉命守三州其公署在城之西  
南隅城外蓋有西湖云署之堂室清平孫公應  
鰲所修嘗作敬安堂記余率有味乎其言之也  
正堂西有別室汝寧房公楠所創余以暇日徘徊  
其中扁爲仕學堂因嘆子夏有言仕而優則  
學學而優則仕夫學古入官可也乃仕而當官

何得有優耶無論他職卽余所典三州有淑慝  
吏胡以辨之有田糧胡以均之有水旱胡以弭  
之有盜賊胡以息之有訟獄胡以平之優而後  
學寧有時哉記曰發慮憲求善良足諛聞耳就  
賢體遠足動衆耳化民成俗其必由學乎易曰  
君子終日乾乾夕惕若又曰天行健君子以自  
強不息然則學何可廢也不佞取古經史而玩  
焉有勸于千百世之上者乎有懲于千百世之  
下者乎期以強一念之息而達四境之化豈昔

三酉園續集

卷之十

六

### 三教堂記

人所稱良冶之子必爲裘良弓之子必爲箕始  
駕馬者車在前蛾子時術之之謂哉堂前雙桂  
亭關西楊公吉書後有退思補過四字新安凌  
公瑄書操筆記之益以見余寡學而仕未優也  
南充四十里有三教堂宋故丞相家廟舊址也  
中孔子左佛而右老蓋石像云勝國昭代或前  
孔子而後二氏嘉隆間合祀之萬曆壬午新安  
凌公瑄過而異焉止祀孔子配四哲而並二氏

于宮牆扁曰崇正堂明年小子嗣凌公分鎮川  
北過而嘆曰衛道其嚴乎而非聖人之無我矣  
夫道一而已吾儒曰致一道家曰貞一釋氏曰  
三昧彼稱守中也常定也其心寧有二耶虞初  
慧可之談與紫陽等耳柰何責諸習其教者耶  
故防二氏之有害于吾道自後世始乃吾孔子  
未嘗黜焉三教並存天壤俱敝可矣命僧祀如  
舊既存凌公之意而并告吾黨益以見吾孔子  
之大也

西園續集

卷之十

七

清修堂記

布政司據越玉山南其山與九僊烏石稱三山  
云其西則右轄之街有雙松當門蓋千年物其  
西書室有修竹數十竿余讀書其中扁曰清修  
古之清者澄中原修已者安百姓是在心乎是  
在心乎撫松養竹此山林之樂也而有官者得  
之倏而虬龍翔也倏而鸞鳳鳴也庶幾哉盟歲  
寒而勵風節乎苟于身心有點日坐蘭亭出入  
桃花源無益也故事右使同左使晨起坐堂上

收公移了不片刻有清軍道在儀門外余局不  
至日發文牒在衙之觀我堂得非耽茲地而樂  
哉偶書數語以志吾過

世恩堂記

世恩堂者世受國恩而思報也堂乃先承德公  
遺叔父揮使公者揮使公田居將屬它氏陳子  
倍價有焉不覺泫然也客曰吾子卜居清曠類  
仲長統石樓多于香山茲數椽耳代謝常耳柰  
何感也陳子曰鍾鼎之銘故物遺笏之記尚多

西園續集

卷之十

八一

子孫永保之文乃吾有懷焉客曰吾子世世菟  
裘矣土肥而泉甘市遠而竹茂楚人失弓楚人  
得之又何感也陳子曰奇章之石平泉之草木  
亦知無一可遺于後者乃吾終有懷焉客曰杜  
陵瀼西之券宋元間珍之而欲修浩然亭者惟  
恐不先愛屋者及鳥愛吾子者將無及乎陳子  
曰疇能愛人于千百世之上乎疇能必其愛于  
千百世之後乎三得客言而未釋也筆為堂記  
堂扁乃大宗伯徐公書徐公同中議公舉進士

與文燭爲文翰交叉知汝壁貢舉家世乎交世乎其恩在也寧獨國也

### 藏山堂記

古人遠游必先于鄉盛弘之記荊州以衡山爲南嶽而沔荊州境也昔軒轅以瀟霍爲南嶽之副爾雅遂以霍當之虞舜五載一巡至于衡也漢武帝祭廬江瀟山望于衡也陳子有各山之癖往登東岱中嵩謂可及衡而至今未逮嚴君平曰州有九游其八尚恨一之未至也而況其

西園續集

卷之十

九

送

鄉乎嗣官閩行省右使會古田令譚君汝麇談衡山之勝且曰向禽之願勿論矣卽劉凝之宗少文李英國趙清獻之卜居韓昌黎林用中之勝遊胡康侯張敬夫朱仲晦之講席赫赫耳目昭代若大宗伯湛元明少司寇王新甫大司成孫山甫三先生咸有精舍而况先生鄉人乎余笑曰此素心也譚君宅憂歸余晉江西左使譚君寓書云五嶽山房遶矣近堯率菴菴前有樓雄麗而流杯池一體塔在焉蒼松翠竹飛泉瀑

布爲名勝第一守之者僧如濟與其徒性聰也衡州太守靈寶許公大書扁焉衡山尹巴蜀王公捐俸助之同年廖子占歐子文極力贊焉乃山堂以何名乎余嘆曰昔人著作藏名山豈非道在天地文以載之山靈護持久而傳耶鄴侯藏書于衡今雖不存而懶殘之洞與岫嶺祝融諸峰爭雄不佞于經國之大業不朽之盛事未之有得異時檢平生撰述而存之吾舍衡何適焉遂題爲藏山堂而記之

西園續集

卷之十

十一

力

### 家園三教堂記

往童子時侍先按察公問儒釋道之原又問儒釋道之書先公竒而不答比長思盡讀其書以窮其原而多病又苦制義未暇也一日先公語余曰人言佛如日道如月儒如星又言釋如黃金道如白璧儒如五穀此六如者惟吾儒能兼之二氏不能也然析之是折足不成鼎矣合之是撿沙不成團矣易曰殊途而同歸百慮而一致寧有二乎小子識之又三十年將歸老漢上

思取二氏之書稍稍讀之以畢生平而顏一別室合祀孔子俾里人稱曰三教布衣

餘樂園記

園在沔州南紀門外嘉靖間先按察公所卜也名其堂曰夏汭詳大學士許公國記中夫雲土夢作又夏水也堂在水曲沱潛未道楚澤數耳春秋列國蓋戰地云今海內晏如蘇山先生始托一枝之安覽萬古之勝雪堂鹿門隆中習池相望卜鄰而屈宋之宅仲宣之樓藹乎似矣先

二酉園續集

卷之十

十一

生講道論文洋洋至樂也堂東有亭曰四并樂之同也御史大夫陳公省聞而嘆曰謝靈運所謂良辰美景賞心樂事之難并者乎先生所取四而所會一也故和風朗日碧月晴空良矣而雨夕風朝霜深雪凍不為阻瑤臺圭苑奧室玄堂美矣而草構茅披蒲編竹緝不為陋快意極歡適觀入耳樂矣而戒心勞形懷思圖變不為逆倘以心勝耶堂西有亭曰六合樂之大也少司馬萬公恭聞而嘆曰莊周所謂形存六合之

內神游六合之外者乎六合有托者有六有合

有郭有廓有幕有橐無托者無六無合無郭無

廓無幕無橐可托者形也不可托者神也先生

殆無合而六合耶堂前有軒曰觀稼樂之明農

者堂後有軒曰容膝樂之知足者軒有海棠一

樹高丈許花落如紅雨春日憇焉有青梧數樹

夏則納涼其下秋種菊幾百種冬倚古梅作長

嘯聲畜文魚于兩池植芰荷菱芡表叔戶部尚

書傅公願里居以兄事先公驩若同生開山園

二酉園續集

卷之十

十二

于右一門來往忘爾我也先公闢借山亭時都閩高君京王君顥皆內戚稱門下士其它問奇字號酒人若蕭李諸子又六七人里中每招飲兩公必同兩家子弟及諸子必隨極驩乃罷携具于園周旋亭榭竹樹間先公曰樂甚矣暮三百有六旬有六日以閏月定四時成歲而閏者歲之餘也吾年六十過此已往其餘乎乾之初九曰潛龍勿用夫龍德而隱遯世無悶不見是而無悶確乎不可拔則樂矣履之初九曰素履

往無咎夫素履之往獨行願也幽人貞吉中不自亂則樂矣遯之九四曰好遯君子吉夫嘉遯以正志也肥遯無所疑也至無不利則樂矣與其往蹇吾寧貴趾與其冥升吾寧盤桓向子平言貧不如富貴不如賤但未生與死何如耳仲長統言逍遙一世之上睥睨天地之間不受當時之責永保性命之期二子樂乎深于易也名其園曰餘樂憲使王公問大書扁焉優游二十年而先公逝蓋萬曆庚辰歲也園日荒圯歲丁亥脩焉先公命不肖以記乎而逡巡不果言之投淚昔司馬溫公以獨樂名園彼謂與人樂與衆樂此王公大人之事而惓惓于孔顏之蔬食飲水曲肱陋巷先公樂同而名異且言古人惜餘者三留餘者四豈謂年之冬日之夜月之雨造化之巧朝廷之祿百姓之財子孫之福知所惜而留知所留而樂乎溫公爲宋賢相四夷左衽罔不咸賴其樂曰獨中議公典職方握兵憲止耳有井渫不食雉膏不食之感其樂曰餘蓋

憂樂潛見易地皆然先公晚而好易意弘遠矣信有如學士司馬御史大夫所稱說者哉因次其語以告來世書作園記

二酉園續集卷之十一

沔陽陳文燭玉叔著

記

砥柱亭記

砥柱亭者水部張大夫修高堰成而名之者也  
余按水經蓋有砥柱山云其在汾濟渭洛之交  
乎而禹疏以通河故曰導河積石至于龍門東  
至于砥柱封山表烈乾坤終始焉乃高堰成而  
大夫以名其亭蓋澗口未塞其流急既塞其堤

二酉園續集

卷十一

若柱云淮人得平土而居之比于神禹荀卿氏  
謂塗人可爲禹也况吾儕乎况其功彰明較著  
乎登斯亭也興河洛之思焉且高加堰當淮泗  
之衝創自漢陳登而國朝陳平江瑄尤經畫  
焉自堰壞而山寶鹽興高泰之間連三十六湖  
滙爲巨浸矣大夫毅然築之長堤高厚延袤萬  
丈始大夫之築堰也冒風雨犯寒暑大澗屢塞  
而決議者猶然難之乃大夫志益堅而氣益壯  
鼓萬人而成之澗口始合淮泗交流同歸于海

所謂河定人安千載無患上策者非耶昔墳

珠之貢九鼎之潛皆江淮大治之徵茲亭盛事

也異代不修談與余爲大夫頌焉大夫曰往總

河潘公上治河疏也聖天子俞允師相張公

主之司空李公贊之潘公與總漕江公同心圖

成時至堰上胼胝不遑又二三公及諸有司協

力焉不穀得成其事亭名砥柱蓋表成之惟艱

屹然如山俾來者加一簣而永九仞云耳余于

大夫大其功而高其識憶隆慶庚午辛未間淮

二酉園續集

卷十一

二

水大泛臨海王公撫淮而文燭知府事曾修高  
堰丁文洛公在翰林大書碑焉謂范文正公修  
泰堰蘇文忠公築杭堤民到于今祀之余入蜀  
而堰潰甚愧其言卽取文恪之語頌大夫也其  
有辭于永世哉大夫名譽字德徵登辛未進士  
江西新建人其治水功最多余不論而論名亭  
之大者書諸石

懷杜亭記

牛頭寺舊有山亭杜子美登之所謂路出雙林



外亭窺萬井中斯千古絕景真驚人語乎萬曆甲戌不佞奉命督蜀學政三試梓州徘徊牛山者三詢亭舊基在寺之後命張刺史創工部草堂而記之海內同志移書嘉焉謂兢兢衛道匪徒重詞人爾也復命刺史仍創一亭戊寅春遷山東叅政以去庚辰春宅先大夫憂癸未春詔以前官分守川北首巡梓州而亭成夫兵革關河之感予美及之冷猿秋鴈之悲嚴武慰予美者及之遇使然也聖明在上千載一時視杜陵

三酉園續集

卷十一

三

研庵記

景陵魯庵甫先生倡明正學在江漢間與先君子爲同心交時時講道于復中精舍不佞以童子侍焉聞而若有悟者先生最奇余呼爲小友先生舉嘉靖辛卯鄉試隱居不仕年幾八十往

里有文恪公者有重名先生與之潛見同道鄉人稱二魯云三十年來不佞奔走四方先生恐溺于功利詞章之習也時時舉先君子遺訓耳從焉而先生哭先君子甚痛若謂情深於父子者三代而後朋友之交也若先生者可不謂難哉先生題讀書處曰研庵而命不佞記之夫夏虫難以語冰曲士難以語道鄙言何足以當先生哉無已敢以易對昔伏羲之畫卦也始于乾而元亨利貞備于人心所謂幾也文王周公繫之曰大哉乾元資始萬物而行健君子以自強不息孔子讀而嘆曰乾以易知坤以簡能無思也無爲也寂然不動感而遂通聖人所以極深而研幾者乎惟深也故能通天下之志惟幾也故能成天下之務惟神也故不疾而速不行而至如文王之純一不已周公之思兼待旦孔子之忘食忘憂顏子有不善未常不知知之未嘗復行也曾子之誠正子思之戒懼孟子之存養所謂研也故曰知幾其神乎是皆深于易者也

三酉園續集

卷十一

四



先生以研名庵也將以此幾而會聖人于千百載之上乎將以此幾而俟聖人于千百載之下乎先生聞而嘆曰君子終日乾乾夕惕若昔者吾友嘗從事于斯矣吾子過庭而有得焉假我數十年以學易或亦可以無大過矣可書之以終研之之義

### 高齋記

公衙之西有書屋三楹前按察使長與徐公中行創也中有聯云閉關無俗事高枕即吾廬余徘徊愛焉適友人顧起綸寄詩有高齋竹素涼初積平海蕉黃雨後繁之句扁曰高齋因稽古人若臯陶伯夷播刑之迪何其高也乃一念欽恤罔有擇言在身斯成而孚輪而孚矣故曰升高者自下為高者因丘陵祥刑者其在心乎茲又余名齋之意也

### 有獲軒記

梁山屬夔州夔自巫山十二峰峭崿萬狀環梁皆山也中多平土良田同年古建吾公家焉梁

三酉園續集

卷十一

五

三酉園續集

卷十一

六

山舉進士自公始有司榜其廬曰黃甲開先余督學造焉時公守撫州與弟子談藝驪甚數年後余叅知入蜀公歸寧山居去城三十里招余飲焉崇山峻嶺茂林修竹應接不暇禾黍在田書聲隱隱四出蓋多古氏族云公把酒語余曰軒新而子至何以名之余聞學于古訓乃有獲若農服田力穡乃亦有秋公家世耕讀軒名有獲可也公謝曰忠則獲君孝則獲親勤慎則獲上積累則獲天獲之時義大矣哉子何以文之會余入南閩西吳不果文而公守徽州移書詢焉余聞忠孝勤慎所謂誠也天之道也然人感而天應人定而勝天故乾之象曰天行健君子以自強不息而獲罪于天仲尼不能禱也公剖符二郡督餉九邊去煩蠲苛長世字毗君父豫悅上下恬安得天之慶矣即撫州介臨汝多水災而公築千金陂以防之論者比顏真卿之在大曆戴叔倫之在正元李渤海之在咸通駸駸古人焉語曰活千人者後必昌公所活奚啻千

萬積而累之顯于而國昌于而家獲有道乎禹  
曰惠迪吉從逆凶惟影響益曰滿招損謙受益  
時乃天道卜諸往代有如左券公所稱天道備  
矣焉用文之公謝曰惟德動天明訓遠矣世居  
者丕揚之斯亦古氏之天球河圖也夫

### 玉華仙館記

將樂盖有玉華洞云其石光潤如玉石有族聚  
無能踰焉吳江顧平野先生當 肅皇帝朝以  
進士尹將樂徵拜比部郎終汝寧太守先生謂  
將樂半雜戎武不振噬我民有千戶長驚悍寘  
之法作興士類以化黔首民祠祀焉歸闢諸賞  
園日坐清音閣素琴室所携無長物以玉華石  
為玩子奉政公寶焉孫道行學使有文名奉  
璽書校八閩士過將樂將樂老稚見學使來如  
見先生謁先生祠奠焉文辭楚楚此中牟桐鄉  
所未有也復得一石足稱雙美改前室為玉華  
仙館以志不忘屬余記之余觀陸續仕吳為鬱  
林太守罷歸無裝取石為重方能越海人服其

廉嗣孫龜蒙得而珍之李德裕記平泉庄戒一  
草一木與人而張全義監軍與其孫延古爭醒  
酒石至殺其軀夫在陸膾炙人口在李為天下  
笑石顧以人重哉先生廉吏當與鬱林並重姑  
蘇道行顯而大之視文饒之後遠矣子孫寶之  
世德作求廉如太守孝如學使則玉華片石永  
有聞于顧氏哉

### 松石軒記

顧道行學使屬余記玉華仙館矣復言理括蒼  
得一石更奇修鱗勁節宛如松幹為仙人馬自  
然所化不啻先中順公所藏玉華爾也海內諸  
名家詠焉吾子有石癖異時過我賞焉夫大石  
林立有時而泐然其怪萬狀有祝石有燃石有  
流石唐會昌有松風石日林國有仙鏡石則仙  
為石石為松理也公家石似之乎古之文人好  
石者衆而惟米公為甚無論具袍笏呼石丈拜  
焉卽楊按察廉其弄石不治郡事尚三出袖中  
石令楊愛極就手攬得登車而去道行古詩宗

漢魏近體宗唐書畫宗元章茲軒其米家船乎  
卽有海嶽菴吾知道行愛松石過于研山石必  
不與易也道行聞余言大噱命書置軒中以爲  
道行攻玉之資云爾

天尺樓記

陳子家世江北建樓于世恩堂後大河當戶古  
城倚北登高而眺遠昔人言南山高去天尺城  
南韋杜去天尺五楊太史用修謂天尺可以名  
樓而名焉中藏屢朝誥勅先大夫著作扁爲

三酉園續集

卷十一

九

莫方伯子良書也夫洞庭之野雲夢之澤雄風  
之里白雪之臺一瞬而盡且祥雲甘雨曉日清  
霜景星素月時時指象吾適吾天與造物遊也  
元龍百尺弘景華陽意在斯乎意在斯乎因記  
之而周文學公暇書置于壁歐陽公乞蔡端明  
書畫舫齋而述其大意以質之子良公暇異代  
君謨哉又斯樓之幸也

麗農樓記

麗農山在海外蓋天之西岳云東曰廣乘南曰

長離中曰崑崙北曰廣野所稱白華之闕三素  
之城玉泉之宮卽蓬閬中特異焉右永宋公曉  
祥取以名樓豈以湖山之秀俱在西而六合之  
內六合之外有相通者耶茲亦奇矣一日謂不  
佞曰孤山一峰在西湖爲最勝而吾樓當之列  
樓之左則林和靖處士放鶴亭也帶樓之右則  
西泠橋秦望寶雲諸山也眺而東望非東坡學  
士所樹桃柳而號蘇堤者乎俄而北顧非葛稚  
圭煮丹砂故處而號僊嶺者乎兩山夾翠一水

三酉園續集

卷十一

十一

澄澈書則歌吹鼎沸夜則漁火星羅至不兩山  
常潤無雲水自陰唐人已道之而烟霞雪月變  
幻萬狀踰山之陽有六一泉爲外湖樓不能無  
攬也吾營菟裘而老于農况有膏壤可昏作勞  
嘉穎蓴蓴麗如也幸吾子記之以爲西湖重余  
聞離也者明也麗也日月麗乎天百穀草木麗  
乎土重明以麗乎正乃化成天下長離麗農之  
在西南有文明之象焉古人力農因時沃壤而  
三兩係之石函記中謂蓄洩及時溉田千頃而

無歲凶者湖也開西湖狀中謂引作六井活百萬生聚而五不可廢者湖也樂天子瞻未常一日忘乎農事禹稷躬稼伊尹耕莘周公明農大都如此右丞方建補天柱地之業不徒以西湖爲佳麗而麗于農果在虞夏殷周之際乎斯樓也又西湖之秀孤矣

玉壺亭記

海上蓋有三山云方丈曰方壺蓬萊曰蓬壺瀛洲曰瀛壺君子比德于玉則曰冰壺敬所王先  
生家近天台赤城爲園東郊中有池沼建亭于上各以玉壺畜白鶴文魚樹橘柚芙蓉青梧修竹景秀而野趣澹而深風月之夕倚亭而歌意脩然也不佞事先生淮上幸爲門下士遣使候先生山中報書曰平生故人能文章者孰逾吾子爲我記其亭不佞嘆曰昔人言巧冶不能銷木良工不能琢冰曲士難以語道夏虫難以語冰先生抱道守玄從游者如坐冰壺安期羨門之徒旦暮遇也不佞何得易爲言哉嘗聞先生

有言莊周壺觀天地而不知人者天地之心其心主宰一身光明瑩徹天下之至健也天下之至順也等諸乾坤聖人未嘗輕言之獨于易言寂然不動感而遂通天下之故古今論心盡寂感矣六十四卦其象人身者取諸艮咸而不言心于艮初言趾二言腓三言腰四言身五言輔而六但言敦艮於咸初言拇二言腓三言股五言背六言口而四但言爾思夫艮止也時止則止時行則行止其所而其道光明非心之體乎  
思通也天下何思何慮日月往來蛇龍蟄屈窮神知化不出乎此以明之非心之用乎如玉之必潔也如冰之必清也聖人洗心以退藏于密叅三才而兩之者也心不如冰玉則健順與天地異焉先生持論若此乃文章重斗山動樹振河海而心若冰玉故曰富有之謂大業日新之謂盛德生生之謂易義文周孔之旨也先生晚而好易克念作聖故名亭與敢述所聞質之異日茲亭三山竝永矣

二酉園續集卷十二

汧陽陳文燭王叔著

記

重修滕王閣記

滕王閣者唐高祖子元嬰建也永徽中都督洪都工書畫妙音律喜蝴蝶選芳渚游乘青雀舸極亭榭歌舞之盛以王而名閣繫封于地也咸亨中都督閻伯嶼宴客欲誇其壻能文而王勃至東自馬當七百餘里天風助之當筵揮毫至

二酉園續集

卷十二

落霞與孤鶩齊飛秋水共長天一色咸嘆曰此天才也其壻慚而退元和中中原王仲舒為從事修閣有記後為觀察適韓愈刺袁州復請記之言江南多游觀之美而滕王閣瑰偉絕特獨為第一自喜詞列三王之次三王者即仲舒與王緒並絳州而三也宋大觀中修之左丞范致虛有記元至元中修之學士虞集有記蓋閣在南昌郭門外大江西山環抱之東匯澤為彭蠡北起為匡廬美哉江山之固乎而子安昌黎之

文吐符靈暉又屹乎如高山浩乎如長江者哉

我朝洪武中高皇帝起淮甸統一華夏破

偽漢兵數十萬於鄱湖曾于斯閣傳警駐蹕放

陳友諒鹿于西山祭酒胡儼為之賦天下大定

偃武修文與舞干羽于兩階歸馬于華山之陽

放牛于桃林之野何異乎列聖相承湛恩汪濊

今皇帝御極十有五年德侔往初澤被群生

不冒海隅出日罔不率俾江省歲侵嘉詔屢錫

中丞餘姚陳公侍御益都朱公祇承德意加意

二酉園續集

卷十二

黔黎有司鯁鯁奉法循理况風土儉而野士習

純而正閭巷熙熙若登春臺真千載一時云丁

亥之秋閣方理新九月九日不佞同右使宋公

觀察使戴公學憲沈公兵巡丁公携酒落成融

融洩洩因感昔人之宴俱屬三秋之候翼日太

守范君冰率南昌何令選新建余今夢鯉請余

文記焉不佞謂三王之詞業亡其二然蘭亭已

矣而王逸少之記在焉梓澤丘墟而石季倫之

記在焉史稱滕王從禽為娛罔尊憲典高宗為

書戒之俾省方觀民其言足訓也使非二三公  
之文安知閣之名不湮沒草莽耶且由唐而宋  
世運休隆道德有若鹿洞驚湖文章有若廬陵  
南豐忠烈有若疊山文山明興諸君子皆是  
以紹之令聞洪伐甲于寰區者增江山之重今  
閣屋小修而棟折者雲構榱崩者星羅可望氛  
祥而容宴豆庶幾太平之象焉恨不令三王韓  
子見而述之彼所稱人傑地靈而民自得于湖  
山千里之外者不知視今日若何也夫天下有  
道鳳凰麒麟皆在郊藪登覽者樂可知也天下  
無道戎馬生于郊登覽者何適而可故值胡元  
之世閣幾望矣遭宸濠之變閣幾危解矣諸  
曰制治千未亂保邦于未危其言廩廩亦願修  
者先于未壞云耳滕王閣與江湖廊廟等字乃  
仲山王公問小江吳公文華書皆名筆云舊有  
顏曰江西第一樓不佞補存之而獨愧其言之  
不文也

重修夕佳樓記

二酉園續集

卷十二

三

夕佳樓與滕王閣並峙在章江門北云扁爲嘉  
靖間撫臺何公遷書樓日荒圯萬曆丁亥南昌  
守范君涑檄南昌何令選新建佺令夢鯉修之  
守道龔公嘉嘆此良有司之事也三月望日召  
余同右伯宋公登焉古人修禊事宴桃李下乎  
春暮况登樓乎乃巡城而西並輿至樓下解帶  
憑欄西山當面岡巒如洗章江之水繞城隅而  
迴日將蒙谷碧波蕩漾極浦幽岫閃閃作五色  
光已而下樓過北城登德勝門白沙長里許高  
數十丈如沙城青林翠竹一望無際郭內萬家  
比屋連甍最高者紫薇樓也兩公言江自南贛  
西繞鳳凰洲北逾楊子洲望匡廬而注于湖河  
自撫建過廣潤門南會于江諸水合流融結而  
城茲土信美矣余謂陳仲舉之高風韋丹之遺  
愛王子安之弘詞張雷之博物王伯安之勲樹  
孫許之忠烈皆與江山不朽登覽者以人異乎  
已而還樓日西匿矣烟雲倏起蒼茫莫辨西風  
飛帆過者千計影落酒鎗已而薄暮遠火漁燈

二酉園續集

卷十二

四

乍明乍滅樓鳥投林嚶嚶和鳴少焉月出太宇  
如鏡絕無纖塵宋公言西湖月夕惟處士放鶴  
亭佳龔公言桐江月夕惟子陵釣臺佳余謂鄱  
湖月夕惟石鍾山佳 高皇帝文謨武烈在焉  
舄奕千古遠邁漢宋中天大明登覽者以代異  
乎已而月漸近人去燈移席就月飲烏蛛網掛  
簷沉鱗躍水風響濤聲遠樹如落村墟夜春與  
疎鍾相間賓主渾忘茲夕誠佳矣兩公言中原  
多故水旱頻仍如登覽何余謂天心仁愛

三酉園續集

卷十二

五

明主宵旰吾儕果杞人憂乎歸而漏下三鼓越  
三日有司以旱禱雨兩三日豐汪操筆記之或  
可釋登樓之感也

重修紫薇樓記

紫薇省者卽占中書省也改自唐開元而武德  
間置行臺尚書省于諸道馬端臨以爲虞廷出  
入帝命周官掌王八柄内外之職同也明興始  
因元制置江西行中書省設左右丞尋改爲布  
政使司國初建樓稱紫薇蓋取中書省之意也

三酉園續集

卷十二

六

嘉靖間吾鄉大司徒傅公願爲左使修之萬曆  
以來傾圯日甚右使仁和宋公議修而不佞至  
少叅義烏龔公力贊焉兩臺允帑金百餘閱月  
而工成美輪美奐督之者理問殷哲也南昌名  
都其勝在西山長江而樓倚西郭銜山吞江浩  
蕩無際東如文筆塔北如彭真觀一瞬而盡南  
有覽秀辨章二樓若左右翼晴登之則朱光靈  
景在樓矣雨登之則風帆烟艇在樓矣月登之  
則金波玉鈎在樓矣雪登之則瓊樹瑤階在樓  
矣大都景以西勝云夫春宜日夏宜雨秋宜月  
冬宜雪非獨樓景勝也乃天運焉王者承天而  
布之民故曰王省惟歲卿士惟月師尹惟日春  
省耕而補不足秋省斂而助不給夏暑雨小民  
惟曰怨咨冬祈寒小民惟曰怨咨先生之政詳  
在月令皆天也主上端居九五卽登樓北望邈  
若萬里歲屢大侵詔下賑貸其仁如天卿士師  
尹無能宣布萬一登斯樓也四時可觀省矣昔  
王元之記竹樓陋齊雲落星之高華耻并幹麗



譙之歌舞言幾于達乃謂鼓琴詠詩圍棋投壺  
皆樓之助王子賢乎哉夫我則不暇或亦所處  
異也至云後之人嗣而葺之寧無王子之願乎  
兩公聞余言而嘆曰吾子身江湖而心魏關又  
何問中書省與行省耶異日兩公携酒樓上命  
侍吏書余言錢于石

尊美堂記

官衙有堂顏曰尊美前左布政使周公之屏書  
也陳子讀易于堂上至乾始以美利利天下不

二酉園續集

卷十二

七

言所利大矣哉而元者善之長也君子體仁以  
長人其旨深矣古者寬則得衆信則民任焉敏  
則有功公則悅虞夏殷周之盛如此孔子志三  
代之英而稱五美以繼之行帝道而帝行王道  
而王洙泗之間斷斷如也它日告子張亦曰恭  
寬信敏惠能行五者于天下爲仁矣今有語曰  
而無欲而惠人乎必自以爲美而一念之仁孰  
得而不美之又曰而貪而民怨乎必自以爲不  
美而一念不仁孰得而美之故曰仁遠乎哉我

欲仁斯仁至矣爲仁由已而由人乎哉孟子曰  
五穀者種之美者也苟爲不熟不如稊稗夫仁  
亦在乎熟之而已故出門如見大賓使民如承  
大祭尊美者也明而動朝而考職此堂得而尊  
之戒慎乎其所不覩恐懼乎其所不聞尊美者  
也晦而休夜而計過此堂得而尊之故里有仁  
焉俗之美也天下歸仁美之至也利在天下而  
後謂之乾天下以爲美而後謂之仁孔門之論  
大都周易之旨焉書作堂記堂後有寢室曰仁  
云

二酉園續集

卷十二

八



二酉園續集卷之十三

沔陽陳文燭玉叔著

記

遊武夷山記

武夷山蓋十六洞天稱昇真玄化者也當閩北境周回百餘里自大嶺南支奔騰崇安而止去縣三十里世言建寧爲丹山碧水非以是耶萬曆甲申余履按察使任海內同志屬余書武夷之勝俾游者常目未游者神往乎余聞而壯焉

二酉園續集

卷十三

八月朔日入崇安縣令梁君鵬迎焉因談武夷或言堯封錢鏐于彭城二子曰武曰夷並隱山谷而名之與或言武夷君神降統錄地仙受館而名之與朱子言前代道阻川壅避世者爲衆所服傳以爲仙而名之與此何可定焉顧茲山參錯變幻與秦岱並而得考亭鎮之西南鄒魯矣山靈以人重哉縣令唯唯退是日午刻至建溪山麓道士曰此萬年宮也宮前古榕數樹千年物其勢參天榜曰天下名山第一漢時已設

壇墠唐始爲屋僞閩增飾殿宇南唐賜名會仙

宋太宗御書冲佑爲觀額天曆間改爲官而

昭代因之有漢祀亭拜章臺三清殿寶雲亭玉皇閣下祀十三仙余少憇焉就官舍而炊殘暑尚殷涼風忽至箕踞胡床不知日之下春也起謁學使宗公臣右丞徐公中行祠兩公皆先大夫同年厚友徐公又余文翰交低徊留之不能去走觀復堂讀中丞耿公定向記引老氏言萬物并作吾以觀其復而孔子曰復其見天地之

二酉園續集

卷十三

二

心乎觀我生觀民也我生得而天地之心得萬物之化達矣富哉言乎深于易者也余宿其中吊宗徐兩公秉燭而詩成夜雨如注晨起百泉亂飛樹杪俄而晴霽放舟徜徉于三十六峰道士歷歷指示焉矗立天表高五千餘仞者大王峰也中有天鑑池投龍洞禮斗壇左有仙鶴徐仙巖昇真洞右有望鶴臺鐵板嶂頂有蔽牛之木縛梯百丈可上而御史李公元陽登而記焉記言張仙巖有像如生非土非肉非木得道之

士真氣不散蛻殼而形固恨不振衣拜焉峰下而高稍亞者幔亭峰也秦始皇時玉帝與大姥爲武夷君設綵屋雲裾霞褥宴鄉人處也呼爲曾孫而與者俱上壽止止庵在前而獅子峰堦登峰與庵相對其水光三姑道者仙羊虎鼻鯉魚儒巾諸石以形峙焉換骨巖石室可容百人其泉清冽不竭而排峰觀音巖東西列焉宋丞相李公綱訪三李仙于庵問所建吏隱亭無有也讀白玉蟾記引周易艮卦無山之義發明其

孟如水樂清響可聞若仙樂云由三曲而四曲大藏峰在雞窠巖頂最奇巖有宴仙李仙因仙蛻而名也雲巖石室亦可容百人仙釣臺號真武洞龍潭號金雞洞大都神物聚處云武夷精舍在五曲隱屏峰下拜晦翁遺像讀紀實十二詩晦明昏旦之異候風烟草木之殊態人物之往來猿鳥之吟嘯真恍惚萬變而不可窮者宋陳卅樞舊有雲窩中丞陳公省新而記焉陳公曾巡楚撫楚有聲余守淮舉主也雲從龍也龍興而致雲猶挾用世之資窩不能有雲人安能有窩天地逆旅萬物芻狗安知雲耶賓與主耶大哉言乎紫陽瓊瑄之宗也余宿其中懷中丞夜半而詩就風月俱化溪山相忘寤寐亦清不知東方之既白也西有接筍峰高三十層兩傍鐵鎖懸屬按慎公蒙記而登焉非以狀如立筍旣斷而續乎石臺三四畝石欄植蘭以萬計石池白蓮四時皆花憲使姚體信就清隱巖故址開清微真館望晚對天柱峰城高仙跡響聲鏗

象巖茶洞必義羅漢諸洞如畫訪玉華宮麗陽道人業下山去乘興而往不知身之涉險也復循故道出北有天游峰在六曲觀名因之千仞挿天爲仙掌峰登一覽臺多古今文人題詠取楊公應詔記而讀之鸞鶴四鳴真鐵笛聲乎仰而舉首若三峰響而正立若蒼屏峰棋盤石在碧霄洞桃爲瓊瑤所手植近日李公度就杜葛巖結茅居之名曰杜轄玉柱天心火焰紫嶺諸峰一一在目間滔石堂如宋天聖石寺徒名存耳余卧天游觀甚適不知在人寰也轉而七曲石如上水龜馬廊巖頂峰崗巒環合丹井極其是天壺峰也轉而八曲石如下水龜馬如禪笠如猫伏如人面如網縈在猿藏巖如儒釋道三教又三層其晦明可占雨暘山蛻數函仙舫一隻在靈峰歲久不朽石聲如鼓是鼓子峰也下有鼓子庵旣抵桃源洞憇庵石室御史趙公孔昭改爲並蓮庵時將夜矣問九曲之山視溪稍遠高出雲漢聖燈隱見者及齊雲峰也至齊雲

庵聖者庵大小廩石馬月巖毛竹洞百花巖莫可探焉已從舟而下宿萬年宮計遊四日漏下二鼓矣進士楚石林君材者閩縣人也以年家子謁余談前游極驩約游水簾洞次日與林君呼酒理棹復游九曲倏然而往倏然而來道士更指其山其峰雲霧莽莽莫辨矣而水簾亦罷遊余曰留不盡者還山靈耳山水在天地若日月然洞庭君山大江金焦亦甚矣有水如九曲依三十六峰如武夷者乎道士出魏子騫仙骨宋理宗玉簡焚香玩之非人間物有護持者令匣而藏焉林君請余文記之因述如左林君曰詳哉先生言也余曰山川何名人強名之耳故曰無名天地之始異時懷宗少文卧遊之圖欲令衆山響于室乎尚恨語焉不詳耳世有顧長康獨置我丘壑中雖不文可也遂揖林君大咲而別并告海內同志神游茲山者

遊巖山記

萬曆甲申秋余登福州城樓東望大海蓋有鼓

山云昔人有言八閩山海郡盤山者勢局而不能廓以舒頰海者氣蕩而不能隄以周不蕩不局州處其中而環州惟鼓山爲高能興雲雨蓋一州之鎮也宋人趙汝愚有江月不隨流水去天風直送海濤來之句朱紫陽先生摘天風海濤四字書于山之絕頂其槩聞天下久矣乙酉秋余與左使陶景熙約游不果明年丙戌與叅知王敬美約而憲副錢恭卿徐克賢僉憲劉質之俱翩翩有游興聞司廬金陳三將軍願置酒

三酉園續集

卷十三

七

以請乃春正月十七日也是日昧爽余尚高枕敬美叩門促余以起起而並輿出城東門問諸公先往矣時敲霧逢濤雲蒸昏昧杳杳深沉對面莫辨人鬚眉行二十里聞雞犬聲始知爲山家又十餘里始一僧迎于山門外唐時有龍現于靈源洞因鎮以寺至今寺名湧泉跨以石梁號曰龍橋橋下之水碧綠如玉及坐方丈花木菁蔥諸公出佛堂飯焉各以軟輿登山徑多石磴以索引之魚貫而上行二里舊有玄通亭今

廢矣厪存遺趾諸公稍稍憇焉俯視梵宇已爲白雲覆之傍立巨石有宋元人題字泉自山竅出者湛湛有聲有巨石端冕而立上書高山仰止四字或前人筆也稍折而南入石門頗隘徐公向余曰泛海岡連霧攀蘿步入雲余曰此佳句也幸足之又三里過蹴鰲橋橋傍石壁峭削多篆刻文字苔蘚班駁不可讀下有壽字高二丈許走靈源洞四面俱石壁中裂一澗深二丈許其端若有洞故以洞名洞前有菴奉佛湫不能飲諸公就橋上酌焉酒數行驩悰無厭見石壁勒宋嘉佑間知福州燕度明嘉靖間潘臬使屠僑張時徹俱携僚以游動業如屠文章如張皆尚書中之表表者諸公嘉嘆良久稍北爲喝水巖巖傍有龕相傳水舊穿石壁五代時有異僧入定龕中厭其嘈聒喝令右轉或地脉遷移偶神其說耳遶厓而東有泉從龍口出爲湧泉實卽喝水右轉者也清駛可愛諸公掬水濯焉余促之行從隘口復循上大道舊有乘雲亭

三酉園續集

卷十三

八

今廢矣遺趾尚存諸公又稍憇焉有茅屋數處  
蓋山僧居卽半院故處以半山得名爲野火所  
焚其地尚宏麗三將軍傾榼諸公就山間酌焉  
行里許爲小頂峰又里許爲大頂峰余與敬美  
先上諸公次第而來觀朱先生所書天風海濤  
遒勁可愛勒于卧石上若神物護持者白日朗  
潔天風颯然而至諸公指顧見合而流者江耶  
流而浩蕩者海耶西雉而郭者乃越王無諸都  
東冶者耶其紅霧濛濛隱翳數十里又海中赤  
沙積水上溢而爲霧也諸公以爲奇遶周覽良  
久已還半山諸公再酌而行至寺三將軍有宴  
諸公大醉時白雲紅日閃閃作金紫光入城元  
宵燈火照乘數里次日諸公談昨游其適三將  
軍言秋天氣清可望小琉球訂重游之約諸公  
無應之者秋九月十五日余以防汛返自興化  
至城外二十里望鼓山而問曰去此路俱平田  
往易易耳遂命肩輿東指時踈雨亂落道傍水  
葉流泉淙淙有聲及至寺而山僧急迎不知余

之至也山僧取水烹茗以進余就禪室稍息起  
而閑行問華嚴臺妙峰閣一多菴痴坐軒無盡  
門徒名存耳在草莽間已而雨霽山僧隨行再  
過靈源洞徘徊諸公飛觴處水聲山色一一如  
舊而黃花碧葉有增其奇者仰視太宇遼亮四  
圍蒼翠恒有落勢所謂風泉傳響於青林之下  
巖猿流聲於白雲之上者耶洞中有無量壽佛  
乃八分書亦前人筆也覽畢過石門棧磴數十  
級再過半山寺趾問松關超凡閣全閣第一峰  
圯表徒名存耳在煨燼間日午飯罷陟山頂向  
來有難色者其諸峰羅列如屋覆如偃蓋如走  
丸如累基莫可名狀山僧又言水自劔邵來者  
西至旆山而止自汀泉來者南至方山而止自  
建來者至是山而止若建劔汀邵之溪至于洪  
塘播爲二江南過石頭至于新步又播爲西峽  
合于長隄過石馬入于海東望長樂福清北望  
羅源連江之境一一在目已而振衣更上岑巔  
之巔徘徊諸公觀濤處見東南島中隱隱如岡

阜如城郭閃閃作烟雲狀山僧指曰此小琉球也春夏冬不見風雨霧不見今秋且晴乃見耶隔十餘里忽有如黑豆數點者山僧又言此海舶也往年有避倭山頂者見船在濤中如飛鵲來已而寇至今所見豈小琉球運米于大琉球國耶俱不可曉傍有蜃氣如樓臺殿閣余嘆曰決決乎大觀哉問浴鳳池厓有石穴在朱子字傍惟天兩始有水耳時日將西呼輿夫急行甫至湧泉寺山僧鳴暮鍾矣豈惟景與春異卽朝

二酉園續集

卷十三

十一

暮迥別哉余就山堂卧馬時明月當空山影樹聲墮几席間夫余癖在泉石而茲山重游足洗塵土之腸因憶諸公皆一時之雋也乃克賢入賀質之入楚敬美遷奉常恭卿暫歸湖州余獨留滯結再來之緣豈不幸哉十六日早行至辰刻入會城因紀之以遺山僧兼寄舊游諸君子

游石竹山記

余聞福清有石竹山謂多怪石嶽立修竹檀藥而余以發汎海上至興化路必經之自謂登茲

山則元章愛石子猷觀竹之興一舉趾而慰之乎九月初四日發會城初五日辰刻至宏路驛飯罷福清尹羅君萬程相謁余問石竹山何在而羅尹爲言去驛十里許是也余乘輿而往甫至山麓五六里秋氣澄鮮道路不遙僕夫欣然多行色乃循無患溪歷數崕嶠而至山下觀之絕峰無數十仞竹亦無高丈許者茲山或浪得名耳山形陡峭不可以輿乃輿夫易小堦以行命兩童子以手扶之而上左右推挽都不成步

二酉園續集

卷十三

十一

步數十許卽息踵始得再步多荆榛披面藤蔓繭足昔人言登山有道徐行則不困措穩則不跌其旨遠矣仰視蒙茸忽旁標一石曰別一洞天皆南轉而北可住足者天尚暑余解衣息焉時天風忽來林谷傳響又異鳥群鳴作絲竹聲稍上數百步有積石吐出如人立樹多側生此僊人坪也群峰拱衛如列爪牙望之不可攀援由坪而右曰觀音巖巖石上覆徑路甚狹石下支以檟棟中奉大士像兜輿前度厓厓容足暑



尚盛余倚欄息焉乃懸巖甚奇白雲卷舒英英  
盪吾骨剗削點綴疑有神工鬼斧不可名狀者  
由巖而左多今遊人詩字刻于石壁觀之已無  
宋元筆矣中有窩曰化龍有石曰鶴影蓋疑窩  
盤處若龍遊石紋見之如鶴立耳最上一石有  
人題曰蓬壺此一奇也由蓬石而上曰紫雲洞  
洞廣不盈丈深倍之上壓以巨石其傍石之或  
列或跪或立或仆竅穴透邃堆阜突怒森然周  
于四隅余稍饑以所携壺榼酌焉由洞而入石  
門頗隘鞠躬而進稍得平壤曰九仙閣余焚香  
以拜山僧請余祈夢余曰只于九鯉湖上一禱  
耳余布席稍卧閣上聞從者嘖嘖呼玄猿掛樹  
杪余振衣視之巨者二三小者五六超遙于萬  
木之間啼甚楚楚因憶往年過巫山十二峰猿  
抱樹而號今其聲似之矣閣前見無患溪之水  
從西北來合鹿角盧交諸流淙淙有聲一小山  
突起群峰中而古樹環之山僧曰此仙鯉山也  
山形類魚若乘濤嚇鯉臨流掉尾者豈舊傳九

仙飛赤鯉也故造化假以神其說與此一奇也  
由仙閣而左曰觀音閣山僧所奉大士羅漢諸  
神更折而左爲僧居及香積俯視其前見龍江  
當其面如奉盤匱乃無患鹿角注於龍盧注于  
龍交注于龍浩渺無際由香積而下有岩上一  
圓竇曰出米石其實僅容粒米朝夕不竭可飯  
一僧後爲貪者廣其實僣怒而止遂不得米乃  
知太行石孔中出青泥如粳米嵩高石穴中飲  
石髓如玉漿理固爾耶又一奇也過此而登石  
壁中可列坐上有磨崖詩字亦今遊人筆過石  
壁而數級有大石爲九仙醉處曰醉石過此而  
數級突然崖上爲九仙遊處曰摘星石其傍以  
二石梁度之號稱奇絕中有石室乃九仙煉丹  
處曰丹竈日正西余藉草息焉其上有狀元峰  
余奮臂而上探僊棋僊履諸勝皆蜿蜒榛莽中  
西望靈石山磅礴百餘里其香氣吹石罅中若  
來襲人衣者增茲山之奇至絕頂而返返而至  
醉石則息至觀音閣則息至仙鯉山則息已而

九仙閣再卧移刻及出紫雲洞而夕陽下山矣  
山僧言山左有灑耳泉甚甘可酌而飲也以所  
携武夷茶烹之及至山下探虎跡崖仙桃石仙  
井諸勝歷歷可見至宏路驛而月出東林矣羅  
君迂曰茲山卷石耳何足當公一瞬乎余曰山  
不其高而石多奇無大竹而笋足以濟貧魚鳥  
顯其飛躍依鶴呈其形影靈境者與目謀清音  
者與耳謀悠而靜深者與神謀矣且山有丹竈  
世言丹砂可化為黃金長生不死之藥可得安  
期羨門之屬可致蓬萊方丈瀛洲在勃海中可  
到則所謂九仙者不虛矣余將泛鯉湖過海上  
或旦暮遇之也茲遊其託始哉羅君幸茲山之  
遭余也請余記之而筆其大都若此

游九鯉湖記

萬曆甲申秋余以觀察使入閩汪司馬伯玉寓  
書曰莆有山人黃天全非副墨中所稱黃金之  
者乎公如修九鯉湖志幸屬焉乙酉秋王督學  
敬美轉分守福興以志屬山人而示余記九鯉

湖之遊余為鯉湖記游序私心神徃久矣丙戌  
秋敬美入賀轉奉常余以行省右使攝分守事  
海上發汎奉中丞公命至平海觀焉九月九日  
也登高望海真奇邁云後一日至興化莆人合  
浦令陳君所有字彥充全椒令余君翔字宗漢  
兩君皆文翰之士與余莫逆十有一日載酒過  
鯉湖待焉是早余單車以行就輿中取鯉湖志  
讀焉按九鯉者九仙鍊丹湖上乘鯉飛去而名  
之者也世言漢元狩時臨汝何氏者居江淮與  
淮南王安游其子九人知安之必亡也而隱湖  
上父不能從安敗始南求其子九人遺銅坏鐵  
鞭死于巖山之下今仙遊有廟血食云唐宋以  
來湖上祠禱兩輒應紹興間賜山水靈惠廟額  
乾道間封仙翁為嘉應侯而國朝來士大夫  
之祈夢者尤應其傳夢有神范侯或云何氏壻  
或云故尚書以貲雄於鄉左右九仙私啖其丹  
面遂翬黑幾死九仙解以白鷄血至今禱者用  
白鷄有遠書姓名託道士而祝者亦應此九仙



神之大槩也。自余出城西門，壺公九華在襟帶間，行八十里，始至鯉湖，橋望焉。彦充宗漢謁余而指曰：「萬仞壁立者，非高陽山乎？」轉而何嶺，轉而九仙山，轉而麥斜山，轉而蓮花峰，轉而虎頭山，轉而石所山，岡巒參差，巖崿嶮嶮，莫可名狀。又言何嶺有仙篆，有宋陳謨大書，唐昭宗書龍紀院額，在羅漢巖。元世祖書萬安禪贊，在樵谷山。書鐵衣壯士在虎頭石，歷歷如畫。余笑曰：「安在哉？褰裳飛渡可耳。」兩君導余爲湖上行，有羽

士一人來迎，度橋而登嶺，見水若奔。羽士曰：「九淙之水，自永福萬山中流至橋下，流淙淙一瀉千里而之海也。所稱淙者，非指水崖之際而名之與？」余止迎仙館，兩君入揖，坐定，出尊酒與談。彦充曰：「十年前與天台道人游此，觀瀑探珠，見日午長虹橫澗，五彩奪目，蓋水花噴飛日射而成虹道。人以爲奇，先生當邁之。」宗漢曰：「二十年前獨往遊此，曾賦九淙詩，有一近體，中云：『寒潭倒影三珠樹，列障高懸五岳圖。』其兆先生之

來乎？願先生賦之。」余携兩君出館，稍東當入館路，有蓬萊石，高丈許，廣二丈許，鄭尚書顏爲第一。蓬萊問湖光亭，無有也。有樓名鍾鼓樓，下有石數丈，江督學以達鑄詩于上，彭憲使顏爲觀瀾樓。三人携手樓上，見峽口石而詢之，水流如注，遇石則鳴，其聲如雷。故曰雷轟，此第一淙也。兩旁多巨石，有巨人足跡，長三尺許，石竅大小不啻百餘，如車輪如斗如盆如盃，縋千尺之縵，莫得其深。若通溟渤傳爲丹龜水，瀾瀾其間，日

夕長流望淙之東，有黃雞灘，亂石錚淙灘之東有石床，長二丈許，廣一丈許，酒尊石圓六七丈許，高一丈許，復有小石覆之，如蓋。余笑曰：「安在哉？」枕石醉卧可耳。兩君導余爲祠下行，余更衣就靈顯祠謁九仙范侯，禱焉，默有所祈，拜畢坐水晶宮，時日將落矣。石湖如鏡，寥廓恍惚，少焉月出，天籟盡鳴，清影素波，蕩漾萬態。兩君呼酒樂甚，誦唐人青山長自在，流水不知還之句。余謂流水人間去，孤雲湖上還，此何減唐人耶？兩

君擊節賞之乃余友陳學士公望作也世何得  
言古今人不相及耶山漏二鼓余別兩君就仙  
館宿焉月華如洗濤聲如雷枕上情興頗佳睡  
甚熟夢故人相訪無奇異者次日天昧爽兩君  
叩謁談前夢歡甚彥充出袖中漁樵問答之章  
宗漢言三鼓後自携酒醉蓬萊石傍今尚未醒  
合浦年七十五佳言如屑余壻龍君善言全椒  
習中壘塊故須酒澆之與復大醉而起余至祠  
前焚香以謝兩君導余爲洞中行西有石壁立  
絕頂宋人陳讜書天子萬年四字至今號萬年  
石去此二十步有數石高丈許爲古梅洞洞下  
有仙泉自石竅中出繚繞清冽消渴愈病復有  
顏爲化龍洞者問古梅無有也九仙閣有老梅  
數株三人携手閣上且酌且詠復過水晶宮飯  
焉青山街口湖水蕩光不減月華可愛羽士令  
人叩巨石有聲如鼓且高廣丈許一人撼之輒  
動有玄珠石湖水溢則與俱浮蓋仙蹟云余低  
徊留之不能去兩君導余爲淙中行有龍擦石

二酉園續集

卷十三

九

者在湖之西土人呼爲龍鼻石以如龍鼻障急  
流也湖水導石而下望如匹練下有深潭此第  
二淙也旁一石高丈許有顏爲觀瀑者三人携  
手石上且酌且咏見石紋縱橫如龍鱗日晃之  
燁燁射目大叫以爲奇循是而下路傾欹不能  
行以兩人掖之而行至五百步爲珍珠簾此第  
三淙也夾流之石勢旣噴吼水噴流從上泉垂  
數十行如縷如綴或五色如虹王敬美大書九  
淙中最奇處勒于峭壁間循是而下水自盤龍  
山來與淙合視珠簾稍狹泉垂兩行瑩然如玉  
筋此第四淙也險不容足必攀藤而上復繼而  
下數里始窮其勝羽士以爲不可往兩君導余  
爲龕上行龕石在珠簾右可坐四五人而高丈  
許三人賈勇而登坐龕上縣令携壺榼以隨飛  
鳳盤龍正當其前銀濤湔決從樹杪下不惟露  
濡巾舄令人有寒色且亂落酒卮三人飲之如  
食玉露焉余題數字于西壁彥充善晉人書起  
而代書縣令携石工以隨因而深刻余四顧見

二酉園續集

卷十三

十

其上灌木萬章其下鐵色萬仞多白雲覆之余  
嘆曰山以龍鳳相峙寧無琪樹瑤草仙符異書  
可往而規之乎兩君言自是而去山多奇石有  
第五稱石門湫者湖自水晶宮來不知幾千丈  
二石亭亭玉立巒岈澗中若以爲門有第六稱  
五星湫者湫中萬石嵯峨不可名狀五巨石屹  
然錯落如星在飛鳳山之後者前有一石名觀  
音龕者此第七湫也龕外石竅如天窓可坐十  
餘人奉觀音大士有棋盤石廣數尺許此第八  
湫也懸岩一石類樵子風雨中若聞棋聲或爛  
柯者流由是而九湫將軍石立焉石之現壯若  
武夫當關去湖二三十里亂石擁塞禽跡鳥聲  
莫得而見聞也其水爲苔溪爲壽水入于海余  
嘆曰安在哉濡足長往可耳兩君無以應舉酒  
勸余浮以太白導余返焉時日又崦嵫矣雲水  
之間如烟如霧如雪如絮湖光澄定凝然不動  
若與去時異余揖兩君酌于迎仙之館余憶慎  
山泉侍御鯉湖記謂鄉人禱兩湖光臺基杙隱

隱有聲兩三日者卽爲雨微遊止四湫漢唐宋  
來游九湫者止三人莫得其姓名蓋地仙也志  
九鯉者柰何并其說而遺之兩君謂余曰食霞  
茹芝者往往有之奚啻三人耶先生真有水山  
癖矣余束髮卽有浪遊寰宇名山大川之志今  
足跡將半閩中武夷以山勝而九曲潏繞鯉湖  
以水勝而諸山環抱且流遠而駛谷浚而奇樹  
深而秀泉古而甘所謂神仙窟宅乎而彥充宗  
漢把臂入林酬觴賦詩極文酒之驩若以夜夢  
無奇乃遨遊快心所得非渺夫非夢耶夫非夢  
之奇異者耶兩君請余述其槩而黃山人迎于  
壺山詢遊狀自恨不同兩君從遊也退而述之  
無叩山靈云耳

遊黃蓬山記

壬午秋九月六日余久禪先公制門人王子之  
翼約游黃蓬黎明出南紀門鄉人段子艤舟柳  
口行半日宿達路村問黃蓬在百里外段子談  
取魚事芳餌則鯛可得也忘筌則鮒難得也天

下事多自取焉張燈縱飲四顧不能寐遠山漁火明滅林外深巷寒犬吠聲如豹段子曰令先公生平思游黃蓬而公終之耶出先公扇頭詩誦焉愴然者久之明日過黃蓬湖天忽微雨和風漸起烟霏霧結人語不聞濤聲遙響真若萬馬騰空而下也少焉忽霽綠楊碧樹隱隱有芳菲之色鷗鷺出沒水上若與人狎而不去也是夕宿曾氏竹籬茅屋在沙渚間波光月明水天一色艇子善歌者聲滿几席昔人聞樵語牧唱

二酉園續集

卷十三

圭

真洗盡腸胃塵土耶越明日乃重九節也起望黃蓬宛在咫尺舟行不能至午刻至山下鄉人手茱萸黃花迎馬余友劉子完李子孟時先遲于靈福觀坐久請曰今非牛山戲馬臺之會乎幸公賦之余唯唯日西至石林庄蓋山純土獨此有石云余與三子賈勇登山發汗沾衣到松林下其涼如洗聲奏笙簧寒氣逼人蓬山之孤秀也余未至而遠有樹者望鄉峰也峰如山之首云上有三仙廟俟異時謁而碑焉庄頭進庖

酒縱飲談多世外語漏下三鼓一寤而覺次日同三子登石靈山頂大江東下白練千里南則嘉魚諸山如錦屏前列左金紫為山庄之青龍右赤壁為山庄之白虎而長江委曲繞之若待乎幽人貞吉耳座右曰赤鵠山庄左曰青山湖其中小圓山亦勝地也庄後過石靈廟至掘斷山山有陳友諒祖墳高皇帝斷其地脉者也廟後過圓山至岳山至小龍尾有丞相塚不知何許人也劉子曰蔡家山有樹千年物烏林磯

二酉園續集

卷十三

圭

竝馬先檢討墓在松林山余拜謁馬王子曰石子圻有劉氏塋金窩山有王氏塋蓬湖雙洲當其前先大父墓在大金山將軍墓在大圓山余瞻望者久之大都人傑地靈語不虛矣三子同余至崇鳴寺飲馬寺前有澥吞湖水而溢復遶寺後流聚龍潭入于江澥如山之腹云寺西有倉臺五顯廟廟西有祈雨臺吳文塘蓋山中人尸祝唐張巡禱旱即應者由臺而登古城城為曾肅築望梳洗臺蒼蒲蒲澥如畫所謂寒城一以

朧平楚正蒼然者耶城如山之背云由城而東則劉氏世科坊在黃蓬街外祖任先生故居在焉獨子孫散處莫辨丘墓耳俟異時訪而志焉三子別余獨宿山庄次日舟中請余賦赤壁謂蘇子黃州蓋借言耳余謂宗測性同鱗羽愛止山壑嘗登東岱嘆昔之英雄高牙大纛馳騁乎名都壯邑田夫巷婦嘖嘖以爲神仙而百年以來惟見斷碑殘壘狐狸窟而烏鳶號其上蓋借之造物者還冥漠中如戰場之在茲山是也彼寧知名山大川亦借耳終歸于無有哉赤壁雖不賦可也寺觀余有碑不詳記中

二酉園續集

卷十三

五

二酉園續集卷十四

碑

建碧霞元君祠碑

沔陽陳文燭

沔陽江北古城建碧霞元君祠祠成而里中班白與經營祠事者屬余書麗牲之石以傳永久往登泰山絕頂嘗謁碧霞元君其祠舊名昭真觀宋真宗所建而秦漢封禪時無有也明興拓而大之靈應顯天下捐金珠玉馬殺者歲無虛日余詢其神有言東嶽配者有言東嶽女者何相傳訛也馬端臨考稱玉女石像在玉女池側而宋易之以玉龔石爲龕李諤瑤池記稱黃帝建泰嶽觀遣女脩仙羽衣黃冠玉女者脩而仙者也王敬美東遊記稱道書言元君者卽華山玉女金支翠旗惟岱華可延駐耳至其詩如劉禹錫所稱父事元君任紫微李太白所稱玉女四五人飄飄下九垓是也國初學士劉定之尹龍徐浦尚書崔文奎咸記元君祠其說大都同

不佞云不佞往游江淮三感元君異夢思擇地  
以祀而白沙湧玉之間又郡中勝槩自昔解佩  
江湄弄珠漢臯果餘僊氣耶乃請于按察梁公  
郡守史公咸力贊之各捐數十金小子捐金百  
兩薦紳韋布慕義助工計得若干凡厥姓名悉  
具碑陰大門三楹前廳正堂各如其數鍾鼓樓  
各一左右翼室各三肇于癸未七月成于甲申  
九月疑土度木操鐸設色踰年而就蓋亦奇矣  
四方禱子者裒然續紛神應如響余謂鬼神體

三園續集

卷十四

二

物猶水行地中也至誠感神猶鑿井得泉也昔  
人謂蘋蘩蕙藻之菜潢汙行潦之水苟有明信  
可薦于神而東鄰殺牛不如西鄰之禴祭實受  
其福也乃今觀之尤信曾謂泰山高且遠乎余  
詳元君事作詩以道之使歌以祀其辭曰

擇良辰兮吉月浴蘭湯兮沐芳馨壽宮兮  
要眇與日月兮齊光撫長劒兮玉珥璆鏐  
鳴兮琳琅靈連蜷兮姣服吹參差兮未央  
仰日觀兮在瞻望雲夢兮相羊攀芙蓉兮

木末采薜荔兮瀟湘疏緩節兮拊鼓陳筭  
瑟兮浩倡覽風雲兮永妥錫福履兮多祥  
蒸蕙肴兮蘭藉奠桂酒兮椒漿五音紛兮  
繁會人神悅兮樂康

童氏祠堂碑

古者營室必謀祀先自天子至官師咸有廟秦  
不師古而禮制蕩滅天子之外無營廟者漢世  
公卿建祠于墓而魏晉以來始營于都邑多以  
官品爲世數之差唐太宗時執法糾侍中王珪  
不立私廟命有司營建以耻之宋文潞公作先  
廟司馬溫公爲文記焉是時已言士大夫不知  
廟之可設于家也况後世乎明興監于前代  
祀止四世高曾居中東祖西禰而儀仍家禮所  
謂祭于寢者是也間有合爲大宗祠者有親爲  
小宗祠者有尊爲特祠者雖未盡合乎古然始  
殺而嘗閉蟄而蒸所謂入室儼然必有見於其  
位也出戶而聽愾然必有聞乎歎息之聲也安  
得不敬乎是仁人孝子之心亦猶行古之道也

三園續集

卷十四

三

童爲沔陽世家太守公旭太史公承敘武庫公承契後先舉進士官大夫之列制得立廟于家而三公早世未遑祀先之典有布衣公承作者慨然以其居改爲先祠樹坊于門而請余一言書麗牲之石余爲公家壻久諾未就諸生中有登先行先弘先述先者寓書申前請余觀布衣公總書世系是大宗之遺也獨主三先生是特尊之遺也夫禋天地而報本矣祠聖賢而崇德矣享祖考而追孝矣閭巷其興乎童氏子孫陳

二酉園續集

卷十四

四

其簞簋夙夜必祀以無忘仁孝則三先生之德業益大而布衣公之風遠矣布衣公以高年飲于鄉有司給冠帶如列云

紉東義館碑

予讀周禮大司徒之屬如鄉大夫州長黨正族師閭胥等官輒咨嗟慕焉當時國都弘敷五典又加意於野俾父詔其子兄授其弟適人以木鐸徇於道路閭巷之間斷斷如也且井田溝洫較若畫一黎庶殷富轉相補助故從善也輕王

制大壞民貧而教廢自秦人始漢興延訪博士遺書祇秦火之餘耳幸去周未遠猶見羽林授經匈奴遣子乃後學舍顏敝鞠爲園蔬牧兒羣堅往往刈薪其上古今成才之難易自周而降可廢書而惜況逮今日有司視學校爲細故何望儒生者流倡於下哉豐城爲洪都大邑袁尤著姓有三衢太守公仁人也思立學以誨族仲子大學生宗愚君克成之家有恒產十年積聚置田二百餘畝君曰此賴先君澤耳可成先君

二酉園續集

卷十四

五

志乎遂建塾一所延明經方正之師大訓同姓卽異姓往焉歲租四百石束脩供給外周族之老無倚幼無依者歲凶則倡賑義中有樂育堂養善堂授餐所儲穀倉恒屋若干方廣若干扁曰劍東義館復以義田立戶其興學贍族委曲周悉得周人遺意矣語曰禮生於有而廢於無君子富好行其德如君非耶昔晏嬰仁及三族齊人三百待而舉火范仲淹有負郭田千畝食其族者九十口假令二公在予爲執鞭所忻慕



馬第晏子自謂彰君之賜范參大政有祿矣今君一書生耳其行尤有難焉者錢公輔嘗愛晏子好仁而言有次也又愛文正規模遠舉乃觀之袁君寧能使燭無愛心哉且君先太守公韶江登進士勲名在朝暨君長公宗魯鴻臚君貢於鄉季弟宗聖舉於鄉其姪子清同予爲乙丑科進士餘多明經而起後先朱紱顯於帝廷君建學不虛矣子清復與予官大理屬予記其事越明年子清奉王命過里門思伐石碑焉

二酉園續集

卷十四

六

踐前諾書之俾觀者其興乎

楚王沙鎮庄碑

沙湖鎮蓋有楚王庄高皇帝所賜也高皇帝大定宇縣昭王封國有銅鼓五開散毛等峒未服昭王奉命討之諸域響應高皇帝嘉乃績慶以地遂益武漢黃德等處而沙鎮其一也肅皇帝朝僉憲柯公清淤田而奸民混府田槩爲京課歲不輸納穆皇帝朝恭王奏冲藩不造等事奉欽依行勘爭執靡定而恭王薨聖天子御極九

年而今王受封時奉明旨清丈海內土田長史劉公某典寶正郭公某典服劉公某啓王而白于常路巡撫都御史陳公巡按御史錢公分守叅議李公分巡憲副曹公承天知府劉公沔陽知州史公祗念藩服加意封土乃委檢校于君某州判朱君某會同典寶謝君某清丈焉共得田九萬四千三百三十八畝有零且解京水稞原額五百四十兩業民告困止納二百四十餘兩而五百原數悉出于新丈之田矣所稞之外

二酉園續集

卷十四

七

有餘田二萬三千三百七十畝并太陽等七處海船窩基地九十七間悉屬王府形東壤制可張楚也典服劉君輩具圖以獻王曰高帝遺澤皇上洪恩諸公庶明爾等勞動與楚共載劉君奉王命而請余文余聞反裘而芻者毛落絕流而漁者澤竭薄歛而仁者國富自茲黔首永乃家乎惟帝敦睦惟王展親江漢朝宗于海矣幸爲謝楚王王得余言而善之且曰楚國無以爲寶惟善以爲寶可勒諸石俾萬世無斁



關將軍廟碑

桃源縣古城蓋有漢三義廟云而創一廟以祀  
關將軍則始都御史陳公公督漕行縣夜夢將  
軍語余捐俸立廟而特祀之知縣蔣本仁鳩工  
而廟成往余過三義廟中昭烈右張翼德而左  
將軍結義在涿郡楚州誠非其地豈往來彭城  
多轍跡故合祀之與史稱將軍於昭烈恩若兄  
弟而稠人廣坐侍立終日君臣凜凜矣今並列  
之則分祀何可已乃將軍之廟遍天下余沔陽

西園續集

卷十四

八

里祀將軍尤靈異元大德中廟災而像存比至  
廣陵讀趙孟頫所書馮子振碑謂寧鵠衣而有  
丹矐寧蝸涎而有牲酒蓋自古多將軍云嗟乎  
義勇如將軍蕭曹之匹而昭烈有高帝風宜復  
大漢考其分部平原走下邳刺顏良及督荊州  
諸軍又敗曹仁降于禁逼操于許何其壯也假  
令無孫權呂蒙之秘謀麋芳傅士仁之懷嫌安  
得將軍亡耶獨其誓以共死義不肯劉秉燭達  
旦禮以自閑真烈丈夫哉真烈丈夫哉將軍名

羽字雲長河東解人封漢壽亭侯前將軍諡壯  
繆漢壽本封邑亭侯乃列爵余慕將軍甚而陳  
公名炆嘉靖辛丑進士又臨川大儒命余作記  
因述其槩爲迎送神曲俾土人祀將軍者考焉  
其辭曰

望美髯兮容與遙下追印號兮威震華夏  
北顧徐邳兮神之所化 右迎神  
河流駛兮大海東注歌舞徹兮揚靈如慕  
永奠茲土兮神之所助 右送神

西園續集

卷十四

九

玄帝廟碑

山東陽穀縣七級閘蓋有玄帝廟云在縣東北  
六十里而近漕河百餘步又河濟之通衢也里  
人被河濟之患思建厥廟以鎮之乃高君一飛  
倡厥工其崇基立殿繚垣樹木高君佐淮道之  
廟貌閎遠矣屬余言勒諸石余觀記傳有言曰  
北宮黑帝其精玄武故位于北宿于虛危託靈  
于龜蛇在五色爲玄而在五行非水耶然神之  
無遠不届如水之無地不有而禦菑捍患在先

王罔不誌祀茲典豈爲淫哉惟神永奠于茲土  
惟民永賴于神休余旣詳之如左復爲迎送二  
曲俾祭者歌之侑神焉其辭曰

帝駕玄輅兮玄珮玄璜靈光至止兮容與

洋洋 右迎神

帝心純佑兮時若雨暘明禋祗薦兮黍稷

穰穰 右送神

北沙龍王廟碑

淮本四瀆入于海故多海神而北沙有龍王廟

二酉園續集

卷十四

十一

創自元人蓋爲海運云 明興罷海運二百年  
廟亦幾廢隆慶辛未撫臺王公宗沐力復之其  
海舟經是鎮多保衛之功山陽知縣高君時葺  
其廟工始于壬申八月完于九月歲設墩夫一  
名以其餘田給張海守之事上王公屬燭碑焉  
明年知縣李君貞又謂余曰頃行野外二三班  
白指龍王廟謂靈異每旱禱則雨公宜亟文以  
書麗牲之石嗟乎鐘山燭龍之神能致風雨冀  
野應龍之神能寢甲兵是自古記之矣况龍王

水神不宜永祀海上耶系以樂章俾祀者鼓吹  
而歌之其詞曰

滄波浩兮百谷之王乘玄雲兮海波不揚

尚來格兮洋洋 右迎神

扶桑經兮伊誰之主雨暘時兮洽于淮土

吹參差兮容與 右送神

重脩龍興寺碑

淮安城西清風門內有龍興寺凡郡吏拜 闕

祝 聖壽往焉寺創自西晉秦始間爲里人夏

二酉園續集

卷十四

十一

寬氏所施唐宋及元命住持掌之頒帛給田咸  
有恩澤詳在廬陵學士陳公記中碑樹于大明  
成化初後至正德辛未遭火毀廢一空有僧明  
來號天笠募化脩之造大殿九間鑄佛三尊煥  
然新矣余會明來爲余言游天下名山者半貌  
古朴誓苦行故能動衆而成大工也又以余與  
一二友人論文談道於其上索余記之嗟乎色  
相有無之間余安能知爾教哉大都無有可捨  
而後能達有之源無空可住而後能知空之本

法本不生因心而起卽棟宇之新固起于一念耳由是達五蘊除六塵會無生之精成無礙之慈何嘗舍方寸以超三界哉故曰佛者明之而見性儒者盡之而知性其心一而已矣于是明來率諸僧羅拜首肯若會余言者庸書諸石而施財姓名悉載碑陰

社倉碑

淮海蓋澇郡云清河縣治在河口去府僅六十里土狹而人稀春夏之交民艱於食余竊憫焉

二酉園續集

卷十四

十一

隆慶六年壬申縣令張君惟誠來留心民隱乃於縣西創爲社倉左平糴右預給倣古人常平積穀之意賤則貯之貴則散之俾忘歲凶云所費帑金幾二百上官嘉其議余贊成之管子曰倉廩實而知禮節民不足而可治自古及今未之聞也晁錯曰堯有九年之水湯有七年之旱而國亡捐瘠者畜積多而備先具也旨哉言乎今淮土民日困河流歲泛則茲倉之建何可已哉何可已哉工始于是年夏四月朔日成于秋

七月望日明年張君以才調汶上請余記之風群吏而告嗣令者余作社倉碑

清河縣修學碑

隆慶庚午余行縣至河口謁先師廟觀學舍圯壞顧瞻愴然者久之越壬申臨海王先生撫茲土下修學之令知縣張君惟誠復申前請遂捐帑金若干卜日興事數月告成自大成殿東西廡戟門櫺星門明倫堂及齋舍庖廩隘者弘之傾者正之垣墉者塗茨之大都一新云余請王先生爲文記之諸生張蘊王家屏輩以縣令雅造士謂余不可無言嗟乎清河誠瘠土哉風俗多質朴士生其間有剛毅木訥之遺先師論禮與仁咸有取焉夫士修于家尚愍其壞于天子之庭乃今高者虛無卑者功利修之已者非也安望施于有政能無壞耶諸生值維新之會沐者必彈冠浴者必振衣新之云爾何可以身之察察受物之汶汶俾質之近道者淪亡乎故曰百工居肆以成其事君子學以致其道余

二酉園續集

卷十四

十一

所聞如此若諸生所誦法有王先生之言在于是教官沈梯桂集安題其說伐石記之而縣丞陳大濡典史謝一德蓋董是役云

保寧府重修廟學碑

保寧蓋蜀名郡云孔子廟舊在府治東南元末兵燹改西南廟制中爲文廟爲兩廡前爲戟門爲櫺星門廟東爲祭器樂器庫戟門左爲神厨東北爲啓聖祠名宦鄉賢祠廟後爲明倫堂堂上爲尊經閣自宋慶曆建學至 昭代沿革不

西園續集

卷十四

十四

力

常規模宏遠詳都御史任公惟賢記中隆慶庚午叅政楊公吉守閬新廟學創明倫堂移尊經閣于後萬曆甲戌不佞奉 命督學三試閬州徘徊與諸生論學竊嘆楊公興學云歲甲申不佞以叅政分守川北有事于閬教官率諸生謂數年科第稍乏堪興言聖宮經閣前後雄峙而堂低歎思去堂而移閣以還舊觀里中薦紳及諸人士助費結構官帑民力不與焉保寧知府吳從周同知李有成通判張至化知縣漆文煥

題其事不佞允焉諸生請余言垂永久不佞嘆

曰二三子改學宮矣知孔門之學乎孔子言主忠信而過勿憚改參也曾獨得其宗日省其不忠乎不信乎是過也所當改也至唯吾道之傳則忠恕與信渾而一矣秦漢以來學術漸晦高皇帝以大牢祀孔子戒人臣勿懷二心彼發實民定三秦者非鼂鳧侯乎統萬人守巴西者非車騎將軍乎是功而忠也唐天寶間過閬山而歌者非子美乎上元間過離堆而記者非魯公

西園續集

卷十四

五

乎是文而忠也四子者創業死難謫居流寓所遭不同使得聖人爲之依歸可列于政事文學之科閬人祠祀千載血食與孔廟等二三子求此心之忠耳出而効用何患不古人若也好勇可改也貨殖可改也自畫可改也所當新者獨學宮哉敢以孔門學術與閬故事爲二三子言之若相業如文惠甲第如諸陳黃馬復昔時雍雍濟濟之盛二三子願焉人人願爲二三子祝也不佞無言可矣諸生起謝曰先生之教邇洙

泗而上之請勒諸石以代書紳

什邡縣修學碑

昔漢置廣漢郡領十縣什邡其一也高帝封雍齒爲什邡侯又郡有邠水流而爲十馬班氏作什邡表至云邠江蓋古名邑云其學無論往代卽國朝興廢屢更嘉靖初修于知縣王廷傑學使蘇公葵有記今五十年矣萬曆二年知縣湯宿毅然修之邑多慕義捐財者不費帑金肇修啓聖祠大成殿兩廡戟門泮池櫺星門繼修明倫堂兩齋敬一亭會文書館又修學署神廚祭庫省牲所工始四年九月成于五年二月教諭寸居敬訓導萬理達及諸生謀余礬石勒銘以紀鴻休邑人侍御李公報書曰之珍往觀學宮鞠爲茂草乃今真可書哉余惟廟者貌也先王飾貌以隆禮將以報德也不崇其貌無以示敬不崇其道如德何漢劉歆曰唐虞三代聖帝明王累起相襲其道甚著周室旣微而禮樂不正道之難全如此信斯言也孰非孔子之功哉

三酉園續集

卷十四

七

今祭章之讚孔子有曰刪述六經垂憲萬世夫

經者徑也如五路無所不通而萬世常行也孔子歷聘列國自衛反魯然後樂正雅頌各得其所修易序書制作春秋以紀帝王之道由周而秦設挾書之令行是古之罪漢興置博士訪遺書六經稍稍間出綴學之士潛心大業而斯道賴以不墜當時及門之徒自顏曾之外惟商賜可以言詩而春秋不能贊一詞聖人之精可識矣今鑽厲而治六經者衆矣有能得其心于萬世之後乎故崇厥廟而新之者有司事也崇厥道而新之者吾黨事也余幸見有司矣尚厚望于吾黨云

三酉園續集

卷十四

七

東鄉縣修學碑

東鄉縣在夔州萬山間而其學舊在縣山郭中後遷之江外師儒肄業及有司行釋菜禮稱不便者三十年東鄉知縣景陵陶君之肖謀遷焉余試士至夔與夔守南海郭君斐議之得遷云再試于夔則櫺星有門明倫有堂啓聖有祠又

有神厨庫有鄉賢祠有名宦祠有教官衙有號房基復舊而向更新煇煇燿燿期月告成縣令才乎嗟乎蜀自三代以還如漢文翁作講堂畫仲尼七十二子之像後高朕作周公禮殿圖號西南齊魯太史新都楊公慎以爲後世學宮之設蓋倣諸蜀云國家興學教化汪濊上暢九垓下沂八埏今 皇帝登御萬曆二年燭領璽書入蜀越明年大學士荊州張公居正上疏其略云臣聞師嚴然後道尊道尊然後民知敬學

三酉園續集

卷十四

六

祖宗以來最重學臣其勅與國子監祭酒竝又多海內名流爲之乃後則虛談賈譽矣養交市恩矣憚巡歷而苦校閱矣胡能作士下吏禮二部慎厥選惟公惟勤將勅書更布宇內願 明主擇焉書入 上俞允燭拜新勅莊誦未嘗不發汗沾衣也且舊所頒勅二百餘年大要在士明經修行而本諸身教卽唐虞敬寬之訓不過也 主上申明功令廣勵學官期復 祖宗之舊云耳昔道統在帝王至周公兼之孔子集之

皆大人之學也然仰思力行徙義遷善以裁狂簡至化被魯國能使邑人絃歌千年不絕其聲故曰齊一變至于魯魯一變至于道聖人之澤遠矣二三子誦法周孔有不如古者乃不能思而變變而道復西南齊魯之風以稱塞 明詔何適而可余于多士有交警焉書作東鄉縣記將徧告巴蜀云

福建布政司續題名碑

閩蓋東南巨省自設布政使司來題名碑凡三

三酉園續集

卷十四

九

樹云正德癸酉陳公珂記之嘉靖壬寅歐陽公席記之嘉靖癸丑朱公衡記之有謂紫薇垣十五星列東西藩在北斗傍官賢則藩星光不賢則藩星晦有謂秦漢來記功德者託諸石而耳崇之澤淮西之勲在焉有謂刻諸石者名也顯其名而不累者實也萬曆乙酉文燭承乏右使前碑書滿左使陶公謂今 皇帝御極億萬年無疆之休俾諸君子元年任者代石書之屬文燭記焉文燭寓目而嘆曰名實之間天人相與

之際三公言備矣乃題名昉於近代有史之遺  
意乎史莫大乎春秋辭不費而褒貶存今姓氏  
邑里之外不加一言而勸懲之道森然昭矣且  
古言官箴者曰清曰慎曰勤凡在有位宜罔不  
欽况敷庶政而倡群吏者乎出納易黷而清者  
顯矣品位易肆而慎者彰矣文秦易盈而勤者  
著矣昔子夏肥而或問之子夏曰吾戰勝人曰  
何爲戰勝曰吾入見夫子之義則榮之出見富  
貴又榮之二者戰于胷臆而夫子之義勝故肥

二酉園續集

卷十四

十一

也夫自勝而後可以勝人實存而各立人感而  
天應政之廢興官之謗譽有可觀省者斯亦司  
馬遷所稱當世得失之林矣竊謂其有史之遺  
意云左使公聞而嘆曰吾子言行三公者至矣  
蓋書碑首俾後之人永覽焉

重修二忠祠碑

我明 宣宗章皇帝御製五倫書載宋忠臣陳  
文龍死事最詳 憲宗純皇帝續修通鑑綱目  
書元破興化陳瓚死之一門忠節蓋福建興化

府莆田縣人 孝宗敬皇帝下詔求言莆人大

理寺評事徐元稔上疏表之其略云臣與二陳  
同里當時文龍諡忠肅廟號昭忠瓚贈兵部侍  
郎諡忠武故居今草莽過者徘徊不能去古帝  
王顯忠于異代非操世大柄者耶乞立祠本郡  
賜春秋祭如文天祥江萬里故事庶慰人心而  
勵將來 詔許之至 武宗毅皇帝朝立祠于  
城隍廟左肖像祀焉越八年癸酉督學姚公鏞  
記之歷 世宗肅皇帝 穆宗莊皇帝朝屢修

二酉園續集

卷十四

十一

之幾再世矣今 上御極十有四年垣圯屋壞  
鞠爲茂草中丞沈公人种御史楊公四知表揚  
往哲以維國是下新祠之令不佞掌司事謂崇  
古勸今政之不可廢者宜新之而興化知府錢  
君順德同知關君學尹呈公帑若干以爲工費  
適推官祝君致和視縣事經始營度落成有期  
煥然維新俾 昭代列聖厚忠直者數百年如  
一日二陳公有生氣天昌厥後報施蓋定云嗣  
孫陳君瑛舉進士參知 儲事寓書不佞請書



麗牲之石不佞嘆曰宋自臨安告變天下之勢岌岌乎殆哉而閩尚存閩苟存焉控兩淮而引江鄂庶幾無虞又八閩形勢在興化一路二陳公之以死守也其恢復中原之志乎忠肅公初諱子龍度宗廷策以冠多士改諱文龍字君貴授紹興判官除崇正院說書擢監察御史以劾迎合者忤賈似道左官後起至充閩廣宣撫大使後福州泉州俱降同郡尚書方應發勸忠肅降忠肅手劒逐之益謀繕守使其將林華伺境

三酉園續集

卷十四

主

不能支猶率麾下巷戰元兵死于城者千餘忠武後爲元人所執大罵曰文龍吾姪也世篤忠貞豈從汝胡狗求活耶峻都大怒車裂以殉屠城三時血流有聲夫興化破而閩盡矣閩破而宋亡矣時天下死節者三十餘人以爲三百年養士之報而陳有肅武且忠肅與文天祥並爲忠義狀元而天祥平居亦稱爲陸贄汲黯之流彼言生爲宋臣死爲宋鬼踐之矣又言不愛一家死思存趙氏脉及母氏死忠武以布衣死言如券矣寧獨必其身哉其後斃其所乘賜馬又子孫百年不食元粟今駸駸顯于有道之朝不佞竊謂有天報云因志其大告嗣修者復爲辭二章俾歌以祀其辭曰

三酉園續集

卷十四

主

嗟二公之忠貞兮值皇輿之敗績好修姱以鞿羈兮竟同歸于鋒鏑下從龍逢比干兮何異夫萬人敵過而式者莘莘兮海風參差慘戚嗟新祠之鼎建兮噉將出于扶桑瞻靈氛



其如在今路修遠而翱翔折瑤枝以爲羞  
兮精瓊靡以爲糧望壺公而容與兮惟億  
萬年無疆

白鹿書院學田碑

萬曆八年江陵柄政嚴禁僞學 詔毀書院江  
西多創建悉在毀中白鹿洞歸然獨存蓋魯殿  
靈光也洞在匡廬五老峰下其名以唐江州李  
刺史讀書馴白鹿而宋朱張講道與睢陽石鼓  
嶽麓並雄宇內 昭代益重之洞田計二千三

南園續集

卷十四

志

力

百餘畝議濟邊得價四百四十餘兩留備祀典  
者厯三百畝士解散去存空名也萬曆十二年  
廟堂議復書院江西復者半洞田在新建者四  
百二十二畝入南昌正學書院在建昌者一千  
二百畝價存司庫會中丞餘姚陳公御史益都  
朱公端人並列倡明正學下復田之議文燭典  
司事右使宋公應昌學使沈公九疇咸謂國家  
莫大乎養士若入太倉直稊米耳給買者價而  
洞田遂復守道王公橋巡道顧公雲程贊而行

之南康太守潘君志伊新洞志學使公屬余言  
以傳永久陳子嘆曰斯田也剝而復者也物無  
剝盡之理故易曰復其見天地之心乎士有恒  
心而僞則與天地不相似矣多士知復乎修身  
而不遠下仁而休從道而獨自考而敦皆復也  
孔子以顏氏之子庶幾于復而孟子以禹稷之  
功並天地者同之其心之謂與于祿如師聚歛  
如求短喪如予是類而屬迷而凶非復也千載  
議焉禁僞學而無其實與焚詩書毀鄉校者等

南園續集

卷十四

志

耳烏得而禁之願學者勿入于僞而使人竊禁  
之之名是吾道之興與故曰學古有獲若農服  
田力穡乃亦有秋偉哉茲舉鏡于貞珉告後之  
造士者是年正學書院田亦復而學使公爲記  
樹南昌府

許真君廟碑

江西有鐵柱宮

昭代顏曰妙濟萬壽宮蓋許真君故里也四川  
有旌陽觀祠祀真君者不佞兩謁之儼若遇云

往讀列仙傳如晉葛洪扈謙同真君羽化世號神仙何從祀之而祀典所云法施於民則祀之能禦大災則祀之能捍大患則祀之善乎萬司馬氏曰祀功也非祀仙也唐子伯虎配真君子黃帝之與蚩尤神禹之與無支祁悉歸正論道士徐碧雲請余文碑焉憶真君上昇讖云吾仙去後一千二百四十年間五陵之內當出弟子八百師出豫章大揚吾教時生沙洲過沙井口今時將及矣歲侵苦水甚于蛟蛇安得真君之

三酉園續集

卷十四

壬子

靈福民平守土者禱焉按真君名遜字敬之詳白王蟾傳中其先蓋潁陽由云博極詳書尤嗜神仙家卜居西山有售鐵燈檠者知爲金而返之里人化焉晉太康元年爲旌陽縣令除煩去苛諭民于道歲饑點丹輪租歲疫持法愈病知晉室將亂而歸焉送者居如營壘號許家營至變幻莫測如授劍于童女問道于謠母飛茅爲祠畫松爲壁運風雷以拔社出靈泉以濟旱驅蛟于龍山驅蛇于海昏再驅于西安鄂渚召社

伯書符文鑄鐵柱鎮之故聚骨洲釘蛟石名並天壤焉其識記云鐵柱鎮洪州萬年永不休八索鈎地脉一派通江流天下大亂此地無憂天下大荒此地薄收地勝人心善應不出奸謀若有與謀者終湏不到頭其慮深矣寧康二年冲舉生自吳赤烏元年得年一百三十六此八十五化之大也所稱淨明法者蓋王京隱書也在上爲無上清虛在天爲中黃八極在人爲丹元絳宮服鍊者中正而玄黃攝意歸身攝想歸正以心達心以性達性淨而絕塵明而燭幽忠孝廉謹寬裕容忍故大舜終身以成孝比干諫君以成忠善卷殺身以成廉南容復圭以成慎榮期安貧以成寬顏回簞瓢以成裕是仙之冠者豈山澤之癯哉不本忠孝而思服鍊是舍厦屋而入炎火也萬法皆空一誠爲實內景黃庭三五飛步神奏玉京符千年之嘉運備八百之仙數可瓦礫塵世珠寶矣上士得道真在心性而妄者遠矣遠於妄所以成功也此八寶垂世之

三酉園續集

卷十四

壬子

吏部黎君華尹定陶專人秘書公欲墓碑不果  
向余津津道焉陶朱公蓋范蠡變而名之至今  
縣稱定陶云方朱公師計然從越王會稽之上  
所云知鬪則脩備時用則知物二者形而萬貨  
之情可觀也使國富厚令士赴矢石如饑渴報  
強吳而雪越耻豈淵深而魚生之山深而獸往  
之人富而仁義附焉者乎表會稽山以爲奉邑  
越王自以爲報國陶朱公料越可以同患難以  
處安定陶自處矣君行令而臣行意其意寧復  
在越乎所遺大夫種書良方藏于烏盡走狗烹  
于兔死其言足悲至大恩不報大功不還後世  
忠臣以吾爲喻文種之言悔不聽陶朱公矣伐  
吳之術七越用其三而自殺計然之策七越用  
其五而自全何天淵哉在定陶候時轉物追逐  
什一散財于鄉歸印于齊彼稱居家致千金居  
官至卿相布衣之極謾世語耳其心何有哉說  
者謂張孟談爲趙滅智伯而隱負丘張子房爲  
韓興漢高而游赤松使陶朱公不自富而退逸

王園續集

卷十四

辛

山林豈不超然春秋戰國士之上邪然近春秋  
戰國幾五百年而獨以功名終自號鴟夷子皮  
用則容納不用卷懷中子殺人不遣長子救而  
遣少子且知必殺其弟其言持滿者與天定傾  
者與人節事者以地三才洞然矣善治生者能  
擇人而任時治天下何加焉豈少二張之智哉  
陳子曰太公遺烈在齊管仲脩之而齊富彊後  
陶朱公稱富海岱之間倉廩實而知禮節衣食  
足而知榮辱未盡用于越者用于齊耳與管仲  
爭烈焉若以富自污爲田舍謀何使人慨慕也  
張華言南郡有陶朱公冢盛弘之言本宛三戶  
人其冢在華容或言登仙或言濟州陶山有二  
塋處俱不可曉余從司馬遷言卒老死于陶則  
墓何可湮滅也君華善隸書勒諸道左

重脩千金堤碑

撫州蓋有臨汝二水汝水東流出肝江不與臨  
合臨水出宜黃崇仁乃爲堤瑤湖之上俾汝水  
漸凝峴臺下趨文昌浮橋抱鄆而西會于臨如

王園續集

卷十四

辛

長樂長寧間受其灌溉變為沃壤商賈懋遷有  
無化居而風氣環匝俊哲挺生堤始于唐渤海  
李公說者謂顏真卿築土堵陂戴叔倫築冷泉  
陂足而列當時計貲千餘故名千金云宋時  
數言堤事不果脩明與數脩堤事不果終萬曆  
間同年梁山古士希守撫募善習水者才底砂  
石累石為堤堤外作滾水梯護之上流作石堤  
以護舊堤民不知勞詠歌興焉士希再守徽州  
不佞掌江藩報書曰千金堤存乎願公微有司

王蘭園集

卷十四

三

加意焉王君之麟守撫補葺如故士希聞之喜  
曰願公一言以垂永永陳子曰水之為利害也  
天地剖判則然太史公作何渠書常登廬山豈  
臨汝在指顧中耶彼稱西門豹引漳水鄭當時  
引渭水李冰引灌水足利生民灌口脩都江堰  
太守請余碑焉謂人皆師古至今見封山表木  
之烈何至沉璧負薪則斯堤也胡可弗脩乎往  
余守淮築高家堰費止千金嗣者失脩費屢巨  
萬丁文恪公碑焉謂范仲淹天聖中築捍海堰

數百里而通泰海州之民祠焉蘇子瞻元祐中  
取西湖田二十里築長堤以便行者號蘇公堤  
比余文正文忠言之發汗沾衣今民于士希尸  
而祝之雖號古公堤可也庶有辭于永世哉余  
與士希雅厚敢以覩記于淮蜀者頌焉後有循  
吏綢繆桑土俾無壞焉耳

徐孺子祠碑

漢高士徐公名稱孺子豫章南昌人也南昌  
范太守涑南昌何令選新建余令夢鯉關南州

王蘭園集

卷十四

三

高士寢路復新其祠太守請余書麗牲之石有  
志於古人者嗚呼孺子恭儉義讓所居服德惟  
蕃能致之而太守之名重仲舉樹立風聲抗論  
僭俗惟穉見禮之而高士之名重南州一榻清  
風穆如千載可想焉蕃之薦孺子也使登三事  
協亮天工必能翼宣盛美增光日月豈知竟不  
仕哉孺子謂林宗曰大樹將顛非一繩所維何  
為栖栖不遑寧處豈知尚書令亦不自終乎太  
守不能致孺子之出高士不能止仲舉之進為

世道計耳或謂太守馳驅險阨之中與刑人腐  
夫同朝爭衡自取滅亡不如孺子高又謂高士  
遜世離俗坐視漢亡不與仲舉同心非通論也  
元興以來政出宦豎孺子欲仲舉挽之大綱如  
復出而共理凜凜乎伊呂之業者下榻云云此  
耳及世不可支無能為也雖薦聘不顧焉相知  
豈後管仲鮑叔牙耶江南俗卑薄孺子儻立視  
同舉姜肱袁閔諸賢已加一等乃令其鄉崇節  
義尚名檢興起在千載間故太守重之彼蕃先

三苗園續集

卷十四

重

守樂安下榻如周瑒鮮克有終矣漢末織羅鉤  
黨之獄起諸公執彌堅而行彌勵百餘年來亂  
而不亡興有力焉而孺子之風遠矣南昌西楚  
地余為楚聲俾歌以祀其詞曰炎祚中衰今世  
溷濁而莫浴有美好修兮憚褰裳而濡足高士  
昂昂兮情素潔而如玉豫章有美兮續紛其若  
木太守高風兮設一榻而難續偶語論心今時  
事其頻蹙圓鑿方柄兮難入而自覺鳳凰飄翔  
今愧鳬鴈之碌碌故居沈寥兮欽遺風而變俗

千載招魂兮還生芻于一束

溫忠武公廟碑

豫章城南有晉將軍溫公廟土人稱司馬祠或  
因將軍右司馬也由晉衣冠廟祀至今偶有智  
力者謀地為塋而廟廢南昌范太守涑從士民  
意復之伐石碑焉請余文以昭勸戒將軍諱嶠  
字大真諡忠武晉之名臣也元帝鎮江左劉琨  
與將軍同心王室班彪識劉氏之復興馬援知  
漢光之可輔晉祚雖衰而天命可圖絕裾而往

三苗園續集

卷十四

重

豈得已哉明帝卽位將軍在侍中叅佐機密大  
謀而詔命文翰悉出其手王敦忌之上疏論敦  
剛愎不仁必行殺戮道路以目復奏軍國要務  
者七皆救時之藥石也將軍受顧命蘇峻有反  
狀陶侃同謀敗之有江州之命且陳豫章十郡  
之要宜居以刺史乃屯潯陽遣督護王愆期西  
陽太守鄧嶽鄱陽內史紀瞻等率師赴難聞京  
師傾覆因而悲哭時峻軍多馬南軍舟楫不敢  
輕戰將軍於四望磯築壘以逼余讀報侃書謂

南康建安晉安三郡軍並在路次須仁公同赴

此會社稷危殆肝腦塗地受國恩者怨之哉侃

之能敗蘇峻多將軍之力云將軍卒而侃上書

稱故將軍嶠忠誠著於聖世勲義感於人神臨

終別書藏之篋笥時時省視中夜撫膺臨飯酸

噎人之云亡嶠實當之願勿移豫章塋地蓋成

帝追思忠武勲德將造大墓于元明二帝陵之

北因侃言止耳則祠而有墓俱在豫章祭酒胡

公儼謂豫章人得將軍不受王敦蘇峻之禍報

二酉園續集

卷十四

墓

以此耳孰知將軍精神命脉久江州哉顯忠表

武頓還舊觀太守此舉余甚躋焉陳子曰溫將

軍至豫章首謁徐孺子墓曾文定公謂漢至今

數千載富貴堙滅者不可勝數孺子獨稱思焉

世之以智力取勝者惑矣况將軍德澤聞者感

泣乎以勞定國則祀能捍大患則祀余拜忠武

祠而凜凜者奚啻將軍之于漢高士也

二酉園續集卷十五

沔陽陳文燭玉叔著

傳

四尚書傳

天下世家南林北許蓋父子兄弟四尚書云至

三世翰林祭酒獨林為盛比于漢之關西汝南

晉之王謝宋之范呂諸家至清忠世世不啻過

之林有才士世吉與余善每謁世忠祠想見四

先生為人作四尚書傳

二酉園續集

卷十五

一

墓

文安公諱瀚字亨大號泉山成化丙戌進士長

七尺聲若洪鍾美鬚髯望之如儒天性孝友往

試禮部有同舍登第病者不忍遽別病愈始別

又試禮部語同舍曰吾表宿遘病且出矣為子

誦之其人登第謝焉仲子康懿早慧有鄭郎中

以女許之鄭沒而家落有富室願以女歸林者

公竟不可族人有利祖營潛穴者公曰生同堂

死可同地竟不爭天順癸未試院火公見異人

踰墻獲免居家置酒高會覆杯乃止家人以無

炊米告者公咲曰諺有之菲割卽長吾命似之  
明日竟有饋者公由翰林庶吉士編修修撰轉  
諭德陞祭酒上疏言天下人才日盛郡邑增貢  
一人四年乃止擢禮部侍郎掌監事十餘年待  
諸生嚴而有恩王端毅公有子遊太學應對失  
辭公責之王公謝焉時論兩高之又歲餐錢可  
百緡公不受貯之自市公署凡官太學者悉有  
公署改吏部攝銓事 上欲用爲冢宰左右以  
請託不行間之拜南銓曹會災異上疏陳十二  
事及重根本四事 上允之有御史王獻臣被  
逮儒生孫伯堅等授中書公力諫天命天討宜  
協至公有 旨誚讓自劾不報在留曹屢乞骸  
海內以公與莆田林公俊金華章公懋浮梁張  
公敷華號四君子正德初太宰缺言官丘俊石  
玠等交薦公廉正可任 上不用改南兵上疏  
勸 上割私任公疎遠貴戚人所難言者深爲  
逆瑾所疾會南京給事中戴銑等劾瑾逮 詔  
獄公獨往送瑾大怒令錦衣衛獄詞連公禍且

不測兵部侍郎才寬故守西安與瑾識奔告曰  
累朝名德奈何失天下心瑾怒少釋猶矯 詔  
公與大學士謝公劉公俱朋黨布告天下瑾誅  
復官 上欲起公而年逾七十命有司給廩米  
役夫存問皆殊典云公壽八十六計聞 上愍  
悼焉遣官祭葬贈太子太保所著有經筵講章  
奏議詩文行於世楊文忠公稱公忠信守法不  
以倖貸不以權移鄭端簡公言陳伯獻謂公賤  
者卽之忘其貴也卑者卽之忘其尊也愚者卽  
之忘其賢也非意相干者凜凜焉章文懿公言  
秦誓大臣之容柳下惠之介惟公兼之公男子  
九人有名位類公者二人文安公仲子康懿公  
諱廷梈字利瞻號小泉弘治己未進士春秋第  
一人授兵部武庫主事調職方郎中公練達邊  
務每奏章立削動中機宜大司馬劉忠宣馬端  
肅許襄毅咸雅重之及曹元在本兵附逆瑾公  
守正不阿瑾計改公御史力辭出守蘇州公資  
望頗深抑而典郡時七邑大水二年公疏蠲糧



稅停織造內臣請許鑿鈔銀賑濟 上允之民  
賴以活擢雲南叅政奉表入賀兩疏乞終養朝  
議謂公有兄弟於制不合 詔特允以文安公  
故也親終補江西叅政擢湖廣左布政使陞副  
都御史巡撫保定疏革真定抽分內臣數事轉  
南京兵部侍郎與浚川王公協恭凡中貴妄索  
鮮船者減抑之遂著爲例調工部督理城垣并  
皇史宬等工會星變條陳省營造處織造計工  
料專官守四事內府歲取銅鐵器動至千萬公  
立法五年一修十年一造又遼東軍變廷推公  
行復疏四事二鎮底寧陞工部尚書建 九廟  
七陵等工嘗疏屢年興工民力已竭借兵部柴  
薪馬價惠通河扣省脚價民得免派天下陰受  
其賜而不知先時 上常御便殿召公顧左右  
奇其狀會公疏入 上曰朕方顧若若乃言朕  
得非林俊子耶左右對其父亦尚書非俊子也  
上顧乃審他日 上又御凝翠殿出御製憶邊  
詩令恭和以進時與公同召者貴溪夏公言也

上謁西陵駕出倉卒公知人善任使凡道路橋  
梁行帷器用一二日悉備特賜麒麟通袖帶  
銀瓢諸物宗廟告完加太子太保隨乞骸骨  
上准致仕命有司給月廩人役陞辭令馳驛去  
後訃聞 上愍悼焉遣官祭塋贈少保公穎敏  
絕倫眉目如畫清談善諠爲士林風流之冠其  
議論每依忠厚所著有小泉稿往爲守時有富  
室誣繫重僻無子許其納妾獄中後乃產息郡  
人盧章爲小吏偶試奇之揚于學使得補諸生  
其人登第謝焉雲南武官無常祿累年矣公令  
牛馬布帛雜貨咸得充賦賦遂給而滇中人人  
德公謂公有陰德蓋父子一心云文安公少子  
宗伯公諱廷機字利仁號肖泉嘉靖乙未進士  
文安公年七十三爲南兵部叅贊機務始生公  
遂名焉選翰林院庶吉士授檢討甲辰充會試  
同考官所取多名士如大宗伯秦公鳴雷大司  
徒畢公鏘是也分宜用事子世蕃橫甚其門如  
市公居比鄰不一謁有客諷之曰人皆若父子



相門羅雀矣時學士公同爲檢討公編摩史局  
垂十七年遷司業已轉南京國子祭酒乃李公  
默所薦分宜忌之改公南太常轉南工侍滯南  
都十年餘或又有諷之者公曰有命焉吾不能  
干時好耳時振武軍變殺戶部黃侍郎而營卒  
猶驕悍群聚人心洶洶部章莫肯署者乃公抗  
身而出諭以大義卒羅拜感泣曰得如林公吾  
無患矣公鎮之以靜擇屬任事餉以時給衆遂  
安先是漕者必屬邑畢至方許歸多顧望莫肯

二酉園續集

卷十五

六

前公檄所司諸邑不相及事畢卽遣四方聞之  
輻輳而至京倉近水者省輦運費故事多請託  
而遠者吏惟守空庾公探籌均之遂著爲令咸  
怙怙稱平工部內府歲供與織造御服中貴人  
數多濫公裁之省費鉅萬蕪關權稅久且滋弊  
公疏選有才望者并給關防 上允之歲增課  
二萬餘改南禮會北禮缺侍郎廷推公分宜又  
忌之竟用陪者分宜罷始進南工部尚書後改  
禮部學士公擢祭酒弟副使煙舉進士公嘆曰

知足不辱貽書戒二子努力報國疏乞骸骨歸

來日與親知結社賦詩蕭然一室意澹如也所

著有世翰堂稿計聞 上愍悼焉遣官祭塋公

外和內剛喜怒不形終身不言人過撫諸孤姪

如子宗嫺待以婚喪者悉力爲周卹而尤篤於

故舊視人之急如坐湯火雖冒嫌援之不避也

餘姚孫文恪常曰不忤不求僅見林公耳莆田

康司空同在史局扁其齊曰學林或問之言林

公雅量不可及也人謂公名家子盖兄弟同德

二酉園續集

卷十五

七

云學士公諱熾字貞恒號對山宗伯公子也嘉  
靖丁未進士少有異質日誦萬言伯父康懿公  
曰後代而濟美者此子也督學江公以達奇之  
過康懿公曰公家千里駒也華亭平泉陸公得  
南宮卷奇之此必有家學者選翰林院庶吉士  
授檢討 景王出閣充講官分宜用事子世蕃  
邸第與公居比舍挾以要公曰王之國講官當  
遷長史使人道意公正色拒之後不果遷徐文  
貞當國思大用公自洗馬擢祭酒祭酒公署創

自文安歲久圯甚公捐俸新之曰此朝夕先公也訓士一遵先軌陞禮部右侍郎充經筵講官會中官奏修九陵意有所取上命公往勘公奏言惟長陵應修耳上允之省費鉅萬中貴側目公當北虜犯邊條陳七事後改吏侍經筵日講語多剴切俄有旨調南佐南銓者五年署篆禮部魏國子長邦瑞已咨大學復以少子邦寧請當事者惑其私陰主之公曰以嬖奪嫡非制也魏國門客爲請于公執不從未幾言官聞

三酉園續集

卷十五

八

於朝竟襲邦瑞萬曆改元進公南京工部尚書裁冗濫禁請託曹務一清改禮部以母喪歸部使者存公中外望柄用公亦留意當世朝章政體人材吏治無不熟計立朝風采傾動一時仁和高文端公蒲州楊襄毅公尤推重公每事咨決獨以正直忤江陵竟不起用惟徐陸二公歲一寓書重知已也家居毫髮不苟舊廬遭燬假康懿祠以居蕭然如寒士或勸公貽書政府公曰此先司馬家法也門生故舊書問不絕稍

涉非意則謝曰吾嫠婦也終不以晚暮易節甲戌大旱公憂桑梓禱于鱣溪廟大雨庚辰夏又旱公禱如初觸暑嬰疾遂不起云前一夕星隕訃聞上愍悼焉遣官祭塋里中士民請于兩臺祀公于社扁曰清忠祠蓋紀實也公敏而好學于書無所不窺發之詩篇一遵唐軌所傳有學士集至于文章雄深渾厚絕類司馬子長余讀福州志可觀其槩惜八閩通志未就耳享年五十餘豈惟遠謝文安視康懿宗伯壽少遜焉

三酉園續集

卷十五

九

公詩文更優可謂文安慈孫矣卽宗伯于康懿稱二難乃易名之典兩公尚缺此清朝當議者余所善世吉卽公子也公家世系科第之詳余不論而論四尚書之大者陳子曰四先生有相天下之才遭逢聖主讀所上書俱裨國是柰何未究也嘉靖以來執政之臣始而成都繼而永嘉變而貴溪變而分宜新鄭江陵之際益難矣四先生得爲完人往吳聘君與弼贈撫州公金井水玉壺冰六字四先

生有焉 孝宗敬皇帝謂文安守正奉公愛君  
憂國 世宗肅皇帝謂康懿歷事 累朝始終  
一節 今皇帝謂宗伯茂著風猷克全美節謂  
學士聲華政績望重三朝語曰知臣莫如主乃  
觀之林氏良然

劉處士傳

處士公姓劉名漢夷陵州人性馴謹寡言笑少  
孤力田撫其弟淮以友聞卒年八十三兄弟怡  
怡如也里有鄭仁者坐逋賦將鬻子以償官公  
曰吾尚能周之得存其子又有周易買貨于其  
家亡其金去急追之其人以半謝公嚴却之且  
曰卽死不受也一日走江岸見鄰棄婦赴溺偕  
室人諭之歸其夫悔今子孫如林德公也餘種  
種多陰隲事處士有孫一儒同燭舉于鄉以德  
業名世竊慕其家行而屬余傳其大語曰窮視  
其所不爲貧視其所不取可以觀處士之大矣  
贊曰余讀盛弘之荊州記謂三峽之水多奇秀  
雖飛雲迅鳥不能過也必有偉人當之卽閭巷

二酉園續集

卷十五

十一

中有砥節礪行者處士其人耶處士其人耶

高士任先生傳

先生諱鳳岐字應文別號時菴學者稱時菴先  
生上世蓋豐城人先代徙南京匠籍徙居黃蓬  
山則 高皇帝時也先生少有奇質過目成誦  
王父習尚書貢爲新昌主簿先生尚書授徒里  
中從游者衆品藻最精先通奉公在童子大奇  
曰此屈宋才也以女妻焉卽余母誥贈太夫人  
者也同時胡生彥先生亦奇之後爲名御史先  
生諸生中有文名學使江西姚公文瀨台州蔡  
公潮列爲上等蔡公見先生長身玉立高視大  
步議論懸河方病足命洩隻履進雅重若此先  
生性最嚴每踣踣行視多仰而後進者畏之拱  
立有吏目李諫京師人性最悍與博士爭席大  
梁李公濂守沔諸生咄咄爭未已先生曰校官  
者賓師之位可同屬官邪李公心服之吏目媿  
而走其席至今定先生家壁四立意澹如也平  
生耻于千人絕無委瑣態善詩賦多開元以後

二酉園續集

卷之五

十一

語里醫胡子恂以楊支藥肆條爾有由藥索先生題口占曰笑看生意滿行窩顛木于今也發柯屈指許多名世者先生應不讓華佗先太夫人在時能誦百首恨少時未筆錄也先生死年四十耳墓在江北青石垸先生樂生類榮啓期治經類申屠蟠皆古來高士故先通奉公表其墓曰明高士時菴任先生

陳子曰余登黃蓬詢先生故居及封樹山中人道焉名竝二劉近讀張文定公集言邦奇視楚三酉園續集卷之十五主學過沔陽講書至子適衛章問教養孰重諸生默默有任生進曰自古皆有死民無信不立稷播谷造周契敷教興商然聖賢之君六七作至周衰而孔子以苗裔師萬世天之報契者厚矣故教尤重云張公賞之筆于書余因述之俟續高士傳者采焉

二酉園續集卷十六

沔陽陳文燭玉叔著

傳

列女吳氏傳

余讀王道思所議純節善道吳列女諡心竊異之及讀列女遺文意高詞古又度死者所欲而處之臨大節而不可奪議稱其才識德性心術儀則爲天所厚且總云列女正謂可爲人妻可爲人姑可爲人母對男子之稱如范曄所傳按次高秀不專一操道思言是矣余采文行之大者作吳列女傳

吳氏福建泉州府晉江縣人刑部主事何公琬之繼室監察御史吳公從憲之妹也生而聰敏異常好覽古經史諸書曉其大旨發爲文筆能道其中之所欲言號扶陽子年十九適他山何公相得甚驩一日何公提牢且多病報書曰來書言去病在治心治心在讀書妾聞之欣喜此身最重勿爲情欲所蔽且心者一身之主謹其

始防其漸不在一端妾念夫子體薄調護異日  
報國以顯父母妾有賴焉妾父有言敬之勉之  
順夫而行是婦道也何公愛其書批點焉其交  
儆如此其寄家書云向父之歸拭淚相看忍于  
一別特許再來耳二三兄讀書有沉船破釜之  
志何患無成近知得一姪男嫂氏嘗欲效古者  
胎教此兒過人遠矣夫子不勝其喜早暮與他  
山觀書頗覺有得恨不質正吾兄耳其孝友如  
此後他山以病卒爲文奠曰夫子其歿耶其未  
歿耶妾侍夫子四載一日相離音書屢至豈期  
于今舍妾何之古者修士其神不死夫子精靈  
神爽尚存宇宙在天之上妾將挾雲氣以上游  
不見夫子九天之上不止也在地之下妾將穴  
黃泉而下入不見夫子九地之下不止也但冀  
妾死之日夫子有知願臨妾傍示相從之路其  
哀痛如此狀其行曰未亡人吳氏痛夫志行沉  
沒敘其所知憶夫在刑曹時散廩有堂上二吏  
挾勢多求先生叱之聞于司寇公司寇公姑息

二酉園續集

卷十六

二

先生義形於色頗爲不悅妾乘間曰所執係國  
家輕重乎如未也焉用執先生怒曰顧義可否  
爾汝隨流而靡者妾愧悔謝焉其在提牢晏卧  
早起俾刑人寬一刻之苦同年楊君以諫繫獄  
同年某者希當路意而禁嚴藥不能進先生屢  
請某竟不從先生歸語曰世有匿媚事人者乎  
往獄中見楊君大駭謂先生曰他山不畏禍耶  
時史觀吾以議獄降職出判某州先生慰勉之  
妾觀言論忠誠直壯使當職任事又何如也慮  
囚江南審慎求生妾不能知然寄書云奉命而  
來期盡厥心想相告之言不相誣也居嘗竊嘆  
得行其志爲朝廷計安國事若守一郡必使民  
各得其所然後成箇人品詎知一疾而終耶平  
居衣服飲食稍異貧時感悔思念惟恐損福一  
言之失默坐終日悔過遷善鬼神鑒之退時之  
暇手不停卷至古人嘉言善行欣然爲妾曉諭  
評論臧否妾出意見多以爲然惟不喜妾讀悲  
痛哀憤之辭安知今日之悲哀尤甚耶憶夫子

二酉園續集

卷十六

三

嘗曰王遵嚴蔡可泉二公德業文章願學而未  
能今得二公言庶見夫子於地下矣其感慨如  
此至五十餘日思以身殉與父兄永訣書云爲  
人臣而滅義君之賊也爲人婦而失節夫之醜  
也吾夫之死上無老姑可守以孝下無弱息可  
守以慈安得戀戀於死生之際而難以自決耶  
幸謝老父母諸兄弟隔別幽明異日黃泉與他  
山相見萬無以骨肉之情爲我戚戚也囑應年  
姪書云汝叔起家寒酸而庶於近利入官抱病

二酉園續集

卷十六

四

幾無以殮僅遺下田租計穀數千斤買屋一座  
價三十兩母謂汝叔之庶無以遺汝也汝叔書  
籍衣服當爲世臧但諸人者急取姑分與之變  
賣以備棺衾母謂汝嬭之薄無以與汝也惟託  
天祚我家汝多生男孫奉宗祧以續汝叔之後  
汝須念勤苦善事汝母要以不愧先人爲志毋  
忽我手書許氏細娘服事汝叔有年彼若守志  
與汝母同爨若不能同須體汝叔之意與屋三  
間撲租穀二千斤以給他一主一婢日食倘不

能守則租屋當歸我姪歲時祭祀務盡孝道可  
也父母之恩未報囑二女婢付託我兄收養代  
侍父母舊布衣付之囑欽教欽華書曰汝義父  
遺下坐落土名嶺後娘宮內撥租二千斤付汝  
二人每年寒食上墓牲一口菓三品饌六品酒  
餅清潔用銀一兩歲輪排辦先期告何家子孫  
至日行禮租田汝二人世守無失何氏子孫不  
得侵奪其曲處如此遂自縊他山卒以嘉靖甲  
寅年三月十四日吳氏則五月初四日也方剝

二酉園續集

卷十六

五

兩髯與余同殮斷疋纁爲二一結夫魄一留自  
結視死如歸行道之人哭焉郡邑諸生呈兩臺  
謂其成仁取義聞于 朝廷得旌如例爲謚議  
者參知王慎中字道思卽遵嚴公也晉江文人  
陳子曰余讀列女傳皇甫規妻何氏善屬文能  
草書不爲董卓所污陰瑜妻荀氏不爲父喪所  
逼而聰敏有才藝壯哉二氏之死猶有所迫耳  
乃吳氏無所迫而從容就義文辭馴雅處置周  
悉豈惟二氏不能斯亦忠臣所難者哉何比部

聲施後世矣

殷節婦傳

往余官京師戶部殷公以縣令召入此必爲諫官而公上書改留曹余心高之明年使淮交余甚歡也每道孀母事泫然而涕曰登瀛生數月而母寡時方痘指面而祝天也若出數點其生乎應手者四人以爲神又大節凜凜四十年如一日可俾其堙滅也屬余紀其事節婦姓貢氏係出貢待制之後宣城縣學生殷公鏊之妻

二酉園續集

卷十六

本

也鏊字濟之幼穎異習毛詩與其兄太學生有時名督學黎御史以國士遇之年二十二卒貢年財二十耳乃撫其孤女爲自立計無何女卒其母探其意剪髮誓志他日母迎歸有季氏諷以歲月長父者時方食碎其所食器大罵忍饑歸而季氏引避不敢見事姑盛氏備極孝敬居則同食寢則同榻每泣曰若得先姑死未亡人之幸也躬身紡織寒暑不廢嘉靖戊申六月四日疾不終日而卒將卒之夕自整其衣妯娌中

爭以新衣履與之張目擲去其姑笥中所自製者服之目遂瞑嗚呼我聞天道無定節婦禱子痘則應誓先姑亡則應是必有以感之者戶部公舉壬戌進士以行業名世言必歸母氏之教將聞于朝而表異之節婦聲施弘遠矣

野史氏曰余聞節婦兒時有舅氏光祿萬公以死事謚忠烈往撫其棺曰舅得死所矣不更二夫不事二君何異萬公哉如節婦所爲極難耳余因書之以愧天下後世爲人婦之懷二心者

二酉園續集

卷十六

七

李烈婦傳

余讀劉向烈婦傳其事多丈夫之槩而女誠七篇當時婦人能口之矣大都古者嚴于女教國風內則之遺尚在兩漢間至唐李翱傳高愍女則曰爲人父者願以爲子爲人夫者願以爲婦豈非以修潔處死在後世寥絕耶余聞李烈婦事書之俟續女史者采焉烈婦姓張氏山東青州府高苑人今大理寺副張希稷之女知縣李孝季子楊休之妻也烈婦生而明慧疑重寡言



笑精女紅嘗讀小學諸書省其大旨父母愛之  
且曰胡不亢宗兒耶年十八適李生蓋隆慶元  
年夏五月也執婦道惟謹日夜勸李生讀書舅  
姑愛之謂可作家範云後冬十一月李生偶病  
卒於念四日申刻烈婦痛哭幾絕旋入卧內呼  
其女衡檢嫁時衣為永訣狀遂自縊于衣架上  
卽是日戌刻也舅姑往視顏面如生哀過于其  
子里中往哭者數百人御史疏于 朝語多在  
疏中其略云張氏諧婚擇曰七月考厥殉夫接  
踵三時藁砧之肉未寒內子之目已瞑捐軀若  
棄視死如歸 主上聞而憐之下禮部議得旌  
其廬人稱烈婦而談李生孰謂李生夭耶  
陳子曰余與烈婦父為同舍郎聞烈婦事往問  
之其父悽悽不忍道出督學鄒先生書示余中  
言烈婦最關風教至比大家之出于班氏也余  
讀前疏知烈婦有父風鄒先生言不虛矣諺曰  
芝草無根醴泉無源豈其然與豈其然與

劉節婦傳

余聞一醮不改命之曰信此婦德之常耳共姜  
伯姬何寥寥也彼捐軀而死毀形而存又何烈  
也若撫子以大厥家尤稱託孤寄命矣竊感焉  
作劉節婦傳節婦姓方氏孝感里中人年十四  
適劉公廷相劉公幼喪明多病左右携持奉湯  
藥惟謹後劉卒方年二十四耳且泣且嘆曰天  
乎未亡人從茲逝矣其繼姑周氏曰我且老二  
孤煢煢卽爾死相與轉溝壑何俾爾夫哉遂蘇  
息乃伯生五歲伯燮三歲閉門紡績歲約布十  
疋奉舅姑以衣二子嘗曰吾旦暮忍死者何為  
也督二子授書良苦二子下帷毛氏詩一日誦  
栢舟篇廢書長號痛其有類于母氏者嘉靖乙  
卯同舉于鄉復顧二子曰安得爾父在今日乃  
爾等至今日不易也尚思樹立俾異日見父于  
地下知我不愛一死令二孤名卽死者尚亦有  
賴哉言已復大泣事姑如母姑愛之如女皎皎  
貞潔足不踰戶今五十八歲鄉人卜其遐壽云  
伯生登乙丑進士隆慶戊辰伯燮登進士上書



闕下表厥宅里二子文雅好脩有時名海內擬之二陸與余善

陳生曰閭巷中夫婦多白首也朝病死暮不齒孰與劉節婦哉矧二子又才樹勲明廷語云深山大澤貴主龍蛇乃觀之節婦尤信

二酉園續集卷十七

沔陽陳文燭玉叔著

墓誌

河南伊府左長史林先生墓誌銘

嘉靖庚戌不佞以童子從先按察公游京師得見林先生先生謁選天曹太宰李公試第一授知沔陽州事比歸應試先生奇之異日必名世者諸生中如王給事順陳祠部述齡丘戶部騰先生遇以國士而先生遺言生平之槩在沔銘我者其沔人乎是二三子之責也先生之子夢竹持族子奇石狀泣而請焉林蓋光州固始人晉永嘉間入閩子九人皆為州牧數傳而有五才公先生六世祖也大父尚明公父汝勛公有隱德世居泉州同安縣之翔風里先生穎敏不群年十五喪父且囑曰兒當亢宗若兄弟倚而成也先生含涕識焉弱冠補邑庠家四壁立帶經而漁樵也時先生有重名人多執經問奇字所得脯糒供母甘毳之養甲午舉于鄉從學者

日益婚娶之昆仲衣食之斗粟尺布不私也嗣  
守沔陽沔介江漢號澤國先生至沔會大旱禱  
雨輒應已復大水沒民田廬先生登城視之籲  
天號慟投牲于河水旋平除一切煩苛與民休  
息死徙無出鄉暇課諸生爲文品評興起科第  
多出其門云州故有衛軍民雜處衛使者蠶食  
之戍卒存者厘千而冒糧萬計屯種之畝盡爲  
使者業先生嚴稽之歲省一萬八千有奇使者  
難以侵漁至相與仇誣州民爲盜文致成獄十

二酉園續集

卷十七

二

八人皆比死先生憐而釋之賴以存話民間土  
著少而僑寓多湖田至不納稅又客丁免差先  
生籍其富者三百戶以補流移歲請倉粟賑饑  
當路不應先生便宜給發約來歲償之秋果熟  
民爭輸入督糧判有米耗入私囊先生偶無之  
吏請如前法先生革焉父老請勒石爲戒先生  
曰孰與令甲哉後來者自爲耳其約已愛人如  
此歷五載遷太平府同知會入計先生攝太守  
事兼攝邑篆治行如沔遷 伊王左長史 伊

王悍虐有異狀先生曰吾歸矣可曳裾王門耶  
歸則閉門讀書灌園自適絕不與貴游相徵逐  
每當初度輒思父母泣數行下不欲稱觴日以  
孝弟忠信訓其子姪廣延茂才異等與之師友  
所積俸餘分周族人娶者嫁之鰥者婚之幾至  
十人期無負乃公遺囑云性耽書史年老廢視  
猶命誦古文詞卧聽之壁間書三不言不做不  
盡不敢十二事以自警一日偶病其子孫藥不  
進先生曰吾願學范文正公顧力不逮耳孝廉

二酉園續集

卷十七

三

吾大節子孫力行之吾目瞑矣某甲子吾當歸  
其日果符生以某年月日卒以某年月日春秋  
八十一塋于長興里之原先生所擇也不佞少  
事先生比聞長老言先生廉平吏耳入閩知先  
生鄉行甚備有甘露降于庭有犬乳猫大司寇  
陳公道基異而記之所稱和氣致祥克昌厥後  
大先生之業者何可量哉配李氏側室王氏子  
一人夢竹王氏出娶李茂春女孫四人雋卿麗  
卿彬卿紹卿皆有美質先生在 穆皇帝朝進

朝列大夫 今皇帝朝進中順大夫故稱先生  
中順云銘曰中順之風翔而遠中順之後興而  
長何以卜之以生以藏

劉處士墓誌銘

劉處士蓋里中長者處士雅好詩屬余敘其詩  
又屬余銘其墓今沒八年矣其子完持費進士  
以明狀來請余處士視費子與余厚矧有平生  
之言乎按狀而次焉處士諱元綱字崇正年三  
十眇一目號一明子浙之金華人詳家譜中元

二酉園續集

卷十七

四

時有元八公者遷沔黃蓬山遂世家焉曾祖琢  
任國子監助教翰林院檢討祖深以進士尹  
陳留有直聲仲子文昌生處士一歲遂棄世而  
處士孤矣稍長進士公名曰元罡而處士性復  
剛介其兄學正公元慶恐其太剛則折也更爲  
綱常之綱處士年六七歲意氣翩翩自許獨以  
家貧棄舉子業好讀古書又好讀杜詩如子美  
七律一一能口誦在余耳云時往來黃蓬山中  
獎善嫉惡與物多忤處士作剛說亦自道之性

最孝友嘗著劉氏譜自成一家之乘家大人按

察公愛而序焉進士公有善政祀陳留處士持  
名宦錄上于郡太守壯而賢之請入鄉賢處士  
以爲大快有從元熙弱而貧處士置田與種  
子其二子有姊適王者與處士異母孀居而貧  
相去百餘里歲每走視之輒流涕終日又黃蓬  
俗多爭處士曉以道義多所敬畏村中語曰劉  
霹靂難當耳鄉人趙憲者易衣入官投金于袖  
遂還衣處士持金歸趙趙甚德之配趙氏有婦

二酉園續集

卷十七

五

德相與教子讀書終其身嗟處士一布衣耳乃  
能脩牒永祀有光于先不忝名家子卽古人義  
田卻金如達之所爲吾度處士真易事哉處士  
生弘治某年月日卒隆慶某年月日葬戊辰某  
月日墓在黃蓬松林山從檢討公塋處男三人  
完案憲完有美才貢于鄉所著漫興稿余業品  
之矣茲特志行銘焉銘曰敦爾朴世爾族藏爾  
玉蓬之麗

劉心川先生墓誌銘

安城劉先生沒其子鄂浮淮而請銘余悲慟良久乃中憲尹公一仁次其實且言與先生永訣時狀則有潛江劉子銘則有沔陽陳子尹公促其子行勿遠淮安而違末命也往先生講道漢陰最奇余何可辭按其狀而識之俾後世有知先生者先生諱賓朝字讓甫號心川宋淳祐間家吉之安福代爲著姓至父兆泰公家聲益振母黃孺人生先生爲仲子大父廷瑚公聞其啼聲以爲昌劉氏者此兒也稍長讀春秋頴記絕

三酉園續集

卷十七

六

人督學使者奇其文試列高等嘉靖丙戌聞餘姚新建王公守仁講良知之學往執業焉歸而潛心大業多所發憤已丑走會稽哭王公之喪復與海內名流大會于天貞書院而其學日益乃脩譜建祠和集族人族人多楚客者先生楚遊省之至彭蠡幾覆舟先生正襟賦詩比于唐介舟人恃以無恐潛江有謝宅者師聘先生從遊偏南國過沔與家大人按察公論學作其復初書屋記問荅無虛日遂罷舉子業不爲而督

學王公宗沐移傲高先生行終其身不除先生名風勵學官弟子先生侍文莊鄒公守益久探奇覽勝時有所得往來于復古復真之間又與司馬聶公豹宮諭羅公洪先上自洙泗下逮關洛中間辨論有裨于道詳在存稿中諸名公皆呼爲益友而文莊公則許其崇真濯偽脫舊而信新吾道南矣爲詩壽先生且云驥子肄弓裘萊婦甘榆粥父子夫婦之間有良遇矣先生篤信好學假令授之以政功業當無量竟老死巖

三酉園續集

卷十七

七

穴中不獲一試然善事伯兄御異母弟四人孝友無間倡鄉約建義倉貯穀千石收放以時歲凶無死徙里人德之語云不能行于天下猶可驗之一鄉先生有馬先生生以某年卒以某年月日葬以某年月日壽七十四配王孺人子二長御仲鄂廩膳生孫某曾孫某仁人之後其必昌乎余聞先生病革勉子以問學神爽而逝語尹公曰今而後庶無愧于朋友矣卽燭後死者安知異日不愧于先生哉重有感而銘之銘曰

其貌也質其心也逸全而歸之天壤乃畢吁嗟先生藏此室

程蕃府知府旗峰林公墓誌銘

旗峰太守林公百四齡考終命海內奇之以爲人瑞是太和之徵也恨當事者不聞于朝而不穀同公孫學憲君舉進士交最厚入閩會公子少司徒公年八十請曰先君將塋而未銘也敢狀而屬之吾子乎狀稱公諱春澤字德敷家候官縣北嶼而嶼當旗山正麓別號旗峰林自五

三酉園續集

卷十七

八

代周有文尉爲奉節令以廉著義不仕宋高居干閩再傳而至士衡爲宋經略使宋元以來代有聞人國朝多以明經顯者戶部公某有隱德誕公得異夢謂可大林氏云幼而穎敏諸父舉扇命對曰畫扇輕搖山水動應聲曰新詩題罷鬼神驚其奇如此弱冠以禮經名督學杭公試輒首選謂林子天下士云正德庚午舉于鄉甲戌登進士乙亥奔戶部公喪哀毀骨立起除戶部主事是年 毅皇帝南巡公奉命監臨清關

提督江彬扈從擅威福軍校邏索卒無所得而

寬征疏滯行旅德之呼爲林佛云督理京通昌

平諸倉清積貯之耗爲正儲出席版之美爲公

費與總督內臣相持具疏幾爲中傷而朝論多

公正直云三載好績陞員外郎贈戶部公如其

官贈母陳孺人封繼母楊孺人是年黃河淤阻

公奉命趨運如期至京師戶部尚書孫公九峰

侍郎秦公鳳山思薦爲吏部郎會丁繼母憂不

果再起爲戶部郎因司藏失盜謫江西寧州同

三酉園續集

卷十七

九

知量移吉安判至則問民疾苦與諸生講學論文絕無遷客態侈貳肇慶視高州府事海寇攻城守者以擢兵備禦民病之而公加意土著城堞樓觀悉爲增置築敵臺二十四座添外城二十四丈立兵寨十餘柵詰捕賊黨多所擒獲去高之日百姓遮道泣馬祠而祀之扁其亭曰懸留遺績轉南京刑部郎擢程菴府知府程菴在貴陽雜夷中公首正男女冠服選耆德爲童子師分布各寨令夷人向學習禮郡東溪河來往

病涉公創石橋民便之改新學宮開專經閣引諸生談古今書史與昭代典章有遠方未聞者而士用丕變漸以經術顯至今有科目咸謂林公之力云又卧龍金石二司及通州寨屢年失地督撫檄公與安宣慰勸平方會薦功而大計論調公浩然歸矣歸來與親知徜徉于錦溪草堂而好堪輿之術暇則歌詠自適與里中鄭善夫少相友其詩雅相類卽司徒公與學憲君之詩得諸庭訓云至處祭田修譜牒創神祠忌日

三苗園續集

卷十七

十一

縞素垂白哀慕撫愛諸弟婚娶焉種種多仁義事歲己卯公年百歲中丞龐公御史商公建人瑞坊司徒公學憲君俱在告曾玄滿堂上卮酒稱觴諸縉紳造門祝無疆而公百拜終日不倦後百四歲以恩詔進大中大夫中丞趙公御史龔公復建六朝大老坊公拜謝如初強飯便登涉如少壯有濟勝之具者一日偶嘆曰吾幸際六朝用雖未究而涵濡熙澤在百年之外死可矣端居而逝顙頸不垂公生成化庚子十月十

四卒萬曆癸未四月十五日年一百四歲塋錦溪山之陽娶陳氏封安人男三長應亮戶部侍郎娶鄭氏封淑人次應憲應起俱庠生孫九長如楚廣東提學副使次如粵如虔等曾孫五昌世等玄孫二廷極等所著禮記筌蹄十四卷人瑞詩集十二卷家訓十六篇陳生曰古天子巡狩問百年者就見之而莊生以爲大齊卽期順又多山澤耳有如公紆青拖紫子孫振振大哉余聞公與整庵庵羅太宰涇野呂宗伯極論爲仁之旨而愛人喜施可謂仁者壽矣宜銘以傳來世銘曰旗岳之神降爲傑錦溪之陽崔且萃伊誰不朽人與骨林氏之藏千萬世

三苗園續集

卷十七

十一

山東左叅政南紀蕭公墓誌銘

班孟堅傳循吏言儒者通世務明習文法以經術潤飾吏事生有榮號沒見奉祀廩廩德讓庶幾君子之風者蓋庶平吏云吾友蕭君其人也君諱通字文明別號南紀有兄曰近曰迎貢爲博士齊名以狀寓書曰吾子與弟同舉嘉靖乙

丑進士繼官漕儲身後而結兒女姻非吾子誰銘也槩觀平生古稱循良吏平而功用未起今人掩涕志焉按蕭蓋湖廣人世居江夏有布衣銘者勇力絕人從高皇帝破陳友諒功授百戶尋隸沔衛世為沔陽人銘生斌斌生鉦鉦生訥訥生轅世有隱德而轅生霞文明之父也贈奉議大夫刑部郎中公恂恂長者世武弁而獨好文前配張宜人生子一繼配湯宜人生子五其曰生文明得異夢雙目炯炯有神識者奇之

三園續集

卷十七

七

每讀書一目數行下年十六補郡校弟子日夜發憤不佞與兩兄結文會交甚驩一日見其文若傾河湧泉目兩兄曰似勝爾耶兩兄不肯下乃曰吾子于弟談何容易鼓掌者久之歲辛酉年二十舉于鄉歸娶李鎮撫女文明少俊得志而婚里中人榮之歲乙丑年二十三試南宮大宗伯汪公鏜奇為高等廷試後一日聞宜人之訃文明出都南向而泣十八日走三十里以歸若不知傳臚消息者奉議公方抱恙文明哀毀

兼侍湯藥五月而奉議公逝矣卜佳城以塋竭力送終不累諸兄弟而諸兄弟得肆其力于文章文明真孝友人也歲戊辰起復補刑部主事文明加意官箴國朝律例習而通之大司寇有疑獄必問蕭郎能酌情法而用之轉廣東司郎中舊例本司持錦衣獄有都督陸炳者肅皇帝寵臣也死已久會言者謂炳竊公家權以肥私室穆皇帝籍其家文明據法無所撓閉門七日而招成法司上之先時其子夜持千金入

三園續集

卷十七

七

文明宅文明曰爾獲罪朝廷輕重法耳金何為哉執其人與金送之法司一時同事者吐舌曰蕭郎却暮夜金即古人何讓焉譽滿嚴廊而文明素清苦飯脫粟衣布袍而已歲辛未三載考績得贈奉議公兩母太宜人封妻李宜人明年當恤刑而浙江大省多疑獄當事者謂文明可往文明周旋十一郡平活者三百人大冢宰楊公博見其疏草奇為大用才歲甲戌陞廣東廣州府知府廣州饒貨財在會城下官事鞅掌文



明迎刃解之有餘清苦如耶時毫髮無取十六  
州縣吏望風屏跡去之日士民遮道泣馬大司  
馬凌公雲翼鎮兩廣奇為異等歲丁丑擢江西  
按察司副使兵備九江九江俗健訟舟車孔道  
文明靜以治之一路便焉歲庚辰擢江西叅政  
明年改山東左叅政奉勅專管漕務理刑新革  
無攝其事文奏盈前應無倦色凌公又督漕淮  
上得文明如增一右臂尋開新河告成之日  
今皇帝賜白金陞俸一級蓋異數云無何文明

王蘭園續集

卷十七

古

抱病終于淮距生辛丑年某月日卒壬午年某  
月某日春秋四十二墓在沔燕子窩其塋不從  
奉議公者非公兄弟意也配李氏封宜人生子  
一名景昌曾聘余亡女李京鳴乎奉議公貧而  
教子子俱起家經術文明用高第令兩尊人被  
國寵命身食其報矣獨限文明長身玉立與人  
磊磊落落如青天白日性喜奕喜飲每與諸兄  
弟及朋儕飲無不露醉人人以為親已所至平  
易近民得而尸祝無論江淮即廣州之政列于

黃次公襲少卿諸人無愧色者奈何不上壽哉  
竊謂文明庶平吏可銘也銘曰武胄洪伐維沔  
之陽魏科顯仕維家之祥寵命再錫爾先爾光  
遺經有託爾後爾昌草木臚臚江漢洋洋名窩  
燕子高岡鳳翔勒爾貞石同心孔傷表爾幽宅  
萬禩斯藏

刑部貴州司郎中王公墓誌銘

王公諱鑒字用之更字昂文別號夢竹晚號芝  
石蓋候官世族云先因黃巢徙自河南光州固  
始縣數傳而大父鑛者號友竹以禮經領天順  
已卯鄉試司天長應天教賢而卒于官父謨有  
隱德年三十九而卒卒三月而公生其兄鑾鑒  
在襁褓中而公稱李子正德已卯以春秋領鄉  
薦第五嘉靖癸未授沔陽州學正戊子徵入京  
師其冬補鳳陽府壽州知州三載考績得封父  
母癸巳秋陞前軍都督府經歷未任轉刑部雲  
南司員外郎逾年陞貴州司郎中丙申奉命恤  
刑四川抱病請代朝命甫下而逝是年十月十

王蘭園續集

卷十七

五



七日也公生弘治壬子五月二十八日年四十有五娶張氏封宜人子中立中式娶某氏孫某某庚子十二月二十一日塋城北杜塢祖山之側往汙科第間歲一舉公以教化自任講經談藝多所評品有黎文僖公碑久仆于地起而新之開興詩立禮成樂三齋以遵聖訓定祭器修學志士有甄陶而科第始盛兩臺交薦擢守壽州壽淮南大郡而公才力尤敏通於世務明習文法以經術潤飾吏事葺倉庫以慎出納開陂塘以通水利州例買田率稅三分名曰紙價公申議特免以一質紙以一糴賑中丞唐公龍劉公節嘉嘆令江以北咸如壽州法又兩稅徵收多方官利羨餘里胥利那移公均哀折價去煩蠲苛民甚便焉暇則興學造士崇獎節孝去壽之日百姓遮道泣送詳在侍御胡公善碑中公孝友廉介本於天植未生而父沒長而母兄淪喪居常嗚咽不自勝第鏗少孤撫而教之沉酣六籍搜羅百氏自弱冠為諸士已有文名每一

王南園續集

卷十七

七

落筆往往摹擬莊騷及漢唐諸名家雄深冲雅者多似古人芳潤高言妙句流布江漢有芝石稿藏于家字畫遒勁得公家墨池之遺而學者寶之且謂以人重云關中許公宗魯為楚學使報書云始鍾半刺傳書知子之名矣岳陽群試識子之面矣鄖國再試崇子之文矣汙陽從容熟子之人矣鄂城考論亮子之心且定交矣浹歲以來左右先後翊僕之業寡僕之過多吾子功其雅重若此而公有詩懷許如美人辭官子午谷蹇余亦還丁戌山馮君試揭雙雲錦臨風披靚淚潏潏先按察公喜誦焉又與吾郡太史童公承叙友善遺言乞童公銘其弟進士鏗狀之而未果銘先按察公有志而未逮也非小子銘而誰銘銘曰吞雲夢兮其教久翔八公兮其政壽寧幽藏兮深且厚縱百世兮山與斗

王南園續集

卷十七

七

二酉園續集卷十八

沔陽陳文燭

墓誌

明故慈母馮太孺人墓誌銘

萬曆庚辰史公守沔持狀泣曰自上非慈母無以有今日視敵母生母恩過之先生銘其幽不佞聞而感焉越癸未不佞如京師公子職方君泣曰元熙非慈母無以有今日視吾母祖母恩過之先生終其諾不佞感而痛焉逡巡無文將

二酉園續集

卷十八

一

謂刺史公考最又有職方君或陳情闕下移茲母封以爲世勸竟阻于例刺史公惻惻職方君書來促銘夫悲後仕而嘆報劉短也曾參令伯之孝史氏父子有焉按狀而次之史爲餘姚世家惠州公諱立模字貴宏舉正德辛巳進士爲給事中娶馮孺人于京師蓋望族云孺人性謙敏事惠州公與蘇恭人甚善惠州公以言事謫通州孺人向蘇恭人云妾未有子可再娶之惠州公娶維揚李孺人惠州公判姑蘇携之偕往

二酉園續集

卷十八

二

刺史自李出多孺人之力云往李生子而殤足忽痿廢惠州公久不御一日將之旁郡孺人曰還期何日公曰二旬孺人曰李月經甫潔請召之惠州公搔手曰彼已廢吾且置解衣卧矣孺人抱李置卧中惟恐不當惠州公之意者已娠而生刺史孺人以口齧臍保護殷勤宛如已出未幾惠州公卒蘇恭人又卒孺人泣曰天乎兒甫八齡史氏不絕如綫我任其責日久憂惕惟恐不延惠州公之脉者時宗人睥睨物產攘臂而魚肉之孺人爭甚力退戒曰汝執弟子禮當恭又擇比部郎邵公女比部公助之侮者自息延師教刺史甚篤呼燈辟蠹提撕其側刺史舉嘉靖甲子鄉試孺人喜甚丁卯當試南宮孺人病刺史不欲行孺人促之行惟恐不大惠州公之業者明年正月三日聞訃奔喪戴星而歸哀毀骨立終三年喪孺人生以其年月日卒以其年月日墓在箕山之陰刺史有五男子元忞元熙卽職方君元勲元杰元燾俱才穎負聲詳在

惠州公誌中不備書陳生曰禮言擇諸母與可者溫良恭慎止耳孺人遜夕立孤而大其後非內則所未言者耶昔昭公少喪母有慈母良死而議禮練冠以居子游喪慈母如母門人疑而質諸仲尼大都魯國之厚也刺史之服孺人也其行古之道與不佞重有感而銘焉銘曰嗟惠州兮百世紀永誰一絲兮擊乎九鼎名彤管兮鴻濛沈茫

勅封歐陽母劉孺人墓誌銘

三酉園續集

卷十八

三

劉孺人者憲副歐陽惟承之配也惟承舉隆慶戊辰進士官雲南按察司副使女自孺人出者甲申春適余子圭孺人沒二年矣久歸窀穸惟承報書曰亡人笄黛流耳敢借名筆張君內戚狀頗悉何言不佞與歐陽世世卽長逝者冥報哉張君者兵部司務夔也覽之沾襟焉孺人女修內事奉舅姑勤慎惟承曾參閩藩閩人向余誦廉名不休耳目所覩記張君言豈虛乎哉按狀而次之孺人姓劉潛江大族而歐陽氏來自

吉州始徵仕公之父徵仕公與劉翁善孺人方少和柔婉淑劉翁自有令匹乎一日過徵仕公見惟承秀而文可大歐氏者自言有弱女願爲箕帚婦而徵仕公與劉雅故習聞其女也諾而納禽焉比婦歐陽氏年十六耳其姑早世繼者齟齬萬狀孺人憇憇自訟事之愈謹得其驩心無論輦絲辟纁夜燈熒熒凡釀酤供漿品茶和羹炙魚膾鯉約水燥薪之類身親爲之而昆仲似姊甚衆也一味之甘割而分之曲當其意性

三酉園續集

卷十八

四

最儉約攻苦茹澹澣衣布素不慕纖靡能自生粟帛以佐膏楮而惟承得盡心時制以取科第又藏獲食指甚衆也孺人治之嚴而有恩惟承思遺姻黨贊而厚之朝夕相對宛如賓客甫二十四無子取姊子子之如已出又諷惟承納側室楊氏畜以女弟子子一女二孺人子之如已子及惟承尹義烏義烏號巨邑惟承鳴琴而義烏治孺人助其清白布蔬如諸生惟承入覲義烏有大司寇吳公百朋憐惟承廉恐無以給米

肉爲餉送之孺人戒勿納吳公嘆曰有婦如此何患不做好官耶嘆服良久天子以惟承治行冠兩浙拜刑科給事中晉吏部右戶科左孺人嚴私邸局鑰惟承審糾駁所上封事最識大體朝論韙之惟承奉使江右市權異已者陰擠之出參閩藩孺人曰吾舅姑願榮顯者掃祖塋今遂矣它何計焉自閩陞雲南孺人誓操履如義烏每詢惟承平反幾何聞釋冤狀顧大喜惟承持正與直指使者左使者中之南臺有浮

圭園續集

卷十八

五

議罷官孺人曰君耻事權佞歸畢婚嫁足矣卽日就道三司餞莫及參議顧公養謙高其誼追授松下老人歌滇中至今誦焉孺人生以其年月日卒以其年月日年四十六子二長某國子生娶某氏次某楊出聘某氏女三長適陳汝圭已出仲聘某氏季尚未聘俱楊出葬以其年月日墓在城東南班家灣穆家嶺夫孺人賢淑不妬遂惟承委蛇稱螽斯矣義佐爲廉吏人亦有言患無德義不患不富前史著爲聞婦孺人有

烏獨憶議聘時孺人以潛去汚遠惟承謂陳子素交無難色今恨孺人未親結褵也感而銘曰銘曰青霄凌兮而夫名高原嵬兮而後昌江漢而藏兮水德靈長

勅封孺人龔母謝氏墓誌銘

義烏龔公同余官江西行中書省往公爲侍御巡閩中不佞爲閩觀察使先後未面而風節赫然與扶桑爭雄及讀從祀王文成疏上允之輒嘆曰熙朝統一聖真而大儒論定矣公真名

圭園續集

卷十八

六

御史哉嗣公以謝孺人狀泣而請銘公行誼至高盖有內助云按狀而書之孺人名鄭字重君謝在義烏盤溪爲名族其先有清惠公大父居易公某父處士某家素饒而其母鄭氏出浦江義門孺人生而凝靜機穎不類凡育居易公撫頂曰兒貴徵種種將落誰家時居易公與某有連一見侍御公在髫年輒曰此才子也以孺人許焉後七年有富族謀結好者居易公拒之竟諦初盟孺人歸侍御年財十六耳躬組織操井

白茹茶拮据以承大行公及太孺人之歡太孺人喜曰有婦如此昌而家平侍御公爲諸生就學于外孺人語曰我大父擇君君苦學以荅之家事箕帚婦任焉君勿慮也寒燈孤枕備歷艱辛者十有三年隆慶庚午侍御公舉于鄉萬曆甲戌成進士選行人奉王命歸省孺人語曰君幸第爲京朝官當一心以報主恩見女事當任之君何慮焉侍御公馳驅道周家鮮藏獲孺人之操持寒孤猶舊也歲嫁長女及婚兩郎凡

詩園集

卷十八

十一

練裳布被之遺委禽納幣之儀經營如禮一毫不以聞侍御公公曰古有然嫁畢斷令家事無相聞者乃婚嫁亦不知耶而畢向子平之願德孺人者深矣先侍御公居無厨往往露而炊孺人藉新媳資罄所積廣而爲舍後天子覃恩孺人被封翟冠帔服從太孺人望闕稱謝告于宗廟觀者咸曰庶不負疇昔勞苦乎居易公得侍御公以爲快婿却鑒侯高之智何讓古人哉孺人感而泣恨居易公長逝不一見也後侍御

公按閩按南畿輔不能携孺人行及轉江西叅議孺人喜曰吾侍太孺人自此宦游獲一日其養之養乎侍御公方戒行而孺人素有腹結疾作輟無常一發不可起矣往孺人抱疾時惓惓室中事執侍御公手曰與其亡而後進孰若存而早圖吾有所托豈遽相忘是猶糟糠在也居久自京得王媵以歸命之曰承荆孺人志也相得驩甚先孺人卒而孺人哭之痛又孺人卒之日辰起病喉梗咽尋亦解及暮語侍御公曰吾

西園集

卷十八

八

見居易公于地下無憾矣所憾者不能終事太孺人耳幼兒女幸善視之時太孺人與諸姑兒婦相抱而逝歷觀生平事舅姑與夫敬而能養恭而有容起家以勤課子以嚴有丈夫之槩焉侍御公學則負笈仕則攬轡家食之日少也乃得與孺人訣天作之合憐其永別理固爾耶孺人生嘉靖癸卯四月十七日卒萬曆丙戌正月二十八日年僅四十有三子男三長士聰國子生娶赤岸馮氏次士驥邑庠生娶金華黃氏幼士

驥聘大玄吳氏今任南京左府都事吳君大紳  
之女女二長麟適國子生諸暨周維誠爲戊辰  
進士周君繼夏長子幼襲許吳某爲刑部尚書  
吳公百朋長孫鄉魁大纘子也孫男一陽秋爲  
士驥長子塋東阮子龍山下陳子曰侍御公每  
談孺人糟糠也語曰糟糠之妻不下堂今狀容  
容苦也猶視之生乎孫楚傷往潘岳悼亡不啻  
過之覽之悽然增伉儷之重奈何使余銘而無  
能發潛德也銘曰龍章被兮九淵其藏龍種育

三酉園續集

卷十八

九

今百世其昌踽踽蜚蜚峙彼高岡

二酉園續集卷十九

沔陽陳文燭玉叔著

墓表

陝西左布政使白野朱公墓表

左使朱公歸自關中未幾棄世墓在漁子浦余  
友憲使茅子坤表焉編修曾子朝節銘焉其子  
公弋在諸生中世其家學屬余碑焉余謂碑者  
備也憲使乃公部下士編修又公門下士其言  
備矣憶嘉靖戊子竹山先生與先按察公同舉

三酉園續集

卷十九

一

于鄉公起而繼之先公以猶子畜之不佞兄弟  
交驩也于是作左使公墓表公諱炳如字釋文  
又字仲南衡州衛人別號白野往朱先生生公  
有異夢長得異書授公過目成誦先生奇之戒  
勿過苦而公淹庠序者十餘年蔡公汝楠胡公  
安浙之才子也先後守衡見公大奇之赫赫有  
名三楚間太守及郡貳縣尹以上客禮之嘗令  
典石鼓書院信從者衆與諸上官交趾爲干請  
同姓爭產者以八十金爲壽公卻之有少府視

桂陽州事助以百金公又卻之人言世有清白吏自做秀才始耶乙卯舉于鄉已未成進士爲行人奉使藩封餽遺無所受選御史巡鹽兩淮國家南困倭北困虜水衡錢日不可支公括淮南諸郡贖鍰三萬金牒漕司轉邊餉爲縣官增強富之策其出境上出止圖書數卷衣服一簍耳士民遮道送焉及巡廣西典文衡號稱得人文武中有侵漁吏時論奏之又論新鄭高公罷相海內稱公爲名御史高公再起出守泉州泉閩海大郡公單騎入境設榻于郡之後堂與倉頭卧起蕭然如僧暇則開閣與諸生講道論文泉有故河父塞公躬操畚鍤濬之河通而鄉舉者五十八人首解額者二人咸稱靈應與百姓如家人父子視民隱痼瘵乃身遇縉紳有禮比于真公德秀王公十朋云後轉兩浙運使砥礪名號處脂不潤在涅不淄其商與龜按堵附公如挾纊入覲以治行第一 穆皇帝特賜廷宴蓋異數云分守湖州轉按察使便宜行事守法

不阿兩浙之人德公如泉州也後轉河南右使晉陝西左使節縮邊費設處諸王祿米廉介不取三秦之人德公又如湖州也夫公博學多聞伉直無他腸借公督撫真如長城乃江陵目以老學究竟以老罷公嘆曰樂則行之憂則違之衡山營菟裘吾將老焉會中子卒公哭之痛四月亦卒聞公疾革時繼母太夫人往省公曰我當見吾母強入不能下輿作仗謁狀公事之如母至垂老不衰友愛天植與其弟躍如蔚如比于三珠樹云一日端坐曰吾辭逆旅與吾母後十日吾夫人當從游已而如期又卒咸稱神應豈公窺造化于死生之際哉公大父與竹山先生得贈通奉大夫大母蔣母及繼母王與妻劉氏得贈太夫人及封夫人享年六十九世系生卒詳表誌中陳子曰衡山蓋有朱陵堂太虛洞云高四千餘丈周旋數百里所藏金簡玉書古來開太平之業者左使公鍾山靈乎三朝來塵厯見耳乃未究其用何哉楚人附江陵者取九



列如拾芥諭諭訛訛禍不旋踵公完名矣何負  
衡山哉余有藏山草堂在衡之陽異時過公墓  
拜焉

成都府知府邵公墓表

南豐文人邵養心墓有官草矣其子國翹國翰  
請余言表之憶世宗肅皇帝乙丑余同公舉  
進士觀吏部政余少以文章自喜歸尚寶有光  
與余合而公亦莫逾執余手曰江以西文數也  
歐陽永叔曾子固王介甫近若何極丘喬制羅

三酉園續集

卷十九

四

圭峰玘諸人者何其奇也余謂文忠文公號宋  
大家國家兩文肅配焉余文獨喜司馬子長今  
觀江以西諸家派自龍門公言尤信云每窺其  
意上下千古直究壺奧至論詩與余異大都雄  
于文筆云後余官大理公歸省執余手曰大丈夫  
不為宰相當為諫官柰不遇何親民若守渤  
海潁川之業可願焉選工部虞衡司主事穆  
宗莊皇帝修陵祀輿騎倅至橋梁不可度公令  
徒扛代之他若易鉛彈改皮甲歲省水衡錢十

餘萬大司空雷公禮薦之改兵科給事中余執  
公手曰出入禁闥補過拾遺塗歸批勅胡可少  
夕郎風耶公剛正負氣封事數十上用入理財  
皆國大計上嘉納焉會災祲上責有司不職令  
廠衛察之公抗疏言朝廷耳目在臺省彼緹綺  
貂繡柰何使之陰竊人主之權而成羅織耶汪  
直之事可監也尚寶鄭司丞坐諫是廷杖公再  
疏言履淳有父風其心忠于陛下而已請釋勿  
罪天下知公之慙也出知建寧府余守淮安報

三酉園續集

卷十九

五

書云非向所稱親民可樹循良者哉共努力為  
之建寧俗靡多淫祠公改正學書院祀考亭疊  
山諸先生置學田里社義倉自記以垂永久崇  
有大猗郡國吏莫敢問公繩以法猾素結權力  
蜚語入京師遂調肇慶起復補成都論者竟以  
建寧罷余不知肇慶若何及南入建寧西入成  
都父老為余言邵守治行緣飾儒術獨媒孽者  
可恨耳公歸年餘抱憤卒公博學好讀書天性  
至孝遭存耕公太安人喪哀毀骨立乞養疏三



上俱不報居常手不釋卷余子璧圭與二子同學每詢余文藝孜孜如不及曾子言以能問于不能以多問于寡有若無實若虛昔者吾友從事于斯矣余于養心亦云所著文稿外有典志考義亦孔門尊周之遺與公諱廉別號圭齋生平若此俾錢子碑過者式焉若家世生卒詳王學士弘誨誌中

### 方山人景武墓表

嘉靖戊辰余官大理方子及李元甫李本寧結二酉園續集 卷十九 六一  
都亭社子及有諸孫號浮麓山人貌短而才敏座上兩驚之李子麟徐子與又補官京師五六人相聚驩甚爲長夜飲子及詩學于麟山人詩學子與閩有二方足大篆石之學如周禮在魯也萬曆甲申余官閩中山人從大將軍戚公繼光父大將軍塞上山人亦塞上大將軍海上山人亦海上大將軍歸齊余移書促之歸閩書未報而山人逝矣余聞而悲焉明年巡平海諸衛過莆陽黃金之者山人友也口其生平請余表

山人墓碣余唯唯而篆石先生亦言山人遇余自郭有道之後屢見耳白骨可肉而遺魂不泯敢謂余言足當之哉山人諱元淇景武其字也其父兆之諱正梁爲趙王右長史宋忠惠公大琮之後也長史公幼喪父事母林氏以孝聞舉嘉靖辛卯鄉試由釣州學正擢國子博士其長史趙國趙王賢之詳郡乘中景武其仲子也與兄元浩有詩名慨然以建安七子自許與謝茂秦鄭中伯顧季狂齊名趙王引爲上客景武長僅三尺幼有痿疾幾死其兄禱而愈長史公卒哀毀踰禮病不自支遂輟舉子業不爲莆中多以舉子業顯者憐景武才而勸其仍習舉子業景武嘆曰士固有志柰何相迫乎一意攻古文辭諷詠盛唐諸名家詩而章程之一時才穎之士恨見景武晚也倭寇入閩莆城失守景武陷城中幾死司馬汪伯玉兵備閩中尋晉御史大夫季狂來吳下稱說景武不休誦其詩清宛有致伯玉擊節賞焉薦于大將軍辟爲記室大將

軍雅愛之朝夕者數年後北虜犯邊廟議召大將軍備北邊執景武手曰匈奴未滅無以家為吾令其不敢南面牧馬足下北乎異日燕然銘可續也景武嘆曰士為知己者用女為悅已者容安敢忘大將軍之知一日不容于幕府耶遂與俱北客薊門者十餘年偶入京師黎惟敬在中書王元美在廷中敬美在儀司二李又故交在翰林雅重山人為文酒之會咸寓書大將軍謂谷子雲筆札阮元瑜書檄今見方生矣大將

西園續集

卷十九

八一

軍益重之供具飲食自分其半時母年八十大將軍三遣材官迎之塞下為五年驩萬曆癸未大將軍以人言移廣東執景武手曰余在兵革三十餘年精神竭矣茲行多期月矣足下東乎異日遵潮陽可歸也景武嘆曰大將軍以國士遇我我當以國士報之况老母亦言大將軍可依勿以我老無行意也遂與俱東屬元浩之子茂椿奉母以歸未幾大將軍罷歸候代景武忽大病大將軍執其手曰足下脫有不諱遠在萬

里如骨肉何景武瞪目而視曰公非我骨肉耶遂瞑大將軍痛哭之比于昆弟出其帑治喪甚備遣材官護歸大將軍始得代去人言景武於大將軍足稱死友云景武妻林氏先卒其子三人各某某側室韓氏出其長者財九齡耳景武生以某年月日時卒以某年月日時葬某處享年五十餘具家乘中余因述其大都俾鑒于石不致露零草莽也已外史氏曰國家注意戚將軍等霍衛閩人人尸祝矣彼忘身報國乃山人

西園續集

卷十九

九一

忘家報將軍感恩哉皆古烈丈夫也余過山人家老母尚在韓姬少年操節撫孤苗裔將大景武之風遠矣

明故陰陽學典術西河童公墓表

西河童公以耆考終子壻陳子守淮明年遷蜀過家為文哭焉子于達請曰吾父恨未與吾子永訣願得一言而慰九京也陳子諾由蜀而淮而閩而西江了無住足宅先大夫憂時為之會于達卒感而閤筆十五年矣乃得輟其大者樹

之石按童之先湖廣德安府隨州人元末有必  
才者徙居于沔生四子志惠慤愈愈爲四川布  
政司照磨慤生瀛瀛生鈞封戶部主事錦爲宿  
遷縣訓導鈞子旭弘治己未進士交州府知府  
旭子承敘正德辛未進士左春坊左庶子海內  
稱內方先生錦孫承襲嘉靖庚子鄉貢士承契  
丙辰進士兵部武庫司主事愈生清清生鑑鑑  
生春卽公父也公諱承祥字士徵別號西河生  
而穎敏與兄承祐齊名兄以貢爲崇德縣學諭

二酉園續集

卷十九

十一

而公一意力田以奉尊人往尊人北莊翁歲時  
作苦不遇荒年廩能餬口公長頭巨鼻玉立七  
尺美髯及臍望之如神仙中人好奇偉倣儻之  
畫策得古利匕首而袖之四顧旁若無人其所  
交游盡與其賢豪長者相結庶幾乎古節俠之  
流也家事巨細以身任之俾兄盡心本業善治  
田產野無輿草倉有餘粟家亦不訾比于素封  
視鴟夷子皮之陶十九年而三鉉千金不啻過  
之里中推擇爲陰陽官當路者推翰林公愛愛

馬九河泊二十一所官缺公卽署二十一所事  
有不聞于州而聞于公者片言決之人人得所  
欲而去家益饒裕黃蓬湖有大俠張君鳳者其  
人豪富而頗睚眦爲人告發會公攝黃蓬所奉  
上官命訊鞫論報一見投合張君奉牛酒爲壽  
兩人深相結約爲婚姻其事力解交情垂白不  
衰云翰林公妻沈孺人卒公走京師往護其喪  
舟過池州江夏韓公楷爲太守與翰林公結好  
出稍遲公鼓柁而去韓公追奠于數十里外海

二酉園續集

卷十九

十一

寧沈公友儒刑部郎諱州同知好遊喜飲俾過  
公精舍命公治具有意督過之公佯狂叱咤遂  
以所飲銀酒鎗投于河沈公改容謝焉嘉興朱  
公賢爲州學正與公爲遊宴之歡彼此相過輒  
著碁浮以大白酒酣耳熱而歌烏鳥露零星稀  
未歇也舉鄉飲大賓公一赴卽不往先大夫修  
高年會公爲祭酒公時釀酒召客奕能者使之  
酌不能者不強灌之竟酒而睡無一亂語謝絕  
戶外事者三十年往七十時不佞爲文壽公方

壽八十先數月卒昔公北省翰林公翰林公最重之賦西河篇贈焉中云兄兮本是元宗者重義敦倫流俗寡君行何以慰別懷努力清修愛門閭幾至百言一時如高陵呂公柟咸陽王公用賓江陰張公衮貴溪江公汝璧茶陵張公治蒲圻廖公道南皆館閣大儒比公于靈運惠連如謝家兄弟云有詩表藏于家不佞乙丑選大理寺左評事公寓書曰吾子幸登第庶隅者筮仕之基也拔葵去織懸魚留犢酌食泉北鹿甌

三酉園續集

卷十九

十一

達側室陳氏出少有文冬不壽死女一卽以不佞累屢封夫人側室童氏出孫二人行先弘先俱諸生少俊世其家學行先娶余兄光祿公女曾孫四人兩家奕世通好云公生弘治乙卯八月十一日辰時卒萬曆癸酉九月二十七日未時年七十九孺人生弘治丁巳十一月二十六日卒萬曆癸酉六月十五日申時年七十七塋浮圖院陳子曰漢人重梁鴻清高死塋要離墓今烈士相近童公夫婦有遺風焉惟漢濱老父墓可近耳今安在哉讀公前書與立天子父天下戒逸遊之旨同矣大書墓石俾過者式焉

三酉園續集

卷十九

十一

勅封太安人節婦林母墓表

往崇陽胡子定爲閩中學使表林先生母太安人貞節御史中丞劉公堯誨思具疏以聞會遷去不果胡子與不佞俱先生視學所優士而中丞楚人習知先生母教云又十年不佞掌閩憲官行省使先生執手泣曰不穀稍稍樹立先太安人之訓顧先太安人有奇節國家今典封者

不得旌往官儀曹郎曾太廟覃恩得封勅有秉節自立率禮終始之褒大哉王言知吾母者墓石尚虛幸吾子一言俾九原不朽乎不佞敬諾會移官江右先生寓書促之不佞覽其遺行嘆曰賢哉太安人宜有子如先生也按陳氏居丁戊山之僊路俗呼皮坊陳里門高其行不稱太安人而稱林節婦蓋重之也父竹泉翁爲諸生有學行母鄭早歿繼母蔡性嚴節婦安之年甫七歲而小學內則列女傳諸篇能誦大旨及歸

二酉園續集

卷十九

十四

禮部公相失時年二十九先生六齡耳人有動其志者輒截髮嚙指引義自誓從一而終往贈君爲浦城從事監稅暴卒節婦哀苦幾不欲生扶其親從巨浪中舟幾危顛天而定傷哉貧也併日舉火亦無悶焉教先生讀書自童子時或出輒誡曰汝勿遠于門勿與群兒戲勿詈人復則汝辱侮汝者謹避之故先生敬畏存心犯而不較蓋終身云比長命從師授春秋課督夜分乃罷學使江公以達奇先生才試冠多士丁酉

先生舉于鄉辛丑成進士改翰林院庶吉士節婦就養撫而泣曰汝有今日耶天乎何奪汝父之速也又曰取一第易有令名難靖共爾位無貽爾先人羞聲嗚嗚不自禁先生長跪而受焉先生爲儀制郎親藩冊封例以幣交節婦誠閣者曰必遷其跡毋污我闕蓋自是絕饋焉後先生視學與四明張公關中喬公並爲名學使歷襄陽襄王以先生未受餉也爲饗殿上且迎勞之謂同饗者曰潔而勿耀林先生有焉節婦聞

二酉園續集

卷十九

十五

之喜曰兒真能率吾教矣已未大察先生轉廣東左使尚未之任而言者中之遂致政節婦嘆曰汝未之舉而言粵何哉汝歸可無辱吾亦安矣自是絕口宦游事每遇禮部公忌辰愴若初葬綺衣茸味多卻不御強則泣曰汝父有是耶吾不忍也弟妹各一人俱蔡出節婦待之甚厚竹泉翁薨祀廢奉歲時展奠歛歔流涕先生微時親故莫有恤之者既貴節婦周恤尤至絕無芥蒂憶 肅皇帝末年遣官購道術方技諸書

甚急家苟偶有緇黃裒百金請錄節婦命歸金且致其籍妹以篋金寄貯其家不知也妹卒呼其子昇之感愕泣受平居區畫家理井臼孳性紡績鋤治浣濯縫紉疊疊不倦稽綜微密雖勻醯圭粟不致妄費晚尤尊信竺書蔬茹兼旬神氣彌王自謂有冥助其賢能如此生于弘治七年甲寅三月二十五日戌時卒于萬曆三年乙亥十二月初九日未時享年八十有二塋于北門崎下之陽塋從禮部公云子一人卽先生名

二酉園續集

卷十九

六

懋和海內稱雙臺先生孫一人名昭錫邑庠生餘詳墓誌中陳生曰守法如鴈不疑舉德如韓伯康能如崔寔廉如陶侃其母成之也林先生賢于四子遠甚母訓彰焉寧獨節名寒霜雪哉

明太學生黃君王孺人墓表

金谿黃憲子者大江以西之文士也黃子持詩謁余且曰章慶出王次公門下銘吾父後長公銘吾母合而表之敢以恩先生黃子事余猶王家兄弟也余言安敢後王家兄弟哉書其大者

俾鑣諸墓上黃君諱文龍字惟中別號後渠其先曾大父矩受業吳聘君之門大父承德公廷會富而好禮父太僕公鄉進士綸母安人曾氏生君穎異絕倫日誦數千言爲諸生督學使者奇之而東石王先生諱冀與兄通政公萱相繼成進士爲禮部郎上書論大計於武廟天下壯之督學浙中有知人之明者見君大奇之以女妻焉卽誌稱孺人也君在館甥讀其架上書文日益有名嘗從太僕公游金陵謁甘泉湛先生

二酉園續集

卷十九

七

講心性之學屢試場屋至壬子火得試卷瓦礫中擬上第六人君嘆曰數奇矣古有士不遇而賦之者時來過遲去之速矣屈意從人非吾徒矣正身俟時將就木矣遂以貲入國學錚錚佼佼王先生終以寥廓之士屬之非以目皮相也自是罷舉業不爲久之抱痼病賁志而沒年財五十三耳往王先生舉子難甚子告山中夜夢鼓吹擁一兒習有文曰恭而孺人生卽名曰恭乃孺人讀內則女訓諸篇端莊多女德適稱其

名云先生每說曰使爲男子當哀然吾上然亦何減曹大家與惟中相與如賓日夕佐其誦讀惟中難于舉子如王先生孺人擇諸勝奉之無妬舉子一卽章慶惟中卒勝舉子一曰彥慶孺人無父道焉惟中生平重然諾周人之急素與周生德崇劉生嘉謀爲刎頸交周不能娶惟中授室而周舉于鄉劉二喪不能舉惟中貸錢焚券不責其償太僕公有少子文豸惟中教育之王先生有養子幾危其孤惟中保護之此雖天

三園續集

卷十九

文一

江夏黃童天下無雙者耶金谿家風綿綿大矣歸震川先生墓表  
歸熙甫卒八年矣余序其文同年王子敬熙甫門人報書曰先生墓有宿草銘屬許相國表屬吾子及讀行狀斯亦桓君山之于楊子雲哉按歸爲吳著姓明興大父始令城武祖天峰公好養生家言父岫雲公竟老諸生以先生貴贈文林郎周孺人生先生虹光滿家故名有光云先生穎悟絕人八九歲時爲文有聲倚馬立就研究經史尤好司馬子長得其神氣不爲摹畫嘉靖乙酉督學廬公試第一南充都御史王公廷守蘇奇之丙申貢入太學庚子茶陵張文毅公典試奇先生文國士遇焉先生嘗夢出處同吳原博人以文定公高第望先生屢試不第張公入相先生耻私謁庚戌張公典試語先君子曰子幸第吾以首卷爲歸子柰何不第耶乙丑先生年六十九上春官余文敏公奇先生文大學士高公嘆曰張公數十年難得者得于一旦徐

三園續集

卷十九

九一



文貞公薦館職先生以限年不與試選長興知縣長興湖州巨邑先生寬和爲治書卓子康傳于座右每聽斷呼兒童婦人與之吳語務得其情片言解去有盜依湖山者先生計擒之奔逸者不追空王寺捕盜者拷掠使誣人爲盜先生釋七人有重囚母死求塋者先生許之感泣如期至時令清軍清寺田先生曰勾一軍而擾百姓僧道力田服役與民等耳悉停止之又議革糧長用里甲先生調停大豪規避與攝令者媒

三國續集

卷十九

十一

孽其短先生幾危轉順德府通判乞休不報高公移書曰長興漢代之良也主爵者何處以此耶順德職掌馬政移文諸縣先生掃蓬戶讀書蕭然忘老太僕寺檄脩志高公與趙文肅公擢南京太僕寺寺丞薦掌制勅脩世宗實錄先生言閣中有人間未見書欲盡讀而長往矣先生嗜書如饑渴之飲食也寒暑之裘葛也家四壁立不問生產爲文根本六經鼓鑄百家絕翰墨畦徑必傳無疑經術之外如御倭馬政水利

三途竝用諸議鑿鑿可行天性孝友聞少失母者感泣每悲岫雲公不見登第嫁弟妹子孤貧者二人脩世譜合族內外親黨施從其厚古稱經明行脩之士與所著六經莊子史記標註先秦文錄兩漢詔令諸書藏于家生卒世系詳志中子祐子寧博雅善讀父書先生與余莫逾江閣山房諸篇及邢州詩覽之泫然陳子曰余讀歸太僕草張公易諡制詞謂其文而毅乃太僕處不干時仕不徇俗毅然哉文章與張公如大河同出崑崙播九河而入海衣鉢傳焉先君子謂張公雖在相位未究其用况太僕乎論士不以成敗論其大耳過太僕墓者式焉

三國續集

卷十九

十一



二酉園續集卷二十

沔陽陳文燭玉叔著

祭文

祭海神廟文

於廓亭海濱渙委輸項者河阻借為運途天子有命重臣是圖淮陰立廟神與之俱卜吉始事興作無虞蜃樓蛟室若有若無神其妥此順流東趨漕航默祐達于帝都

祭土神文

二酉園續集

卷二十

一

凡厥土物惟神是司淮泗大溢黔黎阻饑高家此堰舊有封隄多年壞潰責將誰歸燭守茲土軫念瘡痍轉徙溝壑由已溺之命官筮吉修築維時神其默相莫厥攸居

告城隍祈雨文

去歲之旱仰賴神休蒙被時雨遍于楚州今夏又旱竭誠而求甘霖一降頃刻即收田苗將槁萎此麥秋雲霓在望衆心悠悠淮泗頻溢工役頻修醫瘡在眼剜肉心頭燭或罔職神與之謀

灾害是降黜職于幽此邦黔黎更復何尤十日之內嘉澤是周萬一不應浮圖與籌壇場祝禱他道可由兩場時若永祀其酬仰求造福無作神羞

謝雨文

比苦驕陽敢求時雨望日告虔達此衆籲幸有浮雲海天遐布十八之朝沛然豐注詢之四野幾于一犁兩珠可愛饑不可炊兩玉可寶寒不可衣神應如響報謝胡遲前者禱祠十日為約尚謂薄施更祈大作柰何彼蒼旱魃為虐雲亦時興雨不多落豈謂天澤難于冉干古易社稷亦在旱乾神罔幽相民胡得安且謝且禱誕降于壇

祭蒲州張相公文

先生之才高而峻若太行王屋而人莫踰也先生之學博而潔若龍門首陽而人莫窺也先生之量大而理若黃河若東西海而人莫測也故論先生者先生終其身而不與校疑先生者終

先生之身而不敢彰其故難言矣憶 肅皇帝  
初天下染于權佞楊文忠公廓清之 莊皇帝  
初天下染于功利徐文貞公廓清之先生精白  
若新都鎮靜若華亭運量底定雄偉不常一時  
人心尤為大快雖謂貞而忠焉可矣乙丑之春  
先生舉燭于禮闈往往以修古文樹弘勳為望  
恐無以報先生也晉閩萬里絮酒陳詞豈敢哭  
吾私耶將以為天下後世定先生者告也

祭南充陳相公文

三酉園續集

卷二十

三

嗚乎相天下之難也無論江陵卽永嘉新都華  
亭新鄭各成其功業而古所稱都兪昌言同寅  
協恭之誼幾于絕矣先生受知穆廟窺見其微  
奉身而退雖愛天下之心甚于一身而自愛其  
身始可及于天下易退者節難完者名有出于  
彝常鐘鼎之外百世之後聞者莫不興起而况  
通家後進如文燭兩渡青居夙承至教而與學  
士公為文章道義之交乎訃音遠聞械詞千里  
惟先生其聽之

祭林金坡先生文

嗚乎先生之守汙也所遇國士如王給事觀生  
陳祠部子壽丘戶部子雲及燭四人耳乃三子  
化為異物而不肖官于閩也何意先生之墓木  
拱耶先生仕稱清白鄉誦善良令子承其家學  
死不朽矣昔庾袞叔之碑蕭穎士之諡皆門人  
為之不肖當勉圖焉庶幾報之以國士而已職  
守攸羈漬酒而奠惟先生其聽之

祭祠部陳子壽文

三酉園續集

卷二十

四

萬曆甲申秋日禮部祠祭司員外郎陳子壽卒  
于家訃聞于閩友人陳某哭于寢門之外是年  
冬日子壽葬也如范張之誼何明年乙酉夏日  
遣一力漬酒奠焉哭也墓草未宿耳憶與子壽  
少年起江漢先按察公愛子壽如不佞戊午子  
壽魁全楚不佞偕舉甲戌登進士子壽過目成  
誦倚馬可千萬言兩人不相下而海內才士謂  
汙有雙璧實相成也前年子壽會京師嘆曰富  
貴應須致身早夫大丈夫竊榮名免耻有道何

計早暮子壽竟棄人間事矣莊子周嘆子桑扈  
反真而我猶人乎韓子愈嘆青春交薛子而白  
首相失乎杜子甫再過王子掄而銷魂去住乎  
子壽生平雅慕三子吾以三子之哭其友者哭  
吾子壽而已

### 祭蕭凌雲文

嗚乎丈夫之生形如朝露而神存行如石火而  
名立吾兄瞿然易簣其形全也翼乎卻金其行  
修也間巷素風徽州遺教安知兄之神不上焉

二園續集

卷二十

五

星辰而兄之名不下同江漢也哉往兄事先公  
則籍湜也友先兄則管鮑也不佞因緣始得締  
交抱稽生河山之逸痛任昉指南之託惟兄其  
聽之

### 祭劉子和文

憶昔常州卓然循吏剖瓜却金昆陵是誌更得  
尊公司訓之嗣生君湖州發祥含粹母氏更賢  
欣言有自我祖孝廉兒惟國器摘藻綴文重于  
有司丙午鹿鳴奮飛秋試世業益光竟成有志

屢赴南宮數奇不值更集同人下帷忘寐子政  
經學禹錫交誼我輩幸登黃也捐棄縱古于今  
談何足異謁選天曹出宰蜀地公以蠶叢欽歎  
再四戴星而行暮月而治爾祖清操誰云弗類  
冠起三巴帑藏失利適遭其窮因而驚悸病不  
崇朝訃音遠至嗟嗟子和浮生若寄素旌東歸  
江平流易近詢雙闌情悰頗遂哭未喪明達人  
高致翩翩鳳毛樹立無累吾黨守官不克襄事  
酒筵佐哀魂兮來蒞

二園續集

卷二十

六

### 祭周憲副文

嗚乎公嘗欲武侯其勲而今已矣功果就乎公  
嘗欲清獻其廉而今已矣操果若乎子囊死而  
遺言城郢公來而雪山重矣有遺策乎史魚死  
而願以尸諫公在而豪華歛矣有餘慨乎簡甲  
練兵狄鞮遠徙墨吏聞風願解印綬人以爲公  
嚴亦知公無他腸乎易簣而談語多姁姁招呼  
群吏自悔執法人以爲公達亦知公非得已乎  
某等冠蓋一方死生異路望青城而墮淚酌錦

水以陳詞

祭朱宮保文

嗚乎古之論大臣者禹以功而先生偉烈九河矣臯陶以謨而先生弼亮三朝矣周召以量而先生引拔遍寰區矣卽委瑣如燭先生以通家子畜之始舉進士薦爲館職而未遇後爲學使矣恨不在大江之西往聞先生之訃不能束芻而吊于遠及官先生之邦不獲過墓而哭吾私獨憶先生之神不盡于功業文章者翱翔于匡

三園續集

卷十

七

山蠡湖之間所謂日月爭光天壤俱敝者乎而賤子一念含恩未酬慷慨悲咽而不盡于言者又山高水長而先生能鑒于萬一也敬告先生惟先生其俯聽之

祭曹自山先生文

先生爲夕郎忠謇似汲長孺議論似陸敬輿朝稱直臣焉及參知里居也經術似劉子政仁孝似延叔堅鄉稱端士焉至神交先子忘年而友不佞也庶幾金石之好芝蘭之契焉寓書財二

三年而先生大還全而生之全而歸之足稱千古矣爰束生蒿敬告先生安知岷峨晴雪巫峽寒濤鬚髯天壤而有鑒余之衷者非先生之神也耶

祭劉心川先生文

鄒文莊公于陽明大宗之子也先生于文莊小宗之賢者也識不佞于垂髫而不佞哭先生于墓有宿草之日潛見生死心一道同先生尚誘余之衷而俾永前修乎

三園續集

卷十

八

祭謝清河伯仲文

先兄光祿公家壻也公兄弟奇余且曰異日輟軒過洪都乎今過而詢公兄弟藏玉同處其傍可置萬家後日昌而富行其德者日廣也載酒陳詞公兄弟其與享之

祭歐陽處士文

寓居潛陽而隱德弗耀公之令子也馳聲諫垣而與陳結好公之慈孫也源厚者流長溯流者窮源敬束生芻奠公于高原之上也

祭方汝和文

王給事吳憲使蕭威遠新津兄弟與先光祿兄前以文會兄者而不享上壽彼沾王命矣張趙州先生蕭饒州泗水兄弟後以文會兄者而不獲大用彼享修齡矣乃兄窮也不如前數子逝也不如後數子不佞聞笛而傷惜逝而嘆深于前數子矣東芻而奠脫驂而賻安敢後于後之數子哉千里寄哀惟兄其聽之

祭費封君文

二酉園續集

卷二十

九

兄在戚黨爲表兄同舉而不獲彙世于朝也與兄結兒女驩同心而不獲偕老于鄉也兄安貧類幼安達生類啓期玩世類叔夜經明行脩類康成博學善屬文類仲尉糠粃世故蠓蟻禮法在柱下漆園之間平生所得未易窺測世有續玄晏傳乎列兄高士也獨兩人名山之約兄既大化而弟爲時羈紲安知他生可卜哉感今懷昔不知其涕之無從也千里寄奠聊慰九京

二酉園續集卷二十一

沔陽陳文燭玉叔著

祭文

祭蕭孺人文

嗚呼孺人已矣始孺人家無儋石今累數千金處士比于素封此計然猗頓之富必有內助者惜史逸其名耳可俾孺人名沒沒耶斷機而遷熊丸而誦古今人高之今嘉郎五列學宮者四各思以文章自顯卽在夜讀禮有比跡二連者是內訓使然矣往諸子問奇字于家大人又與家大兄厚余小子得親就諸子出孺人曰汝從陳氏兒來耶固大喜此慕齊名于李杜者也不穀豈其人乎曹大家曰脩身莫如敬避強莫如順乃永畢于一人成名于令子卽古婦人無特諡若孺人者我私以敬順諡矣且孺人之喪也里門之婦爲之輟舂况山婦與少媳爲同室女乃余從弟得聘女孫往先安人沒諸子治其喪今某也羈于官徒杖淚談也奚啻哭孺人以友

二酉園續集

卷二十一

一

朋之母哉嗚呼板輿仙逝靈輶暫留感今懷昔  
我心悠悠衡蘭相推迢迢故鄉薦諸尊俎有淚  
盈眶

祭何母戴安人文

古賢賢婦同味玄昭高潔邁俗志遠神遙或稽  
母儀三徙成教鄰正于庠廣以墳與淳風既降  
此義久埋兩全其美嗟惟夫人秉德含貞奉嬪  
高族內則閭閻未易更僕早佐君子為時循良  
上書請告世澤愈光况育啓圖玉堂台輔德器

三園續集

卷三十一

二

文章匹休乃祖方奉板輿稱觴就養未幾東歸  
慈顏且爽奉檄有懷將受帝祉胡弗少延倏焉  
蒿里某等情聯世講政試同曹素軒縹緲憂思  
欲切載酒陳詞集于燕市神其格思瞻依汝水  
祭陳母林宜人文

惟靈毓德素里誕儀高門明姿天授女誠夙敦  
貞純恭婉練要修姱誦習書史追美大家相夫  
矯矯冠于詞場譽同威鳳德續羔羊名邦惠愛  
留曹平反惟內之助實邦之媛篤生公望希世

璠璣繼魁海甸視草石渠偶聞母恙中心惻如  
正依講席誰慰倚廬投疏明主烏鳥情私帝用  
俞允訃音遠貽几几翟第皤皤朱軒母也純嘏  
胡不百年寵恩將覃慈訓愈彰凡我同榜亦孔  
之傷閨天在望素旗且返椒漿桂酒嗽此哀歆

祭孫宜人文

嗟惟宜人夙稱賢婦內則篤生燁燁太守長歸  
職方名匹良偶舉案齊眉如賓如友刀斗戒嚴  
達于邊鄙草檄明廷夫君持起石畫帷中決勝

三園續集

卷三十一

三

千里伊誰助之有此內美瞻彼雙闌驅車于郢  
就封京師僊郎畫省甘旨晨昏愉茲暮景孝哉  
淑媛聞于鄉井天子眷臨龍章鳳詔未幾戒朝  
主恩誓報命服孔彰運籌相勞蘭薰而摧胡不  
期耄芳託江臯佩遺湘渚招魂故鄉逍遙容與  
凡我同人歛歆逆旅祖祭道周觴有清醕

祭王母郁夫人文

維靈植性柔嘉秉心貞質夙閑閭儀丕承華系  
克相中丞大將赤幟建立邊陲驅彼胡騎大勲

未終權倖攸忌才子弟兄詞林瞻跂闕下陳情  
恩及于地母曰念哉父死王事尚其忠君勿忝  
爾位慈訓宛然丈夫之智雙壁登朝可謂養志  
鼎食方隆奄然徂棄海內同人生芻遙寄伊誰  
致之感恩慕義李杜齊名機雲不啻百歲幾何  
五福咸備燭忝通家交驩今嗣南望素車道遠  
莫至敢告我誠尊酒盃二神其聽之幽明無異

祭張母雷恭人文

惟靈蘭芳異質玉果坤儀克相良匹懷瑜握奇  
赫赫光祿勲在鼎彝父書誰讀夫子承之未究  
厥學乃生佳兒蜚聲藝苑奮翼明時拜官青瑣  
古人是師鱗嬰圖畫權貴莫移躬逢主聖其言  
也危大江督撫壯猷永垂不有慈訓胡至于斯  
方期祿養訃音忽貽孝思罔極恨不期頤其等  
部吏之末國士之知籲天悲悼望遠陳詞嵩丘  
汴水神其格思

祭朱夫人文

維天純佑篤生司空夫人作配柔嘉攸同况育

令子策名漢宮往年泮水荒度土功壺範是助  
夙夜在公河渠刊旅龍章是崇頃承新命舊績  
惟終夫人捐舍公心軫恫不遑內恤芻靈自東  
燭叨世好悲來橫秉熾舟祖奠神其潜通

祭潘夫人文

尚書矯矯策名清時在帝左右爰有令妻雞鳴  
夙戒龍章早垂三朝勲樹北斗與齊韋家世業  
河東稱奇紹聞嚴訓祇適母儀黃髮綠野優游  
棲遲方迎福祉同享期頤婺星中夜忽墜江湄  
大老心悴令子孝思通家後進何以慰之誼當  
匍匐職守攸羈松區東望長江一支束芻絮酒  
而哭吾私

祭歐孺人文

嗚乎孺人已矣而憲使君哭之痛豈其平日敬  
也如古南面北面之遺乎孺人已矣而如夫人  
哭之痛豈其平日和也如古鵲巢樛木之風乎  
孺人已矣而長公少子哭之痛豈其平日慈也  
如古掌珠芣苢之愛乎在邦之媛旣以被封在



家之肥可以垂範燭以弱子結好高門遺行納于壤下閭德被于人間徒懷薤露之歌未覩佳城之樹悲回風之搖蕙心冤結而內傷奠桂酒與椒漿聊逍遙兮容與

祭李母匡孺人文

江漢炳靈隴西代興爰有母儀內則夙振率禮蹈和稱詩百順克相太公篤生三俊况也諸昆清時五雋匪爵而尊章彼慈訓婺星夜沉天胡不勲燭忝世交忽承凶問在疚乳乳鄉園差近

二南園續集

卷三十一

六

祭女龍孺人文

萬曆乙酉七月二十八日勅封孺人慧淑龍七娘子卒于徽州八月十九日計聞福建其父右布政使陳文燭有事塲屋二十八日讀龍子膺書哭幾隕九月三日遣家人奠焉哭曰天乎天乎汝何自而生而逝乎往為大理評事汝二兄從官人言平獄者昌後而所生獨汝也汝同童

二南園續集

卷三十一

七

恭人往准人言有陰德者天報汝弟妹俱天生存者汝也年十六而得壻如君善足稱玉閨汝舅司理公同舉于鄉驩若同生見汝治中饋善事姑氏或病嘗湯藥嘆曰此賢婦也在徽嚴局鑰家人宜馬與君善相敬如賓吾視君善猶子也天有意乎乃年十九棄遺孤逝矣君善歸白下撫棺而哭忍痛而文言汝美而才也勤于公儉于用學書而書學棋而棋彤管可編焉余今年五十君善請汪司馬文繪五嶽具形圖白榆社中俱有作吾讀之喜汝具雙螭玉卮為壽吾酌之喜去冬汝母壽汝具玉冠為壽余聞之喜慶者在閭吊者在戶天何意乎吾不堪此痛汝母何堪焉昔韓昌黎銘女孥壻彼年十二耳汝被封而有子君善可銘也吾何忍焉汝子彌月矣日者談命長倘紹龍氏世美乎汝不死矣君善平恕有陰德天或報之我不必者君善可必乎猶在我也君善哭曰無念二人吾代而子無念舅姑吾代而媳在人者或可自盡乎乳



母盧氏哭曰朝哥逝妾老無望矣彼不堪此痛  
汝母何堪焉昨汝璧紹興書云荔枝寄朝哥矣  
汝主武昌書云朝哥想得子矣生汝在朝蓋小  
名云余不忍讀尚忍言耶汝家武陵佳城土厚  
君善掃除墓地矣徽州太守高公淮浦故人也  
慰勿過苦卽苦何爲余高其情而不能忘也天  
涯海角故鄉千里形影相離寃夢相隔天實爲  
之吾又何尤恐汝有遺憾也

祭楊夫人文

二酉園續集

卷三十一

八一

外臺秉憲蘭省鳴珂夫君之美海內瞻焉  
之助綰綬庶明抗疏忠直令子之美海內瞻焉  
繫誰之訓燭交驩夫君特識令子遡汗血于渥  
洼憶奇毛于丹穴聖善之頌捧檄之喜方爲通  
家快而板輿仙逝矣旣痛夫君又傷令子惟郢  
路之遼遠悵巴蜀之各方思蹇產之不釋奠桂  
酒與椒漿

二酉園續集卷二十二

沔陽陳文燭玉叔著

雜著

史記評

陳子曰昔孔子作春秋是非二百四十二年之  
中明王道而辨人事子長自敘及之有意于孔  
氏哉三代之道若循環周秦之間文敝矣漢興  
承敝變易乃高祖一贊不言其撥亂反正之功  
而謂其得天統又仲尼尊周之意若其文萃乎  
如恒華浩乎如江河曲盡周密如家人父子語  
不向藻飾比擬而終不可學蓋其才豪邁不羈  
寬大易直類乎其人耳孰謂文章之道止與政  
事通哉

又曰楚石奢自刎而死晉李離伏劍而死子長  
附諸循吏之後彼以爲立楚昭以名正晉國之  
法豈其身經蠶室苦深文巧詆之吏以循與之  
耶孟子曰殺一不辜而得天下有所不爲縱父  
過聽兩入之心必一死而後白千載揆之有足

憐者故重民命者有司之先務也奈何視如草菅也此郅都寧成諸酷吏傳明著刑族以示戒而子長之意深遠矣

漢書評

陳子曰班史究西都之首末窮劉氏之廢興包舉一代撰成一家言皆精練事甚該密昔虞夏之典商周之誥孔子所撰皆謂之書孟堅以書爲名斯劉子玄所云稽古之偉制乎尋其創造皆准子長自太初以後其所引用又劉氏新序

西園續集

卷三十一

二

說苑七略之辭猶遷之世本國策諸書也豈惟范曄卽荀仲豫袁彥伯之二記皆難匹者也又曰余讀李陵傳其文骯髒皆得其意至與衛律等語如在當時所云丈夫不能再辱李陵荅蘇武太史公報任少卿之旨盡矣太史附陵事于李廣之後而恨隴西之名敗至孟堅悉發之如楊子雲東方曼倩諸傳使子長爲之又何加焉

鋤雲釣月卷引

余每讀天台賦思解纓絡讀桃花源記恨不問津興公淵明筆奮藻散懷矣顧道行學使稱天台樵客武陵漁郎繪鋤雲釣月圖諸公題詠余覽焉真如逢桃花林夾岸落英繽紛行數百步又如登四萬八千丈孤峰石梁瀑布雪飛風起足消炎暑哉或言雲觸石而雨四海月舒波而淨九霄其用世之志乎余觀道行懷文抱質恬淡寡欲山水之癖蓋天性云不然高察隱天台而讀書劉子驥走武陵而竟逝皆漢晉奇士也

西園續集

卷三十一

三

彼寧有所託耶遠想高步道行有馬旣賦二詩因書以質之

雨異解

萬曆戊子二月南昌郡雨穀外包纖雪中有粒米兩豆色黑食之飽終日客以問余余曰穀豆以養而兩者輔也謂輔時而生養也太平之時十日一雨歲三十六雨耳言休徵者肅時雨若言咎徵者狂恒雨若至雨穀豆將何徵焉昔神禹時雨稻故詩有云安得天雨稻飼我天下民

漢呂后時秦中兩粟武帝時廣陽縣兩麥宣帝時江淮兩穀吳桓王時金陵兩五穀貧家則兩富家則不兩由漢而論不可言休由夏而論不可言咎若兩螽兩草兩金兩珠兩物如魚如猪如羝羊兩線兩白毛往牒所載不如兩穀豆之兆豐稔也今中原荐饑廣積貯禁遏糴者半天下主上蠲賑江右如兩臺奏乃天心又若是乎仁愛也余願天之兩為霖而不為穀為澍而不為豆管子所稱五政得時春雨乃來董子所廩客曰有是哉天難諶退而書之俟志災祥者考焉

三國續集

卷三十三

四

左傳評

陳子曰晉劉兆作春秋調人取周禮調人之義俾大義無所乖時有不合者取長短以通之又作左氏全綜今其書不傳于世必和通于春秋而後可以論左氏也

又曰呂大圭謂左氏熟于事而公穀深于理左

氏見國史故事熟而理不明公穀出于經生所傳故理深而事多繆余謂事體一原者也左氏所載賦詩者三十一其授虞書者一夏書者十三商書者十周書十五言易者二十其深契六藝二氏何敢望焉桓譚言左傳于經猶衣之表裏而東觀漢記又記光武興立左氏而譚與衛宏並共毀訾殊為可恨耳

三國續集

卷三十三

五

二酉園續集卷二十三

沔陽陳文燭玉叔著

雜著

懷素自敘帖跋

怪哉狂僧卽當時自敘前無古人矣唐僧多能書如亞棲晉光曇休齊已湛然辨才之流咸有聲藝林獨素師與高閑尤著耳嘗聞素師同顏尚書學書于郭兵曹又從鄔彤求張長史筆法種蕉以供揮灑其筆埋山下號筆塚斯亦勤矣

二酉園續集

卷二十三

一

宜米家書史亟稱之與昔韓退之謂張旭善草書不治他伎凡天地事物之變可喜可愕一寓于書不得其心而逐其跡未見其能旭也若閑與素師真有旭之心哉

北苑遺墨卷跋

此董源真筆也源在畫家多寫江南真山而此圖深岩長林覽之如杖履其中蒼翠落衣帶翩翩欲僊可謂神品

蘭亭卷跋

二酉園續集

卷二十三

二

此龍眠居士李公麟所繪蘭亭圖也按王羲之當晉永和春時修禊事而作世傳武定肥本如柳公權所臨米芾所題宋高宗所寶皆以圖與逸少竝重豈墨本而後人摹之耶今觀所繪持觴者三十六人騶從十六人各有意態中間崇山峻嶺茂林修竹往往在眉宇間藉芳草而鑑清流覽卉物而觀魚鳥咸有生氣古人之高如此福州叅知王君懋復投贈不佞太倉學使王君敬美見而愛之謂余能詩足掩逸少若遇蘭亭之上當把臂入林昔人言不恨我不見古人尚恨古人不見我耳兩君俱有跋詞翰翩翩興公之匹也逸少見之當欣然遇于千載孰謂俛仰爲成迹耶流傳後來俱是王家風流故事

此君軒詩跋

山谷老人在宋元佑元年爲元上人作也其字畫遒勁後有真公德秀與元人及我明姚公廣孝題當爲真蹟無疑山谷每言顛長史狂素師倚酒而書自不能飲而往往得江山之助今詩

中所謂欲截老龍吟夜月無人處共江山說通神入妙豈亦其驗與

蔡琰歸漢圖跋

君臣朋友以義合者曹孟德不知有漢乃能與金贖文姬耶可謂篤友誼于中郎矣余得趙子昂歸漢圖愛其情景宛然因請王敬美書胡笳十八拍每一讀之令人擊節惟卓文君白頭吟可以方之要之曹大家與蔡琰皆得父膏腴者也

三西園續集

卷十三

三

倦繡圖卷跋

春宮倦繡圖一卷唐伯虎臨趙文敏公作也彈琵琶者一人吹簫者一人拍手而歌者一人閑行者一人携琴而隨者一人欠伸而顧者二人對鏡者一人簪花者一人斟茶者二人扇鑪者一人羅綺幔帷參差宮闕不可名狀美而艷布置而工真昭代通神手也乃若心憑噫而不舒邪氣壯而攻中下蘭臺而周覽步從容於深宮如司馬相如所賦長門之怨諸姬有焉雖善畫

者莫能圖也

趙文敏真蹟跋

黃魯直評書謂字中有筆如禪家句中有眼至比右軍于涅槃經說具三眼也趙文敏七十二偈精于禪理矣而字畫以風骨勝又書家三昧假令山谷見之將不謂其兩得耶此冊乃豐考巧南禺家藏周司勳國雍得之而陳學士元忠俱有題品余見而愛之司勳寄我漢陰真壽硯亭中甲品也

三西園續集

卷十三

四

桃花源卷跋

文章家以陶靖節桃花源記鋪張如畫而唐伯虎此圖儼然良田美池阡陌交通雞犬相聞所謂孺童縱行歌班白歡遊詣咸有生氣每一覽之翩翩躡輕風尋高舉如問津桃花洞口矣

牧牛圖跋

此圖乃宋元人作品者多名筆云其一人耕十有二牧牛二十三前者後者奔者馴者渡者卧者行者息者各適其適靜而不擾其三代有道

之象乎然巢父飲于深谷武王放于桃林光景已異至水旱征役斯民爲囂爲犧欲如圖中牧難矣書以志感

### 吳小僊畫冊跋

江夏狂吳千金一圖此冊神品無論矣而李公濂一傳尤奇傳稱偉字次翁號小僊其遇憲宗皇帝奴視權貴好妓飲歸塋金陵詳在傳中豈李獻吉所稱短褐垢臉見天子禮貌雖村骨格奇帝令待召仁智殿有時半酣被召見跪蹴

二酉園續集

卷十三

五

墨汁信手塗白日慘澹風雲變吳生吳生太氣岸一言不合輒投硯者耶余聞閩帥以百絹請畫數月不理偶灑墨于上閩帥怒從容點綴如神又以平生得意筆贈所善王孫藏樓中且曰公當不貧一夕雷雨火之偉曰豈天上有好我者乎呼酒吊之惜傳中不載此耳評者方諸戴文進沈啓南余謂小僊如司馬遷二子則班固范偉矣故江夏爲明畫第一

### 名賢真跡卷跋

余訪方君敬先生于壺公山下持贈一卷乃長公督學子及所藏中有陸公深楊公一清張公璧王公守仁顧公明童公承敘唐公符唐公順之李公默梁公天錫徐公階華公察施公峻廖公道南皇甫公汭皆昭代名筆昔人見林和靖書清氣照人其端勁有骨似斯人之涉世也余于十五公亦云

### 劉清惠公帖跋

二酉園續集

卷十三

六

瓜洲有趙叔鳴蓋弘正間才子云余既序叔鳴具區詩其子瞻奎出尚書劉元瑞一札語奇而筆勁飄飄有仙氣所望于叔鳴者厚余甚愛之奎刻前書請題數語以表先哲往余聞元瑞寓居長興致大司空政欲造樓無力文太史繪神樓圖揚用修爲神樓曲高之謚曰清惠允當矣趙學憲品流比于元瑞書藏江樓亦茲方珍翰也

### 西河詩卷跋

此余丈人訪其弟內方太史而同館名流呂公

楠王公用賓張公袞江公汝璧張公治作也五十年來翰墨如新惟孝友于兄弟又童氏之天球河圖也暇日偶覽愴然書此

盤礴齋畫跋

余猶與陸子治尤子求錢子穀友也雖未通神幾于意匠三子逝而吳無畫家乃質甫還舊觀哉至如啓南伯虎徵仲三先生尤高不及友矣今友顧道行父子從游其畫竝絕將有變化而去者虎頭非疑也

三畫園續集

卷十三

七

左舜齊卷跋

余平生最愛太史公伯夷傳而又得舜齊書日展數過欲罷不能李川甫先生曾作舜齊傳悲其高才不第死然平生故人完好者惟左生耳令人益重其翰墨云若此卷書法蓋師顏清臣而有得者李公名濂左公名國璣俱大梁人

莊吏部詩卷跋

晉江莊先生在肅皇帝朝為吏部郎出參浙江有文章氣節仲子長史公與余善入閩會伯

子封君公孫太史兄弟後季子秀才彥升以先生詩卷謁余讀之一快彥升言少孤不多見先生書余仍歸彥升俾永寶之手澤存焉耳

慧鏡上人寫華嚴經跋

慧鏡上人以詩謁余瓜洲余游峨山上人業出游矣遂結夏于北固山中寫華嚴經八十一卷歸藏大峨上書于余曰山僧和南竊見茲寺有古經似趙子昂書乃効筆札願借名言昔楞嚴遺房相之詞圓覺冠裴公之藻古今寧有兩耶

三畫園續集

卷十三

八

余謂華嚴之文一心廣大止耳不離筌蹄而求解脫不執文字而迷本空經何可少也上人曉內典工詩翰為余書心經又許他日再書華嚴要我作衡山懶瓚耳遂書于焦山郭次甫之集鳳亭

秋述卷跋

郡中杜生民獻工晉人書從父宦雲南謁楊用修殿撰楊書杜子美秋述貽之里中童士疇宮庶題其後謂新都依黔國亦如襄陽之于嚴武

也楊先生卒老于戍而杜生終學究文士之窮  
如此家兄和叔購得此卷愛其字與杜文竝重  
豈子美所稱千秋萬歲名寂寞身後事者耶

八寶雙珠卷跋

余泛寶應湖得凌溪學憲射陂太守書于吳子  
敏道處共爲一卷淮陰吳子從道題曰八寶雙  
珠真名父子云朱氏以文學世其家其子价字  
盛行而升之不多見細玩良久斯亦山陰流派  
也夫

三酉園續集

卷三十一

九

戴錦衣卷跋

陳生曰余觀戴伯常豈非躬行仁義長者哉國  
家錦衣至貴倨也深文舞智奉駕帖羅士大夫  
爲奇輒牢劇殊死令人不寒而慄語曰寧見乳  
虎無值竄成今滋甚矣伯常從今 皇帝起郢  
邸侍衛領詔獄時學士夏公言尚書聶公豹在  
獄中伯常從其講學論詩絃卷皆二公筆札誦  
之忠貞凜然後聶公釋出夏公事慘不忍道余  
獨多伯常知嚮往云又都御史謝公存儒給事

中尹公相周公怡御史楊公爵員外郎劉公慰  
後先禁繫咸保護之伯常與余言頗詳夫人孰  
不仁義語乎其行許謬如諸公之履貞難矣伯  
常恂恂儒生全值善類尤難哉偶伯常出卷索  
余言因書以歸之伯常名經號得齋居士

游峨山詩跋

往登峨山先公有大峨篇藏焉今子裁詩絕頂  
雪月哉吾友康裕卿童子鳴共約茲游竟下世  
不果恨不見子裁詩也周太守國雍雅善子裁

三酉園續集

卷三十三

十一

刻于郡齋因志余感云

俞山人手柬跋

往俞仲蔚書五言古詩一律詩一詩四幅一冊  
余愛其字類米狂仲蔚卒王尚寶子敬出手柬  
讀之沾衣焉尚寶遂以贈我斯亦山陽隣笛也  
夫

殷鄭贈言跋

往于皇明文範中見近夫給事明教篇又于繼  
之吏部詩中見今展行皆送敬中先生者公爲



殷鄭贈言足爲先生重其孫德南比部請林宗伯與吉題其後足爲比部重二張師友淵源三公品流高俊詞翰家之佳話柄也張氏其世寶之

### 雲山種藥卷跋

余友呂聲甫有雲山種藥卷蓋其祖居簡先生家會稽時事多國初名公題詠志稱卽漢薊子訓賣藥故處比于韓伯康宋清諸人又言爲回僊人之後噫奇矣其子樂善繼之傳至孫廷正

二酉園續集

卷十三

土

寶馬二百年餘而聲甫津津茲卷語曰活千人者後必昌居簡所種遠矣聲甫勲樹爲萬物吐氣呂氏其昌乎卷首雲山圖爲元暉戲筆則小米者又畫家之通神手也

### 高峽海庄壁帖跋

楊用修蓋嘗客滇海高峽云每手書友人贈詩于壁自分宜故相而下若干人題曰高峽海庄壁帖自附以一文一詩才情書法上埒古人而好學取善可知其槩戶部劉君克甫見而愛之

刻廣其傳厚于鄉之先達者何俟後世始有子雲也

### 三吳墨妙卷跋

此卷乃王太常敬美寄自金陵者也吳文定公原博沈徵君啓南唐解元伯虎陳太學道復各一幅而文待詔徵仲則六幅三吳書法幾半深爲臨池之助昔黃魯直謂歐陽永叔書不極工然喜論古今書故晚年亦少進敬美其進余以戈法乎

二酉園續集

卷十三

土

### 王參政父子卻金傳跋

世之位高金多者往往簠簋不飾參政不以身之死而易介其父不以子之死而徇財夫清畏人知清畏人不知胡氏有世德哉乃公父子何計知與不知賢胡氏遠矣其友信之又爲之傳如敬美奉常誼至高不佞兩有愧焉當竝永爲王家故事

### 王敬美手帖跋

王敬美同余官閩省往來小柬無虛日或髮未

握或枕已就敬美善晉書余不能也合百帖爲冊子孫永寶之敬美每言余如南威西施所少金蓮玉弓耳夫越女濯素足行人解金裝何必爾爾書此解嘲

宗良王孫卷跋

此先按察公七十時寄宗良書也明卿本寧禎伯三君子諸創付焉宗良命不佞題數語豈獨不佞手澤之存之思卽宗良邈若河山之感于先按察公者深于三君子也

三酉園續集

卷三十三

三

又

宗良以二王手書見示乃得邸報長公起少司馬次公以太常予告兄弟遞相出處弇州山園當不作移文以二王書中多閉關靜坐託意牆東語也宗良以爲何如若詞翰之美人人寶之中參不佞尺書覺我形穢矣

秋雨吟卷跋

此按察公下第與傅司徒公長安話別詩也中表兄弟驩比同生春池入夢風雨連床不啻過

之今謝政里居爲園相鄰伯氏吹埙仲氏吹篪和歌無虛日兩公復書前篇合爲一卷詩中共愛嘉州豈亦似岑家兄弟耶

三世賡歌跋

此先大夫先兄諸子贈孟孺詩也題曰三世賡歌時余入蜀孟孺再過報書于閩曰酒壚河山德音拱木昔人痛之况哭公家三世墓耶余入江西孟孺携前冊手澤尚新覽之泫然情之所鍾正在我輩

三酉園續集

卷三十三

十四

御墨卷跋

月白風清四字

皇上御墨至詠秋月云天邊一輪月其形光皎潔可比聖人心乾坤都照徹大哉王言一哉王心其天地純一帝王精一與漢唐宋人主工翰墨者異矣玉山國子生程應魁得于藩府敬呈江西行省臣燭莊誦焉應魁善書法思獻闕下必有遇合也自古人臣以筆爲諫請御書鎮家江海孤臣何敢望焉敬書以俟

二西園詩集十二卷文集十四卷續集二十三卷

湖北巡撫

探進本

明陳文燭撰文燭字玉叔沔陽人嘉靖乙丑進士官至南京大理寺卿其詩分八集曰漢陰詩曰廷中詩曰淮上詩曰嵩和詩曰西蜀詩曰東岱詩曰金焦詩曰黃蓬詩陳思育王喬桂皇甫汈袁福徵黃省曾沈明臣李先芳孫斯億任瀚高啟愚熊敦朴陳宗虞曾可耕吳國倫方沆黃一正李維楨屠隆周光綽十九人序之文曰五岳山人前集五岳山人後集王世貞歸有光汪道昆茅坤序之後總編爲二西園文集道昆世貞又序之續集則文燭身後其孫之選所輯皆文無詩亦無當時名士序惟之選自序之又與文燭之壻龍膺各爲一跋而已斯亦生死之際交遊盛衰之驗而文壇標榜其不足盡據可知矣

新刻楊端潔公文集二十卷

(一)

〔明〕楊時喬撰

山西省祁縣圖書館藏明天啓楊閣中

刻本

新刻楊端潔公存集



此端潔公家藏存集其季公  
都水君刻於荆關署中屬不  
佞祿敘之謂祚曾備員三銓  
侍公側有日庶幾讀其書知

楊端潔公文集入敘

新刊

其人也顧此集昧公生平所  
論著僅十之三遂想其曾蟠  
左倚之書筆走風后之陣掣  
盤治詰直寫性霸固非不佞  
庸見所能敘要以公之言即

公之人其人舍三不朽而為  
一則其言不分德與功而為  
三竊為以窺其萬一者先生  
自志學之年即貫串經史百  
家而大意一以程朱為鵠故

長註易傳仕辨儒禪邂逅與  
多人論學唯是尊經術砥名  
節為廩之其憂深其慮遠已  
屈指公行世之篇有周易字  
韻二金書大學古文四書書

經二訓解禹碑釋孔朱圖刻  
八先生贊此其言何言而謂  
與鑿悅為工者絜長度大可  
乎尚論伯夷者曰隘公有其  
清而無其隘性好陰行善在

鄉在

朝俱不忍窮人以所難容它為  
德子鄉不具論只封禁銅塘  
山一事厥利綦溥摠策名三  
朝凡四十餘年班文后不盈十

載然皆以道事

君以人事

君絕無一毫曲學阿世之意逮

晚年

英主在御獨署三銓穎禿子轉

楊端溪公集卷八

四

石據山神藏於迴淵砥柱秦

苦矣公事之竭股肱之力濟

之以委蛇國是以室善顯以

安偉哉

社稷之功夫豈快于一激以博

名高而空虛人國者必乎銘

公者謂公清而不刻寬而不

弛方而不稜可謂全德君子

非虛語也此刻不盡公集而

公集之大意盡於此余蓋有

楊端溪公集卷八

五

以慨歟矣公嘗謂人臣事英

主既操成心非虛詞格套所

可入惟啓之臣人情導之以

事勢猶有憬然悟翻然從者

此大人格非心之業君子列

當道之術也。有大人君子者，  
片言居要可矣。何必汗牛充  
棟，始稱立言哉。噫，今日安得  
若人而與之講朋亡中行之  
道耶。余曾見公敘鄒南臯先

生疏云：臣欲為上為德為下  
為民。鄒先生傳云：亦曰泰九  
二包荒大也。馮河勇也不遐  
遺朋亡則蕩，無偏黨矣。聖  
人申之以光大，大本於無

欲無欲，心體皎若冰壺。惟公  
臣之知言哉。然則人臣能充  
一為上為下之念，即立言立  
德立功不自己出也。可何有  
于清流黨錮。令後世以過分

君子哉。故曰：讀其書，知其人。  
論其世。余於敘公之言而重  
有慨于世也。蓋以思公之人  
矣。

賜進士第，資政大夫奉

勅總督河道提督軍務工部尚

書兼都察院右副都御史前

兩

勅協理京營戎政兵部左侍郎

右副都御史吏部文選清吏

楊端潔文集

八

司郎中鄭都後學朱光祚謹

識



楊端潔集序

端潔公任于嘉隆為三朝為

熙代名臣其忠信著于鄉里勛

業垂于後帛茲集乃公著述

所謂三立也歷擇褐時公為少

宰曰獲識公風度越二十年

楊端潔集

八叙

公之季子水部公視權荆澳樺

公集傳之通都大邑余適備兵

茲地又獲見公文章水部公因

命余綴一言為敘夫炳蔚文章

非可以管窺且司空公業詳哉

其言之矣余又烏能贅一辭雖



然人亦有仁義之人其言藹如  
余讀之文曰以識公為人公文  
雍容博大贍而不穢質而不俚  
隱然無紳正易之度羔羊素絲  
之風昔潘安仁見夏侯湛周詩謂  
別見孝弟之性不其然與匪止此

楊端蒙文集

叙

喬

二

也祖元珍謂文章須自出機杼不  
能共人作生活故以魏伯起之才  
而邢子才以模擬少之公字之匠心  
並不傍人門戶以此知公又所謂中  
立不倚者也公談性命直窺孔  
孟堂廡而于稊瓦復稱屠龍手

著作甚多乃存者僅十之二三  
為卷二十而奏疏與雜著各居其  
一文屋不三尺牘居其四韻語居  
五蓋常鼎一鑄也余初識水部公  
于燕邸已謂趙宋錄有鳳毛如追  
隨一年即還泮片楮俱可乞張子希

楊端蒙文集

叙

喬

三

利同又匪心世德作求矣

天啓五年乙丑春仲穀旦

東吳凌學喬拱璧撰并書



楊端潔公文集序

函蓋一氣也氣一理也氣之  
條理名之曰文博戒以文博  
條理中之燦然者爾卽博卽  
約非氣外有理理外有文博  
外有約也謂文爲詞章之末  
者固不知卽理之燦然縱謂  
文爲載道之器者祇以明文  
之不空然而不知燦然者之  
出于自然文載道道載文歟

宋人云有造道之言有見道

之言夫不見道之文如生旨  
人聽說象執牙耳足背而象  
隱矣見道之文猶程子所云  
對塲說相輪惟歷七級頂親  
捫相輪然後舉以示人則造  
道之文也惡知夫河圖之文  
九龍六馬非負大極以出耶  
又惡知夫華根自艷而艷者  
非花虎體自斑而斑者非豹

耶故余恒謂人者經之所自  
出而經非出人者也易出人  
髓明陰陽乎而爻動是書出  
人事昭灋戒乎而得失是詩  
出人聲託美刺乎而呻吟是

楊端潔公文集入序

三 鄭

禮出人足敦踐履乎而周旋  
是春秋出人意章功罪乎而  
好惡是故以見爲文猶隔羅  
縠以人未造道也若

楊少宰端潔先生集殆見與

造俱者乎不然何讀之親切  
有味宛然如見其人至今在  
在者託文以傳而所以在豈  
文與 先生少貧寒力學早  
茹道真旣牽絲入仕强半林

楊端潔公文集入序

四 鄭

塘居下鍵註易悟徹畫前雲  
笈梵墳罍眼不惑漢魏詩文  
土苴視之何論唐人晚入銓  
草奏累數百萬言皆

朝廷大計凡所剡薦時比山公

啟事予人尺牘非甕牖格言  
則性理微詣間形吟詠天籟  
自鳴初未嘗求工輦悅而天  
下之人獲片語隻字如麟甲  
鳳羽吉光之毛咸棄去爲寶  
又若立首陽之側令人垢濁  
自去毛骨自聳何則所見高  
所造真也所見高則理渺象  
先所造真則信居言表穆叔  
所稱三不朽者合而爲一而

先生實未始有意乎立言也  
所立則有之在德與功 先  
生以孝悌爲桎鎋庭絕苞苴  
至維桑省病若楔刺集膚必  
請命郡邑大夫拔出之然後  
快如拯荒議封禁說所全活  
無算事  
肅宗  
穆宗  
神宗三朝不爲危詞激語拜疏

日沐浴積誠爲主尤愛惜人材當是時縉紳不能無稍得失先生一切視如屋裏人隨資望地俸俾各奏能時有謂先生知人在明晦之間而不知先生有所以明其晦以辯材也有所以晦其明以昭度也若曰我以才部人而不以部分材辯人之材以辦事而不辯人之部以快意

以故

神宗雖久視靜攝或疑外有所鬻時空署以逐補牘恒有所濟士大夫雖左右袒劔佩爭而無玄黃戰迨後數十年人才忽如棊弈銓曹但爲芋賦然後服先生之慮遠也居恒疾學者漸入新奇念自宋來間採盼盼靈靈之說改頭換面混洙泗乾竺爲一水乳

于是務明知行道器之一見  
于答呂中石書及食色紳言  
序孔子朱子像碑中其言曰  
驗其所行而得其所知又曰  
合上下皆心之德故曰道亦  
器器亦道厥心甚苦雖功德  
彰彰在

國史者炳如河漢而此尤其隱  
而巨者矣 先生嘗貌濂溪  
二程橫渠康節紫陽涑水靖

節爲八君子朝夕瞻仰爲之  
贊余謂三幾九弊三勢疏似  
涑水仁明武三劄子大學周  
易諸序堪翼大極圖訂禎易  
學啓蒙序可謂考亭功臣先  
天後天吟酷類擊壤集中語  
他如元氣布濩而燦若自在  
先生論作文法舉實筆書實  
事余謂自道最真顧 先生  
居近楊龜山龜山關荆舒飾

六藝以文奸言作字說辯而  
先生亦畱心六書故釋禹碑  
及周易古文識者服其精研  
何兩楊先生相符如此然龜  
山遭宋末葉上徽欽二書見

格于時 先生逢

主神聖功見計從成千載梧鳳  
雲龍之交豈可同日語哉龜  
山之門三傳爲紫陽余交  
先生子 水部君聖踐見其

操履純篤居官勵冰蘖以自  
嚴不出趨庭而象賢在水  
部旣据拾遺稿自權荆關還  
謁余田舍請序余方病辭以  
有朱大司空及喬僉憲兩序

在第生里人也仲父大僕鐵  
耕公獲結道義之好於先  
生余又及奉教雅不能不序  
卒乃掩卷而嘆龜山有言元  
祐舟楫太重紹聖時亦偏多

載減去則適平蓋舟中置物  
積平則相濟積偏則相勝  
簸宕中流豈有幸哉余小子待  
罪少宰後先生在銓十五  
年中外多事賴

聖明在御

上下輯睦萬萬無元祐紹聖之  
偏重署中每憶吾邑陳大宰  
脩輔

太祖定官制至今著爲令先

生佐

神宗平心調劑皆後來法則稟  
厥成式罔敢失墜善乎鄒南  
臯作先生傳曰泰九二包  
荒大也馮河勇也不遐遺朋

亡聖人申之以光大無欲者  
光大之本也夫無欲則位置  
平雖馮河可矣

賜同進士出身

太子賓客資政大夫禮部尚書



兼翰林院學士協理詹事府

事充

經筵

日講官纂脩

兩朝實錄副總裁前吏部左侍

楊端潔公文集八序

序

卽同邑眷晚生鄭以偉頓首

拜撰



新刻楊端潔公文集凡例小引

先夫人著述頗富刻傳坊間者并刻于各公署者

不具載惟是奏疏尺牘詩文之類則藏之家乘者

也宜當有全彙奈何致散失僅據前數年者成

集雖出桮毀積罪莫能辭蓋亦有故焉不肖生也

晚居雁行之末先大人里居時所稅彙盡手錄于

家伯兄伯兄不幸不祿又歸于仲兄嗣後以同鄉

而出辭弗獲至少宰數年自奏議而下種種盡携

行笥矣逮鞠躬盡瘁而盡季兄與不肖方卧病枕

楊端潔公文集凡例引

三五五易堂

僞奔計者惟仲叔氏行笥皆其所檢則是合先後

之稿實仲氏統其全焉脫禪畢襄事集成卷可二

百餘議欲鳩資以鐫而病于貧由是各羈杜楮不

肖棲京華十餘年仲兄復以宦歸辭世諸侄幼弱

叔兄季兄專舉子業遺稿久藏書樓失于料理不

肖受

命荆南便取道里門展拜之暇亟索稿所在則并其樓

為蟻室因拊心大痛歸檢舊笥僅得數帙皆不肖

少所私檢者遂復遍摭遠近總得若干編輯具次

外夫人情則亦惟是以盡其梗槩敢乞

名世鉅公如椽大筆不吝

筆袞以弁諸首藉垂不朽永光家乘茲刻尤不幸中

之大幸哉至於律以出押毀牘之罪未得觀其全

不肖其以不孝當之何敢辭

天啟甲子小陽月上澣之旦不肖男聞中謹識

新刻楊端潔公文集凡例

一總例茲刻數種皆先大人山居時稿不肖髫年見

家伯兄手錄之餘檢其所棄私置笥中伯兄去世

稿頗散失後歸之仲兄并藏燕笥者皆經仲兄檢

彙成集謀刻不就二三孤非不欲分而藏之竊謂

事統于尊則易集稿合于一則成全不虞其竟歸

烏有也轉憶褻檢稿時伯兄猶哂其好事以今觀

之殆天使之然不然則并是集且不能成尚何望

其全乎伏祈

當世名公大人年家世誼倘存有先大人之筆札者

乞另錄一通或便付或轉寄伴不肖日漸月積集

成績刻少補綴後十餘年之缺陷其斷感寧淮西

之雀而已哉

一奏疏先大人自入仕藉凡四五百上皆條當世要

務并懇辭侍養乞骸歸田者可二十餘卷梓里

劉石閭先生撫浙時竟馳役索稿代鐫甚盛心也後

以請告歸不果復連值家變諸孫皆稚未敢遽索

原本今所刻者惟前兩疏爲舊存後四疏借烏臺

謝玄中公祖家藏奏議中所錄全疏竢嗣取續刻

一賀贈序多在鄉時慶父母公祖報政邊轉之作其出後裁棄當亦不乏因被蟻毀不能稽考姑刻其所存若此

一書序并記與碑經其題譔者不少茲半攷之諸書與存碑中有全逸其名者有存其名而尚未刻者似可摻集而得僅刻數首以備集中之一種云

一尺牘先大人常訓諸孤云人之相知貴以心相照神相契書札往來如問學証理民情世故則不妨

楊端潔公文集凡例

二

三百五十一

聯篇屢贖此外出于必不可省然後行之若只作寒煥語不惟取人厭棄且費精神紙筆故在告絕無片楮遠竄京華亦蒙信其簡率是以笥中所存不下百餘首悉以付梓

詩賦詞歌原非其所究心每遇意之所感興之所發至于題贈寄遠皆任筆直書信口爲吟絕無華媚推敲之態蓋志在聲希味淡不復計其工拙也一祭文墓銘全稿甚夥茲特彙稿之僅存者乃祭文但寫其哀悼墓銘惟據事陳詞不肯少爲借譽刻

之以見其直衷之素然爾

一先大人雖居在林塘樵圃之間其于一時國計民情皆井井然具有疏議自封禁代稅條編允軍建橋造壩種種難以枚舉即小而几杖盤匱俱銘之爲自警之助惜乎蠹錄爲祟此天所以蟻諸孤之弗克遵成也也幸存數篇不能成卷集雜著中見其身任丘閭不忘憂國恤民之一班云弗諸議銘之類切于日用從游之間可索而就以圖嗣刻總之全稿既毀俾後十餘年著作片紙隻字不留捫

楊端潔公文集凡例

三

三百五十二

心頓足痛何忍言所冀

大人君子略其不孝擲以所存再見失者復得不肖敢不鏤心千古平謹陳其顛末若此

新刻楊端潔公文集目錄

卷一

奏疏

三幾九弊三勢疏

文體士習疏

卷二

奏疏

欽奉 聖諭恭陳下悃疏

開讀疏

楊端潔公文集目錄

百三十一

申明科臣推轉資格以便遵行疏

乞允恬讓以全舊制以息兢端疏

卷三

序文

賀姚華麓公祖榮擢序

贈沈三洲公祖榮擢序

贈王剡川公祖榮擢序

贈姚華麓公祖榮擢序

賀王槐里父母報政榮封序

贈喬純所年丈奉使榮行序

贈盛石華年兄榮使江藩序

贈林考吾公祖報政序

送李前川公祖北還序

賀廖明河公祖長公登第序

贈錢玄台公祖榮擢序

贈錢玄台公祖榮擢序

贈王古菴公祖榮擢序

贈呂心源公祖榮擢序

楊端潔公文集目錄

二

一百五十七

送宗伯高南宇公致政序

賀屠石室父母欽取序

送陳少巖公祖入覲序

送黃中菴公祖序

送陳少坡公祖致政序

卷四

序文

贈張五台父母考績序

送陳龍峯父母入覲序

贈祁春野公祖考績序

贈顧箴吾公祖考績序

贈顧箴吾公祖考績序

補送張約齋公祖詩序

贈伍容菴父母考績序

贈陳柱宇父母考績序

送孫質菴公祖入覲序

送黃毅菴少司成序

贈孫質菴公祖考績序

楊端潔公文集入目錄

三  
百七十一

送孫質菴公祖入覲序

送馬龍田父母贈行卷序

送陳珙凡公祖應召序

送陳珙凡公祖應召序

送樊友軒公祖應召序

送樊友軒公祖應徵別言卷序

壽蔡封君明庚金耀卷序

壽王君七袞序

卷五

序文

刻興安縣誌序

刻敦學錄序

刻司馬江鍾石公三疏序

刻就正稿序

刻呂巾石先生類纂序

刻李二溪先生存稿序

刻司空楊四泉先生集後序

刻官源李氏族譜序

楊端潔公文集入目錄

四  
百七十二

刻水玉山人樂府遺音序

刻龍門雙壽錄序

刻旌節錄序

刻永言冊序

刻夏文愍公全集序

卷六

序文

重修南關樞事書序

食色紳言序

刻大學定本古本新造石經三書序

大學古今四體文集註序

刻四書古今四體文集註全書總序

刻周易古今文全書序

周易古文序

周易今文序

易學啟蒙序

龜卜考序

刻皇明馬政紀序

楊端潔公文集入目錄

五  
一百一十二元

馬書序

馬巫序 刻牛書序

刻條議銅塘封禁山開採利害事宜序

卷七

記

重建一杯亭皇華公署平政橋鍊總記

遵刻故功臣廟肅廊紀事

南京尙寶司題名記

題醉翁亭記

太常幸供祀地記

黃灣林氏祠堂記

重修漁臨關寬分橋記

文公精舍玄元道院圖記

卷八

碑

泰山文碑刻

孔子像碑

朱晦翁碑

楊端潔公文集入目錄

六  
八十五元

釋禹碑文

卷九

尺牘

啟錢玄台公

與徐孺東兄

與蔡沙塘公

與馬適菴兄

上江遠翁老師

奉上官書

啟李見羅公

荅葉龍潭公

上高南宇相公

與李三溪公

與林考吾公

與徐孺東兄

啟錢玄台公

與鄭缺耕兄

與鄧定宇公

楊端潔公文集入目錄

七

九十二

與孫肯堂公

與經大令書

與沈見心公

與邵圭齋公

卷十

尺牘

與李克菴公

啟李克菴公

啟許穎陽公

啟姚華麓公

與李勺溪公

與徐魯源公

與趙輯齋公

與徐鳳山公

與徐鳳山公

與徐孺東兄

與王鰲磯兄

與萬西溪公

楊端潔公文集入目錄

八

九十三

與李克菴公

啟陳玉壘公

與陳龍峯公

與徐孺東兄

與呂巾石公

荅經大令書

與俞黈菴公

與俞勝峯公

與姜春宇公

與林虹橋公

卷十一

尺牘

與周衛陽公

與許敬菴公

與趙卓菴公

與徐孺東兄

啟孫質菴公

與邵梅墩公

楊端潔公文集入目錄

與劉省吾太尹

與宋桐江公

與鄭鍊耕兄

與許敬菴公

與陳心谷公

與房心宇公

與張洪陽公

與鄧定宇公

與樊友軒公

九

九十四个元

與舒繼峯公

與舒司寇書

與孫質菴公

與陳心谷公

與吳景山公

與吳景山公

卷十二

尺牘

啟陳心谷公

楊端潔公文集入目錄

啟孫質菴公

與樊友軒公

與陳協齋公

與樊友軒公

與王秦關先生

與徐孺東兄

與徐懷龍兄

與王介峯公

與鄧定宇公

十

九十六正



與徐玄度

與孫質菴公

與王信南兄

與吳悟齋公

與曾見臺公

與陳心谷公

與鄧潛谷公

與吳景山公

與吳景山公

楊端潔公文集入目錄

七

與許頴陽公

與孫質菴公

卷十三

尺牘

與舒繼峯公

與傅仁泉公

與王華齋公

與陳雨峯公

與楊培菴公

與蕭全吾公

與趙寧宇公

與陶雲谷公

與梅鶴洲公

與邵梅墩公

與喬純所公

與徐瑞東兄

與朱鎮山公

與徐南孺公

楊端潔公文集入目錄

七

與徐瑞東兄

與蕭允嘯公

荅邵圭齋公

與馬適菴兄

與徐瑞東兄

與徐瑞東兄

與鄭湘溪公

卷十四

五言律

先天

後天

和陳在璞南巖謁文公祠

送陳在璞入覲

贈孫曄江

送廖郡丞陞任二首

東徐菴東見杜南坂卽歸

和李懷所太史同諸君過衍法禪林二首

送 潘齋督學河南二首

楊端潔公文集八目錄

十三

一百三十七

歸山

石門小桃源

登接笋峯半巔望鄭生聯奎館對精隱岩鄭

生舉筆索題遂書此以應

癸丑春下第出都門

句誕日庠試得首

詩李三峰六十二首

漫興

贈傅南峯

送鄭印溪

贈別

東吳少卿

鄧生輓卷

卧病

書傳卷二首

雪中懷古八首

贈人

前巖

楊端潔公文集八目錄

十四

一百四十一

寓雲洞葆光上人過話

山寺二首

送周見野之汀洲

過南巖訪葉季巖不遇

與宋生

對卓煉師小倦

對吳人葆光

歸自雲洞夜雪

雪霽

寄台州常別駕

贈桂艸墅設教廣州

書星士卷

東徐紹東

寄方高梧

應僧扇

問警

送蕭迴溪赴黃岡

京華別月川胡丈二十年昨歲冬仲自湖榮晉

楊端潔公文集目錄

十五

便道葛陽邂逅聚淵決匆匆分袂未盡所私聊

此寄意用荅臨岐諭言二首

送珍吾王父母之南都

寄候鄧潛谷三首

雲洞歸夜雪四首

懷玉出城

舟次龍游夜雨

蘭溪候徐魯源

訪陶念齋太史至錢塘因所羈不果行意電悁

詞

嘉靖丁卯予奉使武林公丁外艱家食予乞假

已已補官公復入南典文衡會于揚州故先

後及之三首

東江陽泉督學二首

旅寓五雲山八首

清明江頭遇雨二首

挽高文端公墓四首

虎跑寺

楊端潔公文集目錄

十六

衢州謁李襄敏公祠率爾書壁二首

取道常山歸別徐郡博

宿山房

荅王槐里父母

秋夜

晝起

中秋同鄭周二生夜論四首

同方仲儀話舊及論學二首

和唐和亭霜降日觀諸生入庠二首

示葆光上人

送蔣東華郡師

得王槐里公書報代東奉役二首

泊廣濟聞盧荆山博士與徐雲江發舟自溪心

而下予舟泊岸行不遇二首

讀八先生八首

同鄭相溪岡鄉遊柯山二首

送居省心尹弋陽

送十叔還新安

楊端溪公文集

目錄

七

一百五十六

應調閩兵經過騷擾有感五首

卷十五

七言律

癸丑春日京館志喜

十七歲書懷

許墅別玉山陳丞

又贈蕭鄭二同年

渡江望金山寺

高郵遇徐孺東飲其舟中

大計後辭促者

和陳在璞韻兼呈劉覺吾

和唐三守

送盛淳菴迂許冊封

送萬合溪叅蜀藩二首

東楊總戎卷

秋日邵古愚見過

金山寺夜宿

歸山

楊端溪公文集

目錄

十八

一百五十七

初入武夷宮

謂文公先生書院

登接笋峯宿院中八日

贈院中道人

夜登天遊峯一覽亭

贈宮中張道士

寄謝邵圭齋太守

晴舟謁湛王鄒唐四子祠

贈鄭翁二生

五里亭寄朱景湖

分水關

冬至二首

丙辰下第出京

別呂太史

送友人上仕

寄傅邑博

代書輓歌

贈卓山人小僊

楊端潔公文集八目錄

口號東胡元白

送友人

送沈古塘之匡廬

對客

和呂巾石太史韻

贈邑令

客至戲占

勉弟泰併自勉

觀傳奇

十九

九十四正

寄張太史

端陽

張公枉顧答謝及門投刺卽行因其見訝戶語

以謝

東豫章諸友

過山莊

贈諸生

送胡公子補試學院

和黃水南春元韻送別歸廣州二首

楊端潔公文集八目錄

和江霞石山人

聞鵲

漢上晚眺

登樂嚴樓

與呂巾石太史

送周表叔貢士

挽龔見湖公二首

中秋後一夜

和宋新菴先生見寄二首

二十

一百一十七正

夜月

同病

初過林塘小館二首

川韻康節先生對酒吟

閑適韻

雲洞寺

贈常君陸蜀州

發常山憶先慈潸然淚下

赴武林東徐孺東於山陰

楊端溪公文集八目錄

三

一百三十八月

寄徐東山公

衢州訪鄭湘溪夜入舟中

夜過釣臺二首

夜宿吳中舍江上書院

歸上五雲小憩半雲亭

夜宿五雲次辰將發歸舟留候先岬蕭大廷且

以道情并爲歸日葛陽之約

聞旅報

錢塘館閑立聞蕭先岬視操

慶張約齋太夫人六袞

謝求薦者

舉幼兒書答和亭夾并謝

送周成南兄補官北上

徐東山翁附其侄孫用夫見寄附此答之

秋夜獨坐聽蛩語砧聲

九月九日

送余都閫之廣東

謝九日王槐里見招

楊端溪公文集八目錄

三

一百三十九月

山居問陶雲谷憲副過信任顧不值匆匆即行

書此寄懷

山中自勉

釋服三月拜先公墓還艸堂時陰雨和淚志此

三首

寄龐惺菴都憲時寓鉛山二首

江荆石公祖問山中所述詩以荅之

寒雨

中秋望月

中秋寄子侄輩

滁陽王公祠和韻一首

滁陽留心亭後重熙洞和諸公韻一首

遊鶴林寺與錢翊之論學

和沈見心公祖韻一首

小齋

禪林

閒望

卷十六

楊端潔公文集入目錄

七言律

再過僊巖

野寺

郊行

聞海寇

九日

舉目

石房書壁二首

送葉斗問還溫州

岩居

心谷卷二首

宿皂頭鄭館寄諸本弟

和王十岳白鴈圖韻

寄呂中石先生

和韻

雪夜

寄徐孺東

贈朱檢校二首

楊端潔公文集入目錄

正月元日

寄吳學愚二首

送新菴赴試

深岩書懷二首

習忘

登三台

賀醫者

送鄧宜亭之同安令

水漲

憶唐荆川

送陳心谷公祖二首

暑日江譚石先生兄枉山間別後寄憶

贈焦成吾杜上

舟中望白沙

過武林江陽泉吳小江高中舍見招遊西湖以

輕行不敢往因慰陳錦江買小舟泊湖岸行

楊端潔公文集入目錄

玉

二百四十四

時久雨天霽記事

閑述

落葉

憶姚華麓吳山雲居

樵圃

春日偶題二首

代送李鹽運幕

客傳京華有以爲關時事語者詩以自解

送友

御溝新水

卧病看靈山

送弋陽尹居省心

五言絕句

張家埠四首

中秋七首

林塘樵圃四首

田家四首

七言絕句

楊端潔公文集入目錄

玉

示諸生六首

山寺論話

書扇慰人

諸子不讀示警

題畫四首

觀菊寄原白

盤魚

放魚

與徐生



龔吏語及白鷗園意感

贈黃中卷別駕擢守福山十三首

戲語對僧三首

周梅溪鄉試二首

贈周乾 鄉試

國中偶占二首

壬戌回籍石城過楊村遇風雨大發泊舟七日

晴辰南橋東竹簷振所與焉重過漫記四首

和吳景山詩韻八首

楊端溪公文集八目錄

三七

五十四上

送許奏陽歸歛

輓徐端東六首有序

卷十七

五言古

送刁溪兄之魏令任

兢渡歌

上京作

雲洞有感

送黃羅川之官青田

二江子來持其寄高溪吏書至

桐廬夜宿東金省長律一篇

寄送張約齋公祖四首

偶興

和夏東巖先生田右脚韻

感秋作

七言古

心谷吟

穀雨

楊端溪公文集八目錄

三八

五十八下

書二陳卷二首

郊行

贈鄧宜亭出令同安

代送萬參藩

壽李三溪公六衆

送潘泰趙緝齋鎮陝西有序

豈不懷思行八首寄錢淑湖兵憲

別陳在璞以避籍移永州

西風連夜歌

昔年行贈鄭湘溪太僕

歌

偶讀一首

送保光上人

詞

柯山道上

送張世博片楚藩

送唐古野郡博廷長沙王府

答諸友論一試事

楊端潔公文集目錄

二十九

答論文

贈汪木菴解廩于郡庠督學使者給儒官榮之

照常復其家其高節可嘉故贈之

贈周黃二生

賦

雲洞賦

卷十八

祭文

祭鄭望溪老師

祭汪遠翁老師

祭丁邵佐

祭司郡博

祭孫竹山

祭勞縣博

祭李雲河公祖

祭周石菴郊夫

祭鄭淑人

祭焦成君太夫人

楊端潔公文集目錄

三十一

祭鄭坤十表兄

祭李門郎儒人

祭王二尹公房

祭王心齋親丈

祭林瀛橋公

祭張明洲公祖

祭嚴後溪公

祭李二溪先生

祭邵越翁老先生

祭姚心亭太夫人

卷十九

墓銘

上舍魯村李公墓銘

李門丁孺人墓銘

李華亭公墓銘

先姑傅孺人墓銘

東之鄭公墓銘

黃門程孺人墓銘

楊端潔公文集入目錄

三十一

李孺人墓銘

胡碧峯公墓銘

卷二十

雜著

通誌議

拯荒議

養用議

練馭議

調兌議

作文說

悔過說

李氏三子字說

林塘樵園上梁文

信州春茗說

附刻澤塘公余說

楊端潔公文集入目錄

三十九

新刻楊端潔公文集卷之一

男聞中聖踐輯

奏疏

三幾九弊三勢疏

隆慶四年八月十四日

題爲時未治安出位陳言懇乞

聖明親覽斷行以圖

中興事臣聞天下氣運不能常治人事不能皆安惟

明君英主制治未亂保邦未危乃人事得氣運隆

唐虞三代至漢唐宋其間治亂安危可考而知也

楊端潔公文集卷之一

大抵君親斷事臣進善言則上下交而治安致君

悅逸豫臣好諂諛則上下睽而危亂生此明效大

驗昭著史冊我

國家治安日久可謂極盛邇來法紀漸弛習俗日渝

雖有治安之名而無其實無危亂之事而有其理

所謂遺大投艱于此者也我

皇上以聰明仁厚之德當

中興綦隆之運百官匡德萬民待治臣本新進小臣

適奉

差外藩未卽趨伏班行而聞見時事輒興中悃歷求

時未治安之由與今日制保之道大約有見于幾

者三而當慎弊之甚者九而當去勢之重者三兩

當改總據理而陳綱祈因事而詳目言固諸臣常

談而行實自古帝王已試善績久爲書欲

上陳始以官非言責不宜出位既因身抱危疾具疏乞

假歸攝荷蒙

聖恩卽

允放還此雖拍軀不足爲報竊念臣許

楊端潔公文集卷之一

國者夙心圖報者常分茲食祿年餘未有寸補歸後

不知大馬可能再効馳驅念此大義不能自已謹

昧死罪開列

上請伏乞

皇上俯念治安當保確信臣言可行時

賜

親覽從容徧覩不以言煩聽厭如道切身心卽法堯舜

從善轉圜之美斷然力行事關治務斷發諸臣令

之開誠布公詳審逐條議覆必期

聖明酌廢施行則萬世治安端在于此不然則人事未盡氣運寢微治安未可期矣夫幾者何也理之著動之微所謂念頭事端實治亂安危之託始者也惟聖人知而慎之防于未然斯去亂即治舍危就安言乎今之三者一曰

朝講日勤爲慎于修德之幾臣聞周宣王早朝晏罷漢世祖夜分講藝非不欲自逸而好勞也以必如是乃志氣強盛而治理明暢是以二君得爲

中興令王我

楊端潔公文集入卷之一

三

祥三

皇上初政銳然舉行天下欣然以

總攬萬幾之美山此而始近或有作輟間斷政將舉

一廢百學將一暴十寒矣况嚴趨而入禮完而出

言問未通情意不洽其于政事義理安能有得伏

望

皇上念天下仰賴在于此舉奮發自強鷄鳴而

臨朝務盡咨詢政事之詳事畢而

御講務盡究窮義理之要或有幾務未悉諸句讀難

盡曉亦令講臣念誦更端問難必明後已乃德日

進業日廣而帝王可紹軌矣且志向恒在自立精神原無二用志既定于此道則精神畢聚其于妨學廢政之事時固不暇及亦知其無益有損自弗爲矣孔子曰爲君難伊尹曰天位艱哉今庶績未理四方不寧正當

聖明宵旰圖治側身脩行寤寐求賢之時乃晏

視朝早罷講似于慎脩之道有所缺于始焉乃厥有終

將何以善此諸臣惓惓之忠所以効也伏乞

皇上舉行而始終惟一則臣民之望慰矣二曰票擬

楊端潔公文集入卷之一

四

三十五

親裁爲慎于出

今之幾臣聞我

祖宗朝親理治務每日群臣

奏事而

奏頌

旨畢書寫本後送該科覆

奏施行原無票擬而事治政善正統後始有之實

出一時權制而非常經古之帝王日與賢良大臣

面相都俞吁咈下一堂猶恐壅蔽易生下情弗達

乃以茲票擬圖治臣愚謂主張不出於

聖心則君臣之間尙存形迹其所不敢言不能行之事  
尙多如此而曰治安也即我

列聖暨

先帝雖嘗承用亦惟令儒臣折衷古今裁度事理呈上  
御覽親酌量可否或向加商確穩當乃

御筆自書發下我

皇上初政于此固嘗潛意會未數時臣見即報有輔臣

乞票擬

楊端潔公文集八卷之一

五

親裁發下之

請此固因職效忠之義我

皇上誠當

俯從所

請更因此知

大權不可下移凡章奏務須面議批荅亦須

親筆即令票擬亦須令議盡天下之公仍擇其是者細

究利弊所在明白的確然後施行如悉委于下而

無所取裁臣恐左右便嬖孰非任私受賄者百計

干撓秉筆者使皆執正不從則嫌怨易生稍從事  
于轉挽則事體非宜設輔臣不皆得人則偏聽獨  
任禦下蔽上黨同成私而不覺者亦可慮也至傳  
奉之名尤不可有何者

九重深居舉在內蔽在外其言豈皆可行傳言豈皆信  
實該部豈能事事覆止權勢所移不言而諭傳奉  
不已權將在傳奉者內外奔趨惑感者烈之而主  
勢孤矣逮業已成雖欲奪之猶挽千鈞之弩難于  
爲力也故臣固願

楊端潔公文集八卷之一

木

陛下慎之三曰聞言力行爲慎于圖政之幾治道在臣

言君聽聽言知易行艱自昔賢君皆樂聞戒勉之

言于臣未言誘之來既言欲其行是故壅蔽不在

下過舉不在上天下稱明或知是而不勉非而不

改總不識治亂安危之幾在此亦果斷之氣不足

也今進言勉者在勤政講學敬

天法

祖節用愛土重農備武戒者在聲色貨利土木神仙遊

玩騎射拒諫啓寵此皆忠誠所發爲德爲民者也

仰荷

皇上始或嘉以忠愛或以爲是後但曰該部與該衙門知道大條陳時務該部職掌知之宜也于此亦例視焉固宜小人諸臣之懇

請也近自太常少卿周特貶謫後人將謂不樂人言且有非言莫予違之意言者漸寡夫人臣爲

國忠諫雖用言顯身尚不能致况嚙之又罪之孰肯効忠由于此急宜此時顯犯顏敢諫之忠用直諫端方之士既可來諫諍以資治道亦可振臣節而

楊端潔公文集八卷之一

七

西曆元

葆元氣矣不然天下無事時可爲而惡人言有事樂人言而爲不及可不念之乎此三者始于一念實萬善由基本于一事實萬幾由理于此能慎是謂爲大子細圖難于易治安之本以立設有未能則幾差毫釐事成漸者玩愒因循緣法之姦與積習之弊相因並起流弊惟日其甚矣至于甚一時雖未率圖擇其中太甚者去之則亦可轉忽爲治違否圖安言乎今之九者一曰治體怠弛之甚智及仁行而勇斷君德也智王明或過察則體傷渾

厚元氣也索仁王恩或過儒則功之精明氣勢也微二者道相成而弊相忤就弊言索尤甚漢宣帝宋神宗事可見也何也一張一弛文武道也勵精而張之過不有從容和平以固結人心後此稍易前轍而渾厚或過治體即怠弛而不振矣我

世宗前皇帝本

聖神之德飭法起治降功峻績天下久受治安之賜乃永其深仁俾人心固結者在

楊端潔公文集八卷之一

八

西曆元

皇上成其美耳今天下霜被

政教一年于茲咸頌

皇上仁厚之德性生于天而又咸願

皇上剛勇之功當勤于學蓋以君德王剛今政未蒙

親斷似剛勇未足而怠弛之弊將漸而起是以會

皇上體乾剛昭獨斷凡事幾所在衆言僉同爲議會不

可失左右不可謀異說不可搖派俗不可阻者即

持其志奮其氣邁往力行之乃謂之大勇其勇於

施仁則爲親賢愛衆爲柔遠寧邇無煦煦于私恩

一命一賞之頒乃謂之大仁勇于用智則爲之貴  
德遠矣爲明日達聰無察察于章疏一言一字之  
失乃謂之大智如是則剛明足以起懦厥德允修  
渾厚中有精明治道自振其于前業可以相成而  
免于衰微矣

宗社無疆之祚其在此舉也哉一曰法令更易之甚  
自古帝王初政必有詔令以一人志耳目其行  
也則必堅如金石信如四時而未敢有越踰違易  
者近我

楊端潔公文集卷之一

九

梓三

皇上登極一詔摻煩剔弊誠治世遠猷也何一行卽有  
更易其他且不暇論卽如

內府各錢糧段疋之類一節委科道查盤矣科道言

官言如常理雖

乘輿改容輜輔待罪乃以侵欺冒破之罪劾一二內使  
其言不行又聽其先入之飭言卽免究治且

諭其白

請免查之疏甚于初令相聯亦非開言路而懲姦欺矣  
顧往事難追此後果足稽而不侵欺乎不需索乎

禁門內賄索公行無忌法紀安在是頒嚴革此輩  
不然畱一二謹順者專管出入候

皇上不時取用卽令供應不許推托延滯用過卽登數  
籍時委科道稽查如有侵冒聽其便宜處分題  
請若有缺少合用物件照例行部查送不得輒陳妄擾  
庶其可免侵漁無窮之害乎三曰賞罰冒濫之甚  
治道之廢勵人心有賞罰古者善不卽賞揚之不  
已乃賞加而不及于無功惡不卽罰遏之不已乃  
罰加而不赦夫有罪今

楊端潔公文集卷之一

十

梓三

輦轂下民易犯法最在輿威勢要內習廝養之輩始  
恃其憑藉莫有發之逮發之而鑽求挾持法司不  
能竟訟此固縱惡實亦長姦蓋令法司凡此輩有  
犯卽時招究大者請詳小者徑發如阿縱故容坐  
以賣法是罰一人而千萬人懼者此也至賞尤不  
足勸何者彫弓爲貶弊袴待功物雖至小將以君  
命得之者足榮也我

祖宗朝節用慎賞間有

大資自數金至表裏一二止也卽今不時之賞常格



之頒分外之求既廣銀幣數鈔

內帑告竭民供難繼恭逢我

皇上天性仁儉屢加節省持盈易侈永圖難懷而諸臣者或仍無宋臣司馬光辭賞之見王旦憂民之歎謂之其德未也此特銀帛耳臣猶願畱以待緩急之用乃爵賞大器尤不可褻前府中監役俱拜錦衣世封夫非軍功不襲昭然

祖訓今乃及于無功不知矢身宣力于

社稷疆場者何以待之此中外聞而甚惜者也臣聞

楊端潔公文集

卷之一

十一

三百五十五

開

國端難有功封爵者一有人言與過戾即削去不議復意固深矣以是例處此也尤宜四門官爵納爵之甚爲官擇人不私匪人古道也今不特不擇且從多財帛者之自擇空選暨推廣事例是也昔始議時猶謂非經世遠猷旋當報罷行數年矣需用非此不濟上下恬習而安而賄賂彰風俗壞皆所弗計或謂此小吏非正官不親細事小吏最適于民彼方傾資援納而來心切求償初費錙銖誅求

明言公索上官緣此亦由原質傳曰爭民施奪皆此類也識者尤謂子弟納官富者因此而貧亦或有之臣謂直須早罷此例永不許再開倘經費不足自古理財大道良法具在未聞有假此而裕用者也五曰府庫虛竭之甚夫虛竭者何由而致用度繁歛數多也正舊年間戶部歲入合民運鹽課贓罰等銀共二百六十餘萬兩應發

內府各邊官俸軍需三百七十餘萬兩古者量入爲

出九年二年蓄積今出倍于入一年儘數不足支

楊端潔公文集

卷之一

十二

三百五十六

發內民運尚有災傷蠲免者性者工部所需猶且取給于此後因不敷乃議加派四司料價五十餘兩又加

冊封冠頂銀六萬餘兩夫取于民者有加用于官者輒乏力詘舉贏莫甚此時以一部言工猶易節倘荷皇上銳然罷興作減織造裁各監年例之支給省內侍墳塋之

救治猶頗可支其在戶部則有三難一

內出入無籍可稽司

國計者不一預聞一太倉銀米多為權門月課典倉  
場者不能裁革一各邊主客兵餉歲費日增理彊  
場者不能裁省是曰用度繁也將以為在民臣觀  
民間既入糧稅矣又雜泛差徭既應里甲矣又收  
解大戶既充驛傳矣又柴薪馬丁既出民壯矣又  
軍餉遺需既四司料價矣又買解大木為名不一  
而是為派不時而有其間官吏乘機加派豪強挾  
勢過征稱頭火耗使用起解之類不可勝述臣自  
家居而來每見數城數令本有一人能悉却此且

是杭閩觀之年豐商集司事者不負所委額災俱足  
年或荒歉并商旅不來額且不足矣又將何以補  
焉總此數者而觀積貯國命之大乃內既外竭如  
此是為無政事矣萬一有知古方千里水旱盜賊  
夷狄之警將如何而應近聞縉紳以屯田鹽法常  
平後古為延用一策顧空名無實徒言未行茲不  
敢謂百千年計只目前一歲足支一歲之用計將  
安出哉臣謂無所費則有省有所省則有積此其  
道在上不在下則夫為會計錄以

獻又時具水旱盜賊以

聞臣知我

皇上當惕然思奮然振起其處此何難之有六口莊場  
擾害之甚民之資生者田地公家之取給者賦稅  
論治者言之矣井田難復限田難行均田未必能  
舉朕養民者其可無善處之道乎今以北言東起  
遼陽西盡甘涼平原沃野可做江南水田之法以  
南言東自淮南西抵漢沔土曠人稀可召種江浙  
無田之民從中或免起科或輕徭役而又畫以溝

瞻賦滄俾公私有界旱潦有備亦佚道使民一良  
法顧莫有議行者去王道遠矣人恒言古者民養  
于上後世聽其自養今不獨聽焉併其所謂養者  
奪之如勲戚莊田內官莊子

宗藩寄莊是也夫王者四海爲富普大皆主何在于  
莊宗勲戚有分內官有供

宗藩有祿乃又別置莊場或奪民間懇已成之業或  
侵民成熟已種之租或致令徭役重併根草賠納  
或希圖昌免根草官勢所及擾及官府害及良善

楊端潔公文集卷之一

五

莫敢誰何宜照先令

題例

差風力利道官清查或給還民或令當差更酌之以  
革弊由漸行法以嚴之道此其重農安民一務歟  
七曰制度廢弛之甚制度者貴賤有等上下有別  
之謂也惟有等別而後物無妄費人不妄取臣觀  
禮儀定式自冠蓋宮室飲食輿馬至冠婚喪祭名  
分嚴明臣民當遵者也今祝爲泛常珍奇錦綺之  
製雕梁畫棟之飭廚傳蹄從之煩百倍于得十民

不識四禮往往以脩齋奉饌糜費微福緣此財用  
日窘風俗以弊然法禁之行始于貴近觀之畿甸  
威勢貴近之家珮珠玉饒錦綺峻室宇侈聲色營  
寺觀動費萬金不惜自

長安街始凡官房居宅大半係內監所有卽此多  
財彼非天降地設固刻剝奪攘而取者臣前謂府  
庫虛竭此則積聚無算此謂不在官不在民而在  
此也大國以禮貴畿以民實今禮壞則防潰民少  
莫與爲守加以舖戶各項科擾前稍立錐者近皆

楊端潔公文集卷之一

六

三行甲科

從逃其在者多爲此輩厮養瓜牙故曰紀綱未壞  
疆土未蹙而國非其國者此也端本澄源伏乞  
皇上美聲淫色不接耳目遠方難繼不奉口體珍禽奇  
獸不育禁闢峻宇雕牆不施營造頑犴瑞異不具  
賀章更豐儉適宜如禹之無間則觀感化道內外  
一于正矣八曰士氣卑弱之甚治道由人心士氣  
維持人心由士氣興起今士氣委靡成風譬則越  
綿不團而軟由往時輔臣議禮爭勝假峻刑以錐  
衆口一二貪婪固寵者繼起陰懼公議襲用舊法

遂俾士大夫禮義廉耻之維不立馴至此時以言  
不出口爲淳厚推姦避事爲老成員巧委曲爲善  
廢遷就苟容爲行志榮媚卑遜爲謙謹虛默高談  
爲清流論及時事爲沽名憂及民隱爲越分居上  
位以矯亢刻削爲風裁官下位以逢迎希合爲稱  
耿趨爵位以奔競辨諛爲才能縱貨賄以侈大延  
納爲豪俊世變江河愈趨愈下欲砥柱中流而挽  
回之宜崇朴雅獎恬退尙惻惻不雜聲實並茂之  
行未川行丘濬人各舉代之法當者推否則舉主  
連坐之罰既用行羅欽順久任趨遷相流通與近  
部

題內外均勞之法大臣務王公道風興推讓不以納  
交虛譽居要地量廣有容不以拂意偶謗置別遷  
言官各持公論志存渾厚不舉細過暖昧傷大體  
事行直諒不可緘默觀望失事機守令尤親民職  
專向以威福任已德澤不下流也衆建撫按藩臬  
臨之百紀一綱憲度以肅顧位俱民上體均非輕  
特權勢所屬施承各過遂爲定體藩臬稍輕守令

最輕也即如相見禮節

憲綱所載循行已久加以庭跪道伏往體有庭見長  
揖道遇避與固嚴或亦尊

特命也乃跪伏可待賤品槩施守令非古禮矣士夫居

常平交一旦爲牧民遂屈膝仰觀情亦未安臣惟

天子議禮斯上不驕下不諂合行該部會同內外知禮

諸臣查

憲綱考古制仍隨時斟酌不得泥古襲今一如宋制

何官以何禮相接相見凡專制奉使監臨守主凡

堂階與道拜坐衆送議爲成規刻布公署上下遵  
守庶免臨時兢議乃禮文既定實意自乎士氣以  
振古者刑不上大夫賈誼長太息于漢猶以束縛  
輪司寇爲不可今不但輪司寇又隸錦衣其以言  
得罪偶誤

朝衆因事呈誤並容拘執名分辱甚矣其如先今諸

臣所議錦衣止典禁軍而訪察拘係一屬法司凡

中外刑名除不道巨獄及貪酷不縱外其餘小過

如建言等並從寬釋如糾察不公體訪不直等並

容辨明乃體貌既尊觀瞻自美士氣以振此兩事者事雖迂遠實關志節舍此不早葆養倡勵當平暇時小廉曲謹高論危貌儘爲有人萬一變故在前欲求直躬不屈臨節不奪者或亦鮮矣九曰議論虛浮之甚天下有道行有枝葉篤實君子先行其言是故先王道德以同風俗脩行之謂所謂行者孔子脩德講學從義改過備之也講學之風此時甚廣實興起斯文者盛心美會也臣從束髮時卽從諸大夫後聞之舊年官京師見講者多負楊端潔公文集入卷之一

不據理顯然曹尚清談之弊而愛官爵之謂有政同之由今不變後進將謂道果在是止是自足只今人才士習識者已謂不逮弘正之時此往又不如何如也維輔世教者自有一變之道之方天下日望之矣顧道德之本風俗之原其在皇上崇實屏虛端已重行上諸臣各慎修實行敬應上下則不待止門戶乞標榜騰說而君子德風天下嚮道感應之機有至妙矣臣自分學昧意狂然欲忠于古道日願上大大有其實無務其名幸亮其心而原其罪可也此九者由一念造端而成于已者由一事因循而積于漸茲于此極計圖回則太甚者去治安之事以行設有不去將弊孔目滋訛謬承襲逮其勢成而重則然猶可爲者亦在于識之早圖之力爾苟識遲圖緩則履霜堅冰至雖有善者莫如何也言乎今之三者一曰宦侍之恣重于難制臣聞君道貴清心寡慾其要在起居男女飲食之間自昔帝王恒慎所養嬪御有數宦侍有節我

國家初年亦有闢人五百粉黛半千之歌諸臣嘗疏請用朱儒程頤親宦宮妾時少接賢士大夫時多之言固以養心爲望忠愛至情也臣知

皇上當必力而行之若宦侍不可不擇亦不可縱何者人有賢否賢則內養德而潛消默奪于微外助政而明爭顯諫于著否則異是臣不暇遠引在

先朝則有若金英諫止南遷懷恩乞罷傳奉阮安不私公帑單吉勸辭莊田功立名著至今稱之否則大如王振曹吉祥劉瑾等之專權怙寵次如汪直張

楊端潔公文集

卷之一

三

三

永谷大用等之招賄貪功終取禍敗則有何益今在下

皇上左右前後豈無恩等若人亦豈無振等若人惟當擇而用之顧內臣之賢不在他在不干預政事我聖祖鑒前代宦官之失置鈇牌書內臣不許干預政事八字在宮門內後因權閹撤去及修

大明會典諸臣畏勢寡識不脩載入遂失防閑法意而後乃漸異矣何者昔食于大官而不置俸後祿米支賞賚類矣昔止供給掃除而不管事後司錢

穀典甲兵矣昔止四品而無階爵後崇體貌盛舉從矣此猶往事而今乃尤異矣往公務知會該部查發不輒行題疏今行徑

請侵部權矣往賞賚由叩領受不請討陳謝今疏謝乞恩擢卿列矣往有罪被論不遞辨誣今誣人以過明已無罪與公論抗是非矣夫言官風聞指摘時政

聖明尚當曲爲優容大臣猶以不強辨爲體何獨此輩乃不能一指言之宜其朋比壞政于囑公務攘刺官民騷擾道路當任其所爲而禮法不宜制耶人

楊端潔公文集

卷之一

三

三

心常飭于奸之未發而肆于法之既漏今奸發而法漏矣彼更何所忌憚乎仰賴

聖德虛明信倚輔臣政柄不移稍上下情賤假借色生章疏一其主之譏謫盛行安得不如前所云難于奪乎昔人有言有罪不赦有缺不補言勢漸成難于制也今禁內西灣子淨身者衆矣彼見夫富貴

易又無罪戾孰不欲位侍希圖進用如是而欲本清源深難也顧其中未必皆然臣見郎報有內官監太監李芳採納愚忠一疏觀其言意確然可行

乃未蒙

允行豈以爲宦侍忽之耶孟子叙道統卽武王不泄邇  
忘遠爲聖人憂動惕勵之心固至邇者也

皇上信行之勿疑乃爲取善不遺而君道成矣第臣見  
者芳疏未知其行事果能不干預果能率擇其屬  
而潛消默養于微乎如其言一未能矣言雖切虛  
語也微名也所以其言之非實者將以爲干預政  
事之漸也踈而遠可也如能之則賢矣賢則自知  
晉文公守原之議出于寺人勃鞞爲不可而避利  
楊端潔公文集卷之一

主

推權惟恐蹈之行且率其類皆爲恩等若人其功  
名當與之並傳矣然其要在

皇上親覽政事信任輔卿大臣聽納科道言臣而蒞蒞  
慈蓄內臣凡此內臣將棄舊習而爲忠直亦可保  
全而不速禍收此內臣之幸亦

社稷之福二曰

宗藩之祿重于難給治有九經如脩身次親親然事  
貴適中而庸常可久是故薄則鮮恩厚則踰義皆  
不可久所以尊位重祿同奸惡而勸者爲中庸之

道我

國家侍

宗藩之禮官給有

冊封宮室婚姻喪葬諸費民編有厨役齋郎舖陳諸役

吏時

遣使有問匪頒

恩極厚矣第賦入如昔而

宗藩之生日衆以一府觀

國初

楊端潔公文集卷之一

主

三十八

親王一位今郡府將軍中尉至郡縣主儀賓凡數十

位矣今二百餘年七八世其繁衍若此繼此將本

支百世盡賦不足以供之臣觀江西府三耳位不

滿千祿給猶不時不均在山陝河南湖廣多者可

知也固有支給不平自相怨爭者有今年稱貸書

券付領者有攔街進毆傷吏卒者有率衆出城其

爲不法者有擅自來京輒便

題擬者有衣食宮室無資男不婚女不嫁沒無葬者

此皆

天潢日盛祿米難繼勢數必致往嘗佐以

內帑太倉盈銀茲三者司農屢告匱矣正當易窮通

變之時未聞有建議及此豈親親之際難于言

祖訓之重不敢違雖言亦莫有出身仍其事者顧前臣

爲論衆矣而未能用近禮臣議矣特儀賓恩數而

非其全臣讀儀制司職掌內有豐林王疏定子女

以杜詐爲見甚確王宗人也豈無身謀子孫謀特

目擊勢重不早預圖非特無益

國家亦非

楊端潔公文集入卷之一

主五

言

宗藩之利今貧者枵腹待給富者糜用踰制比前尤

甚豈待其困極變生乃爲之所乎亦付之無可奈

何乎臣聞一說似亦可行我

祖宗以來凡事干

親藩必

手書與

諸王其議固情敦一體且勸而不怨也茲天下事體

重大孰過于此蓋具書與

王將先臣所論未用之言仍令諸臣各具條陳之說

又令戶部通查天下出入錢糧與災傷蠲免之數

昔日祿米較今加增之數備叙今已百分難廢數

十年後生齒日多益不能支給間具成書擇德望

才名兼全使諫部兩臣者充正副使而往面諮詳

議更乞

天語可嚶

諸士會同該藩各位不分尊卑長幼凡有欲言欲達

之情各具疏封固使者轉達仍查貧不自給祿米

不得支者

楊端潔公文集入卷之一

主六

言

勸諭本藩當爲念親愛富貴之誼不可坐視同室之寤

且體

朝廷周恩之難須曲爲善圖以報于中豈無如豐林

王之先見嘉謀者藩屏之念本源之思固人人有

之由是內有碩辭重祿卽從其減支可也有碩以

分給卽損餘補不足可也有碩蠲餘財卽獎勵周

乏可也有碩出如課之類如庄田之項卽抵補役

費可也或照内外文武官支米折鈔之例或行

弘治中遞減房價及開墾造墳之數或用豐林王限



妾媵別嫡族以華花生蠟蛉之姦或照仕宦家疏  
屬以下爲同門異室之制或法家立孤遺俸給以  
待袒免而下之親或復宋設宗學以科舉收有用  
之才或准近日裁革冗員例減無用之官役或恩  
數當與卽與不必令差人至都併却其例外之  
請卽內有裁省裁節然不裁省以他用而均支于本藩  
不減節于今日而定制于將來是謂因事處事各  
親其親衆心皆知此舉由事勢所窮而致原非得  
已固宜其樂從者衆也不然好惡不同貧乏日衆

楊端潔公文集卷之一

主七

三百四十四

祿重位尊者安能獨富貴哉語曰均無貧和無姦  
安無傾固是道也

宗藩中有首肯議此出以爲之倡者其人固卽周且

衛武將功著燹鼎聲施竹帛夾樹坊楊忠

敕賜獎嘉豈足盡其賢哉此非立設卒辨之事惟在

皇上篤親睦之恩諸臣竭股肱之力乃可與慮始爾二

曰邊境之威重千難振臣南人不識邊事則嘗有

過計者以

國家都燕百里外卽虜戎服甲帳遊獵之騎一日卽

抵城下數年間凡數至矣非但昔日附背扼吭之  
慮但虜情止利搶掠馬不習水艸難于久留萬一  
此態頓易將何策以應日者卽報知薊宣有虜潰  
牆而入邊塞戒嚴致煩

宵旰策勵諸臣分遣將兵其間何自而至與所由禦敵  
進退之方臣不聞其詳不敢妄陳僅據往昔所聞  
見者略爲籌之可例推矣夫強本者弱枝有備者  
無患

京師者四方之本而備莫大于兵團營者兵之備戰

楊端潔公文集卷之一

主八

三百四十五

者也臣嘗見其操演帶甲雖十餘萬未轉臂懸弓  
拍手乘騎者絕少乃面有菜色馬多露骨問以旗  
鼓坐作漠然弗知詢其由壯強者充實者皆匿名  
籍營圖生業赴操悉老幼顧募之輩其爲內家佔  
役冒名支糧者尤衆卽欲查稽凡把總號頭之類  
皆其家人私充近又得直疏舉用孰能覈其實而  
出之以是曰其人能戰未矣更番入戍者兵之備  
守者也尤多老幼不堪一人入戍常代數人持募  
錢至都下應點則出錢顧倩有役則鑽求免脫其

託身汨沒干勢近家者尤多推此而騰驤錦衣可知也以是曰其人能守未失前代去邇各遠兵政不致微弱如此今當百里之虜蓄無節制之兵謂之有武衛可乎往年本兵用言官之議稍加查革紛動怨謗議即不行詔曰城門閉言路開及今不如言者所

請而行待門閉而開言無及矣又聞之各邊遼薊以荒

歉單弱屢犯孤危官大以堡砦盡破精銳漸銷其

涼以藩籬既徹斥堠難置及諸徼之人衛各方之

楊端潔公文集入卷之一

三九

世宗憲

主者曰曉月腐而地理消條芻糧不給軍政姑息卒心驕悍處處爲然亦詢其由大都謂致干將師者四庸懦者退縮失機輕操者易敵損威悖逆者私自交通貪饕者滅赴歛怨致干督撫者四玩縱者偷安爲事欺蔽者掩敗爲功疑滯者賞罰不信昧弱名節制不嚴乃

命令之出于

廟堂者亦有未善三當閑暇則禁網疎闊有警劾則誅戮太嚴致督臣之畏懼議威殺則文法牽制實

間諜則錢穀不敷致邊將之阻抗困後則獨恤

不行倖逃離則邊功不覈起邊民之有道以此故

虜得深入如此大都中原虛弱已極虜每一過不

問勝負民間一空庫藏且竭事勢難支固稱岌岌

况盛戰經年未見一報前捷又何能禦其心而使

之不來諸臣縱有石豈自重督撫而知真信篤任

久重將臣而厚賞重權倡勇重邊民而薄刑寬徭

厚振之外未有他說見諸行事奈何則難又聞之

雷都養無用之驕卒洞闔有無常之海汛滇廣多不

楊端潔公文集入卷之一

三十

世宗憲

率之苗夷是皆攘蕩中土而銷耗神氣者伏望

皇上測然興念力加振起

敕下本兵諸臣即前日之失收圖萬全之計毋但寇至

張皇寇退便安斯得矣此三者譬則人身宦侍者

腹心也

宗藩者肉骨也邊境者皮膚也一有疾焉即身不安

三者皆病其何以堪茲欲循序而治莫先于腹心

安道在制其忌制之者不行其讒言不謀以政事

不可與群臣通接兼差外公幹大莫要于使肉骨

安道在給其祿給之者一其好惡均其爵祿又定以制節謹度之禮兼脩古者小宗聯屬之義欲全安貴于皮膚不傷在振其威振之者足兵食肅紀綱信賞罰而其樞要由

國是定元氣勝定與勝者臣頌

皇上遠法虞帝儆戒而無怠無荒周武明德而不玩人玩物斯

政教清明四夷無隙可伺內順治外威嚴者在是也

臣自知冒分干誅然語雖狂謬意則朴忠言干隱

楊端潔公文集卷之一

主

二百四

然未著者爲曲突徙薪之見言于顯然當圖者爲良藥苦口之方此固天下公言而實萬世常行之道如此則治安要務其槩已具餘皆節目可次第而理不如是所謂不蓄艾而求病立愈未見其能濟者此臣知而必盡言言而必盡意活忠塞責非臣所敢至身之利害遲鈍尤非所期者也伏望

皇上俯垂

濟聽悉

賜施行則實天下萬民幸甚 宗社萬年幸甚

文體士習疏 萬曆二十六年十二月初二日

題爲文體日壞士習漸移懇祈

敕諭儒臣申明

初制尊聖訓闢邪說以維世道人心事臣聞世道泰人心正則尙行世道否人心邪則尙言是以孔子以致知躬行先行後言爲學以天命人性由此知行爲道道之條理謂仁義仁義得于心謂德別無新奇異說楊墨慕孔子爲儒者師不知仁義之理以爲我兼愛爲言孟子以作心害政作政害事等于

楊端潔公文集卷之一

三十三

百八

洪水猛獸亂賊闢之然此其爲害猶在外不關心身似于粗淺闊之無難家語老子與孔子同時未必的乃其說指人身玄牝爲竅致虛守靜專氣致柔爲功其後流于燒煉採取飛昇符術則老氏以爲外道者也漢後佛氏興其說王戒律輪迴因果慈悲福田利益其後指人心虛靈爲竅單傳直指見性成佛作上乘不脩善不爲惡斷見聞無任著無障礙無人我相爲功視前戒律諸法則釋氏以爲外道者也自二說興人反向于內求養生者得

之收攝心身其實無存心脩身治家國天下之功與孔子異宋儒所謂以之養生愈疾則可以之爲道則不可若以爲道則所謂似是而非彌近理而大亂真者也凡漢唐宋君臣惑于飛昇燒煉採取輪迴因果福益恒至于殞身敗國此其爲害亦粗淺能惑庸衆自單傳直指一人則賢智高明者先惑深信然猶幸其學老者名老氏學禪者名釋氏不與儒者混爲一途又推尊孔子在二氏上不敢以敵言又不敢借孔子語文其說至宋張九成參

釋宗杲禪始有欲改頭換面說向儒家其後則有衆宗杲徒得光單傳直指忽悟此心之無所不通遂以一悟入聖不俟脩爲階級最稱易簡直捷朱儒程顥程頤張載朱熹憂之始力闢之程頤表章六經四書朱熹註之傳註者自孔子傳周易彖辭象辭始朱子法之一隨其原文章句之原字解釋之明其旨趣非別立一意如今時驅聖言以就已意者也洪惟我

太祖高皇帝首以傳註頒之庠序訓士

成祖文皇帝首集經書大全羽翼傳註令士非此不言不行凡有一言一行及于老禪者卽不錄卽有釋老之宮之人則亦居于方外令其于山林焚修不與于名教以故二百數十餘年議論正道德一風俗美紀綱肅士人發爲文章及科試文字皆渾厚正大可謂盛矣正嘉間始有因養生悟二氏之說竟如所謂改頭換面說向儒家者顧猶言孔子不敢直認爲釋老而亦未嘗以其說攙入于文章數年來始有直以釋老之說爲孔子之說又以禪老在孔子上直攙入于文章如科試文字者又以傳註爲支離而其言惟以講爲學會衆聚徒卽是不事修爲階級以知爲道血氣虛靈卽是不分知行仁義一切皆歸于禪老後學不以經書爲本領內則心無所主外則其言不歸于禪老卽歸于莊列子史文體遂壞矣所慶者今諸士皆從幼學時誦習傳註先入漸摩者尙正猶之不差自今不習傳註爲始後數十年將有內而心空外發于文行于政事者皆空文字亦空流弊有難言者歷年禮臣

題覆科道部寺諸臣屢疏正文體端士習蒙

聖諭敕下改正仰見遵

祖制崇聖訓至意昨丁酉今戊戌鄉會試諸臣試錄前後序皆言此意欲尊孔子闢邪說猶未見士子翕然信從則新奇異說方興喜新好奇崇異者衆亦清本澄源者未講也臣謂清本澄源者則以先進者後學傳習之師世教者使民興行之機茲無論他所印今南都所稱先進世教有大可慨者則原任

是也 爲臣鄉先達聰明才辨

楊端潔公文集卷之一

三五

英發世稱才士性度溫和寬厚與物無忤世稱長者早講學師事顏鈞志行相似世稱理學養生師事方士胡清虛談煥煉採取飛丹僧玄覺談因果福益尤精于卑傳直指人心見性成佛上乘以慈悲不計校無住着障礙無我人相爲聖學方士禪流尊爲教師臣嘗慕其風度且善養生愈疾及聞其守寧國日集諸生會文講學民訟者至則令其跣跣公庭飲日觀心學佛日慈悲爲善一時士悅之僧道徒歸之不吝庫藏里甲供餉餽贈故歸者

如市及庫藏侵缺推官李惟觀征里甲代贖撫按謝登之等衆論凡政務法紀悉覓吏書通同爲姦貽害節簪于時臣里親監生戴珍爲南陵縣丞初官被訪珍以金帶篋銀餽贈即受而服之珍固感之每爲臣言臣心惜里人薄之及後守東昌叅政雲南置印公堂任吏書門役共用票牌混發百弊以生齎捧入都則利道交章論之及歸請託上官先後郡守沈子本林煙許等遠前令黃道年以其煩數厭之游南都諸臣尊禮嘗以私干尚書傳希

楊端潔公文集卷之一

三六

七

摯每見士夫輒言三十三天憑指箕仙稱呂純陽自終南山日寄書至子從用師斃于廣自言其日在左右欲見即出于時周世選爲通政李三才爲主事親聞之晚與藩佐徵逐飲食致其忤游揚州處聲樂之所其徒稱爲聖之和江省撫按訪聞地方人才干叅議徐用檢乃講學心交則以混于聲色報叅議王問臣從游談玄則以有民訟之報儒臣羅洪先移書非之鄒元錫痛哭規之見存也江省名賢錄至不公者亦不錄忽世有以理學臣

刻錄者既非其行卽所謂學亦借孔子言仁孝言  
心性實則專于燒煉採取直指人心見性成佛證  
聖敢以禪學在孔子上究其歸則揚墨爲我兼愛  
老和光同塵釋慈悲不着相又輕施好奪違道干  
譽正孔孟之所深闢者也特以于養生有可取爾  
今天下好言養生因其以養生卽爲聖學其說自  
由自便其功易簡直捷不待于孔子修德改過徒  
義工夫一講卽在孔子上所以世或從之近南都  
有稱之爲師作祠祀之以祖述憲章名之作爲文

楊端潔公文集卷之一

三七

字刻之南都士大夫居此宦此有學者甚衆必  
不爲其所誤特恐此說一起將來者不知而門戶  
開標榜立將任情與爲悅樂執意見爲操持以賄  
賂士講爲通達黨同伐異爲輔仁以行誼禮節爲  
圭首以清議公論爲安語宋儒所謂本以利心得  
來學者亦以利心向之利勢相尙士習漸移文體  
益壞漸入清談後難極維凡有識者皆懼之而主  
此說者不顧也臣至卑下素矢天日不敢暫出一  
言議一人乃言及世所稱理學者大非忠厚顧爲

世道人心計竊附不直則道不見之誼言之顧臣  
言輕微不足信信在南今兵部左侍郎許孚遠大  
理寺少卿李三才亦張鳴岡皆知可言前此撫  
按科道諸臣奏疏在省掖者可查也乃臣又有僭  
陳焉孔子之教本與老釋異趣諸今諸臣講學惟  
遵孔子爲科試文字惟遵佛語若以養生爲老則  
曰老釋則曰釋若唐宋名臣哲士表休顏真卿富  
弼呂公著韓維劉器之談禪而不混于儒亦可法  
者也如此乃孔子與釋老各不相混斯

楊端潔公文集卷之一

三

聖祖尊聖訓闢邪說初創可復天下皆知尙躬行不尙  
空言世道人心以維也惟在  
聖明救下禮部一申明之間爾若臣鄙妄無所避罪又  
不敢自恕也

新刻楊端潔公文集卷之二

男聞中聖路輔孫

奏疏

欽奉

聖諭恭陳下悃疏

萬曆三十三年三月

該臣等於初七日早同都察院左都御史臣溫純左副都御史臣詹沂左僉都御史臣趙士登等於文華門恭捧

聖諭

朕覽今大察各官本內科道兩衙門不稱職的甚繁豈

楊端潔公文集卷之二

二百九十九

皆不肖內必有徇私之弊因念憲以洩之者有之因結黨以去之者有之欲賢權以挾人者有之欲立威以制人者有之不然何乃如此

朕不得無疑且大察

朝廷之鉅典非以公濟私之案牘大臣當尊

君體國爲要以詳慎休容爲美今次已有

旨了爾大臣務各去成心同寅協恭共濟時艱以成平

明之治故

諭欽此欽遵臣等即時將原奉

聖諭具疏進繳訖臣等不勝戰慄惶悚查得嘉靖隆慶

萬曆年間考察科道官員不職者數目尙多近年

如萬曆二十一年科臣七員道臣十員二十七年

科臣五員道臣九員當時已因科道各員缺故所

去比往大減今次科道人數大約視二十七年不

遠而議處者科臣祇四人道臣祇七人一皆據科

道諸臣衆論矢公矢慎不敢苛求亦不敢姑息以

累

朝廷激勸大典臣等自謂可藉以修職掌仰候

楊端潔公文集卷之二

二

三百六十九

皇上親裁今蒙

聖諭嚴切臣等伏自循省如有一於此卽爲人臣不忠

之甚者而

天鑒在上清議在下國法在前苛吏在後安所逃罪臣

等其何敢焉又蒙

皇上特賜

明訓大臣各以尊

君體國爲要以詳慎休容爲美各去成心同寅協恭共

濟時艱以成平明之治大哉

聖旨德意諄至此則臣等所當

遵奉服膺遵行者也敢不感激謹齋沐恭陳下悃如

此若臣等不職首當罷斥以爲人臣不稱任使之

戒又有不容後者容臣等另陳伏惟

聖明俯照鑒行臣等實爲顙俟之至

開讀疏 萬曆三十四年

萬曆三十三年十二月十五日

詔書一款內開一內外文職官有養病致仕及降謫罷

閑等項除考察去任及永不叙用外其餘年力未

楊端潔公文集卷之二

衰才識可用曾經科道及撫按官舉薦者吏部查

奏分別起用註誤拘逮者釋放爲民爲民者與冠

帶閑住冠帶閑住者與致仕欽此又萬曆三十四

年二月十八日

詔書一款內開一文職官員降謫罷閑等項可用之才

已

詔吏部查奏分別起用其有註誤觸犯懲創已久操行

清修才猷卓絕衆所共推確裨實用不可以一青

終棄者該部院公同精加品題酌量奏起但毋得

因而朦朧徇情冒濫以孤

盛典欽此欽遵案查萬曆十二等年本部屢疏

題謫錄用廢棄至三十四年二月于邸報內接得內

閣大學士沈一貫朱賡揭帖爲

聖政聿新需人爲急乞

勅該部及九卿科道公舉海內佚賢以備錄用以協贊

太平景運事欲要懇請

聖明勅下該部及九卿各道各舉所知先年放逐諸臣

偶觸註誤困衡已深不妨從衆公舉一體叙錄以

楊端潔公文集卷之二

昭王道蕩平無作好惡一節本部會同都察院將

兩次

詔書再三莊誦恭釋

明旨看得養病致仕降謫罷閑曾舉薦者已奉

前詔查奏分別起用而今次

詔書欲于

前詔起用外精加品題酌量奏起且有註誤觸犯懲創

已久之

旨深惟



德意正指註誤以下拘逮爲民各官仰見

皇上用賢圖治曠然更始

嘉納閣疏責成部院唯是

宥過愈寬遴才愈慎非至公不能得真才非至當無以光

盛典故令部院公同精加品題酌量奏起

天地之度舉措無非至仁

日月之明賢愚莫不畢照自此翕受敷施以臻上理億

萬年無疆之慶端在是矣本部以用人爲職數年

楊端潔公文集卷之十一

五

三百三十三

以來日夜皇皇唯恐不能進賢以虛職業今蒙

皇上開矜宥之門闢登庸之路教之以稽衆要之以責

實諸臣得效其忠部院得舉其職千載一時何忍

自負查得各官自萬曆十二年爲始經今二十四

年沈淪已久委難周知雖行該司案查所可知者

不過建白之章疏降黜之等級彙省之奏牘撫按

之薦剡至于操行清修才猷卓絕一人之耳目未

必遽真一事之品題未必遽確卽輔臣留意賢才

不爲不久終不以盈尺之幅爲據而必責成于該

部公同于九卿科道況于本部最稱寡昧自非矢

公矢慎廣詢博訪而區區以一耳目從事掛漏

非所以廓

皇上容賢之度泛舉非所以彰

皇上知人之明何以稱

明詔宣德意哉除行該司一面將

前詔內養病等項查明履歷遇缺起用外其註誤觸犯

各官遵照今次

詔書開列訪冊務要傳採公評詳加甄別操行清修者

楊端潔公文集卷之二

六

重刊

必稽其生平之素才猷卓絕者必求其行事之實

中間或端亮可以匡時或骨鯁可以任事或偉畧

可以典修攘之任或精識可以膺繁劇之司逐名

逐款分別開報以憑起用其年力衰邁志意頽放

雖無可棄難以向用者不妨從實開註至于假公

濟私沽名要譽一節勉強而中藏不無可疑一時

虛聲而生平難以盡概者不得混舉以干朦朧徇

情冒濫之

肯總之爲國家求人非爲諸人求用以天下之公成天

下之典則輿論昭明羣賢彙進上報

明王下福蒼生而本部亦藉此釋遺賢之慮免竊位之

議矣

註誤觸犯官一百十員

范 偶 江西人湖廣道御史十二年正月為民

盧洪 浙江人禮部祠祭司主事十四年十月廷

李 沂 浙江人吏科給事中十六年十二月廷杖

領于仁 陝西人大理寺左評事十八年正月為民

李 瑄 江西人福建僉事十九年七月為民

楊端潔公文集入卷之二

羅大紘 江西人禮科給事中十九年九月為民

黃正賓 南直人武英殿中書房辦事光祿寺大官

鍾羽正 山東人吏科給事中二十年正月為民

孟養浩 湖廣人戶科左給事中二十年正月廷杖

張 棟 南直人兵科都給事中二十年正月為民

丁懋遜 山東人戶科都給事中二十年正月為民

葉初春 南直人禮科左給事中二十年正月為民

吳之佳 南直人刑科都給事中二十年正月為民

楊其休 山東人工部都給事中二十年正月為民

鄒德泳 江西人雲南道試御史二十年正月為民

錢一本 南直人福建道御史二十年正月為民

唐世堯 廣西人吏部文選司主事二十年正月為

陳遠璋 四川人吏部文選司主事二十年正月為

姜 鏡 浙江人禮部精膳司郎中歷江西贛州府

王學曾 廣東人光祿寺寺丞二十一年二月為民

趙南星 北直人吏部考功司郎中二十一年三月

虞淳熙 浙江人吏部稽勳司員外郎養病二十一

楊千庭 南直人兵部職方司郎中養病二十一年

楊端潔公文集入卷之二

袁 黃 浙江人兵部職方司主事二十一年三月

項復弘 浙江人吏部文選司員外郎二十一年十

姜仲軾 山東人吏部文選司主事二十一年十月

孫繼有 浙江人南京刑部廣東司主事二十一年

譚一召 江西人南京刑部廣西司郎中二十一年

安希范 南直人南京吏部驗封司主事二十一年

張貞觀 南直人禮科都給事中二十二年二月為

顧憲成 南直人吏部文選司郎中二十二年五月

冀 體 河南人福建道御史二十二年九月為民

郭實北直人刑部山西司主事二十二年九月

彭應參河南人廣西道御史二十二年十月

喬胤河南人刑部給事中二十二年十二月

任彥藥山東人南京戶科給事中二十二年十二月

蔣時馨福建人吏部文選司郎中二十三年七月

區大倫廣東人雲南道御史二十三年十二月

張同德河南人工科右給事中二十三年十二月

鄒廷彥四川人戶科右給事中二十四年正月

黎道炤江西人禮科右給事中

楊端本文集卷之二

九

孫羽侯湖南人刑科右給事中

黃連泰河南人戶科給事中

毛一公浙江人工科給事中

李宗延河南人浙江道御史

顧際明浙江人河南道御史

袁可立河南人山西道御史

蔡才山東人四川道御史

吳禮嘉浙江人廣東道御史

王有坊南直人廣西道御史

李本固河南人雲南道御史

伍文煥四川人南京戶科給事中

黃必興河南人南京禮科給事中

盧大中北直人南京兵科給事中

柳佐山東人南京浙江道御史

聶應科江西人南京河南道御史

李文熙北直人南京山東道御史以上俱有勾了

王佐湖南人吏科右給事中二十四年五月

蔡宗明浙江人禮部儀制司郎中二十四年五月

楊端本文集卷之三

十

周嘉賓四川人禮部儀制司員外郎二十四年五月

王宗泰湖南人禮部儀制司主事二十四年五月

徐文斗江西人禮部司務二十四年五月

夏思南直人禮部司務二十四年五月

樂元聲浙江人工部都水司郎中二十四年五月

朱長春浙江人刑部陝西司主事起復候補二十

白所知山西人吏部文選司郎中二十六年二月

錢養廉浙江人吏部驗封司員外郎二十六年四月

穆深山東人吏部稽勲司員外郎二十六年四月

王之棟	北直人吏部文選司主事養病二十六年四月為民
韋國賢	福建人山東福山縣知縣二十六年七月為民
萬建崑	江西人禮部祠祭司主事二十六年九月為民
吳定	河南人大理寺卿二十六年十二月為民
華鈺	南直人湖廣荊州府推官二十七年八月為民
車任重	浙江人湖廣黃州府經歷二十七年八月為民
吳一元	南直人江西星子縣知縣二十七年九月為民
韓薰	陝西人山西夏縣知縣二十八年正月為民
程紹	山東人吏科左給事中二十八年正月為民
楊端潔公文集卷之二	
羅大器	雲南人北直永平府通判二十八年正月為民
謝廷讚	江西人刑部浙江司主事二十八年三月為民
蔡如川	福建人雲南尋甸府知府二十八年四月為民
甘學書	陝西人雲南越州知州二十八年四月為民
萬振孫	南直人湖廣副使二十八年七月為民
王禹聲	南直人湖廣承天府知府二十八年七月為民
鄒光弼	江西人湖廣鍾祥縣知縣二十八年七月為民
杜承芳	北直人山東清平縣知縣二十八年八月為民
王德完	四川人工科都給事中二十八年十一月為民

馮應京	南直人湖廣僉事二十九年四月為民
邸宅	山西人湖廣襄陽府通判陞河南懷慶府同知二十九年三月為民
何棟如	南直人湖廣襄陽府推官二十九年三月為民
卞孔時	四川人湖廣武昌府同知二十九年三月為民
馮從吾	陝西人河南道御史二十四年正月為民
張主敬	北直人兵部職方司郎中二十九年三月為民
傅時鏌	陝西人兵部職方司員外郎二十九年三月為民
桑學獎	山東人兵部職方司主事二十九年三月為民
王惟儉	河南人兵部職方司主事二十九年三月為民
楊端潔公文集卷之三	
馬崇謙	山西人山東按察使懷來兵備二十九年九月為民
南企仲	陝西人太僕寺卿三十年閏二月為民
趙邦清	陝西人吏部稽勳司郎中三十年六月為民
李鴻	南直人江西上饒縣知縣三十年六月為民
林鏞	福建人南直臨淮縣知縣三十年十二月為民
于玉立	南直人刑部雲南司郎中三十一年十二月為民
王士驥	南直人吏部稽勳司郎中三十一年十二月為民
鮑應鑑	南直人禮部儀制司主事三十二年四月為民
劉元珍	南直人南京兵部職方司郎中起復侯補

賀燦然 浙江人吏部監封司員外郎三十二年七月

龐時雍 山東人兵部武庫司主事三十二年七月

李材 江西人撫治陽右僉都御史十六年四月

張應望 應天人浙江烏程縣知縣二十二年十月

戴士衡 福建人吏部給事中二十六年五月調戊

樊玉衡 湖廣人南直全椒縣知縣二十六年五月

遷謫官九十六員

鄒元標 江西人吏部給事中十二年正月降南京

董基 山東人刑部廣西司主事十二年五月降廣

楊端潔公文集卷之二

馬應圖 浙江人南京禮部稽察司郎中十二年八月降山

姜應麟 浙江人戶科給事中十四年二月降山西廣昌縣

孫如法 浙江人刑部山西司主事十四年二月降

諸壽賢 南直人觀政進士十四年七月章去冠帶同籍起

王德新 江西人刑部浙江司主事十五年三月降民起

李懋檜 福建人刑部廣東司員外郎十五年七月降湖廣

劉志選 浙江人刑部福建司主事十五年七月降福

饒伸 江西人刑部雲南司主事十七年二月降

高桂 山東人禮部主客司郎中十七年二月降陝

西中部縣知縣歷陞兵部武選司郎中卷五

吳正志 南直人刑部山東司主事十七年十二月降

胡克儉 河南人湖廣道御史十九年七月降湖廣

于孔兼 南直人禮部儀制司郎中二十一年二月

顧允成 南直人禮部儀制司主事二十一年二月

張納陞 南直人禮部儀制司主事二十一年二月

薛敷教 南直人禮部儀制司主事二十一年二月

顏文選 南直人南京戶科給事中二十一年三月

朱爵 北直人禮部右給事中二十一年八月降

楊應宿 陝西人戶部雲南司郎中二十一年閏十

楊端潔公文集卷之二

高攀龍 南直人行人二十一年閏十一月降廣東

章嘉禎 浙江人吏部稽察司員外郎二十二年六

逮中立 山東人兵部稽察司員外郎二十二年六

何喬遠 福建人禮部儀制司郎中二十二年六月

王象蒙 山東人江西道御史二十二年八月調外

張濟 湖廣人工科給事中二十二年十一月降

林材 福建人吏部稽察司主事二十二年十二月

袁惟慶 雲南人刑部江西司郎中二十三年三月

劉弘寶 福建人浙江右參政二十三年四月以前任

工部給事中降廣惠惠來縣典史添註丁憂

楊端本公集

卷之十一

五

五

陳洪烈 河南人南京工部給事中二十三年四月

周希聖 湖廣人山東道試御史二十三年五月降

楊東明 河南人吏部都給事中二十三年五月降

吳文梓 陝西人兵部都給事中二十三年十二月

韓范 山西人兵部都給事中二十三年十二月

劉仕瞻 江西人兵部都給事中二十三年十二月降

俞价 山東人兵部都給事中二十三年十二月降

強思 陝西人兵部都給事中二十三年十二月降

江中信 山東人兵部都給事中二十三年十二月降

程僖 陝西人兵部都給事中二十三年十二月降

陳楚產 湖廣人兵部都給事中二十三年十二月降

錢焜 廣東人兵部都給事中二十三年十二月降

夏之臣 福建人兵部都給事中二十三年十二月降

朱鳳翔 廣東人兵部都給事中二十三年十二月降

徐喬遷 江西人兵部都給事中二十三年十二月降

時偕行 廣東人兵部都給事中二十三年十二月降

楊述中 雲南人兵部都給事中二十三年十二月降

徐維廉 陝西人兵部都給事中二十三年十二月降

徐維廉 陝西人兵部都給事中二十三年十二月降

林熙春 廣東人兵部都給事中二十四年二月降

鹿久徵 北直人兵部都給事中二十四年二月降

王金星 河南人兵部都給事中二十四年二月降

何出圖 河南人兵部都給事中二十四年六月

郝名宦 陝西人兵部都給事中二十四年六月

王德光 陝西人兵部都給事中二十四年六月

劉道亨 北直人兵部都給事中二十六年三月降

劉爲楫 遼東人兵部都給事中二十六年五月降

張正學 四川人兵部都給事中二十六年五月降

黃繼文 河南人兵部都給事中二十六年十月

熊鏌 江西人兵部都給事中二十六年十月

沈聽之 河南人兵部都給事中二十六年十月

傅好禮 順天人兵部都給事中二十六年十月

顧起淹 福建人兵部都給事中二十七年二月

包見捷 雲南人兵部都給事中二十七年四月

孫鉉 湖廣人兵部都給事中二十七年六月

胡士鰲 福建人兵部都給事中二十七年七月

燕祖召 湖廣人兵部都給事中二十七年七月

燕祖召 湖廣人兵部都給事中二十七年七月

萬月約	山西人順天府尹二十七年七月降兩
何天申	湖南人順天府通判二十七年七月降兩
張九叙	陝西人順天府通判二十七年七月降兩
張元芳	福建人順天府通判二十七年七月降兩
李商耕	四川人順天府通判二十七年七月降兩
黃龍光	江西人順天府通判二十七年七月降兩
夏	湖南人順天府通判二十七年七月降兩
徐如珂	湖南人順天府通判二十七年七月降兩
林	湖南人順天府通判二十七年七月降兩
楊端潔公文集	卷之二
王紹先	陝西人順天府通判二十七年七月降兩
曹文緯	陝西人順天府通判二十七年七月降兩
程正誼	陝西人順天府通判二十七年七月降兩
劉三才	陝西人順天府通判二十七年七月降兩
焦元卿	陝西人順天府通判二十七年七月降兩
楊明盛	陝西人順天府通判二十七年七月降兩
許子偉	陝西人順天府通判二十七年七月降兩
袁應春	陝西人順天府通判二十七年七月降兩
侯先春	陝西人順天府通判二十七年七月降兩

楊天民	山西人禮科右給事中二十九年五月降
王士昌	湖南人禮科右給事中二十九年五月降
郭如星	湖南人禮科右給事中二十九年五月降
陳維春	湖南人禮科右給事中二十九年五月降
田	湖南人禮科右給事中二十九年五月降
汪先岸	湖南人禮科右給事中二十九年五月降
劉九經	湖南人禮科右給事中二十九年五月降
白	湖南人禮科右給事中二十九年五月降
孫大祚	湖南人禮科右給事中二十九年五月降
楊端潔公文集	卷之二
林秉漢	湖南人禮科右給事中二十九年五月降
周	湖南人禮科右給事中二十九年五月降
楊文煥	湖南人禮科右給事中二十九年五月降
周弘禴	湖南人禮科右給事中二十九年五月降
○申明科臣推轉資格仰祈裁定以便遵行疏	
臣惟吏部凡除授推陞各有一定資格其間常有	
變通變通後可久行者即爲事例見今科道吏部	
司屬每年推陞所謂年例者是也臣部常行原無	

他議卽今科臣有所異同不敢不申明之六科前時自左右各給事中一年春秋二季外補副使叅議僉事知府隨人數多寡以爲准惟都給事中前時人衆有一內二外近始定一內一外內則卿寺外則叅政皆係依次輪推非有甄別揀擇於其中則常有者至於例有邊功有工功有海外差以言責以者舊徵用皆奉

特命問一陞之乃名問陞則問有者此實內外通融之法事在本部職行有不敢輕舉預設及遞改易者

楊端潔公文集

卷之二

九

邇數年前科道皆未蒙陞轉甚爲壅滯臣於三十二年六月間攝銓事查有都給事中禮科張問達原擬內補刑科楊應文戶科姚文蔚原擬外補皆一內一外臣卽推張問達原擬太常寺少卿又推吏科項應祥擬陞太常寺少卿爲一內皆蒙命隨以工科侯慶遠調吏科兵科田大益前時兵部以邊功擬陞京堂次月蒙

命陞太常寺少卿是時六科皆在舊日擬陞之中原無可外補者適科臣楊應文亦據吏科手本送文選

司稱木官差勘征東功次陞都給事中乃先期敘陞欲照邊功陞京堂於時吏科會同文選司會議該司據議呈臣臣未敢擅便令該司將先後情由復

請

明旨准陞南京太僕寺少卿添註次年侯慶遠陞太常寺少卿而戶科姚文蔚尙候前陞禮科邵庶自家起方伏職刑科夏子陽出使未回工科缺員亦無可外補者遂未舉行又次年邵庶推太常寺少卿

楊端潔公文集

卷之二

十

陳治則方陞吏科留管大計例不外補照例以次倅梁有年擬外補方出使朝鮮本部日待弭節乃梁有年遠還自言當外臣前疏嘗賢之遂陞叅政訖今年春計事竣陳治則當補內擬陞太常寺少卿亦當有外補者臣疏畧言之忽聞科臣有謂治則爲閏陞亦當有正陞者擬議異同臣以舊例遇推陞科臣係文選司行文吏科查資俸履歷而來凡左右各給事中年例則會同酌議而行至都給事中則凡內外補皆本部照序擬疏未有該科徑自



擬正擬閏者卽有之亦須會同酌議初非本部所能泥者今年初議時皆在原擬陞之中惟兵科朱一韓資俸皆深當轉該司照吏科送俸資擬陪推邵庶太常少卿舊科道年例俱二三月舉行今年延至六月後尚未定於時刑工兩科尙未奉命到任月後始至今方見在臣惟官爵內外出自

朝廷臣部惟奉行之萬不敢有一毫意必低昂於其內一有低昂卽是爲私爲欺自當甘罪惟是職掌所在今日越格最易後日守法爲難今臣有所聞

楊端潔公文集

卷之二

三

三

倘不明白言之後日銓臣至將指臣爲徇情爲壞格罪咎何辭臣又以攝銓凡三年有餘見科道諸臣陞轉在道臣三考例得推添註者衆科臣都與左右品級不同未能三考乃惟循資陞轉三年內凡正陞閏陞內外南北者九員外轉一員今姚文蔚奉

旨陞用臣卽遵擬南京太僕寺少卿添註併具疏以科臣奉

旨特權謹開列前後推轉情由懇乞

聖明申飭舊章永備遵行以杜後漸以公銓政事見在御前今又疏催補前缺方在恭候臣又惟科道諸臣內

外補皆歷年奇瑣賢勞積譽兼美俱爲卽日開樞秉要之選權時內外原非平生人品定衡不足爲輕重而亦非臣所敢爲限量拘攣者臣前疏所陳楊魏李戴溫純等皆爲重臣可爲明鑒今時人情重內輕外臣深知見在諸賢各相推讓歸於成周庶官乃和至治是至望爾臣今當付筮之時何暇及此祇以職掌資格頓忘僭妄罪計列陳仰祈

楊端潔公文集

卷之二

三

三

初下部科將近日內補外補之例正陞閏陞之議再加詳明一一開列應否員數以俟

聖裁庶便於遵行至前擬推太常少卿邵庶陳治則諸

臣立賜

俞命勿令久滯銓政有成科體亦重其於治理日臻盛美矣

○科臣內外陞轉未定乞凡括讓以全舊制以息競

端疏

萬曆三十五年十二月

該臣月前具疏爲申明科臣推轉資格仰祈

勅諭裁定以便永遠遵行事內叙科臣年例陞轉一內  
一外既詳明矣乃尚未蒙

賜發則其間實係銓體又有不得不再申者緣臣自  
署部以來查得六科都給事中每年於春二月推  
陞二員皆係資俸深者第一俸者內推第二俸者  
外推此久行通例也今三十五年二月內該吏科  
都給事中陳治則以考察竣事內推卽當挨次一  
員外推其時禮科邵庶戶科姚文蔚刑科梁有年  
俱候原推未下工科夏子陽以使琉球有勞例應

楊端潔公文集八卷之二

三十三

三百六十五

內推惟兵科宋一韓資俸最深相值又欲擬陪內  
推則無一可外推者矣至七月間刑科轉陞蕭近  
高都給事中工科轉陞孫善繼都給事中始同日  
被

命據節年推轉例在二三月內二臣時方爲左給事中  
不得與於都給事中之推據二臣被

命在秋七月則當備明年二月一內一外之推不得扯  
解今年二月之推以故延遲歲終未得定局今據  
吏科屢於司臣前稱一年內外遷轉當有給局又

素問刑科都給事中蕭近高平日恬讓自去冬告  
病未奉

俞旨臣屢劄催之今年六月方至則轉言銓司力求外  
補臣查蕭近高年月資序雖不宜補外但今時仕  
路俱重內輕外有智盡能索而不遺餘力者得一  
恬退之士以風之競端猶可挽回舊例猶可存復  
且在內在外者皆爲

朝廷宣力如臣前疏舊科臣楊巍李戴溫純等皆以  
外補閱歷爲名臣又何軒輊焉因今銓司將蕭近

楊端潔公文集八卷之二

三十四

三百六十六

高擬註福建建寧道叅政具疏恭

請一以成其克讓之美一以全此內外並轉之局且照  
盛明之世諸臣多不辭勞瘁而欲外遷者以內外並  
重也晚近諸臣名慕清華而欲內轉者以內偏重  
也臣病困至極於庶政皆廢弛矣惟此科臣內外  
尚係今年職守內事關係舊制存否世道恬兢不  
敢不力疾疏陳伏惟  
聖明鑒納施行使出入有均勞之誼而內外無偏重之  
勢所裨益非渺小矣

新刻楊端潔公文集卷之三

序文

賀姚華麓公祖榮擢序

我公祖華麓姚老先生守信三年拜閩臬使將解郡印行色在途借諸鄉大夫郊祖于一杯亭上一杯亭者宋忠定公汝愚所建而公增復之者也杯觴既陳余親記亭者之爲言曰公以坦恬廉慎得民茲役無與于民秋毫此其足以盡公之德政雖然亦既舉其槩矣余往嘗

楊端潔公文集入卷之三

一

化清

從海內士君子游詳聞公稟量厚重而胸次光霽故其臨民接物洞然一推乎誠視世之用掩互機警以爲尙者則深鄙之而不形于其中斯何其坦也舊既積勞本部有居要局者欲薦拔之于清貴公卽先期引告歸乃寧就治郡今始得進一階回視登第日將踰二十年出守日將踰十年益忘乎其久滯而怡然祇盡常職意且飄然決于鸞翔鳳翥世網有不足以累之斯何其恬也人情能稱滑于耳目所逮不能不露于其所不逮公自常俸外一毫無所冀于官于耳目所不逮真可自信信

男聞中聖踐輯孫德欽校

人雖贖鍰一皆未賦恒曰財爲民心微損之卽傷其心豈長民牧者所忍乎斯何其廉也夫廉者類近嚴刻以邀譽以公之廉居行寬仁卽待僚屬下吏不責其備諸凡有負細過于非禮者居之仁恕其見接意不懈亦不言斯何其慎也凡此皆德也有一于此亦足以善政况泉美脩平飾于暫者亦足以致譽况行之三年如一者乎公自是起矣太史公所謂陰德之報以裕乎後宜也豈惟吾郡戴頌之已哉余是以曰亦得其槩矣乃吾友馬君等遂起而言曰公今持憲節于閩而忠定公舊亦

楊端潔公文集入卷之三

二

龍言志

自信帥福州郡人拔卧遺地卽此亭右隅也行止去雷之跡曠世相符有非偶然者而馬君等又進而祝曰忠定公當南宋多事之日不得不深厲乎宗社如綫之慮今世際熙和而公治行又足以表著之是謂以君子而處治朝所遇之盛有遠超于忠定焉者將上乎公勲庸之未涯也于是馬君等皆謂其可書遂書

贈沈三洲公祖榮擢序

嘗從毛義捧檄事識爲人臣子之心卷卷乎有難言者藉公家祿給奉甘旨出得以父母之身服勤圖報大義

至情于茲畢稱固宜其喜如其者白在堂定省必親祇  
從王事則限于膝道不可迎愛日不能違不得不決于  
引去引去者好潔而獨尚平行者之所爲志在君民者  
將有所不忍然也夫是之謂難言三洲沈公弱冠登第  
踰壯官至臬僉奉太夫人養退居于武林鶴鷗園中既  
十五年糲食步行結社證道踪跡交際不及于公庭天  
下聞而賢之經薦奏覆于北南內外諸卿省者幾數十  
疏咸度公不肯起不強萬曆改元奉詔特起僅補少參  
江藩分節湖東臨駐我郡閱二禩擢閩海南臬副夫公  
楊端潔公文集八卷之三  
資望即秉衡端揆乃其恒格茲連滯外臺又勞勩于政  
戎盤錯之間豈其所宜然皆千里而接一水而便太夫  
人可迎而偕往公得以十餘年靜蓄而善政靖戎輸忠  
于服勤圖報者茲直赴之何有乎遲速崇卑之計然而  
聖明且順輿望召公太夫人壽期愈高公勛位愈隆當  
不但捧檄而動心姑爲親焉爾公汪洋謙抑而苦修饒  
法如素儒其訓視僚屬如家人父子郡邑民吏咸感服  
之于是諸郡幕諸邑幕以余知公就之徵言亦曰公旦  
夕且行遂敬率然書之于左

贈王刻川公祖榮擢序

今之政令在外省者以撫按達之藩臬藩臬達之郡郡  
達之邑凡上臨下承惟虛與誠協治乃和平一有拘意  
見懷疑二者于間則勢隔情睽政令不達貽弊于民將  
有莫之勝說者矣前制藩臬皆萃會城間嘗以事行部  
近始分方嘗駐其守湖東而駐信城者爲藩臬少參公  
也姑蘇刻川王公初授銓與余同日爲繕部郎而知其  
恂恂然矩矱古道迥出于風氣流俗曹務稍暇輒閉門  
讀書即中踰月各以羈去數年會于京師又踰月余以  
楊端潔公文集八卷之三  
假去又數年而公自比部著賢聲特奉藩臬之命來守  
湖東駐節境上余適滯卧山中年餘始得晤對乃今被  
治將三年而知其操行不易乎素處臨承之際持虛推  
誠撫按有所下之也則詳審得當乃達之郡邑郡邑有  
所上之也則詳審得當乃達之撫按撫按郡邑因亦各  
以實相應無有拘意見懷疑二者于間于時治用和平  
四境寧輯一路數郡之藉惠澤也殆無間然茲擢河南  
臬臺將赴鎮我郡守林君等以贈言見委余見諸君之  
以實相與而貽惠于民也固願言之乃若聞望祿秩起

自今而隆于後皆公之當有者又何俟于言

贈姚準麓公祖榮擢序

曩者喬爲都水使者時則率麓姚老先生以虞部在告求游武林始相親卽傾誠而謂于湖山間日將棲遲及有勸之出者乃幡然曰今于時固未宜遂出領郡南陽曰補我郡蒞郡三閱歲喬前因廬居未及修常節慶謁公不以爲僞既卧病邂逅亦未得追隨執杯持觴奉權公不以爲簡乃喬獨時時偕諸山野人熟聞公清操淳政而私心嚮適之也至是始以資望晉憲使于閩兩庠楊端潔公文集卷之三

五

五

蔣蕭諸司教同諸生來曰公于郡士至好子安得無言余竊見乎司教君子恒有隨意見爲治其好士者或違乎民志愛民者或拂乎士禮政鮮有能用乎其平公均士民而一體于視實發于發好真愛以故其清操淳政人人能道之其何取于余之言特公之家前大夫南汀公嘗分教吾邑守清而其爲教也謹龍津公嘗司理吾郡守清而其爲政也嚴公兼政教而亦兼其廉平豈弟其于二公殆增美也已昨歲藩臺檄採通志兩庠舉二公以書傍觀弗知者將謂姚固世宦何多名賢于此郡

也詎知二公之得書也實其惟公惟宜者哉公嘗授節于余余詳綴志例見仕者家食者皆不書往屬乙酉暮省志時諸有等政者或格于二例不見于志距今五十餘載鮮從而覆其實事以爲徵惟有風韻係人耳目卽前哲自善其政弗計乎身後之名顧目其事手其筆者苟遺之寧不負盛典而枉此心哉敬歷歷其有得于所徵係者以存安知其無有于遺以後觀公今昔相同竊意乎後之人于公當有因風韻而核實以首書者將于何志識公家之多賢雖謂之世業可也余所不能爲佞楊端潔公文集卷之三

六

六

茲言也皆昨歲其兩庠諸師友素所談述用以爲他日史氏之地

賀王槐里父母報政榮封序

久任宜于賢者否卽民方求其去之不速而復久之乃重使之與民不宜者也如其賢者而上弗爲其久任之計則亦無以舒暢四體而行乎其志考之國初久任中有起遷以通融互補一時大小內外遠近煩簡辟司順資望以均叙進當其任者不得用愛憎毀譽爲低昂驟殺起觀者于微倖缺望監司之臨郡邑體貌有格庭參

長其無有以蒲伏腰折爲恭政成績報迭加貽恩旌異之典榮其身以逮親俾自銷其私顧不逞將寧之念茲皆爲賢者計也于時臻吏久民康之效有自矣近者未畫一焉雖有賢者其能樂此獨貽恩因久必得可以銷其私顧將寧之念爲足愜而已我也父母槐里王公當久任之時報三年績于朝榮封太夫人如其秩顧寧之情亦既愜之邑司教諸君同諸生頌言爲慶喬以嘗有言矣諸君曰前言則期今言則慶時與意異其勿辭夫世之談吏事者重才守余小子稽古居今竊嘉樂其人

楊端潔公文集

卷之三

七

三

之心術度量以才守可強而心術度量不可強兼之而持久斯之謂賢今制重甲第我敝邑鮮有至者惟弘治中張公嶺嘉靖中林公軌張公風猷遺聞到今林公醇簡乃亦有聞皆歷四五年而久公之心術光朗度量優容才守兼稱誠賢者素與民宜于久任前政甲第均增重于我敝邑者矣宋人言官至三年則務收人心爲去計矧官成名立而後賢者不免公旦夕內召如一日在治孜孜爲民裕遠猷而不以去計參其意是亦公無窮之思余辱治誼也厚于慶之終致乎期又不自量敢擲

管談當世久任大計祇以彰其妄也

贈喬純所年丈奉使榮行序

同年自昔稱厚時同經房同部事尤厚今年余從純所若以經知與于汪遠翁先生分部適聯次屬刑曹坐覲洽談凡五月其厚至也是月余及銓次君爲部使偕出部君將趨宣府使事完便道歸其里同門諸君咸別以言乃鄙心尤厚望焉言曰學仕事兩而道一也敦實君子未用而學不急于仕既進而仕不廢乎學是故爲真儒爲名臣時則詞華習勝咸累勞鉛槧以必其得罔計

楊端潔公文集

卷之三

八

三

乎身心政事之圖一通仕藉移心爵分日以交承簿領爲勝若無有于時優可學者不學當居常細節亦可自文以求譽或有巨任遠籌加于身不知將何道以應之也余知此義志才俱後今將爲瘝曠是懼君大才力足直前此歸踰年乃還正優游之時自孜勉進于學也得非其欲歸意乎哉第今有所謂學管疑之不可無辨論理或宗虛微恒空疎于內將以意見爲當然論事或任智術拂持于外將以典常爲陳迹夫據之無本用而無當欲理得而成善事弗能也道其滋弊也夫居常言學

在力行于混真違古之說始辨不爽特向所習于聖門  
進德修業及時之旨明析而行行久而純道將自是以  
顯後日任巨籌遠持此往焉裕如也純所願美性果親  
此其易事余言可能有合否尚冀爲訂其愚

贈盛石華年兄榮使江藩序

王朝之臣居守官出奉使皆職業也古者之仕取于比  
閭族黨外務所守職業內以祿之入者養乎其親間有  
使于四方上必贈其去國違親之情或以懷歸將其父  
母來告者卽曲圖以遂乎私不欲以義故掩之士生于  
楊端潔公文集卷之三

九

茲誠身裕而情暢矣固宜重于報禮也哉今聖明在上  
推廣孝治官居有迎養封錫之典使出者有限還期常  
得因道歸寧于家有持依省修養上告者不靳一人之  
用以曲全乎其情待士之恩視古道何讓哉今年春同  
年進士出身者四百人華亭石華盛君觀曾政屬禮部  
尙需選未有官守念家有太夫人在欲歸以省以情告  
于部堂時適有江藩催玉牒之役遂承是命以行君將  
行齋袁諸君暨余皆從君受知于宮論遠翁江先生之  
門者也謂別君不容無言以之委余余意君始第之日

遂奉使四方使事非難久役道又便計問可承色惟于  
庭下凡若茲皆上恩也人有施顧盼之愛于親者弗能  
緩厥報君于茲盛思吾知其必惕然求所以爲報矣然  
臣之報君不在他在職業稱今使職既易稱選期且邇  
卽待太夫人而來守官之後體國奉公罔入一毫身家  
微念如是而職業既稱亦可以稱職之祿養太夫人于  
宦邸顧非爲人臣子至榮事歟君性行純茂忠孝之理  
講明于稔者也不俟于言亦庸書以俟

贈林孝吾公祖報政序

楊端潔公文集卷之三

十

沿道爲崇本之論則曰返朴還淳爲因時之論則曰補  
偏救敝自尙忠教遠淳朴漸易法度起而維之法久偏  
敝叢生補救以乘其勢數之常然者乃喜大自好者  
言治平而惡開偏敝間嘗逸豫以弛事其役智自私者  
不問其偏敝何在一施之以補救更張之術則又開天  
下而擾於多事治道無從取折衷矣嘉靖間偏敝於旣  
振漸安之後政莫大於補救以時而一二左右之臣方  
誦言王上神聖天下極治乙丑春臨軒特策以復古用  
忠獨漳浦考吾林公對言揆今之道本之在返朴還淳



而目前所繇適者莫急於補偏敝條析萬言舉中體要  
旁有贊其言之當者遂極陳於首語在廷宣讀諸公心  
善之擬掄大魁忽執事者疑首語非治世所樂聞不可  
以進覽乃抑置于未進呈者之上得南比部守梧州補  
我郡公性履忠厚清慎而以淳朴待吾民觀郡政前此  
輿華初定無俟於更張日隨其所偏敝而酌宜以補救  
然猶出之從容不激不疏之度一時吏績稱長七邑之  
吏民承而听之悅而安之者翕然也夫補偏救敝數言  
者向因之未得掄大魁而竟之以成良吏先資之言可  
楊端潔公文集卷之三

十二

見之行吾茲信哉今合二郡三年課最撫按諸公奏上  
而薦疏交至七邑今王君等以樂得承听而共之于理  
也感而委言爲賀余以心知不用泛常溢詞厘道其先  
資可見之實者爲如此

送李前川公祖北還序

真定前川李公判吾郡首事而懲胥緣之藐肆誚屬吏  
之貪墨絕私交拒請託之于私衙法務嚴明用之弗撓  
前時郡市未有游蕩賭博近始倡萌公廉得悉治儼從  
翼塞其源政足揀時而心重使民爲善識者已覩其爲

朴真端勁之士乃惟自信其見之所明心之無私遇事  
必爲爲必果隨言輒發發必盡弗藏蓄掩護觀察瞻顧  
識者私謂以公之朴真端勁能審之警防濟之婉遜熟  
之以人情上俗可語全長如竟此而往則今傍觀者得  
以窺其淺深持其長短而作中傷之地既署事貴溪矜  
兢守箴致德于民部帑賦上大司農大司農異之爲卽  
臨財不苟知治行非常檄獎之從是還而警防婉遜情  
裕以練又適可爲之年其於仕之通也奚疑乃始任抵  
今財周歲數月在途何當路者誤听而被之以不逮之

楊端潔公文集卷之三

十二

名日遂戍裝歸郡人交相惜居鄉士大夫汪王周馬諸  
公來諗而貴溪徐子亦貽書至咸誦其佐郡署邑如此  
猶曰不宜公道何謂欲余有語以慰其心余求其謂而  
不得竊擬其可謂者或弗善仕云爾云行仕路亦曾見  
大世之一種善仕者焉于已則深中重族于人則飾外  
員應于事則擇易厭難度其可以微譽利而動非是雖  
當爲者亦輟下上官則預罷欲從事逢合而知要之書  
援結之辭口至侯上意獲采然終非其所欲而弗  
恤卒亦與才賢者同格得善遷夫公于此數端一無有



又負竟此而往之道則亦何疑于仕之不通也哉郡內數年有似於善仕者皆得遷去自居若榮而人鄙之彼其心也昧有似于不善仕者竟不得遷去自居若屈而人稱之彼其心也明余於此亦何敢妄爲榮屈過稱昧明之說顧好憐材樂道是以合郡士諸君之意而語公其勿歸咎乎中傷者而歸信于竟此而往之道勿悔乎竟此往者而自慰于心明庶幾求無媿于展復而已矣公以爲然否

賀廖明河公祖長公登第叙

楊端潔公文集卷之三

十三

三百八十四

士君子有光裕之業聞于時恒自其世德家學暨善澤在人者實發之祥余徵于我郡祖明翁則然公家自尊公大夫而上世以長厚詩禮脩其身公挺天才拓而盛之弱冠蜚聲藝苑作爲奇文古義徧友乎曠古當世之所謂豪傑者乃遂抱隆望聞于天下時則亟進諸君子于膝下而造之惟仁義道德詩書禮樂是訓乃長公蘊藉行誼性植其厚而日承受其心傳歲甲子遂舉于鄉今年春登上第郡內士民咸謂其世德家學有然者而相率爲慶郡西書院諸士等廼公申督學群擇而教之

者亦相率而告于分理院事周張二學博曰信當東甬衝地吏于此者宜上治下勞疲于簿書交際日不暇給矧郡縣之理以一身總政事訟獄凡幾卽古稱通敏精幹所不能于一日間率辦者惟吾師嚴守勵精幾先立斷譬則川迅雲駛見者輒稽首吐舌稱神明而興學校建橋梁興利剔蠹具舉齊還公暇循循訓我諸士指的鍵示幾玄不吝故業人人奮以求無負教旨稽往載籍良吏獨稱文翁治蜀起學宮進子弟每行縣益從明經飭行者與俱蜀治至比之鄒魯茲吾師之治誠曠代符楊端潔公文集卷之三

十四

三百八十五

立反以平往者賦役苦民有倡條鞭法莫敢議始以斗級補陳二役故也上官行部因民請令公詳任乃力贊可行併酌處二役以報法遂得舉又知終獻給帖聽民自便而重示手毫髮不得過取之令過卽有重懲全省藉利功等千曲突徙薪有不特德萬人者茲家慶固公家榮裕之常適事與時符乃口實乎昌閣啓後者亦善澤在人見德歸盛宜也日者公且晉陟樞要長公方展施經濟德譽宦業方興而未艾此未足爲深慶雖然亦爲之兆也是乎書

楊端潔公文集卷之三

五

三百五十五

贈錢玄台公祖榮擢序

吏治莫良于久任我

朝行之洪永至成弘之際乃所以行則以前後超遷中外均勞相通融裒益于其間而外之體貌藩臬視小九列郡邑視郎署未有瞻承折旋以爲禮以故人情樂而安之政求宜民願與久任斯其吏治所爲良爾正嘉而後其法漸更先正羅文莊公正議中格得非以其勢重難與遽易乎哉近者驟然而行始不于中而于外外不藩臬而于郡邑郡邑又有異處以待所知而其所久任

楊端潔公文集卷之三

六

九

者亦若宋人所謂材能久淹者也此卽更法之初難以盡均况能持久也哉茲遇聖明更化首拔淹滯用稱吏治而我郡蔭錢公特拜閩憲使將行佐郡顧公呂公和公以喬在部內知公委之爲言公當爲祠卽銓資祠郎暨各部署俸屆六年者例皆不補郡公筮仕祠部積資十年俸屆六年乃以道與時左忽補郡今治郡踰三年始得茲擢蓋亦稍按于久淹之後者也自此而超拜中樞必然已公之治郡潔守謙度儉用勤理百務所當與革成條叙其肯綮達之上下績底于成撫按二臺錄之奏刻聞譽大彰著矣然有係常政而足以成禮教維厚俗未盡述者信俗素淳訟稀獨以山業易混淆而惑于風水術者苟有隙可乘卽攘致之值微家則隱忍已爾或可與言則豪強者力能變譁是非所使以視之者間有樂其可收魚人鵠蚌之利遂令善良失業荒隴受弊得遇乎明達容或曲待姑存其寃也亦鮮能遵體撓爭不已此民俗之日澆薄禮教無從而興也自公之入境詢俗而廉得乎此首謂民風從上而導爲人長上當令民無訟而于其冗壠之重亦不以理聽是導之訟也

豈其可也凡訟此者至則虛心稽覈究來歷別界限而明先王禮制嚴當時律步以立政體凡屬後攘者必懲必徙如是而訟源可塞禮教以興德澤被于荒墟枯骨者至遠也適境內有賽神競渡賭博蕩遊公知而禁禁而息余抱瘠林居義不常談鄉隣之聞竊聞政體一立可以使民不爭卽是而往是爲久道公猶謙焉謂得之前直指邵公而同寅諸君子之贊相也是排讓之厚也敬爲三公述之三公深以爲然遂書之

贈錢玄台公祖榮擢叙

楊端潔公文集入卷之三

七

三十四

夫士抱琦瑰材出而膺國家重任建非常俊偉之績寧歟炫奇擅異者能取哉要在鏡時劑勢酌事理之中文武張弛動惟厥宜此之爲材猶龍矣試之一郡一郡理試之一省一省理又試之宰天下天下理何者此其素所操縱運量者有道也觀公以孝廉起家爲諸生業已澄清自任比釋褐而歷職儀曹也于典禮趨步不踰道矩尋借節守吾信余偕諸士民謁公顧見公亭亭乎抱泰山喬嶽之度而皎皎乎青天白日之襟則相與私喜曰偉哉是吾信州福星也甫下車卽慨然求信之救而

思一新焉信故號劇郡舟車鱗次使輶星繁乃吏習民風猶稱醇謹抵今法漸弛庶政諸務漸凋憊當事者難之公庶知其情謂吾而復假以寬徒竊長厚之名將如以水救火益之溺何于是懲豪猾之胥而民無飾智嚴關役之禁而民無私交察敗俗之姦而民無悔類屏聲歌之役而民無違佚拓百所未有之規而民無懈懈闔茸不匝月誦聲四溢城市肅清踰三年而治化其決然也宣父論治體居上主威重而行之以寬剛柔而中非一于寬之謂也是故僑也之政尚嚴而且以爲惠其大楊端潔公文集入卷之三

六

三十四

意不簡忽必程于度語曰禮德之基也謙德之柄也履和而至謙尊而光蓋謂是乎則所謂撻縱運量殆于是本歟將別因次其槩以識仰斗之思云

贈王古庵公祖榮擢序

今昔談兵者咸謂募易散難江右環湖山爲省古稱樂土又稱南安往者嘉靖末南倭發難閩廣寇起海上通卒挾山寇以內地逃徙導入之幾徧全省督府新至徵兵重食主者群告匱乏部吏爭獻議以令邑里各立保甲卽于保甲以其健壯者爲兵則其土著而食不煩官

楊端潔公文集

卷之三

九

三百五十四

供督府首從之于是合省各邑皆有兵而民久徂於安養不能卽戎乃名出保甲而實則官募也數月兵急需餉是時民方苦于正供增派又寇至徙避餉不及期南昌兩隸省邑應募者先乞于督府適覆議者以兵不可戰而坐困民食請散去督府下議屬南昌他邑亟承檄令散之凡募者皆强悍甚困飢者也遂群聚譁於外營新建募者獨曰我族素愷悌近民今應其募而不得餉當必有以處此者相戒慎無譁而踞乞于前侯知其情之以餉故也言於督府請以官錢給之卽乘給錢令其

楊端潔公文集

卷之三

十

自故督府如擬于是兵得見錢遂樂散而民不擾也全境以安余嘗過豫章熟聞其槩而知侯新建者爲姑蘇古菴王公也次年公以治行居最召爲御史後外補歷藩臬幾二十餘年今萬曆辛巳乃以粵西藩伯奉例裁移江右鎮湖東甫下車而江右知公者咸曰是當治新建而善拊民解兵募者也公爲治志循舊俗不急更張政先大體不屑苛小境內適有丈田事公率諸屬郡邑量稽考速得成緒會浙上兵競事閩隣壞公部令就伍而兵自若附若不知有減餉者一如往時在新建事

贈呂心源公祖榮擢序

贈私余素不文其計則二三文學之言固在矣

郡公祖心源呂老先生治郡三稔既上倚下乎銓部以方內寧謐獨滇南微有梗化方修安攘當慎重乎刺守者乃簡于群儒得公績最請上命以守巨津即報至上下大夫士聞之或曰滇南遠在萬里而巨津古梁地距麗河界吐蕃夷戡叢居以此地處公得無非所宜乎而公寧無意少介乎余對曰公奚介嚮熊子言之矣曰君子思貽令名以及親故弗崇秩以行志思精一以報國故弗懷上以便身公質醇度溫才溫猷長素講乎忠孝之學者也既無擇于官亦奚擇于地耶矧墨綬綰符秩

楊端潔公文集

卷之三

主

位漸尊專城列戟政令易行又所謂遇盤根錯節可以大試茲地也公其必往哉公聞命畧無所介卜期戒行部內諸士友信余之知公也語之爲叙乃叙曰往歲信當兵荒後民日逋負于征求剽竊于凍餒而公適來總糧捕二政或私議曰利國者難利民獲下者難獲上不請公于此將何道施之謂重徭科者適趣民于阨阨民弗仁緩供賦者適俾國于匱匱國弗義愛哀賦籍登賦賦諭以上下一體之誼莫不相率感讓殫力輸將不決旬而輓運告備焉公又謂信俗淳訟稀或有犯者夫豈

其情無亦以一時忿激與二三刁頑不率者導之乃申制令婉訓誨微懲乎刁頑不率而不深治乎誤犯者又莫不相率感讓各安常業庶幾乎市無撓法者焉前私議者相顧羨服而當路檄公署篆鉛山方理清丈獨洗報成賦法妥而民不擾輸挽入都輕車而行不費額外一錢適是期考績于部部覈其績上之詔褒嘉賜封其前大夫如其官會太夫人壽養公署樂之郡今慶之是廼素講明忠孝之驗者也今茲往滇治巨津以此道卽今滇郊多壘如閭府煩公調畫兵食戰撫之宜公舉平

楊端潔公文集

卷之三

主

三百三十九

日嘗驗者大展之裕然也豈獨治信著績也哉將俾銓部用公暨公無介初意誠兩美已茲聞公行速廐以其與諸士友之言以爲之叙

### 送宗伯高南宇公致政序

大宗伯南宇高公志在明農前是聖明眷留屢暨朝野屬望方隆不得遂今年冬堅欲成初志疏五上報留如前乃日嚴裝以待請詞愈懇聖明察知其不可復留且念大臣重廉節而去天下風俗攸係乃進秩官保賜傳行予以序來代視部事嘗念從司館論交二十余年特

深識公德履文詞所以高當世者耳茲幸日循令軌故  
贖而許公之政亟詣諸司屬者師善功逸繼治道同其  
尚交相勉遵以不替斯前政是月之望榮駕在途既備  
諸卿大夫祖席于郊例又當言考之周官司徒典教宗  
伯典禮而封建各有其國自食其土親親德意大宰詔  
王統馭于上四夷賓至則九牧統率而方貢遠物則又  
司馬屬懷方氏職送逆之而報其成于朝我國家法其  
意建官司徒職專戶賦宗伯教化祭祀藩封四夷賓客  
之事悉隸焉成教化而無職任者先時士習尚樸祭典

楊端潔公文集

卷之三

三

三

用簡藩封未盛四夷馴服當其事者尊成憲而理之即  
稱善職故名清曹及後時移事改士習澆偷祀典煩數  
藩封生齒蕃衍四夷職貢修舉不常弊例漸生法故多  
弗可稽上下之持文累責成觀望者日起局務視他曹  
較冗且要矣近諸上卿相繼率屬振起績方有緒即遷  
去公履此獨五年性稟剛明嚴大問學博雅自心而得  
凡天下事夙悟其精微中正至理于是執理而應時一  
意指口授之執事者及來憲時宜其用輒有成效今文  
體學術淳正祀秩豐物適宜諸蕃名封儀節確有成式

四夷獻享頒衮劑量隆殺咸配其來王率服初意其大  
者整肅朝儀請建儲宮贊 宮闈郊陵視學躬耕諸太  
禮以訓 聖明敬天尊祖重儒勸民至德一代禮樂文  
章道德風俗隆煥 中興者實皆以道事君而致即不  
自炫伐其能掩抑所寵念者宗藩事勢極重大顧非一  
人一時之力能亟萬方擬會衆思度機宜兼施仁義法  
度仰漸易積久不勞不駭庶幾功可萬全乃竟不能畢  
據其志而去無乃治運與公之道相違其亦時固有待  
乎謹欲紹成盛業仰祈 聖朝敦典庸禮明德睦親之  
楊端潔公文集

卷之三

三

三

治不上下可能同此心否而朴忠之寃則不敢異之  
幸拜教之久知公立朝取與交承甚嚴出處去就甚明  
而居身治家孝弟忠信之行素孚于鄉而聞于天下歸  
其益躬行講明以淑後之學者暇則徜徉山水間暫爲  
香山洛社尋其所謂樂者有之豈非天地間一至樂至  
偉事耶然國步時事日艱天人謹信非常敬德薦賢異  
命悲窮之道固周召兩公者惓惓相閔念于去留之日  
者也予愿公其無于既歸忘之若召還大用甚知非公  
意而實 朝野同情謹拭目以俟



賀屠石室父母欽取序

周禮小宰以六計弊群吏之治曰廉善廉能廉敬廉正  
廉法廉辨夫舉六者以廉治夫豈責於當官之日而已  
哉固教之於始而望之於終也當今之士習舉子業者  
惟患吾文不工不取旦夕富貴而未聞有以善能敬正  
法辨教之者故仕路一策足則公政外塞而私圖內急  
斯世斯民奚賴哉石室屠先生蚤承家學之流而以文  
章魁京闈甲辰登春官後廼告歸養殆庚戌春奉廷對  
天部知其賢乃以弋陽令授焉夫弋陽爲吾信屬邑路  
楊端潔公文集卷之三

圭

三石室刊

冲務劇加之以橫峯處乎其間自昔稱難治者也先生  
治茲將三年約不儉用食給諸家歷考其政則平賦簡  
役清獄省刑彰善鋤惡秩二如各有備望弋民合聯比  
咸被其澤乃心罔不願望朝夕爲麗迄今廉吏治者薦  
於上而簡命臨焉先生以此當行然則弋陽之民其能  
什然于茲行耶我不敢云惟曰天下之勢不止弋陽爲  
然力疲東南寇環西北愛君憂國者日圖報公福民爲  
事吾猶慮恭之不協矧先生爲國家世臣又當如何哉  
茲之行天子則必重其所任任既重則其志可以大行

由是教察有僚以其政弋陽者政天下庶其功名在海  
宇而無負於今日廉治之明也先生進乎哉如其日進  
之富貴而忘厥初焉則又豈可乎喬于是乎頌俟

送陳少巖公祖入覲序

聖天子勵精更化于御極之二年入覲外臣大明黜陟  
勸懲之典較舊而嚴而慎海內待吏治者祇承德意爭  
自砥洗以就于理宜言美矣茲者又詔明年丁丑舉行  
觀典我郡太守公方晉擢司理少岩公以職事當往我  
鄉士大夫諸子者皆送之郊私相勞公以初駐而遂奉  
楊端潔公文集卷之三

圭

三石室刊

職事亦既贊勞矣又更相慶公以初政而遂有令聞亦  
卽顯陟矣喬叶攝山間素未趨公庭今別又未能隨之  
郊委之贈言乃記今令甲臣自藩臬而守令必暮年報  
政撫按兩臣乃得議其賢否俟得代始聞于朝期未踰  
暮及不當兩代日卽有賢聲勿聞也公之蒞吾郡也甫  
數月耳至則撫按諸使者行部境上晝夜酬奉儀務不  
得暇息出境始視篆玉山隨視郡篆時曾未几而修城  
垣理部稅節夫與僉有條緒而于民之訟廉情酌法聽  
以平恕真謂乎得近民之度其爲期去期年尚遠政雖

未報乃其賢聲不其可聞也哉如是而進顯陟信如我  
卿士大夫諸子者之言雖然劍光欲耀大治不亟心子  
小試美玉將宣良工不急價于畧售蓋韜光含美以俟  
乎時也况自有知而貴之者哉公之爲良劍爲純玉時  
之知而貴之者已久或者聖明初重久任仍勅公旋郡  
候循政大成而後拔陟余意公之還也舉其所韜養含  
蘊者悉施于有政此所謂尤積必耀美中自宣君子藏  
器利用之道固如是也敢爲公望之

送黃中菴公祖序

楊端潔公文集卷之三

三

三

世之稱廉者難其人矣明理信義而不妄取者道德之  
士也重名尚節而不苟取者狷介之士也慕榮畏辱而  
不敢取者保爵祿之士也道德之士內不見可欲外無  
所藉于物無所爲而然狷介之士卑視流俗不屑不潔  
及于其身知所守而然保爵祿之士能揮千金以要名  
而遠罪不能不計雖未于名罪所至之地有所勉而然  
吾持是以諦今世之所稱爲賢士大夫者自其談道德  
之時而聽之似狷介而下皆不屑居及求其行間有甘  
爲黷冒而不顧又從而飾之辭以是知廉之難其人也

中菴黃君由令蜀射洪六年而遷判古信性靜而儀雅  
學瞻而才俊其奉身有寒士所不肯堪其制行有達人  
所不易持恭儉之化刑于家庭猶未免于啼饑之苦故  
其不取之節可以一終始可以約顯微可以乎上下而  
異乎今世士大夫之所爲廉也自登仕至今尚未滿一  
考時多賢勞于外及署事于安仁奉新而繁邑專信之  
治僅期歲耳惠政在人雖窮鄉三尺之童咸服而能誦  
之吾獨首舉此者以其人之所難且無所爲而然故也  
况廉而不譙則傲物不恕則深文不公則罔法不明則

楊端潔公文集卷之三

三

三

偏任有一于此卽不足以語循良將并其廉而無所用  
公以謙恕之心達公明之政前無所援後無所羨亦不  
此其能而自賢其不重嬖美乎古之循良者耶去年監  
司連疏以薦吾謂從此超遷然後可以倡世之好潔行  
崇實政者茲迺循例右遷矣官則州守去守一階矣地  
則黔之獨山由公之操推公之心卽軒冕廟堂且無所  
與顧官之不稱與地之不克見其才自能爲公低昂乎  
哉喬謂吾郡倅自曹公琬丁公幾後惟翁所處充難故  
特書以著法并以爲他日記實藉者若公其何以慰我



之思

送陳少坡公祖致政序

語曰名與身孰親亦有曰身與親孰重以身觀名名其身之枝是以君子不先名而後身身其親之枝是以君子不先身而後親乃得乎名而榮其身以及親此樂倫養祿分義俱得者碩也人同有之不可取必遺乎名而恬其身以便親此辭祿伸倫怡愉自適者志也人各有之不可強成若徇身以逐名忘親以利身無所擇於輕重先後之辨于倫既悖雖有祿奚貴之俗也寧不下視楊端潔公文集卷之三 壬元 三百五十九

之哉閩少坡陳公以禮經魁省闈甫年甲第可立取也以二親在遂仕祿于庠進秩瑞州司理復補我郡合兩郡績成一考甫強年位望可龜待也以慈親在遂以目疾致其事語之郡郡守姚公偕林公堅留之曰公舊以文章知于今當路而我二三僚友政以相資方躋譽美安得兩負之亦非太夫人期待意者列留狀上臺院藩臬諸公報如郡議勉慰之詞各異均之佳其溫度練識才于剖竹節于茹荼且方壯年勤事安可以疾遽休其惟既心殫力永終令猷無復萌斯念踰月公辭益懇曰

微疾滋蔓日復一日求休調攝固爲身計又有所重者老母病癯禱席待養日久桑榆在念深不可遏急迫再陳實不得已幸允其去卽似其留如稽厥請祇有拂衣往耳于是始得報允我邑大令王君詣余曰公之臨誼日愿之茲忽別安得無言敬以委予公蒞郡歲餘至卽應部使者檄發事他郡署符外邑其寓信者日無幾余前伏廬居未得奉謁近又山棲莫由聞教澤之許茲觀其明幾勇決乃大有美於心焉竊觀夫人之情真有所重者私念一將其父母公雖賢勞乎王事卽牽之而顧楊端潔公文集卷之三 壬元 三百五十九

復內恙稍攻其心體外雖居執乎職業卽分之而護攝情既有牽而分之欲其事修職稱以保有令名未能也是以我國家禮體郡臣以親老而請則予之告以身恙而請則予之告予之三年益之六年又違之始罷其限藉猶不逸其名卽有故託之而免高引之而蹈亦職咎夫設穀以待賢才將以異其報禮而未覩厥報且于其情而重之是乃成其孝以資移養其力以待施暨託乏者之自新引之者之自潔也然止于京朝官而藩臬郡邑不與今例藩臬郡邑亦得以薦拔起內外禮數惟

均士生其時豈不進退皆適也哉顧人恒好言進而惡聞退退卽怨悔隨之未有灑然于胸次者矧欲其獨養長暇于林泉傲然老也公歸他日無恙太夫人喜順而健情既可免于牽而分之閩仕國也鄉大夫聯纓而起結駟而過里門官于上者隨而高下乎禮遇縱勿怨或亦悔于辭之早矣乃觀公先此名未遂時願必于榮其身以及乎親今此名將遂時志成于恬其身以便乎親心之安之將且怡且愉矣外至禮遇視若浮雲升落理勢所必有奚其悲又奚有于悔哉七邑大令諸君合辭

楊端潔公文集卷之三

三

三

謂有當乎言也可以爲公贈

新刻楊端潔公文集卷之四

男聞中聖踐祚孫德誠

序文

贈張五台父母考績序

上饒附郡爲治東南孔道也其民素懦其政久廢苟爲令者恃其淳而徧法徧其廢而怠功豈惟民無以爲依而吏政不脩如獲上顯名何也張君五台今我上饒五載矣夙興而夜不假寢厲精而慮及至微斷獄訟平賦役厚往來以儀節封禁嚴其令好事者奏聞欲開取水楊端潔公文集卷之四

直之類以建道宮之用 旨下監司君則力辨其不可以報方土獲無事境民得安全者皆其賜也公嚴之政歷歷有聲當巡者屢薦揚于 朝其言在衡部又天下之所共聞者然時議東徼多故守令必久任乃進遷君迺以才而祇今親風者採嘉其績屬以考績行夫捷敏之才適遇今時正應理繁之用况政事深獲乎上而有以薦揚之乎昔者卓茂令昌邑有治行一舉而爲侍從所以今天下才能或不得用或用亦屈于位不得大展布君才能如是所遇又如是豈非大用之漸乎然吾

聞之矣卓茂行渾量厚自邑令至大官不忤一物至今  
爲人所誦法君有上饒之公嚴而又益之以昌邑之渾  
厚則他日將有垂跡青史如卓茂者矣謹書之以爲厥  
最佚

送陳龍峯父母入覲序

明年已未當天下述職期上饒令龍峯以爲生以職事  
當往致別于境中大夫士告行予率二三僮友將之郊  
而進之曰先生以此行亦榮矣常朝覲時自方岳以下  
至海陬僻壤群吏咸在而得以與四方玉帛相後先天  
楊端潔公文集卷之四 三

下大會也既入見銓部乃集天下縉紳而最殿之以明  
陝黜天下大政也既得最乃 賜勅以嘉論其能又頒  
欽以爲還途道里費天下大惠也先生以此行亦榮矣  
且先生令我上饒方二年撫按藩臬郡守諸公咸有所  
推獎聞其所以獎課者皆以平易愷悌不假聲譽爲言  
又重之以可用之才其所獲上大都如此夫宦於茲者  
信已者多不能獲上獲上者多不能信已信已而又能  
獲上豈非所際之隆有由然也哉愚生也賤所謂不得  
與考績幽明之說于其往也而據今制觀之則郡守之

言足以信於監司監司之言足以信于銓曹銓以今所  
入之課而定其最由是而蒙 賜敕頒欽之惠且計時  
而叙擢之其不有餘榮也哉然吾因之有所告矣公政  
暇司國計者必以東南民事爲問率一一爲民語之曰  
有家室者空其村軸無立錐者散而四方其趨首以待  
聖朝之恩澤者不特一邑然也以是而 聞庶綱恤之  
詔下於 九重四民得遂其更生之願焉此其爲惠最  
渥也非特惠我一邑已也雖天下可也基不贅謹書以  
俟

楊端潔公文集卷之四

贈祁春野公祖考績序

海內譚山陰祁公家世甲第崇宦業盛嘗聞梅川先生  
持憲中臺積資九載將內遷以端直左時貴出于傲太  
兩郡而蒙臬先生早奉庭訓司理屬郡在世廟時居留  
省著風節出守福州二先生皆爲名諫而亦皆領郡稱  
良吏重當世余之承乏留臺也得侍蒙臬先生比叅藩  
滇南先生總憲續運轡北上於逆旅間均聞緒論于時  
春野公方執經造膝即知其覃究家學質醇詣銳高識  
遐覽於世好卑趣一無所動毅然將任天下事比余歸

公發跡有令聞矣又數年爲今庚辰公受簡命爲信司理余聞之色喜鄉諸大夫士咸曰子何以然也隨以實告且曰是允能適省二先生者矣公至以所習聽于家教者見之行事政首嘉惠和輯以麗法者匪直無知亦上之人化導不良致之故凡情可矜疑必竭勞求情得實以謝臺者繇是絙壤無有以冤濫稱則又忝忝然胥迫于誨可幾乎明允者焉當路廉公才守器識全長一遇事幽隱糾結莫辨者輒委重推勘之公從容酌情準法洪纖中度愀愀平游刃有餘而常覺其胸次楊端潔公文集入卷之四

怡適我豐碑在一隅敝俗易訟思得公往蒞之臺省遂檄公視篆公本平易近民謙冲尙儒而洞奸緩良革澆習緩催科數月而應上官他委解篆行羣邑民感倚嚴敷載盈道路老稚皆能道之夫聖門論政期月可三年成公自髫年誦法孔子至是力踐斯語斯其無負祖父家訓而可以藉手報簡命也哉公將以報三年成績北上鄉大夫士日需被於政澤也乃相與計贈行之言以屬余且謂前之色喜者今信其然之余嘗記先儒論官職而取重於爲諫官爲守令公家二先生皆爲諫官

守令嚴在竹帛矣而皆以天限屢見於專城方岳其蘊之展而未竟者實惟公公今以是績上聖明當召公公其擴家學而用之將有光大前政而著無窮之聞者也余不佞敬爲公俟之

### 贈顧歲吾公祖考績序

姑蘇歲吾顧公弱冠登第初授貴溪方出都而風傳者曰斯其黃鍾大雅當列清廟明堂安得煩以吏事又謂龍泉昆吾一出而光芒精采即凌霄漢射斗野奚其疑乃公銳然就道至即脩舉邑政肅齋舍嚴閣禁舉章程楊端潔公文集入卷之四

敬蠶弊平賦役立保甲期與民安輯政既就緒時方久任公以不干譽耀聞期將兩考廬擢二守吾郡客曰以公之才守不內補而領邑茲又爲郡兩官不能去信何哉其畱滯者公視之怡裕自謂曰是古者誥練敎歷之道也吾方喜其不易民而循舊業可以善政奚爲其速去哉乃益勤勞肩勵如在貴溪時連署郡篆蒞事取裁心匠酌運物宜而文移簿領一日不忘行之堅持即左右不能窺其間隙而無有敢干以私者允乎精勇平易兼脩而政成矣茲將滿考以其績上之監司監司

奏薦曰者公如近例親考於朝齋竊見乎公前此令廣  
溪凡六年今守郡亦三年合乎虞庭九載三考陟明之  
時而以是績往瑩然凌霄漢射斗野大爲清廟明堂之  
用雖復欲留滯不能也其殷實並茂而光采益宣者乎  
茲將行七邑大令陳君等有同時而爲邑者有後時而  
爲郡屬者並就余而委之爲叙惟君陳嘗言之推賢讓  
能庶官乃和不和政靡余居山鄉實被公政而親見公  
同諸君以賢能相與亦更相推讓之不後以故其政也  
和而今茲爲別宜諸君之情不能已也敬借忘陋劣而  
楊端潔公文集入卷之四

六

代諸君爲之言亦以道郡民同情焉爾

贈顧箴吾公祖考績序

守令職在干宣上德達下情而漢史所記賢吏最稱其  
宣布詔令勤恤民隱是已我郡侯箴吾顧公以遠覽明  
照之材筮令貴溪吏治若其所素習至卽觀俗見其賦  
法偏重田畝虛耗思欲更張以聞於其師太史荆石先  
生之言力行之初執干禁令不果任將兩考適奉清丈  
明詔公毅然以承而猶慎重不輕試當事者督成甚速  
乃卜期集民昭履揔率時則公以久任里邑素信法守

得刻期成緒無擾既上事而公擢我郡一守日猶督  
課賦册務報竣始還郡乃將郡符行奉詔單恩海內前  
足詔令下特循行政事已爾未始有偏及之民者公獨  
以其欽恤綱典利除弊聞者服之旌淑別惡簡材綏  
困諸大美一一率有司覈實以行有如金石於時有司  
亦謹從無有如往虛應僞報者一郡常視仁恩溢如也  
說者謂此其何宜之政以歸其責惟其素有所蓄積於  
中乃能然之竊觀公才操峻明帥率嚴整居常惴惴若  
不勝遇事卽設施展布迎刃而解之無難是其蓄積于  
楊端潔公文集入卷之四

七

三百六十四

中者爲然卽余前所謂吏治其素習者也公茲考績計  
日入朝吾鄉郡城諸士友馳書千里外令余爲言以贈  
余旣以宣德達隱叙之而又私念先正嘗謂狄梁公仕  
唐勲業皆自望雲中來公在貴溪在郡皆迎養太夫人  
於齊一色笑一步履皆惟太夫人意卽有公役行他郡  
昨秋以觀詠人省其瞻戀周顧形諸懇懇真有不以三  
公易一養之志郡士民感公之治亦慶願太夫人之壽  
百年未艾是以余小子嘗誦詩得其勤王事與將母有  
不能兩兼者公得而兼之又得郡人慶願之情此其道

與時偕至樂也謹許書以告諸士友伴之以獻

補送張約齋公祖詩序

桂林約齋張公來司理郡事將四易寒暑生時請假家居未報謝又未嘗通于聞者公亦頻同督察羣公稽吏治于外郡乃心獨好之亦不以疎簡鄙我既而喬伏廬次不出門戶禮務皆壞廢萬曆癸酉秋公以諫省膺召喬從諸鄉士大夫宜有別言且當將之郊皆泥於情緒禮制而積誠待之也亦屢矣踰年解廬切繫我思曾具俚語四章欲寄方以慵病未爲京華書謹僅留之敝篋

楊端潔公文集八卷之四

八

三言字餘

內私叙曰今世所稱才在眉睫唇吻間然亦止於眉睫唇吻間不能一展也而有潛實不露者人未易窺其蘊蓄或以可能大有爲疑之乃潛而後彰實而後舉不爲而後有爲大疑之謂真才豈狗眉睫唇吻者可幾而識之者哉公在郡則莊度清操上下孚感在省則正色昌辭中外美瞻皆有察使贊公者曰喜怒哀色形可否不辭辨而定疑剖難思若素構而施莫不中乎其宜合乎其情若可以語深知者顧此特理官事今爲諫官又色正辭昌無所回曲才之隨用而當難素知者亦不能

窺之惟其發于潛實不露以不爲而爲之也歟自是位日進望日隆天下之遠大難重者日加願公期於名臣良弼而務乎志崇勤廣而斷成者生茲言將以爲之先盟也茲書但語于冊用補前別意而系之以序

贈伍容菴父母考績序

我省郡以貴溪爲上邑自昔志士喬俗儉士多通籍是謂仕國西言山間世有爲左道者居之是謂巫鄉往者士飭行誼不以貴勢加鄉曲左道者遵法紀急賦稅其自待暨上下待之皆以方外而亦與其民素相習邑稱

楊端潔公文集八卷之四

九

三言字餘

易治舊矣正嘉後間有士人忽畧名檢惑于堪輿家術攫奪人故壠弗顧士風稍淪而所謂巫鄉者方以符法得幸恃寵漸恣視法紀賦稅蔑如也邑于是乎又稱難治矣隆慶以來聖明更化特損其名號責其焚脩令所司者律以法紀賦稅俾就王化而一二鄉大夫嘗鑒于前士風之淪也乃崇禮明讓續至今君起弊維風稱易治如舊其堪輿左道之術迷惑人心者深且久則有難在頃改萬曆九年春始蘇容菴伍公以上第筮令其邑公素承家學才猷高朗始至廉得其故亟以奪壠者使

改往愆會左道者偶于紀公首得其情戒詰之已而法  
明罪正則念其爲而時積習茲之用懲所以警後又不  
盡法而治于時邑人凜然咸服余居僻封二百里遙竊  
聞公操猷風槩而簡訟平賦政績並著今年春三年期  
當人考于朝院臺以其賢能疏請留是時尊公味蘭先  
生壽踰八袞方迎就養邑齊友人有詣余以言爲慶者  
余以不能文辭之乃我邑候枉宇陳公借僕封諸公愜  
倦委之言且以壽章並屬喬以山居分隔所謂不得預  
聞考課之說于其往而獨憶聖道崇正闢邪王政祐善  
楊端溪公本集卷之四

卷之四

十

三五五

鋤惡其大者公首務乎此從茲而迷惑之風坐移黔涓  
厥功之在邑者巨矣哉其諸汪措裁斷之善意觀風者  
採治當詳舉而列之薦剡可觀已乃求其自觀其成則  
容菴公推庭訓以闡發吏績諸君子對吏績而歸本庭  
訓則其錫類者光而流殷遠也乃在彼邑又寧有已哉  
諸君子相與曰斯語也祝者壽述治行亦似乎可語並  
慶而快我同好者矣于是乎書

贈陳枉宇父母考績序

我國家今申忠古之道三年一考績外臣自潘臬郡邑

諸大夫皆親考于部部上其賢能即循資望擢拜  
靖之季以往返虛職事乃令院臺代奏於朝請留又近  
歲以潘臬郡邑專職親民得代奏請留而佐副職簡皆  
如舊親考數年間而法凡三易此其議制以時者也上  
饒令枉宇陳公時及滿考院臺稽績呈交章代奏請留  
而六邑大夫永豐林公等以饒在信郡爲首邑而陳公  
實先至茲慶其考最之亦先也欲有以榮之而徵余爲  
言余惟公之績既考臺院以最上請矣其又何言願諸  
公之委有不可虛者嘗觀漢史志歷朝求治明詔恒推  
楊端溪公本集卷之四

卷之四

十

三五五

較于敦實無華之吏而其叙相勲宦業多歸家行此推  
本之說也是故論政績者皆謂有考之可盡者有考之  
不可盡者是其說也上饒枕吳楚閩越之交土產膏腴  
道路衝煩號稱劇邑無論已近復以賦法諸役繁興公  
自下車卽遵此途缺碑思轉採宵握簿書而鳩檢之書  
臨窮陬而按驗之本其端倪究其歸詣以報上官迅速  
之期無後暇則嚴保甲之勸懲清驛傳之虛浮覈倉廩  
之盈縮品費校之高下而日又臨之以平易持之以謙  
和不務爲虛殷以博譽不務襲撿切以炫奇卽公自運



之不能自言之所謂敦實無華者也此其績蓋歷歷可  
考者也竊又聞之公家食時色養承權今而游宦勤懃  
停雲注念日廩所入捐諸伯仲此其孝友之實蓋考之  
所不能盡者也夫本之孝友出之敦實如是政成上報  
銓部當列上考奏 當宁褒稱顯庸之詎有涯哉詎有  
涯哉諸大夫曰以其可考而盡者而推本於不可考而  
盡者其爲說也允識體之治所以爲七邑先嘉之績者  
以之吾當敬追跡前赴庶幾乎一時同事之笑令四方  
宣義問可也願許書之余不敏遂謹爲之書

楊端潔公文集入卷之內

士

送孫質菴公祖入覲序

明年次丙戌期當大計我郡侯質菴孫先生以例行余  
鄉諸士友預期走書千里令之有言余奉職河上時見  
郎書奏薦游揚稱述人咸知公顧其質且詳孰如郡之  
士與民乎嘗觀吏籍我信郡在煩簡難易之間其煩者  
以當列省通津冠蓋接軫賓從頗數爲禮則難其簡者  
以七邑卽習尙殊方大都謹畏脫以負公賦麗公法未  
及詰已惴乎無以自容重以久道漸摩故語事簡民淳  
者歸焉爲政則漸殊焉苟守土者任才尙智矯飾其規

爲紛更其條例苛密其法網于是事情始繁而民且告  
瘁矣書稱治貴趨時政由俗革此之謂爾前是公爲秋  
官大夫惟良折獄多所平反當衡者以績上之朝遂以  
賢望借守吾郡公至則以禮節文體令中定式處賓旅  
而不煩額外一需所謂煩而難者裕如也而其政則端  
直持已廉介卒屬公平持法慈惠綏衆凡吏之殘法擾  
民者屏不擾者任事不使民者更稱便者因卽有執法  
士紀之使當憲所當列無少姑息而惓惓矜惻反覆推  
詳庶幾得實寬典必不得已後法焉一念好生之心益  
楊端潔公文集入卷之四

士

然可掬間出其文學緒餘精勤課士顯顯然向風用是  
七邑胥以生安養全而不聞有烹鮮之糜操絃之急者  
也此以民淳事簡之地加之以由俗因時之政公其有  
造于信者大矣哉雖然公本以易學起家紳四聖之緒  
爲一時經術宗匠故其蒞政親民不經世務以坤之厚  
載臨之容保順之養正允之悅先皆其素所涵濡精蘊  
實踐之績者也學之有本如是乎哉公行矣臺省交薦  
當衡上最考聖朝嘉吏治且旌異超拜矣吾鄉士與民  
虞其去不得終被澤也而猶望公道大行于時庶幾天



下同祿之余素不爛文辭因遠使來敬次第此言授之書贈

送黃毅菴少司成序

在昔周漢東西都未有兩成均並建者有之自我明始周以大司樂掌成均之法以治國之學政漢以太常典樂兼教育未聞有以詞臣領者有之自我明始大江以東自永嘉來清淑瑰麗之氣著為人才奇雋琬琰雲蒸麟萃名卿碩彥多於是出焉以故南都司成必特簡詞林高第者往已於事而竣還復官禁荒備宮僚歷楊端潔公文集入卷之四

古

三言序

清華非久且大拜溫陵毅菴黃君操履醞藉為一時冠其為南少司成也幾三歲所乃名為天子中允領坐司成事行有日矣客或謂君以宏文鉅藻魁海內士居著作之庭十有三年華實茂矣經濟富矣且方內適多故不以此時顯拔超陟晉居中欽使畢其技以亨時也而謚區區倚擲臯比為諸生談稿簡為予謂不然夫賢者之利益人國有以事事為事者有以無事事為事者以事事為事者其緒顯而瑣以無事事為事者其緒隱而逸顯者明操其拮据而隱者默握其陶冶瑣者常用

於已然之後而逸者常有於未然之前今上自九列逮下百司庶尹皆事事者也禁荒師儒之臣無事事者也無事事之事其事大矣在周禮成均之法凡有道有德者以樂德教國子中和惇庸孝友國有大事則帥國子而致於太子惟所用之言風教而備材之豫也則所事之大也故曰材不及林林不及雨雨不及陰陽陰陽不及和和不及道且夫鳥有脫而孕蚌有虛而滿方諸致水磁石引鐵物固有默成之乎不言之化矧以金相之質瑰麗之標樹表臯比速省何疑焉君之在南也淵淳

圭

三言序

楊端潔公文集入卷之四  
嶽峙德幾常杜目擊道存一時拔綬懷璽之英戴縱垂纓之彥嚴事若神明夏楚措而不用雷動風靡有其先之矣數華實紆經濟將於是焉在嚮之特簡今之召還不虛耳今大工垂就緒王上頃命禮官請將豫備物舉嘉典肅如一旦悟飛鳴之隱躍然更新冠通天行皇組穆穆而南面以聽已乃掃霞登格登鯨鑑鍾坦割東席君率博士諸生當餽餉而進千載一時奉兩都譽髦以當薪樞方且詠鎬京歌虞業舞千羽而格有苗飲泮宮而從淮夷方內行亦晏如成周猶讓治何論

漢乎日 主上惟無出則擁戟旌幢之儀必且隨舉  
禮在古宗書在上庠問杜禮荀誰其爭長今日中贊古  
保傳之遺也且獨不視夫鄴侯宜公之事乎彼寧非青  
宮舊僚耶由此言之君即無事事其事大矣於是君之  
屬諸博士聞言曰吾乎先生之論夫言者不見咫尺  
而離朱燭千里客何足以知之品書之圖君行李

贈孫質菴公祖考績序

今歲春正月大計吏治我郡侯質菴孫公奉職往是時  
聖明稽名廉實嘉意課最而于量之量者異禮超拜之  
楊端潔公文集卷之四

夫

三百九十四

孫公當首其選銓部以未盈考也籍記之請于上俾如  
舊治用俟考成公奉命還秋八月考期將盈報之監司  
監司列上督察二臺咸美其績之成也請于上如銓部  
初擬郡士民知其將趨進行而猶慶其少須旬月得受  
治澤也七邑大令上饒焦君等幸其率先統蒞有年謹  
合士民慶情欲彰之言問于余余既諾諸君詢諸士民  
之慶誦者乃曰世道淳漓求之吏治民實吏治民實求  
之習尚文質今天下文靡極矣識者業欲大損其靡悉  
歸之質庶幾于理一時尚文者流猶執之于泥古不達

勢趨莫能遽反是豈善求治者論哉夫世惟尚文則近  
名尚質則崇實近名者之所爲也考其外樹輒足規矜  
見聞竟之外暴中露元氣萎然所庇藉于民社命脉者  
幾何尚實者不事文飾外似無當于稽功程能日計月  
計之捷究實得則漸破蒸黎培固邦本所藉于民社命  
脉者殆未大乎哉求之今實惟孫公其人也公以秋官  
大夫默會仁體明習邦憲親視粵西平反和恤至今有  
譽吾郡始聞先嚴也特謂公特舉此一注厝之即裕然  
及公之臨秉一其衷歛華韶彩孜孜竟弟父母在念其  
楊端潔公文集卷之四

七

三百九十五

恪持法紀節約用度滌除煩苛含納瑕垢柔服強梗皆  
敦實而行不用張飾鈞名計乃素履恬淡廉平鎮靜專  
一不干時知足觀法察察聲訖遽避以故政行民安閭  
閻均足四境順寧方內無跳梁警戒之虞水旱賑救之  
勞治績咸成交誦長厚即今二臺所條列劄上者大都  
不出此猶未必其能悉此吾嘗聞公家食時素所期許  
素已斷雕破觚返淳還樸于先進之道有遐思焉以是  
其鄉尊稱之曰質菴先生今治既成監司楚斬李公一  
入境諭于衆曰信守學則質任自然其治相偁無華永

繫民思允符素號者衆謂其知言乃統揆之公用順道  
一時上下遠邇歸誦若此彼以世超難及爲言者豈其  
然哉豈其然哉今茲績上行且超升凡士民用慶治澤  
將以惻其所思者幸偕七邑諸君殫講而適述之也余  
不量敬囑焉

送孫贊菴公祖入覲序

我郡侯侯菴公來守茲土甫期而績隆頌美前年乙  
酉冬以連職入都方 聖明稽意吏治嘉公賢 勅旋  
郡以需顯用越三載崑成又二年叙常拊擢會宇內西  
楊端潔公文集不卷之四

木

卷三十五

北大歟東南踵之聖明宵旰殫求治理迺簡留司牧專  
城之賢能者俾爲方主生靈還定安集計遂煩公留以  
其期蓋五年有餘月矣今冬再以連職行揆望較資加  
隆適當超遷之時嘗聞之嘉靖初羅文莊公主銓上言  
久任後必超遷超遷後必久任乃久超通融政體平勞  
逸均停人情協斯制也今實用之亦有不盡周者則以  
方主時事異宜偶然故也公之治信廉守謙節勵精秉  
憲教敷政流公暇課士校藝矩式精詳視五年之久一  
如其初今年猷畫賑發焦勞倍常日舉斯民登之平寧

當轄褒異之章洋洋朝宁譽溢道里卽超遷崇拜躋之  
槐棘誠其宜哉茲馳驅再往竊意斯往也可藉以咨聖  
明宵旰而曰郡前荒壤今寧土也寧不爲甬賢能者勛  
意光哉公駕將吉發郡士人謂宜有言有諸生者擲管  
先曰鵬鵬一軒背負蒼天足亂浮雲駸駸一驚騰先萬  
里絕塵致微余在鄙野間而謂此言豈常可通于屈伸  
顯微大致其于久任超遷之說亦然有合者觀公前此  
久在治郡則鵬鵬駸駸在演區樞野間而著績明灼  
若斯從此超拜一軒驚而上其負騰所展施不重有嘉  
楊端潔公文集不卷之四

木

卷三十五

暢者哉此言既叙郡士人馬王諸子者猶曰斯語蓋謂  
官階遲速秩叙久近若以煩公而滯爲念者豈公之心  
則然哉詩云樂只君子民之父母語曰上親其民民亦  
親其上是故父母于子惟其親之乃有困苦必視安而  
後違之君子于民與父母同乃有饑溺亦必視安而後  
違之今茲之民去饑饉爲民寧土公視其安乃違之而  
往往而超拜誠其宜哉公之心亦何嘗有意必也所謂  
遲速久近殆淺之乎意爾以其語爲識時謹書之爲別  
送馬龍田父母贈行卷序

信嚴接壤也先代嘗共統轄故其風氣土產科賦習俗  
語音服食日用作息相同而可通以理者也君子居其  
鄉心志耳目熟乎故一旦界之以政由乎其同卽勿作  
手拂異乖戾之行辨乎其所以通斯勿施以矯飾更張  
之令此古之道吏不去乎鄉所以得久安於其位久而  
安之而民便焉民便是治之善者也我邑少尹龍田馬  
候嚴產也起文學初試今官卽以其同而通焉者蒞乎  
其政未朞年內事理而民親之上官檄而褒之者迭下  
候之翁秋溪先生輕車來就官齋視於民情樂之士人

楊端潔公文集入卷之四

干

三言公體

有見知於候者因候以而翁見其白髮頗頽步履脩健  
若少壯詢其年未踰七齡而逸趣爽致行露於詩詞間  
固積學宜大用者乃僅起歲薦晚上仕籍尹貳金谿金  
饒亦接壤也余無俟於問其前政之詳計亦以其同而  
可通焉者爲之覩候令政益其教也候屢褒譽於上官  
而以一時之事者相異陽獎之曰通才潛舉其淳言疑  
事惑之於上而撓其所行候隱籍之以爲自警加省地  
而奉持益謹卒之異者皆改去候獨久於其官且以最  
聞今有茲擢夫茲擢也雖不稱乎其勞惟是亦可覘乎

公論之定者矣猶之疾風驟雨草木皆折而有挺然獨  
有者必其植根之固加以善自培養得雨露者多也以  
候而覩得於庭訓之素乃植根既固以其可通者蒞乎  
民而事理譽至其善自培之謂歟余自候初政而來心  
雅善之又喜聞秋溪翁壽將具一言以爲慶而未能適  
親友上舍徐子集鄉士大夫所貽詩歌圖畫爲二冊余  
展讀之皆足咏其意而樂道者也因介葛生汝化欲余  
序之遂以善候壽翁之情意合盡之於首

送陳珍凡公祖應召序

楊端潔公文集入卷之四

主

三言公體

我郡內公祖珎凡陳老先生奉命來蒞信年餘當天下  
大計聖明擇其賢能績最者登之上考期之隆用公以  
績最且久勞乃晉尙書司空卽隨隆用焉同在治閩鄭  
公楚樊公三君子皆一時之賢良最好者也以公先擢  
將有言贈以委于喬余從三君子治愛而于公之嘉德  
深歎之不敢以不文辭呈聞令先太公 公之執憲中  
臺也風采殷渾光揚朝宇士林崇重獨以忤內貴者轉  
外臬裴蘊未展士林咸以當繩武者用顯于世公承家  
學蚤歲探頤墳典構精諸史而于詞藝擅長獨奇卓冠

南踰吳章常官南比會展采宜猷慎心厥事罔弗當可  
知者以謂世德有徵巨任即肩者乃以志修文盛名高  
嚴弘與時左遂勞于外煩以牧郡自東平而湖州當其  
主簿者以其地當微忱未易于理惟公廉明簡靜肅敏  
穎特乃可見所長與之嚮于理公處是地綽有佳績晉  
陟駁駁以假旋里前歲需次闕下適吾郡侯缺首委重  
焉朝命初下知者則又謂公資望久即可台階安得久  
于信者乃公念不在久速殫神吏事有加于往日同寮  
案諸君勛勩實恭無替迭署郡邑一令號飾規劃絕謫

楊端潔公文集入卷之四

三

音分四定

謂增範防戒侵漁接屬以禮與民以信出無稽程入無  
淹案廉明簡靜肅敏穎特見所長于前政者有加于往  
越數月政成人誦翕然願得久蒞拊循我土今乃以召  
行咸欲請代留于鄭樊兩公兩公意同特以勢不可得  
無以咨民之請惟有合餞于庭分燕于署密語私述乎  
公何以致士民者如此又于其行相與祖于江之滄蒼  
眷其情有莫釋者乃本土民之意效風人之致爲歌三  
章其一曰泚彼露斯于松于栢有爛其華罔匪澤澤其  
泂時獲光我上國其二曰鳬飛與與馬鳴蕭蕭征徒不

皇以族以旒冠蓋戾止明惠孔饒其三曰於赫有臨武  
穆武欽帝若曰都簡命維繫濟華陟顯自之于今歌既  
闕于祖筵間常有清風蕭然披動林谷者余意以是言  
謂嘉德誠宜若是其期載意公德雅遠麗溢然道路足  
人聽聞當有出于嚴歌之外者是在觀風使者採風史  
氏得而志之余惟直叙兩公別時事以爲之俟

送陳珍凡公祖應召序

海內交稱治平識治者則謂華言員行繁文繆節似勝  
有欲起而矯之則非當其事者莫能苟當其事而所令  
楊端潔公文集入卷之四

三

言分三

則然所好弗然誰其信從將視其令爲徒具卽有好修  
者銳情而起終亦以意見不翕尙同棚異莫由耐久而  
持遂俾簡質之道世胥指爲風會之泥弗可反也詎不  
謂治平一慨哉余以是軫懷乃吾友楊子者爲余言其  
前歲應徵移檄歸自南省道吳浙千餘里旅泊間人輒  
傳有陳使君者奉太夫人侍綵之官却騶從自輿步募  
扁舟而行清恬簡質素然儒者重企慕焉絕塵求晤獨  
奈何阻程二舍抵懷玉得道傍人語者昨陳使君爲吾  
郡陳公祖也過里而公顧始覩其清儀雅度少間聆其

浮蘊弘蓄益企慕焉余信是言及嘗一肩侍公于薊溪上其企慕重楊子願公于時方爲督察公覈事外郡昨秋視饒邑寥寥郡裏前是郡邑當衝徑常路暨行途者恒視屬傳將迎之賢否公則曰緝郡邑符而惟是周旋費安從出日安從暇精神疲憊于民事安得辦乃以禮節約而營路行途亦未嘗有欠所者其政兼平易牧愛稽部賦財欲亟散而不擾以追呼理訟牒得情薄遭而不滯以時日舊秋歲歉冬春交米價踴民食乏而市之強梗者嘗藉往者止難減值之令互結黨挾力強

楊端潔公文集卷之四

王四

三百五十五

羅富室谷移于他所又能悉公家減值賤得之米入鄉加值售于農規利數倍良善受弊公嚴知獨廉過乎強梗不得移谷之他所而于中不限價不強衆一切聽民自便于是強梗避良善安米食敷足境內以寧安民之績其誠偉哉聞之公策仕南署嚴資並茂忽忽左時外補于今十年由滯故郡人皆謂屈公自謂年少率真而然于人不非與此其躬厚薄人之意長者之言其誠謙哉今茲政者譽彰聖明召環治士王楊等均荷治愛屬余爲叙余得舉所聞企慕初襄而惟世方尙華員繹繁士

仕宜通亦或弗通不尚此而持簡質之道于仕宜塞亦或弗塞通塞考時也君子守信不以意見異同中阻何計通塞乃若公前塞今通自是晉登隆顯是亦時當然者也余由使不敢妄爲求治平在變華員繁繹之尚惟于公之行日占其通竊以時與道合乎慶之于是乎書

送吳友軒公祖應召序

學術之醇辨于仁義近世學術晦仁義鮮能乃有認寬爲仁嚴爲義爾之可言寬用不已而姑息政則弛嚴用不已而刻薄政則殘亦曰仁義不將使仁義爲裂而民楊端潔公文集卷之四

王五

三百五十六

受其獎哉善爲仁義時寬則寬時嚴則嚴而混乎其跡人不得執其爲寬爲嚴茲其實本厥心藹然安揆厥事體人情秩然宜肅諸久遠截然遠猷厚澤此謂仁義之實郡之司理佐郡治下達諸邑上爲督察監司宣綱紀者也我司理友軒樊君始至郡適副邑上饒前是令政若刻公視衆極獎詞褒輕賦簡訟極善彊推父母長者之情而及之似平寬而律已儻下惟嚴已而爲督察監司行郡稍宿樊折寬狹議詰我解紛冠備龍賑斥左道諸所注措條畫詳慎所敷事惟通賄者罔民者舞文

者矯令者憑威社以作威負峻嶒以肆螫者工鑽授以  
壞士習者體風憲使者之法而執之似平嚴于其內苟  
有悛改者望誤者牽連者初犯者無意必者止貸之桑  
善足立者又從而矜之禮之幾于得情而矜惡而知美  
其用意行罰惟寬夫以公人之政而寬嚴異行識者  
曰視邑以平易近民嚴事以精前常理則值行道固  
然也公何修而有也余嘗得公論學深于世之空談  
罔識仁義所攸措者又觀乎今之仕者任已性之寬嚴  
徇人情作姑息深刻置邦憲民瘼弗問猶自認仁義而  
楊端潔公文集入卷之四

二十六

三百五十四

亦能收殷譽起爵秩凡若此公直貌之矢志弗為以是  
為志故所設施五年竭公殫明事體人情皆宜足以為  
遠猷厚澤下俾郡邑各底厥治上俾督察監司綱紀肅  
恩威著皆繇公辨仁義實修之而有也其誠卓瑩也哉  
茲者聖明特召自此任重巨施久大吾蓋于早占之治  
內士王馬徐諸君感治誼謂合郡深沐仁義猷澤于無  
窮令余為言余不文亦不暇述其事蹟之詳獨舉其學  
術明政體之大者于此

送樊友軒公祖應徵別言卷序

倘有恒語建事者弘濟時艱坐鎮雅俗富事者成于同  
敗于獨論事者遇知則言不知則默此士君子涉世大  
較難聞之楚黃者有崙川樊先生敦尚風節貴依經史  
時稱宿儒嗣君友軒公妙年游庠所敦尚貴依經史  
學諸試必首登冠全楚會得一二舊知官楚臺者見貽  
其文竊謂之允謂之大雅不羣于卑卑于鄉矣未登第  
來叩吾郡公守潔蘊博諳練典常勵志學而十一郡  
民風士俗人情物宜世業本行興替察察善否強弱周  
知備識乃其聽剖注措咸迎刃中窾人歸明府時艱以  
楊端潔公文集入卷之四

二十七

三百五十五

濟暇即杜署取詩書稽而誦之遂抱好修雅俗以鎮其  
時上上寮案稍異意見者則平心謹度不激不隨竟銷  
其異而歸于同交能成美喬久里居未入城市謁達者  
野劣默然亦其宜爾頗枉逢華虛懷宏詢問嘗出所胸  
臆動荷印可竊附所知顧公類行他郡駐郡治者恒十  
之一且謙居以職非專主莫可自悉底蘊喬風深山獨  
虜前春南游歸卧晤見則稀而心知獨至可謂海內良  
遇者矣公初駐試士嘗收與我稚子而教之余迂僻即  
素嘗禮務不敢遣子弟入政門而知公署清肅簡却請



謂實鮮樞趨公乃授東訓之邇三年稚子以讀禮喪居  
荒于問學未嘗一詣門階公乃周存念之惟此厚誼小  
子蒙造適今應聖王徵命榮發而稚子方自山竣禮塵  
得江許拜將敢忘愚昏各爲俚語詎敢擬詩特藉以志  
感言別余乃述數年治教至意爲之叙

壽蔡封君明庚並耀卷序

海內語年具奇銳博雅之才在閩之泉南爲最盛余嘗  
慕其人誦其文乃今得于豐令公拱明蔡使君焉余家  
附郡城接壤順道于豐頻年杜門鮮見客牘使君數釋  
楊端潔公文集入卷之四

于八

三百七十七

從而枉顧余是時使君將三年政成督察使者聯薦其  
賢能適尊翁纓泉公尊堂太夫人偕壽六袞豐博歐陽  
子周子同邑士繪圖賦詩成卷揭其端曰明庚並耀侯  
寵封卽走伴千里捧上其庭以將賀令余甥童子潘之  
儒來委序于余旣而諸生潘生大行程生繼各申前  
請余于詩書所陳爲壽之辭恒本于修德將以慶贊于  
前期于後也非特以齒高髮願強健可述焉若此先王  
不孝率義之教也後世諛問相習凡壽其親暨壽人之  
親者辭純慶贊而鮮期待之意先王之教于是微矣余

獨爲世念之茲對豐人諸師友士民而聞之纓泉公少  
蓋奇銳博雅之才游庠不過而隱鄉行日修太夫人宜  
于其家觀于使君之爲子則其家訓也可徵乃李岳伯  
沙田公余未識面而恬志藝文山水殆與余有神交觀  
于沙田公之爲弟則其友于也可徵茲此之壽諸君子  
慶賀之辭爛然備于前矣余惟謂纓泉公偕壽始六袞  
年方日加日長爲使君今其初政當有匡勦隆譽隨于  
其後顧其益修德以承之是則余小子所以期待亦諸  
君子之意也近考績例督察使者採覈其士民之素宜  
楊端潔公文集入卷之四

于九

三百七十八

壽王君七袞序

禮大夫七十致其事若不得謝則必賜之几杖通四方  
東安車謝而得致則以其爵齒而養于學至於執醬而  
饋執爵而酌之事先王皆躬自爲之卽其意豈以國中  
之老不能事于其子弟而顧待于上之所養哉蓋身孝  
弟以爲之教也由漢文帝以下上下下之勢日隔而孝弟



之教不明以不明之教加之以目隔之勢則雖詔民間子弟自事其老猶且以上無所率而廢矧于人君之尊身臨其地事之以爲天下教豈非難哉前我弘治中天子仁孝毅然欲舉先王養老之大政詔民間七十者月給以米優其家宦致者郡縣時即加饋問是固體先王之意而庶幾乎老窳不遺之風耶及余游南止往往自官班兄長年垂白者故爲雙鑠而奔走于役若不能休逸然吾既惟其不生三王之時當几杖安車之賜而想其欲宦致去又終窶且貧而無以爲之饋問者奈楊端潔公文集八卷之四

三十

三刻

之何其不栖栖於升斗之祿也夫今之老猶古之老也尙不免因勢輕重若此況于德行道藝之備其又安可責於今之世乎是以君子深論其世也然隆古之道前人之政不可作矣而今之尊者大率以子弟爲盛衰子弟賢則饋餽隨爵有鄉人而老者得以尊于鄉子弟不賢則顏白負戴在道路而老者不得尊于家夫以鄉之子弟敬乎其鄉之老宜無難者而猶有得有不得則得之者顧不爲之幸歟君子以爲禮廢於國而敬存于鄉幸而得之則亦可以謂之會矣今王君壽七十鄉之人

親且友欲尊之來求于文爲壽子亦以爲禮廢于國而敬存于鄉君而得之則亦可以謂之尊矣君自少壯時以質實著于鄉以聲類著于大學及貳政涑陽吾雖不得履其地聞之然亦觀于勤儉致家可知也方六十歲致其事常居然獨處以勤課子爲業以稱壺觴偕類游爲樂若盡知今昔輕重事者由一鄉而觀君其誠有蔭而可尊者乎君縱不得在隆古前人之時以膺養學饋問之典而中年宦致又得免于奔走爲役之勞今以子第之賢富且壽豈非至榮至榮者哉然而君之子皆大楊端潔公文集八卷之四

三十

三刻

新刻楊端潔公文集卷之五

男聞中聖跋

文序

刻興安縣志序

善治者師先王其下師心師心者用智智有時窮乃任  
法法久恒弊弊極不及民亦起而以智聞與法克害斯  
成矣及其害而謂民心非昔難與理也豈其然哉師先  
王者觀廣谷大川異制民生其間異俗又體名山大川  
不以封使王官監治之意凡封境多山谷爲草木禽獸  
楊端潔公文集卷之五

所產勢恒險阻而寶藏之興則利壤多水川爲龜鼉蛟  
龍魚鱉所產勢恒沮洳而貨財之殖則利藪勢在惟民  
易聚利在惟民好爭聚而爭卽訟訟卽師心先王察其  
異俗也政由俗革勢則順而平之利則導而布之如不  
可導布斯厲之法制欲其不訟不師並生無虞此王制  
亦王道也是故求治不師先王而師心縱微小績亦苟  
道也我江省介名山大川信爲郡鄰浙山常居土田十  
之七八勢險阻而銅塘以銅鉄山以鉄平洋以鎮靈山  
以晶礪利壤我朝郡初隸浙卽以隸江故田賦兼則

江浙乃重又利壤故嘗有聚而採者然亦以產少流徙  
寇爭難散屢勞興師法制始嚴至今尙賴司封守者輯  
寧而橫峯者巖勢險阻山土可陶浙之龍泉民據爲利  
已而土盡轉取他山器粗貨難乃習俗剽悍戾氣若厲  
而內無狡謀劇慮敢于自開出則挾黨正嘉問恣矣省  
臣請銓郡倅專鎮之庚子歲祿重恣治謀建邑省上諸  
公案議割上弋鉛三邑共三十餘里而哀永玉之里補  
上饒哀貴溪之里補弋陽以前所割建萬年之里還貴  
溪未幾恣者已辛酉復梗議定大守新安江公覆議厘  
楊端潔公文集卷之五

割弋上二十三里郡人欲如庚子議無言者江公夙尊  
禮先人以言之江公曰君遠謨不敢從第念窳民非負  
固不服者暫假是馭之如後可勿設若庚子議罷日重  
擾于是改邑不改郡而邑立自此懲法馴化特地隘民  
貧不足以供賦役禮儀民亦有漸勿設如江公擬者  
余謂是在良令節約安定之爾前年分水劉侯令此候  
長于文學習于吏事踰年而群宜修諸廢興神采煥觀  
念新邑不可不志亟請命于巡道房公學道沈公郡侯  
孫公陳公樊公遂自主畫屬邑博周君詹君邑士歐陽

君各參訂焉工畢俾來問序乃其志凡八書書各如其詳夫邑所從立政所由俗而禮教未孚則禮議職悉訓歌條節萃焉人物惟列嘉靖丙戌前郡乘者七以後不錄豈故遺哉無乃賢石不齊仕論卿評莫掩將傳書而法不得濫將擇書而是不能持此志家自昔謂難亦解能公故缺之實慎之侯之君子可以觀世已願余于茲邑始同根上今有枝幹相附之宜管追惟其初為橫峯梗民者豈獨民亦師心者用智任術弗言馭之適觀其後為興安馴民者豈獨民亦師先王者順勢利率能善楊端潔公文集卷之五

馭之王道可舉而民心可與為理吾因是決之也自今馴而往邑隘民貧可若江公議勿設乎哉竊意權不可預立志亦言邑以時勢使然善通變者可因則因可革則革期與民宜之誠有見之言哉余方在假猶縷此叙志叙志所以叙治理也

### 刻教學錄序

自文章造士而來以課試一法課兼教養學宮宜之試列高下去取省闈宜之宋初學宮月屢公私試補大儒程子詳議以學校禮義相先之地而月使之爭殊非教

養之道請改試為課有所未至則學宮召而教之更不考定高下去深頌嘆乎斯言不能信行于當世我國朝用之學宮月課郡邑季課加之勸率督學憲司歲一試鄉省三歲一大試高下去取定焉于今士之通經適用者皆由此進制人備矣余郡前時鄉達以文進者實盛近廼稍讓或者謂士好已勝不能下人以文會者希又課法怠也武林敬齋張先生來主郡教月集諸生課而評優劣純疵不稱則改裁示益而不高下其等甫期歲課稿盈案先生乃言曰諸生文矣炳蔚何愧前途何讓楊端潔公文集卷之五

海內或進取不相若者遇也吾以是期諸生之必遇矣如限量于試額不皆遇而因文窺道其所立寧不犖然乎哉余舊奉使武林先生以賢良博洽起家聞譽滿浙嘗識面而余適請告歸茲因卧山中未獲傾論乃勞枉携惠課稿之綴梓者在門祝生等欲余序錄名教學者取書惟教學半為義先生嚮用方殷今官暫寓爾政行日躋高顯何事文學願以文課為職諸生文優課最而職業稱矣此在先生為學半在諸生為功倍分教曠君張君陳君相資成美余于是並賢之也其錄文果足于

炳蔚則余與諸生同郡產弗敢過爲揚僅叙此于卷首  
刻司馬鍾石江公三疏序

余從耆舊長者聞 國家以禮義忠厚待士人才于成  
化弘治爲盛正德間內暨外驍干紀幾至搖鼎而 武  
皇祇奉前憲憑世德故臣遺士相與維持之得不墮嘉  
靖初 先帝聰明仁聖親總幾權銳志皇王之治爲後  
賢辦事諸臣者果能格心遵葆士氣固民志爲首務禮  
樂刑罰未正之事徐而議之可庶幾哉君臣相偲高傳  
成召之美不得專稱商周乃大禮事起天下人心感思  
楊端潔公文集入卷之五 五

孝皇德澤不忍其不嗣秉始議者親荷其造育至恩堅  
持不易乃新進者用而故臣遺士去矣既大獄事起言  
臣擎奸太力巧誣遂先入 天聽議禮首臣援寵規位  
力助其說逆網竟漏乃新用者相而故臣遺士又去矣  
相臣既用黨說漸興清論稍解乃日進嚴斷峻法之說  
干 上而威福日恣恩怨甚明士貌大慙禮義忠厚之  
風寢乎其微古大臣體度風一變矣夫教化公論肇始  
鈞衡羽翼倡明尙莫能轉移世道若茲所爲其誠有  
聖君無賢臣五百年名世遘會固難乎哉大獄首事爲

都御史江公潮郡內貴溪人茲三疏者其斷案也公之  
孫子容氏檢家藏副本刻之將國史並傳俾余序其事  
始因得而讀之併觀 欽明大獄錄彙其時數相臣者  
黨蔽變易是非之罪洞然不可揜矣錄首載初疏二疏  
僅具一首語三疏削而不存實署司寇者雅交公爲是  
將薄其罪而護之公以 廷鞫不掄阿竟均諸法臣罪  
削籍去歸十餘年雅恬林泉足稱達者特朴忠未究深  
共移咎于曩日用事者至今 聖明御極頒卹恩于凡  
與罪禮獄諸臣者公由臺省言祭葬如例贈秩司馬遺  
楊端潔公文集入卷之五 六

論始直于天下竊因之重有感慨焉士大夫居身立  
朝也進思 國體而求合乎是退思吾心而求即乎安  
置其身公其于天地間而形迹嫌怨不避成敗得失不  
計卽境前不能無炎寒異態而事定論明乃正大之規  
自見若茲乃可與事君而爲以道彼數相臣者假 寵  
名博榮望于一旦又據氣焰稊爵來天下士爭趨其門  
當其日盛耀孰敢議乎後顧于今安在而事定論明亦  
莫能復以智力屈天下後世信史讀茲疏可以鑒矣

刻就正稿序

進士起科隋唐于宋爲盛然猶借諸科學校辟召蔭任  
金行其初銓也交試于郡俸幕邑尉簿而後以進焉未  
始驟貴豈偏重之也我朝初酌用前制兼修乎經明行  
修孝廉人才諸途其後首尚科貢而蔭例次之又其後  
卽科目中首甲第而舉貢次之夫第舉貢皆以文取者  
也議者謂以文取上可論于始進時爾旣入官宜于操  
履而觀德于設施而觀才德見則以位才見則以職才  
德兼優則超以望才德兼常則叙以資庶合乎古者選  
考之道乃不問其才德獨執其呈工拙于一日較優劣  
楊端潔公文集入卷之五

七

三百五十五

于一目者遂定乎終身低昂取舍之準欲其盡人而知  
官之舉皆當豈其能哉顧人之才品德器初亦不甚相  
遠惟其造就砥礪可適用茲于未用而先設成資以限  
之此志士所以恒歎于無因而前也近者聖明屢申惟  
德惟才一體並用之令于常貢外特尊足詔恩選于是  
多得雋異果不惟其資而持並用之意據公覈實以行  
其人材吏治不富有于時未之然也仁菴楊君蚤以文  
著聲于淮海上首應是選方茂年貢祿爲養請選授我  
信經郡至嘗以文稿詩篇貽余余因語曰是于取進士

高科奚讓哉夫旣不偶又得今官余嘗陋平今之卑官  
限于資亦復自限而齟齬不振者君初仕卽勵志以文  
章飾吏事將竟此志而往是自奮于並用之時其于文  
亦不自負也已且世之懷挾才德撲厚少文恒有不能  
取一途而進今于君誠屈視此不爲猶有所遇乎哉仁  
菴君爲我復曰斯言何其契吾心也旣乃弟刺其文稿  
成來索序書其言

刻呂中石先生類彙序

中石先生著心統圖說三書本義律呂古義卦變圖傳  
楊端潔公文集入卷之五

八

三百五十六

蕭韶考逸辨疑錄家祀明徵諸書而其門人手錄其制  
策奏疏詩文共二十卷爲類彙余友成南周子刺之南  
都刺成先生門人吳胡二子屬喬序而校之喬惟聖門  
以盡性爲教而辨性近習遠上智下愚不移之異其能  
盡者民受天地之中以生繼善成性理之一也其不能  
移者智愚上下之間氣質稟賦不齊形生知發善惡萬  
類分之殊也是故善及其殊以復乎初繫于習馴而習  
之則變變而不已則化氣質變化乃人欲消熄久之無  
欲而一斯靜虛動直而天命之性全盡此其聖學大要

顏子而下曾思所獨得其宗孟子發之爲性善浩然之  
氣者也宋儒周程邵張諸子明統太極推紀二五益詳  
其說理一分殊之義昭然大備學者于此學既明之後  
苟能心領力行當可審幾入德固不必別途軌岐異同  
微乎倡道之名乃今之爲道者祖真覺是性見解爲病  
禪詮目析于講觀悟入之旨自謂至精至妙藉言致知  
而文以窮理窮此盡性盡此至命至此儼侗之說高標  
之爲聖學的傳而冒當乎精一一貫聞者喜其簡徑兢  
相崇尙附和遂置氣質于不復論况能進而求所由變  
楊端潔公文集入卷之五

九

三百全一東

化之功哉諦其行卒任氣質而墮于智慧自便私意自  
執猶亢然直命口道使非敦行以正能言以闢吾懼聖  
賢精義以淆大閑以踰異說將縱橫影射世習恣敵而  
無所底極也先生闡明心統王變化氣質之學其蘊具  
于一圖其緒說散在諸書是集乃一時入告與日用應  
酬而作要皆發明乎其蘊又叅之人情物則以盡其變  
卽未明辨乎今爲道之非乃集內恒言世之學者知支  
離之爲心病不責其厚于氣質于凡一切動靜内外之  
屬盡作儼侗不分以爲學本如是其致一實則沚沚蕩

蕩難以入德夫當禪宗傳盛議橫之時不獨不崇尙附  
和且揭聖賢經傳統紀而執爲櫛柄固獨見乎弗可易  
之自然歟或有疑其持氣質一言而始終彼此不能外  
之宋儒邵子曰圖雖無文吾終日言而未嘗離乎是蓋  
天地萬物之理盡在其中是故既觀其圖載博其說其  
不能外者乃自明其宗旨所屬因事而言意盡而止反  
覆推詳不置至于平正通達已焉者也讀者其自得之  
類葉首制策預養從祀諸疏終懷王講義先生進退  
之機備矣乃其履歷梗槩游可齋公已序其實此不復  
楊端潔公文集入卷之五

十

### 刺李二溪先生存稿序

世固有宏才而氣足以發可大爲於時乃以限尼故弗  
遂而講于邇世無悶之學寫其蘊于文歌詠其性情以  
自適以爲遇則功業不遇則如是而已冀無咎俯仰問  
外是于我何加損也而容乎心此其品格甚高惟知道  
者可語亦有安於不遇而獨尙平行託虛避塵境遺得  
失身隱焉用乎文若兼葭伊人併其名且我又有心乎  
遇而莫能卒之才缺鬱內忠忿激外自疑身世多艱而

感慨辭詞如楚騷湘調所以洩寓平情夫才期于用  
用將以及時者也俾弗遂寔中又不見其業僅託諸  
以傳焉固有不大獲已者矣傳者不得其意獨品較  
拙于步調字句間謂是乃作者深意所存豈知言者哉  
喬少習舉子業游二溪先生門先生童時聰敏絕類經  
書經覽久不遺忘爲舉子文援思立就合著汪洋輒冠  
同試居友人最屬志在論學古文詩歌稍以明經魁鄉  
省三下春闈嘉瑞癸丑往來南北目擊河流衝悍徐楊  
大設慨然長歌東民實業經彭邵戴歌風漂母吡陵教  
楊端潔公文集八卷之五

十一

言論類

十篇篇數百語一時感服其奇思壯猷盡洩其胸懷先  
憂之策如屈賈意歸抵蘇東舊卷决出處謂無復拙黃  
對白墮此障矣其將畢事于學收功藝苑亦足述耳渡  
湖上喬同江子之圖從行先生吊子陵讀獻詩有千歲  
原自愧非態漫向蒼蒼問上玄諸言喬謂曰似深乎求  
古人矣先生首領曰固然特詩人好用去家翻案例非  
爾則相沿濫語安能出色至常作病馬行復類所作標  
云三川歸耕耦私同江子相謂曰先生若有病世之  
心者乎已果爲絕筆全稿後失以燼先生子同祖從子

同文同倫諸君搜錄手筆有存者敬成帙以餒喬初官  
京師貽書以序喬觀東民諸篇弗與於刺譴受以俟又  
數年而偏搜得之稍成完集敬加覆梓喬于是再拜而  
承遂喟然對斯稿憶先生哀其才氣可爲於時不獲已  
而託是以傳當有得其意而不獨以步調字句稱上者  
先生論文自秦漢下唐韓柳而今後渠啞啞詩自漢魏  
下唐李杜而今啞啞大復學宗良知而益發其旨或語  
及其往昔族寓信虔締交藩庶莫掩遺跡第曰其學則  
聖其行似霸雖霸實儒者善作用就功名微機吾徒第  
楊端潔公文集八卷之五

十二

言論類

由其學可以入聖設學力未至才智不足應變慎勿輕  
用其機以喪厥良夫是師心不師迹是爲善學先生以  
素深師信而至心術隱微確乎不肯強諱使其得遇所  
就必至俊偉而年復不限日見其于無悶之學而進之  
也詩文固餘長爾

### 刺司空楊四泉先生集後序

明興以來文亦盛矣哉集之則傳于時者衆矣不知于  
載道何如乃爲治朝之言同也歷觀士大夫之際治朝  
其性情常裕職業易稱所與多達人貴士相與聚而爲



樂間以暇心遊于文詞即人各由資識學力所得者以爲體尚而其中一段太平聲象益于意外讀之者不俟低昂所行事而世可論也是集爲余鄉先生四泉公所著公入仕幾三十年當聖朝制禮建度治道一新之時其小心慎節者適與時合以能強歲登第階至上卿竟保完名榮問以終于位逮發于文詞亦不炫于雕組浮靡之工毋以性情之裕職業之稱相聚爲樂者直而書之余雖後公生不及聆覩其言貌而遭際之隆順事之智不干茲乎見哉公歿後遺稿率脫落至是夫人毛僅

楊端潔公文集

卷之五

十三

三頁

得此于殘柬中付其弟烜與子紳彙而刻之并刺其恩命宦績之類爲外集集成異而序焉既爲校而還之矣或有擬其能傳與否者余謂論文者以岩穴之士雖有文詞蔽于名位弗傳通顯之士雖有名位薄于行業弗傳此公之集于行業而擬其可傳也况爲論世者之所必稽又當相與傳之可也

刺官源李氏族譜序

官源李氏族譜成序曰予讀氏族書凡姓皆出古帝王登其厥初無民後世家譜凡祖皆出漢後歷代君臣賢

哲豈其庶民無亂今時同姓互援爲族豈其今之著姓皆同所自出嘗善乎張說之言也其畧曰古者民無姓有姓者皆有土有爵者也天子命德因生以賜姓胙之工而命之氏其民居諸侯大夫之土地者以諸侯大夫之姓爲姓莫可分辨故曰皆出帝王此援姓之始素異昭已乃若人本平祖譬則木有枝則有根水有流則有源雖至久遠相爲貫通是故子孫于祖時至久遠其世微其名亡而精神氣脉相爲貫通本來自出之祖固在也即世不可論名不可稽密何傷虛齋蔡先生曰時之

楊端潔公文集

卷之五

十四

三頁

相去千餘年但一念所注這精神便與始祖相接于冥冥之中何則一本故也又曰人有得數百年前祖畫像而其子孫面貌精神間有與之宛然無二者蓋其一氣所傳故也此幽明貫通至理有據可見非虛渺者今乃以世微名亡之故亦或耻其祖始卑賤而遐慕他之貴顯者援而祖之遂令精神氣脉不相貫通是自絕乎根源不仁不孝孰大于此士君子肇跡自身以天地民物爲一體爲一家乃妄附同姓而族之強合非類是自淆平枝流不義不悌孰大于此其弊益基于魏晉以門第



官人論婚濫沿于今譜家效尤滋偽標外愈久難詰惜  
平古今未有以幽明貫通至理相關最大不援祖而祖  
存妄援祖而祖絕啓告者而獨使彼祖有知將殛乎不  
孝不悌援他祖而自絕其祖者無從也惟在王世道者  
以是說正之卽立之譜法世系貴于傳信事跡慎爲闕  
疑庶稱實乘爾予嘗觀吾信人前譜猶存此道邇有他  
地援祖附族至者譜因僞舛竊鄙之且重惜乎後日居  
疑爲實何由稽正者茲覩是譜適似予言乃樂序焉李  
郡內貴溪名家奕世一脉仕則甲科宦業居則耕稼嘗  
楊端潔公文集卷之五

五

三石齋

行子孫守之勿替舊有譜而逸裔孫貢生一軒瞻南二  
君念徙居郡城四世將或地異時改有忘厥本始者亟  
約居官源從昆文學少崖承舊集新閱三月而就譜列  
內外凡八目系稱始祖斷自愛山公初遷而宗勉公以  
上不遠援乃闕疑意且不附同姓爲族是皆可傳者也  
于義例則曰宗人富毋各貴毋驕毋奸剛使氣毋健訟  
凌人毋爭財有傷骨肉毋越分不論尊卑不一此皆是  
以懲行而履其宗此本紹聞先世庭訓述之嗚呼李氏  
後人守斯譜可知尊祖敬宗誦斯訓可知重身永家身

重家永而斯譜之傳可與天壤共矣

刻水玉山人樂府遺音序

隆慶庚午余以告歸舊友王君惟宣氏問余山間出水  
玉山人樂府一冊且曰山人隱于庠困鬱終身僅遺斯  
文見所見所志又不有嗣傳墮以子婿義錄而存之敢  
以序煩予余方有病戒明年制居三年解廬歸王君持  
其刻本來期成夙諾乃序曰古今盛衰興亡以天時亦  
人事得也人是之是之弗已則喜喜之而嚴于言也樂  
失也人非之非之弗已則悲悲之而嚴于言也哀彼其  
楊端潔公文集卷之五

六

三石齋

君臣交越其一時意智材力于謀行安計事體乎可是  
可非天下後世據跡感乎情于其是喜其不敢自樂而  
爲之樂于其非悲其不能自哀而爲之哀又天下後世  
因言稽平治樂知其所以有盛而保存哀知其所以安  
衰而利亡然而盛存日鮮而衰亡之跡相踵一轍意其  
間必有爲幾微形漸係之乎辭弗暢姦不露迷不悟不  
幸莫與維拯苟得賢臣拂士從其旁作直疏一語以因  
明通蔽訓告保誨之又得古者工飢納言時採民風察  
治忽徵得失以啟迪修省恐俱鑒戒之使非終愚鮮有

不恍悟倏得友觀改圖奚至于喪亂貽人喜悲而卒墮  
于其樂哀之中也有謂其哀樂係之後人雖切何補顧  
前車後鑒古鏡今照君而顧治求安臣而憂治危明相  
須于廢和興起庸非理道一補乎哉余讀山人樂府感  
念于此不度山人作者意詎謂是歟山人素精史學或  
因史氏原文加之以叶或據當時舉動飾之以詞或比  
事反辭以相參詰或即顯微小大始終本末以舉斷案  
之全是故自秦龍歌下將百篇若其體調章句長短豐  
約隨意而命不類漢魏後樂府題義似有同于謠唱歟

楊端潔公文集卷之五

七

三百七十四

後之所爲作乃故相李西涯公首倡擬古山人力追模  
而意主于舒鬱懲奸箴迷惜不幸是亦謂畢寫其喜悲  
于情寄樂哀于辭以公是非于天下後世者也余聞詞  
牋家咏歌古今事明當若燭炤機發真有喜不流悲不  
滯乃及觀自考動則疎陋難免于流滯然山人樂府首  
之浩浩歌今來古往是非蹤迹繼以黜流麗無滯哇末  
覽觀吟見白髮悲功名遲暮今得齒繼以矍然悚息自  
今勉力小仙之謠臨歿明理正終諸章非惟免于流滯  
蓋亦庶幾乎博識順終玉山故有文獻在山人荅葉君

書余特序之附于其後

刺龍門雙壽錄序

余默揆天道而知積善之家必有餘慶世祿之家鮮克  
由禮之言蓋當然云積善者非以爲慶有所積即有所  
餘若彤影然是爲天道凡有祿者能善守官則制節有  
禮可垂裕乃世其或以身操利曾未幾後或以蕩恣蔑  
禮在賢智者視前積非義非可久居福澤思以遺跡蓋  
愆而不可掄則無所裕即無所由亦若彤影然是爲天  
道二疏氏窺測乎此此損智益愚所爲發也時嘗觀夫

楊端潔公文集卷之五

十六

三百七十五

厚貲者世享其利清白無遺者世或鮮振遂疑夫天道  
無知不可取必顧此其一時適然之遇非天之定者也  
凡盈虛消息久而自定安得厚貲者世長享無所遺者  
終不振也乎顧此猶計功責報之論君子力善循禮事  
天俟命何嘗期望夫餘裕乃然哉義當爲者爲之是已  
吾郡鄉溪李氏清節養浩鷄山諸溪諸公登仕籍自國  
初迄今二百餘年語世家宦轍所至清節良政居鄉崇  
素尚禮可語積善鷄山公徙籍上饒三溪公則鷄山公  
孫司訓諸溪公子也三溪公因前無所遺少侍諸溪公

仕祿始歸而勤農儉費日裕乃敦孝友急執獨厚祭祀  
嚴訓誨而于公家急賦稅遵法令而歲有司奉詔禮者  
行給冠服獨能不受實能修其家範可語餘慶由禮昨  
秋偕配周齊壽七喪士人有高其外修內助之誼者爲  
八行雙壽語榮之仲嗣一軒君等手錄其文成冊就余  
叙之余本世講姻好知公尚淳實不事浮譽茲登其所  
樂聞者哉勉從一軒君等見屬乃憶平鄉人者曩于公  
家大夫登科日官不躋通顯則曰何不善仕無厚遺則  
曰何不多取乃其意本于積德垂後爲善孰多其意在  
楊端潔公文集入卷之五

尤

三百五十五

刺旌節錄序

漢傳列女凡所能皆書宋史惟書孝節我朝令甲則得  
旌節其以孝聞者特勅有司獎之而已夫孝節皆女行  
也孰難乃觀其地而揆其事孝出天性供常職善承于  
夫夫子之所倡者皆能則其地順而其事若易稱也節

非有卓拔之見剛勁之腸忍耐矜練于困窘挫誘阻銷  
而不移奪者弗能則其地逆而其事未易久也斯節難  
以德色評語而觀在漢淳俗且然斯孝亦難前史兼書  
固宜而今孝節皆得並聞蓋亦兼而重之就是而爲之  
差等旌獎畧異其施此則激勸之深意也是其意獨勸  
乎爲人婦爲人妻者也婦道同于子獎其孝以教人子  
妻道同于臣旌其孝以教人臣所以教者將使其視孤  
嫠寡妻惓惓乎心孝節而不懈吾爲人臣子如之何其  
于君親而後遺之此又激勸之妙機也吾邑以節聞者  
楊端潔公文集入卷之五

子

三百五十六

刺永言冊序

今則屏門王君妻某氏王君秉之年始二十三而生信  
南子建中也數自苦志爲節事其寡姑而教其子于立  
里上其節狀于觀風臺蔡孟信南子未發跡時也日久  
覈勘論實且定臺臣始請旌于朝則勸典至是而節顯  
將與竊壤俱存而大母成媳之慈信南子承顏之孝並  
慰矣信南子曰且服勸臣職其無忘厥報也故吾知其  
資移之學明之裕矣奚待于勸而後興因序其卷而深  
致乎斯焉

天地運氣徵于聖賢說者謂始中主次西北次東北次東南又次西南還于中土乃氣運一周是故義皇中主唐虞夏商周西北周孔東北而東南則自子遊始至今爲盛說者又謂始之根本漸發于精華根本則一精華則繁是故東南學者得其精華漸衍而繁所以爲盛古有是言今以東南有爲儒者學務精華不得其根本忽從佛氏本心義諦悟入亟認以爲根本而據之遂敷衍其教始惟東南江浙楚粵遵奉其言中土東北而北尙守義皇唐虞夏商周孔之道未之有易者乃今則均之

楊端潔公文集入卷之五

三

三百八十四

淪胥且將舉天下而易之矣時亦未之闢者克庵李君生西北得其根本游藝于精華學力足以闢之聞其心傳自于尊公東野先生先生早明忠孝大節事太毋夫人善養助乃兄以武畧顯初習書既明詩禮以此三經授李君李君將有耀于科目乃自謝貢業圃誦讀于中爲其文似其行雅有西北剛勁正直之風以是李君承其教自諸生時志向高峻耕先生所力之田習先生非人弗交非義弗取當路表其門閭初試爲令爲御史盡官守言責會王軸秉銓兩臣顯交納賂李君艸疏將言

爲問者聞于兩臣中之補外及召還則以新秉銓者日嘗撫關西熟李君行誼于諸生時將大用之而語李君李君以官人而私言之以其爲市恩不答新秉銓者不悅數年不調會有舉祀典于前之佛而儒者李君疏不可公卿會列咸謂此鉅典安容以與授舉是李君疏卒之主軸者受中涓勳戚之指特疏成事李君數年又不調乃主銓者相繼去李君乃調少京兆撫楚總憲二司徒司馬李君往嘗迂道千里會喬山中不值茲會都中乃得諸大夫表聞李君永念先生孝思爲言成冊叩名

楊端潔公文集入卷之五

三

三百八十五

永言欲喬序喬家東南李君西北地隔萬里一旦相遇而懽喬將請病歸李君爲言欲永先生之教于佛而儒者爲書闢之俾世皆尙根本不落精華之繁吾謂李君第純學力守此根本今者精華縱繁天祚此道當必有芟繁復一時將從西北而還中土一周之運無窮過計是則永先生之教即亦義皇唐虞夏商周孔之道永言于茲其不朽矣

刺夏文愍公全集序

曾論揭禮樂征伐自天子出而箕範重戒乎臣之作

作威玉食者固將明主權臣節以維分定志不得入承  
譏說儉行猶見私交相忿爭更請乎政事是故上下咸  
安臣民攸順曰有道之世後世若有臣而鄙諛文是言  
助上于偏任中制默實藉之爲徽榮固寵之地得卽居  
然利之曰惟不足安計乎瞻盼間祇貽自害且害及國  
家乃知聖訓所以爲坊其亦示人臣以保全身名之道  
也哉嘉靖初諸大臣一時榮顯已極思各殊遇而塞責  
望于天下漸密疏時宜禮樂征伐以明有道而誦肅  
皇帝天縱遠覽乃後乎征伐而嚮意禮樂禮樂者自平  
楊端潔公來集入卷之五

三

言十四卷

性情容節嚴敬雍睦于郊廟宮闈堂陛而推讓起官聯  
阜成在蕭蒞裨海以足形之于制作斯爲盛美非稽古  
辨言賁飾之謂此漢文之謙讓魯兩生之不肯行見雖  
不出此益亦偶合焉者惟曰未遑百年而後可典若以  
爲殊常難能可以得已而緩以圖之之事則非其當矣  
諸大臣者氣行相齊又皆以寵利相規忌似非可與其  
議興禮樂之選其不足以欽承而光輔之也明甚桂洲  
夏公昌才長猷發氣高爽早以論藝深與于壯地李公  
嘗有問詞林凡得而通其風儀藻論不覺却武遜之是

時適守諫垣以上 郊廟耕蠶諸大禮一言投合羣難  
莫搖數年陟至孤卿元輔諸所論思條履洋洋乎亦是  
賈公孫之匹舊有奏議仍別爲刺公雖寵數優隆久于  
諸臣然亦屢忤屢復已而謝却黃冠削籍旋奉 召還  
闕臣銳進奏議公力贊恢復時則 聖心非復前議禮  
之眷而同事者陰入詭譖顯指威福出公引過于欲救  
弗能乃投杼論辟國體人情于是咸傷之焉夫奏議疆  
理封守攸係先今謀臣智士誰不扼腕于昔中畫使固  
者之疎亦已彰矣特時勢難于輕動茲邊烽未交而政  
楊端潔公文集入卷之五

三


言十四卷

本積慮在角權護黨遂倖間借肆中傷殃及專閫舉內  
夏外夷大計將爲世諱稱彼其人何心天下誰弗憐之  
獨憐公不已者猶以居常于周官戒爾卿士之義載起  
于易乾爻上九之辭未之省占又弗用范六丈真聖人  
預見諫已于捷戮邊帥之時卒之履高自危因例爲律  
而翻覆雲雨下井落石卽昨口譽騰趨塔喏其人旣而  
此類亦其類攻訐之身名俱殞若所謂一問好還者然  
或因是遂謂爲臣難難于有終嗟夫無所不爲不至者  
人莫之爲而致者天君臣相遇天人相告毫芒不可忽

易爲人臣能畏天自保而慎議威福幾決去就庶幾可  
終矣以公之聞識豈真于斯果閣于周防逆料顧有莫  
爲莫致者在公亦安能自虞乎哉至 莊皇帝續承先  
德仰體茲斷實非 先帝之意俯允言官所擬給卹典  
惠之今諡爲文愍忠魂以慰而繼述善政殆于是爲脩  
公嘗有集浙巡視察吏全刺之間變劇去東坦憲副吳  
君春遠遺言收存散亂併著年譜未竟于大官君秉令  
始鉸梓問序于喬郡大夫右謂公無血胤狀誌久虛因  
此可許之喬後進未聞往事特見乎海內爲公憐談之  
楊端潔公文集卷之五

二十五

三石刊



新刻楊端潔公文集卷之六

男聞中聖踐輯孫德勝跋

序文

重修兩浙南關樞事書序

喬人官遂奉使事于杭關至稽往帙得薛君尚遷氏所  
創志而讀之匪類提綱備註闡義一展且誦計去此三  
十餘禩沿革略異不皆可據而行亟意俟人間採善舊  
政而參酌以施關事粗定意權一務耳王者歲更代易  
比至關故弗悉又不有籍可稽乃或認獎例爲法既明  
楊端潔公文集卷之六

一

三石刊

及則將代去未遑有長裕之圖竊欲更著之志以昭往  
則兼備來者典常之考歎于文陋劣弗果間又奪于瑣  
務繁節不得暇暑餘卧病署中關務治之委者長日謝  
事疎曠虛深用愧懼因體從藥餌稍適强忘陋劣取  
裁舊志附以新所參酌列正志十三書漕艘雖革亦書  
以附總而題曰南關樞事書稿具時適當代且得告歸  
攝欲刪潤未能意後容散佚命侍吏謄本刺之厥節或  
擬有關法守可能係之余惟法有司事也關之設王道  
弗復已政固當通物情相時宜而爲不可盡法者也法

泥不啻弊例復緣此起將爲異日者取盈之地斯喬小  
子所爲志也

### 食色紳言序

記曰人生而靜天之性感物而動性之欲欲則飲食男  
女其大者所謂食色性孟子曰性也有命焉君子不謂  
性也動心忍性修身俟命是謂飲食男女實學先儒謂  
天理所有人情所不能無從古聖賢自這裏做工夫厥  
言旨哉近世譚學者于性命之旨不分乃好言了性命  
乃所學則外動忍修俟別以兩教法戒屏絕者當焉遂  
楊端潔公文集八卷之六

二

使卑暗者弗能戒絕顧溺之而外借性命之說以自文  
猶據爲學高明者視飲食男女爲人倫日用常迹置之  
不講心慕戒絕而尙有身世之累獨樂其名趣清虛而  
迷之就其中所見小明直任爲學名曰了性命嗟乎性  
命詎可易言了乎哉自此端起而以誤傳誤學術歧且  
裂已余嘗在告里居二十餘年妄意潛修乎此以慵懶  
無成竊窺乎近學似是之非之誤則又離索拙訥莫能  
爲辯茲至滁觀皆春石大夫食色紳言列飲食男女取  
前哲玄釋緒言雜陳于編余以其簡擇簡徑條叙直切

儒旨兩教未嘗混爲一途學者鏡此可免于似是之非  
將因之悟乎爲一時法戒屏絕者欲根未拔終當乘間  
竊發如常重有潛滋暗長而流弊濡極者何疑乎卑暗  
者溺而高明者迷也未見其性命之能了也如精求動  
忍修俟而行始事勉強矜持既而沉潛積矣馴至于心  
不爲欲妄動復乎人生而靜之初不亦盡性至命與幾  
乎卽盡至而以近世之了言斯謂真了可矣爲古今學  
術計者寧能無辨

### 刺大學定本古本新造石經三書序

楊端潔公文集八卷之六

三

帝王聖賢言道體則一人體道由知則二由爲人生日  
用之常自聖人至衆人同能之皆道也惟濟惡不才背  
而去之道斯裂矣知卽以其所由者體會者察之自聖  
人生知至學知困知同能之皆道也惟困而不學道斯  
昧矣故由知則二其歸于道體一也卽裂且昧而道體  
在人無存亡加損特一時氣拘欲蔽不能皆由皆知是  
在所以使之者此教法所自立也卽其中裂而不由昧  
而不知聖人則有道德齊禮道政齊刑以感化約束俾  
其必由又不欲其惡拘束憚防檢索求于人倫民義之



外強所不知以爲知故曰民可使由不可使知于其所  
能知者卽于所由中因性順導隨時變化裁抑過高激  
厲不及不欲躐等凌節輕忽苟底于渺茫荒蕩之歸則  
其實履允迪其所知故曰中人以上可以語上中人以  
下不可以語上此教法所從入也乃所傳教法大學備  
之明德新民止于至善其綱格物致知誠意正心修身  
齊家治國平天下其目繹言之物卽中庸爲物不貳體  
物不遺之物天下公共之理人所同有者格者貫徹至  
極無間之謂惟其爲公共同有故格之卽格知爲人虛

楊端榮公文集卷之六

四

三百五十四

靈覺識之知一已所獨得人人所同然者致者推究至  
極不遺之謂惟其一已獨得故致之卽至故曰致知在  
格物在者明知物之一致格之功相貫亦一也惟其能  
推極其虛靈覺識之知至于貫徹無間于天下公共之  
物故曰物格而后知至而后者明心物之一格至之驗  
相因亦一也惟其知至乃知起于意而后誠意發于心  
而后正心主平身而后修則在己者身處乎家者而后  
齊家近乎國者而后治國盡乎天下者而后平則在人  
者此爲舉綱率目由己及人操約該博謂之一貫如物

未格知未至乃其性資明敏踐履篤實凡日用所由恒  
在乎物之中未必知能及亦可謂與知自此以其所知  
意亦誠心亦正身亦修家亦齊國亦治天下亦平究竟  
其極如孟子伯夷聖之清柳下惠聖之和特不若時中  
之大成故曰聖賢則巧智譬則弁其至而力其中非爾  
力者此教法所定衡也故曰道體則一人體道則二及  
其歸則一也近有絕不聞道祇得禪宗指人心血氣虛  
處爲善靈處爲知識合名善知識亟以善易良知識易  
知合名以孟子良知卽不以虛靈中識覺推極貫徹乎

楊端榮公文集卷之六

五

三百五十五

物祇歛目及親氣凝聚靈處生照卽識覺卽見地卽  
徹悟卽知至虛中一無所有靈中知識一無所用凡生  
知學知默識聞知見知一無所爲又見格物二語爲大  
學首言不可置乃以格去物欲卽物格全此虛靈卽知  
至至易簡至直捷凡中庸爲物不二生物不測體物不  
遺物有終始不誠無物皆不相蒙悉以外物名之不俟  
工夫階級謂萬物盡屏心知炯然既得萬事畢意自  
誠心自正身自修家自齊國自治天下自平揆其實乃  
率意卽誠任心卽正從身卽正家國天下由我操縱則



齊治平即不治平亦不必問于虛靈中爲物欲潛滋暗長恣肆妄行皆直任爲道不必潛脩禁止一禁止即遏抑遏抑即外求以此立門戶聚朋從標之不過一語曰心知卽道口講卽學止矣令賢智者先入不出卽以賢智作爲虛橋以示人先謂莫已若又好用任意見氣質皆名爲道指聖人所稱由斯道反以爲非又令愚不肖至庸衆無所適從道之裂昧亦甚矣喬素昏病坐井管窺竊觀帝王聖賢之道爲今時外借儒名內實禪宗者所奪又作邪說橫議不止乃不量稽考諸儒所定大

楊端潔公文集

卷之六

六

言本界

大學古今四體文集註序

學自聖人而傳聖人有作始先天伏羲以圖象神農黃帝以六書是爲上古聖人有言始欽天命堯舜以典謨禹湯文武周公以訓誥是爲中古聖人有刪述始明天命性氣才習孔子以六經魯論顏曾思孟以學庸孟是爲下古下古于中古于上古皆曰古數聖人者豈

不能創作乃必曰稽古學古師古述古者總之則以天爲道之大原不可易也天道同而人稟異變異爲同在學學在教堯舜教以人倫教以子學則三代共之所謂小學大學是也周衰教微道喪學絕夫子以古大學所傳授之曾子作傳儒生誦法三古師事孔子將道傳教修學明萬古如新矣特秦不稽古先王禁誦法孔子以大學諸書藏于禁中項火後併禁內者俱焚漢興收遺書魯共生得于孔壁孔安國獻于武帝命諸儒質疑詰辨爲古學科試取士爲今學所謂古學今學者是也鄭

楊端潔公文集

卷之六

七

三百七十五

玄列爲十三經以大學入戴記唐韓愈首發爲原道止于誠意宋程子始爲闡明尚未出于戴記朱子始以戴記學庸合于論語孟子爲四書至是于孔門所傳者今始昭著士皆師法是爲大同乃同極人將惡同好異時勢恒然遂以傳注言格物必盡窮天下之理爲難業舉者以場屋博洽覆射爲難詎知平易言窮理分析平理之謂大學致心之知者在格萬物萬理本於一物一理者意相同故舉以爲釋未嘗謂隨萬物而一一窮之今觀傳注未有此語業舉起于辨材課士漸流于博洽覆

則今觀傳注未爲此誤邇者以此兩難人將畏難好易亦時勢恒然乃遂有不肯遵述古訓別立新題者與矣黃九川氏謂荀遵述古訓則無所用其識不立新題則無以名一家立一家新題以爲講則禪宗執櫛柄對機終故智相取人心血氣中虛覺知覺者爲立大爲養端倪爲體認天理邇慧者又取善知識之說合取大學致知孟子良知二語爲言其功卽反目攝神至心卽知至亦卽物格不必別言致言格乃以大學言格物不可肯不得已或指爲格欲爲正事爲至物格知物有本末之

楊端潔公文集八卷之六

八

三言

物或以明知意心身家國天下之物或以格不生不滅之物又以先王禮樂名物典章法度爲非作聖之功增雜霸藩籬訓詁記誦聞見皆致格中事一切指以爲名爲博爲侈靡而文致之文吾籠罩轉換儻難以測識無所歸詣自來不師先王非孔子一見于秦再見于今今之端實萌于禪而禪書自程朱所闢功令所禁人素未讀弗省適見驟聽遂茫然以爲真聖學從之嘗以理不可昧人或非之將以文其非則以旁註古本勝之又古本不可亂入或疑之將以拒其疑則以楷書偽造石

經勝之又僞不可欺人或去之將以招其去則括三教一宗禪宗一玄宗次孔子又次以勝之高亢者揭幟卑庸者挾隨逐成居今非古各任己意作解立說衡行天下朱子嘗以其高過于大學無實以嚴防之而反致乎操戈之攻今天下皆知大學之教爲此類所充塞未有直言以息之距之者卽始有之終亦以古平常今新奇人情喜新厭常惡平樂奇則亦時勢恒然而反致乎伐異之說益以智識眩昧無能自正其心安知息距安計平異諸乃僅于旁註古本偽造楷書石經三教一宗諸

楊端潔公文集八卷之六

九

三言

說各詳辨于註補誠知僭妄直遽有咎然大學由此粗明將三古聖人所傳于天者俾天下後世得聞不致充塞如今茲之久且甚焉卽冒咎焉宜也

刺四書古今四體文集註全書序

上古聖人傳道惟書書卽文字伏羲畫圖象卽文神農黃帝命史倉定六書卽以文製字唐虞夏商周金用謂之古篆天子歲考文天下書同文周宣王以列國字漸變乃命史籀增益所未備爲籀文亦名大篆既未行于天下周季秦初以古篆大篆均謂之古文秦不師古李

斯改作小篆程邈作隸王次仲以小篆六分隸二分作  
八分均謂之今文所謂秦以前之古文今文者是也秦  
焚書以經書古篆藏于禁中項火後無存漢興收遺書  
魯共王得于孔壁卽古篆似蝌蚪稱蝌蚪書孔安國以  
禁中古文所謂古文定爲隸者易書之獻于武帝集諸儒  
更詁質疑各目爲說鄭玄始統一諸書合爲十三經字  
猶用隸漢蔡邕諸臣以小篆一隸一八分一名三體刻  
石經魏正始鍾會諸臣以蔡邕三體內古文實隸易以  
古篆稱蝌蚪文一小篆一八分隸合爲一亦名三體刻

楊端潔公文集入卷之六

十

三百六十五

石經均謂之三體文唐衛包以楷書行而兩三體文遂  
廢自茲以古篆大篆小篆隸八分皆謂之古文楷書謂  
之今文所謂唐以前之古文今文者是也乃所謂文字  
有名有義伏羲史倉而來堯舜禹湯文武周公稽古神  
明于心以此爲經爲書經書中合文爲字合字爲句合  
句爲章合章爲書書卽爲經凡讀經書者卽以其章句  
文字考其名義是爲同文師生口傳心授無俟解辨人  
皆知能所以往古知經書者衆道理太明自秦以小篆  
隸八分唐楷行文字名義絕傳欲識者必俟教習講解

人稀知能所以後今知經書者鮮道理難明漢唐後以  
此爲弊自程子表章朱子綜考往昔諸儒以古篆文字  
名義釋楷書今文而一折衷于帝王聖賢以爲集註學  
者讀此可以由今文知古文字名義道理著明我 國  
家稽古以此興賢育才治效顯然可徵正嘉來有以儒  
師禮者以禪析經書指六經皆心明心印明經書凡求  
經書文字名義者外視之不必求明將指之爲仇家爲  
牽纏爲勞苦繁難爲拘滯險艱將以掃古今書文字名  
義而一空之更亂紛紜識者恒以將來莫知底止喬賢

楊端潔公文集入卷之六

十一

三百六十六

識駕駟竊深爲懼乃以舊所考述字韻全書而得古篆  
或未備間以籀文足之以明帝王傳之孔孟古文之舊  
小篆一隸八分合爲一名三體以復三體石經之舊正  
今造楷書石經之僞集註楷書一以明今文本于古文  
字名義之實今稚豎各以嘗所習者書之合爲四體集  
註後以語類諸門人諸儒所傳張黃真金許李諸儒所  
釋註擇要略其撰竊附次其簡編意爲編次又取發其  
歸趣補其缺略意爲註發註補一書合稱爲古今四體  
文全書喬極愧輕遽然敢干若此者則以古文存則人

知經書者衆道理易明卽古學古治今文存則人知經書者鮮道理難明卽今學今治或曰古可復興竊惟復古則難惟于此四體章句集註今文中求古文字名義得之邇聞行知如曩者學明心正治美世平萬古如一曰矣不于此則有未敢知者喬于追古慨今之際敬述此以俟裁正君子

周易古今文全書總序

古今道學統傳于昔者聖人聖人言學以道言道以天言天以命言命以性言性以理言理以得于心爲德載楊端潔公文集入卷之六

三

三百五十九

于六經魯論乃皆略言而書記于史臣詩採于史氏春秋記于國史禮記魯論爲孔門弟子傳錄皆非聖人手著聖人詳言又手著者惟易是故易言道卽天言天卽性命之理心之德聖人模寫于卦畫著法于卦著列辭衆變占是故易書中一言理二言卦著四言辭衆變占皆聖人之道易有者也而占獨後後之者重之也占者極數知來知來者理極數者數辭衆變所從出者也聖人作易以此作自義皇惟畫圖象教民以占神黃唐虞夏商易不傳周易又王觀義易正則有反反則變乃以

反設卦以卦立象以象繫辭以辭明占名象辭列三圖周公繫爻名象辭是爲一經孔子釋之爲彖傳象傳是爲四傳著十翼翼中說卦明周易推本義易皆所謂順性命之理立天地人之道其言性與天道文章頗會思孟得傳者學庸孟以此性與天道者卽理文章卽象數一理生象數謂占卽一貫觀玩卽學未嘗別有理學象數之學自此易始大明而傳者鮮辛而書之傳自周末視圖書經傳作十策推驗雜占之書秦燬有後說卦卦圖著圖占法皆亡漢河內女子始出說卦而書乃傳人楊端潔公文集入卷之六

三

三百五十九

之傳周子夏商瞿始漢五傳田何爲古易何未知其能言理否乃理學或自此始其後有以詞象變占爲象數乃象數之學自此始其後派相授受專門確守而人乃傳書人皆傳卽理鮮明而象數得存當有因象數識理入德幾一貫者自費氏分傳附經名今易而古易亡王弼以虛無註經傳而象數亦亡易道微極矣宋周子明易有太極作圖說卽易通授二程叔子著易傳卽于得圖方外著觀物內外篇說卦始足徵朱子著本義據理推明著法七占著啓蒙理學大明四聖五儒合而功重

全易矣乃程明辭朱明著于理精此謂辭道本古于象  
尙略元吳艸廬明象混互體理未瑩嗣是始有言象而  
知象乃理之可見者未聞也此謂象道本旨獨變占無  
言者先人嘗模義圖著略曰以正觀自太極而儀而象  
而卦重而四而五而六畫是爲義易六十四卦先乎天  
而爲言也正而反也變也以反觀自六畫而五而四而  
卦而象而儀至于太極是爲周易六十四卦後乎天而  
爲言也及而變也通也合之正反變通一畫也先後一  
天也不可岐而二之非易也先人第言畫理時方  
楊端潔公文集

乃聖人以理明則事不疑易道行一有疑以龜蓍之理  
卽易理也當稽之是故龜亦曰卜著亦曰筮極數知來  
理亦曰占洪範明用稽疑以此此謂占道本旨至是一  
言一言四言全理學象數之學備矣其後專以龜蓍爲  
卜筮斷決爲占驗稽疑祇言事應不言明理于是易爲  
卜筮之義助又後以易自易道自道自古自學自學不  
以易卽爲道占以爲學于是易爲窮理盡性事天作聖  
經世萬物之義夫子謂占者亦晦于此微古今之世異  
異之顯者以文古者自周而上天子考文易以古篆同  
楊端潔公文集

令稚子書藏存先意詎敢謂有得數聖人之心于數千載上哉惟于後世語詞者章斷句解隨文義以敷衍中無實見而不足以應用是視易在人在人則和人是外務外語理者宋虛無以心知即易不必求經即言經一于驅聖言就己意自謂易簡神化而實不得其所以然是視易在已則私已是內泥內語象數者始于纖緯淪于揣度謀術是視易爲伎不求定理一于舍已徇人而妄度于不可知之數以彼三者較此似爲定說是說行如學者信以古聖人言學言道言統在此從此則知天

楊端潔公文集入卷之六

六

三

命知性知理知德至于一貫即盡易如以詞以知以伎爲易非所當知古今是非自有定在謹俟將來

周易全書古文序

古聖人六經始易易者易有太極之謂其理一是生兩儀四象八卦其象數變占殊顯設于天地萬物而具于心實天下公共之道聖人神明默成于心獨見之以人不能皆見乃盡于書以示之即作易也是爲論道論學之本伏羲圖首作文王周公經孔子傳翼皆作而實則述周子曰易何止五經之原其天地鬼神之與近儒林

楊端潔公文集入卷之六

七

三

夕氏曰五經有易猶衆水有海海不可列于衆水易可列于五經哉又有曰書紀道政詩紀風律春秋紀事蹟禮記紀禮樂皆未詳理一分殊之旨獨易爲詳即爲論道論學之本後世無知者周末視爲著筮之書秦得不焚說卦亦以言理之故亡漢初出河內始稱全書漢學宮置博士得一經聚諸儒共讀求詰示尊重說卦後得亦聚諸儒讀詰然祇視爲著筮之書其爲論道論學之本世無知者故視易爲一經與五經並自王弼以玄虛說易孔穎達註疏而易湮其爲論道論學之本世無

識一切智皆從自性出不從外入自悟自解爲最上乘  
諸佛妙理非關文字誦經久不明與義作響家之旨則  
是心內而經外易之重于五經爲論道論學之本者非  
獨不必觀玩將以聖人爲徒作亦顯于絕者喬爲此懼  
嘗考今文啓蒙成書乃以古文易所始作二經四傳十  
翼十二篇漢初卽混終以費直分經合傳重混數千季  
未有正者宋呂晁氏始正朱子從之元吳馮正之吳氏  
纂之皆本全今以二經四傳十翼各爲篇段章次復古  
易又取舊考正字韻全書界周生稚子可中任中考定  
楊端潔公文集八卷之六

九

言小祥

古文始全學者卽此可以見天地間有易大全矣嘗聞  
古學者三年通一經將以明理致用舍是書奚以哉或  
曰古易讀于夫子其不占假我數年學易可以無大過  
何其難且煩世儒六經皆我註脚以心知卽易求心致  
知卽尊易何其易且簡然則何以定于一竊謂夫子至  
聖有以見易理一而具于心爲天下公共之道其用必  
觀象極數通變隨時以從道乃謂無大過此其學之次  
第卽難煩至于天下理得實易簡也若人各稟血氣爲  
心心有知乃已所有一歛耳目却思慮攝精神卽學精

神聚血氣凝靈明顯名悟卽理天道在此陰陽消息在  
此是則陰陽不生于天地間太極公共之理而生于人  
心血氣靈明之知將視天地間無理之一亦無象數變  
占之殊故其心遠理則以理爲外其用不觀象極數通  
變心一起意直行惟知有我不隨時從道卽有過亦以  
已心爲是過涉于迹可勿較較則累心非本體亦非信  
心非信道此其不侯學之次第卽易簡實虛寂且偏妄  
也其流侮聖欺世盜名其言于今方盛古所未有古文  
不容已也

楊端潔公文集八卷之六

九

周易全書今文序

余考古文序其端乃今文者史記起于費直定于劉向  
鄭玄王弼孔穎達前儒皆欲復之或以四傳附經以繫  
辭附傳如以葉附枝枝附幹至簡便于詁者讀者又傳  
自漢時頒自朝廷傳于庠序童習誦行皆同今難遽變  
是以呂子朱子從之況于今乎乃仍前爲今文備舉六  
十四卦兩卦並設觀象繫辭本旨見周易所由作爲  
此歲久稿數十易始本于程子易傳朱子本義暨諸儒  
言既以象合者書不合者擬議參酌求當不強同不立



異寶閣全易本旨若筮法自義皇神黃唐虞夏商周所稽疑同用者皆義中之義本義啓蒙獨詳竊謂學易者于卦占義取諸此于著占義取諸本義啓蒙當合而觀不可缺一

周易全書易學啟蒙序

伏羲畫卦生著皆有圖文王有圖有辭圖即象辭即書孔子有傳翼傳翼即讀合爲易書中列辭象變占卜則開明剖判以一原虛言筮則分析辨別以殊分虛言合言之明也占則極數知來知主管也來理也合卜著尙楊端潔公文集卷之六

幸

三百五十四

占言即明理也聖人示人于靜而無事凡觀玩洗心齋戒皆尙也尙而理得爲吉失爲凶得失之間悔吝不安爲厲補過爲無咎宜爲利不宜爲不利或爲害皆斷也斷則理從此剖出即不疑不疑即明也于動而事理有所疑或有大作爲或國有大事或汝有大疑若唐虞夏禪斷商周征誅建遷聖人以心之疑決諸人得不疑又以已與人皆人惟龜著包含天下之理至定即易理即天之所任已與人所不能違者若龜著協從一人有事四方若卜筮罔不是乎即以人質天皆尙也尙而理得

爲吉失爲凶得失之間爲悔吝不安爲厲補過爲無咎得宜爲利不宜爲不利或爲害亦斷也斷則理從此剖出即不疑不疑即明也心理明即執中建極事理明即用作用靜聖人以明理決已疑在已人有疑明之則必合天下之公是故擇建立卜筮人王龜著龜卜無論乃筮人所掌卦圖著圖說卦占法並存秦不師古不立官亦不尊周所稱易爲卜筮作惟以決所疑日用雜占視不以義理重後焚書易獨以此存說卦亦以義理暨筮人所掌占法書中卦圖著圖皆亡其時尙藏于秦禁中楊端潔公文集卷之六

幸

三百五十四

至項火悉燼矣漢初能無儒生後進逃于焚坑藏于方外者當時君臣僅除挾書律不知徧求漢武始詔求亦晚說卦河內女子始出卦圖著圖占法竟亡邵子始從方外得卦圖亦遺小成方圖于著法未詳也朱子始據理推明著本義又著啟蒙本圖書原卦畫明著策考變占四卷易道復興特專王著占未及卦占即著占亦爲義易正變七占未及周易及變七占未全也喬忘鄙劣本邵朱意又本先人卦變論略圖闡周易及變七占即在筮人者無考亦可以理推所謂樂其可知者也以此



詳著先後天諸圖以說卦畫小成方圖用俟後明理  
疑者考此及用于斷驗則考本義乃卦占者皆備稱  
全易即筮人所掌不傳稍疑際未必皆當顧理不踰乎  
此在善川之篇中皆本義門人語錄諸儒發明者為證  
據不收稍出意見子曰益有不知而作者我無是也多  
聞擇其善者而從之多見而識之知之次也

周易全書龜卜考序

昔者聖人龜著金重而龜先乎著易說卦天生神物聖  
人則之探頤索隱鈞深致遠以定天下之吉凶成天下  
楊端潔公文集入卷之六

圭

之靈者莫大乎著龜者可徵焉易言著理略及著法  
朱子著啟蒙余考備之諸君子或謂龜卜獨闕乃考之  
六經惟言龜卜不言卜理上法洪範言之特舉其端周  
禮亦言史記龜策傳褚氏補傳皆食墨鑽灼觀圻紫攘  
又皆敗龜之事竊意神龜至靈知天道出即為瑞聖人  
重其靈瑞敬為居室藏之建官守之繼世遺之凡占必  
以圭璧盛禮求之至重至慎而聖德好生凡物愛之各  
盡其性安得剝殺之且龜靈氣息能先知亦安能致其  
剝殺之者唐李氏華作卜論曾疑及此近日季氏本作

卜筮論謂殺龜鑽灼爨牲犧不祥乃後世術家小法行  
于龜卜等物者周末秦漢時君惡龜卜言吉凶害其所  
為遂以殺龜為古制史記兩傳首引宋元王事為徵証  
周禮者誤信以為然至今以妄傳妄今龜卜古道不明  
于世可慨矣哉余嘗以為意乃于易書成日以次子任  
中習周禮戴記諸書乃今本此考之六經諸史以復古  
之道如峻契定墨辨位蒸氣食圻辨荒始一則出龜卜  
畢則藏龜一如著儀至三兆四兆五兆皆據鄭氏王氏  
所註周禮及全氏本參酌諸家言合者並存之一徵神  
楊端潔公文集入卷之六

圭

物包括至理以開物成務冒道一顯聖人幽贊生著稽  
疑明心理明事理以前民用一闡周禮視吉凶以詔赦  
政一闡後世妄傳以迷民之非至于龜法太卜之官不  
傳既無可考今不得真龜無所徵據以為卜斷僅以此  
編畧存故實顧皆述所聞若其全尚俟君子潤澤之用  
垂全史

馬書序

古有河圖者先儒指其時則天地泰和世則聖人在上  
地則河洛土中是以陰陽精純之氣鍾于龍馬而龍馬

心稟理數運行臟腑脈絡肢節骨肉形千背之旋毛五十五圈陽白左旋而順陰黑右旋而逆若圖書然古以爲瑞爲靈義皇則之書易遂作萬世文字祖周三聖演易乾象馬剛健居陰坤象牝馬柔順從陽遂別兩儀生成之類周禮馬五物象五行各一其性乃自較人下牧政隨性而盡馬性盡而人物可推遂胎兩間化育之效周官公論道變理陰陽孤弘化寅亮天地司馬掌邦政統六師平邦國凡天地間陰陽氣化災祥鳥獸先得馬行地承天施設中得之更先能論變弘亮即書懋

馬之登耗隨時而異而牧則官民兩者官牧較民牧誠優乃流敝不察其害亦均難乎其語盛矣我聖祖作述以武功定天下親犁庭察虜俗占族類族類占中國皆以馬之多寡上強弱乃極重種馬即西幾輔威徵駒備用數十餘萬以示強干虜亦得民導利賦且自作武衛亦若類于民牧而政善民不擾馬幾盛于前代其後吏恣令繁牧地爲豪貴奪乃政勞民擾王事者忽議華而馬數耗矣余久山居讀周禮月令前史而知馬固有政惟其人舉先今執事南北罔幸嘗預聞其政思昔

其柱史韓駕部諸公而王問卿楊諫垣何柱史賈制  
駕部諸公至成之孫君既較語余宜序且曰執此馬政  
斯舉亦可得超識于驪黃牝牡外矣余謂如其能求諸  
外也可以與于天地陰陽之故明其故者之于治于道  
也卽在于乘御間矣其于馬政不將舉此運之哉

### 馬巫序

世嘗疑周禮較周制未合月令集古制成篇乃先王遺  
制藉之有徵卽馬政亦合二書而備乃巫馬掌養疾馬  
而乘治之相醫藥攻之說蓋有深意漢後鮮傳者觀之  
楊端潔公文集入卷之六

主六

天地陰陽氣化災祥時所恒有先王以理察之得其所  
以然之故乃制爲占測之法立之占測之人卽授之以  
節宣和劑調攝歌舞起止鼓動之術名之曰巫者能基  
事而不能其理就其所能之事則謂之神明之跡不得  
其所以然之理則不可以謂神明之德乃災祥用此占  
測節宣和劑調攝歌舞起止鼓動由此暢發則亦謂之  
通焉可爾非若後世專以祈禱祝禳呪咀邪說當之者  
也是故周禮司巫掌羣巫之政而巫馬乃羣巫之一其  
問天地氣化災祥流行鳥獸先得馬行地承天施在獸

中得之最先者巫馬能于乘治之間占測之遂相醫藥  
攻治復于中正可無疾病乃知先巫後醫相須爲用是  
爲變理贊助之大政亦卽巫馬可以知巫人卽馬繁生  
可以知人樂生乃人物生于王者之世所生成若此何  
其幸也慨自巫法不傳獨有醫在醫又不得其理何能  
俾人物生成各得其所嘗謂則輕微之卽若巫馬乘治  
之法不傳而其政則齊飲食節六節日中出入春除薶  
蠱庶夏庠秋駕冬獻教訓攻駒攻特執微講馭戒僕禁  
套驅蠶焚牧通淫淫北騰駒諸法自來寧牧者得其法  
楊端潔公文集入卷之六

主七

則馬登否則耗未有能外之者則二書著其殆盡物性  
之書烏容疑哉自漢後馬政日異大究不出官民二牧  
又其後則市之虜又其後則求馬種于夷登耗亦隨時  
而異其槩則在于隨地孳牧得宜此篇內所利饒飲乘  
習收放皆其事也乃若御法卽將兵之法今悉不講其  
馬不强以之顧古法無存而獨舉練馭數語附之于此  
以俟司封疆者考焉

### 刻條議銅塘封禁山門株利害事宜序

我麗信州地衝福爲東南諸畿麗發脉之始叢川穴水

巖壘洞壑最險易言天險不可升地險山川丘陵玉公  
設險守國以禦人險績用至坎不盈祇既平險斯濟爾  
目今險最銅塘乎洋洋礦微害隱二議確著當俟續論  
獨銅塘境接閩浙三省周圍數百里險阻氣候物產在  
方域中異常不可消息人跡禽獸羽毛無交者獸劇寇  
自漢唐宋元至我朝洪永間皆然宣正間葉冠納鎮  
守中官稅鍊鐵嘴聚隨延閩鄧淵陶作寇殺動煩朝  
廷遣勳部重臣徵天下兵餉數百萬于時文武臣陳戴  
鄧諸公力戰九節楊韓諸公合欲勦撫始平隨會三省  
楊端潔公文集入卷之六

廿八

封禁以近境民產爲護立關隘飭戍守重法令始靖數  
十年來少弛奸商方士風水家屢奏聞屢下三省勘  
議報寢前歲者土民稅使深知聖朝法禁不可違抗  
借隔省雲霧山爲端疏上勅撫按諸公勘報罷戾平  
湖陳公甫蒞首列逞鑒今衡不可聽乃有官舍誑詞微  
旨之議欠假寬限索帑委官招商鑿山通道開河建  
橋乃有醜禍生變之議又次介勘無大木變價莫得託  
言有司抗拒乃有七欺罔之議又次明親山水陷絕出  
入無徑遷延作難乃有二經四權之議又次以誣指全

君李侯任欽乘霧編壑乃有十不可開之議凡議上  
撫臺夏公按臺方公吳公以執奏藩臬吳公張公王公  
守巡方公薛公以會勘南昌陳公喻公以奏詳佐臬陳  
徐陳唐諸公邑李吳胡李吳顧陳吳諸君以奉宣始度  
志定氣勝不能奪則謀別遣金吾使者爲城社枯終計  
政府三公密勿堅持聖心仁照萬里異念漸易乃有  
俯咨士民捐貲代稅山如故封禁之議事終必寢自是  
東南萬生保居廟社萬年安祉而稅使羣黨者亦得  
金全免它日厲階之計功績巨盛合聽士民以前蹟馳  
楊端潔公文集入卷之六

廿九

乘昧于倫紀碑籍爲思害已者匿毀略載國史野史  
氏口錄賴陳公稽述茲類得今蹟偕李公慎謙不伐而  
歸回天轉口于撫按藩臬守巡諸公僅出條議圖說數  
款士民敬刻之余得謁觀其文溫潤其義嚴正其秉心  
忠愍嚴事詳明此衆共聞見者方稅使在境憑詔令  
以肆威稜霸黨黨威稜以恣漁獵將欲剛制則意其爲  
晉野之虎而負嵎莫撓將欲柔服則意其爲山中之狼  
而伏囊莫擣不撓撓與撓撓爲國與民害均等日惟  
抱憂危廢餐食察機窳窳剛柔異施道重于不思而嚴

爲之漸銷默奪此議未載余默知者又意銅塘天地兩  
險常在人險不常卽此得濟可懲前可善後乃若盤錯  
表利施曲徙裕恩澤未足以罄余卽不能文謹當以此  
議合諸公奏疏圖說會勘諸案籍彙藏之茲山用垂無  
窮

楊端公文集卷之六

新刻楊端公文集卷之七

男聞中聖踐輔孫

記

重建一杯亭皇華公署平政橋鍊總記

堪輿內山水境條脉絡燦然可跡而其間對待起止分  
合滙注情態特妙似乎天地有意以造設之此傳疑者  
象之而爲風水好奇者名之而爲景物達觀者舉之以  
臆形勝察政俗者也東南地勢自閩至信州分水右仙  
霞嶺發爲臨安建康畧具晦菴先生集中其信州郡內  
楊端公文集入卷之七

三百三十四

乃仙霞脉出永豐之下石松峯平洋雙門其幹行于玉  
之艸萍條分一爲郡北境于孤山三清懷玉君山中道  
發而仰伏撓掉間出翼而姚嶺吉陽時而石獅鳳凰峽  
度來西止于紫荊是爲郡治而盡脉于南門其枝行于  
豐之將軍嶺條分一爲郡南境于王尖青金木洲石牛  
琅玕峽度漫塢列而南屏中道發而爲今疊山景德止  
于印星是爲印山南屏幹展跨鶴道觀相接旋顧乎印  
星左而脉盡于山麓水從玉溪受雙門滄溪于溪玉琊  
崙溪五派歷饒江受靈山五派又從豐溪受盤亭六石

禁山北鄉四派會于龍潭合葛弋鄉溪入于鄱湖夫以郡治視印山宛如一印當案而捧宋州守趙忠定公徽郡民所創生祠建亭摘取杜詩且盡生前一杯酒何須身外千載名之語命之以南門而抵山麓是爲饒江流傳先代有欲建石橋測其砂石淤漲不可立柱遂編木爲之名平政忠定公增建記以汪公應辰橋上山麓間舊建官亭駐水陸交至賓旅名皇華茲山既有茲亭而觀覽者集也其則靈吉諸山直裰經行若對而拱于前南則南屏諸山橫亘緯轉若待而護于後東則楊村飯

楊端潔公文集

卷之七

二

三百全四

羅懷王三清諸山秀拔盤遶若起而聳于上西則求仙石城驚湖龜峯諸山參昴迴應若止而砥于下居中則玉溪東下西北流至靈溪折而南三里灘順而西匯龍潭合豐溪又折而西南注葛弋又折而西北諸水若練澄環抱而界乎兩崖舉目四境則居于城郭者往來于橋者若生習繁聚服舍整潔容語雍怡而知民安樂若生習嬉逸服舍凋敝容語遽錯而知民愁愠司牧者因感考治安樂思所以保愁愠思所以解是一時極目行勝以瞻政俗以察景物爲適豈取于登高能賦來

飲輟醉然後見賞心樂事乎哉舊亭早隘前守盧公拓置自有記既廢于風水家右隅偏勝之說萬曆甲戌郡守華麓姚公來曰一亭何關于風水亟議復皇華亦勸令邑槐里王公重飭併飭忠烈孫公二手碑之在亭者橋率三年一新丙子郡守考吾林公偕佐守前川李公省岩陳公亟易治例檄七邑共事前是卿耆徐汪王周馬費吳諸君同義民請于郡邑合治鐵鍊一枝守道刻川王公念忠定公之不有專祠而嘉惠是衆于是前績皆備余小子辱委乃記曰忠定公異代賢傑時移事改

楊端潔公文集

卷之七

三

而茲蹟獨存以思勲在宋社德間在郡乘焉爾余因慨平後之爲乘者問有吏治民謂其賢以失採暨異見者不志民謂其否以後顯暨阿好者必志夫乘所以志身後之名于不朽而若是能不動人感嘆稱惜而莫已也乃今諸公居則期與賢傑金平其政政暇出觴舉目橋亭四外山水且盡一杯而適焉他日志不忘亦曰何須平名焉爾矧士君子心事政業求可對吾民夫爲名而爲然而不終掩實莫知可掩終當與山水金者不朽忠定公于茲者理是役者則郡幕羅君也

遷刻功臣廟畫廊紀事

帝王所自立者中國人心所固有者綱常立中國而有綱常唐虞夏商周所以爲盛于時有分主中國而不綱常者斯夷狄之治之之法小則兼懲大則征誅是故唐虞于苗夏于扈商于鬼方周于剴紂懲就可徵孔子不得位而于春秋吳楚僭王猾夏者則示兼懲征誅于書法之間均欲其並生中國而守綱常者也顧茲皆中國職之而未有真夷狄若胡虜入者有之從戰國秦漢始甚之從石敬瑭以山前後諸州棄契丹始又甚之胡元楊端潔公文集卷之七

帝中國失僅藉儒臣陳說朱熹所明孔子之道元畧行之綱常賴以不墮瞻惟太祖高皇帝天縱文武起自淮甸戎衣百戰有天下爲中國綱常之主殆繼夏商周而陋乎漢唐宋者儒臣朱濂序大明日曆舉其功高萬古得國之正獨稟全智敬天勤民家法之嚴兵政有統爲詞益于天地爲昭矣洪武二年天下甫定首以故從征諸臣于鷄鳴山建廟享祀周廟畫其戰功往都人士能傳述舊事者皆言初建廟時高皇帝聖駕日臨命工繕繪以故其廊壁堅緻其繪事精飾今一百數

十年如新當時儒臣亦曰綱常君臣爲首祭享崇德報功大典高皇帝初祚首重此將由此傳播中外明共如宋濂所稱功高萬古六言者本之則傳訓聖子神孫嗣天子位欲其知締造艱難守成不易惟貞乃位厥位惟危俾中國綱常萬世爲盛也曩者歲久壁圖有損成化四年該本寺卿臣劉宣奏壁累剝削不完脩理後數十年復照請勅所司刻成崙本仍畧疏其事蹟于後傳播中外禮部議係于禮制奏奉憲宗純皇帝旨諸壁只照舊于是所司欽遵照壁圖舊本刻成而未

楊端潔公文集卷之七

五

五

疏其事蹟以欽遵聖謨事蹟有史錄在也乃以前刻不可復求數年間廟在山間石礎侵濕雨水淋漓廟貌繪事難以如前者亦時勢所必致諸臣民恭祝者皆稱高皇帝遺澤手蹟昭示無疆所當尊重不可少忽臣喬初執事偕少卿臣詹沂博士臣李范廉典簿臣陳光儒疏請重建蒙勅工部移文南工部覆行臣等惟壁像相因繕壁先重繪像謹遵前奏照舊刻本之命重刻恭藏本署以俟後日繕壁倘有少損亟模此繪飭伴如前美以傳之萬世書曰肆其監于茲成憲受命無疆



惟休亦大惟艱又曰監于先王成憲其永無愆尤若茲生民保厥居惟乃世王臣等以是爲新斯廟貌圖斯繪事其萬世與天地俱不朽矣臣喬謹于竣工陳其概于簡

南京尙寶司題名記

我太祖高皇帝用武滁和大定金陵遠法成周王來紹上帝自服土中之道西漢壯麗示威之制首于往代都城東崇禮卿前湖地開土平址盛建宮闕其上以朝萬國賓四夷命儒臣稽宋儒朱熹所議六典建官以楊端潔公文集入卷之七

六

三言五字

立民極正吏治上下內外大小相維相成萬億年開業弘謨保祈遠猷卽于一時定矣官制大小各九列小九列有尙寶司者倣古司寶璽符章事內自宮闕金魚外則城郊鎖鑰封閉皆其職掌公署在西掖官制記東掖殿閣儒臣居之西掖尙寶司璽臣居之職業不同均稱爲侍從之臣者也自文皇帝都燕置行在尙寶司自此爲南京英皇帝定爲南京尙寶司給印以舊直房爲公署舊建卿丞各一弘治間惟卿一職掌獨符牌日率五府重臣朝夜巡察守衛官軍詰朝府臣至司書

卯督五城兵馬司官兵巡視內外城詰朝回報皆舊重其後屢有議謂大小九列爲冗員可省者璽司爲最旣而以根本重地先朝宮闕宗廟所在重禮爲言乃如舊喬管以天下大形勝言國家都極北嚮極南恒數千里而遠聲教難訖惟南都在其中舉其聲教達之庶幾徧訖四方大同實祖宗卓越隆制安得以爲冗地九列爲冗官而議欲省置之也署在直房舊無題名碑自江陰劉公始治扁書名正德初內江鄭公以諫省忤權閣解任嘉靖初詔起授此官考舊制列事蹟書官楊端潔公文集入卷之七

七

三言五字

聯于左壁六十年文孫鄭公自司徒郎著廉績薦晉是職乃紹祖業肇議立碑謀于宣城詹公暨喬則謂六科碑寓清議堂言于長科祝石林公鄭春寰公願假片地偕樹碑碑成謂喬舊署僚可爲記喬憶凡記者恒曰願令名則踐實鑒往哲則照來諸皆至言不俟更端獨以是官在南中則清秩閑署亦惟率要階梯始以有所操勵乃授旣以有所樹植乃稱後以崇廣乃永有譽斯其名實爲符鑒照並遠者也嘗聞之商高宗告傅說曰惟賢乃僚罔不同心以匡乃辟俾率先王迪我高后以康



兆民欽予時命其惟有終是道也喬衰情願學未能祇從往哲觀厥成期日來名哲踐鑒于不朽爾

題醉翁亭記

滁陽山水顯于歐陽公公所選瑯琊以虛谷豐樂以眼界醉翁當峰回路轉之間以幽徑皆勝也瑯琊自晉後卽梵宮豐樂者以遊豐之山飲山之泉而樂之又幸民樂歲之豐成而喜與之遊也夫遊自先王而有與民同之治善民安之徵適值于豐誠可樂已醉翁者翁太守自謂太守安可以醉自命者哉禹疏儀狄絕旨酒謨訓楊端潔公文集卷之七

甘酒者仁義和酒酒畔官亂征無赦商制官刑微于有位曰敢有酣歌時謂巫風受沉迷失位厥後殷民思商先王德澤祥腴于酒周乃誥戒因而導之越惟祀惟孝養德將無醉魯論惟酒無量不及亂凡醉未有不亂者乃曰不及蓋禁止之法也此聖賢至辭律令宋太守列數百里土地人民而封與古侯邦采邑同朝夕竭思殫政日惟不足何有暇時四境羣生有一不得所古明哲視之若傷若桐瘵乃身重引之爲饑渴溝壑由已何有暇念矧敢于酒又矧敢于醉或者曰歐公守滁由龍圖

直學士改知制誥外遷者也惟是放假酒自適攷之宋制詞臣領郡雖外遷而體格如故恒旋召環公以正言直節不顧忌間而胸次坦朗記稱年最高則諳練日深曾不知內外進止係天不係人安得若世之窮愁失志遭情聲酒而置民事于不理者近時崔文敏公曰歐陽子其慕晉人之風耶漢吏種田蒔蔬効功阡陌夫宋之士習若是故其國之不競與文敏識治體者之言當日有以是告公公亦好義服善者將憮然而記其觀風設教効功阡陌求所繇臻于豐爲與民同樂本實不虛置

楊端潔公文集卷之七

九

惟醉之談千古而後亦不令聞葺俗吏以斟杯爲高致者作口實矣然余又竊謂公問學節義文章政事作宋名臣之冠守滁命亭蓋治善民安之後豈真醉哉乃其慕莊生王右軍做寓言蘭亭爲詞遂令羣藻勝而本實遺公之心豈真以醉爲然哉觀意不在酒而在山水又構亭于瑯琊歸路名醒心益徵已余爲此語時長卿衛陽周先生曰公嘗謫夷陵素史記不得時故謙辭覺其非乃盡心民事可稱良吏守滁在夷陵後政當如之吾子恒稚寡公茲語非苛議特懼夫後世政不若公或信

其爲真然而欲藉之作口實者公之心亦得以白于  
千古之下余感于衛陽先生尙實行不尙華飾與余合  
志遂不量書于東端而猶自懼夫識卑議高不惟苛實  
惟妄也

太常寺供祀地記

虞庭命變典三禮周官大宗伯掌邦禮治神人和上下  
周禮宗伯禮神之屬數十惟重祀典乃盛具官僚專其  
事任兩我太祖高皇帝建都金陵法虞周建官禮部  
司陽禮太常寺司陰禮禮樂事則神樂觀協律贊禮  
楊端潔公文集八卷之七 三十五

司樂諸官官僚盛事任專領于御製誥勅者洋洋哉  
聖謨矣成祖文皇帝徙都京師以此爲南京太常寺  
奉太廟陵寢先師百神諸祀歲時以鵝筍梅梨菱橙  
柑橘蔗數鮮品令神樂觀官齋薦京師太廟用致孝  
字最著諸郡邑備物如期道路順徑內之奉進者無畝  
難則皆時物止供不可以四方難繼供簿正者例言寺  
臣亦得藉以稱常職若或各所備物未如期南北水陸  
用中阻滯內之奉進者畝難諸官恒有以資費稱艱者  
臣僑自初事寺臣詹長卿首語曰署清務簡日惟祭所

司則功臣廟犧牲所可如時修輯祭物則鵝梨二鮮品  
可如前寺臣沈長卿疏請改備祭禮則懿文陵殿可  
如制飾整于時輿論咸以爲此其職掌當請載考建文  
少帝臨薨四年陵廟論說可推太祖高皇帝親愛  
之仁成祖文皇帝詔祭苑以天子之禮肇行之于時  
輿論咸以爲此其禮制當請敬列款疏上蒙勅下大  
司空議祭所如擬太宗伯議祭禮如制陵廟有待祭  
物未然既事考之舊章梨于嘉靖元年王御史奏奉  
世宗肅皇帝旨南京太廟薦新照舊辦解進貢到京的  
楊端潔公文集八卷之七 三十五

既過期朽敗以後不必進識寧國郡志鵝于九年南王  
大司馬奏薦鵝諸物凡京師所有者相應一體隨便收  
買奉世宗肅皇帝旨識南光祿寺志如以思所略  
而言南太廟薦進即其所著祖宗神明昭格在天無  
微不鑒豈以一物而兩勞民力今議格續當有終請者  
茲惟資費稍艱簿查萬曆七年奉旨勅諸司各議公  
費本寺臣徐長卿覈查先年欽賜神樂觀地天壇外  
山川壇外餘地龍江壇天妃宮諸地舊所開墾資前費  
部覆議實奉旨允行額地瘠歲荒輒告匱乏焉敬借

唐長卿李博士陳典簿將舊庫積美通所省貯暨天妃宮金冠共購田兩庄歲得稻麥計二百餘檟神樂觀一官專守自交納都邑常賦外餘以助前費天妃宮田百畝餘歲供奉香火羽士焚修悉稽立定式觀官易原理等言日久其滋荒蕪侵占諸弊宜立石垂遠焉以肅罪罔克秉清寅潔儀物如所謂和神人稱職陰禮塵從諸臣後經祀費一細節是亦不能其大而務其小微見駿奔走修罷數之事

黃灣林氏祠堂記

楊端潔公文集卷之七

七

聖門指明乎郊社禘嘗之義易干治秦漢而後經生家不得其說願求于儀文度數而晦乎其義老佛既興象教日滯天下人相迷瞽于鬼道明置其民義不務害根至于今深固莫可拔近時世儒陰襲教外別傳故智力倡易簡之學直以儀文度數爲粗迹而謂無關本原其諸岐顯微以觀余嘗求其說亦莫得適竊聞平大易通晝夜而兼知之旨因窺聖人制作原報本及始至理達慎終追遠真情詳其制于儀文度數即凡升降折旋細節裸將燕酬未容一至微所顯設故曰顯微兼知之惟

明聖之德下此雖不可與知當其祭祀能秉精神肅威儀以趨事執罷一其心主于感通罔有毫髮雜念妄動之交可以成其德而歸厚安容迹顯然爲粗于不可使之知者遂謂其無得于禮乎故茲其係于治道甚重是故凡有國家首建郊廟君子營宮室必先立祠堂于正寢之東余鄉習尚朴簡建祠莫識若是乎重春楊林君識而先之其不遺乎親所以致于厚者矣且林君中年乏嗣舉諸從兄弟十二人而後之以承乎祀事余考繼嗣之禮曰王朝逮于民間禮經不載可考據而類推楊端潔公文集卷之七

七

五十四

獨宗法一章是故禮議于上時之臣子輒有泥古說今殊其意指民間貧賤而孤宗同宗一氣猶隔膜異待莫能心盡日矚于養生送死之際何暇問乎其嗣其羣起爭先願爲之嗣若當朕不能自己云爾則恒于富貴者歸焉即能育立干預設好惡予奪可禦斯族里橫論官府獎政乘起語云繼嗣爲義爭嗣攘利爭久利空義絕祀廢誠爲俗平傷之也論者曰禮之行始自王朝王朝之禮議于周公公以懿親專大權當大疑不敢制變禮于君親明盛之朝默寓于大人世及一言絳其意可

會通而行夫執諱言之嫌却遠範大防不立不識果子  
軌上聖人光明俊偉心事旁稽三禮經緯倫物纖悉  
至當何獨遺乎其大是一說未可知爾後世在朝言禮  
而齊民禮律並用乃律法實祖禮意亦不言立後之文  
豈其前無可述猶以家人羣情向背賢否殊趣難律以  
成法也歟我 聖祖啓治禮因百王所損益于是令導  
于先律禁于後著之于宗支親疎倫次尊卑相當之序  
本生所後制服施報之等真是爲明倫重後至教惟遵  
行于下不祇服教令以慎始稍與之以向背賢否之情  
楊端潔公文集六卷之七

古

三百五十四

動舉律無立後明條列亦未著其應立者何在比擬  
紛紜難以卒定乃嗣子不得所後親聽別立遺產嗣子  
親女均析條例起焉產固外物女其所生子其所託均  
析近情無妨于禮信如所立今念乎天生人不能皆嗣  
苟撫育自上和順相成其于所生平何異不得已而別  
謀法誠當聽使用之而非其心之公時之宜將致凡後  
人後平人者視若強爲欲正名稱篤恩義于一時且難  
別可託以宗祏之永平故外是問諸異姓先儒曾明之  
于莒人繼卹而書滅買妻孫韓而諡荒書諡者闡微紹

公庶賞爵所不逮者也茲舉滅亡大辟荒亂惡名並加  
于來嗣許嗣之流合神民不歆不祀王政與滅繼絕之  
意而推世俗庸昧忿忿紛紛薄其本支以外孫以贅婿  
以螟蛉乳養以混姓所謂來歷弗明者當之精神志意  
不屬祀事孰與感通是自絕于天親而蹈乎覆宗殄世  
之罪僅倚之以守乎財籍墳墓終亦疎遺之而去矣嚴  
矣明訓而今例並示其罰卒未能變乎其俗不有特指  
之以爲世告詔將坐使族鮮雍睦引聖王因生賜姓別  
嫌明微之教暨與爲人後之戒胥廢之也時則又有謂  
楊端潔公文集入卷之七

主

三百五十五

禮無爲後而喪有主有主則不必後此其因世變據臆  
見尤非天理人情之所爲安吾意有聖人復起當必本  
宗法尊統緒慎倫序酌情理之中述以古世及今律令  
之意定爲典禮作天下後世極則俾爲人臣子不得以  
泥謾取譏聚訟而鄉家嗣續政門斷案有準雖攘利墨  
貲之徒無能行其私曲庶使以貧賤神其有依以富貴  
可照燕翼延世鼎于不斁其係于治道亦甚重斯義也  
卽明乎郊社禘嘗顯微無間之說非余卑愚所與知而  
妄論若林君亦不敢謂其果知乎是顧其眞行忠信未

學吾必以爲學人也固能審祠祠相因之禮而毅然行之勿疑其誠爲至教遵薄俗維者歟偶于其請記而詳述其所以相因者于此終語夫在祠子孫尚引承斯志無忽廟貌無如田祗無貿祭器各致其尊祖敬宗敦倫睦族厚心以自成其德祠堂在黃岡故居正祠屋三間繼以垣門歲祀官民田租三十石分供賦膳助娶賑喪祠約數款語朴意備並載碑石

重修漁臨關寬分橋記

楊千奉使之明年夏六月既望祇後漁臨上至日商木楊端潔公文集入卷之七

十六

吳士

未集見佳山水心樂之夜泛舟浦陽江次錢清而泊月中問漁者江名何自以劉公寵受父老一錢故處對旣還棹木集未齊問士人言越王崢者故越王持短兵所屯山畔有沼魚鰲焦其尾因方隅崇勝隨登焉輿人不識路從出求一樵者爲導既陟其顛見長江水自徽嚴循處東流而下至富陽之漁東山埠浦江義烏諸暨諸山眷西水澗流至是來會水筏至埠數里逆溯而上抵漁浦商從諸暨往川泊後臨浦積堰山下聚岸俟驗是謂外江商從寧紹往川越新義橋臨浦麻溪諸壩整解

俟驗是謂裏河兩者地所從異總名關則漁臨是也昔創者固左右度而得地里所宜其絕流而要津之據乎哉關所自設前是寓洪家潭密通批驗鹽所當春夏交木鹽兩商適集艘筏相持莫下輒有競之者嘉靖壬辰竺居薛君改卜于茲地爲華家堰廠建俯浦陽江俗稱小江之鹵關以木橋爲柵已亥畏齋林君易木以石關鎮斯固商民大便余旣周覽山川關會畢乃日治權事而諸商交告其損資出鄉蹈觸遐阻以購涉江又冒風濤而至勞苦諸險將以媒利利弗得將資費而心傷願

楊端潔公文集入卷之七

十七

損分爲惠以彰朝廷寬征德意余感昔東髮時誦先正規利至東南民力竭矣之書竊振異日當無爲言利之臣昨初領一命卽有是役常密辯義利得裕國益商道原於自賄不行乃不敢取一毫于關此將于隱明祇求莫有愧之耳課內度額旣敷亟將羨者漸蠲于商諸關同焉漁浦猶捐其木之零奇諸商心悅竣事還關更馳告橋損廢當脩之狀具白昔在倭變中圯柵莫能設路通山蕭義各鄉邑往來每警水不得平道亟欲命吏議輯苦于乏資諸商卽願出所獨零奇之資爲費不

足余微取餘廩勞工速其成成日諸商言斯橋也縣寬分而議始名固當于是取爾余嘉其議謹叙夫遊役建置顛末以爲記

### 文公精舍玄元道院圖記

武夷之勝在五六曲山脉自三仰而下爲天遊峯右翼則僊掌峯左翼則一覽臺又左則鉄板障映度爲羅漢岩起爲翠屏峯聯爲接笋峯而止于撞冠石羲回二洞水脉自九曲而下北向經大廩石磨石猴藏石城高岩北折而東向經石門響應二岩間在一覽亭下東折而

### 楊端潔公文集入卷之七

十八

三百五十六

南向經仙跡岩茶窰釣磯石晚對峯會仙岩天桂峯更衣亭南折而稍西鄉經御茶園金雞洞大小藏峯宴仙岩西折而稍北向經玉女峯粧鏡臺諸岩石間而廻旋于獅子大王幔亭凌霄車錢日昇上昇峯之麓復南會于鉄板天遊下而羅漢翠屏接笋者屹然聳立于諸峯峯岩洞石中當乎六五四三二曲之衝縱而觀之北則天遊西則城高仙跡茶窰釣磯西南則晚對會仙南則天桂更衣東南則御茶金雞大小藏宴仙東則王女粧鏡東北則所謂會于鉄板天遊下彼諸山水者固若環

拱而曲抱意惟天地造設神鬼剏運靈杰盤積奇秘顯洩故有是其雄深偉邃清澈紆迴是勝焉爾隱屏之下先生環勝小築精舍今擴建易名書院接笋上舊有玄元道院下峻上夷前代脩真避亂者多居之懸崖架木壘石而升莫知其廢于何時嘉靖丙辰宮中羽士張廷安重闢結醮心窩濬水露泉居道人麗陽汪抱元古松劉守益焚脩于此戊午樊侍御檄邑吏置木梯毘際跨鉄鎖懸陡壁間稍平處絕木棧而度庚申徽人范商建仙奕亭于巔末汪續于半崖鑿精隱岩既逝去獨劉居

### 楊端潔公文集入卷之七

十九

三百五十七

十有七載築靜室于翠屏山脊內其徒萬本來暨志道明德師事之茲山遂爲洞天一巨觀凡登其巔而九曲之勝悉在掌目中一覽鼓千水簾齊雲諸山讓美矣余舊多病經年在假通稍調知友邵圭齋公守建寧移書謂于杜門端居盍亦徜徉山水怡適性情况武夷去于家山舍可舉步而至今年春閏果步來適崇安令朱謹吾公顧問道次語及武夷之勝以地亦以人乃劉子者寓息接笋閉關日久苦志好脩間得真悟于是夜步入宮迎晨遡流首謁文公先生廟貌下時則風雨大作畫

晦不開雨稍微乃攀梯牽鎗冒險陟峻方抵門創欣然  
出迺曰北山之靈待公久矣須重留勿爲信宿計乃宿  
院中數日風雷霽迷陰晴倏忽恍然身在雲霄俯顧本  
桂堦簷四塞諸峯樹果伏塵寰而下其間境象氣候淡  
粧濃抹呈態爭妍花草禽獸名品珍奇殊色異音咸得  
而玩弄領畧且人跡罕到似與世違不覺形累頓忘安  
知有市朝紛華之車迹想天台終南往蹟當亦相類顧  
怪詭風傳者輒神其事以爲天外有天而別有所謂人  
間世者詎足信夫夜共劉談僉命明性宗旨客在侍曰  
楊端潔公文集入卷之七

二十

近有爲儒者之言者則謂三教統宗一旨余討大約儒  
之于佛老譬則路之南北不可強同乃或禪人禪行而  
禪語玄人玄行而玄語自爲門戶岐徑顧荒唐不經微  
顯與緒儒者正理嚴辭以關牖以長生不死萬劫不磨  
之說沉溺其心莫能開正茲乃混爲一途是何其敢于  
亢達磨老子而卑耆周公仲尼也率天下外倫物廢矩  
矱趣入于清淨虛寂而無當始乎斯言矣乃劉則云益  
少病慕玄晚歲棄家入山安敢妄意飛昇尸解弟能降  
其心使不惡伏其氣使不雜爲天地間閑人終老此山

已爾諸君子貴名教明儒道其何敢當俯交方外以重  
枉招之辱余嘗究心佛老頗盡其秘旨確信乎文公先  
生彌近理大亂眞爲聖人復起不易之言往者有陰用  
其實而陽闢以辭者茲其流弊遂強之爲同仰劉玄人  
玄行者也尚不肯一語援附吾儒號爲儒者乃若是無  
亦偏蔽于所見宜然歟將別去劉出一圖授書林吳氏  
世良刻之且曰益老矣莫能下山以應夫枉招者謹藏  
此爲之謝併乞余題數語遂漫筆書于仙變亭上書成  
不易一字然而疎率僭易之咎不可逃矣時從遊者崇  
楊端潔公文集入卷之七

二十一

庠生鄭子良環翁子學益方外人徐清真吳守無暨世  
良地主則張廷安也太守名廉南城人大尹名興新淦  
人與余同省劉亦新城人云



新刻楊端公文集卷之八

男聞中聖踐軒

碑

泰山文碑刻

予登岱讀碑志見古今文詞模畫明盡偶據見聞有昔未發今未備者數言書此一在無字碑禹貢岱畎松怪石山海經上多玉下多金多水王道書福地多芝草玉石予嘗聞頂上有夜光至問羽人言在無字碑所或數歲或歲一見長如流虹動如騰電蜿蜒如金練飄搖楊端公文集卷之八

如火焰形模如古篆乃其大者間有一線通明如微字乃其常有者特多在夜人未頻見爾竊謂乃玉輝蓋自昔記之石蘊玉而山輝又外有怪石中必產玉散精發采時嘗燭天于此可徵意者秦始皇疑為王氣如東南事乃假封禪行以厭之又以東南土可取而此石堅峻萬仞不可斲特置崇碑以厭之碑成又設為鞭石怪語警駭當世俾謀王者潛消其意而卒之真主起豐沛獨奈何與此說于事理頗近似愜始皇心事顧舊籍無傳未敢遽以為然或曰神主石曰石表曰下有金書玉簡

以石函之曰既封標識其所曰舊有文字歲久磨滅則皆後人所疑指有難辨者又其色黃白其紋細膩其采明瑩羽人亦曰其氣常濕潤鮮澤者是乃以下有玉故于此益驗或又謂移于他所應用民力而上竊又謂卽此山之石所以異于他石者以下有玉故且當泰時山初闢路嶮崎未若今砌安得從下而上今苟能偏山穴取置之此地當必有類此無難辨者一在日觀峯前皆謂奇觀謂神異自藩黎呂公為解乃有定評予至日秋未霽盛未能詳見竊意日綠景異景綠境異境綠時異楊端公文集卷之八

是故四時雲霞霧靄氛祲日互為變此為時異海中波濤混漾在島嶼間者與日近海濱嵐障氤氳在溪山間者與日遠此謂境異魏莊渠公謂始彌望如鋪金者海綠色微茫中有若掣電者海島溪山相間金色漸淡日輪浮動水中如大玉盤適海濱望而見者日此謂景異遊者至或遇或不遇遇或明晴遲速不齊此謂目異及歸各言其所見而已想非有欺者顧亦異而暫非可與論于常惟解謂樵人所稱落日又大如午日而不射目赤如落日而帶霞此乃正而常者是在觀者自得之予



惟因此知古志天左旋行速日月順天右轉日行遲月  
又遲張橫渠謂日月稍遲仄右之說氣精後世術者祖  
周髀家謂天傍轉如推磨左旋日月以天牽之而西沒  
如蟻行磨上磨左旋而蟻不去磨疾而蟻遲故不得不  
隨磨左廻又有祖蓋天家謂天行如蓋北極如蓋頂正  
當天氣高處四海外比蓋之圍簷其蓋平旋一晝夜而  
周而蓋頂不動上天下地地下無天亦無南極日常在  
天未始出沒去此度遠則此夜彼晝去彼度遠則此晝  
彼夜天以遠故似乎低釋氏書謂日繞須彌山而晝夜  
楊端潔公文集八卷之八

三

三百全圖

互更者卽此此二說後世以爲疑誣卽今所觀于五更  
未曙明星在天漸上而高者見天之行于初因海氣混  
濛明滅上下旣而抱海躍出者見日之行是天日各有  
爲行自漢後始有推測知之者而今術家亦有用蟻行  
磨上右轉一日行一度之說取爲曆中逆推捷法以便  
省籌非謂真如推磨如周髀所云也卽此可決周髀之  
疑且日從海底朱子所謂上水下水皆從地下卽此可  
証蓋天之誣乃益知虞典宅嵎夷曰明都寅賓出日嵎  
夷較此去海近宅之又當倍于此所見者一在封禪臺

泰山始經見則虞書岱宗凡嶽皆以方位言惟東言岱  
言宗乃以帝出震東方生物爲春故十二月東巡狩柴  
望秩于山川以其山空洞幽深宣天地陰陽之氣以生  
育萬物記亦曰出雲爲風雨又氏取財用其妙用不測  
謂神故爲昭告報以祀之三代前惟雒壇如周制四次  
壇祭山林丘陵又五嶽視三公謂其社器之數視之非  
以三公封也其後則泰爲魯鎮故得主祀魯頌曰魯侯  
所膺季氏以大夫僭之夫子以不如林放非焉然此特  
祭祀未始有封禪封禪自秦始而盛於漢宋秦始以歷  
楊端潔公文集八卷之八

四

三百全圖

王氣漢武以招來海上神仙宋眞以城下之盟故假此  
行又藉口管子無懷氏封泰山刻石紀功司馬遷淮南  
子李奇有古者封泰山禪梁父七十二家宋景文仲尼  
登泰山見七十二家之說此三君者李斯王欽若諸臣  
者皆英雄博慧人也豈不知無懷氏在伏羲前無文字  
安得刻石又七十二君爲何代何人仲尼有言何魯論  
不載哉特君假之臣附會之有不從者陽驅陰嚙成之  
彼其本心則誠知其假且欺也而卒以此欺天下後世  
君若漢光魏明隋文唐太宋太臣若司馬遷相如公孫

卿班固牛弘駱賓王張說邵瞻孔謂不知其欺反謾爲是卽若魏徵孫奭許懋言于朝司馬虎王通韋侯卿蘇轍胡宏馬端臨議于書皆詞嚴義正近若胡廣作頌頌雖虛美此美不忘規舊弊永絕善矣顧皆以昧禮侈心棄神庖氏爲言曾未及于假且欺者則亦未足以誅其心爾一在東嶽廟往封禪特加土紀石頌功德未有封號自唐玄宗始封爲天齊王又以司馬禎言今五嶽神祠是山林之神內有洞府有上清真人冠冕重服佐從神僊皆有名數于是有真君祠宋真宗加號爲天齊仁

楊端潔公文集卷之八

五

三百四十四

聖帝元加大生始置土泥形象李文達爲後世封各嶽爲王爲帝垂旒端冕儼若人鬼是已至我高皇帝始尊稱曰泰山之神可謂尊敬之至矣一在碧霞宮往惟曰泰嶽未有碧霞元君自宋眞以配盟之故僞作天書駐轡猶懼天下弗信從且議之乃假神道號召五方若謂東嶽則五方一鎮惟東方人至各方自宗本嶽不至乃設元君名號俾五方皆信從亦可止議後世不測此意遂謂眞有所稱王女者或曰嶽帝女又云東嶽金紅太乙定文所生化身爲觀音常在世此一說近日尹王

蓮君借李諤瑤池記黃帝建岱嶽觀遺女七迂西崑眞人王女其一漢明帝石守道妻金氏中元七年甲子四月十八日子時玉女名玉葉禮西王母十四歲入山得曹先長指入天空山黃華洞修焉傍爲玉女二象宋眞宗封先使至泉水忽瀑王飲若請滌之像偶折詔易以玉復鑿石爲龕構昭眞祠此又一說又或以泰位東方乘木德而坤道成女玉女坤質爲水水生木爲東帝主司生育卽易長女用事之意此又一說後說較前二說差勝要皆一時一人傳虛萬世萬人傳實何所考証姑

楊端潔公文集卷之八

六

三百四十四

且不辨余妄爲聯語坤道承乾長女代行生育事山輝蘊玉前王矯飾檢泥書亦臆言爾乃至今祈禱捧香者爲感凡至皆上錢物舊時卽此山散聚不知何時籍歸于國至我聖朝藉此爲山東省佐正賦充公需嘉靖間有爲疏請罷者以其迷民不經欲效絕地天通意反經正民且慮強民千百爲群倘借此肆逞于道致變是宜早杜時以山東民貧賦重實藉此裕民革此則無從措補若群聚肆逞事勢誠有之特在初行迄歸日立法嚴防之爾于是設總分官官甚詳嘉靖末乃以二萬餘

金入內帑于是又助國其後白蓮徒聚劫又連年旱災至者稀民與國皆病乃知前寢議亦有爲矣一在十八盤迴車岩盤高峻難步前上者一或顛危則纍纍而下在下後者踐蹂而斃歲恒有之或報官收殮或有自視去者斃者惟自怨于事神不恪及積過所致而已又山北黃華洞更峻峻難遊者裹有士人此與夫斃于岩下呂公乃于十八盤東開一徑路示令香者盛日各從東上西下無相踐蹂而黃華洞收爲迴車嶺迴車所以戒止遊者仍各樹碑其上乃香者惟知乞靈爽徼福

楊端潔公文集八卷之八

七

十四

亦不自知身有奇禍遊者惟知窮幽勝擅詞賦不知民有遺害往者捨身崖乃方外愚頑焚脩無奇遂惑于輪迴捨之似亦有意諸君子猶憐之刻石禁戒乃香者與者無意無辜呂公首發此政實仁矣又老稚孤窮醫藥殘廢無倚者當香者盛日來穴處土石間丐食及香者不至缺食日似可取香錢之餘給之寒則留絮施之俾少濟湏臾倘斃則收殮之亦無俾作穢以安香者遊者庶幾祐神助靈亦拯民生一端喬久病山棲今應召北上過此遇太守趙君以此語之趙深然之遂夜書于公

者以俟考正者

孔子像碑

古今贊先師孔子者曰述作集群聖事功冠百王乃以道德之盛聖王同而述作事功異而述作事功者踐聖王既遠道脉日微權術初熾虛無將衆人方迷惑是故啟迪斯人以有知又以人不能皆知見有可使由不可使知生知上學知次困而學又次不學斯下中人上于可語不可語上之教當其初心詎不欲謂人皆有知知本自良何分于不可上次下之等哉惟道原于天命

楊端潔公文集八卷之八

八

五

之謂性性則于形俱形形而有上下形者氣質之謂上者道之謂一理是也以其不可見故謂之上惟上故難知下者器之謂日用萬殊是也卽一理之所散者也以其可見故謂之下惟下故易由合上下言皆心之德故曰道亦器器亦道是故生知者氣質清粹天性湛然默識此道謂之上智中人以上氣質美者于性明可以語上以上使之卽知之中人以下氣質次者于性蔽不可以語上以下使之卽由之以上下言知者道由者器以道亦器器亦道言則知者固道由者亦道如由之中有

學有困而學則寂微明開幾駸語上是卽下學而上達者惟終身由不學故不知民斯下之下之將所由者盡悖而去焉民斯愚之故曰惟上知與下愚不移至下愚而其初命于天者則在所謂不以聖豐不以愚闇故曰性相近習相遠斯爲孔門立教之法後世謂習服行可有識乎權術虛無者不經奚能述惑特周衰世教微儒行壞秦自暴秦漢武表章六經儒行以顯唐宋間嘗有

楊端潔公文集

卷之八

九

五十四

同亦首孔子次佛老未始凌駕獨尊師孔子者自稱吾儒宗佛老者自稱吾玄吾釋未始援假遮飾爲名斯皆昭然易見者特莫有能圖正之所以道藝不一治亦不古我國家尊師孔子顯行其道于今自耆舊宿儒至佔俾小子皆識取法而排斥二氏卽未可謂人人有知而由其教法皆能端存主謹操履重博雅達于居處應酬謨爲經濟動中矩矱世道人材爲美數十年來忽有爲心學者于佛氏嘗卽心而見其血氣凝定虛靈生慧洞轍無際老名之曰善知識自稱上乘遂據之爲孔門

所語上而蔑視下學之教爲外求又得孟子良知兩字偶同遂立爲語柄以論學終日言之不外乎人各有知知本自良數言又以是卽理而不交于事物專在于腔子之內一歛耳目聚精神于此卽謂之致一涉于理交于事物謂屬于聞見而非本來之良卽謂之不知致知者孔門所謂知也今以佛氏之說混淆強同又凌駕獨尊援假遮飾以爲名其實非孔門所謂知非孔門所知則不可語知是以其自學也有謂有知而實不可語知其始亦依傍疊歲所由教法窮經讀書問學有所聞見

楊端潔公文集

卷之八

十

五十四

不致差忒終以不知而作任權尚術蓋不可測其真數也亦欲人自謂有知不必窮經讀書問學假聞見以遮遮其良則是舉世皆上達而無下學民皆可使知而無復有使由者是爲陽尊孔子實與之悖而陰用佛老襲以權術實與之一自孔子而來今始創見今後之學者難以分辯終莫能自援求孔門而入而竟尊其說之易簡不事工夫階級一蹴至聖之徑咸相率以從也及斯時其辭益新其根益固孰能與之辯者惟賴孔門所指上達心法至今存知之者雖鮮而實有可使知者在下

學教法布之經書由之者日衆而實有從由可得于知者在昭然如日中天彼其說譬則陰騫在太虛不能不聚亦不容不散後聖後賢有作以所指授倡明反正之殆無難者故曰述作事功異耳或曰下學教法魯論傳之朱子亦曰下學可以言傳其語上者未可言傳然則孰爲語之可傳之歟竊觀天何言子罕言命夫子言性與天道卽語之顏子不違曾子唯卽得之易亦曰神而明之存乎人默而成之不言而信存乎德行中庸待人後行苟不至德至道不凝而程子曰惟敬而無失氣盡

楊端潔公文集

卷之八

上

三

朱子亦曰上達必由心悟今欲語上得傳不干人于德行德行不干敬于心悟若顏曾既竭精察沉潛守約求至氣質清粹天性湛然之域惟卽一蹴至聖之爲言要其究竟渺然于語上可傳者不相蒙適以罔世而已又有曰孔門所謂知與今世言學自謂有知出于佛氏者其異何在蓋孔門未嘗以知爲道以知爲道惟佛氏觀孔子曰知之曰知道知德知止知天孟子曰知愛知敬凡言知卽指心凡言之言道言德言止言天言愛敬卽指理是故知者知此道道卽理孟子曰覺後儒曰悟亦

覺悟此道析言之知卽大學之謂致知覺悟者豁然貫通卽大學之謂物格格合言之知覺悟乃明此道而相因之名其實一也故曰孔門未嘗以知爲道乃佛氏卽心而見其血氣凝定虛靈生慧洞徹無際者析言之虛靈之謂知生慧之謂覺洞徹無際之謂悟合言之知覺悟者乃歛耳目聚精神間所見腔子內一段瑩然光景之名其實亦一也觀其以是卽理而不交于事物故曰以知爲道惟佛氏孟子曰告子未嘗知義以其外之竊亦曰今之學者未嘗知道以其外之蓋以知覺悟爲腔子

楊端潔公文集

卷之八

上

三

內一段光景卽以爲是不復若程子所云尋向上去以求乎道是爲外之夫既外之故曰終于不知况孟子言良者自然之謂以其不待思慮而自然知愛敬仁義之道也佛氏言善者神通自在不可思議無上至妙之謂以其知爲神通自在不可思議無上至妙之道也今不以良爲自然而以爲神通又獨挈良知遺良能則外行夫知既與孔孟言良者異又外行則行亦異知行並異是別爲一端則又不肯以別爲一端自居而曰知行合一近日儒者嘗謂孔門以其所知而爲行知不可驗而

行可驗故觀論人品者驗其所行而得其所知此謂知  
行本一奚必合之一哉凡物惟二乃合今以本一者而  
曰合是欲一之而反二之也又諱言佛嘗闢乎佛闢之  
惟以其外人倫不耕食自私利爲言此在釋氏誠爲  
外跡與其在人倫者小異而其所論道者大同今獨據  
其大同而故闢其小異安可因其小而信其大哉卽佛  
者聞之亦惟以其訶祖罵佛故智反之不校耳顧此猶  
前時爲然今則不惟不諱不闢且直以佛氏之說爲孔  
子之說又以佛在孔子之上倡言自恣棄行不顧其人

楊端潔公文集

卷之八

七

三百五十五

在孔門必揮而斥之乃其傳聞者不察其真遂以爲真  
聖學近日思傳理學者亦以一二爲是說者列而進之  
與先儒並令天下後世謂當世理學其人若此深可懼  
也或曰茲言出而天下知之鮮罪之衆余惟爲孔門守  
斯道卽弗知之衆罪之弗敢辭矣

朱晦翁碑

晦菴先生自贊曰從容禮法沉潛仁義此其躬行之實  
乃以孔門所刪述六經程子所表章四書傳註之成周  
六典官制議之我聖祖重其道尊其教首以訓士建

官至今道德一而風俗同內外維而紀綱正此其講明  
之蹟先生少常學佛老及游延平先生門始棄舊習又  
懼天下後世陷溺之也乃本程子佛老之害甚于楊墨  
彌近理而大亂真差謬間臺釐千里所差謬者石潭汪  
子整著羅子所指心性之辯是也心性者儒佛老皆言  
之皆爲傳其中儒佛混同爲一者佛而釋老爲言者皆  
冒管仲而儒之爲辯先生首以思孟宋儒周程張邵  
所闡明詳發之其大旨以虛靈知覺之謂心者主乎形  
而固于形我所有也天命之性者太極一本萬物一原

楊端潔公文集

卷之八

古

三百五十六

敬軒薛子謂天下公共之理汪子謂天也理也天下之  
公共者是也氣質之性者二氣五行剛柔萬殊汪子謂  
性于形體乃有我之私者是也性具于心心生乎形形  
之謂氣質而亦謂之性者謂其有則俱有非二言之惟  
變化其有我之私至公而無我天性復初氣質不累乃  
性曰天性而不復以氣質並言也此謂之儒宗佛自達  
磨單傳直指人心見性成佛此卽禪宗似儒非儒故闢  
之曰佛家從頭都不識則不識性所從出之天卽謂之  
命曰只認知覺便做性則不識心所具之理卽謂之性

又曰但認爲已有則不識以天理爲天下之公共者直性以有我之私者言氣質是爲無所蔽以心無理又無蔽不得不以理爲障障一去而方寸中空空蕩蕩若無星之秤無界之尺事至不能揆不得不以事爲障以理爲障故不言窮理以事爲障故不言窮理而惟此虛靈知覺在腔子內者炯然灑然無念無着其工夫則止觀空悟爲一一悟便是卽爲了當自此隨意見所起不分真妄皆本來面目執爲欄柵直墜而往操縱作用無不自由上天下地惟我獨尊其效驗以既悟必證必得人

復性性之復在變化氣質而變化之方則以程子發明孔門下學而上達教人成法而曰涵養須用敬進學則在致知者中之曰主敬以立其本窮理以致其知本立而知益明知進而本益固自此辨明教立學者所得明固于禮不染亦皆能言以聞之于是儒而禪宋末偽學重禁學者相與信從講之不輟忠義輩出胡元事佛齋許子以此用夏變夷世教賴之不墮我聖祖以經書傳註又集諸儒大全列學宮時有文臣進解佛經亦祇以佛釋佛不許以儒文是以至今明經脩行議事議政皆從此出此其崇正闢邪之功並于孔子作春秋孟子闢楊墨卽門人後記錄有異亦當刪煩存實舍短集長以永其功俾勿爲釋氏者撓入爲害斯爲學之誼何近歲有嘗讀其書旣因養生契禪恍見此心知覺之妙遂自稱悟揭之爲良曰道在此不在行卽爲已心六經不在載藉妙道自已而發先聖先儒弗及傳註皆差舊取精一博約一貫忠恕格致克復中和盡心知性知天諸訓一認爲已所有知覺之中不辨欲以易天下見其惟傳註是從不詆之則已說不伸乃詆所闡教法爲未



務主敬爲綴格物窮理爲支離爲義外爲俗學鄙傳註  
爲訓詁章句非讀書爲遠人爲道竊揆孔門下學事上  
達理本末學此事達此理還却以此理處此事是  
爲本末一原何嘗末其論主敬所以存此心格物以明  
此心存明皆心也何嘗綴支離義外者直以義爲在外  
今指性卽理窮而至于義之精精斯一一斯貫矣何嘗  
外俗學者詞章家記誦補綴科試覆射者可言矣卽嘗  
以致小學訓行周至安可以尚行不尚言出博反約者  
例言何嘗俗經書藉漢唐宋間訓詁以傳特或鑿或淆

楊端潔公文集

卷之八

七

三百六十四

或虛無又章分句解不斷不屬非其章句傳註其文理  
脉絡何由貫通乎何嘗鄙孔門以讀書爲學玩易誦詩  
讀書學禮博文游藝皆是也然取以明理理明止矣是  
亦不遠人以爲道也何嘗非卽是見詆之者非在詆者  
所據以爲道乃先生契聖而盡云來者又其所預期至  
此而嚴爲之防者後人不知其防反信其詆靡然而從  
亦自童習間傳註言心性命及求所以爲心爲性命  
弗知是以偶聞一悟性命之說遂謂性與天道聖門且  
不可得聞茲于須臾靜坐一閉眉目息精神屏思慮間

直窺堯舜孔子之前人孰無堯舜孔子之志而驟得之  
將有快其直捷簡徑庸知其從達磨窠臼間來哉適其  
事誦讀者方厭記誦補綴覆射爲煩事踐履者方苦克  
治涵養爲難忽言易簡者乘其厭苦之虛而入者爲主  
縱有善語不繹不從方且自尊自是孳孳以講爲學自  
講外修德徙義改過皆置不言卽非德義有過亦謂吾  
心不動此涉于迹者可勿較至底砮戾又以佛氏缺陷  
世界未嘗爲滿爲之辭凡于所講之者稱賢不講之者  
稱否云前一人倡俾後人而復後人影附聲和堅不可

楊端潔公文集

卷之八

八

三百六十四

破猶以張無垢改頭換面說向儒家舊步摘取經書中  
一二語立爲新名作爲話頭自稱心傳之藉以儒言以  
本心是聖反觀內照全此員神不必脩爲而藉言于默  
識自得無欲生靜者實修性禪宗以精神爲聖攝息歸  
根根本先立生生不已而藉言于收放存良持志命者  
實脩命玄宗以身是本脩是學合釋之觀心玄之踵息  
一之爲真我真脩而藉言于大學綱領脩身爲本者實  
性命雙脩宗中聖此而其間彼此前後各自求勝揣度  
擬議將謂合併而竟不合不併其流之害及于傳註後



學喜其新說附會已意以為講牋為文義見之者素好者嘉其同不好者取其異未嘗正之今併以經書原文各據胸臆立解不宗本旨其漸不至於背經棄傳絕經聖言不止及此際猶藉先生辨析于今實防衛于前俾我聖朝教令課條者中飾于今乃不為于極弊者夫然天運一否一泰其道一晦一明如環之轉薛子亦曰程朱大有功于萬世又曰後人于朱子之書之意不能遍觀盡識或輒逞已見妄有疵議或勦拾成說寓以新名術新奇而掠著述之功多見其不知量也茲欲絕其弊

楊端潔公文集卷之八

九

三百五十一

惟躬行講明俾天下後世曉然知其功不可替且講學脩德從義改過並進勿專以講為學人勿為逞已見寓新名者所挫貶庶乎斯道明世運泰夫竊意今當必有人如微斯人吾誰與從

釋禹碑文

承帝令襲翼為援溺飲塗陸登島渴端鄉邑仔麓流船暗歇遲眠仰夙訖冬次岳麓展陌裂茁析踞周墮躋往求出竅華恒泰衡嵩陸事哀獻科挺裡鬱濟墊徙南暴幅貞節別界聯魁魑魍窺舞蒸爨

碑語即書典謨經書脩列者承即祇承帝即帝舜令創命禹作司空平水土襲重續沿代意即縣陞洪水禹乃嗣興以子代父之事翼即汝翼為即汝為援即拯溺溺即汝溺飲即飲哉塗川上路陸地中道登陟望意島海中山墩渴海邊鹵地端發始處民聚為鄉合鄉為邑仔夜半子時麓資次流順水船合舟暗日落昏時歇憇息遲暮夜過期眠暫寐即作急夙歲早訖既至冬歲終次旅寓岳南岳麓山足夙住足地陌大白澤裂牧壤茁高平崗析分斷踞高聲叫固無之墮墜急躋日行晷刻往

楊端潔公文集卷之八

十

三百五十二

胼手胝足行求圖謀出去乎此竅巢營通明處華西恒恒北岳泰東岳衡南岳嵩中岳陸盡境哀完成献奉享稗谷果實去皮挺恭捧裡祭告鬱木石壅遏濬疏導壘崕巘墜下徙移去南南方即南暨暴日照明盛幅以事載負轉運財賦節裁制別割辨界分域聯共壤魑金火怪魅草木怪夔獨目土石怪魑獨足山澤怪窺驅逐之舞怪形逃匿一參一差皆遠去蒸煎消之舜怪火蜉蝣倏發倏熄至滅盡也

大禹言承帝舜令襲父鯀治水之任汝翼汝為汝援汝

溺于時欽哉首于起塗行陸以冀州帝都當先者登海  
中山島海沿鹵瀉荒度其治之之事其序發始於一鄉  
既而各邑卽書敷土隨山刊木奠高山大川者以一日  
言日初于刻資次順流之船卽書乘四載者日落昏刻  
乃歇暮夜過期乃眠以一歲言作速於早歲竟業千歲  
終卽書娶于塗山辛壬癸甲啓呱呱而泣予弗子者以  
四方言次南岳山麓而止住得其山水南北條境導之  
則見大白澤傾壞高平岡崩析卽書湯湯洪水方割蕩  
蕩懷山襄陵浩浩滔天水逆行泛溢于中國蛇龍居之  
楊端潔公文集卷之八

卷之八

主

言古未刊

民無所定者民被害害群聲大叫卽書下民昏墊下民  
其咨者下者卽地旱爲巢上者卽山顛爲營苟有通壘  
處棲寓焉將以爲民除此患胼手胝足而往爲圖謀去  
乎竅總自西岳華山北岳恒山東岳泰山南岳衡山中  
岳嵩山週圍盡處無一不到平治事始用集成卽孟子  
掘地注之海驅蛇龍放之菹水由地中行險阻既遠鳥  
獸害人者消然後人得平土而居中國可得而食者於  
是爲鼎鬲以民間耕種所得谷粟去皮取實恭捧祭告  
報成於上帝卽書暨益奏庶鮮食稷奏庶艱食鮮食懋

遷有無化居庶民乃粒者從茲名山大川凡洪漲處爲  
木石所壅遏鬱未舒者皆疏導之嚟嵯所墜下墊未平  
者皆徙去之卽書萬邦作乂者此後凡南方日照明盛  
之地風聲文命政令皆暨以車輶轉運財賦達於帝都  
卽書六府孔修庶土交正底慎財賦成則三壤成賦中  
邦五百里甸侯綏要荒五服所謂因地利制宜明經理以  
通貢道者也又節制割辨分爲經界合而疆聯卽書齊  
成五服至於五千州十有二師外薄四海咸建五長所  
謂辨方正位定疆域以奠民居者也尚以衡山外素稱  
楊端潔公文集卷之八

卷之八

主

三百五十四

鬼方火金怪爲魑草木怪爲魅土石怪爲夔山澤怪爲  
魍凡能爲氛祲爲災害爲妖幻者皆驅逐之其形逃匿  
一參一差相比而遠去煎消之其火蜉蝣倏發倏熄消  
滅而至盡無復爲民物患則荒莽幽暗之地盡闢卽書  
山川鬼神亦莫不寧鳥獸魚鼈咸若地平天成者是也  
當八年於外三過其門而不入今將玄圭告成之時書  
此碑以紀成功以鎮鬼怪卽書南暨吳越春秋所謂安  
山治水之紀是也又古聖人爲文皆韻碑七十七字凡  
二段首段五句前二句句四字後三句句三字以襲

陸馮邑爲韻五不聲次段有什處至末十五句句四字  
以船眠屏蹀躞禮貞聯聲爲韻九平聲所爲律律卽韻  
韻卽歌歌卽書九功惟叙九叙惟歌勸之以九歌俾勿  
壞者是也大音卽書微戒無虞無若卅朱微子思日攷  
攷六府三事允治詰章同意乃書存此未錄今讀之  
則尊君命益父愆敬天享神安民阜物公賁莫居除怪  
開荒率夷咸歸一統而就業微戒憂勤勵之志心保治  
國安之政無一念一刻不在於民乃若文詞精卓聲調  
和諸叙事明贍卽書懋德嘉績昌言汝惟不於不伐天

楊端潔公文集卷之八

三

言字

下莫與爭功爭能者可榮見焉萬古思禹功者觀河洛  
父觀此碑乃知古帝王御世平治艱難後世願治之君  
志學之士時爲誦讀爲箴規不得以山水遊玩賞樂文  
詞字畫參視之焉卽所裨於治學者巨也

大禹於南岳衡山書此碑文則叙治水功成字則自伏  
羲畫卦爲文倉頡以文制字爲六書唐虞夏周並用名  
爲古篆史籀增益古篆名爲大篆李斯小篆程邈隸王  
次仲八分作而古篆微唐衛包楷書作而古篆絕卽漢  
許慎說文去古未遠亦多用小篆隸唐後純以楷行遂

令上下古今數千年求古篆者獨有此碑存略載於  
越春秋外史傳裨官家藉記秦漢魏並存唐初鮮見衡  
山志僅曰刻峒嶠峰又曰刻雲密峰唐韓子昌黎制子  
夢得宋朱子晦菴張子南軒皆訪求不得見於詩紀宋  
嘉定壬申何致子一遊南岳至祝融峰下樵夫引徑隱  
眞屏三度小澗乃達碑所得古篆七十七字碎曆紙摹  
之一留自玩一獻曹轉運彥約一刻斐門觀中及岳麓  
書院後石上後漸湮嘉靖甲午長沙藩郡守鑑得於岳  
麓小山草莽中始榻傳之登梓沈文學鑑楊太史慎王  
楊端潔公文集卷之八

三

言字

文學佐相繼釋之湛太史若水以沈楊釋刻於南都管  
憲使大勲復刻於岳麓書院於是盛傳今歷以諸所傳  
者考之當何致子初出時摹擬未必一一皆如古其後  
石筆鐫模日久未必皆如初苟絲毫不同卽非古矣又  
以人方尚楷皆以小篆隸爲古文楷爲今文於此古篆  
旣不知卽不好皆將視之爲圖畫形像而已所以屢出  
屢湮今雖存而凋剝糊塗不出數年將鮮存與往時同  
重韓劉朱張諸公求而不得之嘆卽或有存或非古亦  
與不存同嘉靖庚子先人得潘刻以六書統諸書校得

南褊幅員魑魅夔魑窳舞蒸彝一十二字釋之曰帝都  
北方衡山南境荒服素不通貢且稱鬼方幽冥之地鬼  
怪出沒今平治功成始得入貢又作此以鎮山靈屏諸  
怪開南荒將土地盡闢所謂禦魑魅魍魎以寧幹止者  
也適有郡公聞之曰予鄉人家夜有鬼聲嘗得此一幅  
掛之前堂其夜寂然蓋其驗也或謂大禹稱神卽一碑  
之神護鬼消經歷壞不絕乃廬山亦有禹碑或見或沒  
尚在其山不得與此碑並傳於世未知何年出諸靈谷  
亦千古大快僞愚陋敬於先人所考正十二字外重以

楊端潔公文集卷之八

于五

三言六作

古篆諸書校碑字一一皆在謹於碑語後以楷書註之  
又詳發其所傳由來顛末於此適值水部諸君博雅煩  
范君書之馬君洪君徐君刻之棲霞山天開巖又寄重  
刻諸麓書院舊所伴後世知上帝王古篆獨有此為  
天地間文字第一篇當並經書傳焉

新刻楊端潔公文集卷之九

男聞中聖謚輯孫德恭較

尺牘

啓錢多台公

台臺駕駐數時口遙候承而稚兒荷門牆教誨亦未敢  
遣入不肖居鄉僻態非敢自爲疎外也心實真切懸仰  
有甚于候承者矣昨敬啓并附上考吾公祖書其意實  
出于愛厚之至惟留神達之至荷所諭至感不肖以迂  
鄙不堪世用是以早日訂去入山以來一切門外事不  
楊端潔公文集卷之九

三言六作

問及敢又不自量妄動衷中之念而好爲憂民之言以  
瀆聽故實以義同棄梓力食其土目前之事混淆萬態  
有不忍已者近日謂賤病特一身不康濟耳何足輕重  
民病如此不早救濟必待敝害積通填生變舊淳俗易  
完賦之名而爲刁頑負欠雖有善者亦無如之何矣故  
冒罪極懇至于行與否不敢必也荷心照惠行斯民萬  
福第憶衆言盈庭無所取裁持議者堅希合者三當如  
吾民何也幸先老公祖教主于上茲啓前陳蓋以同志  
同道以祈鈞照不敢另上以滋疑者不知曾及之否幸

惟尊裁贊成并以行他部易初意即見撫台公祖聖脩  
詳之至于折補不可行所以預防欺漏又如水利蔭塘  
之當開今敝邑盡從而田之他年荒旱何以蘇救是又  
農家一苦爲可憂也不肖閑戶山間曾以不當言謝鄉  
曲又縷縷及之者特至愛也草草不設統惟原亮幸甚  
與徐孺東兄

向日弟以冬盡還舍克庵公道過小价持刺承傳示云  
公有數日寓此第何幸之深也未幾而駕發矣隨遣寡  
一力追送過玉山相見得其回書真惓惓也所云經學

楊端潔公文集卷之九

二

言主八

一節第實未之曉但年來自謂名聖的旨原在此而古  
今見之者能幾人哉竊自媿才力綿薄不足數問欲得  
數友人相與講明印証即今所惓惓圖維者專在真確  
而第素訥言不欲發揮于人前以自銜露又見當時所  
談經學皆一種虛誑無實可鄙可賤生平一見便斥惡  
之是以于友朋中一語未及然亦悠悠自度于道未善  
安可語人乎正欲得此公一談而驟然不值歉甚媿甚  
回札所謂刻第一私心第二乃是從偏難處克也或未  
可同之人人耳然真者見矣此一段事權書此數語據

兄所謂經學容日再具書詳之并舊年四書俱奉也學  
不講不明安得數人極談爲山中樂事乎總容再及近  
時仕路若友山公祖真豪傑任事大才也一二月間郡  
城布置大快人心共一段真切果尤異于人者真濟時  
救敝世道賴之矣將來得久任又永肩一心焉外郡中  
何幸得此也其念兄甚切且平直簡禮重政事不重人  
事弟深仰之以此敬述于兄容日公相見時一贊之亦  
終幸也言殊縷縷幸諒之

與蔡汝塘公 一

楊端潔公文集卷之九

三

言主七

向得屢承教益而啓入山當即歸候乃三日後聞台從  
傳示上懷玉依戀殊切倘駕至敝境定從武夷錦旋萬  
希垂念俾生亦知屆期把晤劇談爲別也畱神不遺荷  
荷春來日俟令長公拱翁父母榮召之報到一拜過此  
叙庭樂并令生申濶懷此誠至願而不可必者俟再圖  
耳昨偶見豐邑博歐陽先生頒賜鶴亭碑文計覽及之  
美其首借用生名生以不肖得附名君子之碑幸矣既  
問其所爲文者乃歐陽先生之筆也生本不知文而頗  
年脾病疎謬尤甚昨觀其文則見其體前後參差若以

醉人意而又聯屬成段則又若一人意者且彗星本統天之象非百里之占而鴛鴦本儲宮之駕禮有定式不可借用此雖文章家斷章取義之常而以禮制觀之似亦未受或者乃一時欠思抑亦歐陽先生之戲筆也且生未曾爲正郎而俗以稱之則豈其敢凡此數條屬旁觀指摘雖以掄揚道政而文體如此計亦拱翁之所矧必恕之者收煩我翁一轉言之幸甚倘有摹本幸無以貽人庶省觀者見嗤以爲不類文家而亦以見道政不止此也草草先祈幸惟心亮

楊端潔公文集卷之九

四

三十五

與馬適菴兄

頃者世途孔棘民生凋敝滿目皆不堪之景正所謂賈生流涕范老憂夷者也以藐末小子亦然顧以無益時事徒增惱悶頭顱半白如今前曾矢緘口而猶念地方事勢如此民病如此將來受累如此不一拯救又將誰賴且憤一二儕輩一切爲身謀自爲之蔽而對當局者又有僮侗希命之說恐其以彼言爲然而持案者方且揚眉睜目強詆之當事者乃不顧可否極力爭之不意一番時套未肯力任亮者不以鄙言爲迂幸矣又且心

厭感于其任事者之稟承遂置如畫餅之無用昨司馬者又混帳而過一切不問民瘼如此是果何如也蓋令人憂心耿耿莫知所之前兩約費溪徐兄得其書忽同此心謂徒增憤惋竟何所益不如日讀南華數章一笑揮之爲一不語道人更穩妥也况吾儕見當路不發一語已聞稱之爲好人爲長者則吾輩之極力開口觸前觸後直言無隱者必非人也必薄夫也然此猶可耳目今視不肖爲怨府尙可耳爲馮婦乎茲且畏心勝左右張防者深安可復蹈不知止之誚乎是以月餘在山一

楊端潔公文集卷之九

五

三十五

切不問鄉人不知我之心憂而謂我坐視不言隔形骸忘同室而不排豈知其心力已竭至于無可奈何是以爲自全之計而人山也豈其得已哉不然則數十年受鄉里知厚之誼承朝廷恩養之至而不爲生民之慮豈可耶况言而苟有益千萬萬之一則罪咎不辭如言之增敝而又不聽何也茲復承來論不敢再辭然亦不能取必容一強顏圖之如不可則亦已矣權以此復萬千不盡

上汪遠翁老師

喬荷我師拔教誨十有七年矣自武林奉違函丈以  
來僅千庚午冬錢塘江上申一力啓候回首光陰又倏  
十年侍側領益之願未嘗懈念而實以賤體多病復以  
制居困卧深山解入城市爲是遂缺蒸問起居曩歲知  
召入帷幄論道述作師世範俗海內傾仰生以迂劣且  
爲引去未敢一字寓京華是以我師門牆亦以此疎逃  
干事三如一之義誠爲負咎仰惟台度俯容曲照野人  
病態不鄙且曲成之乃敢然爾台教是膺實以爲快即  
千里如侍靚矣舊夏客傳我師辭榮懇疏得請卽今爲

楊端潔公文集卷之九

六

宋潞溫諸公洛社之時捲經綸康濟未展之蘊天香聖  
明建無窮之基計召環當有期可必喬初聞卽欲專申  
候楮而夏秋間偶擁病杜門今尚未脫然欲輕千里走  
侍緣此未能懷對宮庭如瞻日表幸有恭衛何錦峯君  
便屢托携候因其部賦南行適其長公錦洲君來敬詢  
道履萬祉倍常局勝欣幸齋沐附此先申積闊以悉咎  
悃行迫又不及修儀統祈台炤萬惟爲國爲道珍愛以  
慰遠企臨楮懇切

奉上官書

竊謂君子之于下也莫大乎成人之善而士之于上也  
莫病于急人之知昔者韓愈氏上書于節度僕射陳其  
旨大抵以上得士而名益顯下得上而位可尊屢屢欲  
托之爲知己則以爲上下之間各有道有道在則號爲  
知己道失則先爲路人而已矣知己之是然大約此言  
施之韓愈氏之時或者其可施之方今則大不然當今  
之時也出入公門非利不進往來論事非利不言反復  
致衷非利不思其心則又恃其文章利達致矜于下是  
非不知善爲我國有要之明習之久無夢覺之功故然

楊端潔公文集卷之九

七

也不肖昔時間發意氣亦或及此自邇來奔馳風蕩心  
事頓壞竟無復存亦且無以害成之者是豈天下皆無  
若人哉由心之不虛致之昨自告歸纔得杜門靜習舊  
聞進思觀化退思補過日不暇給家貧親老禮之所謂  
三孝固未之能其惟憤憤而已而其間有畧知我者則  
教曰年將壯而無聞莫若著書而仲先哲所未之有子  
其勉哉其不知我者則又謂之曰同風光流轉圖行樂  
詩酒一生俾仕途城市葦憐足矣他何與焉而其相忌  
者不可不問見則進其言退則致誹謗卒令人遑遑而



不得所者又將如之何其可也且曩者輕步衡門聞里有持竿錫門幸遊樂者有遯聚談話更嬉臨者有不給財賦致騁手足者予見之竟不鮮或爲豪俠欺侮或爲公私不值是遊樂者蹙其額嬉臨者塞其口騁手者碎其容予聞之則又愴然而大動夫我之憂卽其不學與彼不適所其致一也問以語人又無知者此其刻刻終日而不獲其事也屢欲持此請教于公竟以公門嫌不敢進在不肖因慚其懷抱則又決不以爲薄者何如何如雖然我之于公亦知也矣携手亦著而不論其功厚

楊端潔公文集

卷之八

八

三百五十五

我之至也政事服人而不弱乎小澤我之至也心之所感甚于身之所接而忘以益之大知已存是矣何必如韓愈朝進夕出然後足以語此但貧久冀欲得覽羣書或借于人若允而覺不允而未終慷慨者又賤不能板借書闕下故事謹此奉讀萬惟不以庸愚循棄卽賜身心之教或有秘書畱假數冊則人將必曰公能成我也成我之恩與生我等感報無既矣言不能悉統惟炤亮

答李見羅公

弟喬自初試鄉闈於小寓得晤道範遂得附驥聯席鹿

鳴識語便真既而出處差遲會侍頗睽前歲庚午秋都城幸值于時以賤攝當杜門請假求歸之日未得時時叙論衷臆而蒙賜所賦詩畧示依歸亦可謂心知不在于言之多者也自是歸山鄉憂病相仍慵情野處藥餌不奏功髮毛漸改歲華荏苒一稔門外公私諸務皆未之問學業蹉跎志氣昏墮尤可知者顧山居之時日高未起夜臨就寢闔窗成癖則孟子所謂暴棄者也乃入城甚鮮見客晷稀然問晤相知必首詢台履知自辛未春借海上論文講武獨遲長驅爲聖朝奏海不揚波山

楊端潔公文集

卷之九

九

三百五十六

不起瘴之績保障全粵增光鄉邦令天下知與不知皆誦碩德重祿直難企矣中間聞以撫勦異見相左遂借道體養和懇疏潔歸今將數載與望日崇第嘗見世之對山中士者談必曰東山不出其如蒼生何竊嘗以爲套語而于我翁久處義交一當視之無容心可也况業隨運見道與時俱所謂有抱負終有大施設者乎弟日于衡門下有深望矣獨以河山頗遙懷情甚切音問無從能不依依舊冬鍾少台公來得拜翰札珍刻恍如躬侍春風捧誦連旬不忘備知德化教澤溥洽巨邦令人



與賊世振鐸再響之思而重知推念俯教至意感何可言即欲具啓復謝緣卧病遂遲遲至今歎愧日切茲因少臺君再入郡便使附此奉申種種遠懷劔水羅山日惟高深在念起承何時心想加耿

荅葉龍潭公

春正幸便肅附啓謝未嘗一日不神馳左右祇擬江省蒲呆二臺必當借節俯鎮用昭瞻侍之願且爲地方倚賴慶也然未有報將謂內口他省借重矣及舍親伴來持翰教乃知尙有待於節且也所論蘇長公在儋州放楊端潔公文集卷之九

卷之九

十

三百零九

浪自嘆此以直道流落不偶卽賢才之自笑而世運可知已然古今遭際賢否異趨往往而然是在樂天知命隨分自修求以不負天知不失民望是乃明達之所爲趨於隊進隊退者也不然同已進異已退炎涼別態高下兩眼纔有違心便生忌口縱不爲乘除自損道心雖雅情投壺放浪自適置民事於度外而收譽清逸者其于上下所仰望何也此蘇公雖賢終以文高不免尤悔形痕跡于言語詞章間致聞者善非貽嫌善類非自處之善也所論拙于爲謀誠至言哉我翁丈邃學弘猷傾

仰士林爲日最久獨以道與時左乃畱外積資凡此同類孰不心憶乃者江國政績聲施顯著如此卽晉擢少需歲月以清朝公論上之豈又遠哉願惟寧心益政以俟之爾近賤恙稍可強起而羸體懣懣性益加山中舊願儉閑而目前鄉土民瘼隱慮關心義當同室不能一極誠有所云志未平者然亦杞人之言莫如之何耳茲因行者索啓以報肅此候謝百爾在念罄述未能統惟尤

焰

上高南宇相公

楊端潔公文集卷之九

十一

三百一十

秋間齋沐具狀上候仰計台照初冬接卽報知聖明眷注壽耆溫綸屢下海內咸仰實惟風教大著卽窮壤遐陬咸切快觀况朝宁士類素所矜式其嚮嚮向往殊當倍厚又况喬屏門墻舊吏感知願望尤極目欣情而不容已于慶者念惟我翁周召勲庸宏裕先時茲恬樂林園雅志湖山抱道不出固其素心而屢疏屢召翕然仰望爲吾道宗主爲世道柱石早起者人人同心意此時必爲朝野勉命星駕生處山林深密向嘗執樞于函丈今當侯侍于綸車俱以迂滯未能一致遙憶宮牆時懸

台斗謹端附肅啟以申慶候惟冀天祐聖朝台鼎日踐  
福履大綏喬雖遠地末品即恭侍未敢上達而願以興  
起才所以不負平生知與者亦汲汲在衰不敢後也書  
上神馳不勝翹切

與李三溪公

恭惟榮誕初度天祐人慶羣祉金集百壽永綏鄉邦共  
榮而喬尤喜願者也展日理當稱觴庭上仰荷尊諭然  
鄙意以鶴算日增謹佚于者願是以未敢躬走謹用俚  
語代忱薄儀引敬甚知菲藥仰體敦儉敢然爾向不敢  
楊端潔公文集卷之九  
士  
三百三十四

與林考吾公

恭惟強齡初度春旦方中當青吏行陽之會適黃堂布  
惠之期雖大方示謙抑而却慶願下情因屬望而申言  
聞之素絲永譽積錦成章是具薄幣願期慎最清裁當  
庸象服願自修以含美爲勝出治以蒞莊而光是具繡  
補一副頤期政報允成袞職即補然而效忠者重鞠躬  
詢謨者先虛已是具白笏一枝願期切砥礪磨所以就  
德剛果明直所以崇功無自高而自是惟有執而有容

緇衣之章曰緇衣之宜兮敝予又改爲兮鹿鳴之章曰  
人之好我示我周行約之前儀深媿緇衣之未協附之  
俚語竊比周行之奚當惟兼贊祝以永好將鉅福壽而  
不綏

與徐補東兄

去年秋兩具啟附役人奉上後適稍復因不肖不孝貽  
緣先慈遺咎增哀心神靡寧冬孟幸成襄禮然心彫骨  
立困困苦塊懷緒苦述更復何言若暫解之時未嘗不  
念門下憶日去秋承諭教吾兄猶以不肖爲可以北上  
楊端潔公文集卷之九  
士  
三百三十五

尚未知有此不辰之阻也自是不肖多在山廬未始接  
人及還舍亦簡理欲一字起居兼道別來衷曲并爲具  
慶談樂事亦緣魚鴻相持不到遂不得一辭台定春夏  
來郡內諸公見枉山間因得吾兄政成譽隆上下允服  
且聞勤有書問相及并陰誌貽我乃彼中事體道範榮  
履得之詳矣即如縮地相晤也念惟不肖以不孝薄祿  
不能養而又多病不克奔走服官以圖少申犬馬之私  
兩爲負之今此荒廬鳥聲風木慟天慘地神思殊不能  
安小祥期矣勉強支吾日復一日奈何爲情在兄念我

雖切而官守政範頗積所謂簿書惠愛汲汲修良亢臆  
前修期輔台鼎何曾有暇及樹我山中人耶不肖祥後  
脫衰癯木拱風傷意鶴聲獨相諧耳雖欲慰我好音鮮  
我溫語無益矣况近益謝交游日廢俗務廬次獨處亦  
不欲交游以書寄我以語慰我不敢自倨謂其無益然  
荅啟覺懶付復書難于使人兩省便覺心知之爲益此  
意恃兄知我照我乃敢以實情道之山人欲簡事不欲  
多事且心相往來不欲虛文相往來彼此素同事如此  
第今寄候之意非道寒燠與以虛文相往來者也蓋欲  
楊端潔公文集卷之九  
古  
三首五

啟錢玄台公

忽聞近傳有查議定賦之說未知然否等則前已啟矣  
水利聞已查行地方賴甚惟官山官塘地之稅似宜照  
舊而不可因官民田一則併以官山塘地之稅均于民  
山塘地蓋做郡山塘地當磽磽又戶戶人人有之稅則  
零星難于征科致里役侵漁又或逃貧人戶負欠煩里

役賠補爲他日虛糧通稅之階卽此是也雖官山官塘  
官地有稅在先朝實釋其可稅者稅之非一槩有之也  
今此似當仍舊惟希查其實去而額存爲虛糧者則豁  
除之而人田賦帶徵卽大惠矣此在台鑒自有妙裁無  
俟于贅因聞恃愛并仰體德誼乃敢僭具惟留神如不  
可仍希以隱惡之義處之感甚萬懷不能盡一遙增耿  
耿

與鄭錢耕兄

人有恒言產同時居同里仕同朝而重之以道義同心  
楊端潔公文集卷之九  
古  
三首五

者至厚幸也生不敏幸以此附于門下茲者一時同家  
食可以日夕請教而乃前數年多病滯山鄉猶之可委  
也此兩歲賤體稍可方出鄉而尊駕榮駐城內誠時時  
有樞趨之碩乃賤恙時發俗務所羈不得如碩前者偶  
遇張朱二太傅意之語欲具一束奉達亦未能具懽病  
爲之也前道畧相值專遣价奉道未知曾上達否茲舉  
甚非本碩然亦不暇計其真僞如然則衰態病體難行  
卽遣人上辭疏亦有萬千之費處者此其間惟知我者  
可道之他不敢及諸容中秋月夜當維舟江上爲長夜

求教也承垂問權復病體不能出門且將入卿萬不敢  
勞枉顧祈不既

與鄧定宇公

獲及族人便附候臘月旋得荷翰教真如侍範懷仰之  
私時時轉切弟僻處山中未緣得便奉詢台居爲歎懸  
知道養精遂卽以絲侍色養爲意而聖明眷求宮閣需  
賢乃未聞有報循當召乘赴補此在我翁丈之重道有  
徵矣顧資望日隆旦夕且幡然就道也弟素卧病今秋  
適而積歲近衰志氣皆怠何以能爲惟有山間穩卧日  
楊端潔公文集卷之九

十六

三言

高未起與野僧就閑散耳常負動詢何以能副茲因稚  
兒應試入省專令之趨侍領教以未有知識小子仰煩  
清範與居或不敢遽倘得尊駕駐近城請益則甚荷也  
此時知太母老夫人萬福百壽遙懷慶忭麟趾種種想  
駢集也肅此代意萬希照亮

與孫肯堂公

素負非陋往者于京華幸從二三君子仰聞道範卽切  
興起則尊駕觀風外方未得遂親承之願地遠心邇惟  
自明爾頃綠賤拜乞歸卧山鄉計今十有四春仰懷

倍切丙子秋得親晉中卿書莊誦文範絳瞻企至而前  
勞台節兼憲持衡全省士類得承門墻樂育至今三載  
近者入貢明堂居者待時費序舉皆彬濟嚮善實荷曲  
施造就薰陶孰不景仰卽日聖明嘉績酬助宣麻揭旣  
簡在所宜輿情所翕者也喬願登龍識剗而幸尊駕行  
部擬專誠肅啟以候自揆荒迷不敢以啟事上瀝日惟  
想體風教興慕自益而已茲謹申積懷萬不盡一統希  
崇炤

與經太令書

楊端潔公文集卷之九

十七

三言

前承函言札示兼舊冊之頒生以病慵疎滯時當杜謝  
不敢出強效管窺以辱雅問畧具前啟以謝矣竊勞月  
三專使懇委非賤役之弊喬嘗目擊心惟愧未知所由  
理拯之術茲門下詢獎念貧于凡富丁謬冒虛僞諸弊  
皆明燭之所爲懲前慮後計者見諸來命示諸衆聽者  
具當隱微肯綮而猶不自以爲是不輕謀諸左右胥獨  
嚮往惟生生所經擬如前併不敢以不明于心者妄復  
顧尊意不敢久虛而自束髮來敝縣相望願者素深乃  
不敢不以所見聞者直陳其于上下得無均負之乎謹

參考往事及今人情事體便宜可行者具于左方以爲  
採擇冊在嘉靖三十一年壬子均平丁糧總一縣丁糧  
若干以甲分之各得十之一以應里廂徭糧之役每甲  
該有其十之一則又以里分之各得十之一以供祇承  
雜泛之差使丁糧不偏重庶民不獨累亦稱善矣但其  
法若以一繩而操切乎不可齊一之物多寡輕重難以  
適均而况有無虛實之際情偽萬端不可以意計而力  
限故糧起花分詭寄之弊紛紛不可致詰而丁則先執  
取足成數橫于胸中及審日照原申議每甲該丁若干

楊端潔公文集卷之九

大

嘉靖三十九年

冊數不足則據原冊之土務于本甲各戶補足少則那  
移他甲之戶以補足之民苦不從則嚴刑峻罰以威之  
必報不但無丁者不減將苟且圖免目前刑罰天地猶  
狗之名悉捏于冊其強巧善爲避罪者曲相互掩遮飾  
以期支吾那易于後始而報有忽而報無始而成丁忽  
而不成丁法雖嚴第能行于桑樸杜野之流而不能開  
夫強巧之徒至于二三有力者之家則必任其自減而  
不問仍能多奪他甲之戶姓稱補相同不問其同姓不  
同姓輒冒併戶而丁亦隨減夫立法貴于能行行法貴

于可久議法之初行之不信弊卽自貴近而生欲其行  
而久難矣固宜不均不平之嘆作而罷怨流害至今也  
嘉靖四十一年諸公皆蒞任未久交代不常審之日不  
過憑里胥與一二吏役之手任其意加減馴至加者益  
加減者益減及署築郡公稍知此弊令窮乏之家據實  
告減該郡公結卽見顧今出令實非鄉野窮民不及聞  
卽聞而不能卽指辨以應郡人之求里長得之則又視  
其甲下之人如秦越而不相恤是故此令之行未始有  
分毫之益及衆窮乏者所得而告減者皆市鄉之豪右

楊端潔公文集卷之九

九

嘉靖三十九年

力者爾旬日外又知此弊且特牒告減者盡邑人至也  
其令遂罷遇清冊將解又係交代數日間總朋與里役  
有私相與以一金除一丁者爲之閃爍迅速莫可端詰  
及解行項新主抵任此輩相率白之以謂郡公裁定遂  
膝脯報成而積弊遂至今日多寡之丁輕重之差或相  
什百倍徙而無算者此也生常竊謂法誠羅文乃輕率  
變禮改冊固有王法所必不赦者奈何使之坐而漏網  
也往者里長自役委曲劑量以完周歲之役猶之可耳  
今條鞭因戶驗丁貧丁苦累特甚而里役賠裨似于難

勝公錢拖欠似于難支雖有計調停量免者亦爲暫時  
補救之計其于民間終未能稱情當宜而受安養之惠  
者也正本清源其有望於此度大造耳昨者傳聞教言  
謂多丁之家在冊者少即重加以均乎其有餘無丁之  
家在冊者有即重減以均乎其不足均于有餘不足之  
間以三丁而冊一丁得中二丁半而冊一丁與二丁而  
冊一丁者皆當量裁不得以偏多偏少于前意加意減  
于後重戒乎諸役在毋于多丁而私庇或有所賄故隱  
漏有過有即厚徵以懲其奸毋于無丁以私加或無所  
楊端潔公文集卷之九

三

言

賄故雷難有加卽以條鞭令之代出此其體以公平  
正大政以精詳慎密使人人得奉而行豈特正一邑之  
冊籍哉雖坐平天下之戶而尙實無僞者此道也至于  
今民凡所有戶丁自少至老盡于冊載酌三丁爲一官  
丁載之于冊此尤易簡可行其如淳朴既散民僞日滋  
疑二成習孰片一心信令是故大道爲公之治夫子所  
以有志未遇不得定之法制立之期會而委圖成者  
故曰勢也昨日又聞所回小冊此四十一年冊有減數  
丁丁者有減二十餘丁者羣藉此言之何此輩不能仰

體盛心而定法立期不能不賴多方枉力以爲之圖爾  
詳閱下頒舊條鞭實冊乃一時偶援觀聞而定存故不  
合時宜不可以是爲準幸其藏之所謂參酌人情事體  
便宜可行者則有一說嘉靖三十一年意主于加其丁  
比往時倍增其數可考也嘉靖四十一年弊生于減其  
丁比三十一年倍減其數可考也其加其減原不舍乎  
人家丁口之常而况十年盛衰老少不當豈可緣是爲  
例今日非考往數酌今實詰舊弊立令則亦惟此二冊  
可循乞舉賜裁今各里丁于昨所回小冊每戶下書三  
楊端潔公文集卷之九

三

言

十一年成丁不成丁之數又書四十年成丁不成丁  
之數以觀加減之故多寡之跡仍實聞見在之數于冊  
專委各里該役自相公議見在人戶比前二句今某戶  
入財兩盛當加大某戶人盛當稍加某戶當照舊某戶  
當稍減某戶當大減某戶衰老尙存戶不當差某戶絕  
當除其有直書不隱者卽如所擬其有埋藏不書者許  
之各得訂告首出庶乎加者可以補乎減者有餘者可  
以補乎不足者准以三丁冊一之法不可過多不可過  
少執法如金石之堅行法如四時之信則雖溢于四十

一年之外固可而或不足焉或亦據民數立中正之法  
而其差銀亦通融互出而無所干屬累此尹鐸之心而  
當之以此爲撫字者也况未必差懸至于逕庭之遠乎  
以此爲法其間或有互爲隱漏與留難者于時而至卽  
嚴懲其留難不服與頑梗不從衆者許指實而言卽嚴  
懲或有私相派分需求故難者卽嚴懲一鄉之內豈無  
公正爲衆所信服者乎強殺足任事者乎謹畏而不欺  
私受賄遺者乎此其公舉而可委託者每里不拘多寡  
但求實得其人如是者令之集衆議持公道而不得避

楊端潔公文集卷之九

三

三

嫌違怨限日報來倘專委矣而弊或自其心作亦卽嚴  
懲亦爲不忠者之戒倘行呈公是果合而嫌怨外生爲  
之亂言或致浮言衆傳者皆不聽反抵于法待其報成  
之日乃煩明公親裁詳照時復徧稽公舉如其一之皆  
常也卽州書成丁幾不成丁幾明告衆委者賞其勞雖  
有勢力者爲之請不許雖巧言爲之訟不許如其未當  
也則仍徧訪公正而果能也乞面示以未當之由而咎  
之必改從其常而後已如是則深隱可鉤巧詐畢露窮  
乏可見損益自宜卽未必悉皆燭照數計至于什百墮

獲而無筭者必免也大約冊者每年之例百年之計冊  
而善者民生之福官科之便倘得畫一告成民力易辦  
刑措不用爲政之道舉此畢矣此真仁政之首自非體  
悌君子民之父母孰肯畱心及此哉語云豪舉事有是  
志嚮有是精神有是擔當然後事可成而永終無弊此  
皆明公所及敢爲助贊人謂辨一鄉事者必有介能之  
節信于其鄉生負伏之累爲縷縷以復明問且獻涓埃  
爲奉行者先也不整不文愛與愛具不知可否惟亮之

與沈見心公

楊端潔公文集卷之九

三

三

日者承翰教下頒感戴至情愧何以當昨聞知道體全  
和納祉如常喜動閭里鄙心尤百倍悅者萬望益加珍  
調以副朝野至望爲懇前周筠川表叔顯使馳書奉候  
想經台照其藥方不知可合時宜否意者我翁天稟清  
修元氣養盛此肺病實出勞神民事所致肺氣最清若  
簡言省思卽勿藥可愈况天相民頌如此其隆指日濟  
勝可坐擬者也幸從容製治以副衆意乃若榮膺大拜  
在邇雖欲強畱之而有不可得者矣惟翫念之香以素  
羸賤恙提閑僻處方將同漁樵爲混世之計仰慕翁



黃事業施聲竹帛難平畚迹矣倘林泉有暇可能誦讀則爲翁書今日茂績著貽鄉人俾永久知侑神我民者如此是亦治士一念存公待準微意也春日在邇無能修晤謹此佈忱耿耿在念伏惟統怡不盡

與邵圭齋公

客歲之秋具小東煩從者歸報而弟以病體乞假隨蒙賜允仲秋還亦發丹陽南旋月餘抵家卽爲山棲谷汲之計不以外事爲念獨憶吾丈道雅不群渴欲請益而未能是則往來未止耳春仲有書客自建陽來偶過山

楊端潔公文集卷之九

七

三百六十九

間方知榮履消息喜甚喜甚吾丈以經濟之才暫而屈于外補不日台鼎端爲可待俯從民事亦道將大行之機也弟擁病日慵無能辦職事于聖明之世內規殊積偶賤體稍適卽有武夷北遊之意春雨連綿未能啟行涼秋九月或可束裝肩輿獨往縱觀名邦山水得見吾丈教化豈不一樂事耶初意爲事密行東道主人不敢煩之吾丈以混興居而問武夷去治城依稀百里則門下固不得而知也弟弟以混迹遊客避名輕往山間蹊蹠孰與竟此名與異徑得無有奇觀爲地主所秘者乎

新刻楊端潔公文集卷之十

男聞中聖時輯孫德修輯

尺牘

與李克菴公

僑居東南我翁西北論地各擬天際而出處行止時又相左乃以仰德于十餘年之前知關中名賢自昔爲重十今實惟門下爲盛思欲一見末由而往者徐孺東兄自京旋僑傳台履之詳又渴欲觀止未緣前冬尊節南行迂道枉問蓬華時方困卧頻年未出山鄉一展尊翰

楊端潔公文集卷之十

七

三百七十九

卽刻馳歸樞近以求教益以快夙衷而爲兩傳者所阻眞緣分淺薄爲之悵歎何可勝道懷玉伉旋重承札誨每欲一修候啟以自鄙假歸攝十有三年未敢具一字人都爲是遂令積思鬱然未達于台從卽孺東兄同處郡中亦數年一會前屢書來與近晤對許聞垂賜之厚感激何可以言喻茲因舍侄入都莊此修候時以卧病初起而行速未能詳叙心曲僅道其情想如此至于欲言之衷則固未嘗一瀉也諸侯人便再申幸惟統炤

啓李克菴公



門下遂養隆猷海內仰望素矣茲借清署而實德念著  
誠斯文楷範也喬生雖未遂親炙之願而瞻依有懷不  
特神交已耳念自往者世儒陰詆禪旨陽稱聖學尚員  
通頓悟之說而力行慎修博問廣學之事日遠于是士  
習稍偷近者勢重將及西倒非有上智中行之才此瀾  
未易迴也生不肖實惟明公是望向承惠佳刻以私心  
爲當官而佩夷格言日不去念顧何地何由一聆大教  
良用馳注茲移修此附上在他諸公則尚以未嘗一字  
通京華舊游也惟台照之爲荷

楊端潔公文集卷之十

二

三

啟許穎陽公

憶往者都城勤得侍益緣以羸病粗浮咎悔種集而荷  
道誼時時以春和育我言念感想未嘗一日釋之此固  
不可言語問悉者曩歲台駕借節敝境不肖方抱山居  
之癖連遣人申候殊未罄傾倒懷望之素弋陽旋吏捧  
至翰諭知愛我倒懸而莊誦大雅日復時咏真如天籟  
朗鳴不覺鄙吝頓消若趨侍教言在左右也屢問貴鄉  
人便欲附啓候謝慙慙鄙悃因未便旣擬尊節還朝益  
無由詢便郵以附惟此心此念如前云耳前歲不肖以

不孝致變居廬省謹心荒骨立未嘗一問及門外事忽  
忽且禪疎陋較昨倍加真不能鞭策以負平昔垂誨至  
情爲之如何茲尚村居雖近地交承不敢妄通久抱積  
誠附此申候統惟昭亮諸容另申不備

啓姚華燧公

喬以迂鄙之性動與時睽而又常杜門入山不克展慙  
勤之禮爲是致疎簡之尤于達公長者固其宜也然亦  
素所自明不待人之咎始知也獨承我公祖知愛推心  
密與良厚非惟不之咎之至于交承不修語意不恪俱

楊端潔公文集卷之十

三

三

荷垂亮且以爲山人野態原無意必有不可以瑣屑拘  
者此其道義相照氣味相同是以不求而合如此私心  
之感更何以喻昨率爾奉將自春徂夏計凡六月無日  
不翹首台居深爲念注誠非筆話間可形容者乃喬慵  
懶久處林園被閱諸長者治教氣久而性更甄別有稍  
不當意卽不以爲然其賢政有實者則時時誦之念之  
若有不能解去于衷此雖懿好之常而相知者猶以爲  
甄別太甚于養生貴忘之道無益亦于人無裨爲是近  
稍戒之願真積時露抑之難遏是以于我公祖德量惠

澤之詳時時誦念而郡人亦爲之同聲于此益見名實之際莫掩如此非獨一人然也賤體自春來入山欲詢翔鴻一寓居無從得便實非敢忘之也茲問林太賢謂有行者敬先期具此奉申萬千積私不知其人果何時行未能附儀引意統惟炤亮草草不盡

與李勺溪公

久違台教時時切念此情固彼此同之非言語筆舌間可道者邇歲不肖處變廬居彌年鄉間自舊夏初仰詢旌節將過敝郡日日遠俟江沂定圖一侍末益兼叙久

楊端潔公文集

卷之十

四

三

潤直至秋初竊計以爲從他道行也乃忽承枉顧慰問翰諭諄切屬小价捧轉至鄉隨專人奉將追趨不前况覓便申候謝意種種惓惓之私敢爲老嫂夫人慰言并以所聞于觀風事宜上報乃東履其竟無一至今春適逢人自楚來始知榮代期在二月殊愧懷私湮淪不得一附左右真神與俱馳不卜吾兄可能炤郵情真切爲是否亦以爲漫語非實否計臺務雖冗時對江雲楳必及之無俟言云不肖脫制在邇山林多病雖當趨侍緣日從棲遲俟明計後敬題乞疏以必得請爲願此其出

處之際惟吾兄知愛計必念我乃敢附報茲因人便附此見仰懷之切不盡欲言總惟炤及衷悃餘情想大政報成日取道敝里可傾陳此萬千不旣臨楮懸企

與徐魯源公

喬前躡豐邑山中仰承敦古誼俯臨蓬蓽未及前知失于倒屣奉迂求教屢欲端謝而坐疎曠未能今因楊雲翁公祖台從之便絮附申謝不知上經炤亮否乃蒙遠頒翰貺真有雲表捧來對使拜領感佩溢于情外竊念山居慵態不足策進之士而臺務繁殷猶不遺忘自非

楊端潔公文集

卷之十

五

三

至德何以有此言謝言報豈足以盡之惟心珍藏時加繹思而已鄉臥間聞人具傳臺示以稽冊之政倘感良法且知美意欣喜待成遠邇同心喬辱知愛最深自慶明公問學淵源有素而此固爲之試其端爾喜慰贊仰真有言語間不能備述者敝邑以多寡不一糧以花詭多端前數十年有爲之獎者而今則難以爲拯方賴郡邑諸公虛心講求士民日望今得明公在上德意方行風猷遂播所謂主張于上奉行于下者真時與人合拯時難而裕遠澤卽日可坐享其成惠澤之叨士民不世

固均之矣。喬雖僻野成習願治更焉親見道行且所循擬之久而今此符之充足爲快茲敬附使申謝并附士民預謝之私惟冀爲道加珍以舒上下至望不勝仰祈之至

與趙揖齋公

台節之臨誠爲奇躋乃以賤制不得時時請益部情畧見乎俚語甚愧未盡容他時道出貴里定圖專候也若不自出處之計自分多病且將求攝僻境不知繼昨握手傾談者當于誰地言之至此令人念與俱馳而孟動楊端潔公文集卷之六

六

三百六十五

萍踪相值之感敝鄉自道履榮蒞人人感誦獨以大用至邇不得奉留爲之惆悵茲者敬當郊餞乃其分誼亦其至情緣所羈不敢爲禮恃翁知我之至愛我之厚當必爲俯亮謹遣稚兒候送江許若其念戀之私雖再拜縷言未足以悉外具春茗此採自家園非購之市者固敢以效獻芹之意煩趨庭爲我具慶老年伯大人壽第知甚褻且諒清脩計道愛賜存是望種種有懷萬不盡

與徐鳳山公

尊駕駐節此魏公去陝赴汴之時也間聞望顏動色者不知其幾生密奉日久乃坐無未得一展拜台階具時抱感謝而加之以想求不特盈盈一水寸心搖搖者也念惟賤禪之脫只在數日間忽聞榮駕的發欲擬專誠以申候將微忱然鄙心猶以尚泥一日未罄之禮不能遂面承台範又不敢申款意以求教益負愧抱慙豈能自恕嗣容齋沐具啓另圖申上茲荷翰教下頒兼隆儀之賜小子何人也而敢當盛德推念置之心曲其有加無已如此哉自揣豈宜仰勝然錫自長者敢不登嘉謹楊端潔公文集卷之六

七

三百六十六

與徐鳳山公

生本蹇識近則朽株乃荷台仁舉而進之必欲其不爲聖世棄才可謂至德矣顧非其人也何以敢當惟仰戴不已爾山間去城市甚遠問聞最希直至三月初始得邸報以度分揣病不能前卽肅疏專价附鄉人之入都者徑上之闕下而因臺所頒札抵今未至茲意時日遲久不敢再待行日恭聞臺下新命欣忭曷勝茲齋沐

修飾以慶以祈夙尊清範道雅卽山間采芹亦不敢上  
所藉以仰通者此心爾憑札謹俟至日另專圖繳呈深  
恃德愛忘勢分下交者尤素時以奉聞不敢徧上諸老  
幸炤亮不盡

與徐孺東兄

懷仰甚切昨始奉一書隨拜珍翰此心倍慚所諭童奴  
掃迹知舊違棄此世途炎涼塵跡慎無動念動則反爲  
炎涼所困胸次無寧時矣矧蒼然自有所主張窮通得  
失由之若爲仰動之豈能以愛慕而使通得忽來嫌惡

楊端潔公文集卷之十

八

而使窮失忽去也哉管之心如水門如市雀堪羅車蟻  
集者衆矣目前俗情似覺殊親迨後乘除一定則水也  
市也雀也蟻也誰清誰濁誰勞誰逸誰怨誰樂其間當  
有辨矣今第于其所主張者而深信之卽是林下樂地  
殊願弟自侍吾兄教于今二十五年矣格本鵲下見猶  
非窺是以扁心腐學效硜硜之獨步執區區之微節其  
于公門叅承之禮候問之啓分所當盡者亦爾未發躊  
躇將發憤確真若乎負崖石而難于轉圜登崇山而苦  
于扳躋必已而不可已乃行不可省而苟可省亦止是

以長官不勞酬答閤人無俟將命非敢曰自崇好絮縈  
以謂居鄉之道宜爾亦不敢以其意所不欲力所不能  
者而強施之如強之韓子所謂必發狂疾者也况能少  
爲抑卑順時徇物而有營求者乎此其往事諒吾兄所  
知近日官在仕籍時將十二年而前後兩假家食者幾  
八年餘乃公庭鄉里不一及門長官親舊甚稀覩面一  
切交際餽問俱爲辭罷曩者以辭當路餽問有見尤者  
旣而以迹涉矯激更幾違衆又招外尤頗費言解乃隨  
例而受則又甚覺過分心曲未安敢取非其所宜有如

楊端潔公文集卷之十

九

三十四卷

俗所謂因託請謁者乎平生素度原無利能獨此一節  
頗如所云區區硜硜者甚不肯改要之隱顯皆可以共  
對天日視古却壁揮金者夫豈能擬如無故之憂非分  
之耻窮用籌之熟而審夫幸當路諸公鑒灼漸明餽問  
亦簡取與心迹無勞自暴矣只今在家日久所見聞于  
鄉人者亦久無間親疎遠近卽未有持一帖挾一物及  
寒門言諸謁者僭謂薄守桑行何能當人知信之厚如  
此居惟山林最多暇逸俗客不來俗事不聞深爲鄉里  
感之然猶有所未知未信者則實檢制所難到意料所

莫及者也然亦自信于心不服他辨恃兄知愛以其自得者還爲兄解之不覺縷縷統惟心昭

與王鰲磯兄

恭瞻榮進錦過里門爲荷垂念締好勤之枉教感衷倍常而以賤恙未能拜起遂違迤侍吉發江上于時又未得奉將郊關諸皆歛咎國恩長公侍學清齋承推愛晤別總釋困滯以幅于爲字未嘗煩轉中鄙意冬初荷輪教對使捧誦倫門道政大著士民慶羨而尊太翁老先生合倚福祖口贈殊爲遠聞喜悻之甚近益知政敷楊端潔公文集卷之十

與萬兩溪公

喬鄙劣夙仰聞我翁道範思欲執侍無由舊自通籍時幸附后溪年兄得一肅啓附候自此以來倏忽十有五年萍梗魚鴻末由一值此心宗仰惟日加耿瞻惟望績懋著岩廊而往者訓農練武晉中治水于江淮河海屢揚頌紀佳撰刻帙輝耀簡冊嘗得之交游時時領誦真如樞承執役而樂視其成緒以爲聖朝安攘無窮之令聞快愉也邇者暫辭台階歸樂東山海內有識爭擬崇召入輔大政以弘濟明時而喬以山林樗櫟不敢預聞當世之計屢以望卜之則願我翁加餐爲國自愛以需楊端潔公文集卷之十

旦夕之殊眷耳非泛非妄喬從卧病早自引去近日加衰朽此非敢甘自遣負報禮實惟自度宜然者矣且遠處山間城市未入交游鮮接音字則雖親邇未嘗爲通以是極疎遠于門下而相念詢問之情則嘗得之一二往來省會者知之深川興起耳茲因上藍僧旋附此一申十餘年耿耿下私賤病未解強起艸率具此萬千不恭幸希昭亮

與李克菴公

夏間奉候口切懷戀昨得奉手教極感存念賤體雖可

強起而尚未全釋然山林病態無益于世日就衰朽所  
宜然也顧亦藉清閑自怡靜中頗見前聖獎樂微意乃  
衰病侵尋無能力踐倡明是用爲歎孺東兄近理調息  
之說于處變有力然數年未晤不知其果得益否向者  
啓門下計亦此意耶遠聞翁吏逆旅精養一切浮塵俱  
置不問而獨理身節情當超凡入聖百倍于常者所謂  
動心忍性增益其所不能者也脩讀來論已心美矣願  
大勇精進以入至誠爲吾道亦熾是所深祈耳禪玄二  
門近世號爲儒者皆入其教而得其髓乃改頭換面說

楊端滌公文集卷之十

士

三

入儒宗是可距也于明時嚴禁殆當然矣豈其過哉聞  
翁夫清高獨處俗視此輩乃敢及之且以爲他日晤期  
訂盟傾倒詳叙也陳椽去世蓋其嘗供役于所事今客  
逝異鄉可矜可憫得翁夫爲之顧其形歸其土又可幸  
也此其至德及于冥者使其有知與其後裔永當啣結  
適因其使者言旋索復立待艸書萬不盡一此後所謂  
風鮮便鴻安得借長翼雲端寄續音故言之悵然

啓陳玉壘公

憶自長安承教計後先二十餘年矣緣鄙攝遠引儵然

林野獨有寤寐思憶問常在左右乙酉秋捧領翰教極  
感存注因便行奉啓夏來仰荷我翁推轂秉衡當軸  
者以信門下者俯及鄙生遂有畱回之命生自知久疴  
庸才不堪效役前兩入分曹輒以改商自求去病態侵  
尋歲華荏苒竊不自揆有味乎康節先生所謂老去不  
能禁吏責既閑何復用名爲者僭附居之是以不能趨  
赴卽從秋仲專人以倦疴之意具疏請休俾行肅啓具  
稿預求請教乃小仵至都日適我翁以聞松翁之計星  
駕西發遂未得上傳听之間深意乎短楮未通記室而

楊端滌公文集卷之十

士

三

所最念者我松翁老先生經綸格天之業盛著先朝恬  
愉範俗之德美傳今日凡海內善類輿情莫不屬目傾  
耳自四方而來歸者慙慙乎其望懸懸乎其情也乃者  
方踰稀壽佇臻期願庶蒼平天人上下之仰而鶴馭乘  
化忽然而往此在門下至愛至孝其何以堪海內懸懸  
者其何以堪顧人生百年形不能久存其不朽者有在  
松翁老先生德業文章宣朗天壤青史不磨是爲不朽  
曩自明農解組于聖意向用方隆位秩彌進之晉斯古  
今輔世者所難于茲一見不啻急流勇退未可埒論也

乃德澤方興未艾道蘊大展未竟實有賴于門下之繼述日者聖明以世臣舊學虛端揆之席謂啓沃之間于門下者惟日其新卽遵禮制駕旋蜀里承恤詔襄大事所謂榮衰之禮彛常之享在松翁老先生神明洋洋雲表當爲王上爲門下安之我翁孝思可以爲慰節順之語無待于贅矣喬非陋曩蒙先生知獎真篤薦達周至語曰士感知已實生之謂自別來歷年未嘗有一啓奉寄以謝茲覩存歿遠邇之際情真有顙注不能自解者誠效古人絮酒之敬輕千里步履走奠乃其本衷緣病

楊端潔公文集

卷之十

古

三

態所羈于蜀江道里所阻不能如願深爲悵惘數月惟干蓬葦私效漢儒後進事先達之禮爲尊位一哭潔具蕪辭一通菲儀一緘寄之便羽上猷神道以將興忱辭不盡意儀不成享獨有悲悼下懷與朝野同卷卷爲不忍忘爾書具幸有貴里羅岷山君爲鄰邑司訓陞官回滇之便再拜附此紆惟昭亮萬千不恭總俟另日專布臨楮懇切

與陳龍峯公

京師拜別情義依然復荷惠教感謝不已歸來自夏抱

病卧床至冬纔愈春初纔得接人諸務紛紛俱未及理獨有懷思故人之念則未嘗一日忘也然居鄉絕交暫屈寧邑想非其地回首轉擢或內補或外郡是無難者名成利就人所願欽而翁獨享其盛可以爲賀昨既別翁又別吳玄石翁宦途如水居士如石相與甚難相別甚速大率如此念想之情不知彼此會同之也第山野鄙人疎拙之性不改于昨而無營于世無求于人頗爲更堅若夫爲貧之仕則又待隨時旋圖之耳敝地連年寡收民日窘迫仰荷郡王荆翁御史之嚴制用之儉境

楊端潔公文集

卷之十

古

三

士稍賴安靜而野人亦叨餘澤近日派兵甫出敝邑雖無事而驚擾則不可言狀翁處福地回視舊邦其能無舊民之思乎敢併聞之茲因舍親起官之便奉此上候惟照遠念之情時一教惠爲何如山館棲遲無可侑東向日周鑑翁所刻朱士論偶檢奉覽縱希照入尙容人便再候也

與徐儒東兄

前邑掾來傳到手教屢欲奉候申咨而無由也江象溪丈歸遂避嫌未敢面拜是以未託之附東乃辱翰頒附



又荷珍惠何以敢當殊令人無以為謝兼汗登而不敢不深乎溫暖我之感也承論所謂同年者特一時偶同進取耳非心事之同也心事不同而強以相求亦與未同而言類耳奈何世人望影為同輒令相求不幾于非望之干乎如此類者甚多殊無以應之近日方為一友人所苦雖係地遙事不要緊然以自重自審之道觀之將有未可者乃尊論亦然如何如何聞事地與期皆定人家盡為風水之說所惑此說在世甚於洪水猛獸乃孟夫子所言不仁不義者也方惧其無以正之實非

楊端潔公文集

卷之六

七

三百六十六

鄙人所敢談只是直不信耳近世人家以多子為幸即先人常云人以多子為福近世鄉俗多子輒拘于陰陽鬼蔭無端妄說遂使其親不能蚤入土多子何為哉况以人入土為安枯骨則潤澤而速化可以遂返天地之元乃數年十數年不得受土氣其不孝孰大于此茲聞毅然早襄而溪南地理山水平坦可以免風吹水入及朱子五不可之義其他風水家奇怪冥漠之說不必論亦不必信者又非儒術因來教決然敢以為變非敢為決也

與呂巾石公

久欲侍範頽益以山樓慵癖未慰渴誠商言意存之向本長具無語自愧無所知識猶佛子偕擬頭陀上座有不自知其間與鄙者乃得攷教之頒發揮與旨叙述淵源有光大集可以傳遠獨聞鄙者生得以冒美附名何其幸幸即擬函請正復付梓人以自奉秋及冬尚未專趨屢經具柬致於多冗思緒不整分欲請事深思非敢謂能及今尙虛其於我翁之教似為負之取咎何可勝道意為後學陋品道間紛如尙且未適安敢語崇誥

楊端潔公文集

卷之六

七

三百六十六

關而亦何能措一辭第長者遠親停成之憂甚切且爾不一一請教是自棄也謹以所管窺未知是否者陳於左竊意學術非一時一人私論而異同之辯自宋中葉以來始如禮家所謂聚訟者其在今時尤甚大率淳世尙約而後言李世尙言而後行言之不已而辯辯之不已而黨黨之不已而鬪鬪之不已而禁此皆競氣成風倡從均有其過而世道係之不能不動牢讒者感慨而輿謗來論一明其姑退存以俟其自定有味哉其言之敢不拜益敢不珥刻至於先入其為黨于異同之際不



惟不辯乃一切含糊兩可聞人之言卽徇以爲是舍其所固有而委置之以此則有似於阿好取容者之所爲而治學者其本何之此固仰惟長者之教必非喬所願安以承者也夫積之說自宋儒叙之至我公闡明宗旨甚明且亦既樹勲計道久矣而喬因心領意體之不少怠者乃於昨所頒序稿中畧有一二所期未言如外所著心統圖說之純能成一家言者去疑則問問則明此又仰惟長者惠心而喬所願安承者也夫既以深積變化之係於習馴而習之氣質變化而以神孟求仁

楊端潔公文集卷之十

六

言生時共

集義學庸格致戒懼周子王敬種種教人法皆爲變化氣質而設千古聖賢傳接心法真旨而所變化積關繼道本係之其視所云世儒凡一切內外動靜儻侗不分以爲致一一卽本自事簡者豈不爲頓本其景異乎其果同乎其果有取持循從入之爲功而不蹈於儻侗不分之弊乎率爾未能通知謹聽變侯另請教內以天命之性爲虛靈不昧譬則日月之貞明氣質因依假借迷復不常譬則浮雲之聚散雲聚而日月昏雲散而日月炳于日月貞明之體未始有所損益者竊以天氣地質

楊端潔公文集卷之十

九

三言六十第

具而後生人固聖愚賢不肖所同稟特其中有清濁淳移之異耳所貴學者澄濁求清去移還淳乃所謂變化之功爾孟子形色天性惟聖人踐形厥旨深矣苟以氣質爲浮雲則是謂其祇有濁移而不謂其有清淳然則生知安行之聖學知利行之賢其有外於民天地氣質而生而人性上有二物矣抑別有一種氣質而非吾之所謂氣質者又不然天命自天命氣質自氣質而道之形上形下截然可分爲二至於指天命之性爲虛靈不昧此近世諸儒先生同以爲然似同於佛氏盼盼靈

杏經大令書

向者承寵頒誨論必欲生祇領而生極欲拜領以承長者惠豈敢矯於爲情第時方艱省而明公清範蒞治正於相愛之中有相成之雅務以久要達到爲則者敢煩

垂念在厚德固爲隆施在鄙野簡率之士其何德以當  
祇深慙愧益以謝私前曾煩徐猶東兄道此意乃敢呈  
壁希照人不以方命爲咎至幸荷多美况承高誼深相  
照之外又百倍于尋常者統俟函謝兩承審冊不遺下  
問此維公虛藉訪善于厚民之雅乃軫憂民若此生敢  
不仰體徧稽詳察博求其是以報而在小東雖艸率已  
具鄙悃而本相違口詢之衆情鄉俗頗得一二故竟以  
兄生管窺然閉戶寡交其所與取詢者或有未當若據  
此邊執以爲是遂用奉復似于虛尊意而負知問也生

楊端潔公文集卷之十

十

三百六十五

豈其敢況同里之人非親卽舊而據戶定口非加卽減  
其減不必喜加則衆怨且致生依隣南隅戶多口少族  
聚不常興衰不一非生過談雅燭照而數計者臺下德  
政所播民心嚮注日在羣聚于堂階下而審稽之其情  
多有不能逃自不敢隱者此中卽當可矣倘此後而生  
別有所聞見自當具啓奉復不敢惰亦不敢慢也原冊  
不敢久留謹此專人贗上幸希照入

與俞黥庵公

都門一話卽成遠別瀕發歸車擬必候而後行不意驢

夫急迫同行反先道竟不如願曾具小柬申意不知到  
否歸途殊用悵悵還家聞榮任上邑相知增喜深以爲  
一方之幸也屢待歸駕到城而賀既又約心齋適巷二  
兄同具薄儀遣小价拜將弟因途次受暑濕成病未嘗  
一日出門廢藥是以禮意如奉吾兄者亦不及舉愧歉  
何如十月間因會心齋兄云得兄柬教且言八月登任  
乃知實音當年冬季及今歲春夏毋與表兄見野道便  
中欲寄書奉候奈征鴻不便寸心莫伸不知兩地故人  
相念會相同否秋初復會見野兄聞新政甚美士民稱

楊端潔公文集卷之十

十

三百六十六

誦相知如弟喜動顏色意者爲官于強仕之年迎養以  
大夫之祿教子以地方之賢筮仕又得民如此無一不  
可以自慰者可賀可賀更願愛民重已爲時循吏四字  
如程子之視官箴服真氏之規則清流之溪可以湛德  
九汀之山可以勒名矣弟承兄愛最深故于候問之東  
申祝贊之私俾他日宦成名立亦得奔走四方領兄終  
教未可期耳千里情懷筆端難盡統惟心照

與俞勝峯公

喬不肖愚蒙乃二十餘年林居俱勝子弟在鄉一切外

務禮節俱廢近因鄉間歲歉疫行間權就郊寓顧時時  
閉門稚子輩素不敢遣入公庭亦無隻字通之上下此  
皆臺下所夙俯亮者近有不相識張方丁與黃姓者訟  
生並不聞何事忽于此月初間承李肖翁老公祖見極  
承教以治承事移時並無一言及他事也別後次日有  
黃姓者來謂生曾爲張方丁有言生自揣平生並無此  
事此其出于世情望影之疑隨處有之而心亦知李老  
公祖公斷亦不必與黃辨也及其後乃舊在庠鄭生者  
來言黃疑指如昨且疑楊儒醫曾爲張方丁者有請既  
楊端潔公文集卷之十

三

言古未刊

又云楊儒醫與張方丁三姓暨黃姓者皆係舊王醫家  
熟識強欲生一言與楊醫爲之和解生已力斥去既而  
力強之生乃爲套語口授稚兒可中具一小帖數字于  
楊醫只欲其以言解之而又欲其不致偏勝凡息兩訟  
此蓋古今勸人解訟常語然語亦止此未嘗有一他說  
也此其天日可表者而且士人居鄉不能絕人逃世所  
持化正鄉俗者惟是也此其於心無媿者忽于二十一  
日早承李老公祖遣皂數輩相繼持票踵至寒門謂召  
稚兒對審生未出亦未問其詳謹以書啓于李老公祖

遂承答書內有稚兒可中與楊醫相通書柬又有票拘  
楊某鄭某黃某三人成招之說未示道臺有保全之意  
遂不拘夫生一見始知之且感且駭竊意字與楊醫自  
生口授稚兒書之非稚兒意也字內不過因楊醫與張  
方丁黃等四姓相好欲其在外言解且言和解之事禮  
有勸人息訟朝廷律令有凡息和解之法法外有公斷  
私和之情與近世鄉約所傳六行解訟爲和睦鄉里太  
端是儒生常談且此字係轉他人言之而非以其身親  
爲之何可以其干犯名之也况此字又出于生勉強權  
楊端潔公文集卷之十

三

言古未刊

解黃姓望影之疑遠謗爲不得已之計乎此其心迹甚  
明天日可鑒者然心迹雖明天日雖鑒因此一字致長  
上行票以連皂擁至在告里居士人之門則亦可謂與  
平生不相相似愚父子深媿負歉不能自容矣昨午又聞  
蒙李老公祖厚誼銷繳原票不究生益心領感激激矣方  
今修省之時何敢再陳第事體所關生與稚兒名義至  
重干居常砥礪者至大千上下遠邇觀聽者至多苟不  
一白是爲自負亦上負數月內李老公祖治誼夫正擬  
議間乃有鄉人與過客有道者共疑以謂此字乃出楊

醫之手呈之李老公祖臺下如果係稚兒親筆其內不  
過勸解之言想我李老公祖清正明煦且昨見答書謂  
凡聽斷只守祖宗成法則凡上人所拘問諸生條款實  
有祖宗成法見于聖祖閣碑學政教條所列者具有可  
稽也常必不如是徑發票連遣皂擁拘如此且曰成招  
也且凡列仕籍者孰非自爲諸生來者及至鄉居愛子  
孫者皆欲其爲諸生可知也凡有鄉曲之情欲其和睦  
有訟必將令子弟和解于外免其徧勝成釁可推也夫  
招之云者罪之也罪之者辱之也生至不肖獨不聞士

楊端潔公文集

卷之十

十四

書

大夫身可殺而不可辱乎其辱之生自信無求人也  
無可咎人也安得隱忍受之惟有平昔所誣養渚勵倘  
身處變故之孤劍在爾安肯多言哉安肯出門戶與在  
上公祖伯立與辨曲直哉竊又擬一時諸公祖皆大人  
長者主治必不令一治士如是也今如是者惟當友求  
諸已或楊醫所呈必非前親筆字其內必有令換干冒  
懇轉之語入之乃上致李老公祖發令嚴肅如是也生  
聞之深信此語爲然是以謹冒昧啓上恭知我翁我李  
老公祖一時其政視生均爲治士均爲道義之好乞煩

我翁鼎言轉聞于李老公祖借出楊醫所呈原字仍勞  
臺下而于公堂令試稚兒筆跡同異則真僞可辨如係  
真字則望賜查惟有和解于外之言而未有干請干上  
之情則其形迹大明可竊附平居賢善俗率人無爭一  
節即乞李老公祖心諒原容不加咎罪于日後幸甚感  
甚如非稚兒親筆則係僞者仍乞賜稽查僞書之人  
正之以法則在李老公祖之德愛垂及于生與稚兒爲  
至厚至渥矣願望願俟然目前之事生嘗謂公祖之于  
士夫橋祖父之子子孫子孫之事祖父惟孝弟而已而  
楊端潔公文集

卷之十

十五

書

生與稚兒實孝弟人也決不肯爲不孝不弟之事私議  
干犯于下祖父之子子孫惟剛不吐柔不茹而已而生  
之素行則至柔可茹而非剛可吐者也惟幸台仁鑒生  
孝弟之誼以成李老公祖剛不吐柔不茹之仁其感激  
爲何如哉此啓誠知冒越總恃李老公祖枉教之厚以  
敢然耳書上後容生數日間即當叩踵百拜以謝也艸  
此直陳心曲不整不文如有僭率惟海涵幸甚榮甚

與姜春宇公

憶自己已之冬江黃幸逢深荷教詔顧念感激在心不

期別來動經歲年其間出處之迹南北之途際異難齊  
遂未得一侍教範兼申謝意言念局嘗懈去而魚鴻鮮  
便又無由少通尺素此情益爲惓切緬惟翁丈以弘材  
美猷昨嶺南屢著佳績乃今開府粵西此上皆大臣展  
布之地而揭甌之期計亦不遠深爲道慶且愜夙願矣  
喬碌碌慵病山林卧滯無能一申涓埃之報干明時良  
爲自媿而亦未能奔走仕道以領教益悉積懷祗增歉  
切言之悵然茲因翔便附此奉候兼志舊者謝意附具  
短楮不盡欲言又未及修儀統惟光煦肩任顯祈

楊端潔公文集卷之六

三十 二五七 奇

與林虹橋公

曩者幸逢台範以綵侍過信得途請教別後奉憶十餘  
年會侍未由乃昨者借節蒞境首承賜枉佳頌且諭以  
白懷王旋定期附仙舟俾再請益乃懸望連旬忽報昇  
駕從永而銘行美令人追趨不前良用爲歉曾具啓煩  
敝郡鄭老公祖奉中候謝計經台炤夫茲遠勞翰札感  
激何如憶往者以稚兒游庠在令先公尊師教席之下  
時瞻光儀日有倚藉忽見辭榮浩歸而日惟道養日隆  
世德臻美用爲心慶永好之期茲奉札示恭知榮登俎

豆于此見潛德之彰徵門下孝思之不匱也生鄙菲識  
心慶之矣茲因便旋勒此奉賀諸容日間前人詳布下  
悃也偶居山鄉未接台使遙聞道政大成皇寵在邇且  
夕召命生當齋沐統賀也惟炤之外小書一通寄方岳  
丘厚山公萬煩轉致台便并望得荅書櫛下尤見至愛  
甚知有煩諸容面謝

楊端潔公文集卷之六

三七

新刻楊端潔公文集卷之十一

男聞中聖踐輯孫德懿

尺牘

與周衛陽公

喬遷適仕籍隨卽山居久憶當世名賢極高門下品式而不得一見自知庸菲蓬茅是宜何能再塵宦旅茲于問署冒分而出所謂不顧萬戶祇顧一識則此出者實天意欲俾請教數時然也顧總計會侍于滁凡一百餘日而奉陪清叙于醉豐諸勝者僅數日卽以家制杜署楊端潔公文集卷之十一

十

三十三節

乞假俟命者凡九十餘日可謂萍踪幸值而分緣淺薄如此顧自聞家訊便欲求歸荷我翁丈時時教誨坐之于春風和氣而搗心體証時學稽考人情事宜有平素所蓄疑輒以請益而顧粗心浮氣當其時加之愴神苦惊意志不寧眩暈健忘語次弗倫記憶弗精殊未似平居舊態實有可厭者存悉荷虛容商確稽攷藹然浹洽若出一心深惟盍簪投契自昔所難而生何以得之于門下也乃因有內顧之念徑欲投牒而行類勞畱神潛裁爲我酌去就之宜審進退之正此情尤仕路所稀覯

者爲是數月寸艸之賜得以少定免致沉疴暨得晉補順境而旋不露徑遽拂衣形迹于平生缺畝不忘茲出補報之意均爲不失皆台賜也聞報次日匆匆過發積有萬千請益詳叙之衷尚未一罄獨于郊亭袂不能分舟輿南指別思盈盈曾于道次屢啓候謝殊不足以盡所私歸來動情于室內寂寥弱息失依憂抱難釋卧疴伏枕者四旬強起得聞召命榮拜快此心曲愜此素期而以廟堂之仰重蒼黎之屬望卜之卽當入秉中樞實爲本分于時當然矣生自旋鄉日擬覓翔寄啓久未得楊端潔公文集卷之十一

十

三十三節

便孟冬望後接翰教厚賜將之重以部劄下頒捧領感激兼聞尊節入都在臘月之間慶爲何如承念誠知拔連推讓之雅是乃長者懇切至愛顧一至鄉山得襄往者實台庇所及卽欲勉稱再出真揣鄙劣如昨而向衰益病難以成行總在門下推素心舊好以曲成之不以負明時耳僻處見咎尤爲榮遇歲前卽當走疏請乞實以家務叢積病卧不能爲一字又乏僮可以馳驅謹俟明春正月乃能專誠上祈闕下也茲因伴還淙肅此奉候并叙衷曲未能修儀統惟炤亮

與許敬菴公

奉達三度寒燠時時向關雲轡增懷憶邇者滁陽幸得一晤台範匆匆而別祇期得假便趨大庭奉候既而聞繁節南指途次可遂樞承也乃徑不相遇及至貴鄉知台履赴番都計其期適在江之南北間分途不值令人悵念何如鄙心爲家制所困荷恩晉移旋里抵舍日室內凄然因之感病遂入深山承衛陽公遠遣役捧節獨至得其翰示知問署仰勞俯視事審然則以德雅鎮清省又在舊日經過之地其于牧政當大有裨而喬楊端潔公文集卷之十一

與趙卓菴公

夙仰道範于十五年前浙游之日而瞻聞臺端風采續

談爲年亦深願生自蚤歲遠引山棲甚久識侍未由惟存懷情懿好一念爲耿切爾舊歲躬遇聖時召自田野畀以留閭屢疏求假未允今春仲勉支入滁厘月理牧事隨因家羈卧病再疏請歸杜署俟命者凡四月總計在滁爲時非多而以儲怠曠負職事者實最至秋仲荷恩晉移重司舊衙南旋此曹閑局而最清裕無所事事自昔稱仙曹獨鄙人冒分而出強情而處甚謂不解思得名賢君子借蒞其間庶于鄙短可護秋季始得門下衆命之報誠知碩望隆資當入理絲綸居鼎握之時而楊端潔公文集卷之十一

與徐孺東兄

前者吳虹溪大行後數日始得所惠史太醫來書又寸



數日得寄除後書皆至展誦知吾丈相念至厚而前小  
啓所謂不相知者于此頗驗第今幸脫手矣當置此事  
于度外乃初承翰札復勞台使手教猶惓惓如此令人  
益見今時知己之不可得也茲不敢多言畧微言之以  
見當置此于度外之意如何如何益前所論在廟  
堂無疎外與無阻簡問之者則誠然矣第劣處與否此  
在銓曹自有定議祇緣弟病態家制再疏求歸而廟堂  
一二大老不知其爲此爲乃入自南都至京一二公之  
說以謂處非其所宜乎其去始詢之先後王銓君乃爲

楊端潔公文集卷之十一

五

三百四十四

道其始補巔末來書具在乃若吾輩轂推井汲自是懿  
好天性吾丈實未嘗認以爲功而昨來如此見處亦未  
可以爲功者弟本以無求自重不出自足爲意亦何嘗  
因此始不出而況行止使厄非人所爲亦安肯以此咎  
人皆朗然易明者又何疑也在弟視此只以爲一場春  
夢今覺覺矣猶以此爲說是夢中說夢也夢且不可向  
人解說而猶復自爲夢豈頗識夢覺關者所爲乎可哂  
可哂郡志事第方得遂入山歸來四十日病未起枕且  
三喪未舉傷目愁態安得從事筆硯較量人物長短乎

且其採之盈帙孰從而爲之權衡乎幸孫公祖初志借  
重門下爲甚切特因生歸欲佐聞見一二耳兄既不至  
而弟病勢如此想廣翁仁人君子當爲我惻然不強也  
業欲以七邑人物之賢才者酌舉其尤數人以復尊委  
願兄亦舉其尤以報庶見同心之言兄乃悉不事而以  
序爲言至于序成則易矣且有所託矣何必吾輩云哉  
家刻足雷不朽具見孝慈先此道諸不旣

啓孫質菴公

生形跡甚疎曠于門下而心則刻刻仰注數日當端作  
楊端潔公文集卷之十一

六

三百五十三

候于臺外恭聞台祉迺吉卽靜攝中而公政咸理深用  
慶快前所啓一陽將動風氣寒燠不常難于調節矧榮  
擢在邇亦諸公祖行部之期當必動勞會須養和全勝  
乃可出也願望願望生此歸意必理家務便當請教其  
如病勢侵尋日惟閉戶雖一步牽滯纔動念眩暈不支  
爲此尙睽禮于門下卽出處亦難計也舊嘗目擊有幽  
抑者擬爲仁人君子一談卽未敢謂其行否以見惻隱  
良心在爾顧此時行色皆冗無暇及矣郡乘事時正當  
脩利見大人之日承委生卽陋劣不文謹當以平風公



是非者奉應連口將舊所開小稿騰上而病態昏疾未能第官師志生稽查甚的然亦易廢特卿先達日稽得數公頗爲簡當顧人數少方欲再考補足奉聞今昔邑暨庠所書不無紛紛或亦多濫之故又聞皆近三十年後人物前此厘數顯位者耳三十年前賢者多遺且一登書冊人人自以爲當得稍從去貶貶者未必德而去者必生嫌蓋近鄉賢冒濫不理衆口凡孝慈者人人欲得列祖父子組豆今特爲之地耳此而一去寧無嫌乎是以數時擬議紛紜益由人心不古公道久微故也當楊端潔公文集卷之十一 七 三十九卷

與邵梅墩公  
奉違治教八易歲華瞻仰之私動深寤寐前此以南北時異後此以江浙地分遂未得一動樞承請益數載間僅肅附書上候隨荷翰論下頒益增感激願所附勿勿而感情種種誠擬便得嗣中緣山棲野處數市帑跡魚鴻鮮值遂至寥曠未如此心歉咎莫鮮茲者生以鄙劣之質弱朽之材蚤自引去計將甘輟不能復效勞班列者其素明也而加以慮病侵尋尤所不堪祇擬仕籍諸明公必以爲然俾之安因荒達十分足矣舊夏忽荷召楊端潔公文集卷之十一 八 三十九卷

于明春懇陳必得休假命乃止自此疎跡承侍未知何由殊爲耿耿適在山鄉驟聞馬式菴丈鼎啓以候申此權道惓惓行者甚速不能詳悉統惟光昭原亮

與劉省吾大尹

生本不文承委志叙甚規無能爲役爲之又恐貽大雅之累也數日逡巡未上茲承命再及謹此專申內多燕語冗意文理不爽弗初創事宜前錄者不盡後來或不聞始議是以許之不覺冗長幸門下宗工當任且在愛厚必有以教之如其可惟裁治改正而後用如不可卽楊端潔公文集卷之十一 九 三百三十九第

與宋桐江公

奉違歲久邇承台鎮江鄉以樞謁言則子民常分以請益言則布素真悃而兄往者聚晤時粗心浮氣疎節簡度諸所緒態敬擬于此時一詳叙之乃昨歲駐節以却

之不早僅啟候隨荷賜存下及感激何如隨即肅言申謝計上經崇紹矣舊春第以孟浪而出抵滁卽再疏乞假未允夏間以糟糠捐帷家計寂寥忽蒙廟堂俯念以此移舊衙俾順道過里以襄情事孟各叨從步還舍適爲寒疴苦枵伏枕三月有餘至今尚寓鄉園茲微具疏再三乞休闕下數日內將端作北上仰計聖世諸濟盈列必容賤士安分樗野其得允俞也必矣緣此焉棲夜聞台駕撫卹卽當郊迓乃因前旆俱未能一致款甚媿甚恭此上候少布衷曲附之薄儀用申一念緇好惟冀楊端潔公文集卷之十一 十 三百三十九第

與鄭鏤耕兄

昨將專走候于郊西濟墅乃奉翰示知淨養未出如數日內可晤當敬趨也如稍遲生有事山間必俟閏望後乃暇也謹此再啓幸惟台示承教以榮恬之意計此時諸公持節視諷者會有袁魏兩公予告美甚不可再再則疑矣幸惟星駕早發爲望深知門下恬愉之性不在

軒冕爲崇第仕進報禮皆須乘時稍違時及年華向遲則心志日力有所不逮無論職業何如卽同進並肩者皆少而新茂英俊諸君濟藹盈班若一語言步履間亦有不妥者是以趁時而又當趁人其說如此此其體段蓋生親蹈之是以欲勸門下早出勿若生之衰邁欲進未可欲退未能躊躇難定可也昨者小价歸自京華旋荷廟堂垂念尙存顧盼弟山僕老我于躊躇難定自定之久矣茲敬附及并以爲愛雅之謝諸容面時詳悉于長日間也且不贅舊秋六七月長江風波異常舟行甚楊端潔公文集卷之十一

士

與許敬菴公

昨者滁陽一別匆匆舊冬從客游雍者入南中曾肅啓附候計經台炤矣小伴至夏抵都門隨得上疏蒙聖朝羣公推愛之力得以覆允令檣櫟得遂林野之宜樵牧終老牛馬之羣其所叨恩于明時而藉庇于羣公者大矣第會晤未由良用依依仰知特召大拜在弘德上材爲輿望所同想綸命非前月卽此時矣日擬俯鎮江鄉得遂頌教之緣想人顧天從遠祝太伯老先生壽祺諸

公子翩翩濟濟實生之至望便中可能許示以快相念否茲舍親舊執經王生者就試之便附此奉候冗途不盡欲言統惟炤亮

與陳心谷公

喬自束髮從計偕時景宗文教及側仕籍未久隨以賤荷株卧林園者二十餘年踪跡未入城市鮮通交承而所得于一二知愛者頗以我翁粹德遠範清蘊直道所以名世而維教者爲生誦之且欲生勉步台躅而納交門下此其誼甚慤而其情甚懇也顧生鄙劣不堪又分楊端潔公文集卷之十一

士

緣淺薄是以至今尚勤嚮往動存寤寐焉耳前歲荷聖明軫念江國首煩節鎮適因祗役留問匆匆問遠勞賜存曾于行次數言奉謝日者推輿至誼兼寓夙仰寄使不敢他叙殊覺荒率不恪未知曾上經台覽否自及滁陽卽再疏乞假舊秋蒙移舊衙便歸脾疴大發伏卧遠山亟欲修候竟未敢以寒溫燕語上煩臺端獨有此情瞻沐德政藉被風教置全省于安養生全之中慶愜何如且屢聞大疏入告其爲宗社長久生民保釐計者諄諄惓惓士民孰不咸頌况喬在治部內者平茲以賤疴

侵尋未能奔走三假始蒙聖明俞允得逐初服今羸困未適抱甕野處恭聞尊節俯臨亟當前驅早參爲分義所宜實以前情未能敬齋沐專伴代表耿切統惟炤亮

與房心宇公

瞻惟駐節而來德政風猷勤宣弘著其有裨于國謨吏紀民瘼者誠深大哉此其實民需之矣喬知仰倍深顧爲農田野本由一出都會爲諸君子誦述之然大政過而愈彰清議久而自定惟我翁臺下以民之信而自信之可也生不敢謾而爲此啓者惟願弘猷益展幸甚生

楊端潔公文集卷之十一

士

與張洪陽公

昨冬野寺一話殊快我思別後兩接翰教而一寄堪輿書其人率爾便行未得附復卽令親視戎事于鉛城生以卿居亦未由一見均爲歉甚遠聞太母老夫人壽祉倍進門下綵侍色懽爲樂此之謂三公不易而萬鍾不敵者也惟我翁丈之志實遂而况德望素在帝心宗仰傾服輿情卽此退爲道愈先行且宣麻大拜在旦夕間

平惟加食自愛以需之耳生本久痾庸材素無可表見亦無能馳驅于世自知甚明出處之際當以自遂爲分

自重爲宜其間行止有不敢以語諸人者惟門下知之信之是乃二人同心其利斷金者也卽此爲情仰服如何春間走疏入都夏季得允俞之命昔人謂求進難若生則謂求退難前人謂進退惟谷殊覺未然生嘗誦舊句云纔道欲歸歸便得五湖烟景有誰爭竊謂其知言茲寓山鄉適因人便入省附此代候匆率不盡欲言外附圖刻請教或有意見相左以其心同卽是其足非同

楊端潔公文集卷之十一

士

卷之十一

與鄧定宇公

奉別六年相念時時舊歲因便通候承翰荅勉以出後另圖歸計殊見同心舊春三月間抵滁便覺久在山鄉養成慵癖不特材猷不敷裕意見不員融未可應世而衣冠言動率吾林野常態且今禮數與生筮仕日頓異似非山人所能爲也又飲食以脾恙難諧微逐之懽是以與衆相違非直懶朝好散已也乃卽疏求歸續以出門之後內婦捐世弱息失依家計零落日罄乞未允既

而秋間晉之舊衙便道南旋至春來仍告夏初始荷願  
望俞允得遂初志慶慨何如以若所爲他人必不許我  
而在我翁吏道義真知當必有諒我體我干形迹之外  
而謂其宜然者也啓具未上懸企加耿乃勞令長公先  
生赴禮關之便傳之翰教得廊廟江湖皆有事之語適  
快我思深夫謝謝若數年者門下堅志侍養輿情知信  
之毫塵不染一實自修輿情知信之然或因道大不容  
行方不琢實勝不炫爲不知嚮往者未之知信顧真足  
服人誠可動物于今十二年內知信者愈衆未之知信

楊端潔公文集卷之十一

五

三

者皆將自悔其初而敬從于今夫我翁吏執此可以自  
徵其養之是矣而生所望者則不啻此惟願千仞高岡  
中立百尺竿頭直上默成德行以爲吾道重焉是所願  
也且聞數年來羣望召起今當路特起以輔聖明以答  
輿情而彰以人事上之義此其時大分有不可辭者來  
教謂六月會上辭疏此必不允萬須尋駕一行以副上  
下之知卽以太母老夫人緣養爲情須于至都日而食  
諸公間再請另圖進止可也第知道里之費交際之煩  
有非清貧如丈所能處者然亦當以出處去就爲大此

其細節可以不必者也如果若鄙言則從陸行奉陽爲  
便如或取道敝境生當謹避之江潯一叙心曲種種有  
言不旣因便附上用道倦想幸惟亮之

與樊友軒公

生自得允假卽當遠入山而以台駕北上恭候拜將江  
關昨聞隆績以疏代上吾民有慶生連日宣宣心懌聖  
人云三年有成蓋指操大權得專政者言之茲借台理  
特一郡明弼之事耳凡所以清吏紀正士習善民俗者  
惟公惟正有益民功實爲遠猷至矣至矣夫顧時勢有不  
楊端潔公文集卷之十一

六

三

能盡如台意此則良工獨苦之心而在郡內實爲鄙心  
所獨知而深仰者也然亦難言之矣生愚鈍且鄙野無  
所知識亦不能俛仰世好諸與賢羣而獨荷知愛爲最  
深此又私心獨感亦以受知愛或亦不能不動旁觀者  
擬其爲獨厚此則鄙生所以屢有請益于心祈澤于民  
而不敢違者此也顧君子之交淡而實親久而愈敬乃  
爲至交幸有以教之前啟李生小柬在臺下真所謂三  
代直道而行之道生心敬體而乃有率陳者蓋有說也  
卽荷台諭復得邑主所傳深知法異之語戒勉兼修實

欲化李生之頑而納之于善甚至德也即李生聞之亦知省悟當亟改易前譴而歸于維新邑王因之併性情皆釋然于生而生與李爲親交自此得領尊示理當表正之語曰可見之行焉此之謂仁人之言其惠溥哉只今彼此釋然計李生愧服感化矣附此先謝其詳容當再叙之也生素不敢縷啓而此虔懇懇如此惟台仁紹之形跡外幸甚感甚榮績秋間有台從入都幸屬之舍親王信南丈生前有書語之爲京華掃塵今其事實折校之易亦其分當爲也又啓

楊端潔公文集卷之十一

十七

與舒繼峯公

承論浩然解組之意深領至誼蓋恬雅本我翁丈素志而得時行道實明良在上遭際之隆初非我翁丈有意于其間也昨歲爲不相知者有他梗在諸君子間則以聖明方虛銓衡之席而爲欲此者所撓乃遂致明農顧此席尚虛聖明賢輔眷望甚切今德重雖隱爲道愈光輿情益歸日者即有召環之命入居台鼎秉權衡理所必然者在翁丈雖無意而一時上下同心安得有辭又安得容避也幸當留神內養嘉意真修俾精神完固志

意純定庶它日經綸表裏得伸也遠地殊爲願望未知何日聚首詳論承頒新註此經舊嘗考校茲捧誦再定如所註第二條以五行生萬物數言及末條天法道數言辭甚妙可謂先得我心同然者權此爲謝

與舒司寇書

不肖自早歲入仕便屢求歸一以恙一以杜門假日力爲討究計而其志則在于日求可見之行不得見即當以聖門邈世無悶不見是而無悶終身焉以圖顧以二十年山居歲病輒祭月無數日清適今年來藉教庇此楊端潔公文集卷之十一

十八

與孫質菴公

夏間小坪上疏自都旋慶問我翁佳績清譽溢于朝堂知即鼎召以少美缺有待竊意名賢外補需次日久豈有二十餘年甲第尚勞兩覲者乎于此益見大君子秉正堅守清貞之節而深鄙平時時隊進速化者然而資

望有在理所當得人亦有不得而厄者生叨治教真薦  
一以見長者道行爲快一以瞻戀扳留爲情是以未卽  
入山林深密杜跡却事獨處默坐爲終焉之計恭候榮  
發顯當江關一申拜將兼洗心請教爲我指南也方仰  
間忽荷寵賜下臨適野處未得修謝爲歉且承詢及選  
地益領心愛願敝鄉瘠信堪興好爲儻來襲取之圖真  
薄俗也生素拒堪輿說諸凡實不敢苟亦不敢與物忤  
惟隨分順時而處是以尙未有定前者則以不安止矣  
權此附塵清暇叙語實鄙心願聆至誨以開茅塞緣生  
楊端潔公文集卷之十一

十九

三

抱疴遠嫌未能時造然而平生久要吳信道里不遠卽  
別後尙當爲續晤之約所謂求淨地理蒲團相對登神  
相叙印證實有雅期盟之我心有不棄者是以于謝啓  
權復幸惟原諒萬不敢賜枉以重取失迓之咎尤見心  
愛也臨楮顙祈

與陳心谷公

曩歲聞台範龍潛于姚江之上也時有德風來我山林  
蓬衡生彩邇蒙治教初擬一修治部之謁兼遂儀封素  
願顧昨遠游隨仍株卧未入城市滯泥爲梗今幸駐節

未得走侍乃迭承翰教先施愧茲隆誼令人感激而茅  
塞方寸亟欲求開明于大君子之庭緣前情未能前申  
啓謝時則聞榮代至邇連日詢之郵傳則知端在秋季  
仰望益深屢欲將尺牘表意不敢以寒溫無益之楮上  
煩從者是以未具而台節俯駐數月生姓名不通誠意  
不達似爲有負平生無一可者爲此乃若趨承領益實  
爲下惘然以山林癖習麋鹿粗態向學無能爲農自給  
獲處是宜出門則難以故尙遠樞謁仰惟海內興望宗  
社生民共俟待于砥柱潤澤者甚渥茲行想席未暇爰  
楊端潔公文集卷之十一

二十

三

與吳景山公

江閩介省建信接鄰昔人所稱隔山鄉人而里僅二百  
之遙音問亦可以二三日間反復此其爲地之至邇明  
已生曾于三十年前瞻聞斗範思欲待晤未緣壬申之  
春漫游武夷思欲領教而阻于歸速自此以卧病林居  
未出門戶計二十餘年并魚鴻且杳初非敢以懿好之



念有所後也實以羸態備情一切世路禮務俱槩疎簡  
曩歲覽易詮高著于友朋間受益為深欲具書品伴敬  
求副冊乃逗遛未果及得之于諸公間時一展誦有如  
對面非獨神交者也側聞隆養雅抱恬然出處昨歲聖  
明綸召善類生色及觀邸報知以著述再訓恬愉守道  
為重爵祿為輕恭際熙朝嘉錫殊典此所謂道與時合  
時與人合者也生即鄙劣益加敬慕生方以二十餘年  
在假蒙恩普補舊秩隨以家困舊病大發屢疏求旋春  
間始蒙允俞得遂初意慶慨何如特以坐違明世未能  
楊端溪公文集卷之十一

## 與吳景山公

承賜佳刻種種皆道腴之味飫我真東大雅之章啟我  
逸思豈獨受益且永識之感荷曷既何日得淨地促席  
傾耳一叙之也令人耿耿久聞高著大學古本學庸大

旨論格物說性說氣說諸書屢欲拜求一冊未  
便茲竊有請焉人便倘肯頒下此即教誨之承而百朋  
之賜者也小刻三種奉上求教誠知蕪語妄僭不自揣  
量所致然亦坐井觀天虫鳴龍穴鄙小常態惟大觀廣  
收容之原之耳即如古之講學今成爭論紛紛求勝辨  
言無已為世大病前有一儒者言各出所見不必皆同  
不必皆是而又何必于兩辨而同歸于各得其是所謂  
然而識之濟而泳之者是也生至陋敢于初筮之始輒  
請正如不亦重其僭率乎惟恃至德倘有異同統祈  
楊端溪公文集卷之十一

書誨如不可  
以容與置之曷勝幸甚萬千欲言不  
盡其一臨楮懇切

